



*31. K. 30.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

*31. K. 30



ACTA
ERUDITORUM
ANNO
M DCC V
publicata.

*Cum S. Cæsareæ & Regiæ Poloniæ Ma-
jestatum Privilegiis.*

LIPSIAE.

Prostant apud JOH. GROSSII Hæredes,
&
FRID. GROSCHUF.

Typis CHRISTIANI GOEZI.
A. M DCC V.



A C T A ERUDITORUM,

publicata Lipsiæ

Calendis Januarii, Anno MDCCV.

TOT EN ΑΓΙΟΙΣ ΠΑΤΡΟΣ ΗΜΩΝ ΚΥΡΙΑΛΟΤ ΙΕΡΟΣΟΛΑΤΜΩΝ
Ἀρχιεπισκοπῇ τὰ Σωζόμενα.

*SANCTI PATRIS NOSTRI CYRILLI HIEROSOLY-
morum Archiep. Opera, quæ supersunt, omnia. Quorum qua-
dam nunc primum ex Codd. MSS. edidit, reliqua cum Codd.
MSS. contulit, plurimis in locis emendavit, notisque
illustravit THO. MILLES, S. T. B. ex*

Æde Christi.

Oxoniz, e Theatro Sheldoniano, 1703. in fol.

Constant Alphab. 4 cum dimid.

IN Cyrillum Hierosolymitanum, ejusque opera edenda atque exornanda, jam olim plures industriam sat accuratam impenderunt, & *Catecheses* imprimis ejus emendate sistendas sibi elegerunt. Præterquam enim, quod easdem Viennæ anno 1560 editas fuisse, Catalogus Græcorum codicum Bibliothecæ Augustanæ memorat, circa idem fere tempus *Jacobus* quidam *Uchanski*, Archi-Episcopus Gnesnensis, Regniq[ue] Poloniæ Primas, *Catecheson* ex Macedonia nactus exemplar, Slavorum idiomate conscriptum, eas in linguam Polonicam transfudit. Paulo vero post *Johannes Grodecius*, Decanus Glogoviensis, ex Græco codice, quem cum eo communicaverat Cardinalis Hofius, omnes *Catecheses* tam illuminatorum, quam mystagogicas, in Latinum sermonem vertit, & A. 1564 ex typographeo Christophori Plantini Antverpiæ edidit, præmissa de Cyrilli vita & scriptis Dissertatiuncula. Eodem anno *Guilielmus Morellius*, Caroli IX Galliarum Regis typographus, quasdam illuminatorum *Catecheses*, ut-

A

pote

pote quartam, sextam, octavam, nonam, decimam, undecimam & decimam octavam, una cum quinque mystagogicis, Parisiis Græce edidit. Ex isto tempore doctorum virorum hac in parte industria paululum conquievit, usque dum *Johannes Prevotius* A. 1609 eandem Parisiis in lucem publicam emisit, maximum inde doctorum & bonorum omnium applausum consecutus. Ope namque codicum MStorum notæ præstantissimæ, quos Bibliotheca Vaticana ei suppeditavit, non solum Catechesæon a Morellio editarum lacunas supplevit, mendasque, correxit, verum etiam alias nunquam forte antehac Græce vulgatas typis submisit, interpretationem Grodecki plurimis in locis emaculavit, & Cyrilli demum *ad Constantium epistolam* mantissæ loco sub finem adjecit. Quæ hanc secuta sunt A. 1631 & 1640 duæ Catechesæon editiones Parisienses, Prevotii editionem pene ad amissim referunt. *Orationem de Domini cursu, deque Simeone, qui Deum suscepit*, primus Græce & Latine edidit *Laurentius Sifanus*, Coloniae A. 1568, una cura Orationibus Chrysostomi, Gregorii Nysseni, Timothei Presbyteri Hierosolymitani & Amphilocheii in idem festum, quod occursum istum respicit. Tum vero *Pontanus* eam nova editione donavit, & postea *Fronto Duceus* hac oratione, & aliis quantivis pretii antiquorum scriptis, Bibliothecam Patrum adauxit. Omnium autem novissime *Combesissus*, pluribus codicibus MStis instructus, eam adeo emendatam, suisque notulis locupletatam, in novo Auctario edidit, ut propemodum nil quicquam aliorum curæ aut industriæ reliquisset videatur. *Historiam Ecclesiasticam & Mystagogicam* primus & solus vulgavit *Fronto Duceus*, *Epistolam autem ad Augustinum* inter opera tum Hieronymi, tum Augustini, reperire facile licet.

Ut ut vero singula hæc probe cognita perspectaque habuerit, ex cujus fide eadem hætenus retulimus, celeberrimus *Thomas Milles*, non deesse tamen sibi ansam, accuratorem adhuc editionem evulgandi ratus est, ac præsentem idcirco adornavit, quæ nitore panter ac diligentia, qua exornata est, antecedentibus omnibus palmam reddere dubiam omnino poterit. In ejus præfatione Cyrilli vitam ante reliqua breviter recenset, quam & hic delineatam ex ipsius relatione exhibere, dividiæ haud fuerit. Videlicet quibus parentibus, quoque anno natus fuerit Cyrillus, incompertum reliquisset ait *Historia Ecclesiasticæ*:

MENSIS JANUARIi A. MDCCV.

Scriptores; de patria vero ejus licet altum ubique pariter silentium sit, e Palæstina tamen, atque ipsis forsân Hierosolymis, ortum fuisse, vero simillimum judicat. Macarium, Maximumque ipsius in Episcopatu Hierosolymitano antecessores facit, quorum ille Diaconum, iste vero Presbyterum eum constituerit. Catechistæ etiam munus postremis maxime temporibus in Ecclesia Hierosolymitana eum exercuisse, & singulis fere diebus, per totum Quadragesimæ intervallum, præcipua fidei capita catechumenis, ad festum Paschatos baptizandis, luculenter exposuisse refert. Mortuo Maximo, vel ut aliqui referant, in exilium pulso, in sedem Hierosolymitanam Cyrillum successisse dicit, favore & auxilio Acacii Cæsareæ, & Patrophili Scythopoleos Episcoporum, qui Ariarum sectæ faverint, præcipue adjutum, hac quidem cum conditione, ut repudiato Presbyteratus honore, quo ornatus a Maximo fuerat, Diaconi loco & gradu aliquantisper in Ecclesia contentus viveret; id quod Hieronymum affirmare notat Noster, qui tamen ei hac in parte adhipulari minus sustinet, quandoquidem Patres secundæ Synodi generalis Constantinopolitanæ, in Epistola ad Damasum, Cyrillum rite & canonice ab Episcopis provinciæ ordinatum declarent, & ab Ariarum factione adeo abhorruisse testentur, ut plurima, dum fidem orthodoxam tueretur, mala variis in locis ab iis perpeffus fuerit. Interim cum Acacio amicissime eum vixisse, non negat. Ast rebus Ecclesiæ Hierosolymitanæ per duos tresve annos summa cum laude curatis, lis ipsi gravissima cum eodem de jure metropolitico Ecclesiæ Cæsariensis intercessit, Cyrillo Primatum provinciæ Palæstinæ Ecclesiæ Hierosolymitanæ vindicare satagente, quippe quam omnium Ecclesiarum Matrem a Christo ipso institutam, ab Apostolis fundatam, ab omnibus omnium temporum Christianis maximo honore semper habitam fuisse, jactitabat. Ex hac Acacium inter & Cyrillum simultate, dissidii semina late per Ecclesiam Orientalem sparsa fuere, dum Episcopi, qui idem cum Arianis sentiebant, se Acacio junxerunt saniozem vero fidem proficentes a Cyrilli steterè partibus. Verum Acacius Cyrillum, æquale jus sibi suæque Ecclesiæ vindicantem, diutius ferre haud valens, congregatis Palæstinæ Episcopis, eum ab Episcopatu deposuit, multisque criminum objectionibus ab adversariis oneratum urbe expulit.

Hierosolymis ergo Cyrillus profugus Antiochiam pervenit, & cum hanc Ecclesiam Episcopo orbatam invenisset, Tarsum ire perrexit, ibique cum Silvano Episcopo diutius commoratus est. Acacius, ut primum de ejus adventu ibidem facto inaudivit, literis ad Silvanum missis, eum certiozem fecit, Cyrillum de sede Episcoporum suffragio dejectum, ab Ecclesiastico ministerio, simul & a communione arcendum esse. Silvanus autem, quia videbat, populo placere, quas Cyrillus habebat, conciones, Acacii monitis obtemperare noluit. Tum demum fremere Acacius, & Cyrillum, ut coram Episcopis Palæstinæ compareret, per biennii spacium indefinenter citare. Hisce minis territus Cyrillus, appellationis libello ad Episcopos misso, ad majus judicium, nempe Imperatoris Constantii, provocavit. Hinc Synodus Episcoporum Orientalium circiter CLX Seleuciæ in Isauria congregata est, A. C. 359, in qua in duas partes Episcopi se divisere, stantibus hinc Acacio Cæsariensi, Georgio Alexandrino, Uranio Tyrio, Eudoxio Antiocheno, una cum triginta aliis; inde vero Georgio Laodiceno, Eleusio Cyziceno, Sophronio Pompejopolitano, & Cyrillo Hierosolymitano, quos longe major pars Episcoporum secuta est. Duabus hisce factionibus acriter inter se concertantibus, Leonas, Synodi Præfectus ab Imperatore missus, cum Episcopos inter se convenire haud posse perspiceret, Concilium dimisit, ita tamen, ut Episcopis liceret in Ecclesia convenire, deque suis controversiis tractare. Convenientibus ergo Episcopis Cyrillo faventibus, Acacium hi cum suis accersivere, ut tam de Cyrilli, quam aliorum etiam Episcoporum causis judicaretur. Illi vero, sæpius licet citati, venire recusantes, a cæteris abdicati fuere. Quibus peractis, Synodoque iterum dimissa, decem Legatos ex suis Constantinopolim miserunt, qui Imperatorem de omnibus rebus certiozem facerent; Acacius vero se celeriter e Seleucia prorapiens, Constantinopolin prius venit, auresque Imperatoris præoccupavit, qui & alioqui in Acacium propensior ejus hortatu conciliabulum Constantinopolitanum indixit, convocatis ex Paphlagonia circiter L Episcopis, qui Cyrillum una cum Silvano Tarsensi aliisque pluribus deposuerunt. Cyrillus autem ab Hierosolymis relegatus, exul usque ad mortem Constantii Imperatoris permanens, cui cum Julianus circa finem anni

361 succederet, Episcoposque, dira Arianorum persecutione fugatos & exules, ad sedes suas revocaret, Cyrillum quoque Hierosolymas rediisse, & Episcopalem dignitatem capessivisse, vero Noster simile existimat, atque una sequentibus Juliani temporibus nihil adeo memoratu dignum de Cyrillo occurrere, fatetur. De iis quoque rebus, quas Cyrillus sub imperio Valentis gesserit, Ecclesiae Annales filere observat, quamvis incredibile existimet, eum ab Arianis, qui tunc omnia loca compleverint, admodum gravia fuisse perpesum. Sub Theodosio autem inconcussus omnino Episcopatum illum tenuisse autumat, & tertio Theodosii anno, qui Christi fuit 381, Synodi quartae earum, quas vocant oecumenicas, Constantinopoli congregatae, Patres Cyrillum pro rite & legitime ordinato declarasse narrat. Post hoc Concilium, quinque circiter annis superstitus Cyrillus fuit; nam die Martii decimo octavo A. 386, si Graecorum Menaeo fides adhibenda, grandaeus jam curisque confectus, placide obdormivit.

Hæc postquam de vita Cyrilli Noster in præfatione retulit, ad scripta ejus recensenda pergit, & eorum plura olim extitisse, quam quorum vel fragmenta ad nos pervenerint, haud dubitat. Cum enim diutius Ecclesiae Hierosolymitanæ præfuerit, plurimasque ad populum habuerit conciones, vix ambigendum venire statuit, quin pro more istius seculi, Auditores eas calamo exceptas in vulgus dederint. Sed harum concionum temporis injuria memoriam quoque intercidisse, dolet. Quod autem Anastasius Nicænus (quem verius Senaitam dici posse censet,) Commentariorum Cyrilli in Marcum, & Epistolæ ad Olympium Monachum meminerit, id ex eo contigisse arbitratur, quod Cyrillum Alexandrinum a Cyrillo Hierosolymitano non satis caute discriminaverit. Scripta igitur Cyrilli hodie extantia, & solertissima Nostri cura nitidiore, quam antehac unquam, vultu edita, hæc sunt: *Catechetica Lectiones XXIII*, quarum XVIII Quadragesimæ tempore ad competentes, sive eos, qui ut baptizarentur petebant, habitæ præclarum continent totius doctrinæ Christianæ compendium. Quamvis autem Catecheses istæ suum satis autorem prodant, & primæ Ecclesiae simplicitatem orationis contextu pulchre referant, non defuisse tamen, nec desse adhuc, ostendit, qui eas non modo Cyrillo abjudicent, verum

sequioris etiam ætatis fortum esse asserant; inter quos agmen ducere Rivetum ut animadvertit, sic ejus potissimum argumentis satisfacere, & Cyrillo istas vindicare studet. Catecheses sequitur *Epistola*, quam statim, ac Episcopatum Cyrillus adeptus est, *ad Constantium* scripsit, de signo crucis, & lumine denso valde & coruscante, quod Hierosolymis die Pentecostes A. 353 quamplurimis videntibus apparuerit. Apparitionis hujus Epistolæque Cyrilli de eadem scriptæ, cum non solum Theophanes & Michael Glycas, verumetiam Sozomenus meminerit, satis mirari Autor vix potest, quid Rivetum impulerit, ut eam aut non a Cyrillo, aut Cyrillo Ariano scriptam, tam audacter asseruerit. Epistolam ad Constantium excipit *fragmentum Homilie in Paralyticum ad Beibes de piscinam sanatum*, quod nunc primum in lucem ex codice manuscripto Bibliothecæ Bodlejanæ Noster edit, eamque Cyrilli opus genuinum esse nullus dubitat; quippe cum stylus ejus conveniat cum Cyrilli stylo, & quod in Catechesibus fieri solet, orationis continuas frequentia S. Scripturæ citatione sit intercisa, & quasi tessellis quibusdam pulchre variegata. Comparet hinc *Oratio de occurso Domini*, quam inter opera, quæ Cyrillo nostro falso tribuantur, reponere notat eruditissimum D. Cave. At licet modum quidem loquendi laxiorem esse in hac oratione, quam in Catechesibus, & impetu quodam verborum flum decurrere (id quod Cyrillo alias familiare haud sit) fateatur, plurimos tamen viros doctissimos eam Cyrillo tribuere superaddit, quibus etiam tot codices manuscripti suffragantur. Proxime accedit *Historia Ecclesiastica & Mystagogica*, quam Cyrilli nomine prænotatam in codice manuscripto Bibliothecæ Bodlejanæ Editor noster invenit; tractatum vero illum, longo post Cyrilli tempora intervallo, autorem nactum fuisse dicit Germanum quendam ejus nominis secundum, Patriarcham Constantinopolitanum, qui circa annum 1236 sedem occupasse perhibetur. Postremo denique loco *Epistola* comparet *ad Augustinum de miraculis Hieronymi post mortem celebratis*, quam Cyrilli nomen immerito præ se ferre, Noster palam asserit. Præterquam enim, quod insigni anachronismo triginta annorum, quibus Cyrilli mors Hieronymi mortem antecesserit, satis constet, a Cyrillo eam scribi neutiquam potuisse, tam futilibus insuper scætere fabellis, &

lis, & propter styli infantiam ac barbariem, adeo deformem & foedam esse innuit, ut a maleferiato & infulsissimo Monacho, ante ducentos forte annos, fictam fuisse, probabile admodum videatur.

Singula interim hæc scripta nunc exhibenda doctissimus Editor censuit, ac circa eadem id sibi præcipue negotii datum intellexit, ut textum, præsertim Catecheseos, purum, integrum & ab omni labe purgatum exhiberet. Ipsum quoque Prevotii textum, ex codicibus manuscriptis emendatum ab ipso plurimum plurimumque suppletum, adhuc magis emendatum ut daret, eum cum cæteris omnibus, quas conquirere licuit, editionibus contulit, & hoc modo plurima sphalmata cum typothetarum, tum ipsius Prevotii, facile sustulit. Postea Catecheses omnes, Epistolamque ad Constantium, cum duobus codicibus manuscriptis, aliquas autem, nempe quartam, sextam, octavam, nonam, decimam, decimam quintam, decimam sextam & decimam octavam, cum tribus diligenter contulit. Parilem in Orationis de occurso & partis Historiæ Mystagogicæ collatione industriam adhibuit, cumque codices istos omnes cum Prevotii textu comparaverit, religioni sibi duxit, ullam omnino, etiam minutissimam, lectionem prætermittere; quin singulas potius in imæ pagina ponendas arbitratus est. Variantibus lectionibus adjunxit annotationes quasdam, quibus id unum efficere allaboravit, ut ritus, mores & fidem primævæ Ecclesiæ, ex antiquissimorum Patrum monumentis explicaret atque confirmaret. Versionem demum Grodecii, multum jam ante a Prevotio correctam, plurimis in locis emendatiorem adhuc reddidit; quam tamen si quis omnibus suis numeris perfectam & absolutam optaret, novam prorsus reddendam venire judicat.

Ex istis autem, quas diximus, annotationibus nonnulla ut decerpamus, & Lectori benevolo in gustum propinemus, nostrorum merito partium esse existimamus. Sic v. g. pag. i observat, quod ii, qui nondum erant baptizati, quales fuerint, quos alloquatur in Catechesicon præfatione Cyrillus, *Φωτισόμενοι* nuncupentur, aliquibus forsan inusitatum videri posse, quandoquidem vocabula *Φῶς*, *Φῶτισμα*, *Φωτισμός* & *Φωτίσω* ad baptismum frequenter referantur. At enimvero *Φωτίξεν* apud veteres non solum significare respondet, *illumino lumine Baptismi*, sed etiam *doceo*, per
infr.

institutionem Catechetica ad Baptismum praparo. Pag. 4. apud primavos Christianos sacri cultus non minimam partem fuisse lectionem sacrarum Literarum, indigitat. P. 6. de Baptismi repetitione ab aliquibus perverso consilio suscepta; ibidemque de rebaptizatis iis, quos Hæretici baptizarint, dissentit. De Exorcismis in Baptismo veteris Ecclesiæ temporibus observatis p. 7; de Samaritis, p. 8; de Homiliis seu concionibus, post lectionem Evangelii, in cœtibus primavorum Christianorum, a Presbyteris & Episcopo ad populum habitis, p. eadem; de disciplinæ arcani vestigiis & apud Ethnicos reperiundis, p. 9; de virorum sedibus a mulierum subselliis in veterum Christianorum templis, intermediis quibusdam tabulatis separatis, p. 10 agit. *Αναγνώσεις* sive lectiones sacrarum literarum post collectam institutas, p. 15; confessionem omnium peccatorum Baptismo semper præmissam p. 18; rebellium Angelorum principem ac ductorem omnibus creatis spiritibus longe antecelluisse, a pluribus e Patribus creditum, p. 22; diversas de peccato, ob quod primus malorum Angelorum, cætenique cum eo Dæmones de cœlo dejecti sint, diversorum Patrum sententias, p. 22; sententiam Origenis, Olympiodori, Hieronymi, aliorumque, Angelos posse etiamnum peccare, & faciem Dei Patris non alia conditione videre, quam si parvulos suæ fidei commissos ad salutem perduxerint, velut Cyrillo etiam arridentem, p. 26; Jesaiam serra lignea dissectum, p. 29 commemorat. Quotopere Astrologiæ & Genethliacorum vanitatem Patres perstrinxerint, p. 30; quomodo baptizatos statim, ut ascenderant ex aqua, alba veste induerint veteres, p. 34; ut baptizandi crebris se jejuniis ante baptismum exercuerint, p. 38; qua ratione antiquitus jam baptismum dividerint, p. 39 edocet. Quæstionem, an jejunium quadraginta dierum, jam inde ab Apostolorum temporibus in Ecclesia fuerit usitatum, p. 43. s. tangit, & quæ ab utraque parte quæstionis dici solent, Lectori ob oculos proponit. De errore Docetarum & Phantasiastarum, qui veritatem humanæ naturæ in Christo negarint, Apostolorum ævo jam exorto, p. 51; de templo in monte Calvariar, prope Hierosolymas, a Constantino, seu potius ab Helena matre ejus, Imperatoris auspiciis extructo, p. 52; de secundis nuptiis a Patribus nonnullis damnari solitis, p. 60; de numero librorum, ex quibus Veteris Testamenti codex quarto seculo compactus fuerit, p. 65;

p. 65 erudite commentatur. Pag. 67 allegat Photii Historiam Manichæorum nondum editam, quam secum communicatam dicit, & orbi erudito propediem datum iri sperat, a V. C. Jo. Frider. Wincklero, Hamburgensi. De ordine librorum Novi Testamenti, deque Jacobi & Judæ Epistolis, ac secunda Petri, una cum secunda & tertia Johannis, a Cyni lo iis libris annumeratis, quos veteres Ecclesiæ Doctores ac Episcopi tanquam sacros posteris tradiderint, curiosa sunt, quæ p. 67 annotat. De Archelao ejusque disputatione cum Manete p. 95; de verbis, *γίνεσθαι τραπεζίταις δούλοις*, an pro Scripturæ dicto habendis? p. 101; de conjugio olim haud interdicto, p. 161; de domo Caiphæ, quam summorum Pontificum palatium fuisse existimat, p. 185; de Hebraico Matthæi Evangelio, a Patrum non unis approbato, p. 195; de Jacobo, Domini fratre, p. 199; de Hæreticis quibusdam, se pro Christo venditantibus, p. 207; de signo Filii hominis, ad illustrandum locum Matth. XXIV, 30, p. 216 erudita lemmata accumulât. Tacemus, quæ affert de proportionem numeri angelorum ad hominum numerum, p. 218; de vigiliis Paschatis & Pentecostes, in ordinaria baptismi tempora olim electis, p. 277; de baptisteriis veterum, p. 278; de renunciatione Satanae in Baptismo facta, p. 279; de Catechumenis oleo quodam sacro ante Baptismum inunctis, p. 285; de more baptizandos ter in aquam immergendi antiquissimæ, p. 286, atque alia.

Quod superest, Veterum de Cyrillo Hierosolymitano ejusque scriptis testimonia operibus illius præmisit, doctorum vero Virorum, *Roberti Coci, Andrea Riveti*, ac *Edmundi Albertini* judicia iisdem subnexuit; & ut ne quidpiam deesset, Indices locupletissimos Locorum Scripturæ, Auctorum & Rerum superaddidit.

HISTOIRE CRITIQUE DES DOGMES ET DES Cultes &c.

h. c.

HISTORIA CRITICA DOGMATUM ET CULTUUM bonorum malorumque, in Ecclesia ab Adamo usque ad Christum receptorum, Autore PETRO JURIEU.

B

Amste-

Amstelæd. apud Franc. L' Honoré & Socios, 1704. 4. ch. maj.
 Constat Alph. 4. plag. 15.

VEræ religionis & divinitus institutæ dogmata & cultus, in parte I & II, quas mense superioris anni Novembri pag. 481 seqq. prolixè recensuimus, ubi expendisset Clarissimus Autor, historiam apostasiæ in sequentibus duabus partibus persequitur; in quibus, occasione cultuum dogmatumque depravatorum, quorum in sacris monumentis mentio, omnem Orientalium Theologiam, & derivatas inde Græcorum Romanorumque superstitiones explicat. Non deterre-ri se ab isto labore debere judicavit magnorum Virorum, Seldeni Vossiique, de illo argumento scriptis, cum & defectus eorum & *παρορμήματα* quædam fuerint corrigenda, & tam copiosa novarum conjecturarum messis in eo se obtulerit, ut novum plane studium hic collocatum videri queat. In diversos vero tractatus abeunt tertia ista pars atque quarta, quorum primus, parti tertiæ liminis quasi loco inserviens, de ipsa idololatria, Gentiliumque Theologia, agit in genere. Ubi primo de nomine idoli & idololatriæ varia. Vocem *εἰδωλόν* diminutivam esse, contra Rainoldam defendit, sed diminutionis significatum obtinere non habita molis extensionisque ratione, sed perfectionis veritatisve internæ respectu, ut quæ *formam minus perfectam* significet, & pro externa, apparente, picta, non vera specie, (cum *εἶδος* internam formam atque essentialem notet,) usurpetur. In voce vero idololatriæ *εἰδωλόν* quamcunque rem, cui divini honores proterva impietate tribuuntur, significare. Origines idololatriam, quæ Cyrilli Alexandrini quoque sententia fuit, post diluvium denum habuisse, eique occasionem dedisse communem hominum in calamitatibus magnis indolem, qua in extrema fere prolabantur præcipites. Scilicet severa Dei in Atheismum antediluvianum animadversione, mortalium mentes exterminatas, in contrarium superstitionis & idololatriæ vitium prorupisse. In eo vero Cyrillum aberrare, quod Belum primum idolum fuisse arbitretur, cum, quod multis veterum locis monstratur, ab astrorum cultu haud dubie idololatria initia cepit. Stolidissimam vero esse Theologiam Gentilium, quæ vastissimum Deorum numerum, eosque horrendissimorum criminum reos, immortales, & aliorum tamen hominum more genitos sinit, eosque cul-

P. III. Tr. I.
 c. I.

c. II.

c. III.

MENSIS JANUARIi A. MDCCV. II

tibus impuris & abominandis honorare doceat. Ipsos putasse Gentiles istius furoris, quæ inventa in Theologiam *μυθικήν, Φυσικήν & πολιτικήν* distinctione, infucare fuerint conati; quem doctè tamen abstergat fucum Augustinus de C. D. L. l. c. 7. 8. Nec excusari eam posse eo, quod symbolice res naturales earumque genesin repræsentet, cum multa in ea sint, quæ plane respuant symbolicum illum sensum: nec eo denique, quod ista Deorum multitudine plura unius Dei, quæ agnoverint omnes, repræsententur attributa; namque & paucissimos fuisse ita sentientes, & ipsos eos, qui ita sentire volunt videri, astra tamen in numero Deorum habere, & Numina cætera adorare, & in plurali numero de Diis loqui. Vastum illud Deorum numerum in varias classes divisisse varios. Ex illis memorat divisionem Clementis Alexandrini in classes VII; Servii in *animales & naturales*, quæ optimam Autor censet, omniæque Gentilium Numina vel hominem, vel rem naturalem significare, & utrumque simul notare aliquando existimat; Jamblichi porro in octo ordines Deorum distinctionem; Romanorum in *majorum & minorum gentium* Deos, quorum illi & *Electi* dicebantur & *Consentes*, suoque numero *Deos Samothracæ & Cabiros* complectebantur. Cum *Samothracibus* eisdem fuisse *Penates* Deos Urbis & Imperii Romani, idque probare tum hoc, quod Trojanorum, a quibus orti Romani, Dii fuerint *Samothracæ*, tum quod clam habita eorum nomina fuerint: hoc enim ex *Samothracum* disciplina esse, non vero inde, ut ne evocari possent exurbibus, quod fieri potuisse, utut ignotum esset nomen Deorum *Penatium*, ex Macrobio constat. Hancque de *Penatibus & Samothracibus* Diis sententiam Varronis quoque fuisse. *Penates* illos Castorem & Pollucem, quod ex Dionysio duas statuas Deorum Trojanorum militari habitu describente, cum inscriptione *Δεῖατες*, colligant nonnulli, esse haud potuisse, cum juniores sint Castor & Pollux Diis Trojanorum *Samothracibus*, probabileque sit, magis Diis *Samothracibus*, primi ordinis Numinibus, quam Castori & Polluci, *Herouibus*, Imperii sui tutelam commississe Romanos. Probabilissimum esse, eos fuisse Jovem, Junonem & Minervam; illos enim esse *magnos Deos* apud Macrobiū, quod nomen Cassius Hemina *Penatibus* quoque dederit. Cum *Penatibus publicis, familiarum Penates* h. e. *Lares & Deos*

c. IV.

- & Deos *Viales* confundendos non esse. Speciem Penatum esse Deos *Indigetes*, in quorum tutela erant certæ regiones, illis tamen aliquanto inferiores, inque iis fuisse *Curetes*, qui cum *Corybantibus* & *Dactylis Idaeis* sint iidem. Nomen eorum esse conjugatum vocis *indigena*, Deumque patrium notare, quod mirum viros doctos non vidisse. Infimum Deorum genus *Lares* Deosque *Manes* esse, & *Genios*, de quibus in primis ex Apulejo de Deo Socratis, & Jamblichus de Mysteriis agit. Porro cum omnis apostasia & idololatria Israelitarum, ex Phœnicum seu Chananæorum Ægyptiorumque Theologia, suas repetat origines, dilata in alium locum de horum superstitionibus dissertatione, hic quidem Phœniciæ Theologiæ ex Sanchoniathone exhibet compendium, & ingeniose ostendit historiæ Mosaicæ in iis, quæ de originibus rerum commentatus Sanchoniathon fuit, vestigia. Quæ inter alia ille de *adoratis* a primis hominibus *plantis* dicit, ex male acceptis illis, quæ habet Moses de Adamo, quem in Paradiso constituerit Deus לעברה, esse putat: vocem enim Ebræam *culturam terra* pariter, ac *cultum religiosum* notare. Creationem hominis apud eundem ita exponit, *ventum Colpis* esse קיל פיה רוח *Spiritus vocis oris Dei*, i. e. omnipotentia verbum, vel ut Davides loquitur, *Spiritus oris Dei*, qui ex uxore sua באו ברו h. e. materia rudi, genuerit *Protogonum* בכור i. e. primum hominem, & Αἰῶνα i. e. uxorem ejus, cujus nomen sit ex mala interpretatione vocis עלמה quæ *virginem* notet, & sit fœminina forma עולם quod *aiōna* *seculum* significet. *Ulfum* c. VI. *Cinnum*, *Hypsuranium* Abelem fuisse putat, sic dictum, quod Deo coelorum esset acceptus. Quis sit ἡνὶος αὐτόχθων, quem Adamum statuit esse Bochartus, se quidem ignorare, sed & in cæteris multum perturbatam hanc Sanchoniathonis historiam se invenire. De *Agrote* Deo obscura omnia. Per simulacrum vero hujus adeo venerabile arcam Moysis, & per templum a bobus bajulari solitum, tabernaculum facile intelligi: nam pro Levitis boves ab Autore monstrorum adeo fabularum pleno substitui, non esse mirandum. *Schaddai* eum inter Titanas referre, quod Deastris omnibus bellum intulerit verus Deus. Eum Phœnices Θεὸν μέγιστον *Deum maximum* appellare, quod dicit Sanchoniathon, id spectare ad Palæstinos, qui ejus excellentiam in templo Dagon experti fuerint. Eo etiam pertinere nomen *Misser*, quod *dimissum* notet, quia arca a Palæstinis fuerit dimissa.

la. *Taanum* Mosen esse: *Sydyk Melchisedecum*, ut alibi monstratum. Ex istis Phœniciis vero Græcos omnes fabulas suas & Theogonias derivasse, pro sua fingendi licentia, innumeris rebus sive additis sive mutatis: quod in sequenti tractatione univërsa passim uberius ostenditur. Hisce vero generalibus de idololatria, succedit specialior de Syrorum & Hebræorum idololatria tractatio. Hic perlustrantur ante omnia Scripturæ loca, in quibus *Teraphim* mentio. Hinc rejectis Eliezeris, Mosis Nachmanidæ & Bechai, Salomonis Jarchii & Aben-Esfræ, Moncæi & Gaffarelli, Spencerique de *Teraphim* sententiis: ipse quidem tanquam certissimum supponit, figuram humanam eos habuisse, quod patere putat ex hystoria Davidis, in cuius lecto *Teraphim* collocavit Michal, ut ipsius præsentis præberent speciem. Hoc vero etiam certum esse, instrumenta magica illos fuisse, ad indagandas res vel futuras vel alias obscuras: non fuisse tamen magiæ instrumenta eos in prima sua origine. Vix enim probabile esse, vel Jacobum, probatæ pietatis virum, in domo Labanis fuisse tam diu commoraturum, si magicis hujusmodi abominationibus cum *Teraphim*, quos ibi fuisse constat, peragendis, quotidie illa fuisset conspurcata; vel Rachelem horrendæ istius impietatis instrumenta fuisse asportaturam: fuisse ergo eos nil aliud initio, quam imagines, in quibus colere Deos suos solerent Gentiles. Imagines autem non fuisse magnorum istorum Deorum, *Baalis*, *Astartes*, *Asolochi* & aliorum, sidera cœli representantium; hos enim humana forma, qualis *Teraphim* extiterint, cultos a Syris nunquam fuisse: homines itaque representasse eos, in numerum Deorum re-
latos, ipsosque adeo Latinorum *Lares* familiarum tutelis præfectos. Et certe privatos, non publicos hos fuisse Deos, probare id primum, quod solus Laban, non omnis illa gens, eorum ablacione fuerit commotus. Ipsum porro probare nominis etymologiam, quæ a **תרפים** *sanare* descendat, ut *Deos* adeo *servatores hospitalesque* תרפים significent, unde & Græca vox *ἑσπέρουτος* originem habeat. Imo porro, ut Latinorum *Lares* compitis quoque præcrant, *Viales Dii* inde nominati, sic *Teraphim* quoque manifeste id tribui Ezechielis 21. Hoc porro, istis evictis, quod Servius *Lares* dicit esse *animales Deos*, h. e. animas consecratas, ad originem *Teraphim* primam nos deducere. *Lares* enim fuisse animas progenitorum, illustriumque in

Tr. II.
c. I.
c. II.
c. III.

c. IV.

familia virorum : tales ergo *Teraphim* fuisse, qui Noam forte Semumque repræsentaverint. Duos nempe fuisse, Autori probabile; quod plures uno prodat oratio Labanis Deos illos appellantis, duobus vero plures non fuisse, Rachelis occultatio indicet. Hincque esse, quod Ovidius *duos Laras* faciat, *Larunda* genitos, quorum numerum multiplicaverit superstitionis credulitas. Hinc patere, unde Michal in domo Davidis *Teraphim* nacta sit, a quo scilicet, ut & ab aliis Israelitis, majorum imagines, proculamandata superstitione, asseruari potuerint. His majorum imagines primum in honorem tantum majorum asservatas, inde adoratas, &, ut nunquam subsistit superstitio, ita interrogatas postremo de rebus obscuris fuisse: dignumque notatu, quod in Scripturis, quoties magiæ species recensentur, nulla sit *Teraphim* mentio; ubi vero interrogatio mortuorum commemoretur, versaque vice de hac nihil inveniatur, ibi de *Teraphim* dictum; argumento luculento, *Teraphim* cultum, & interrogationem mortuorum, pro eadem re haberi. Formam cultus illam fuisse, ut *κενοτάφια* in ædium recessibus construerent, quorum extremitatibus adderent imagines majorum, speciemque adeo illa habuisse arcæ Mosis: atque inde evocasse Manes homines male credulos, cujus superstitionis vestigia passim apud Gentiles; sic enim Andromacham apud Virgilium Hectoris Manes ad sepulcrum ejus evocare: inde oracula produisse, sicut ex arcæ medio. Hinc clarum esse, cur LXX Senes in historia Michal *Teraphim* verterint *κενοτάφια*, & cur iidem in Josiæ, falsos cultus destruentis, historia voci *Θεραφίμ* vocem *Θελητάς* addiderint, qui sint incantatores Manes evocantes. Patere item, cur Oseas dicat, *Israelem nec Ephod, nec Teraphim* per plures dies habiturum. *Ephod* nempe significare *Urim & Thumim*: *Teraphim* vero arcam, cum impositis *Cœrubim*, inter quos oracula ex arca prodibant, speciem *Teraphim*, ut modo monitum, ferentem. Atque adeo minime quidem eosdem esse *Teraphim* & *Cœrubin*, quod Monæo, Spencero, Gassarello visum: illos enim humanam speciem, hos quatuor Ezechielis animalia repræsentasse. *Teraphim* tamen apud idololatrias locum tenuisse eum, quem *Cœrubin* in sanctuario. Utut vero *Teraphim* antiquiores fuerint arca, tamen istam formam cultus modo descriptam, exemplum *κακοθηλία* diabolica ab arca accipiente, invaluisse demum, cum antiquioribus

bus temporibus nudæ imagines fuerint *Teraphim*. Loci libri Judicum, ubi *Teraphim* Michæ mentio, hunc sensum esse, quod duas imagines, alteram ex ære conflata, alteram cælo elaboratam, sibi confici curaverit, indeque oraculum *Teraphim* composuerit, (iis nempe cenotaphio impositis) cui filium suum præfecerit sacerdotem. Deo autem vero hunc cultum Micham instituisse, sanctificari *Teraphim* posse eorumque cultum credentem, si Deo eos dedicaret; quæ fuerit Israelitarum quorundam illius temporis superstitionis, idololatriæ cultus, modo ad Deum referantur, nihil mali habere existimantium. Probabile autem non esse, oracula ipsas istas statuas edidisse, quod visum Bellarmino; nam rarissima esse statuarum loquentium exempla, prætereaque cum nihil aliud quam Manium evocatio fuerit *Teraphim* consultatio, verosimilius esse, vel speciem e terra loquentis edidisse Diabolum, vel excitasse ipsam consultoris phantasiam ad oracula huiusmodi proferenda. Aliam *Necromantie* speciem apud Syros fuisse eam, quæ Hebraica voce **כּוּנִי** designatur, quam male *Spiritus Pythonis* reddant interpretes, hoc vero obsecro ex ventre loqui credant, pro iisdemque habeant cum *ἰγγασεμύθους*. Nam hoc falsum primum esse, quod idem sit *Spiritus habens Pythonis* & *ἰγγασεμύθους*, patere ex historia ancillæ Act. XVI, quam *Pythone* habuisse constat, non tamen ex ventre edidisse vocem murmurantem: ut probabile sit, *Pythonis Spiritum* nihil aliud esse, quam spiritum divinationis, qui *ἀπὸ τοῦ πυθιάειν*, *Pytho* & *Pythius*, quod erat Apollinis cognomentum, fuerit appellatus: atque id quidem fieri potuisse, ut *ventriloquus* haberet *Spiritus Pythonis*, omnem vero *Pythonis Spiritu* actum *ventriloquum* haud fuisse. Deinde magis falsum etiam esse, quod **כּוּנִי** iidem sint cum *Pythonis Spiritu* prædictis vel *ventriloquis*. Hos enim proprie *Necromantas* fuisse carmine Manes evocantes, eosque in magno vase aqua pleno representantes, accedente voce, quæ ex terræ visceribus prodire videretur. Nempe **כּוּנִי** apud Hebræos significare *vas* huiusmodi *profundum*, nec alias istam speciem magiæ esse ignotam, quæ Græcis *λεκανομαντεία* vocetur. Eam exercitam fuisse a quodam Mago in loco quodam, ubi ipse Autor tum commemorabatur, doctus ea de re a testibus *αὐτόπταις*, Magum illum vitro aquæ pleno pecuniam tamdiu injicere iussisse, donec *convexam* superius figuram acciperet, tum in aqua apparuisse desideratam

c. V.

deratam imaginem. Specula frequentius adhibere magos his nostris temporibus, ejusque rei exemplum allegat ex Historia Henrici VII R. Angliæ, idque luculenter magis in quadam ad illustrem Cuperum epistola exponit, ex *Sigismundo Freibergero* in Germania Perurbata & Restaurata, *Christoph. Pelleri* in Politico Scelerato impugnato, atque aliunde, etsi circumstantiis paulum variatis, notissimum. Qua occasione illustris Cuperus, in quadam ad Autorem epistola, aliud vaticinium commemorat Angliæ itidem res spectans, quod ante sex hos annos in Bibliotheca Jesuitarum Leodiensi, quo Roma allatum fuisse dicebatur, se vidisse ait, ad imitationem prioris haud dubie a quodam Religioni Romanæ addicto, ut illud a Protestante quocunque confictum. Cæterum Reverendus Autor noster suam de אֵלֶּם sententiam ex historia Sagæ Endorensis firmat, cui Saulus dixerit, *divina mihi per אֵלֶּם & fac adscendat, quem tibi dicam*: unde manifestum, ventriloquam eam non fuisse, ut quarum non sit evocare Manes; divinationem vero per אֵלֶּם commodissime intelligi eam, quæ fiat per vas aquis repletum, cui sententiæ fa-veat domicilium Sagæ צֵן עֵדֶן *Endor*, i. e. *fons perennis*; puras enim aquas Diabolum in hujusmodi ritibus affectasse. Vocem vero comitari solitam esse Diabolicas hujusmodi nugas, locum Esaiæ XXIX, 4. & VIII, 19 luculenter firmare. Quod autem LXX senes אֵלֶּם ἑγγασμύθας passim vocent, causam esse, quod hoc nomine omnes magi, vocem obscuram & murmur obtusum producentes, fuerint appellati: id quod inde pateat, quod ipsi illi Senes vocem אֵלֶּם, quam ἑγγασμύθας vertunt alibi, Es. VIII, 19 φωνῆες ἐκ τῆς γῆς, ex terra vocem edentes, fuerint interpretati, cui loco accedunt non dissimilia Esaiæ XIV, 3, & XXIX. 4. Atque hæc de Syrorum & Ebræorum idololatricis superstitionibus, in ipsis originibus suis spectatis. Succedit iade de originibus simulacrorum tractatio, quæ idololatria ætate censet esse posteriora. Primo enim Deos naturales animalesve esse adoratos, paulo post etiam inventum fuisse modum, cultorum cogitationes per objecta hujusmodi sensibus obnoxia, atque in templis conspicua, excitandi. Probat hoc inde quod Persæ, Chaldæi, Ægyptii, idololatriæ inventores, nullas habuerint primis temporibus imagines, id quod etiam de Phœniciis Græcisque, Platonis & Porphyrii testimonio probet Eusebius

Eusebius Præpar. I, 9, de Romanis, Germanis, aliisque populis evincant alia vetera monumenta. Inventas vero statuas & simulacra in Chaldaea primum fuisse, Numrodi temporibus, quæ etiam sit Cyrilli sententia, indeque esse Labanis *Teraphim*: hinc porro cum coloniis in cæteras orbis partes esse derivatas. Eas initio non adorationis, sed memoriæ causâ factas esse, cœpisseque adeo illam per simulacra idololatriam in simulacris hominum, non cœlestium corporum, quæ ipsa primum fuerint adorata sine imagine. Inde vero successu temporis evenisse, ut degenerantibus in cultum Divinorum mortuorum honoribus, antiquis suis Diis, astris, mortuorum jam in Deos converforum nomina tribuerint, Baalis, Astartes &c. sicque imagines consecraverint astris hominibusque defunctis communes. Præterea phantasie excitandæ commodissimum deprehendentes, ob oculos habere imaginem; si non simulacra, emblemata saltem Deorum cœlestium conficere homines instituisse, indeque natas bouum, ovium cæterorumque animantium formas, mistasque imprimis illas ex variis corporum formis figuras, emblematicæ omnes Solem et alia repræsentantes. Privatum primo, non publicum, istum cultum fuisse. In Chaldaea enim primis temporibus Soli tantum ignisque cultum publice fuisse receptum, qui & postea diu reliquis cultibus omnibus prævaluerit; quod ex Chaldaea Persicæque religionis cognatione, et loco Ruffini in libro II Hist. Eccles. probatur. Invaluisse autem statuas publice una cum templis, quæ a sepulcris habeant origines, quod testentur Patres ubique: nata vero templa ex sacellis, in quibus privatim primo in ædium penetralibus asservabantur majorum reliquiæ & imagines, luxu paulatim loca magis ampla magisque exornata querente. Materiam simplicissimam fuisse primo terram coctam; sic fictilem Jovis Capitolini statuem a Varrone commemorari: inde lignum, metalla postea, argentumque & aurum. Artem initio fuisse in iis rudem, unde *caudicaria Numina* Tertulliano appellentur. Opiniones de hisce simulacris suis diversas omnino fuisse diversos. Eos, qui optime adhuc saperent, non pro ipsis Diis, sed repræsentationibus memoriam Deorum provocantibus, ea habuisse. Sic Varronem sensisse, sic Senecam, sic Maximum Tyrium, sic ipsum Platonem, Celsumque & Dionem Chrysostomum, eamque sententiam in Gentilibus agnoscere & confutare

c. IV.

Amobium, Origenem & Augustinum cum cæteris : adeoque verum esse, quosdam ita sensitse, ut ne quidem *Φύσις* Deorum imaginibus istis representari, sed symbolice virtutes indicari crediderint. Alios tamen longius progressos, consecratione hifce imaginibus conciliari ipsorum Deorum personalem, ut ita loquamur, præsentiam credidisse, ut adeo non statuas, sed Deum in statuis præsentem coluerint, hancque sententiam Amobium L. 6. p. 103, & Lactantium Institut. II. 2. confutare; ut alia taceamus eruditis notissima, quibus ea illustratur. Atque hanc certe eandem esse Pontificiorum de suis imaginibus opinionem, quibus peculiari modo præsidere credant eum, cui imago est dedicata, virtutemque insignem in illis diffundere, ex qua afflictu participant alia corpora, ut sacras peregrinationes proinde ad eas instituere, variisque eas superstitionibus colere, sit operæ pretium : quæ omnia certe credentes atque patrantes, intentatum sibi idololatriæ crimen non facile valeant deprecari.

c. V.

Sed & tertiam esse de hujusmodi simulacris sententiam, quam ex Mercurio Trismegisto proponat Augustinus de C. D. VIII. 23. Nempe Deum consecratione evocatum, in simulacrum ceu corpus, animæ ad instar immigrare, unumque cum eo totum componere, homini simile ex anima & corpore constanti. Quartam denique opinionem esse hominum plane stupidorum, qui ipsa simulacra, ut sensibus eorum patebant, Deos arbitrabantur. Quibus ita positis, temeritatis facile revinci Bellarminum, qui nullam aliam Gentilium de statuis suis, quam postremam istam agnoscat sententiam, contra quem Calvinii argumenta, reliquis quoque species idololatriæ adstruentis, diligenter a Cl. Autore vindicantur. Denique cum inter simulacra celebratissimum sit Israelitarum vitulus aureus in deserto conflatus, peculiaris ipsi opera impenditur.

c. I.

Ubi primo figmenta, quibus Judæi horrendum illud crimen excusant, adducuntur. Inde de figura hujus idoli disquiritur, moneturque, dubiam eam reddere varia nomina, dum modo *עֵזְרָא* *vitulus*, modo *טָאָר* *taurus*, modo *קַבֵּץ* *caput bubulum*, quod nomen apud Patres frequens, vocetur. Pro *tauri* figura pugnat Noster, quod Ægyptiis moribus, apud quos plures boves fuerint adorati, sit convenientissima; nec repugnare putat Ebr. *עֵזְרָא* quod *bovem* æque ac Latinorum *vitula vaccam* notare potest, imo & *caput bubulum* idem quod *bovem* notare, bonorum scriptorum

autoritate. Causam hujus figuræ contra Monæum cum plerisque Viris doctis defendit esse, quod in Ægypto illi fuissent assuefacti, quod ex Jos. XXIV, 14. Ezech. XXIX, 16. XXIII. 3. Aët. VII, Eusebio item & Lactantio pateat. Inde, quæ animalia coluerint Ægyptii, ostendit, errareque illos, qui Ægyptios & lanam averlatos esse omnino statuant, & animalium esum, quod Herodotus, sibi ipsi tamen hic contradicens, affirmet. Nempe boves & mactare, & vendere, & sacrificare licuisse coloris ejus, qui fuerit Typhonis, Deorum Ægyptiorum hostis jurati, id est rufos. Inter Boves, qui in honore erant & adorabantur, eminuisse *Apin* & *Mnevin*, de quibus diligenter Melæ, Plinii, Herodoti, *Æliani*, *Ammiani*, *Plutarchi* allegantur loca, ut qui omnia eo spectantia tradiderint. Peculiaris illa & hodie in nullo bove facile obvia signa, quæ requirebantur in *Api*, magicis incantamentis, quæ Augustini quoque fuerit sententia, deberi. Causis cultus prima facie tam absurdæ ab aliis allatis rejectis, veram esse eam, quod his animalibus symbolice Dii eorumque virtutes repræsentarentur, quodque adeo idem esset eorum, quod apud ceteras gentes statuarum officium, cui rei firmandæ oppido illustria Herodoti in Euterpe p. 128, Clementis Alex. c. Proteptico, & *Plutarchi* de *Iside* & *Osiride* c. 38, 39 & 40 loca adducuntur. Hinc contra Pontificios rursus corollare conficit, qui non in symbolis tantum panis & vini Christum, sed & in imaginibus Sanctos adorent, quæ tamen repræsentationi rei alicujus Divinæ, minus quam animantia, vita & spiritu vigentia, idonea existant. Utque huic confectario plus roboris accedat, fufius probatur, non pro ipsis Diis, sed repræsentationibus Deorum animantia illa ab Ægyptiis fuisse habita. Inde *Apin* minime fuisse consecratum Græcorum *Epapho*; multo minus *Serapin* & *Apin* esse eundem, & *Josephum* Patriarcham designare, ad quem proinde omnis iste tauri, quem *Apin* vocant, spectet cultus, quod doctissimo Vossio verosimile visum, ostenditur. Esse vero *Apin* *Isidis* Dææ symbolum, *Mnevin* *Osiridis*, quibus nominibus cum, juxta antea præstructa, junctim naturales Dii & animales, h. e. & astra, & homines præclare de humano genere meriti, designentur, in *Isidem* & *Osiridem* paulo penitius inquiruntur, ut hac ratione ad eos spectare symbola *Apidis* & *Mnevis* intelligantur. *Osiridem* itaque ex Deorum naturalium classe so-

c. II.

c. III.

c. IV.

c. V.

c. VI.

c. VII.

lem esse, quod ex Plutarcho inprimis, Macrobio & Diodoro ostenditur: Isidem *Naturam universalem*, utcunque aliter aliis videatur. Probatur hoc, quoniam in gemino hoc Numine, per universam Ægyptum, quod nulli alii Deo Deæve contigit, culto, haut dubie principia omnis generationis venerari Ægyptii voluerint, inter quæ non *Luna*, benetamen *Natura universalis* locum obtineat, quæ matris ad instar se habeat, *Sole* patris vices gerente. Porro inde etiam, quod Isidi primas in cultu suo sacrisque religionibus deferant in omnibus Ægyptii, ipsi quoque Osiridi eam anteferentes, quod in *Lunam* certe non competat, vel aliam quamcunque ex naturalibus rebus. Argumentum quoque ipsum nomen *Isidis* suppeditare, quod *antiquitatem* Diodoro teste notet; hoc vero in *Naturam universalem* optime quadrare videri, quam Gentiles omnes æternam crediderint. Sed melius adhuc rem evincere veras nominis rationes, ex lingua Hebræo-Chaldæa, cum ab istis gentibus omnium religionum repetenda veniant initia, derivandas. Esse itaque *Isis* nil aliud quam אֵתֶשֶׁת *Ipsa est*, vel אֵת *Est est*. Indeque simul patere originem verbi *ætætes*, Apollinis Delphici templo inscripti. Nempe esse illud ipsissimum *Isidis* nomen, cujus commentarium habeat inscriptio ad pedes Isidis, in urbe Sais Minervæ nomine cultæ, insculpta apud Plutarchum: *Ego sum omne quod fuit, quod est, quodque futurum est*; cui oppido conveniat cum inscriptione Capuensi, in qua est: *Te tibi jura, quæ es omnia Isis*. Hancque veram esse nominis *Jehovah* interpretationem, quod *Natura universali* tribuerint Ægyptii, mania, quæ postea Spinofam aliosque profanos homines invasit, jam occupati. Sed & quantum argumentum pro hac sententia omnia Isidis simulacra suppeditare, atque illud inprimis, quod in explicatione gemmæ Augustæ Illustris Cuperus exhibuit p. 252. In eo *turrim capiti impositam* terram, *duas cannas*, quarum radices tridentem præsentent, mare, *flavimas* ex cavitatibus cannarum prodeuntes aerem & ignem notare. Præterea *turrim in capite*, Cybeles quoque Cerenisque esse signum, itemque *mammarum*, vim alendi notantium, multitudinem; Isidem enim, Cererem, Vestam, Cybelem, Matrem Deorum, nil aliud esse, quam diversa Numinis ejusdem nomina. Illius rei si Illustris Cuperus in mentem venisset, miraturum cum non fuisset, inter Boissardi imagines Isidis inveniri figuras *multimam-*

de Is. & Osir.

animamias, cum inscriptione *Φύσις παναίολος*, *Natura universalis*. Nec obscurum ipsi futurum fuisse *κεντροφόρος* epitheton, quod Vestæ Eusebius tribuit. Ideo nempe hoc fieri, quod Vestæ, Cybele, Ceres, quæ cum Iside sint eadem, *Naturam universalem, eam quæ in centro mundi*, utpote in principali parte sua *residentem*, significent. Huic Doctissimi Autoris conjecturæ ingenii laudem concessit, soliditatem in dubium vocavit, in quadam ad eam Epistola, Illustris Cuperus. Si enim in centro resideat, eoque contineatur *Natura universalis*, quæ est Autoris nostri sententiæ, non posse eam dici *κεντροφόρον*, quod significat *centrigeram* vel *centrifera*cem. Vocem itaque *κεντροφόρον* significare aliquid, quod *Φύσις*, *Natura*, terra vel *Vestæ* producat; quemadmodum *χλονόρος* & *καρποφόρος* etiam dicatur, inde quod *seras* vel *producat herbas & fructus*; atque alia quoque diversa a variis rebus, quas producit vel efficit, nanciscatur nomina, *τροφὴ* scilicet *altricis*, *πετραποιᾶ* *petrifica* &c. Nihil itaque convenientius videri, quam labem esse in voce *καρποφόρος*, & pro ea apud Eusebium legendum *διδυροφόρος*, *arborum serax*: indeque simul patere, cur etiam *παρθένας* dicatur eodem loco, quoniam scilicet *Terra virgo*, h. e. *qua non sensit aratrum*, vel *in cuius viscera quarendorum metallorum gratia nondum descenderat quisquam*, arbores protulerit: vel quoniam cum arboribus virgines comparari solent. Nomen denique *ἰσίας*, apud eundem Eusebium, ad firmam terra stabilitatem pertinere videri. Et istam vocis quidem *κεντροφόρος* emendationem atque explicationem, facile Autor noster in responsorio ad Cuperum admisit: inque observatis ab eo, confirmationem se invenire eorum, quæ de eodem Isidis, Vestæ, Ceres, Cybeles, Matris Deorum Numine, antea affirmaverat, existimavit: imo & *Venerem* Syriam, quæ *Urania* Græcis audit, *Naturam universalem* notare, & cæteris unius rei nominibus diversis addendam esse putavit. Hinc vero omnino rationem reddi posse animadvertit diversorum attributorum soli huic Deæ adscriptorum: quæ & tot celebretur nominibus, diversas Naturæ universalis partes respicientibus. *Vestæ* appellari, quod *ignis* ejus sit pars, *calore* suo principium generationibus rerum largiens, idque diserte Ovidium in *Fastorum* VI indicare. *Θέμυ* & *χρησμός* *δον* vocari ob spiritum aeter-

num & immensum, Universi molem penetrantem, eam moderantem, omniaque cognoscentem: *σπευματικὸν λόγον*, quod principium omnium rerum esset; *τροφόν*, quod aleret omnia. Sic *κεν-τροφόν* etiam eam dici posse, non quod *ferat centrum*, a quo potius *feratur*, sed quod sit *κρᾶτῆσα* centri, illique prælit: quamvis tamen omnino inhærendum sit Cuperi emendationi, modo observetur, vim *δενδρόφρον* & *χλοηφόν* esse virtutes *φύσεως πα-νσέλης*, *Natura universalis*. Hanc namque, sicuti *ἑστία Vestæ*, *focus*, *vivā flammā* appellatur, in respectu ad cælos, ubi residet pura illa flamma; *δενδρόφρον* quoque vocari & *χλοηφόν* in respectu ad terram, *herbarum arborumque feracem*. Poetas vero, quando in terra *Vestæ* nomen quæsiere, causam eam habuisse, quod terræ, emolumentorum suorum causæ, maxime inhæserint, quæ pars tamen *Naturæ universæ* existat. *παρθένῃ* Virginis nomen, *Naturæ universæ* adscriptum, optime Cuperum explicuisse. Sed ut ad filium tractationis Autoris nostri redeamus, quintum argumentum ejus rei, quod Isis sit *Natura universalis*, suppeditant symbola Isis, inter quæ maxime emineat ipse *Apis*. Hunc enim ad Isidem pertinuisse, non Osiridem, hinc colligit, quod in maxima veneratione *Apis* fuerit; symbolum autem præ ceteris venerabile, ad Numen haut dubie pertinuisse, cujus summa in Ægypto religio; hoc autem Isidem fuisse. Præterea consentire omnes, *Mnevin* bovem, symbolum Solis, fuisse Heliopoli adoratum: verosimile igitur haut esse, duos boves Osiridi vel *Soli*, nullum Isidi fuisse consecratum. In *Apide* itaque omnes esse *Naturæ universæ* characteres: *mare* illum esse, ad masculam ejus vim significandam; nomen *Apis* *ἰσὶν parentem* significare; *alendis hominibus* plurimum bovem, præcipuum culturæ terræ instrumentum, conferre: *τιθήνην* vero atque *αλτρίκιν* esse *Naturam*. Signa totius Naturæ impressa huic bovi fuisse, *Lunam* in dextro atre, *aquilam* Jovis alitem, symbolum cæli, in dorso, *scarabeum* in lingua Solis ænigma. Omnes vero conjecturas illas tantum accendere luminis celebri Amosi Prophetæ loco: *portastis tabernaculum Regis vestri, Kijoun, imagines vestras, & fides Deorum vestrorum, quos vobis fecistis*, ut ille novum vicissim robur addat sententiæ illi, quod *Isis Natura sit universalis*. Prophetam nempe delineare idololatram in deserto. *Apin* enim

Re.

Regem haut dubie fuisse religionis Ægyptiæ; *Kijun* esse Numen, quod ille sacer erat: id autem esse *Naturam universam*: כִּיּוֹן *ke-jun* enim Syris esse *genium Nature*, a quo diversum non sit *Kijun*, nisi terminatione Chaldo-Syra. Nec male hic sentire Judæos, qui *Kijun* velint esse *Saturnum*: illum enim esse *genium Naturæ universæ, totam naturam comprehendere, omnem felicitatem donare, perspicere omnia*, ut diserte Lib. I Dionysius Halic. testetur. Genium vero naturæ esse ἀγενοῦθλον, utroque sexu potentem, quod nomen & Isidi hæreat, eumque adeo a sexum masculinum maxime spectantibus *Saturnum*, a cæteris *Isidem* vocari. Verba vero Prophetæ, & *Sidus vestrorum Deorum*, eo pertinere, quod *Apis* non unam solam particularem Divinitatem, sed Naturam referat, quæ omnia comprehendatur sidera; unde & Stephanus Act. VII dixerit, *exercitum celi* Israelitas adorasse. Sic investigatis, quos Isis referebat & Osiris, quorum symbolicae imagines erant *Apis* & *Mnevis*, Deus naturalibus, Typhonem esse quodcunque generationibus rerum adversum principium docet, atque sic ad investigandos, qui latent sub Isidis Osiridisve nomine, Deos animales, Reges scilicet & Viros illustres progreditur. Principes vero inter Deos animales, Patriarchas nationum haut dubie fuisse, dicit, & quidem in ista Theologia Ægyptiaca, Noë, Chami & Mitsraimi esse vestigia; Noë in primis, quem multa in Apide, fabulaque Isidis & Osiridis, referre videantur, manc brevitas causa prætereunda. Moisen sub Typhonis nomine latere. Ruffum enim fuisse Typhonem: Moisen, egregiæ hominem forme, cornam probabiliter aluisse affinis, i. e. flavi coloris. Nomen *Typhonis* esse Syrum *Thuphon* תִּיפּוֹן quod *inundationem* notet, quod pessunderit Moises Pharaonem cum Ægyptiis; quo pertineat etiam, quod Plutarchus mare & marina omnia abominari Ægyptios Sacerdotes, & sal *Typhonis spumam* appellare dicit. Typhonem hostem Deorum Ægyptiorum judicari, quod judicia sua per Moisen contra omnes eos Deus exercuerit, ut est Exod. XII, 12. Numer. XXXIII, 4. Typhonem LXXII sibi junctis hominibus Osirin interficientem, Moises significare, regimen post egressum ex Ægypto cum LXXII senioribus partitum. Typhonem fratrem Osiridis Regis Ægypti: Moisen filium Natæ Pharaone creditum esse. Typhonem Æthiopie Regem habuisse adjutricem: Æthiopissam Moises fuisse uxorem. Ty-

c. VIII.

pho-

- Typhonem asinae insidentem in Ægyptum venisse, ut Isidi & Osiridi bellum inferret: & Moſen simili vectura usum Exod. IV, 20. Denique Typhonem, teste Plutarcho, acie victum, septiduaſa fuga asino vectum discessisse, posteaque Jerosolymum & Judæum genuisse: quod ipse Plutarchus eo spectare animadvertat, ut Judæi in partem fabulæ Typhonis veniant. Et certe septidui fugam spectare sabbatum, post exitum ex Ægypto a Moſe institutum; Jerosolymi & Judæi natales, constitutam a Moſe Judaicam Rempublicam. Hac de Ægyptiorum Theologia, usuque boum in ipsorum religionibus, Apidis inquam & Mnevis. Jam porro Israelitas, vitulum adorantes, non id egisse, ut Deos adorarent Ægyptios, Apin Isidemque vel Osirin, sed verum Deum in Ægyptio isto symbolo voluisse honorare, quæ Calvinii & Protestantium plerorumque sententia est, contra Romanæ Ecclesiæ Doctores diligenter Autor defendit. Festum celebratum Vitulo Exod. XXXII, 5. dedicationis fuisse, in quo ritus in Isiacis recepti observati fuerint, quorum nonnulli ex Herodoti Euterpe, quibus festum Isidi Bubaste celebratum describit, recensentur. Nec dubium Autori videtur, in eo festo in thesa vitulum illum circumgestatum fuisse, eoque spectare locum Amosi: *portavisti tabernaculum Moloch vel Regis vestri*. Moſen autem solennibus illis intervenientem, vitulum per calcinationem, quousque licuerit, in cineres redeuisse. Cum idololatria populi in deserto, & formæ & materiæ cognitionem habere idololatriam Jeroboami. Illum vitulorum cultum ex Ægypto, ubi diu versatus fuerat, attulisse. Dici autem idola illius diserte *δαμάλες, junices*, in Scriptura passim: alibi rursus *vitulos*: quod suspitioni locum dat, utrumque sexum gemina vacca Jeroboamum repræsentasse, quia, ut supra dictum, *ἀρρὲν ὁ Θεὸς* Isis crederetur. Deum verum hoc symbolo Jeroboamum colere voluisse, & ceremoniis quidem a Moſe præceptis: quod in primis clarum sit ex relatis 2. Reg. XVII, 28, ubi dicitur, novos Salmanaſſaris colonos Samariam tuto habitare non potuisse, donec discerent cultum Dei Israelis; quem proinde retinuisse hucusque necesse sit Israelitas, nisi quod vitulorum adhererent symbola. Ex loco Oſæ XIII, 2. male cum Judæorum magistris quosdam colligere, homines vitulis hisce fuisse immolatos; sensum enim verborum esse: *quicumque inter homines sacrificat, osculum figet vitulæ*.

vitulis. Id tamen inde constare, osculo honoratos illos fuisse, quod & in aliis religionibus observatum; ut ex Jobi XXXI, 27, & Apulejo in Apologia pateat. Sacerdotes Jeroboami male quosdam inter Eruditos putare ex fæce plebis delectos; quod parum conveniens fuisset ad conciliandam novæ religioni auctoritatem. Ebræa verba **דון מצפון** non *ex infima plebe* notare, sed simpliciter *ex medio populo*: id indicare tantum volente sacro Historico, quod ex tribu Levi scripti non fuerint Sacerdotes, sed ut fors ferret, ex populo. Peccatum denique illud Jeroboami illis, qui imagines & **εἰδωλόθυρα** suas cultui divinitus præcepto miscere gaudeant, neutiquam favere. Utut enim minus fuerit Jeroboami peccatum crimine ultimorum Israelis Regum, a veri Dei cultu penitus ad Baalim deficientium: peccatum tamen nihilominus fuisse. Nec illi excusando inservire, quod Elias tamen Elisæusque, veri Prophetæ, perpetuo in illa gente fuerint versati: hoc enim placuisse sapientiæ Divinæ, ut aliqua tamen adhuc, licet corrupta, in illa gente servaretur Ecclesia. Atque hæc Autor doctissimus de cultibus falsis inter Israelitas ex Ægypto oriundis. Jam libro IV ad eos pergit, qui Syriæ & Chananæ natales debent. Sed ejus quidem justum recensum nemo a nobis requireret; cum in prioribus tribus enarrandis, jam tum instituti nostri limites longe fuerimus supergressi.

THESAURUS ANTIQUITATUM GRÆCARUM,
conscriptus & designatus a JACOBO GRONOVIO. Vo-
lumen sextum, septimum, & octavum.

Lugduni Batavorum apud Petrum van der Aa, 1699, fol.

Volumen VI constat Alphab. 6. plag. 19.

VII Alphab. 8. plag. 11.

VIII Alphab. 7. plag. 17.

Primum Voluminis sexti locum obtinet Joachimi Stephani, Pomerani, J. U. D. *de Jurisdictione veterum Græcorum liber*. Pronunciat de eo celeberrimus Gronovius, satis quidem scite consideravisse utramque urbem, vel potius generatim patefecisse universam Græcorum indolem istuc quidem ferentem, ut **διῶν** cole-ret; ast nihilominus nimium Alexandro ab Alexandro & Cælio Rhodigino in hoc libro tributum esse: doletque præterea, non ma-

jori cum cura librum istum in editione prima fuisse administratum. Sequuntur p. 2755 Joachimi Perionii, Hebraicarum & Græcarum litterarum Lutetiæ Interpretis Regii, *de Magistratibus Græcorum & Romanorum libri tres*, a Francisco fratris filio editi, quorum tertium librum adeo Romanis rebus obrutum Gronovius dicit, ut nequaquam explicet impleatque inscriptionis promissum ac materiam. Proxime abest Heraclidæ Pontici *de Politiis Græcorum libellus, cum interpretatione Latina Nicolai Cragii*, quem si integrum dare potuisset, totius instar Thesauri futurum fuisse existimat. Ast temporum injuria fragmentum solum dare coegit, cujus tamen nec editores, nec interpretes, exquisitam rationem habuerunt. Hunc excipit pag. 2835 Jo. Adami Osiandri *de Asyris Gentilium dissertatio*, quam p. 2855 Jo. Baptistæ Crophii *Antiquitates Macedonice*, hisque p. 2939 adjuncta Petri Hendreich *Massilia* comitantur. Inde pag. 3007 comparat Burcardi Niderstedii *Melisa vetus & nova, Hephestia insula, Melisa subterranea*, de qua in præfatione dum verba facit Gronovius, miratur insumul, inter *οὐβόρματα* hujus insulæ, non nisi Herculem & Junonem celebrari, quum & Dea Proserpina, & templum ejus, in inscriptionibus apud Gualterum tam aperte nominetur. Hac occasione, Jacobi de Wilde, cui hæc studia mirum quantum debent, beneficio moneta in ære ΜΕΛΙΤΑΛΩΝ, prout erat, expressam accuratissime ex quinque fidelissimæ notæ cætypis adducit, deque *χρυσῇ* & *rosæ* Μετῆνσι ibi occurrentibus præcipit, & contra Sponium aliosque disputat. Inde pag. 3087 conspiciuntur Petri Gyllii, quem in primis laudat, *de Bosporo Thracio libri tres*, & p. 3219 ejusdem *de Topographia Constantino poleos, & de illius Antiquitatibus libri quatuor*. Hos excipiunt Georgii Doufæ *de Itinere suo Constantinopolitano Epistola*. Accesserunt *Veteres Inscriptiones Byzantio & ex reliqua Græcia cum quibusdam doctorum Virorum epistolis* p. 3343: Leonardi Aretini *Commentaria rerum Græcarum*, p. 3387. Wolfgangi Lazii *Græciæ Antiquæ variis numismatibus illustrata lib. II* p. 3419: Josephi Laurentii *Disquisitio de Rebus publicis, suffragiis, conciliis, accusationibus, tormentis, &c. veterum*, p. 3651: Everardi Feithii *Antiquitatum Homericarum libri IV*, in quibus fere omnes eorum temporum per Græciam ritus, ceremoniæ & mores, tam in sacris quam profanis, exponuntur & illustrantur, p. 3711.

Nico-

Nicolai Damasceni *de moribus Græcorum aliarumque Gentium libellus*, cum interpretatione Latina Nicolai Cragii, p. 3843. De Jos, Laurentio censet, nimis breviter instituto defunctum, versus peregrina & aliena statim deflexisse. Præclarius de Feithio existimat, & nonnullos in hoc opere occurrentes naves non ab ipso, sed editorum negligentia profectos arbitratur.

Volumen septimum ad Sacra præsertim Græca & Festivitates spectat, & librorum hoc Antiquitatis caput persequentium haut contemnendam seriem repræsentat. Primum ex his locum occupat Danielis Clasenii *Theologia Gentilis, seu demonstratio, qua probatur, Gentilium Theologiam (ceu tenebras) Deos, sacrificia & alia ex fonte Scriptura (ceuluce) originem traxisse, in tres partes divisa*. Hinc p. 133 Josephi Laurentii *Varia Sacra Gentilium*, & p. 253 Abrahami Ortelii *Deorum Dearumque capita, ex antiquis numismatibus collecta; Historica Narratione illustrata a Francisco Svercio* conspiciuntur. Reliqui libri hoc ordine exhibentur: Julii Cæsaris Bulergeri *de Oraculis & Vatibus liber* p. 1. Idem *de Templis Esbnicorum* p. 50. Jo. Henrici Eggelingii *Mysteria Cereris & Bacchi, in vasculo ex uno onyche, cum figuris* p. 57. Joannis Meursii *Panathenæa, sive de Minerva illo gemino festo, liber singularis*, nunc ex ipsius auctoris chirographo auctus, p. 77. Ejusdem *Eleusinia, sive de Cereris Eleusinia Sacro, ac Festo, liber singularis*, nunc ex ipsius auctoris chirographo auctus, p. 109. Jo. Nicolai *de ritu antiquo & hodierno Bacchanaliorum commentatio*, p. 173. Jo. Jacobi Helleri *Exercitatio de Deo ignoto Atheniensium*, p. 221. Jacobi Sponii *ignororum atque obscurorum quorundam Deorum Ara, notis illustrata, cum quorundam Eruditorum epistolis ad eam rem pertinentibus*, p. 233. Stephani Byzantini Grammatici *de Dodone fragmentum, quo tota veterum doctrina & fabulatio de per antiquo Oraculo isto continentur, cum exercitationibus recognitis Jacobi Gronovii, cum figuris*, p. 269. Jacobi Triglandii, J. F. J. N. *Conjectanea ad quedam obscura fragmenti de Dodone loca*, p. 321. Jo. Antonii Vernerii *de Oraculis & Divinationibus Antiquorum, tractatus succinctus & exquisitus*, p. 325. *Symbolica Diana Ephesia Strata a Claudio Menetrejo exposita, multis novis additionibus, nummis & monumentis antiquis illustrata*, p. 357. Lucæ Holttenii *epi-*

stola ad Franciscum Cardinalem Barberinum, de Fulcris seu Vernibus Diame Ephesia simulacro apposis, cum figuris, p. 393. Jo. Petri Bellorii *nota in Numismata tum Ephesia, tum aliarum urbium, Apibus insignita, cum figuris*, p. 401. Ejusdem *expositio Symbolici Deae Syriae simulacri cum figuris*, p. 425. *Marmorea Basis Colossi Tiberio Casari erecti, ob civitates Asiae restitutas, post horrendos terrae tremores: cujus Colossi fides a Jo. Meursio oppugnata defenditur, tantum non oculis exhibetur, & venusta proponitur: tempus, numerus & nomina civitatum restitutarum ubique falsus & varius a recentibus commentatoribus traditur; verus & certus ex marmorea basi, publico instrumento, feliciter probatur. Ad Ser. ac Rev. Principem Franciscum Mariam Mediceum, &c. Primus trans Alpes vulgavit, revocavit, notis & observationibus illustravit Laurentius Theodorus Gronovius, cum figuris*, p. 433. Laurentii Pignorii *Magna Deum matris Idae & Attidis initia, ex vetustis monumentis eruta, cum figuris*, p. 433. Jo. Fazoldi *Gracorum veterum IEΠΟΛΟΓΙΑ*, p. 521. Petri Castellani *ΕΠΙΤΟΛΟΓΙΟΝ*, p. 597. Jo. Meursii *Gracia Feriata, sive de Festis Gracorum libri VI, cum notis & marmore Ταυροκαταψίων*, pag. 701. Nempe Gronovius non aliquoties tantum in ima ora ad Meursiana polienda aliquid addidit, sed etiam p. 854 interposuit, ad fidem summæ suæ erga Oxoniensē marmor reverentiæ, & nomen, & conspectum festi ΤΑΥΡΟΚΑΘΑΨΙΑ. Jo. Jonstoni *de Festis Gracorum schediasma*, p. 871. Julii Cæsaris Bulengeri *de Ludis veterum liber unicus*, p. 901. Jo. Meursii *de Ludis Gracorum liber singularis*, p. 941. Danielis Souterii *Palamedes, sive de Tabula lusoria, Alea & variis ludis, libri tres* p. 997. Andreæ Senflebii *de Alea veterum liber singularis*, p. 1121. Cœlius Calcagninus *de Talorum ac Tesserarum & Calculorum Ludis ex more veterum, ingratiam Lillii Gregorii Gyraldi*, p. 1213. De singulis fere in præfatione eruditissimus Gronovius nonnulla monet, & vel perperam dicta indicat, vel prolata illustrat, augeat & dilucidius exponit. Ita de Symbolica Dianæ Ephesiæ statua a Menetrejo exposita disserens, temperare sibi non potest, quin marmoream ejusdem Dianæ, quam in arcis Heemstejanæ propylæo deprehendit, statuat ex longinquis locis advectam repræsentaret, & hoc modo Menetrejo lucem afferret. Quæ uti nullis aliarum, judice Gronovio,

novio, pulchritudine artis & elegantia cedit, ita ab omnibus diversa est, seu manuum elevationem consideres, seu septem fascias, in quibus unice convenit cum ea, quam Leonardus Augustinus ex gemma edidit, seu *πεγνυα*, equorum in aliis parum observatas, cum tanta canum multitudine Hecaten suam iustissime cingente, ut mereatur certe hoc marmor inter reliqua spectari. Miratur cæteroquin, cum non Menetrijus nummos illos omnes, quos citet, collectos apposuerit, vel qui factum fuerit, ut ex hac Dianæ in nummis glorioſæ pompa, ab Holſtenio collecta, omiſſus ſit nummus Claudii, eam perinde in æde tetraſtylo ſtantem & verubus innixam exhibens, cum iſſis literis DIAN EPHE, ut eſt in ſerie orbium Crojanorum. Hanc vero Dianam ex ſuis ſacris illuſtratam vult, non admixtione nunc Cereris, nunc Iſidis, nunc Cybeles, adeoque diſcedit ab illis, qui has ad partes vocaverint.

Volumen Octavum cætera Ludrica & Amœnitates Græcas perſequitur, & p. 124 ſiſtit Jo. Meurſii *Orcheſtram, ſive de Saltationibus veterum librum ſingularem*. In hoc non probat, neglectum adeo fuiſſe Scaligerum nomen, ut ne meminſſe quidem dignatus fuerit, præſertim cum reperias apud Scaligerum (capite nempe XIV de Comœdia) quæ omiſſa Meurſio. Inde repræſentantur Jo. Baptiſtæ Caſalii de *Ritu Nuptiarum, ac de Jure Connubiali veterum diſſertatio*, p. 1302. Joſephi Laurentii de *Sponſalibus & Nuptiis antiquorum libellus*, p. 1330. Barnabæ Briſſonii *ad legem Juliam de Adulteriis liber ſingularis*, p. 1346. Joſephi Laurentii de *Adulteris & Meretricibus tractatio*, p. 1402. Jo. Meurſii de *Puerperio ſyntagma*, p. 1413. Joſephi Laurentii de *Natalitius Conviviſque, quæ in iſdem agit abantur, exercitatio*, p. 1430. Ejusdem de *Præconiis, Citharædiſ, Fiſtuliſ ac Tintinnabuliſ collectio*, p. 1439. Lili Gregorii Gyraldi de *Comœdia, ejusque apparatu omni & partibus commentarius*, p. 1474. Julii Cæſaris Scaligeri de *Comœdia & Tragœdia, ejusque apparatu omni & partibus commentatio*, p. 1494. Ejusdem de *Verſibus Comicis tractatus*, p. 1550. Joachimi Camerarii de *Comicis verſibus diatriba*, p. 1578. Jo Baptiſtæ Caſalii de *Tragœdia & Comœdia lucubratio*, p. 1598. Alberici Gentiliſ de *Actoribus & Spectatoribus Fabularum non notandis diſputatio*, p. 1826. Evanthii & Donati de *Tragœdia & Comœdia commentatiuncula*, p. 1682. De *Fabularum, Ludorum, Theatrorum, Scenarum ac*

Scenicorum antiqua consuetudine, libellus, p. 1694. Jo. Ludovici Fabricii de *Ludis Scenicis* ΔΙΑΒΕΒΙΣ casuistica quinquepartita. Petri Fabri de *re Athletica*, *Ludisque veterum Gymnicis, Musicis atque Circensibus spicilegiorum tractatus*, tribus libris comprehensi, opus tessellatum, cum ejusdem paralipomenis, p. 1758. *Inscriptiones Athletica nuper reperta, edita & notis illustrata* ab Octavio Falconerio, quibus accesserunt alia ex Africanis marmoribus recens descripta, p. 2290. Barnabæ Briffonii *commentarius ad L. Dominico de Spectaculis*, in C. Theodosiano, & L. omnes dies Cod. de Februarii p. 2358. Josephi Laurentii de *Agyrtis, Histrionibus, Acclamationibus, & Osculis investigatio*, p. 2434. Jo. Meursii F. *collectanea de Tibiis*, p. 2450. Musonii Philosophi *opus de Luxu Græcorum*, in quo de bellionibus, bibacibus, generibus poculorum, vino, coronis, quibus in conviviis veteres utebantur, unguentis, musicis instrumentis, bellariis, saltationibus, parasitis, generibus placentarum, ac meretricibus insignibus, a Stephano Nigro congestum, p. 2466. Petri Bellonii de *admirabili Operum antiquorum & rerum suspiciendarum præstantia, libri tres*, p. 2530. Philo Byzantius de *septem Orbis Spectaculis, Græce, cum notis & interpretatione Leonis Ablatii*, p. 2642. Phlegontis Tralliani de *rebus mirabilibus liber, Græce, cum interpretatione Latina Guilielmi Xylandri, ac recensione notisque Jo. Meursii*, p. 2690. Ejusdem de *Longævis libellus, Græce, cum interpretatione Latina Guilielmi Xylandri, ac recensione notisque Jo. Meursii*, p. 2727. Jo. Frederici Gronovii de *Museo Alexandrino exercitationes Academica, habita anno M DCLXVII post caniculares ferias, ab filio ejus excepta, & nunc primum editæ*, p. 2738. Ludolphi Neocori de *Museo Alexandrino diatribe, nunc primum edita*, p. 2766.

ISAACI NEWTONI TRACTATUS DUO, DE SPECIEBUS & MAGNITUDE FIGURARUM CURVILINEARUM.

Londini apud Samuelem Smith & Benjamin Walford,
Typographos Societatis Regiæ, 1704, in 4.
Constant plagul. 10.

Celeberrimus magno suo merito Vir, Isaacus Newtonus, Tractatui suo Optico de Coloribus, Anglice scripto, appendicis in modum

MENSIS JANUARIi A. MDCCV. 31

dum sermone Latino duos subjecit Tractatus Geometricos, breves sed præclaros, priorem de Enumeratione Linearum Tertii Ordinis; alterum de Quadratura Curvarum. Quod Enumerationem Linearum attinet, notat in antecessum, *lineas* dici posse *primi, secundi, tertii, quarti* &c. *ordinis*, quas recta potest secare in punctis, uno, duobus, tribus, quatuor &c. Itaque *primi ordinis* est ipsa recta; *secundi* sunt *conica*, sub quibus comprehenditur circulus; *tertii* sunt *ez*, quas hoc loco numerare aggreditur. Lineæ autem ordinis *secundi, tertii, quarti* &c. possunt dici (respective) *curvæ generis primi, secundi, tertii*, &c. Curvæ denique infinitesimi generis sunt, (ut notum est) quas recta in infinitis punctis secare potest, quales sunt, quæ per radii vel rotæ revolutiones infinitas generantur. Ostendit deinde, proprietatibus quibusdam primariis, conicarum seu curvarum primi generis, consimiles esse proprietates curvarum secundi generis, & generum etiam superiorum; quoad ordinatas scilicet, diametros, vertices, centra, axes, latera recta & transversa, & asymptotos. Nam si rectæ plures inter se parallelæ & ad sectionem conicam utrinque terminatæ ducantur, recta duas earum bifecans bifecabit alias omnes; quæ dicitur *diameter*, & parallelæ dicuntur *ordinatim applicatæ*. Concurfus diametrorum est *centrum figuræ*, & intersectio curvæ ac diametri, *vertex*: & diameter illa, cui ordinatim applicatæ insistant ad angulos rectos, dicitur *axis*. In curvis secundi generis si rectæ duæ quævis parallelæ ducantur occurrentes curvæ in tribus punctis, recta quæ ita secat has parallelas, ut summa duarum partium ex uno secantis latere ad curvam terminatarum æquetur parti tertie ex altero latere ad curvam terminatæ, eodem modo secabit alias, his parallelas curvæque in tribus punctis occurrentes. Hæ ergo tres partes, quæ hincinde æquantur, dicuntur, ut in conicis, *ordinatim applicatæ*, & recta secans dicitur *diameter*, & concurfus duarum diametrorum dicitur *centrum*, & ubi omnes diametri in eodem puncto concurrunt, istud erit *centrum generale*. Diameter autem ad ordinatas rectangula, si modo aliqua sit, etiam *axis* dicitur. Et quemadmodum in conicis sectionibus non parabolicis quadratum ordinatim applicatæ hoc est rectangulum ordinarium, quæ ad contrarias partes diametri ducuntur, est ad rectangulum partium diametri, quæ ad vertices ellipseos vel hyperbolæ



bolæ terminantur, ut data quædam linea, quæ dicitur *latus rectum*, ad partem diametri, quæ inter vertices jacet, & dicitur *latus transversum*; sic in curvis non parabolicis secundi generis parallelepipedum sub tribus ordinatis est ad parallelepipedum sub partibus diametri ad ordinatas & tres vertices figuræ abscissis, in ratione data: in qua ratione si sumantur tres rectæ ad tres partes diametri inter vertices figuræ sitas, tunc illæ tres rectæ dici possunt *latera recta*, & illæ partes diametri inter vertices, *latera transversa*. Et sicut in parabola conica, quæ ad unam & eandem diametrum unicum habet verticem, rectangulum sub ordinatis æquatur rectangulo sub parte diametri, quæ ad ordinatas & verticem abscinditur, & recta quadam data, quæ latus rectum dicitur; sic in curvis secundi generis, quæ nonnisi duos habent vertices ad eandem diametrum, parallelepipedum sub ordinatis tribus æquatur parallelepipedo sub duabus partibus diametri ad ordinatas & vertices illos duos abscissis & recta quadam data, quæ proinde latus rectum dici potest. *Hyperbola* primi generis duas *asymptotas*, secundi tres, tertii quatuor &c. & non plures habere potest. Et quemadmodum partes lineæ cujusvis rectæ inter hyperbolam conicam & duas ejus asymptotas sunt hinc inde æquales; sic in hyperbolis secundi generis si ducatur recta quævis secans tam curvam quam tres asymptotas in tribus punctis, summa duarum partium istius rectæ, quæ a duabus quibusvis asymptotis in eandem plagam ad duo puncta curvæ extenduntur, æqualis erit parti tertiæ, quæ a tertia asymptoto in plagam contrariam ad tertium curvæ punctum extenditur. Sicut etiam in conicis sectionibus, ubi duæ parallelæ ad curvam utrinque terminatæ secantur a duabus parallelis ad curvam utrinque terminatis, prima a tertia, & secunda a quarta, rectangulum partium primæ est ad rectangulum partium tertiæ, ut rectangulum partium secundæ ad rectangulum partium quartæ: sic ubi quatuor tales rectæ occurrunt curvæ secundi generis, singulæ in tribus punctis, parallelepipedum partium primæ rectæ erit ad parallelepipedum partium tertiæ, ut parallelepipedum partium secundæ ad parallelepipedum partium quartæ. Porro curvarum secundi & superiorum generum æque ac primicrus omne in infinitum progrediens vel *hyperbolicum* est, si ad asymptoton aliquam in infinitum appropinquet, vel *parabolicum*, si asymptoto destituitur. Denique lineæ

lineæ omnes ordinis primi, tertii, quinti & imparis cujusque, duo habent ad minimum crura in infinitum versus plagas oppositas progredientia. Quod formas curvarum attinet, Autor vocat hyperbolam *inscriptam*, quæ tota jacet in asymptoton angulo ad instar conicæ; *circumscriptam*, quæ se at asymptotos, & partes abscissas in sinu suo amplectitur; *ambigenam*, quæ uno crure infinito inscribitur & altero circumscribitur; *convergentem*, cujus crura concavitate sua se invicem respiciunt, & in plagam eandem diriguntur; *divergentem*, cujus crura convexitate sua se invicem respiciunt, & in plagas contrarias diriguntur; *cruribus contrariis præditam*, cujus crura in partes contrarias convexa sunt, & in partes contrarias infinita; *conchoidealem*, quæ vertice concavo & cruribus divergentibus ad asymptoton applicatur; *angineam*, quæ flexibus contrariis asymptoton secat, & utrinque in crura contraria producit; *cruciformem*, quæ conjugatam decussat; *nodatam*, quæ se ipsam decussat in orbem redeundo; *cuspidatam*, cujus partes duæ in angulo contactus concurrunt, & ibi terminantur; *punctatam*, quæ habet ovalem infinite parvam, id est, punctum; & *puram*, quæ per impossibilitatem duarum radicum, ovali, nodo, cuspidè & puncto conjugato privatur. Eodem sensu parabolam quoque convergentem, divergentem, cruribus contrariis præditam, cruciformem, nodatam, cuspidatam, punctatam & puram nominat. *Hyperbolam* vocat *redundantem*, quæ numero crurum sectiones conicas superat; *defectivam*, quæ unicam habet asymptoton, & duo tantum crura hyperbolica juxta asymptotam illâ in plagas contrarias infinite progredientia; ex his una est *cissâs* veteris. *Hyperbolas parabolicas* vocat, quæ habent crura hyperbolica & parabolica. In universum autem numerat lineas tertii ordinis, seu curvas secundi gradus, septuaginta duas. Et notat, quod, si in planum infinitum a puncto lucido illuminatum umbra figurarum projiciantur, umbræ sectionum conicarum semper erunt sectiones conicæ, curvarum secundi generis semper erunt curvæ secundi generis (vel potius non plus quam secundi generis) & ita porro. Et quemadmodum una circulus umbram projiciendo generat omnes sectiones conicas (idem de quavis conica dici potest) sic quinque parabolæ divergentes secundi generis exhibent omnes alias secundi generis curvas. Quinque illæ parabolæ divergentes sunt hæc, quarum æquatio com-

munis est $yy = ax^3 + bxx + cx + d$, ubi AB, AG sunt axes conjugati, curvæ punctum C , & AB, X , & BC, y . Quodsi jam sit $y=0$ & æquationis $ax^3 \pm bxx + cx + d = 0$, tres radices AT, At, Ar sint reales & inæquales, prodit figura parabolica divergens *campaniformis cum ovali* ad verticem *fig. 2. 3*. Si radices duæ sunt æquales, parabola prodit vel *nodata* contingendo ovalem, *fig. 4*, vel *punctata* ob ovalem infinite parvam, *fig. 5*. Si tres radices sunt æquales, parabola est *cuspidata* in vertice, & est parabola semicubica vulgo dicta, *fig. 7*. Denique si duæ radices sunt impossibiles, habebitur parabola *pura campaniformis fig. 4. & 6*. His quinque parabolis divergentibus secundi generis adjiciamus ex Autore cissoidem veterum *fig. 1*, parabolam, per quam Cartesius æquationem sex dimensionum construxit *fig. 7*. (quæ habet quatuor crura infinita, quorum duo sunt hyperbolica circa asymptoton AG , & duo parabolica convergentia, & cum prioribus speciebus tridentis fere efficientia) & parabolam cubicam vulgarem (quæ est ex numero parabolarum divergentium) *fig. 8*. Reliquæ figuræ, quæ cum his omnes septuaginta duas curvas secundi generis representant, apud Autorem videri possunt. Cæterum Autor non attingit *focos vel umbilicos* curvarum secundi generis, & multo minus generum altiorum. Cum ergo ea res abstrusioris sit indaginis, & maximi tamen in hoc genere usus, tum ad descriptiones, tum ad alias proprietates curvarum, & doctrina hæc focorum ab Ill. Dn. D. T. profundius sit versata; supplementum ejus pro his curvis ab ipsius ingenio expectamus.

Ingeniosissimus deinde Autor, antequam ad *Quadraturas Curvarum* (vel potius figurarum curvilinearum) veniat, præmittit brevem *Isigogen*. Quæ ut melius intelligatur, sciendum est, cum magnitudo aliqua continue crescit, veluti linea (exempli gratia) crescit fluxu puncti, quod eam describit, incrementa illa momentanea appellari *differentias*, nempe inter magnitudinem, quæ antea erat, & quæ per mutationem momentaneam est producta, atque hinc natum esse calculum *differentialem*, eique reciprocum *summatorium*; cujus Elementa ab inventore Dn. Godefrido Guiljelmo Leibnitio in his Actis sunt tradita, varique usus tum ab ipso, tum a Dn. Fratribus Bernoulliis, tum & Dn. Marchione Hospitalio, (cujus nuper

TAB. I. a d A. 1705.



per extincti immaturam mortem omnes magnopere dolere debent, qui profundioris doctrinæ profectum amant,) sunt ostensi. Pro differentiis igitur Leibnitianis Dn. Newtonus adhibet semperque adhibuit *fluxiones*, quæ sint quam proxime ut fluentium augmenta a quolibet temporis particulis quam minimis generariisque tum in suis Principiis Naturæ Mathematicis, tum in aliis postea editis eleganter est usus, quemadmodum & Honoratus Fabrius in sua Synopsi Geometrica motuum progressus Cavalierianæ Methodo substituit. Porro ut dato quantitatibus alicujus, velut y , valore per aliam indeterminatam, qualis x , haberi etiam potest valor ipsius dy (differentiæ inter duas proximas y ,) per x , & per dx (differentiam inter duas proximas x) seu uti data quantitate y , potest inveniri differentia dy ; quod nihil aliud est, quam invenire tangentes curvarum: ita vicissim dato valore ipsius dy , modo dicto exhibito, seu data differentia dy invenire terminum y , est invenire summas omnium differentiarum seu dy ; quia discrimen inter duas y assignabiles extremas est summa omnium differentiarum intermediarum; & posito unam ex extremis æqualem esse nihilo, seu crescendo incipi ab 0, tunc summa illa est ultima y . Hinc dato termino x , qui sit ad a constantem, ut dy ad dx , erit rectangulum ay æquale summæ omnium $y dx$, quæ scribitur $\int y dx$, id est, æquabit aream figuræ factæ ex ordinatis y , ductis respectivè in dx elementa abscissarum. Atque ita regressus a valore ipsius dy

(seu ipsius $\frac{y dx}{a}$) differentiæ, ad valorem ipsius y (seu ipsius $\int \frac{y dx}{a}$) est quadratura figuræ, cujus abscissa x , ordinata y . Adeoque fluxus ipsius y est areæ dictæ proportionalis. Sed cum regressus hica differentiis ad quantitates, vel a quantitatibus ad summas, vel denique a fluxionibus ad fluentes, non semper Algebraice fieri possit, (prorius ut regressus a potentiis ad latera, vel a quantitatibus ad radices non semper fieri potest rationaliter) ideo quærendum est, tum quibus casibus quadratura Algebraice succedat, tum quomodo Algebraico successu deficiente aliquid subsidiarium adhiberi queat. In utroque etiam a Dn. Newtono est utilissime laboratum, tum alias, tum in hoc tractatu de Quadraturis, ubi series adhibet infinitas, quæ eo casu, quo abruptuntur, seu finiuntur, quæsitum Algebraice exhibent. De quo etiam dictum est nuper in recensione tractatus


Dn. Cheynazi, Medici Scotici Londini degentis. Conferri etiam potest tractatus Dn. Craigii Scoti de Quadraturis, & ejusdem Theorema ad Quadraturas pertinens, nuper in his Actis exhibitum; quæ faciunt etiam, ut ipsis Theorematis Newtonianis recensendis superfedeamus, quia paucis exponi non possunt: quemadmodum nec ejusdem Theoremata quædam reductionis ad quadraturas faciliores. Eas autem quantitates, quæ Algebraice exprimi non possunt, Newtonus vocat *Geometrice irrationales*, ad imitationem quantitatum surdarum seu Arithmetice irrationalium.

*RUNÆ IN NUMIS VETUSTIS DIU QUÆSITÆ,
 tandemque ibidem feliciter inventa, seu de Numis Runicis com-
 mentatio NICOLAI KEDERI, Regii Antiquitatum
 Suecico-Gothicarum Collegii Adsefforis.*

Lipsiæ apud Jo. Frid. Geditsch, 1764, 4-
Plag. 4. cum fig. æn.

ANnus nunc, & quod excedit, elapsus est, ex quo elegantissimum Kederi nostri schediasma, quod *de Argento Runis seu literis Gothicis insignito* inscripserat, in hisce Actis nostris, mense nimirum Septembri anni 1763, pag. 417 seqq. recensitum exhibuimus; cui quidem consignando ansam dederat delineatum in Camdeni Britannia, Anglice nunc loquente & ampliata, Runicum numisma. Jam vero aliam de numis Runice signatis commentationem idem litteratissimus Vir lectori curioso sinit, in qua Runas diu in vetustioribus numis a se quasitas, ac tandem feliciter inventas delineat. Ut vero mentem suam clarius exponat, primo quidem *Runarum* vocabulo elementa se intelligere Gothica dicit, non qualia sequior ætas, ob Longobardicum characterem inter Monachos frequentatum, *Monastica*, i. e. *Münch: Schrift* / adpellavit, sed ejus tantum generis, quæ in lignis & faxis antiquissimis exarata deprehendimus. An vero hi Gothorum characteres, quos *Runas* vulgus nominat, metallo etiam signato, sive in numorum formas conflato, antiquitus fuerint dati, diu dubitavit, iis maxime de causis, quod multi ex argento numi Runicis dentur, animi gratia fusi ac plane spurii, in quorum censum *Attili* vel *Attila*, *Sipari* vel

TAB. II. ad A 1705. M. Jan. p. 37.



vel *Sivardi, Erixi, Waldemari & Margaretha* Regg. numismata refert, atque *bracteatum* quendam (sive *cauum* se vidisse ait, quem Petrus Baillet, civis Holmienfis possideat, Runice quidem signatum, sed falsum tamen, licet malleo cufum. Magnum itaque in ejusmodi pecunia discrimen esse habendum, ac ne in alterutram partem nimis declinemus, dispiciendum docet. Nobis enim idem contingere posse, quod Vaillantio, Viro alias rei numariae callentissimo accidit, qui in Gordianorum historia omnem Africanum, qui aversus A U G. & non A U G G. habeat, mala notæ esse contendit; quum tamen Kederus noster apud Per-Illustrem Baronem de Hecken, Foederati Belgii ad Aulam Suecicam Legatum nuper extraordinarium, suis oculis observavit indubitata antiquitatis integerrimæque fidei Gordianum Africanum patrem ex ære primæ magnitudinis, latere secundo insignitum hac epigraphæ: PROVIDENTIA AVG. uno duntaxat G. Laudat deinde Illustrem e Suecia Virum, Jo. Gabrielem Sparwenfeldium, quem Potentissimus Rex Carolus XI, ad perquirenda apud externos antiquariæ supellectilis, quæ Succos attineat, cimelia, per annos aliquot peregrinari, ac præcipue Mantuæ Carpetanorum seu Madriti commorari jussit. Caterum quum litteras Runicas non reperiret Noster in numismatibus Ostro-Gothicis aureis, argenteis, æreisve, olim in Italia percussis, neque etiam in numis aureis nomina & capita Regum Westro-Gothorum seu Wisi-Gothorum exhibentibus, partim in Gallia, partim in Hispania cufis, (quorum Regum seriem contexuit, & Latinis eos potius, quam majorum suorum literis usos ostendit,) ac ne quidem apud aurarios fabros meliore fortuna ganderet, ad quos tamen vetustatis reliquiæ in agrorum latebris inventæ perferri soleant, de sorte sua pæne desperare, atque amplius de illis dubitare cepit. At enimvero ita cogitanti eruditissimus Vir, Elias Brennerus, numulos tres, e tenui bractea argentea *cauos* ostendit, quorum (Vid. figur. 1. 2. 3.) unus præfert **Π** (V) tribus coronis (antiquis propriisque Sueciæ insignibus,) scriptum: alter **Β** (B) inter hemicychum & crucem: tertius **Λ** (S) stella, cruce atque lunula, quas singularis globulus ter interstinguit, stipatum. Quibus annumerandi sunt trini ejus commatis alii, quos Olaus Bromelius, Med. D. & Gothoburgensis Poliater expiscatus est, quique pari modo e *caua* lamella argentea sunt, & (vid. figg. 4. 5.

TAB. II.
Fig. 1. 2. 3.

Fig. 4. 5. 6.

6.) quorum unus 太, alter 未, tertius autem R, characteres oculis sistunt. Disquirat ergo doctissimus Autor, cur in Brennerianis literæ singulæ sive simplices, in Bromelianis vero compositæ existant? atque hæc ipsa signa non Gothis tantum, verum Græcis quoque ac Romanis usitata, atque *Monogrammata* fuisse vocata respondet, seculo fere post C. N. octavo frequentia, & inter Moscos quoque aut Ruthenos haud ignota; quod ipsum Ruslicæ insuper moneta, in qua Magni Ducis nomen monogrammate expressum spectamus, exemplis illustrat. Post longam tandem expectationem voto sedammatum, ac in veteram quorundam argenteorum non unius gentis numismatum e solo Gothiæ Orientalis fortuito erutorum acervulo, *numum Runia insignem* longe illustrissimum invenisse, sibique illum cum stipatoribus suis prece & pretio non segniter redemisse narrat, cuius figura num. 7. adpicta, virum togatum & fascia vel balteo succinctum, sublata dextera, ac lava pectori adnota monstrat,

TAB. II.

Fig. 7.

cum verbis: MALIVS REX i. e. MAGNVS REX. Postica pars crucem figuræ quadrangulari globulis excultæ quasi inclusam exhibet, epigraphæ Runica: *† HINDI † INRIIHT † PRIT†* (Latinis litteris SEVIN. AVLFIETS. FRNTE.) Numum hunc, etiam si præter Gothicas istas literas, etiam Latinas, Anglo-Saxonico fere ritu ductas, habeat, Runicum tamen denominatum, a SVENONE, Comitæ Ulphonis natione Sueci, Danorum sub Canuto *Divite*, Daniæ Angliæque Rege, Gubernatoris filio, OLAI Suionum ac Gothorum *Regis in gremio gestari*, nec non Canuti illius, ex sorore uterina Altride vel Ælstrita, Nepote cūsum opinatur Kederus, & quidem cum nuper a MAGNO Bono, S. Olai filio, Norvagorum & Danorum Rege, Regno Danico cum vicaria potestate regendo tantūque præfectus, nondum regnum illud, sumto Regis nomine, tantopere sed frustra affectasset, quod tamen post MAGNI fata haud difficulter obtinuit. Doctæ oppido conjecturæ sunt, quibus verba SEVIN. AVLFIETS. FRNTE pro SVEIN OLAVI FRENTE, i. e. *Sueno Olai Consanguineus*, interpretatur: quem Suenonem numi auctorem fuisse, firmare gemina literatura videtur; Gothica videlicet ac Latialis, utraque circa Principis istius tempora per regiones aquilonares in usu. Binos deinde alios adiunxit, Camdenianum nempe fig. 8 supra nobis memoratura, & Sperlingianum aliquem

FAB. II.

Vig. 8.

quem novum fig. 9 sensus valde obscuri, de quo tamen conjecta-
tunculam suam subnectere haud detrectavit. Nihil equidem illic,
quod moneamus, occurrit; cæterum tres ex argento numulos per-
veterustos, Gothici, ut arbitramur, generis, inter Acta nostra mense
Majo A. 1704. pag. 226 adpictos, si nondum fortasse curatius adspe-
xerit, Clarissimo Auctori nostro in memoriam revocamus, dignos
forte, quorum ectypi ac natale solum ab Viro aliquo, Gothicarum
antiquitatum callente, diligentiore cura illustrentur.

Fig. 9.

OEUVRES POSTHUMES DU CHEVALIER

Temple.

i. e.

WILHELMI TEMPLE, EQUITIS, OPUSCULA
posthuma.

Ultrajecti, apud Guil. van de Water, 1704, in 12.

Plag. 13.

ETiam lacinias magnorum Virorum dignas esse, quæ colligantur,
sapientissimus quisque monet; esse vero inter Viros merito suo
magnos commemorandum *Wilhelmum Temple*, Equitem Aura-
tum & Baronettum Britannicum, ante hos quinque annos fato fun-
ctum, nemo dubitaverit, qui gesta ejus in pacificatione Neomagensi,
cui pro Potentissimo Britanniarum Monarcha interfuit, in memo-
riam revocaverit. Quare non ejus solum epistolas, & duo operum
miscellaneorum volumina, scriptaque alia eruditus Orbis magna cum
delectatione accepit, sed posthuma etiam hæc diu desideravit.

In his primum sortitur locum *Tentamen de indignatione po-
puli* (*Mecontentement populaire*) ad intimos Politicæ solidioris re-
cessus spectans. Auctor Illustris initium petit a proprietatibus ge-
neris humani, quas vulgo constituunt, nimirum sermone, figura, ri-
su, fletu & ratione. Harum plerasque, doctorum judicio, etiam a-
liis animantibus convenire monet, excepto risu. Ipse vero novum
ac sextum hominis proprium addit, videlicet inquietum & indigna-
bundum animum, qui humanum genus contentum esse non sinat,
sed ut perpetuo vacillet inter spem metumque, ac mutationes nun-
quam non desideret, unus efficiat. Hunc esse fontem indignatio-
num

num motuumque in familiis ipsaque Republica, indeque oriri indignationem populi versus imperantes, quæ in magnis æque ac parvis, barbaris & politis gentibus observetur, cum primis vero politas vexet. Hinc factiones oriri, optimosque interdum Principes ac cives, ut tyrannos & proditores tractari. In omni Republica discrimen servandum esse, ut melius quidam habeantur, honoribus divitiisque ornentur; porro diversa esse subjectorum commoda, diversos scopos, huic pacem placere, bellum alii; hinc non posse non varias prodire querelas & machinationes. Monet etiam, nullam Reipublicæ formam prorsus esse perfectam, sed singulas suos habere defectus; imo etsi perfecta quædam regiminis daretur facies, eam tamen brevi a prima indole degeneraturam, cum optimæ etiam leges illico administrationis defectu corrumpantur: nec possibile esse, ut Principes ministros probos ac populo placentes semper eligant; audaces, fraudulentos, ac præfidentes plerumque publicis se muneribus obtrudere, optimos quosque eadem averfari. Hic rem observatu dignissimam Auctor in medium affert: dari certas quasdam tempestates annonæ similes, quæ cum claris abundant ingeniis, nullas tamen proferant occasiones magnarum rerum, in quibus illa vires suas exserere possint; atque e contrario multas interdum evenire fortiter ac generose agendi occasiones, quando viri fortes magnique sint rarissimi. Utrobique rempublicam pati, locumque indignationi populari amplissimum concedi. Citat hac occasione festum morionis cujusdam dictum, qui cum seminantem aliquando gestibus exprimeret, quæsitus, quid ageret, stultos se ferere dixit; addita ratione, regionem, in qua viveret, non alius frumenti patientem esse. Posthæc enarrat, quo pacto ex levi quadam indignatione & pbmurmuratione seditiones oriantur, facta animorum inextinguibili inflammatione. Huic malo opponit sequentes regulas: omnes legum ac consuetudinum immutationes Principi esse vitandas; genium totius populi commodum esse quærendum: subjectos ad rem æconomicam esse excitandos; eo enim futuros pat entiores, quo sint familiæ laborique addictiores. Hæc prima sectione exposita, altera ad Historiam gentis Britannicæ, turbasque Saxonicas, Rosæ albæ & rubræ, ac Presbyterianas applicat, monens, Reipublicæ nihil esse magis noxium, quam factiones robore æquales; infirmiores enim

sepe

sepe illi salutares fieri. Tandem datis quibusdam consiliis, quæ patriæ suæ maxime proficua futura credit, valedicit Reipublicæ, ac successoribus animum æque patriæ amantem, commodiores vero re-
ste agendi occasiones apprecatur.

Secundum locum obtinet *Tentamen de sanitate & longæva vita*. Auctor initio prudenter monet, bonas intentiones semina esse bonarum actionum, recteque agere eos, qui bene ac salutari scopo cogitata publicent, atque adeo quasi agro committant; passim enim radices ea agere & fructus edere: omnium optime homines propriis bene cogitatis stringi, seque ipsos rectius, quam alios magistros pati. Noster itaque, quæ expertus ipse est, literis hic consignavit. Sanitatem inter præcipua hominis bona nominat, observatque, eam idem esse in corpore, quod pax in Republica, & serenus ær in orbe nostro est: eam esse solam, quæ voluptates aliæque bona deliciis instruat, nobisque tribuat, ut felices esse possimus. Post hæc cundo per exempla probat, eos omnium maxime sanos & longævos vixisse, qui simplici victu usi fuerint, & a voluptatibus abstinerint. Utitur cum primis Brasiliæ exemplo, qui cum Europæi ad ipsos appellerent, ducentos trecentosque annos vivendo attingebant. Dignum admiratione esse ait, quod incolæ regionum Meridionalium sub Sole calentium diutius vivant, quam ii, qui sub temperato climate degunt. Cujus ille rei hanc causam putat: appetitum voluptatis penes hos esse vehementiorem in moderato calore, quam apud istos in nimio, & cum excessus immoderati omnes in torrido climate e vestigio vehementer noceant, homines ad temperantiam vel nolentes adigi: hinc plures esse in Hispania senes, quam in Gallia. Recte seriem quendam Verulamio respondisse, hanc esse longævitatæ suæ causam, quod semper, antequam famem sitimque sentiret, comedisset ac bibisset. Separatim vero de longævæ Britannis agit, quorum exempla affert plurima, additque, incolas regionum montanarum vivaciores esse; plerosque longævos esse ex plebe homines, adeoque vitam longam tenui victu & voluptatum abstinentia querendam esse. Unde ipsi p. 130 sequens regula nascitur: cuius homini aut esse laborandum, aut jejunandum, aut medicina utendum, aut ægotandum. Originem artis medicæ a Græcis, incontinentiæ quippe studiosissimis, adeoque morborum intempe-

periei valde subjectis, derivat; ab his venisse ad Persas, aliosque, & Barbaro ævo a Saracenis voluptuariis ad Europæas gentes. Hinc de incertitudine atque defectibus Medicinæ differit, inter quorum causas hanc præcipuam putat, quod post Galenum, Medici ab usu simplicium ad varias compositiones discesserint. Romanis ait quatuor fuisse remedia potissima, balnea, frictionem, fumigationem & agitationem: hæc magno rei medicæ detrimento in defuetudinem venisse. Ultimam præsertim lenire dolores acutissimos, Mauriti Principis Nassovii exemplo docet, qui podagræ aut calculi dolore laborans, lecto pensili agitari se curavent. Post hæc monet, morbos suas habere periodos, sæpe etiam imaginationi adscribendas. Olim omnes de morbis spleneticis, inde de scorbuto, post hæc de fermentatione sanguinis conquestos esse, nunc vapores pro epidemio Europæ morbo haberi: nec minus remedia has vices pati; quod exemplo Tabaci & herbæ Thææ ostendit. Auctor ante omnia hæc, quæ expertus est, commendat simplicia: *Salviam* malis pulmonum propriam, quam non minori quantitate e Belgio ad Indos asportari ait, quam Thæa inde ad nos perferatur: *Rutam*, stomachicum excellens: *Crocum*, cordiale optimum: *Allium*, quod contra colicos dolores & podagram remedium singulare esse docet: *Sambucum*, quam hydropi & colico malo mederi ait: *Millepedum* pulverem, qui omnes faucium affectiones curare dicitur; denique *Tabacum* vel *Betoniam* contra rheumatismum, & *Myrrham* contra pestem. Contra podagram commendat, præter *Moxam*, commotionem loci affecti ad calorem usque, tum lanam ventris ovini, vel pannum rubrum aqua vitæ ardenti imbutum. Scite vero de vino scribit, primum ejus potum conducere sanitati, secundum lætitix, tertium amicis, quartum inimicis.

Tertio loco *Dissertatio de eruditione veterum* occurrit, cujus hæc occasio fuit. Ediderat Illustris Auctor Tentamen de eruditione veterum, contra gloriationes recentiorum, cui Theologus quidam observationes suas opposuit, refutatus a Nostro in hac dissertatione, quæ tamen manca est, & ultimam manum nondum passa. Monet hic Autor, Paracelsum & Cartesium primos fuisse, qui veterum sapientiæ suam præferrent; hunc tamen Philosophiam suam appellasse suam Fabulam Romanensem (*son Romain.*) Post hos Soci-

os quosdam Academiarum Regiarum Anglicanarum & Academicarum Gallicarum, maxime Fontenellum & Perraultum, veterum gloriam nostris eruditissimis subiecisse; Perraultum vero, poenitentia ductum, A. 1693 ad saniores mentes venisse. His expositis, Pythagoram, Democritum aliosque veteres, contra cavillationes recentiorum defendit, præclara veterum opera recenset, de fati & interitu eruditionis apud Ægyptios, Phœnicos &c. disserit, seriem Monarchorum Assyriorum contra novam quorundam crin defendit, in Chymiam & Philologiam recentiorum invehitur, ac de illa cum primis jocatur, eam quam optime inter liberales disciplinas referri, cum, qui addicti eidem sunt, plurimum argenti prodigant.

Postremo cogitata quædam Auctoris de fortuna & conversatione, tumultuaria opera in chartam consignata, ut conscribendo olim libello cuidam inservirent, annectuntur, inter quæ multa sunt peringeniosa. Nobis unicum illud impræfens sufficiat, ubi hanc fuisse ait viam, quæ postremus Pontifex Romanus (dubium, quænam intelligat) ad dignitatem istam pervenerit: *Nil petere, nil recusare, de nemine conqueri.*

Georg Adam Struvens Jurisprudenz / oder Verfassung der Landublihen Rechte/ &c.

i. c.

GEORGII ADAMI STRUVII JURISPRUDENTIA,
post varias editiones, ex jure communi Casareo, Recessuum Imperii, & Saxonico, ut & scriptis Juris, præcipue Saxonorum, additis pluribus casibus, aliisque materiis antea omisissis, nec non necessariis allegatis & indicibus, theoretice & præctice elaborata,
ac in justum Systema juris redacta a D. HENRICO ERNESTO FLOERCKEN, communis Curia Ducatus Saxonica Advocato Ordinario.

Francfurti & Lipsiæ, apud Christophorum Hülse, 1704, in 4.

Constat 5 alph. 10 plag.

Notum satis in scholis Juridicis nomen est Jurisprudentiæ Romano-Germanicæ Forensis, a Celebratissimo Struvio olim compositæ. Nam non tantum Latina editio, plus vice simplici prelo sub-

jecta est; sed &, postquam illa in Germanicam translata est linguam, typothetarum operas repeti necessum fuit, ut nunc quidem laudata illa Juris prudentia, novorum librorum catalogo sero nimis inferi videntur. Enimvero cum opus Germanicum denuo recudi fecerit, illudque novo plane habitu donaverit B. Struvii Gener, Consul-tissimus Editor, hinc non inmento jure novorum scriptorum id cen-seri, ac Lectorum notitiæ a nobis insinuari potest. Quid autem doctis-simus Autor præstiterit, id ex comparatione editionum diversarum facile liquet. Partitio & series totius operis generalis ubique eadem est, sed numerus titulorum sive capitum, jam in præcedenti editione Germanica, auctior est, dum ea, quæ in Latina editione conjun-ctim erant proposita, sub specialibus rubricis explanate magis re-censentur, aut etiam nova subinde capita adjiciuntur, atque hunc numerum auctiorem in ultima hac editione retinuit Noster, nisi quod in libro 2 titulum 32 de *incapacibus heredibus* omiserit, & libro 3 titulum 20 de *evictione & edicto Edictio* inseruerit, quæ vix me-moranda diversitas est. De cætero præter summaria margini appo-sita, non tantum allegata legum & Doctorum, ut & indicem fa-tis copiosum, quibus prior editio Germanica destituitur, adjecit, sed & multis rerum accessionibus novam hanc locupletavit; id quod vel sola ejus moles, cum præcedentibus collata editionibus, persua-se-rit. In fidem dictorum nonnulla adjiciemus exempla. In lib. 1 tit. 6, sponsaliorum materiam prolixè tradit Noster; commemora-tis causis, ob quas sponsalia invaluerint, nuptiasque præcedere so-leant, eorum diversitatem, quod vel de futuro, vel de præsentī sint, adducit, eaque occasione varietatem & effectum conditionum spon-salibus apponi solitarum, ut & modum, qui pactis illis etiam non-nunquam accedit, persequitur. His ad liquidum deductis docet, quod sponsalia requirant consensum serium, perspicuum, non vi vel dolo eli-citum, non erroneum, verbis vel facto declaratum; quæ singula per partes deinde specialius exponit, ac inde ad necessitatem consensus parentalis progressus, quousque patris & matris, cæterorumque parentum remotiorum, vel etiam aliorum propinquorum, volun-tas hic spectanda sit, edisserit. In primis personarum, sponsalia vel nuptias contracturarum, consideratio Nostrum tenuit sollicitum. Primo ergo ostendit, quod in linea recta consanguinitatis, sponsa-

lia

lia in infinitum, idque quovis jure, Naturali, Divino & Gentium, quicquid etiam nonnulli Canonistæ dissentiant, sint prohibita. Deinde monstrat, quod in linea collateralis, inter eas personas, inter quas est respectus parentum & liberorum, sponsalia prohibeantur.

An verohæc prohibitio nitatur jure naturali, nec non; utrum prohibitio, in S. Literis occurrens, personas expressas solum concernat, an vero de gradibus sit exaudienda, id semper inter Scriptores controversum fuit, adeoque Nostro amplius disquirendi materiam supersedit, quousque dispensatio hic locum habeat, etiam adjicienti. Tertio inter fratres & sorores sponsalia nuptiasque prohiberi, Consultissimus Autor indicat, actum de moralitate, tum sensu prohibitionis hujus, ulterius disceptat, quidque vel jus Canonicum, vel leges nostrates, illic adjecerint, recenset, addita Arboris Consanguinitatis, diversæque computationis explicatione. Non minori cura affinitatem deinde Noster considerat. Nam adducto ejus fundamento, explicataque indole, primo ostendit, quod non inter omnes, qui affinitate salutare solent, vera affinitas contrahatur, & quod adeo ii, qui nullo affinitatis vinculo connectuntur, sponsalia inire non prohibeantur; hoc tamen cum aliquo temperamento accipiendum esse, simul admonet. Postea de gradibus & generibus affinitatis satagit, adductamque generalem regulam prohibitivam, ad lineam rectam & collateralem applicat, & quousque prohibitio, sive gradus sive genera spectes, idque vel secundum jus divinum, vel humanum, se extendat, commemoratis pluribus personis calibusque specialibus, graviter exponit. Dimissa consanguinitate & affinitate, alia commemorat Noster impedimenta, quæ sponsalibus & nuptiis obstant. Eo pertinent agnatio civilis, ex adoptione orta, cognatio spiritualis, ex jure canonico ortum trahens, morbus animi vel corporis, totalis religionis diversitas, adulterium, aliaque politiciis rationibus subnixæ obstacula, a Nostro sigillatim explicata. Produciunt de cætero sponsalia vinculum, non penitus quidem indissolubile, attamen satis firmum, ac non facile solvendum. Ob quas ergo causas sponsalia solvi queant, tum quæ ex pluribus concurrentibus præferantur, deinde doctissimus Autor tradit, addita vinculi sponsaliti & matrimonialis, quoad nonnullos effectus speciales, comparatione. De Magistratibus municipalibus, in editione Latina nihil

betur, sed Germanicæ l. i. tit. 14. hac de re aliquid proposuerunt, quod Noster itidem nonnullis observationibus auxit. Docet ergo primo Magistratus municipalis necessitatem & constituendi modum; deinde eos, qui ab hoc munere excludantur, recenset; tum habiles ad illud suscipiendum posse cogi, ostendit. Inde ad personarum, ex quibus Senatus componitur, diversitatem, dignitatem, iura tam in Ecclesiasticis, quam Politicis, ipsis competentia, ac innixa officia, explicanda accingitur (in quem locum mundinarum, onerum tam personalium quam realium, similiumque materiarum consideratio incidit) ac quousque successor privilegia, ab antecessore data, servare debeat, disquirat. In l. 3, tit. 20 materiam evictionis & Edicti Noster pertractat, quem titulum prioribus editionibus, Latinæ & Germanicæ, deesse, antea diximus. Recepta methodo, evictionis præstatio sub initium definitur; quam definitionem excipiunt negotia, in quibus evictio præstanda sit; tum sequuntur casus, in quibus præstatio peti, nec non media, per quæ illa obtineri queat. Quo autem felici successu evictionis præstatio aliquando exigi possit, opus est litis denunciatione, aliisque requisitis, a Nostro deinceps commemoratis. De cætero non tantum emtori, sed & hæredibus, actio ad præstandam evictionem competit, quæ etiam contra venditorem similesque, ut & fidejussores, horumque omnium hæredes, vim suam exerit; certis tamen in casibus evictionis præstandæ necessitas cessat, Nostro latius illa omnia deducente. Illud in commerciis humanis frequenter contingit, ut contrahentes sese lædant. Istis læsionibus apud Romanos etiam occurrebat Edictum Edictum, cujus argumentum, requisita & actiones inde ortas, Consultissimus Editor ultimo loco explanat.

LIBRI NOVI EX ANGLIA.

Joannis Raii *Historia Plantarum Tomus tertius, qui est Supplementum duorum præcedentium. Accesit Historia Stirpium insule Luzonis & reliquarum Philippinarum; item J. B. Tournefort Corollarium Institutionum Rei Herbariæ. Londini apud S. Smith & B. Walsford, 1704. in fol.*

The History of the Rebellion and Civil Wars in England, begun in

in the Year 1641. Written by the Right Honourable Edward Earl of Clarendon. Volumen the First. Oxford, printed at the Theatre, 1704. Fol.

A Treatise of Fluxions : Or, an Introduction to Mathematical Philosophy. Containing a full Explication of that Method by which the Geometers have made such vast Advances in Mechanical Philosophy. By Charles Hays. London, printed for Dan. Milwinter and Tho. Leigh, 1704. fol.

Miscellanea Curiosa. Being a Collection of some of the Principal Phenomena in Nature, accounted for by the Greatest Philosophers of this Age. London, for Jeffery Wale and J. Senex, 1705, 8.

Opticks : Or a Treatise of the Reflexions, Refractions, Inflexions, and Colours of Light. London, for S. Smith and B. Walford, 1704, 4.

A Dictionary of all Religions, ancient and modern. Whether Jewish, Pagan, Christian or Mahometan. London for James Knapton, 1704, 8.

Salvation by Jesus Christ alone, agreeable to the Rules of Reason, and to the Laws of Justice. By Tho. Staynoe. London for Benj. Toke, 1704, 8.

Henrici Dodwelli de Nupero Schismate Anglicano Paraneſis ad Exteros, qua jura Episcoporum veterum eorundemque a Magistratu Seculari Independentia, omnibus afferenda commendantur. Londini impensis Richardi Smith, 1704, 8.

The Knowledge of a Man's Self the Surest Guide to the True Worship of God &c. by Thomas Tryon, 1704, 8.

Miscellamies, by D. John Worthington. London, for John Wyat, 1704, 8.

A Discourse of the Unity of the Church &c. By Robert Burscough. Exeter, for Tho. Bennet, 1704, 8.

The Religion of a Prince. By William Nicholls. London, for Tho. Bennet, 1704, 8.

The Case of Impropriations, and of the Augmentation of Vicarages and other Insufficient Cures. London, for Awnsham & J. Churchill, 1704, 8.

Essays

48 ACT. ERUD. MENS. JANUAR. A. MDCC V.

Essays on the Preservation & Recovery of Health. London, for Richard Wilkin, 1704, 8.

The Storm: Or, a Collection of the most remarkable Casualties and Disasters which happen'd in the late dreadful Tempest, both by Sea and Land. London for G. Sawbridge, 1704, 8.

D. Roberti Huntingtoni, Episcopi Rapotensis, Epistola. Premiatur de ejusdem Vita *ἑπομνηστικόν*, scriptore Thoma Smitho. Londini, impensis A. & J. Churchill, 1704, 8.

Henrici Dodwelli Exercitationes duae: Prima de Aetate Phalaridis: Secunda de Aetate Pythagorae Philosophi. Londini, impensis Richardi Smith, 1704, 8.

Nonnulli e Luciani Dialogis selecti: omnes scholiis illustrati ab Edwardo Leedes. Cantabrigia, impensis R. Clavel, S. Smith & B. Walford, 1704, 8.

The History of Man: Or, the Wonders of Humane Nature, in Relation to the Virtues, Vices and Defects of both Sexes. London, for R. Bassett, 1704, 8.

Clavis Commercii: Or, the Key of Commerce, shewing, the True Method of Keeping Merchants Books &c. London, for Eben. Tracy, 1704, 4.

Of the Principles and Duties of Natural Religion, two Books: by D. John Wilkins. The fifth edition. London, for R. Chiswel, 1704, 8.

Anglia Notitia: Or, the Present State of England, with divers Remarks upon the ancient state thereof. By Edw. Chamberlayne, and continued by his Son John Chamberlayne. The 21 edition, with large Additions and Improvements. London, for S. Smith and B. Walford, 1704, 8.

A Discourse concerning the Nature, Advantage and Improvement of Trade: by P. Paxton. London, for R. Wilkin, 1704, 8.

A Table of a Tub. To which is added an Account of a Battle between the ancient and modern Books in St. James Library. The third edition. London, for John Nutt, 1704, 8.

Tractatus brevissimus, in quo ostensum, tamelectiones Episcoporum quam ordinationes, ad nullam potestatem secularem, sed ad solos Ecclesiarum Praesides pertinere. Auctore Thoma Gregorio. Londini apud Th. Bennet, 1704, 4.

* * * *

ACTA ERUDITORUM,

publicata Lipsiæ

Calendis Februarii, Anno MDCCV.

*L. ANNÆI FLORI RERUM ROMANARUM LIBRI
duo Priores, ex Criticorum Observationibus correcti, cum Textus
ratione, Notisque Variorum Historicis, Politicis & Antiquariis:
jussu & impensis Augustissimi REGIS BORUSSIÆ & Electo-
ris Brandenburgici, in usum Principis Regni & Electoratus He-
redis adornati & editi a LAURENTIO BEGERO,
Consiliario Regio & Electorali ab Antiquitatibus
& Bibliotheca.*

Coloniz Marchicæ, typis Ulr. Liebp. Typographi Regii, 1704,
in fol.

Constant Alphab. 4. plag. 20. multisque fig. æn.

E Tiamsi tot præclara elegantioris doctrinæ specimina, quibus
Celeberrimus Begerus illustre sibi inter strenuos venerandæ
antiquitatis vindices nomen jam asseruit, nondum innotuis-
sent literato ordini, haud dubium est, quin unico hoc libro
edito, summam eruditionem, ac mirificum reliquiarum præci ævi stu-
dium, eidem satis abundeque comprobaret. Cum enim jussu Poten-
tissimi Borussicæ Regis, Florum Historiæ Romanæ Epitomatores non
incelebrem, in usum Serenissimi Principis Regii expoliendum sumeret
Noster, id sane egit, ut omnibus hujus generis Autoribus, quot-
quot hæcenus lucem adspexerunt, palmam præripere. Non
enim modo textum Scriptoris quam castigatissimum dedit, & ra-
tionum proxime subjunctarum examine firmavit, sed etiam notas
varias, quæ historicæ & politice, quæ philologicæ atque antiqua-
riæ e Camerte, Vineto, Stadio, Grutero, Freinsheimio, Zevecotio,
Salmasio, Ruperto, Grævio & Anonymo quodam depromtas adjecit,

G

fuis-

suisque pariter observationibus selectissimis locupletiores effecit. Neque tamen intra hanc metam substitit, sed ut ornatius singula prostant, innumeras marmorum, statuarum, toreumatum, gemmarum, nummorumque delineationes curatissime incisas interspersit; quin & tabulas integras geographicas, triumphales aliasque scopo suo congruentes, quas inter eminet una e Gazophylacio Regionis Electorali Brandenburgico prælium Scipionis & Hannibalis in patera argentea depingens, magno cum judicio addidit. Quod ne temere fecisse, & laciniam purpura ornasse videatur, in præfatione totus in eo est, ut Floro brevitatis vitium injuste exprobrari ostendat, Verderiumque pariter ac Schottum, quorum hic compendia librorum pestem, labem, perniciem & tetra Autorum vulnera; ille Florum brevitatis sua se implicare potius quam explicare, ejusque opera multos libros perisse dixit, ut iniquissimum, ita & absurdissimum judicium, quod nullo modo attendi mereatur, tulisse existimat. Deinde Illustrem Grævium, nuper cheu! ut alibi dictum a nobis est, demortuum, κακοζήλιαν in Floro nimis severe carpere statuit, eaque de causa singulos nævos, in præfamine ad editionem suam ab eodem notatos, expungere conatur, Grævianæ famæ defensores ad certamen insuper provocans, quorum jam erit armorum pondus explorare. Nos quidem arenam occupare, aut in castra ullius transire nolumus; id tamen persuasi sumus, τὸν μακαγίτην juvenum manibus non plane excutere voluisse hanc epitomen: cur enim illustrandæ ei tantum operæ impendisset? rationes vero habuisse haud ficulneas, quare Flori lectionem circumspecte instituendam monuerit. Sed missa hæc facimus, serioque profiteamur, ut animum a cavillandi pruritu alienum semper servavimus, ita nec in præfenti Cl. Begero opinionem æqui rerum æstimatoris nos derogare velle. Merita certe ejus de Floro majora sunt, quam ut verbis assequi valeamus, quippe qui præter laborem in explicatione verborum ejus collocatum, eruditum etiam discursum de Romanorum originibus præmisit, sicque ingressum ad integram historiam probe munivit. Est itaque omnino, quod gratias decernat Nostro Musarum coetus de bellissimo hoc munere, viresque apprecetur annorum victrices, quo postremos duos libros pari felicitate atque ingenio absolvere possit.

MEDITATIONES SELECTÆ DE SUBLIMI HOMINIS Scientia, compendiose digesta a DAVIDE BRAUN, S. R. M. Polonia Burggrabio Mariaburgensi, & Oeconomia Bellica Regni Commissario.

Godani apud J. Z. Stollum, 1704. in 8. Alphab. i.

Quidnam homo, solius etiam rationis sanæ ductum secutus, de rebus Theologicis firmiter tenere valeat, hoc in opusculo demonstrare annisus est Autor Nobilissimus, atque momenta capropter huc spectantia præcipua, quæ ab aliis fufius jam pertractata fuerunt, Meditationibus paucis atque brevioribus inclufit, quibus obviam ire se velle profitetur discursibus admodum scandalosis, quos passim hodie haurire detur ex ore sublimium etiam virorum, qui dum mysteria sacrosanctæ fidei ignorent, aut nosse profecto putida jactantia dissimulent, ipsam usque adeo noticiam, qua natura duce possent imbui, evertere aut obscurare minimum allaborent.

In *prima* itaque Meditatione DEUM sibi considerandum sumit, ejusque Majestatem ex scala naturæ homini cuilibet sano, mediisque necessariis ad judicium veritatis assequendum instructo, affatum patere innuit. Tam alte etenim impressisse ideas suas divinum Numen humanis ait mentibus, ut nemo inter gentes qualescunque educatus, conscientiam ejus queat exuere, utut quam maxime velit; adeoque atheos stricte sic dictos dari, prorsus abnuitt. Hinc quibus modis, esse Deum, ex natura possit evinci, significat. In acie statim ponit hujus universi considerationem, in quo constans elementorum discordia, rerum omnium ordo, celestium terrestriumque corporum summa pulcritudo & immensa magnitudo, ipsis gentibus sapientissimum Architectum ob oculos veluti spectandum proposuerint. Materiam vero Deo in creatione ullam coævam, aut mundum esse æternum, & sive casu, sive necessario existere, petitis ex ratione argumentis inficiatur. Porro ex consideratione sui ipsius, quemlibet existentia Dei fundamentum posse petere ostendit. Dum enim nos esse non dubitemus, nosque nobis ipsis nostrum esse non dedisse vel ex eo colligamus, quod perfectiones eas, quas nobis jam deesse conqueramur, nobis dare licuisset, si a nobismet dependeret esse nostrum, ab alio certe pro-

venire existentiam nostram, colligendum hinc venire evincit, & posito uno gradu dependentiæ cujuscunque entis a causa alia, semper progrediendum esse addit usque ad ultimam causam, summum DEUM. Tertiam rationem ex Aristotelis Philosophia depromit, & a motu in universo mundo mutuatur; unumquodque enim quod movetur, ab alio moveri supponit, cum impossibile sit, idem esse motum & movens; id autem, quod moveat, actu esse necessario debere infert. Firmissimum tamen ratiocinium a fine rerum in universum omnium derivat; nam cum nulla creatura sine aliquo careat, hunc ipsum sane tanquam causam, licet non executione, tamen intentione, ante ipsam rem existisse asserit. His prælibatis, ad impugnandam Deorum multitudinem, hominum apotheosin, & simulacrorum symbolicum cultum pergit, & argumentis ubique similibus utitur. Naturam Dei rationem, sine revelatione, difficulter agnoscere fatetur. Inde de attributis Dei dispicit. Dei operationem ad extra necessariam esse, & in ipsis creaturis quidquam mali a Deo conditum, quod agnoscere quis debeat, rationem jubere ullam negat. Quomodo fatum, casusque & fortuna, cum Divina providentia consistat, & quomodo hæc humani libertatem arbitrii minime impediat, methodo haud ineleganti demonstrat, & blasphemiam illorum, qui homines se esse obliiti, Deum causam mali & peccati pronuntiare haud vereantur, ponderibus ex ratione depromtis, valde indignatur.

Meditatio *secunda* circa *animam* occupata est, & ante omnium, qui usque adeo Scepticorum seu Aporeticorum secta infatuatus fuerit, ut quoque animam inesse animato dubitet, perinde responso indignum fore judicat, ac illum, qui equitem qua talem sine equo, aut citharædum absque cithara, denominari & actu esse posse, blateraret. Excussis postmodum questionibus: an anima ex elementis sit composita? an ex igne? an sit aer subtilis? an ipse sanguis? an corpus? an temperamentum? an numerus & harmonia? an ex censu corporum cœlestium? an duæ in uno corpore animæ? an anima sit divisibilis? aliisque, hanc animæ definitionem subministrat, quod sit spiritus corpori hominis hypostatice junctus, inque corporis organis vires nutritivas & sensitivas exerens, sine ullo tamen corporis organo intelligens, & extra illud

Iud subsistere aptus. Circa ejus propagationem determinandam, neque his adstipulatur, qui alicubi omnes animas simul quondam creatas existere, corporique extrinsecus illabi statuunt, neque istis, qui simpliciter aternas & substantiæ divinæ particulas easdem faciunt, aut singulis hominibus quotidie infundi eas credunt; sed potius ex illa una anima, quæ Adamo, primo homini, data est, cæteras quotidie propagari affirmat. Immortalitatem ejus ex eo probat, quod extra corpus & sine ejus organis possit operari; quod a se ipsa perpetuo moveatur, motusque sit principium; quod simplex sit & incorporea, atque ex contrariis non constet, iisque haud afficiatur: nam quod aliqui animam in phreneticis corruptam esse perhibere conentur, frustraneum judicat, cum non ipsa, sed organa phantastica corrumpantur; prout & in lapsu Protoplastorum non animam ipsam, verum additam ei imaginem divinam, sanctitatem & justitiam, corruptam fuisse monet. Eandem porro immortalitatem animæ ex conscientiæ potenti motione, ex voluntatis insuperabili libertate, & Dei justitia, rationibusque ejusmodi aliis comprobat, & parili modo resurrectionem corporum cum animabus reduniendorum statuminat. Metempsychosin tantundem rationis, quantum metamorphosin, habere notat, & utramque rejicit, apparitiones quoque præstigiis diabolicis annumerat.

Tertia Meditatio beatitudinem, seu summum hominis bonum contemplatur, atque hoc nec in ipso, nec in ullis rebus externis aliis, quærendum autumat; quin imo ne in hac quidem vita illud possideri admittit, utut alii modo in bonis corporis, modo in animi bonis, inepte admodum idem quæserint. Ac sane apud Sapientes hujus seculi, veram beatitudinem haud inveniri censet, indeque ad illuminatos divinis revelationibus Doctores confugiendum esse suadet, quorum ductu sapientia vera cognitura sit, summum hominis bonum in sola religione seu agnitione Dei consistere, cumque hæc ipsa præsentī in mortalitate imperfecta valde sit, in immortalitate futura explendam fore superaddit. Hanc veritatem ipsos quadantenus Gentiles attigisse observat, omnesque Philosophorum de summo bono sententias ab errore ad rectam revocari posse viam autumat, unico hoc additamento, quod eadem de futuræ vitæ beatitudine intelligi debuissent. Gentilibus au-

tem Judæisque recentioribus ac Turcis, qui carnales voluptates futuræ vitæ affingant, rejectis, bona futura tam animæ, quam corporis enumerat, & quod veritatis hoc in negotio crepusculum Platoni, Porphyrio & Varroni haud obscure illuxerit, notari cupit.

Quarta Meditatio prolixitate sua priores sola adæquat, cumque religioni seu viæ ad beatitudinem summam ducenti destinata sit, post Religionum Indifferentissimum explosum, principales a mundo condito religiones quatuor, *Gentilissimum, Judaissimum, Christianissimum & Mahometissimum*, contemplandas sumit duabus in sectionibus, quarum prima Gentilissimum & Mahometissimum damnat, altera vero Christianissimum & Judaissimum sibi invicem opponit, istiusque præ hoc excellentiam vindicat. Circa Gentilissimum dum versatur, Oraculorum vanitatem redarguit, autoribusque Dæmonibus, ipsorum gentilium testimonio, per fœminas a Cacadæmone obsessas & furore correptas edita, mendacia fuisse & ambigua, turpia item crudeliaque plurima efflagitasse eadem, ostendit. Sibyllarum revelationes non minus insanas, turpes, crudeles, mendaces atque falsas fuisse, adtruit. Nec Philosophorum doctrinam & præcepta veram Dei cognitionem complexa fuisse largitur, & falsitatem moralis eorum Theologiæ ex Philosophorum vitis sigillatim deducit. Socratem certe v. g. ob libidinem, gulam & impudentem iracundiam Alcibiadi in deliciis, sed ipsum vicissim adolescentum corruptorem, & ob familiaritatem Dæmonis, a quo futura se doceri prodiderat, infamem; Platonem adulationis nimix, luxus, & quod Stella astrologo, Dione, Phædro & Alexi abusus sit, accusatum fuisse, ob statuminatam item licentiam, mulieres communes reddendi, male notatum; Aristotelem eo usque insanix progressum, ut scorto tanquam Deæ sacrificaret, cum filios ex ea procreasset; Bionem pæderastiæ sceleris damnatum; Pythagoram apud Crotoniatis tyrannidis affectatæ reum actum; Perandrum propria matre abusum; aliosque plures scelerum aliorum longe gravissimorum convictos fuisse meminit. Hinc compendiosam Theognosix idolorum gentilium, tam omnibus populis communium, quam singulis propriorum, adumbrationem suppeditat, Deosque qua minorum qua majorum gentium recenset, sigillatim Solem, Lunam, sidera, elementa, ventos, fulmina, tonitrua, ignes

ignes fatuos, homines, bruta, plantas, fossilia, in cultum eorum venisse edocet, ac symbola simul Deorum Gentilium considerat. Gentilibus Mahumedanos statim associat, quæque sint religionis ipsorum principia, & quam mendaces ac impure deprehendantur, quas jactent, revelationes, pluribus verbis doctissime declarat. Atque hæc contenta primæ sectionis sunt. In altera Christianismum contra Judæos vindicat, quorum antiquas revelationes divinas esse omnino concedit, eaque occasione de Mosis antiquitate & sanctitate juxta scriptores gentiles differit, quamque plurima doctrinæ & historię Mosaicę Gentiles noverint, ut ut eadem ad impia sua sacra detorserint, exponit. A priscis vero revelationibus cum obstinacia & falsa interpretatione sua Judæi postmodum misere defecerint, & ex vere credentibus paulatim Ethnicis æquales aut peiores facti fuerint, hinc contra eos late disputat, ac summa hæc capita deducit: quod Messias, in scriptis Mosis & Prophetarum, tanquam Deus ipse in carnem humanam venturus describatur: quod idem certò tempore, stante nimirum templo Salomonis secundo, hæc est, post captivitatem Babylonicam restaurato, venire debuerit, salvaturus non Judæos solum, verum & Gentes: quod idem in Bethlehem, de tribu Juda, & de domo David, & inaudito miraculo ex virgine castissima nasci: quod multis ærumnis exantlatis, in carne pati, crucifigi, ultimoque ex mortuis resurgens in cælum ascendere, inque mundo Apostolos Spiritus S. donis instructos, qui ad spirituale ipsius regnum omnes nationes terræ miraculis & verbi Dei virtute vocarent, magnamque vere credentium civium Ecclesiã colligerent, relinquere: quod lex Ceremonialis seu Levitica tempore Messię hujus expirare debuerit. Quibus singulis scite demonstratis, ultimo loco, quod talis & tantus Christus Dominus jam venerit, qui hæc omnia excellentiori modo adimpleta dederit, indeque Judæi maximi erroris de venturo adhuc Messia accusandi sint, quodque Christiani e contra vera verbi Divini mysteria palam sectentur, valide concludit. Sed antequam opus ipsum finiat, in doctrinæ Christianæ sanctitate & moralitate, non invenire affirmat, sive Gentiles, sive Judæos, quod objiciant. Præcipuos namque illius articulos, de Trinitate, de Filio Dei incarnato & crucifixò, ac de Spiritu Sancti cum fidelibus conjunctione, Judæorum

pariter & Gentilium ipsorummet testimoniis, ex eorum scriptis heic allegatis, firmari monstrat. In eos igitur non minus atque in Atheos, Epicureos, Indifferentes, ac illos quoque, de Dæmonibus qui dubitant, justam stringit epanorthosin, & ut gentes extra Christum omnes damnari, haud obscure sibi persuadet, sic ad blasphemias nonnullas Judæorum objectiones, contra miracula resurrectionemque Christi, & fidem Apostolorum, in medium allata, respondet, & post inculcatam denuo doctrinæ Christi innocentiam, & charitatem imprimis, quam hæc tantopere requirat, in parænesi ad infideles omnes, & impios non minus Christianos, inque piis votis desinit.

**G. BRANDS HISTORIE DER REFORMATIE IN
en Ontrent de Nederlanden. Het derde en vierde Deel &c.**

h. c.

**J. BRANTII HISTORIA REFORMATIONIS BEL-
gii & vicinarum Provinciarum. P. III & IV.**

Roterodami apud Barent Boss, 1704. in 4to. Volumina II.
alphab. 12.

PRimam præstantissimi hujus Operis partem, libros X priores, Historiam reformationis a primis Christianismi in his partibus incunabulis, usque ad annum C. 1600 sistentes, complexam, anno 1663 Amstelædami excusam habemus. Ea una cum parte altera, qua continuatur eadem Historia usque ad exitum anni 1618, Amstelædami anno 1671 iterum lucem adspexit. Ob aptissimum rerum ordinem, fidem in allegandis diligenter monumentis & testibus idoneis, eximiumque linguæ nitorem, hostium quoque encomia promerita fuit. Sane enim laudes istas omnes Brantio ne ipse quidem derogaverit Henricus Ruilius, verbi Divini apud Amstelædamenses olim minister, qui in scriptis adversus hancce Historiam variis libellis, omnes istas virtutes Brantiano foetui concedit, de eo tantum conquestus, quod, ubi ad Kornhertii tempora, primasque adeo schismatis inter Remonstrantes & Contraremonstrantes in Belgio origines, deventum esset, plus quam decebat Historicum, Remonstrantium studiosum se ostenderit, in quorum sci-

scilicet partibus ecclesiastico munere apud Amstelædamenses fuit defunctus. Sed quicquid sit de ista Ruilii accusatione, quam variis scriptis apologeticis, dum viveret, abstergere conatus diligenter fuit ipse Brantius, magna hucusque semper hujus Historiæ apud Belgas existimatio fuit & autoritas. Ut multum haut immerito res patriæ ecclesiasticæ debere videantur Reverendo Gerardi Brantii Filio, Joanni, qui continuationem Historiæ illius ab ipso Parente ad annum usque 1623 productam, ex schedis ejus nunc demum publicavit. Complectitur illa accuratam Synodi Dordracenæ, tristitumque, quæ post eam Remonstrantes afflixere, factorum Historiam, ex omnibus, quæ suppetebant, monumentis, actis, relationibus, litteris diligenter digestam, atque eo usque diligentia & *ἀκριβείας* observantem, ut minutissimas affectuum, contentionum, eventuum occasiones, ipsaque verba ultro citroque commutata, semper exhibeat, indolemque, mores, ingenium, studia hominum vivide admodum, tanquam in tabula, representet. Ut si quis alius unquam, ad ecclesiasticam prudentiam, sive comparandam, sive firmandam, hic in primis liber spectare videatur.

BARTHOLOMÆI DE MOOR VERIS OECONOMIÆ Animalis seu potius Humana Principiis innixa Pathologia Cerebri Delineatio Practica; in qua Morborum Soporosorum per Notas Characteristicas Distinctio, nec non Spasmodorum accuratior Distributio traditur.

Amstelædami, apud Gerardum Borstium, 1704. in 4to.

Constat 3½ Alphab.

Quemadmodum Clarissimus Author in *Cogitationibus suis de Institutione Medicinæ*, a nobis in *Actis Anno 1696 Mense Augusto pag. 370* commendatis, omnes humanæ œconomix functiones a sanguinis pressione deducendas esse docuit: ita ab ejusdem pressionis vitio, non neglecta singularum partium structura, morbos & symptomata esse derivanda, ut demonstret, in hac Idea Praxeos Medicæ Novæ, cujus librum primum, *Pathologiam Cerebri continentem*, jam sistit, conatu non spernendo occupatus est.

H

A Ce-

pag. 1.

A Cephalalgia initium facit, cujus causas a pressione sanguinis partim aucta, partim imminuta repetit. Cum enim membranae cerebri copiosissimis vasis arteriosis, & una cum pericranio summa gaudeat sensibilitate, quivis facile intelliget, enormiter has partes affici a pressione, dilatatione & aestu sanguinis; sub quo statu hic non solum totus immutatur, sed imprimis serum ita degenerat a solita sua tenuitate, ut in gelatinam spississimam excoquatur: cui pressioni auctae ansam dant febres, plethora, exercitia, radii Solares, ebrietas & ingluvies. Sed & ab imminuta pressione excitatur hoc malum, quando sanguis nimis lentus & viscidus per vasa non nisi ægerrime propelli potest; quod patet in chlorosi & scorbuto. Quod partium solidarum vitia attinet, oritur cephalalgia, præter conformationem p. n. a commotione cerebri, ab equitatione & vectione vehementi, a refrigeratione capitis &c. Quibus explicatis definit cephalalgiam, quod sit capitis sensatio molesta, imprimis a sanguine motu suo vasis & membranarum vim inferente producta. Quanquam enim, uti dictum, partium solidarum vitium capitis dolorem producat, sæpe tamen is ideo excitatur, quod sanguini circulaturo impedimentum aliquod obijciatur, quod pulsatio molesta excipit. Ex causis fluunt indicationes generales, quæ in eo consistunt, ut sanguinis pressio nimia compescatur, progressus per vasa capillaria facilius reddatur, cerebri vitia corrigantur, & dolor mitigetur. Mittimus prognosin, cautelas practicas, & formulas, quas subiungit fideliter Author Clarissimus, ex propria praxi partim, partim ex authoribus allegatis petitas. Atque hæc speciminis loco sufficiant, ex quibus haud obscure intelliget L. B. qua usus fuerit methodo Noster in reliquis explicandis capitis morbis. Inter quos cum affectus soporosi non sint infrequentes, ab Authoribus vero maxime confulse fuerint tractati, notas characteristicas singulorum subungere placuit Clarissimo Moor. Coma igitur vigil vocat, quando agri conqueruntur de summa capitis molestia, non quidem dolore, sed velut interno ardore, & motu intestino expansivo, qui ipsos reddit quidem in somnum proclives, & somnum enixe desiderantes, cum tamen non possint aut non audeant eundem capessere. Coma somnolentum est, quando agri, profectionis ætatis præsertim, ad somnum sunt valde proni, cum in-

pag. 188.

in signi mentis hebetudine, nonnunquam oris apertione, adeo ut sedentes & cum aliis colloquentes, etiam interdiu, in somnum involuntarium prolabantur. Hic morbus circa vesperam ingravescere solet; febris non est insignis, aliquando lenta, nec ægri conqueuntur, nisi de somnolentia molesta. Huc etiam referri potest ea somnolentiæ species, quæ suppressionem urinæ insequitur; ut & sopores profundi absque manifesta febre, e.g. ab ebrietate, usu opii, & somnolentia scorbutica. Quando autem ægri febri insigni & vehementi, & statim in augmento, vel etiam principio, in somnum profundum incidunt, unde vix aut æ quidem excitari possunt, quem aliquando convulsiones & ipsa mors brevi excipiunt, Cari species prima dicitur. Quod si vero ægri post attritas vires a febre continua, in somnum profundum & ἀφωρίαν incidant, in eo statu per aliquot dies permaneant, nihil rogent, jaceant veluti moribundi, postmodum oculos iterum attollant, aliquando statim cibum petant, atque feliciter evadant, vocatur cari species secunda. Quibus tertia accedit species, quando in febribus ægroti, diem unum aut alterum ante mortem, veluti somno oppressi decumbunt, ob attritas vires, sanguinem ad circulationem ineptum redditum, & spiritus dissipatos. Lethargus est sopor gravis cum febre & stertore, in quo ægri excitati respondent, & iterum in somnum relabuntur. Apoplexia denique Nostro audit sensuum omnium, cum ἀφωρία & resolutione, nec non difficili respiratione, subita privatio, a sanguine cerebrum ejusque vasa inundante, aut nimium replente, ortum ducens. De cætero cum in titulo accuratam Spasmodum distributionem polliceatur Author, operæ pretium est, mentem ipsius brevius explicare. Scilicet per spasmum in genere intelligit involuntariam & vehementem musculi aut fibrarum muscularium contractionem: ejusque causam, Hippocratem secutus, rejicit in repletionem & inanitionem. In priori casu arteriæ carotides nimis replentur; unde sequitur compressio nervorum, depressio cerebri, spirituum animalium versus musculos propulsio, fibrarum tensio, sanguinis progressus retardatus, musculi inflatio, partis tendinis annexæ vehemens & involuntaria contractio. In posteriori casu cerebrum expansionem suam amittit, adeoque veluti subsidet; quæ subsidentia spiri-

pag. 339.

tus animales inordinate versus musculos premit, & convulsiones ciet; ad quas classes irritatio partium nervearum, a reliquis Authoribus accusata, ut referri debeat, prolixius explicat Author. Spasmi igitur in genere dividuntur in convulsiones, & motus convulsivos. Illæ sunt vel universales, vel particulares. Universales observantur vel minus frequentes, ut tetanos, opisthotonos & emprostotonos; vel magis frequentes, æque vel graviore, vel minus periculosa. Inter illas quædam infantes infestant, vel statim a nativitate, vel circa dentitionem; quædam adultos vexant, ut morbus caducus, & epilepsia proprie sic dicta symptomatica, quæ diversi observatur esse generis. Est enim 1) febrilis, vel ordinaria in principio & progressu morbi, vel extraordinaria epidemica; 2) pedisequa dolorum, purgationum, hæmorrhagiæ, vulnere & ulcerum, repletionis, &c. 3) hysterica; 4) hypochondriaca; 5) scorbutica. Inter minus periculosas convulsiones referuntur subsultus in somno, convulsiones in somno, spasmus flatulentus, & quæ hæmorrhagias excipiunt. Particulares vero quod attinet, sunt hæstrabismus, *τρεσμοδς*, spasmus Cynicus, risus Sardonicus, satyriasis, sternutatio & singultus. Motus convulsivi denique sunt vel vehementiores, vel minus vehementes; utrique febriles, hysterici, &c. Cum autem morbus caducus cum sensuum internorum abolitione sit conjunctus, hujus symptomaticæ occasione, quædam circa sensorium commune præfari, operæ pretium duxit Author. Hoc autem supponit debere 1) esse partem unam, quia motus a duplicibus sensoris externis in eo velut uniri debent; 2) motus spirituum animalium ab omnibus organis & membris delatos recipere; 3) motus spirituum animalium, ad illud tanquam metam pertingentes, velut terminare; 4) sensuum externorum objecta varia percipere ac judicare; 5) motum spirituum animalium versus has vel illas partes determinare. Exque his concludit, nullam cerebri partem solidam dari, cui hæc omnia tribui possint; cum autem eadem in mentem cadant, hanc sensorium commune adstruere, nullus dubitat.

Tandem non possumus non Compositiones quasdam evaporistas ab Authore, Clarissimo inventas vel correctas, hic, commendare, scilicet, Diascordium novum, Spiritum Cepha-
li-

p. 368.

p. 457.
p. 530.

licum epilepsiam hypochondriacam tollentem, Spiritum Galbani compositum in spasmis flatulento adhibendum, & Aquam lactis nephriticam Pharmacopœæ Bateanæ correctam.

p. 539.
p. 559.

M. JOANNIS TRIBBECHOVII, FAC. TH. HALL.
& Phil. Jen. Adjuncti Brevia Linguae Ῥωμαϊκῆς, seu Græcæ Vulgaris Elementa, quibus differentia antiquum inter & recentiorum Græcismum præcipue ostenditur. Præmissa est Dissertatio de Ortu & Natura hujus Linguae: accessit Concio Christi montana Matth. V. VI. VII. Epistola Clarissimi Anastasii, Græci, & Syl-
labus vocum usitatiorum.

Jenæ, apud Jo. Bielckium, 1705, in 8. Plag. 10.

Dissertationis, quæ etiam Jenæ publice ventilata est, summam ipse titulus monstrat, eam videlicet agere de ortu & natura linguæ vulgaris Græcæ: quæ quidem, si rem ab ovo ordiamur, referenda fuerit ad quintam Græcorum dialectum, κοινήν, h. e. communem & vulgarem antiquis dictam, teste Jo. Grammatico in suis Τεχνικαῖς. §. I. Alio nomine hæc dicitur πεζή, quasi pedestris, si quidem illam cum antiqua sermonis elegantia comparaveris. Ad di etiam posset synonymum ἀπλή Φρασις, quo propter simplicem dictionem haud raro insigniri solet. Communiter tamen adpellatur Ῥωμαϊκῆ, sicut Græci post tempora Constantini Ῥωμαῖοι, & Constantinopolis νῆα Ῥώμη audit. §. II. Jam si queratur, num antiqua illa κοινή, qua comœdiarum historiarumque scriptores usi sunt, conveniat cum recentiore Græcorum sermone? istam quidem hujus esse fundamentum & velut matrem agnoscendam, sed longe puriorem fuisse cultioremque hodierna, nemo ibit inficias. Causæ corruptionis in promptu sunt: Romanorum imperium, unde tot Latinismi, etiam in ipso Novo Testamento; Græcorum scriptorum desidia, qui tam facile barbaras voces, magno numero in Meursii Glossario congestas, admiserunt; imprimis Turcarum tyrannis, litterarum studiis infensa; item frequens commercium cum populis vicinis, maxime Italis. §. III-VI. Cæterum quatenus hæc lingua Græca est, ex quatuor antiquis dialectis conflata deprehenditur, quod ex allatis ibi exemplis patet §. VII. VIII. Deinde traditur divisio hujus linguæ, quæ est vel ecclesiastica, vel politica: hæc

rursus vel *ἡπειρωτικὴ*, quæ in *insulis*, vel *ἡγεσιλική*, quæ in *terra continenti* viget ; quibus additur tertia, nimirum *Constantinopolitana*, quia Constantinopolis systema Græciæ, & præcipue ἐν τῇ *Φαναρίῳ*, sede Patriarchali, idioma ecclesiasticum principem locum obtinet. Præter Constantinopolin, purior dialectus reperitur Thesalonica, in reliquaue Græcia stricte sic dicta, inprimis vero in metropoli Epiri *Jannina*, ubi illustre Græcorum gymnasium, una cum ἀρχοαρχεῖῳ hodiernum floret. §. IX. X. XI. Laudatur quoque hac ætate schola *Larissæ* & *Corcyrensis*, ubi itidem litterarum studia coluntur, & præcipue posterior acroaterium Latinum habet. Quod ad dialectum insulanam attinet, ea melior est in Cycladibus, quam Sporadibus & Echinadibus insulis, vel eam ob causam, quod illæ propiores sint S. Monti seu Aitho, hodie monasteriis re-fecto. Echinades vero, una cum Creta, nimium ex Italico sermone, quod Italiæ viciniore sint, trahunt. §. XII. Sed rursus magna varietas propter multitudinem insularum, ut vere obtineat, *quot insula, tot lingue*, fatentibus ipsis Græcis, quorum testimonia adducuntur. §. XIII XIV. De sermone ecclesiastico tenendum, quod proxime accedat ad veterem Græcismum, exceptis quibusdam generalioribus momentis, quibus ad captum populi immutatus est. Versio autem Novi Testamenti Græco-Vulgaris, autore *Maximo Callipolitano* edita, & cura *Seraphimi Mytlenensis* denuo Londini A. 1703 excusa, plus solito barbararum vocum habet, in gratiam tot millium Bulgarorum, Wallachorum &c. qui inter Græcos habitant. §. XV XVI. Denique iudicium fertur de hac lingua, eam quidem, quoad elegantiam, antiqua longe esse inferiorem, propterea tamen minime, Criticorum quorundam more, tam graviter accusandam, imo rejiciendam esse, vel propter multas peregrinas voces, vel etiam βαρβαροφωμίαν & malam *δυσκοφίαν*; quæ omnia diluuntur §. XVII-XXI. Virtutes contra huius idiomatis recensentur, perspicuitas qua cum ipsa matre certare videtur, peculiarisque quædam elegantia & *ῥευσότης*, quam imitari difficile est. §. XXII. Poesis *ῥωμαϊκὴ* rudior quidem, sed hodie cultior extat, præsertim in Creta, quæ hoc in genere multum reliquis præstat. §. XXIII. Apparatus librorum, ad hoc institutum facientium, apud nos exiguus est: disseritur ta-men

men de *Lexico Vlachi Cretensis* & aliorum Dictionariis, & ex notis tribus laudatur *Crusii Turco-Græcia*, licet multa ibi obsoleta & corrupta occurrant. §. XXIV. Tandem ratio & occasio editionis horum Elementorum, quæ fuit adventus Græcorum in Academia Fridericiana, quibuscum Autori arctior familiaritas intercessit, significatur, & ne locus vacuus esset, adduntur quædam potiora ex præfatione *Glossarii mediæ & infimæ Græcitaris Caroli du Fresne*.

Ipsa verò Elementa conscripsit Autor Doctissimus, magnique Parentis & Theologi quondam celeberrimi haud degener filius, methodo Celeberrimi Hardtii, quam in tradendis linguis Orientalibus Clarissimus in Academia Fridericiana Prof. Michaelis non sine fructu discipulorum eximio, adhuc observavit. *Duabus* partibus totum negotium absolvitur, quarum prima agit de *Fundamentis*, altera de *Paradigmatibus*. Circa fundamenta notanda sunt quatuor momenta lectionis & descriptionis, *Consonantes, Vocales, Tonus & Note Diacritice* lectionis: in quibus modo differentia ab antiquo sermone breviter indicatur. Eadem quidem consonantes sunt, sed paulo aliter pronunciantur, præcipue τὸ δ, θ, ζ: quæ pronuntiatio omnino præferenda, si non in omnibus, saltem in plurimis; quod vel ex Clenardi Institutionibus & aliis antiquioribus Grammaticis facile probari potest. Vocalium pariter & diphthongorum sonus plane convenit cum eo, qui in superiori Saxonia ut plurimum receptus est: nam aures Græcorum a distinctis illis sonis ai, ei, oi, abhorrent. Tonus sæpe variat, si usum spectes: sæpe enim ob celerem pronuntiationem ad ultimam eum rejiciunt, ut ἀνθρώπινος, Φιλία; vel in antepenultimam revocant, ut ἑλληνικά, ἀγιώτατη: id quod Clarissimo Henninio in suo *Hellenismo*, quem ὁρθάδων inscribit, tanquam antiquissimi & rectioris toni vestigium mirifice placet. Ex notis diacriticis id præcipue notandum, quod Græci recentiores spiritum asperum ut lenem efferant, more Æolum antiquorum, qui propterea ψιλῶν καὶ adpellabantur.

Alterà pars horum Elementorum exhibet paradigmata singularia Nominum, Pronominum, Verborum, &c. Differentia Nominum communis est, quod ignorent Dativum casum & numerum Dualem. Specialia ibidem plu-

pluribus legas. Verba carent Aoristo primo & secundo, nec non Futuro secundo. Perfectum hic nihil aliud est, quam Aoristus primus. Plusquamperfectum & Futurum adhibitis verbis auxiliaribus θέλω & ἔχω, ut in lingua Germanica, formantur. Infinitivum non habent, sed loco ejus utuntur Conjunctivo cum particula να. Verba circumflexa & anomala pauciora & faciliora hic sunt, quam in veteri lingua, quorum paradigmata Autor concinno ordine proposuit. Quæ ad discrimen Syntaxeos pertinent, paucioribus momentis itidem comprehensa sunt. Elementa excipit Concio Christi montana ex metaphrasi ῥωμαϊκῇ correctæ, Latine versa & notis quibusdam illustrata. Tum sequitur epistola Anastasii, Macedonis, ad Autorem, qui Elementa censuræ ejus subjecerat, in qua de isto specimine ita judicat, multis quidem parafangis id superare Portii Grammaticam, qui primus aliquid eo in genere tentasse dicitur. De cætero ex litteris illis apparet, hunc Virum Græce eximie callere, & litteris ac disciplinis sic satis esse imbutum. Digna est lectu epistola, utpote quæ plurima ad statum Græciæ litterarium pertinentia continet. Accessit etiam brevis Dialogus amici, linguæ hujus periti, quo fundamenta religionis præcipue tanguntur. In fine adjectus est syllabus vocum usitatorum, quæ tironi ad intelligentiam Novi Testamenti ἐν ἀπλῇ φράσει scitu necessariae sunt.

PSALTERIUM DAVIDIS ÆTHIOPICE ET LATINE, cum duobus impressis & tribus manuscriptis codicibus diligenter collatum & emendatum, nec non variis Lectionibus & Notis Philologicis illustratum. Accedunt Æthiopice tantum Hymni & Orationes aliquot Veteris & Novi Testamenti, item Canticum Canicorum, cum variis Lectionibus & Notis: CURA
JOBI LUDOLFI.

Francos. ad Mœn. Prostat apud Jo. David. Zunner & Nic. Wilh. Helwig. Typis & sumptibus Autoris, impressit Martin.

Jacquet, 1701 in 4. Constat 2 Alphab. & 9 plagul.

QUæ sit ratio hujus recens editi Psalterii Æthiopici, ipse Illustris Autor, qui ad meliorem vitam Francofurti ad Mœnum d. 8 Apr. superioris anni translatus est, in præfatione dilucide exponit; quam hic pro

pro instituti ratione breviter recenserebimus. Primum quidem narrat, quam charus, quam pretiosus sit Psalmorum liber Æthiopice genti, ut omnes eum quotidie legant, & tanquam brevium orationum suarum æstiment, adeo ut & scemine, præsertim nobiliores, memoriter eum recitare queant. Appellare autem solent simpliciter *David*, ut cum Plalterium finitum esse indicare volunt, dicant, *finitus est David*. Id quod in calce hujus ipsius editionis quoque fuit observatum. Deinde disserit Autor noster Illustris de fonte, ex quo suam Æthiopes *ὑστάτης* derivarint, quem non fuisse textum authenticum Hebræum, sed LXX Interpretum versionem Græcam adserit, eo quod Æthiopicus interpres plerumque exemplar *Alexandrinum*, in Bibliis Polyglottis Anglorum excerptum, ut & *Vaticanum*, passim impressum, sæpe sequatur. *Tempus* hujus translationis incertum est, licet probabile sit, eam non multo post conversionem Æthiopum, cum aliis Sacre Scripturæ libris factam esse, quo de Historiam suam Æthiopicam cum Commentario conferendam monet. *De ordine & numero Psalmorum* inde observat, eundem esse, qui apud Græcos. Isti Psalmum IX & X, apud Hebræos divisum, conjungunt, atque ab illo Psalmo Æthiopes semper unum minus putant; ut qui apud Hebræos est XI, apud Græcos & Æthiopes X habeatur. Idem rursus contingit Psalmo apud Hebræos CXV, quem totum Æthiopes cum CXIII suo conjungunt, & vice versa Hebræorum Psalmum CXVI in duos dividunt, donec in Psalmo CXLVII rursus conveniant, qui apud Hebræos usque ad Psalmum CXLVIII continuatur, apud Æthiopes vero dividitur, ita ut apud nos versu 13 fiat initium Psalmi CXLVII, & deinde numeri in Psal. CXLVIII rursus concordent; licet hic ordo in novissima editione Lipsiensi LXX Interpretum non fuerit observatus. Adjectus est etiam Ps. CLI, apud nos *apocryphus*, quia Orientales communiter illum habent; quamvis *numerum reliquorum excedere*, in titulo illius Psalmi fateantur. Cæterum linguam ipsam *Axumiticam* non male vocari, censet summus Autor. Nam quo tempore Reges Æthiopiæ *Axume* in regno *Tigre* habitabant, in usu fuit; quamobrem a nonnullis *Tigrana* sive *Tigrensis* vocata fuit. Translata vero in Amharam Imperii sede, vernacula esse desuit, adeoque Habessinii illam e libris & doctrina litteratorum ad-

discere necesse habent. Post hæc de *variis editionibus* hujus Psalterii sermonem facit, quarum primam curavit *Jo. Potken*, Germanus, Ecclesiæ S. Georgii Colonienfis Præpositus. Ediderat illud primo *Romæ* anno 1513, cum annexis hymnis & orationibus quibusdam Veteris Testamenti, adjuncto etiam Cantico Canticorum. In Germaniam reversus, denuo illud *Coloniæ* A. 1518 excudit, sed Psalterium tantum, additis tribus aliis linguis, Hebraica, Græca, & Vulgata Latina. Æthiopicam, errore illius temporis, *Chaldeam* vocavit, & sine versione aut notis ullis, secundum exemplar suum manuscriptum, quod Romæ nactus fuerat, nude vulgavit; sed artis Grammaticæ rudis, menda in suo exemplari reperta corrigere non valuit. Sic ultra seculum jacuit, nemine neque de Psalterio, neque de studio Æthiopico publice sollicito. Æthiopes quidem, ob bellum Adelenfè in summam desperationem adducti, ante centum & quinquaginta annos Romam venerunt, atque ibi Novum Testamentum typis dederunt, Psalterio neglecto, quod tamen Angli in Bibliis suis Polyglottis denuo imprefferunt, at parum accurate, veteribus mendis impressorum codicum relictis, & novis superadditis. Tum vero quid præstitum sit hac novissima editione, indicatur. Videlicet accurata prius collatio codicum variorum instituta est, ad quam adhibiti sunt duo illi *Porkenii impressi* & tres *manuscripti*; inter quos primus & præcipuus fuit, quem *Pocokianum* appellat, quia in Celeberrimi *D. Pocokii* Bibliotheca repertus, ab erudito quodam Æthiope quondam tractatus, variisque etiam ex Patribus Græcis observationibus fuit illustratus. Alter *Berolinensis* ex Bibliotheca *Potentissimi Regis Prussie* gratiose communicatus, & tertius, quem *Amstelodamensem* inscribit, a Viro Amplissimo *Petro van Dam*, qui ex India cum acceperat, benevole fuit transmissus. Ex qua diligenti, ab ipso hujus litteraturæ principe instauratore facta collatione, non potuit non correctius & emendatius exemplum, nunc publici juris factum, prodire. Nam quod ad *varias lectiones* attinet, illæ e manuscriptis supra descriptis collectæ, & cum codicibus impressis collatæ sunt; lectiones cum Græcis codicibus, Alexandrino scilicet & Romano, convenientes in textum receptæ, judicio de iis haud raro interposito. Interdum etiam integri versus vel hemistichia in Hebræo

&

& Græco textu clare extantia, in Æthiopica vero versione casu, vel per incuriam scribarum omiſſa, reſtituta ſunt atque ſuppleta. Si vero Æthiopica verſio a Græca diſcreparet, ratio differentiæ, quantum potuit fieri, inveſtigata eſt. Præterea quoque, in gratiam Philologiæ cultorum, acceſſit *verſio Latina*, ad litteram Æthiopici textus, additis tantum ad coherentiam ſermonis *ἁλείψεων* ſupplementis, expreſſa; quæ pars laboris commiſſa fuit Clariffimo Viro *Jo. Heinr. Michaeli*, Linguarum Orientalium Profeſſori in Academia Fridericiana longe meritiffimo, & ab eodem feliciter perfectæ; quemadmodum non mediocri laude ejus diligentiam, doctrinam & profeſtus hac in lingua eximios, ipſe Illuſtris Autor prædicat. Sed & præter versionem, additæ etiam ſunt utiliſſimæ notæ philologicæ, cura & ſtudio laudati Profeſſoris, ex quibus modo unam vel alteram ſpeciminis loco adferemus. E.g. Pſalm. IV, 3. בני איש *filii viri*, quæ Æthiops vertit, *liberi ſobolis matris viventium*, hæc notat: *Hebrai homines vocant* בני אדם *FILIOS ADAMI*; Æthiopes contra quaſi בני הוה *FILIOS EVÆ*, dum illos vocant *ſobolem matris viventium, ſcilicet hominum* Gen. III, 20. Sic & Pſalmo XXVIII, alias XXIX, 6. notabilis adfertur varia lectio Manuſcripti *Pocokiani*: *Et ſubſilire facit eos tanquam vitulum Rhinocerotis: Dilectus vero eſt tanquam ſoboles Reemi, cui eſt unum cornu*; cum hac epicriſi: *Abit hic Æthiops partim a Græco & vulgari lectione, partim ſequitur textum Hebraum, adeoque illum mixtim & paraphraſtice reddens, ut illi moris, retento vocabulo Hebræo אדם, quod alias in Æthiopica lingua nuſpam occurrit, addito tamen epitheto Monocerotis, quod eſt in Græco. Reſte autem obſervavit, אדם eſſe Rhinocerotem.* Qualia plura ibi invenias notatu digna, inprimis etiam quod attinet ad differentiam hujus & LXX viralis verſionis ab ipſo textu authentico, ut jure hic labor queat commendari, quia præter notatas emphafes Æthiopicas, multum facit ad rectius intelligendos LXX interpretes, imò ipſius Hebræi textus non pauca, eaque difficiliora, loca illuſtrat. Agnoſcendum quippe donum Dei in Illuſtri, nunc Beato, Autore plane eximium, quo fere ſolus hoc in genere polluit, nec permittendum a litterarum bonarum amatoribus, ut hic theſaurus linguæ Æthiopice quaſi deſoſſus jaceat, cum

indefessa industria, qua virtute Beatus Autor inter cæteras enunebat, adeo facilis & expedita via monstrata sit, edita *Grammatica & Lexico Æthiopico*, de quibus nemini non constat, qui harum literarum paulo est cupidior.

VITA ERNESTI PII, DUCIS SAXONIÆ, Descripta ab ELIA MARTINO EYRINGIO, Sereniss. Vidue Ducis Saxo-Coburg. Aula Inspectore. Accessit Ejusdem Dissertatio de ortu & progressu religionis Christianæ in Francia Orientali.

Lipsiæ, apud Joh. Frid. Gleditsch, 1704, in 8. Plag. 17.

Quo clariora & illustriora sunt illorum exempla Principum, qui pacis artibus, & inprimis literarum ac pietatis studio, rem suam atque publicam ornare & amplificare allaborarunt: eo studiosius ex hæc *Ernesti, Saxonia Ducis*, pietate ac literarum amore omnibus seculis memorabilis, Vita, ea nobis in his Eruditorum Actis adnotanda existimavimus, quæ ad piæ eruditionis incrementa, ab optimo Principe cogitata, & felicissimo successu perfecta legimus. Scientes igitur illa prætermittimus, quæ de Serenissimi Principis natalibus, majoribus, fratribus, fortitudine ac belli discriminibus, pacis studio, matrimonio auspiciatissimo, prole numerosa ac felicissima, de politia prudentissime instituta, aulæ sedatissimis moribus, rerum œconomicarum reddituumque dispensatione sapientissima, de munifica ejus liberalitate, omnisque sorditiei averfatione, monetarum cudendarum usu & modo circumspecto & sanctissimo, felicitate in hæreditatibus impetrandis singulari, testamento, morbo & obitu beatissimo &c. consignata sunt. E quibus sane veritas eorum, quæ Autor de laudibus Ernesti Pii nunquam non deprædicat, luculentissime apparet. Quod autem lit rarum amorem, quem nos jam potissimum spectamus, & promanantem inde ecclesiarum & scholarum, quæ ejus seminaria sunt, curam attinet, ipsa Principis Serenissimi indoles prima ejus semina illi instillasse videtur. Quæ in felicissimo ingenio, singulari judicii acie, animoque excellentissimarum cogitationum veræque pietatis capaci, cum ætate ita succreverunt, ut cum se malo fato suo a nonnullis, quibus educatio ejus curæ esse debebat, destitutum, & Latini inprimis sermonis non

C. VI.

C. VII.

la-

satis gnarum esse, non sine summo dolore intelligeret; animam tamen ingenti omnium disciplinarum desiderio incensum retineret, ipsumque non solum historiarum, politices, matheseos, aliarumque dignarum Principe artium studio, sed suorum etiam institutione, optimorum librorum edendorum, eruditorum adjuvandum, ecclesiarumque ac scholarum instaurandarum cura, luculentissime testaretur. In Serenissimorum Filiorum suorum educatione nihil certe omisit Sapientissimus Princeps, quod ad literarum ac pietatis amorem penitus ipsis implantandum pertineret. Dirigebant illorum studia Viri Illustres, Seckendorffius & Gablkovius; bonas literas ipsis Majerus, Reyherus, Brucnerus, Kunoldus & Rosenbergius instillabant; in ipsorum profectus, singulis mensibus, consiliarii sacri ac civilis ordinis inquirebant, summaque sollicitudine plures bonos reipublicæ patres formabant: cujus rei fructu terræ Saxonica hodie etiam perfruuntur. Curæ, quam pro ecclesiâ commodis, religionisque firmamenti gessit Ernestus Pius, sedula ecclesiarum ab ipso facta inspectio, optimorum Theologorum & Politicorum expetita in eam rem consilia, Synodus anno 1645 de morbis ecclesiarum curandis habita, dignissimorum pastorum, inspectorum, catechizantium constitutio, disciplina ecclesiastica, censura Christiana, observatores morum, judicium delatorium das Rügges *Gerichte* / pœnitentiæ publicæ, tot leges & ordinationes aliæ saluberrimæ, tot literæ & scripta de controversiis Helmstädiensibus componendis ejus autoritate confecta, tot legationes & literarum commercia cum externis Principibus, ipso etiam Magno Moscovitarum Duce, Patriarcha Alexandrino, Æthiopiæ Rege & aliis, de puriori & sanctiore Dei cultu instituta, certissima testimonia haberi possunt. Huc inprimis singularis illa cura pertinet, quam de *Collegio quodam Hunniano* instituendo habuit, atque ideo cum Rege Sueciæ Daniæque, & inferioris Saxonie Ducibus, Alberto filio suo natu secundo, doctore Veerportenio, Gabelkovenio & Bruenero eum in finem missis, pio conatu egit. Scilicet Nicolaus Hunnius, Superintendens Lubecensis, in libro, quem appellabat *Consultationem*, Gustavo Adolpho, Regi Sueciæ, & Joh. Georgio Saxonie Electori dedicato, & anno 1632 edito, sollicitè suaserat, ut certus numerus piorum, eruditorum & celeberrimorum Theologiæ Do-

C. XIII.

C. XIV.

C. XIX.

C. XVII.

C. XIX.

ctorum, communi Procerum Evangelicorum consensu & publica autoritate aleretur, hisque lautius stipendium & selectissima bibliotheca assignaretur, singulisque singuli studiosi ac eruditi, naturæ simul ac gratiæ dotibus ornati adderentur, a quibus difficiliora Theologiæ capita, selectioresque controversiæ, summo studio examinarentur, orationes sacræ ac dissertationes Theologiæ frequentes haberentur, sacri etiam codicis, patrum, scholasticorum, historiæ ecclesiasticæ, conciliorum, decretorum, casuum conscientiæ & praxeos ecclesiasticæ accuratissima collatio institueretur, rarissimæque ac utilissimæ circa hæc observationes communi opera conferrentur. E quo instituto ut maxima ecclesiæ commoda pollicebatur Ernestus; ita nihil omittebat, quod ad illud promovendum & conficiendum pertineret: quanquam, quæ erat eo tempore rerum facies, approbato licet ab omnibus isto consilio, difficultates quædam orirentur, quæ felicem rei successum impedirent. Quod igitur apud alios, per temporum injuriam, perficere non poterat, id saltem in suis terris, salutaribus aliis institutis, obtinere studebat. Constitutus igitur scholæ ordinibus, fidelissimisque ac piis magistris præfectis, omnium sibi subditorum liberos inde a quinto anno in scholas duci, nec nisi satis in literis ac pietate profecissent, inde revocari imperavit, eaque re illud obtinuit, ut proverbio vulgo diceretur: *rusticos Ernesto subiectos nobilibus pagorum alienæ ditionis esse doctiores*. Nobilibus certe, ipsi ministrantibus, literarum studia præ omnibus commendabat, ipsisque inculcari sedulo curabat: quod Seckendorffii, Herberstenii aliique generosissimi viri, Ernesti auspiciis, artibus ac literis bonis imbuti, abunde declarant. Ipseque adeo nobilibus haud eruditis, locum in aula sua vix concedendum putabat. Omnis autem ordinis ac generis studiosos, qui suæ industriæ specimina ac testimonia habebant, largissimis stipendiis ac magnificis juvabat. Adhæc Princeps optimus curabat, ut a viris doctissimis libri componerentur, quorum auxilio felicius juvenus proficeret, errores facilius evaderet, & tum pietatis, tum Latinitatis, Grammaticæ, Logicæ, Physicæ principia genuina caperet. Quorsum inprimis etiam Historia Ecclesiastica Gothana, Bœcleri, Seckendorffii & Artopæi studio concinnata, omnibusque eruditis maximi æstimata, referenda est. Quin ipsa immortalia opera, Historia Lutheranismi

a Se-

C. XV.

p. 152. 168.

a Seckendorffio, & Belli Smalcaldici Expositio ab Hordledero conscripta, Biblia item Vinariensia & Concordantiæ Biblicæ, Ernesti auspiciis, mandatis, & subsidiis, autoribus ipsis id fatentibus, una cum multis aliis, quæ Autor p. 75 enumerat, originem suam debent. Quam providus autem de libris in communes usus parandis erat, tam severus etiam suis, imprimis pastoribus, illorum legendorum autorem & concitorem fuisse accepimus. Quo illud imprimis pertinet, quod Autor p. 76 & 77 recenset. Quæ quidem omnia, cum multis aliis, qui nobiscum expendent paulo penitius, ii tanti Principis pietatem, amoremque piæ eruditionis omni ævo commemorabilem, merito nobiscum venerabuntur, pluresque tales literarum statores ac principes eruditis indulgentes, bono literarum publico ut nascantur, optabunt. De Appendice, seu Dissertatione de ortu & progressu religionis Christianæ in Francia Orientali, cum jam plures ante annos in illustri Academia Jenensi publicæ ventilationi fuerit exposita, & nunc solum recusa, non est ut plura dicamus.

Herrn Hanns Asmansi / Freyherrn von Abschatz/
Poetische Uebersetzungen und Gedichte.

sive

JOANNIS ASMANNI L. B. ABSCHATZII *Metaphrases & Opera Poetica.*

Lipsiæ & Vratislaviæ, apud Christ. Bauchiū, 1704. 8.

Constat Alphab. 2.

Magnis illis in Poesi Germanica Heroibus, quos Silesia progeniuit, suo merito Vir Illustris annumerandus est, Dn. *Jo. Asmannus Liber Baro Abschatzius*, Wirvicii, Lederossi, Petschendorffii, Superioris Berschdorfii & inferioris Gelschavii Toparcha, in Lignicensi Ducatu, dum viveret, Provincialis Syndicus, atque in publicis Silesiæ Conventibus ordinarius Adfessor, Vir multiplici meritorum ac eruditionis gloria celebris, Lignicii d. 22 Aprilis anni 1699 fatis functus, & cum Generosissima Coniuge, biduo post mariti obitum, placida morte vivis exempta, eodem quietorio in Æde apud Lignicenses Petro-Paulina tumulatus. Quanta Baronis laudatissimi inter suos celebritas, quantus natalium splendor, quanta apud
Au-

Augustissimum Imperatorem LEOPOLDUM gratia, quanta apud summos Silesiorum Principes atque Ordines existimatio fuerit, ipsi ex Silesiis cives cordati, & literarum cultura clarissimi, optime norunt, quorum præconiis in exterorum gratiam istud adjicimus, Virum tantæ dignationis, inter continuam curarum molem, & itinera pro salute Ducatus ac Reipublicæ Silesiorum universæ suscepta, Apollini tamen & Gratiis litasse, & quæ nunc publicata sunt, carmina prælo parata hæredibus reliquisse. Hæc vero nunc ipsi ex voluntate optimi Parentis in lucem exposuerunt, Cl. Gryphio, Socio ac Amico nostro honoris causa nominando, præfationem scribente, in qua modernæ Nobilium consuetudinem falsè taxat, qui artium liberalium, & Poeseos præsertim, exercitamenta Equestri homine minus digna judicant, & gladio nihil rei esse cum calamo autumant; quum tamen ex Purpuratis Vatribus, hoc est, ex Imperatoribus, Regibus, Ducibus, Principibus, Pontificibus item, Cardinalibus, Archiepiscopis atque Præfatis, aliisque summæ auctoritatis Magnatibus, qui Poeseos cultores fuere, vastus quidam index confici queat. Cæterum duæ quasi operis hujus partes sunt, quarum altera *Metaphrases*, altera vero *Poemata ex ipsius Abschatzii Baronis ingenio deprompta* complectitur. Inter Metaphrases principe loco se sistit *Pastor Fidus* Tragicocomædia, ex Italico Guarini, vatis celeberrimi, conversa. Quæ facta Guarinus auctor in Italia expertus sit, quot versiones hujus Dramatis in omnes fere linguas transpositi numerentur, Clarissimus Crescimbenus in Commentariis de Poesi Hetrusca fusiùs docuit. Ex Germanis tres, nisi fallimur, *Pastorem* hunc *Fidum* adgressi sunt, Hildebrandus quidem prosaica, Hofmanswaldius autem & Abschatzius, Silesii, metrica interpretatione. Hofmanswaldianæ versionis plus elegantiarum tribuit Morhofius (*Part. 2 de Poesi German. cap. 2 p. 205*) quam ipsi textui Guariniano: ipse vero Hofmanswaldius in præfatione Poematum suorum, primas præ se laudes Abschatzii nostro deberi, eumque verba Hetrusci idiomatis strictius ac feliciter expressisse, monet. Nostrarum partium non est, hanc inter illos litem dirimere, de qua, qui utriusque linguæ intimiore notitia pollent, judicare permittimus. *Sonnuli* autem *jocoserii*, qui *Pastorem Fidum* pressio pede subsequuntur, & quos ex Alexandri Adimari Equitis Tusci *Terpsichore* deprom-

promittit, mira transpositionis felicitate & argumenti raritate notabiles sunt. Quinquaginta nimirum foeminas *Therpsichore*, (id tractatulo nomen est,) nobis repræsentat, omnes novercantis naturæ invidia, maculis quibusdam vel in ore, vel in moribus, deformes, calamo tamen vatis & poetica venustate commendabiles. Quod ad alteram poematum classẽ attinet, quæ soli Baronis nostri venæ ortum suum debent, prima sunt Sacra, quæ adpellatione ex Floræ regno desumpta, *Himmel • Schlüssel* / sive claviculas cœli aut primulas veris nominavit. In iis metaphrasas quorundam Psalmorum, meditationes in ferias Dominicas & Festales, eucharistica matutino æque ac vespertino tempore, nec non post superatas graviiores tam publicæ quam privatæ rei calamitates fusa; hymni item anniverfarii, onomastici, genethliaci, & quæ alia mysteriorum sacrorum genera sunt, occurrunt: quibus & ætatis suæ quinquagenariæ curriculum, totidem strophiolis sive sectiunculis a se delineatum, Auctor noster subjunxit. Post sacras meditationes, carmina statim subnexa reperimus, quibus reverentiam & obsequium erga Divum Imperatorem LEOPOLDUM, & Celsissimos Austriæ Archiduces, cum propter victorias contra hostes obtentas, aut in nominalibus feriis, tum propter alias almæ benedictionis accessiones, contestatus est. Succedunt Epicedia in obitum ultimi Lignicentium, ex Piasceorum Familia nongentenaria, Ducis, & quorundam generosæ stirpis Equitum, carmen item honori Lohensteiniano, ob Arminii & Thufneldæ vitas, fabula Milesia, sed ea longe doctissima & omnis generis eruditione referta, descriptas dedicatum; funebria deinde aliquot in bestias ab heris suis perditæ adamatas, & miscellanea varii argumenti, in quibus omnibus magna venæ felicitas, styli nitor, vocabulorum aculei, & nativæ sensus elegantia deprehenditur. At enimvero in illa inventionum varietate, & argutiarum adparatu, id maxime miramur, ambidextrum fuisse Vatem nostrum, id est, utroque idiomate, Germanico, æque ac Latino, versus plane egregios panxisse: cujus rei luculento testimonio sunt Genethliacum Deo incarnato in terris hospiti, nocte Natali, in monte Senonium inhospitali, vena dextraque frigente, adfectu tamen calente, d. 24 Decembris anni 1666 sacrum, (*vide Sacra pag. 42 seqq.*) Paschologium nocte sacra anni 1667 Romæ formatum, (*ibid. pag. 54 seqq.*) Elegia super incendio d. 12 Oct.

1696 (*ibid. pag. 73. 74.*) Elegia ad Primkium, Rectorem Scholæ Linguicensis, Præceptorem olim suum fusa, in qua peregrinationis suæ rationes ac fructus exponit, (*inter Miscella pag. 106 seqq.*) & alia denique ad amicos ex Italia discedentes valedictoria, (*ibid. p. 111. seqq.*) ut adeo, novo certe exemplo, comprobasse videatur Baro noster Illustrissimus, eam esse Latinæ linguæ majestatem atque elegantiam, ut illius exercitia Nobilioribus ingeniis, & Equestri dignitate præfulgentibus, dedecori nequaquam haberi debeant.

Ο Μ Η Ρ Ο Σ Ε Β Ρ Α Ι Ο Σ.

sive

HISTORIA HEBRÆORUM AB HOMERO HEBRAICIS nominibus ac sententiis conscripta in Odyssæa & Iliade, exposita illustrataque studio atque opera GERARDI.

CROESII. Tomus I.

Dordraci, apud Theodorum Coris, 1704, 8.

Constat Alphab. 1. Plag. 20.

EO tendens Clarissimus Autor, (civis Reipublicæ Amstelodamensis, non adoptatus, sed intra mœnia ipsius natus, ortu longa ducto serie,) quo ipsum ratio quodammodo singularis officii ordinis que sui vocabat, primus Homerum e tenebris eruere, conditamque ab eo Historiam sacram, & e nostro Scripturæ codice repetitam, in lucem proferre voluit. Sic enim censet: Homerum narrare in Odyssæa inde a primordiis, varia eventa majorum Israelitarum, i. e. Patriarcharum & Israelitarum ipsorum, usque ad obitum Moïsi, eo pacto, ut multa adjungat, quæ ad populos eodem genere *Heber* oriundos pertinent; in Iliade vero ea, quæ acciderint in occupanda urbe Hierichunte, ac tota terra Chanaan, duce Josua cæterisque jure imperatorio præditis, intermistis plurimis, quæ ad gentes ab Israelitis devictas fugatosve Chananæos pertinent. Et hæc arbitratur Homerum sic exarare lingua Græca, ut interim nomina propria personarum & regionum, quin & rerum insigniter memorabilium, efferat Hebraice, vocibus singularem in modum sermoni Græco accommodatis. Se autem isthæc perferutari contendit, non deletionem novitatis, verum spe atque fiducia emolumenti in publicum.

Elle

Esse enim in his subsidium, tum ad alias scientias, tum etiam sacras & augustas literas, utcunque magis enucleandas ac illustrandas. Saltem grande in his pondus inesse, ad subvertendum omne Pantheum Deorum gentilium veterum, & tot ineptas de iisdem fabulas, quas non Græci modo ac Latini olim, sed tot inter Christianos etiam philologi & antiquarii, juventuti in suis auditoriis & gymnasiis instillaverint, ac propinarint. Penes Homerum, non nisi unius veri Numinis sub diversis notionibus sonare nomina, & describi Historiam sacram, ita ut in illo sit magna vis, ad tuendam firmandamque sacrarum literarum antiquitatem & auctoritatem, adversus eumentias argutias improborum, quorum in tanta ingeniorum prurigne, non exigua hodie copia sit. Præmittit autem operi suo Autor Introductionem satis amplam in universum Poetam, seu partem generalem, XIV adeo capitibus absolutam. Omnes nimirum veteres hoc animadvertisse, Homerum ubique loqui verbis alienis a vulgari Græcorum forma, peregrinis, novis, translatis, interdum contractis, concisis, amputatis, ut difficile sit ejus mentem assequi. Sed & res ipsas proponere modis prorsus reconditis, ita obscuris ac fabulosis visis, ut legenti nullæ certæ imagines in animum deducantur. Homero ergo, verba illa ac nomina, quæ de Deo aut Diis usurpantur, quæ hominibus Heroibus etiam & actionibus ipsorum singularibus, porro quæ regionibus, urbibus, fluminibus, montibus, rebusque aliis, in quibus suspicio est quandam peculiarem proprietatem contineri, indita sunt, perraro Græca, frequentissime autem Hebraica esse: sed aliter sonantibus nominibus, & tamen re significantibus idem, quod in Scriptura Hebraica notet nomen proprium. Atque rursus sic afferri illa nomina Hebraica, ut omnino accedant ad nomina ista, quæ alibi terrarum, maxime in Græcia, sunt notissima. Interdum occurrere nomina regionis aut loci, tanquam nomina propria, & tamen pro re aliqua, velut nomina appellativa usurpari, cujus generis sint vocabula *Siculi*, *Messenii*, *Sardinii*. Et quæ fingit accidisse Ulyssi aut Trojanis, non de unico dicere Ulysse, verum de multiplici, neque de unius Trojæ excidio, sed plurium urbium eo nomine involutarum; ut ita alius sit Ulysses in initio, alius in progressu, alius in fine operis, & ut alterius generis sit Troja, & Ilium in Odyssæa, atque est in Iliade. Per-

c. 2.

peram igitur censerī ab omnibus, scriptam Odysseam post opus Iliadis, & hanc ex illius tenore debere explicari. Contra vero, Homerum sequi ordinem Historiæ sacræ, & adeo Odysseam præmisisse Iliadi. Præterea indicare eum, Græcos antiquissimos oriundos fuisse e Chananæa, Idumæa & iis oris, eosque fuisse, qui ab Israelitis circumventi, pressi, fugati, se fuga receperint in Asiaticam Græciam & Græciam Europæam. Et hos fugitivos illa illis regionibus nomina de sua lingua patria Chananæa, quæ & Hebræa, imposuisse, quæ tamen temporis tractu, & usu longo, jam ipsiusmet Græciæ nomina viderentur esse. Eo magis autem voluisse eum uti hisce nominibus, sibi notissimis, quo minus Græcos offenderet, sed ut iis palpum obtunderet, cum ipsi de sua antiquitate & de patrio suo solo, quod in eo essent *αὐτόχθονες*, admodum gloriarentur. Facile etiam illa vocabula ad formulam linguæ Græcæ potuisse construi & exarari, absque iactura vocis, modo flexione alicujus literæ, vel mutatione, quod Græci tali litera carent, aut aliam substituerent, quo vox magis clare ac sonore caderet. Adeoque uti Homerum lingua, quæ diutissime post istius tempora cœpit in usu esse Judæis inter Græcos degentibus, Hellenistica. Bene multas etiam apud Homerum personas esse illarum gentium, quæ, qui homines fuerint, nos lateat, nec tamen occultæ fuerint Homero. Sed & multis eum uti nominibus, quæ videantur esse Græca nomina Deorum Dearumve, aut hominum inter Græcos notabilium illustriumque, neque tamen quicquam minus voluisse, quam quod eæ personæ, quarum apud eum sunt nomina, fuerint vel Dii vel Heroes Græcorum. Quantum ad res ipsas, Homerum ait multas partes Historiæ sacræ notare, non ea serie loci ac temporis, qua Sacra Scriptura, verum obiter, ubi incidit occasio aliquid vetus commemorandi, in conventu aliquo, in quodam colloquio. Vicissim varias tractare res nihil facientes ad Historiam sacram, etiam amplis & copiosis narrationibus, etiam integris libris. Cujus generis illa de navigatione Ulyssis Odyssei lib. V. quæ de Scylla & Charybdi, quæ de Circe, & plura, præsertim in Iliade. Sic igitur per illum Scripturam sacram potuisse innotescere Gentilibus, sed testam & in fabulas conversam: ut fuerit ille tam pater mendacii, quam veritatis. Vixisse autem illum post tempora Davidis

vidis ac Salomonis, ex eo colligit Noster, quod non obscuram
noīstos horum Regum faciat mentionem in Iliade. Sed & post
 tempora Jeroboami, primi regis X tribuum vixisse, colligit ex hoc,
 quod & hujus regis meminerit. Et cum aliqua probabilitate posse dici,
 vixisse post tempus Amri sive Omri, sexti regis: quo regnante invalue-
 rit religionum quasi confusio, & Samaritana incoeperit, & Idumæi
 Sidoniorumque res floruerint, eorumque ingens coeperit esse au-
 ctoritas in populo Israelitico, tum vero incuria in custodienda Scri-
 ptura Sacra. Certe fuisse Homerum doctum linguam Hebræam,
 doctum Hebræorum historiam, ut, ubi vellet, hanc potuerit ea in
 lingua tradere. Sed *Ounegy* non videri nomen Poetæ, quin po-
 tius titulum ejus operum atque indicem argumenti. Esse no-
 men Hebraicum *עומר* Omer, *orator*, *rhetor*, vel *commentarius*, ab
עמר Amar, *dicere*, *eloqui*. Nam & nomina illa *Οδυσσεύς* & *Αλκί-
 Δος* non ab auctore indita fuisse, verum ab iis, qui postea auctoris
 opus sua opera ita distinxerint. Similiter nomina *Hesiodi*, *Theogni-
 di* & *Phocylidi*, ipsorum Poematis fuisse indita. Scripsisse Home-
 rum libros suos non ea serie ac numero, ut quidem nunc extant,
 sed variis temporibus, per varias partes, quas vel Pisistratus, vel
 ejus filius Hipparchus, in eum redegerint ordinem, quo nunc habemus,
 eo tempore, quo Athenis constitutum, ut versus Homeri in
 ludis Panathenaicis publice legerentur: quomodo quondam Dei
 mandato Lex Mosæica, septimo quoque anno, in Festo tabernacu-
 lorum, a sacerdotibus universo Israeli prælegebatur. Exhibere no-
 vissime celeberrimum Gronovium, in secundo Volumine Thesauri
 Græcarum Antiquitatum, picturam marmoris, quam Homeri *Στο-
 δίων* vocant, & nos quoque in his Actis A. 1683 p. 538 exhibuimus.
Elegans, inquit Noster, *Marmor, ubi suos amatores invenit: neque e-
 nim omnes, ut pueri, istiusmodi imaginibus ac pupis trahuntur*. Equi-
 dem Homeri librum pergit Noster, esse in multis partibus allegoricum,
 symbolicum, emblematicum. Atqui in his cum sequatur Scri-
 pturæ S. iterum viam docendi vulgatam tritamque, esse adhuc
 totum Homeri opus historicum. Unde permirum videri debere,
 accidisse post Natalem Comitem, G. J. Vossium & alios, etiam
 nostro tempore Francisco de Salignac, Archiepiscopo Cameracensi,
 præceptorum Ducis Burgundiæ, quod voluerit librum quartum Odyf-

c. 4.

c. 6.

c. 4.

c. 3.

p. 67.

c. 9.

seæ Homeri hieroglyphice interpretari, & erudire Principem juvenutis Gallicæ argumento symbolico, tanquam ex Homero desumpto, repletoque cunctis lascivis ac mollibus Deorum Deorumque sermonibus actionibusque, atque id stylo accuratissimo, quo videlicet adolescentes, sua sponte ad voluptates adhinnientes, hoc magis illiciantur inescanturque. Et mirum, potuisse a se impetrare Curiam Romanam, ut cum in hujus Antistitis libros religiosos asceticos tam acerbe stylium strinxerit, nulli censura subiceret hunc ejusdem librum amatorum, habentem quidem saltem, ostentantemque penetralia virtutis ac honestatis, at totum eo ducentem per sacellum fallacis & ambitiosæ idololatriæ Gentilium, vanæque superstitionis, & voluptatis. Intelligit librum Gallicæ lingua conscriptum, *Aventures de Telemaque, fils d' Ulysse*. Præterea Homerum docet non modo multas habere *γνώμας* consimiles S. Scripturæ, verum eas quoque mutuatum esse, & Scriptura sacra: nec tamen alias, quam quas invenerit in libris Mosis, nonnullas quas in reliquis libris Historicis, itemque in Jobo & Psalmis & libris Salomonis. Ubi simul castigatur Zachariæ Bogan Homerus *Rechtschaffen* editus Oxonii 1638, & Jac. Duporti. *Gnomologia Homeri*, Cantabrigiæ biennio post edita. Edmundum Dickinsonum contendere equidem, Græcos quicquid apud Delphos celebre erat, & Josuæ historia effinxisse, verum vix quidquam eum adferre ex Homero. Jac. Capellum sensisse quidem, Homerum legisse Scriptores sacros, & ex his ipsis fontibus multas sumpsisse sententias; res tamen ne hunc quidem ex eo allegare. Eundem Capellum laudari magnopere a Th. J. ab Almelooven in Specimine Antiquit. atque congerere hunc omnia e prophanis auctoribus, quæ similitudinem habeant cum historiis Mosâicis; ne de verbo autem ullo, nedum de re quapiam, Homeri meminisse. Dan. Heinsum in Aristarcho S. promittere, se alicubi ostensurum, *Homerum omnia deprompsisse ex Oriente, quod ad caeremonias, ad res, ad voces*; nusquam tamen ne verbo quidem præstitisse. Vossium, Bochartum, & Ezech. Spanhemium, multa ex antiquis Poetis eliciuisse, quæ spectent ad res in Sacra Scriptura narratas; tale tamen quidpiam de Homero nihil. Dan. Huetium in Demonstratione Evang. ubique in Poetis & aliis auctoribus veteribus invenire Mosén; ex Homeri au-

tem

p. 162.

c. II.

c. I. p. 14.

tem scriptis duo duntaxat adducere loca, quæ ad historiam quandam in Scriptura relatam transferri possint. Unus, addit, est Gallus, qui propter suam jactantiam ac promissionem inanem satis orbi erudito vapulavit, & quandoque nominatim propter ea, quæ aliis abstulit atque edidit pro suis, venit in Catalogum plagiariorum, Thomasi. Perperam etiam Everardum. Feithium libris 4 Anti-quit. Homericarum, omnia in Homero ad Græcos retulisse, monet. In parte speciali præstruit, descriptionem Patriarcharum fieri in Odys-ſea cum primis sub persona Ulyſſis, sed venientis alio atque alio nomine; quemadmodum & opus obitu Ulyſſis, ita ut re ipsa sit nomen Moſis, concludatur. Itaque illum Ulyſſem aliquoties recurrere, & jam abire, & obire, jam redire, isti primo similem. Id indicari verbis L. II. v. 175. εἰκὸς τῷ ἐνιαυτῷ, similis illi uni ipsi, non vigesimo anno; item cum L. I. v. 1. dicitur αἰὲρ πολύτροπος, multiformis, non versutus. Nam & Scripturam Sacram non semel nomen viri proprium imponere alteri, etiam diutissime post venienti. Penelopen, uxorem Ulyſſis, æque esse nomen commune & appellativum, ac toties ita vocari, quoties scemina quædam dignitate præstans & curans bene negotia domestica venit nominanda. Patriam utriusque appellari Irbacam, non Ioniæ illam, sed, quod inauditum ad hunc diem usque, Mesopotamiam, Hebr. ירבעם i. e. insulam, regionem, & תרבעה Thaveeb medium, elisa litera י, inter duos amnes, Euphratem ac Tigrim. Hinc Homero Ἰθάκην αἰεφάλον, mari circumdatam Lib. I v. 385 & 394 dici. Alibi vocare Ἠλύσιον πεδῖον, non campum Elysiū, sed Mesopotamiam felicem. Nam πεδῖον congruere cum פדד Paddan, quo nomine Moſes Mesopotamiam vocet Gen. 48. ἡλύσιον esse Ἠλεις Ales, lætus, exultabundus. In Ithaca designari ab Homero urbem Ulyſſis patriam Κρήτην Lib. 19 v. 172, non Cretam Græcorum insulam, sed Babylonem, ubi lingue mixta. Nam Hebr. קרית Kereth, Chald. קרית Kareta, dici urbem, & κατ' ἐξοχήν intelligi Babylonem. Homerum ergo hoc, quod dicit de mixtura linguarum, hausisse ex verbis Moſis de Babylone, Gen. XI. 9. In vicinia Babylonis fuisse Κνωσόν, magnam urbem, & Κνωσος Canos, æstus, fervor. Hanc alio nomine Hebr. vocari חרן Chanan, & חרר Chari, æstus, ardor, Græcis κάπραι, ubi There & Abraham & Nahor vixerint, & in qua Isaac & Jacobus libi uxores asciverint. Eandem esse urbem, quæ Homero lib. 4 v. ult. vocatur

p. 179.

c. 13.

c. I.

c. 2.

tur Ἀσπίς, ab אֶשְׁתָּר *Asthar*, pecus, grex: quod qui illic debebant, his maxime in usu esset facere rem pecuariam. Porro genealogiam Ulyssis & cognationem exhibet ex eodem loco Homeri, lib. 19. v. 179 seqq. Ibi enim juniorem aliquem Ulyssem enarrare majores suos, quorum singula nomina sint Hebraica: Μίνως enim Nostro est Abrahamus, a מֵאָה *Mea*, centum, centenus, & נֵץ *Nou*, germinare, quasi dicatur *germinans etiam centenos annos natus*. Fuisse autem Abrahamum natum centum annos, quum ei nasceretur Isaac. Gen. 21, 5. Convenire id etiam Semo. Minos Homero Rex novenus, ætate vel generatione. Abrahamus autem non verbis, sed re, nonus generatione in posteritate Semi, filii Noachi Gen. c. XI, pater celsus & habitus uti princeps Dei, Gen. 23, 6. Atrides Homeri est Lotus, cum suis domesticis, Hebr. *latens, absconditus*. Alio nomine Παδάουαυθς, Hebr. *soporatus*, & sic tamen *se extendens*, & *floridus*. Ilium Homeri est Hebr. אֵילֹן *Eilon*, planities, locus campestris, spatiosus. Trojam Hebr. esse תְּרוֹנָה *Theron*, clamorem, vociferationem. Nimirum Abrahamum & Lotum abeuntes ex Ure Chaldaeorum, venisse Carras sive Charan, deinde accepisse sedem *planitiem* Jordanis, ac Lotum quidem extendisse tentoria usque ad Sodomiam. Cumque hæc una ex urbibus planitieci, propter flagitia *clamantia* versus cælum, igne cœlesti deleta esset, Lotus *occultavit* se in spelunca, ubi *vino somnoque sepultus* factus est pater duorum filiorum, unde infinita multitudo hominum. Hinc Lotus Homero alio nomine Ποσειδάων, *potens sui generis auctor*. Minois filius *Deucalion*, quasi Hebr. destinatus in holocaustum, verum ex isto periculo ereptus. Hunc esse filium Abrahami, Isaacum. Alio nomine Telemachum, quasi agnum mactatum vel percussum, vulneratum. Filius alter Abrahami ex pellice, Ismael, dicitur fuisse Castor, Hebr. קַסָּר *Casar*, sagittarius, arcitenens. Gen. 21, 20. Porro Ulyssis frater major natu Homero, Ἰδομηνεύς, ab Edom, rufus Elavus. Et hunc similiter vocari hic Telemachum a תֵּלֶע unde תְּלוּלָה *thola*, ruber, coccineus, & מַחֲצֵ *Machas*, perfregit, ut sit ille *qui matris vulvam perfregit*. Ludere enim Homerum nominibus, pro natura personarum. Quin imo Lotum ipsum venire sub persona Ulyssis etiam, & Abrahamum, Isaacum, Jacobum, item Moysen, at quem-

c. 3.

quemque suo ordine ac tempore. Fufius autem ea, quæ diximus, aliaque recensentur in fequentibus. Ac primum eruitur incendium Sodomæ ex versibus primis libri I hoc modo: conatum quidem Ulyfsem magna cura, uti fuam, fic amicorum animam in excidio Trojæ fervare; verum nihil profeciffe, etiamfi immitteret fe in eos, (ἰέμεν) minitans illis, ni excederent, miffum iri in eos ignem. Repetuntur autem ac fupplentur hæc ex lib. 4 v. 246 feq. **Σπῆρες καὶ ἄμφ' ὤμοισι βαλὼν, οἰκῆι εἰοικῶς**, quæ ita Noster transtulit: *ingreffus magnam Trojanorum urbem vibrabat circumquaque numerosas sententias ignis, qui eos liquaret, gerens se similem istorum duorum virorum, similem δέκτη, i. e. δικαστῇ, iudici inter eos, qui tamen non erat.* Latere enim hic iterum Hebraica obfervat in vocabulis Græcis, **κακὰ, σπῆρες, ὤμοι**. Quorum nihil omnino allequuti fint Latini interpretes: *Vilibus pannis circumjedis ad humeros, seruo similis, alteri se ipsum viro assimulavit mendico.* Cæterum viros Trojanos periffisse v. 7 lib. 1 **αὐτῶν γὰρ ἀτασθαλίῃσιν**: voce iterum Hebræa, quæ verbis multiplex unum significet, execrabile facinus cum viris, **תלה - שן - תן** *Et is thala, Et, cum, Is, vir. Theala, execratio.* Neminem enim potuiffisse dicere, unde nomen hoc fit derivatum, & quomodo poffit existimari esse Græcum. Pœnam ipsam exprimi v. 8. 9

ἐπιτοί, οἱ καταβῆς ὑπερίον ἡλίου

ἦσαν αὐτὰρ ὁ τοῖσιν ἀφείλατο νόστιμον ἡμᾶρ.

Noster: *fauit, qui Sole supergradiente devoraverunt illos in mares peccatores. Et abstulit idem Sol ipsis redeuntem diem.* Nomen enim **καταβῆς** iterum Hebraicum esse, flexum licet ad modum Græcæ vocis βῆς, compositum a **כתב** *Cathar* contundere, & **בש** *Bor*, pudenda. Et qui se perditum eunt invicem nefanda libidine, devorare se dici, velut suo se cibo replentes, suisque deliciis. Accidisse autem Ulyfssi, v. 13. ut cum se ex hac calamitate eriperet, sua uxore privaretur. Hanc ait esse historiam illam Loti, Gen. 19. cui obiectum fit similiter v. 9. quod indefinenter agat *judicem*, qui que uxore sua in incendio Sodomæ urbatus fit. Eandem historiam recurrere in Odyfsea pariter & Iliade, quæ singula hic non persequimur. Historiam Loti concumbentis cum filiabus in spelunca montis, unde nati Moabitæ & Ammonitæ, Gen. 19, 30. feqq. de-

c. 4.

c. 5.

prehendit Cl. Cræsius eodem libro I Odyssæa, ubi Ulysssem detinet v. 14. 15 nympha Calypso in specubus cavis, cupiens eum sibi esse maritum, i. e. ut faceret sibi, quæ maritus uxori. Cum hac nympha conjungi v. 71 & postea in universo opere *Θόωσαι*, aliam nympham, quæ Ulysssi mixta in specubus cavis peperit ei Cyclopem Polyphemum, filia Phorcynis, regis Maris mortui, ipsius scilicet Ulyssis. Sic igitur exponit Homerum v. 22 seqq. Ulysssem seu Lotum non omnino accessisse Æthiopus longe semotos, ultimos virorum, Occidentales & Orientales, sed dum in specubus illis cavis habitaret, sua ebrietate ac vino eo accessisse, uti saltu protulerit genueritque duos populos montanos & feros, alteros Occidentales, alteros Orientales. Nam *μετενίαθς* esse a *μέθη ebrietas* & a *κίεν saltu proferre*. Æthiopes in Scriptura esse Cusim, homines facie a Sole adusta, ab *αἶθω* & *ὄψις*. Habitasse autem Ammonitas & Moabitas loca montana, Sodomæ veteri ultra mare mortuum finitima; illos versus Orientem, hos versus Occidentem. Appellari *τηλοθέοντας*, *feros*, *ἐχάτους ἀνδρών*, viros ortos e duabus sororibus, ab *σιν* vir, & *Ἰννη* Achæos, sorores. Fuisse eos *δοσομύχς*, ex terra Gigantum, omnia conterentium, a *σιν* *Dom*, terere, & *ἑν* *Emim*, Gigantes. Deut. 2, 10. 11. 20. Cumque Moabitarum & Ammonitarum termini fuerint montes Abarim & fluvius Arnon, Num. 21, 11. 13. & 22, 36. eosdem terminos his nominibus etiam Homerum signare, ut notet, utrumque populum unam suorum sacrorum communitatem habuisse, v. 25. *ἀντιδὼν ταύρων τε καὶ ἀρνεῖων* Ἐκατόμυχς. Abirin enim Hebr. esse ταύρας, & ἀρνὸν Hebr. nomen fluvii. Porro Deum verum, (non omnino Neptunum,) ex eo tempore infestum Ulysssi, non occidisse eum quidem, tamen abegisse a patria in viam erraticam, v. 75. Ac *συγχρητισμὸν* Abrahami & Loti diu postea commemorari ab Homero Lib. 3. v. 304. & Lib. 5. v. 520. Imo toties eum fere exprimere & repetere hanc historiam, quoties referat in hoc opere concubitum hominum furtivum, maxime lib. 5. Redit ad Historiam Abrahami Cl. Auctor, ostenditque, multa occurrere apud Homerum, quæ a Mose descripta snt Gen. 15, 1-5. 16, 1. seqq. 17, 16. 18. 18, 10. 14. 21, 10. 14. Mitti nimirum a supremo Deo Jove Ἀθήνην, Minervam, Archangelum, (qui Jovem nominet suum parentem; assessor, qui alicui sit clypei instar ac multa merces, *γλαυκῶπις* Ἀθήνη)

c. 6.

p. 286.

17) ad Ulyssē, Abrahamum, & Nympham *εὐπλόκαμον* Saram, in Ithacam, *ut ei excuset filium*. Lib. 1. v. 88. Excipi autem ceu charum & Jove genitum hospitem honorifice, v. 120. Et hinc ortum inter gentiles, quod homines antiqui propter justitiam suam fuerint *Θεοὺς ἔδειξαι*, qui illos hospitio exceperint. Pausaniam hoc sumpsisse e verbis Homeri Odyss. L. 7. v. 203. Minervam porro interrogatam a Telemacho, ut sibi dicat, quæ vere sit, respondere v. 179, & iterum v. 418: *Μέντης ἀγχιάλαιο δαΐφρον' υἱός*. Nomen *Μέντης* Hebraicum esse, notans, *qui vere est, fuit atque erit*: filium *δαΐφρον'*, Hebr. ejus, qui fructuosum reddit ac fecundat: *Ἀγχιάλων*, idem nomen Hebr. ac Dei singulare, *qui juret per se*. Abrahamum describi v. 189. seqq. ceu senem incurvum, humi repentem, nomine *Laërtes* herois, qui moleste ferat, *quod sit sine liberis*: cujus uxor *αἰψόπολος*, vetula, multa caligatione oculorum laborans. Et hanc habuisse ancillam Eurycleam, quæ & Penelope hic vocatur, uxorem secundariam, Hagarem nimirum, matrem Ismaelis, sive Telemachi. Homerum noluisse rem dicere aperte, neque illum vocare filium non legitimum, docere tamen, notam inesse aliquam, Lib. 2. v. 86. Euryclea Homero etiam appellatur *Ἠγήτωρ, μέντης Ταφίων* Lib. 1. v. 105. Videturque Nostro *Ἠγήτωρ* esse *Ἠγήρ*, (infertis duabus litteris, ne nimis manifesta esset locutio poetæ, suas res occultantis,) Hebr. Hagar, a peregrinando. *Μέντης* Hebr. h. l. *nutrix*. Taphii, (Hebr. a rapiendo) Ismaelitæ, Arabes, alibi Hagerim in sacris, 1. Chron. 5. 20. Cumque Antinous illam e domo ejiciendam urgeret, durum id visum Telemacho, L. 2. v. 130. Respicere autem Homerum ad legem Hebræorum, de dimittenda uxore secundaria, & de dandâ portione filio uxoris repudiatæ. Exod. 21. & Deuter. 21. Tandem discedere Telemachum cum matre, *non absque consilio Dei*, datisque ei amphoris vino plenis duodecim, & utribus viginti farinæ. L. 2. v. 371. Bellum porro Abrahami adversus Regem Helami Cedor-Laomor, ejusque socios Gen. 14. perspicue recenseri ab Homero L. 3. proficitur Noster, atque inprimis historiam Melchisedeci. Dicit enim Nestor v. 278. seqq. se & suos venisse ad *Σύνιον Ἰεθὺν ἄκρον Ἀθηνῶν*, *ad hospitalalem supremum Sacerdotum fortissimum*. *Σύνιον* enim Autori nostro est h. l. a *Σύνιον* *Souna*, hospes, qui cibum & alimentum præbet. Ibi ergo ait Nestor *φῶτος Ἀπόλων κατέπιφνε μέ-*

c. 7.

καλὰς κίβερήτην ἀγαυοῖσι βέλεσσι, *Sacerdos auguste sansteque colendus fecit respirare Menelai sodalitium nutans ac delassatum a praelio, suis panibus ac phialis vinariis.* Postremum venisse se Nestor ait v. 287. ad μαλειᾶων ὄρεσσι, ubi notentur decimæ, quas Abrahamus obtulit Melchisedeco: nam מִלְחָמָה *Milnim* esse oblationes, consecrationes. Sed & ex εὐλογία ejusdem Gen. 14, 9. sumptum esse, quod Homero Deus vocatur Ζεὺς αἰγίοχος v. 42. & Ποσειδάων γαίης ὄχος, v. 55. *excelsus possessor cæli atque terra, Deus in se sufficiens.* Spirare ergo in oratione Poetæ sermonem Sacræ Scripturæ. Et huic Deo esse sacrificatum, ἐνοσίχθωνι κυαιοχαίτη, v. 6. *punienti peccata, & nihilominus gratioſo, ac condonanti peccatoribus.* Repetita enim hæc esse e verbis ipsius Dei, Exod. 34, 6. 7. Dignum nunc est videre, quid de immolatione Isaac apud Homerum repererit Cl. Autor. Ubi notat primum, Abrahamum rem tantam filio: non nisi sensim ac tractim insinuasſe potius quam manifestasſe: *Deus ipse sibi prospiciet de agno ad holocaustum*, Gen. 22, 8. Sic apud Homerum Minervam ad Nestorem, cum jam sacrificium Deo omnipotentifaciendum esset, dixiſſe, τοῖο γὰρ ὦρεν, pro ὄρεν, *ad est enim tanti*, omnipotentis, *provisio.* Lib. 3. v. 334. Tecte iterum Minervam dicere, se velle manere ad καύκωνας magnanimos, ubi sibi χρεῖσθαι debeatur neque νέον neque ὀλίγον, *ad principes sacerdotes holocausti*, ubi sacrificium sibi debeatur, neq. juvenile neq. infantile. v. 367. Hic cum filium Ulyſſis Telemachum peti intelligeret Nestor, stupor equidem invaſit omnes, v. 371. statim tamen illum (i. e. agnum maſtandum h. l.) manu apprehendit, hortaturque, ut jam nunc haut ignavus sit neque imbellis: Deos enim illum comitari. Actutum vero Nestor orat Minervam, ut sibi propitia sit, & largiatur pro Telemacho sacrificare bovem legitimam, indomitam, quam nemo vir jugo subdiderit, h. e. juvencam optimam, v. 373 - 383. Et hanc esse dicit Noster expressionem poetæ ad verba Scripturæ, Num. 19, 2. & Deut. 33, 17. Atque audivisse in hoc Minervam senem illum, effuſasque deinde d'ras devotioni debitas super hostiam bovis jugulationi destinatam. Describi hic etiam ritus agni Paschalis maſtandi & comedendi a tota quaque familia. Interea vero Telemachum, (habitum velut mortuum,) domi a suis ablutum, unctum & indusio pulchro tunicaque fuisse indutum, v. 437 - 468. se-

c. 8.

secundum morem pollincturæ. Sed sistendum hic. Jamdudum enim excitatum in animis Lectorum arbitramur desiderium videndum reliquas in Opera Homeri meditationes, quas se ait habere confectas, tum alia scripta Cl. Croesii, quæ p. 6. 84. 147 promittuntur.

THESAURUS ANTIQUITATUM GRÆCARUM
contextus & designatus ab JACOBO GRONOVIO.
Volumen Nonum & Decimum.

Lugduni Batavorum, apud P. van der Aa, 1701, fol.

Vol. IX constat Alphab. 8, plag. 21.

- X -- Alphab. 10, plag. 16.

Series Scriptorum, quæ in nono Volumine inveniuntur, hæc est: Jani Cornarii, Medici Physici Zwicciavienfis, *de Conviviis veterum Græcorum libellus*, pag. 1. Andreæ Baccii *de Conviviis antiquorum, deque solenni in eis Vinorum usu, atque ritu Cænarum, summoſſimo, libri quinque*, pag. 21. Jo. Baptistæ Casalii *de Tricliniis, Conviviis, Hospitalitate & Tesseris veterum exercitatio*, cum figuris, p. 121. Joſephi Laurentii opuscula *de Conviviis, Hospitalitate, Tesseris & Srenis*, p. 161. Jacobi Sponii *de origine Srenarum dissertatio epistolica, historico-moralis*, p. 205. Jacobi Philippi Tornasini *de Tesseris Hospitalitatis liber singularis, in quo jus Hospitalitatis universum, apud veteres potissimum, expenditur. Accedunt quadam ex Ant. Augustino, & Jo. Chiflerio, ad majorem illustrationem hinc inde inserta*, cum figuris, p. 213. Joſephi Laurentii *de Prandio & Cæna veterum, ac de aliis ad eadem spectantibus, miscellanea*, p. 285. Petri Castellani ΚΡΕΝΟΠΑΓΙΑ, *sive de usu carniū libri IV*, p. 353. Hieronymi Mercurialis *de Portionibus ac Eduliis antiquorum mantissa*, p. 465. Joannis Freinsheimii *dissertatiuncula de Calida Potu*, p. 493. Adriani Turnebi *de Vino ac ejus usu & abusu libellus*, p. 517. Jo. Henr. Meibomii *de Cervisiis veterum, potibusque & ebriaminibus extra vinum aliis commentarius*, pag. 537. Jo. Baptistæ Casalii *de Thermis & Balneis veterum tractatio*, cum figuris, p. 633. Petri Servii *de Odoribus dissertatio philologica*, p. 645. Lazari Bayſii *de Vasculis libellus, sive animadversiones in tractatum de Auro & Argento legato*, cum fig.

guris, p. 677. Pomponii Gaurici *de Sculptura, sive Statuaria liber*, p. 725. Ludovici Demontiosii *commentarius de Sculptura, Calatura gemmarum, Sculptura & Pictura antiquorum*, libri duo, p. 777. Aldus Manutius Pauli Fil. *de Calatura & Pictura veterum*, p. 803. Philostratus *de Pictura*, p. 807. Julii Cæsaris Bulergeri *de Pictura, Plastica, Statuaria libri duo*, p. 809. Jo. Baptistæ Casalsii *de Insignibus, Anulis, Fibulis, &c. syntagma cum figuris*, p. 893. Josephi Laurentii *de re Vestitaria syntagma*, pag. 921. Otthonis Sperlingii *de Crepidis veterum diatriba*, p. 961. Theodori Gazæ *de Mensibus Atticis liber, ex interpretatione Jo. Perrelli*, pag. 977. Jo. Perrelli *de ratione Luna Epactarum, & mensis intercalarii commentariolus*, p. 1009. Petri Hagueloni *Calendarium trilingue, seu de Mensibus Hebraeorum, Græcorum & Romanorum dialogus, ex optimis quibusque auctoribus collectus*, pag. 1017. Joannis Lalamantii *dissertationes tres*, I. *de Tempore & ejus partibus*, II. *de Anno Macedonum, seu Græcorum*, III. *de Anno Attico*, p. 1041. Petri Castellani *de Mensibus Atticis, nec non de Mensibus & Anno Græcorum, Atheniensiumque diatriba*, p. 1081. Samuelis Petiti *de Anno Attico ecloga chronologica*, p. 1109. Stephani Pighii *Themis Dea, seu de lege divina*, p. 1137. Ejusdem *Mythologia ΕΙΣ ΤΑΣ ΟΡΛΣ, vel in anni partes*, ex symbolis antiqui cujusdam toreumatis argentei, quod extat apud Rev. D. Antonium Perrenotum, Episcopum Atrebatensem, cum figuris, p. 1185. Jacobi Usserii *de Macedonum & Asanorum Anno Solari dissertatio, cum Græcorum Astronomorum parapegmate, ad Macedonici & Juliani anni rationes accommodato*, p. 1205. Josephi Laurentii *de Annis, Mensibus, Diebus, Horis, &c. tractatio*, p. 1269. Phlegontis Tralliani *de Olympiis fragmentum, cum Latina interpretatione & notis Jo. Meursii*, p. 1289. Erycii Puteani *Olympiades, sola manu, ut vere anni mundi respondent, computata*, p. 1297. Joannis Meursii *Denarius Pythagoricus, sive de numerorum, usque ad denarium, qualitate ac nominibus, secundum Pythagoricos, liber singularis*, p. 1329. Joachimi Camerarii *historia rei Nummaria, sive de Numismatis Græcis & Latinis*, p. 1401. Leonhardi Porcii *de re Pecuniaria antiquorum, & de eorundem Ponderibus, Mensuris, Stipendiis militaribus &c. libri duo*, p. 1433. Josephi Scaligeri, Jul. Cæs.

Cæf. F. *de re Nummaria antiquorum differtatio, liber postumus.*
Ex Bibliotheca Academiæ Lugd. Bat. p. 1493. Willebrordi Snellii
R. F. *de re Nummaria, liber singularis*, p. 1549. Caroli Patini *de*
Nummate antiquo Augusti, & Platonis epistola, p. 1589. Seba-
stiani Fæschii *de Numo Pylamenis Evergetæ, Regis Paphlagoniæ*
epistola, pag. 1601.

In præfatione pro more adnotat loca, vel perperam citatâ;
vel non satis intellecta, hocque adeo nomine varia doctrinæ & an-
tiquitatis capita illustrat, & de Græciæ monumentis optime mere-
tur. Inter alia ista Philonis *de plantatione Noæ* verba : *περσφέ-
ρειν τοῖς οἰνοχομένοις κελύοντες*, quæ a Freinshemio de Calidæ
Potu cap. I. §. 1 citantur, explicat, affirmatque, *περσφέρειν τοῖς οἰ-
νοχομένοις* dici convivas, qui os & labia componant ad ea, quæ
infusa sunt, haurienda, atque adeo admoveant vel calicem vel patinæ,
ut inde gustent, ac vescantur. Hinc conficit, Jo. Freinshemium mi-
nus idoneam interpretandi rationem secutum esse, quando *οἰνοχο-
μῆντες pincernas* convertit. Quod ad Laurentii schediasma *de*
Medicis ac Balneis antiquorum attinet, monet verba de Antonio
Musa, quæ exhibentur col. 625, non esse Dionysii Halicarnasæi, sed
Dionis Cassii Cocceiani ex libro LIII, pag. 517. Eadem scribendi le-
vitæ factum esse, ut in schediasmate de *Re Vestitaria* col. 944.
loco Justinii de Lyfimacho & leone præscripserit Suetonium. Eo-
dem errore ductus est Jo. Bapt. Casalius *de Insignibus, Anulis, Fibu-
lis*, qui col. 898 Hirtii verbis de Scipione Africano agi putat, cum
intelligatur socer Pompeji. Non minus in Pighii Themide col.
1154 prave legitur : *verum D. Lactantius Uranum Latine Ca-
lestium interpretatur*; quum respiciat ad verba capitis XI lib. I de
falsâ religione : *Jupiter in eo loco suspexit in cælum, quod nomi-
natur Ουρανός*. Id vero admodum juvenile videtur, quod Ludo-
vicus Demontiosius *de Sculptura* col. 784 pronunciavit, Bruto
nempe, qui Reges expulit, statuam positam non fuisse. Aliter enim
Suetonium in Jul. cap. 80 tradidisse, his usum verbis : *Subscribere*
quidam L. Bruti statua, utinam viveres! Non minus rejicit,
quæ paulo ante citatus Pighius col. 168 scribit : *Itaque Veneris sa-
cer pectem est, quem idcirco Cytheriacum appellat Naso Poeta*
de Salmaci canens : Sape Cytheriaco deducit pectine crines;
quum

quum in loco illo jamdudum ediderint *Cytoriaco*, & nimis esset confusum, ut quod Themidi proprium symbolum datum fuit, tamen diceretur Venerium. Imo vero rem sponte loqui, & Cytorum montem rasile buxum suum pectinibus faciendis approbavisse etiam per ipsos Poetas.

Volumen decimum uberem ingeniorum copiam & varias exercitiorum amenitates recenset, cujus scripta hoc se ordine excipiunt: Ludovici Cresollii *Theatrum veterum Rhetorum, Oratorum, Declamatorum, quos in Græcia nominabant ΣΟΦΙΣΤΑΣ, expositum libris V*, p. 1. Diligenter hoc opus in præfatione celeberrimus Gronovius persequitur, variosque nævos indicat, e. g. quod col. 204. scribat, Apollonii sectatores in Græcia nominatos fuisse *Απολλωνίς ἡκίας*, cum legendum sit *Απολλωνίς σκιάς*. Origenis PHILO-ΣΟΦΗΟΤΜΕΝΩΝ *fragmentum*, quod ex bibliotheca Medicea descripsit, ac notis illustravit Jacobus Gronovius, *Græce & Latine*, p. 249. Meminerunt jam pridem hujus opusculi viri clarissimi, Lucas Holstenius, Joannes Pearsonus, Ægidius Menagius, (qui partibus inde petitis observationes suas ad Diogenem auxit) & Petrus Daniel Huetius. Id solummodo interest, quod Menagius & Huetius non ipsi Origeni, sed alii potius sub Origenis nomine latenti tribuant. Quos proinde Gronovius confutat, ac inprimis Huetii objectionibus respondet. Descripsit vero Gronovius ex codice, chartaceo illo quidem, at auro pretiosiore, quippe unico, in quo emendatissimum sit Arriani *Ἀναβάσεως* Alexandri Magni exemplar, eadem manu scriptum, & unde Gronovius olim egregia illa ejus Scriptoris supplementa, & nuperrime opus integrum edidit. Præterea eum ipsum codicem esse ait, in quo Hieroclis ad aurea Pythagoræ Carmina eruditissimus commentarius tam integer & inviolatus exhibetur, ut non aliunde æque, ac ex hoc ipso volumine, colligi possit, quam maculosi codices ab typographis nostris, ad multiplicanda exemplaria usurpati fuerint. Dividit Origenes in hoc fragmento Philosophos in quatuor classes, Physicos, Ethicos, Dialecticos, Barbaros, id est Brachmanes & Druidas, singulorumque opiniones refert, & refutat. Sequuntur hunc libellum Guiljelmi Morellii *de veterum Philosophorum origine, successione, ætate & doctrina tabula compendiosa, cum Hieronymi Wolfii annotationibus*, p. 293. Davidis

Chy-

Chytræi Tabula Philosophica, sive series Philosophorum, & sectarum præcipua, a Thalete & Socrate imprimis, usque ad Ciceronem deducta, p. 346. Desiderii Jacotii *de Philosophorum doctrina libellus*, p. 349. Joannis Meursii *Æschylus, Sophocles, Euripides, sive de Tragædiis eorum libri tres*, nunc ex ipsius Auctoris chirographo aucti, p. 393. De Æschylo Meursii tradit, multa ex ipso decerpisse Thomam Stanlejum, imò integras fere paginas 638, 639, 640, 641, 642, 643, 644, 645, deberi huic opusculo, quod tamen maluerit Stanlejus lectori permittere ad cogitandum, quam ipse confiteri. Plutarchi *Alexandrina Proverbia Græca*, ex Bibliotheca Medicea, cum interpretatione Latina Jacobi Gronovii, nondum antehac edita, extant in præfatione, pag. 6 seqq. Descripsit hæc Proverbia, beneficio Illustris Magliabequii, Clarissimus Gronovii nostri Frater, eaque digna judicavit Noster, quæ huic Thesauro infereret. Extant nonnulla ex Proverbiis apud Erasmum citatis (is enim allegat Plutarchi Collectanea, sicut quoque duo Adagiorum libri inter amissa Plutarchi opera referuntur) in hoc libello; quamvis Erasmo ad manum videatur fuisse aliquid auctius, quum ex illis Plutarchi collectaneis etiam ab eo citetur, quod in hoc numero non deprehendes. Sunt eorum CXXXI, & his verbis finiuntur: ΠΛΥΤΑΡΧΗΣ παρρησία, αἷς Ἀλεξανδρεῖς ἐχεῶντο; quanquam Gronovio non ipse Plutarchus, aut certe non solus ea collegisse videatur. Joannis Meursii *Thesæus, sive de ejus vita rebusque præclarissime gestis, liber singularis*, pag. 465. Raphaelis Tricheti du Fresne *Epistola de Charonda effigie in Catanensi nummo expressa, apud Petrum Seguinum in nummo argenteo*, pag. 569. Joannis Meursii *Dionysius*, sive de Auctoribus istius nominis, eorumque scriptis, liber singularis, & nunc primum ex chirographo Auctoris editus, p. 577. Ejusdem *de Heraclide, aliisque ejus nominis & eorum operibus dissertatio*, nunc primum ex chirographo Auctoris edita, p. 605. Ejusdem *Theophrastus*, sive de illius libris, qui injuria temporis interciderunt, liber singularis, pag. 621. Ejusdem *Lectiones Theophrastææ*, in quibus eorum librorum, qui supersunt, loca aliquot emendantur, p. 647. Accedit Adolphi Vorstii epistola de obitu V. C. Jo. Meursii ad filium ejus Joannem, juvenem præstantissimum, ut & Epitaphia in ejusdem mortem per A. Buchellium,

& Nicolaum Heinsum, p. 654. *Manus Ænea Cecropii votum referentis dilucidatio*, Auctore Jacobo Philippo Tomafino, cum figuris, p. 657. Octavii Falconerii *de numo Apamensi, Deucalionis diluvii typum exhibente, dissertatio*, pag. 672. Georgii Schubarti *enarratio parergica metamorphoseos Ovidiana de Diluvio Deucalionis*, p. 701. Tanaquilli Fabri *vita Poetarum Græcorum, ex Gallico idiomate in Latinum translata*, p. 740. De Latina vitarum harum versione ita censet, non in scite modo a Gallicis Latina recedere, sed nævos quoque Tan. Fabri studiis indignos, & historiam ac rem ipsam violantes, occurrere. Josephi Barberii *de miseria Poetarum Græcorum liber*, p. 797. Petri Castellani *vita veterum & illustrium Medicorum, qui toto orbe usque ad Seculum XIII floruerunt*, p. 853. Jo. Henrici Bœcleri *de Scriptoris Græcis & Latinis, ab Homero ad initium seculi post Christum natum decimi sexti, commentatio*, pag. 905. Helladii Bœfant. noi *Chrestomathia: Græce, cum interpretatione Latina & notis Joannis Meursii*, p. 949. In his notis col. 952 s. extat operosissima operum Callimachi enumeratio, quam in editione Callimachi, quæ ante aliquot annos prodit, repetitam esse ideo ægre fert, quod Meursii nomen suppressum, hocque adeo modo industriæ Meursianæ nonnulla illata fuerit injuria. Joannis a Wower *de Polymathia tractatio: integri operis de studiis veterum ἀποσπασμάτων, cum præfatione Jacobi Thomasi*; accesserunt præterea Auctoris *vita & elogia in Polymathiam, item tabella Synoptica*, p. 985. Josephi Laurentii *de Professoribus, Oratoribus, Nomenclatoribus & literis collectio*, p. 1161. Jo. Meursii *Bibliotheca Græca libri tres, ex chirographo Auctoris nunc primum editi*, p. 1181. Ejusdem *Bibliotheca Attica*, sive de antiquis Atticis scriptoribus, eorumque item operibus, libri IX, ex chirographo Auctoris nunc primum editi, pag. 1393. Leonis Allatii *de Patria Homeri liber, cum figuris*, p. 1553. Ejusdem *Homeri natales, cum interpretatione Latina Andree Bajani*.

MENSIS FEBRUARII A. MDCCV. 91

A CONFERENCE WITH A THEIST &c.

h. c.

COLLATIO CUM THEISTA, CONCERNENS

doctrinam de Animorum Immortalitate. Pars V. Auctore

GULIELMO NICHOLLS, S. Theo-

log. Doct.

Londini, apud Thomam Bennet, 1703, in 8. plagg. 18.

Putabat Vir Clarissimus, postquam quatuor voluminibus in Actis nostris A. XCVI p. 537, XCVII p. 367, Supplem. T. II p. 273, & A. DCC p. 325 non negligenter recensitis, Religionis revelatae fundamenta adversus profanos homines defendisset, vacationem sibi haud immerito ab ejus generis labore deberi, cum editis *posterioribus de animorum immortalitate cogitationibus*, nescio quis, (*Estibium* enim *Psycholetham* appellat ipse) denuo zelum ejus provocaret. Ejus itaque cavillationibus Dialogo, quem hic instituit, satisfaciendum sibi esse putavit, quo *Estibium* ipsis verbis paulo ante nominati libri suam, Credentium vero & Philologum veritatis causam agentes, nobis sistit. Initium facit huic disputationi a confutatione persuasionis *Estibii*, quasi periculo careat hic error suus, si error sit, de animis una cum corpore extinguendis, quandoquidem restituenda corpora animata in extrema die esse concedat, & explodendis illis, quas *Estibius* allegavit, creditæ a plerisque mortalium immortalitatis causis, quas educationem, & emolumenta, quibus sacrorum inhiant antistites, ille esse existimaverat. Inde ad ipsa argumenta progreditur: quorum primum *Estibius* desumerat a dissensu Philosophorum circa spirituales & immortales animorum naturam, qui cum nihil nos doceant de animo certi, hoc visum exploratissimum primo fuerat *Estibio*, animum accidens esse, non substantiam, & quidem nihil aliud quam motum in materia seminali cum sensu conjunctum. Quem conceptum tamen Noster vel hoc uno absurditatis revinci putat, quod hac ratione Adamum tantundem vitæ & motus habuisse necesse sit, quam omnes una mortales, quandoquidem ab eo ceteri omnes fuerint derivati, nihil vero plus, quam ipsum habeat, motus cum altero possit communicare. Quin & motum cum sensatione concipere

M 2

sibi

sibi non minus difficile videri, quam viridem motum concipere vel amarum. Inde definitionem animæ ab Estibio allatam, quod sit afflatus, materiæ in creatione Divinitus infusus, examinat, & ex ipsa narratione Mosis, ad quam respicere illa videtur, probat, distinctam toto genere animam a materia esse. Cumque porro Estibius multum inservire hypothese suæ posse existimaverit, si evincere possit, bruta animantia ratione gaudere, eam sententiam diligenter impugnât Noster. Utque difficile imprimis solertia quorundam animalium, barrorum, equorum, canum solvat phenomenon, non a ratione brutorum, sed ratione Dei hoc esse ait, quod quantum abluat ab eorum sententia, qui Deum tanquam Spiritum universi sibi concipiunt, viderit doctissimus Autor Meditationum de Cometis, cui nuper multorum Philosophorum sapientiam suspectam reddidere ejus generis lemmata. Sed præcipua in eo versatur controversia, an pura puta machina homo sit, mechaniceque eas, quas menti vulgo tribuimus, operationes producat. Negativam sententiam istas potissimum considerationes evincere, Autor arbitratur. Quod certum sit, cogitationem sine mechanico motu dari in Deo, quodque aliquam organorum mechanicorum constructionem atque combinationem cogitationem producere, nullo argumento, nullo modo possit ostendi. Sed tamen adeo a motu sanguinis & animalium spirituum pendere in operationibus suis animam, ait Estibius, ut sibi vel ob hanc causam ejus immaterialitatem & immortalitatem nequeat persuadere: cui id imprimis opponit Noster, quod anima non sit talis agens, quod omnia in materiam possit, quodque adeo instrumento corrupto, non mirum sit, minus expedite suum ei procedere opus. Interea tamen ne in iis quidem, quorum corruptissimum cum spiritibus animalibus cerebrum, furiosis & mente captis, omne perire mentis rationalis indicium, argumento evidenti, illud a materia non pendere penitus. Quod facile separari adeo mens a corpore possit, materialitatem ejus non probare; nam istam rem legibus conjunctionis a Creatore sancitis esse tribuendam, & destructum instrumentum, tanquam sibi inutile, deserere animam. Nec esse, quod hic opponatur difficultas expellendi spiritum malum e corpore hominis obsessi; ejus enim in illo perseverantiam pendere,

sub

sub directione Dei, a voluntate spiritus illius, nec esse eandem conjunctionis animæ cum corpore, quæ ab arbitrio illius non pendeat, sed recta corporis constitutione, rationem. Quod incrementa capiunt per varias ætates animæ vires & potentia, materialis naturæ argumentum non esse: nam illa mentis incrementa, corporis haut debent extensioni per illas ætates crescenti, vel hoc evincere, quod optima mens non sit ea semper, quæ maximam corporis molem animat, adeoque a cultura illa esse mentis, & educatione, atque experientia, quæ uno momento perfici non queat. Sed si immaterialis est anima, quam rationem reddemus stuporis in illis, agilitatis in aliis hominibus? quam a materiæ temperie optime Estibius derivari posse credit. Ipsas itaque mentes, in primis originibus suis, majores minoresque sortiri perfectiones, & rationibus & Scripturæ testimoniis firmat Autor, imo & instrumenti perfectionem, hoc est corporis hujus temperiem, aliquid huc conferre posse; unde tamen non magis possit probari, animam esse materialem, quam aerem esse ejus naturæ, cujus est tibia quam inflat, eo quod motum & sonum aeris aliquo modo ab hujus structura pendere, manifestum sit. Quod vero porro urgetur, magis rationi convenientem esse mortalitatem animæ & materialitatem, eo quod facilius concipiatur; in eo & hoc negatur, quod rationi maxime conveniens semper sit, quod facillime concipitur, & quod facilius concipiatur mortalitas animæ quam vita perennis: at cum disputatio de istorum posteriori non dissimilis sit disputationi de gustibus, priori forsan optime inhæreas, & Autor quoque illud inprimis urgere videtur. Non opus vero, ut proluxi simus in iis commemorandis, quæ reponit Estibio urgenti, quod doctrina de interitu animæ, ut ab ipso proponitur, moraliter non sit turpis, quodque contra, superstitionis pro mortuis precibus, & doctrinæ de purgatorio fundamenta subternat, quæ obtinuit de animæ immortalitate sententia. Certe enim ubi de rei simpliciter veritate instituitur questio, superfedere poterunt disputantes illarum quaestionum utraque, & posteriori inprimis facile vel mediocriter sapientes respondere, non erat difficile. Nec magis merebatur responsionem argumentum, quod impossibile non sit, animam interire atque redire, cum hic de eo, quod evenit, non vero de eo, quod evenire

potest, sit quæstio. Quod vero sententiam, immortalitatem defendentem, in multis parum apte coherere Estibius arguit; in eo non male industriam Cl. Autor locavit. Quod ex immaterialitate immortalis a; non recte inferatur, concedit; nam & brutis animalibus immateriale principium largiendum esse existimat, quibus tamen immortalitatem vindicare non audet; at ex fine creationis humanoque animo, qui idem persistat semper, continuationem quoque conservationis eorum inferendam putat. Sed quid si argumento illo, ad mundi totius durationem æternam demonstrandam, cum Platonis aliisque Philosophis aliquis utatur? Animam, quæ ne in vita quidem semper cogitet, ad iudicii usque diem cogitandi suspendere actum, atque adeo ad tempus non vivere, non absurdum visum Estibio; at præsuppositum negat cum Cartesio Noster. Difficultates circa unionem spiritus & corporis motas ita solvit, ut dicat esse unionem actionis & passionis, animumque corpori præsentem esse per suam *involuntatem*. Ex eo, quod Hebraica vox *נֶפֶשׁ* *visam* significat in sacris literis, non sequi, animam esse materialem; eam enim vocis notionem ceteras, & hanc imprimis, quæ *mentem* designat, non excludere; idque eo firmatur, quod omnia naturæ spiritualis & cogitantis attributa *נֶפֶשׁ* in sacris adscribantur. Immortalitatem in Scripturis tribui animæ, temerario ausu negari; contrarium enim ex Eccl. XII, 7. Matth. X, 28. Luc. XXIII, 43. 2. Cor. V, 6. Apoc. XIV, 13. 1. Corinth. V, 23. patere. Ludicrum plane esse, quod ex eo, quod Salvator mortuos excitans, *redi anima in corpus tuum*, dixerit nunquam, argumentatio instituitur, sed *surge juvenis &c.* Hoc enim, inquit Autor, est postulare, ut omnia dixerit Servator, quæ dici poterant; voluisse autem eum voce *surge* potestatem indicare suam, mortuis vitam restituendi. Quod animæ superstites non appareant, id quod nunquam fieri absolum visum Estibio nisi extinguerentur, inde esse, quod certis legibus sint in statu separationis adstrictæ animæ: imo apparere quandoque, fide dignorum hominum testari narrationes. Argumentum ex historia lapsus sumtum, quæ doceat, per peccatum mortalem factum hominem totum, adeoque & animam ejus, solvitur distinctione inter mortem spiritualem, quæ sit amissio vitæ divinæ, & physicam; hanc corporis, animi esse

illam. Quod dicitur, poenam vero non esse mortem corporis, qua anima ærumnis illius liberetur; id valere de restitutis per Christum conceditur, non vero de impiis, quibus per mortem hujus vitæ detrahantur solatia, gravissimis & insolabilibus malis inde succedentibus. Nec ex doctrina de animæ immortalitate sequi, corpus, quod hac ratione in se spectatum pro mole materiæ ignava, vitæ ac sensus experte, habeatur, adeoque in peccati partes venire nequeat, injuste post resurrectionem puniri; proprie enim corpus poenas non sentire, sed animam puniri per corpus, per quod etiam peccaverat. Quod Apostolus ait, in extrema die superstites mutandos esse, ita cum animorum immortalitate esse conciliandum, ut non quoad immortalitatem, sed quoad ceteras qualitates, & relationes inprimis ad hoc corpus, mutandæ esse dicantur. Nec absolum esse, animæ superstiti felicitatem adscribere, ejusque consummationem in extremam diem differri dicere. Nec inde sequi, duplex judicium esse admittendum: bonas enim animas, quæ influxu gratioso bonitatis divinæ, & expectatione manifestandæ penitus gloriæ, beatæ sint, nullo peculiari discretionis judicio opus habere, ante solennem istum nobis præfixum diem: similemque impiorum etiam esse rationem. Redemptionem vero Christi, quæ totum hominem concernit, animæ immortalitati non ob stare; eam enim a morte spirituali, ut corpus a physica, liberatam fuisse. Loca Scripturæ, quæ renovationem animæ ad diem judicii differunt, centies explicata fuisse & vindicata. Novam denique non esse illam doctrinam, quod Estibius urserat. Apud Græcos enim, diu ante Platonem & Thaletem, eam viguisse, ex Homero patere; Senecam Ep. CXVII apud omnes gentes eam receptam esse agnoscere, quod inductione quadam facta ostenditur, indeque concluditur, in ipsis incunabulis generis humani eam traditam fuisse, quæ alias late adeo non potuisset propagari. Inprimis vero Judæos hanc doctrinam semper tenuisse, contra Estibii cavillationes defenditur, disputationibusque finis gravis quibusdam monitis impositus.

Vidimus non ita pridem articulum novi Operis, quo, ut in his Actis libri nuper editi recensentur, ita in vicina Academiâ Jenensii librorum veterum selectissimi protrahentur in lucem, & ex iis Excerpta luculenta exhibebuntur. *Bibliotheca Antiquæ* nomen præferet, & per mensium intervalla publicabitur; quemadmodum jam primum illius segmentum mense hujus anni Januario publicè juris factum fuit. Specimen rei a Paulo Colômesio in *Bibliotheca Selecta* dudum fuisse editum, in Actis nostris A. 1684 p. 313 sqq. memoratum a nobis meminimus. Neque ignoramus, simile quid anno 1702 tentatum fuisse Parisiis, mense illius anni Julio publicari cœpto & post continuato libello: *Essais de Littérature pour la Connoissance des Livres*; qui & Hagæ Comitum, sed additis subinde Viri docti alterius censuris, recusus est. Verum cum post mensem Julium anni 1703, nihil ad nos illius opusculi pervenerit, parum abest, ut abruptum illud, quod tot aliis hujus generis scriptis accidit, arbitremur, eoque magis calcar addamus Doctissimis Bibliothecæ illius Antiquæ Collectoribus, ut institutum saluberrimum strenue prosequantur. Qua occasione non dubitamus quoque celeberrimæ Academiæ de novo incremento gratulari, quod cognovimus, non solum Historiarum Professionem, postquam per aliquot annos vacasset, tandem Eruditissimo ac Diligentissimo Viro, *Burchardo Gortbelff Siruvio*, τδ πάλυ Georgii Adami Filio, demandatam, sed in primis quoque Reverendæ Facultati Theologicæ meliorem nunc lucem affulgere, cui ornandæ deinceps Viri magnis in Rempublicam Literariam meritis Clarissimi, *Michael Fürschius*, & *Johannes Franciscus Buddens*, hic ex Fridericiâ, ille ex Tubingensi Academia evocati, studium suum operantque impendent. Inter libros ex his regionibus expectandos, elegantiorum literarum cupidis Clarissimi Viri, *Wilhelmi Ernesti Tenzelii*, Saxonia, ut vocat, Numismatica, seu Nummophylacium Numismatum Mnemonicorum & Iconicorum, a Serenissimis Electoribus Ducibusque Saxonie cudi jussorum, indicari præcipue meretur; cujus partem primam, quæ a Duce Alberto, Albertinæ lineæ Conditore incipiet, & in Electore Augusto desinet, proximis nundinis Lipsiensibus certo nobis pollicemur. Hanc quo ordine excepturæ sint partes aliæ septem, peculiari programme ipse Auctor celeberrimus exposuit, quod apud *Philippum Wilhelmum Stockium* Bibliopolam nostratrem prostat.

A C T A ERUDITORUM,

*publicata Lipsiæ
Calendis Martii, Anno MDCCV.*

MELCHIORIS LEIDEKKERI, SS. THEOL. D. & PROF.
de Republica Hebræorum Libri XII.

Amstelodami, apud Isaacum Stokmans, 1704, in fol. Alph. 9.

OMnium rerum, adeoque & studiorum esse vicissitudinem, ac proinde ut omnibus nos utiles præbeamus, serviendum non raro tempore venire, observat in Præfatione doctissimus Leidekkerus. Fuisse sane ait, cum vigerent admodum controversiæ de Religione. Inde vero Viros eruditissimos animum ad pietatis praxin in Scholis & Ecclesiis excolendam applicuisse, & simul commendasse Scripturæ Sacræ analysin & meditationem, ne quædam modo illius particulæ inspicerentur, ut fieri consueverat in controversiis, sed omnis Divini verbi œconomia perspecta haberetur. Ac cum linguarum Orientalium peritia eo maxime inserviret, Philologiæ studium Theologiæ conjunctum fuisse innuit, in quo certe Lutheranos, Hackspanium, Dillherrum, Glassium, Carpzovium, Frischmuthum, Wagenseilium, aliosque excelluisse uti haud dissimulat, sic Reformatis quoque laudem illam cumprimis deberi addit, cum nemo nesciat, Buxtorfios, patrem & filium, Hottingerum, Erpenium, l' Empereurium, Sixt, Amamam, Coccejum, Leusdenium, Lightfootum, Seldenum, & reliquos, quorum vestigiis hodie insistant Witsius, Marekius, Triglandius, Vitringa, Braunius, Hulsius, Rhenferdus. Qua de causa & suam mentem hæc studia revocasse fatetur, quippe cum ad Philologiæ sacræ fontes ab adolescentia perductus fuerit, tanto quidem cum progressu, ut doctore Judæo usus, Rabbiorum scripta

N

le-

legerit, quando vix annos septendecim natus fuerit. Nec unquam se intermisisse testatur linguarum Orientalium studia, dum verbi fungeretur ministerio, ac si id unum agere libuisset, hodie inter linguarum Hebrææ peritissimos se censi potuisset, nullus dubitat; sed remoram sibi injecisse causatur horridum Talmud, quo viderit tot futilia contineri, & quæ ad bonam mentem nihil sæpe proficiant. Nihilo secius necesse tandem fuisse assentiri, ut Philologicis mentem magis, quam ante, appelleret. Postulasse etenim Juventutem Academicam Collegia ad Cuzum & Goodwinum, unde enatæ sint ad Majemonidis quendam tractatum observationes, quæ orbi erudito haud displicuerint. Hinc ad Cuzum nonnulla notare se constituisse, quorum specimina disputationibus quibusdam ediderit. Rogatus vero, ut quæ haberet ampliora, luci publicæ exponeret, mutato consilio Rempublicam Hebræorum describere gestiit in præsentī opere, de quo istam spem concipit, fore ut intelligat Lector, nullum extare volumen, quo tanta amplitudine Sacra & Politica Hebræorum Respublica depicta, aut Philologiæ Sacræ synopsis tradita fuerit. Ut igitur de tam illustri opere judicium ferre liceat & iis, quibus ejus videndi aut perlustrandi copia nondum hucusque facta est, illius faciem paucis dare adumbratam juvabit.

Et libris quidem istud absolvitur duodecim, quorum *primus* de *Gentis Hebræorum sacerrima antiquitate* agit, & a nomine exorsus, cur eadem Hebræorum, Israelis, Judæorum appellatione gaudeat? disquirat. Profapiam deinde Patriarcharum ab Adamo usque ad diluvium illustrat, atque inter alia ad Sethum delatus, de ejus columnis disserit. Prot-Evangelium de Semine mulieris curatius attendi jubet, idque adversus varias detorsiones vindicat, ac Messiam & salutem per ipsum consequendam istud promittere, ostendit. De diluvio, de Filiis Dei, & imprimis de Gigantibus, varia in medium affert, ac diluvium hoc fuisse universale, probat. Historiam hinc Noachi & posterorum, ad turris usque Babylonice æram persequitur, deque ipsa turri Babylonica & linguarum confusione dispicit; istud vero, quod Judæi comminiscantur de LXX linguis, ex confusione Babelica ortis, & distributis per LXX nationes, fabulis accenset; statimque ad dispersionem gentium, & originem nationum ex tribus Noachi filii, con-

tem-

templandam se confert, in sancta vero ex Noacho progenie, ad Abrahami usque ætatem se extendente, desinit. Heic notamus ex aliis, quæ de Cainane affert: Cainan nimirum verus ipsi ante diluvium est filius Enoschi, at falsus filius Arphaxadi, licet habeatur in Genealogia Christi apud Lucam. De eo autem dum Viri eruditi disputent, observari vult, Moſen, quando bis genealogiam Patriarcharum mox a diluvio texat, Cainanem prætermittere, idem fieri ab autore Chronicorum sero tempore post captivitatem Babyloniam, imo vero ibi Cainanem suum non interposuisse incautos & sui oblitos textus divini corruptores. In omnibus porro exemplaribus Græcis Cainanem non haberi, sed tantum in versione LXX virali, quæ multas passa corruptelas fuerit. Hinc τὸν καὶνὰν forte in Luca primitus non fuisse, sed insertum esse deinde ab illis, qui versionem LXX Interpretum, ceu Prophetico Spiritu adornatam, ignari codicis Hebræi, nimium venerati fuerint.

Secundus liber de origine gentis Hebræorum ex Abrahamo, Isaaco & Jacobo agit, & usque ad illius statum in Ægypto sermonis telam pertexit. Postquam igitur de Abrahamo & ejus vocatione ex Ure Chaldaeorum verba fecit, de Melchizedeko adversus P. Cunæum, fuisse hunc ipsum Dei Filium asserentem, late disputat. Circa fœdus Dei cum Abrahamo paulisper detinetur, at diutius tamen hæret in circumcisione sacraque illius origine. Reliquam libri partem conficiunt Ismael & Ismaelitæ, Saræ mors, Isaaci vita, Esavi item & Jacobi historia, duodecim quoque Jacobi filii, gentis Hebrææ Patriarchæ.

Varium gentis Hebræorum apud Ægyptios statum dum Libro tertio Autor sub considerationem paulo penitiorum revocare aggreditur, post prolixam satis Dissertationem præliminarem de fœderis Ægyptiorum Dynastiis, de Ægypto primum ipsa, & mox de ejus incolis horumque negotiis quadam promittit. Uti vero studium sapientiæ apud Ægyptios extollit, sic eorum vicissim superstitionem atque idololatriam taxat, & in causam odii Ægyptiorum in pastores ovium inquit. Notatu digniora circa Josephi præfecturam in Ægypto ubi excussit, & hunc Gentilibus minime ignotum fuisse demonstravit, Hebræorum in Ægypto sedes, negotia, victum, sacra commemorat, suppeditatisque de Jacobi testa-

mento & XII Patriarcharum morte observationibus, ad statum & regimen Hebræorum Politicum in Ægypto pergit, non omisis in super eorum conjugii, incrementis atque moribus. Afflictum de cætero eorum in ista regione statum, quidquid videatur aliis, ultra CCXV annos haud durasse, innuit.

Liber *quartus miracula Divina providentia in constituenda Hebræorum Republica* enarrat, cumque Deus primum ad tanta negotia vocaverit & instruxerit Moſen, ut eo ceu instrumento suæ providentiæ uteretur, idcirco de hoc Moſe ante omnia diſſerit, & ad res sub ipſo gestas delatus, de decem Ægyptiorum suppliciis, de egressu Hebræorum ex Ægypto, transitu per Mare rubrum, fontibus in Elim & de Manna, de aqua ex rupe profluente, de victoria ab Amalekitis reportata, de Politico Magistratu a Moſe instituto, legibus in Sinai latis, similibusque materiis commentatur. Quin & Joſuam, Moſis ſucceſſorem, heic sub diſpectum vocat, transituraque per Jordanem deſcribit, ac bella Joſuæ in Cananæos tangit; ultimo vero loco, poſt Chronologiam peregrinationis Iſraelitiæ in deſerto, antiquitates Gentium, earumque ſynchroniſmos cum hiſtoria Moſis & Joſuæ collocat.

Quintus liber Theocratiam Hebræorum ſibi præfixam gerit, legesque Moralem, Cereſmonialem, Politicam, ac ſingularum corpora Juris ſpectat, hoc eſt, ſummam legum in certos titulos digeſtam ſiſtit, prout hos in lege Morali Decalogus, in reliquis vero libri Moſis paſſim ſuggerunt. Peculiares autem leges quasdam paulo accuratius indagat, legem puta agrariam, legem anni Sabbathici, & legem anni Jubilæi; cujus poſterioris dum meminit, ſimul de tempore Jubilæorum, utrum quovis XLIX an L anno celebrata ſint? diſquiri, & qui poſterius affirmant, maximis induci argumentis autumat. Tandem prout in antecedentibus ſubinde ad antiquitates & ſynchroniſmos Hebræorum atque Gentium reſpexit; ſic hoc in capite Nationum leges confert, & Joſepho, aliis deduſtis, contradicit, quando ille ex Moſe leges Gentium profluxiſſe perhibet.

Ad Reipublica Hebræorum ſedes & incolas Liber ſextus pergit, cumque Deus ſuam Theocratiam, non variis ſolum legibus, ſed & diſtributione terræ Cananææ illuſtiores reddiderit, de hac

per hanc distributionem per sortes facta dicere orditur, ac post Terræ Sanctæ extollit præstantiam. Civitates quoque Hebræorum uti generatim, sic primariam maxime urbem Hierosolymitanam lustrat, & cum civibus earum aliquandiu versatur, nec Proselytorum, quæ iustitia, qua domicilii seu portæ obliviscitur. Conjugia porro & divorta, Familiasque inter eos florentes, uti eorundem non minus negotia exponit, & quibus hæc reguntur, tempora, dies, hebdomadas, menses, annos metitur, & sub finem breve Kalendarium Judæi familiare subnectit.

Nullam Reipublicæ salutem esse, nisi cives suis utantur bonis, eorumque tranquilla gaudeant possessione, & quisque suo fungatur officio, spe præmiorum & metu poenarum, Libri *septimi* initium præsupponit. Istum vero scopum cum sine *Politico Regimine* attingere haud liceat, idcirco de eodem latius disserere Auctor nunc instituit. Derivat illud a primævo Magistratu, Senioribus populi, Principibus tribuum, capitibus Familiarum, Principibus civitatum, Chiliarchis, Centurionibus, Quinquagenis, Decurionibus, & eorum Ministris, qui שופרים nuncupantur. His addit extraordinarios in Israël Judices, a quibus ad statum Reipublicæ reliquum, inde a morte Josuæ, ad Reges usque transit. Sed diutius circa statum sub Regibus exactum detinetur, sigillatim Saulem, Davidem, Salomonem ob oculos sibi proponens, & sacrarum pariter ac civilium rerum sub istis conditionem delineans. Synedrium magnum ac minus, Domumque Judicii Trumviralem, seu Trumvirorum quoddam collegium in civitate, quæ CXX incolas non haberet, una cum Judiciis quibusdam aliis describit, & ut horum iustitiam in præmiorum ac poenarum distributione consistentem, sic iura quoque belli ac pacis examinat.

Qui supersunt quinque Libri, circa Hebræorum sacra & religionem singuli occupantur, & *octavus* quidem per *loca sacra* divagatur, Tabernaculum puta Mosis, cujus ornamenta & supellex recensentur, Templum Salomonis, cujus varia fata perpendit, & ejus cum secundo Templo comparisonem instituit, Synagogas dehinc, & tandem Excelsa atque Proseuchas. *Nonus tempora religionis sacra* notat, Sabbathum ante omnia, Neomenias inde &

Festum clangoris, ac festa quolibet anno solennia, Festum Paschatos, Pentecostes, diem Expiationis, Festum Tabernaculorum, Festaque extraordinaria atque accessoria, quibus & jejunia associantur. *Decimus* liber *Personas sacras* producit, Sacerdotem puta magnum, quem suis in vestibus contemplatur, & Sacerdotes inferiores, Levitasque & Nethinæos, quas item opes & quos reditus Sacerdotes & Levitæ, quales thesauros Templum habuerit, enarrat, ac in contemplatione Prophetarum desinit. *Undecimus actiones in Religione publica sacras* spectandas sumit, videlicet doctrinam & conciones, sacrificia, oblationem, suffitum, sal, ligna, solennem expiationis diem, preces & benedictiones publicas, Psalmodiam sacram, Ministerium Templi & Regimen Ecclesiasticum. Tandemque liber *duodecimus* & ultimus *privatam Hebræorum Religionem* sistit, & non generatim modo eorum fidem, pietatem ac virtutes alias, sed & speciatim exercitia pietatis domestica laudat. Naziræorum & Rechabitarum vota præ cæteris pensitat, & quales se Hebræi in eleemosynis, in cibis & conviviis, in vestibus, in impuritatibus & lotionibus, in morte & sepultura, inque luctu gesserint, quæ spes æternæ vitæ & futuri seculi eos lætaverit, insinuat.

Hæc summa sunt voluminis hujus capita, in quibus exponendis celeberrimus Autor non semper se Rabbiorum opiniones secutum fuisse perhibet, cum illi testes de antiquitatibus Hebræorum optimi haud sint; quanquam nugacissimas Judæorum antiquitates tacere noluerit, ut manifestum foret, non esse probæ moneat, quæ ex illorum officinis venditantur. Cæterum Lectorem aliud adhuc volumen expectare jubet, quod statum Reipublicæ & gentis Hebræorum inde a schismate Jeroboami, in quo præsens terminatur, usque ad hæc tempora exhibiturum sit.

Sed antequam hæc quiescere calamus jubeamus, de Appendice voluminis nonnihil adhuc dicendum est. Præfixum illa gerit titulum *Archæologia sacra, qua de Divina rerum omnium origine secundum Mosis historiam, atque adeo de prima Hebræorum fide differitur contra Gentes & quosdam Philosophos, ac præsertim adversus T. Burneti Archæologiam Philosophicam & profanam telluris Theoriam*. Inter Reipublicæ namque Hebræorum primaria fundamenta-

menta locum obtinere monet principem doctrinam, de origine Universi Mosaica. Ab hac vero fide cum illi hodie deficiant, qui suas Archæologias Mosaicis opponant, ac cum refutare Scriptorem sacrum non audeant, eum mundi originem obscuro texisse velo comminiscantur, dum τὸ ἡθικὸν docere moresque instruere, non τὸ θεωρητικὸν & accuratam rei veritatem exponere intendunt; ideo ut Mosi sua constet autoritas, frontem iis obvertere æquisumum judicat.

CONCILIATION DE MOYSE ET DE
S. ETIENNE.

i. c.

CONCILIATIO MOSIS ET S. STEPHANI CIRCA
numerum Familiae Jacobi.

Amstelod. apud Petrum Brunel, 1704, 8. Plag. 7.

Qui sub literis U. P. R. D. L. R. nomen suum latere voluit Auditor hujus schediasmatis doctissimus, Critici cujusdam, qui nuper in Novis Literariis Jo. Bernardi, *inartio Phasius* Mosis & Stephani, circa numerum familiae Jacobi, conciliare tentaverat, exemplo excitatus est, ut hoc opusculum conscriberet. Siquidem hunc perfunctorie solum gravem istum scrupulum tractasse existimat; indeque ipse majori rem industria aggressus, eam se conciliandi methodum novam inuisse innuit, ut non solum verba Mosis Gen. XLVI, 26, cum effato Stephani Act. VII, 14 concilianda, sed & ea, quæ Gen. XLVI, 27, & Deut. X, 22 leguntur, inter se invicem & cum prioribus istis componenda esse existimet. Nam Gen. XLVI, 26 dici, omnes personas, quæ cum Jacobo in Ægyptum venerint, ex ipsius semine egressas, fuisse numero 66. At ejusdem capitis v. 27 affirmari, omnes personas familiae Jacobi, quæ in Ægyptum venerint, fuisse 70. Porro Deut. X, 22, pronunciari, patres gentis Israeliticæ, qui in Ægyptum descenderint, fuisse 70: qui vero numerus cum præcedenti minime conveniat, quia ibi omnes personæ ad familiam spectantes; hic vero soli patres & familiae propagatores numerentur. Denique Act. VII, 14 dici, familiam Jacobi, quam Josephus in Ægyptum abduxit, 75 capitibus constitisse.

Verum

Verum has difficultates Auctor noster, LXX virali versione vel ideo penitus statim repudiata, quod dubia magis augeat, quam minuat, ex solis fontibus Ebraïis se soluturum pollicetur; eamque in rem, Chronologia familiæ Jacobi præmissa, præsupponit, Josephum, vivente adhuc Isâaco, anno Jacobi 91, inter Naphthali & Gad fuisse natum, dicique filium senectutis Jacobi Gen. XXXVII, 3, non quod natus fere minimus fuerit, ceu vulgo quidem credatur, sed quod seni Jacobo & gaudio fuerit, & auxilio singulari. Post hæc quinque instituendæ conciliationis ponit principia: nimirum Her & Onan, Judæ filios, eo quod ante ingressum familiæ in Ægyptum, obierint, plane hic non esse connumerandos; etsi in recensionibus familiæ Jacobi Gen. XLVI (quam tamen ad sequentes numeros v. 26 & 27 expressos plane non spectare, sed separatas suas rationes habere putat) sigillatim commemorantur: uxores & nurus Jacobi huc prorsus non pertinere; filias vero, ut membra familiæ, non vero ut capita populi, esse numerandas: eos qui Gen. XLVI recensentur, Jacobi posteros omnes reipsa non vixisse, cum ille in Ægyptum abiret; neque etiam id velle sacrum Scriptorem, quia per præfixum *h* eo loco adhibitum solum indicetur, eos omnes Jacobo in Ægypto degenti (stylo Hebræico) advenisse, h. e. ab eo, dum viveret, visos: Jacobum, antequam fatoungeretur, omnes nepotes suos capita linearum, ut filii tribuum capita erant, constituisse: denique Josephum, antequam obiret, suos quoque nepotes inter capita linearum retulisse.

His ita constitutis, ipsam Auctor noster conciliationem instituit, ejusque nervum p. 54 omnium clarissime sequentem in modum exponit: Primum Gen. XLVI, 27 familiam Jacobi *physice* & ita considerari, qualis ex eo prodierit; quo pacto omnes Jacobi, quos in Ægypto agnovit, posteros, sublati prius per principium præsuppositum, Her, Onan & Dina (utpote quam non secus, ac istos, inter Cananæos mortuam contendit) at Josepho ejusque filiis cum Serah filia connumeratis, fuisse numero LXX. Secundo Gen. XLVI, 26 eandem familiam *politicè* concipi, numerarique omnia populi capita, tam tribuum, quam linearum, quæ moriens Jacobus constituerit, quæque in Palæstina hæreditatem obtinuerint, & Num. XXVI sigillatim describantur: quorum numerus,

re-

rejeſta Serah, quippe ſororina, & Saule, Simeonis gnato (quem ſpuriũ, adeoque e numero capitum populi Divini excluſum exiſtimat) fuerit LXVI. Tertio Deut. X, 12 recenſeri eadem populi capita, additis etiam iis, quæ Joſephus in tribubus Manaſſeh & Ephraim capita linearum recens creaverat, unde jam proveniant LXX. Denique Act. VII, 14 omnia omnino populi Iſraelitici capita, atque etiam Saulem (qui poſt decimam generationem Divina lege in cenſum populi receptus, & Deut. X, 12 jam connumeratus ſit) & Levi ejusque tres filios, quorum in acquirenda Palæſtinæ hæreditate nullum alias jus fuerit, ipſumque Jacobum, gentis univerſæ caput, enumerari, atque hinc numerum LXXV oriri.

Ceterum *ως εν παρόδω*, ſecundo hujus Diſſertationis capite (nam XVII omnino capita continet) obſervat Auctor, ſuo quidem judicio manifeſtas transpoſitiones Chronologicas in Ebræis etiam Bibliis contineri, quando v. gr. mors Jacobi ante Joſephi venditionem, & Joſephi nativitas poſt fratrum natu poſteriorum natales enarratur: in numeris vero fidem ſe codici Ebræo inviolatam habere. Tandem in adjecta Præfatione Marollium, qui in Jo. Bernardi Novis Literariis Auctoris hac de re cogitata, antea jam publice propoſita, menſe Aprili 1704 impugnaverat, eundo per capita reſellit, pluraque alia conſimilis argumenti ſcripta pollicetur.

AVIS SINCERE AUX CATHOLIQUES &c.

i. c.

SINCERA ADMONITIO AD CATHOLICOS Fœderati Belgii incolæ, de Decreto Romane Inquiſitionis contra Archiepiſcopum Sebaſtenum dato,

--- 1704, 12. plag. 15.

Tertius jam vertitur annus, ex quo univerſum Belgium Fœderatum, magnaſque Romanæ Eccleſiæ pars, turbis vexatur domeſticis, quas controverſia Petri Coddæi, Archiepiſcopi Sebaſteni titularis & Eccleſiis Fœderati Belgii, quotquot Pontifici Romano parent, ſumma cum poteſtate & Vicarii Apoſtolici axiomate præfeſti, cum Jeſuitis aliſq; religioſis Ordinibus, miſſionis munere ibidem fungentibus, excitavit. Accuſatur ille, quod Janſenianis & Rigidis,

O

quos

quos vocare solent, insigniter faverit, libris Jansenismum disseminantibus in Belgio Foederato edendis vel operam vel patrocinium attulerit, vernaculam S. Bibliorum lectionem promiscue concefferit, & quæ sunt hujus commatis alia. Clam hæc ab initio agebantur: quare vocatus Romam Archiepiscopus, ipso Jubilæo anno in Urbem venit, auditus a Collegio fidei propagandæ causa instituto, auditus a Congregatione Cardinalium peculiari, imo a Pontifice ipso, duos præsertim defensionis suæ causa libellos A. 1701 ibidem edidit, quorum prior *Declarationis*, alter *Responsionum* titulo comparuit. Sed prævalere adversarii, Archiepiscopo infecta re in patriam remigrante: quem e vestigio insecutum est Decretum Inquisitionis Romanæ, præsentè Papa Clemente XI die 3 Apr. A. 1704 confectum, sed die 7 Maji demum publicatum, pag. 167 hujus opusculi exstans, quo libelli duo ab Archiepiscopo Romæ editi damnantur, ipseque Apostolici Vicarii munere privatur. Dum hæc geruntur, magna libellorum seges in subsidium Archiepiscopo venit, ejusque causam Belgica dicendi libertate defendit. Quos inter præcipuus est, quem nunc exponemus, a Presbytero quodam, ut videtur, Hollandico conscriptus, Belgicaque non minus, quam Gallica lingua editus.

Quæ in fronte libri exstant observationes, tum Sebasteni Archiepiscopi, tum Alecænsis & S. Pontii Thomeriarum Episcoporum, qui paria Romæ fata perpeffi erant, causas recensent, tū Lovaniensis Theologos, qui nuper Alecænsis Episcopi Rituale damnarunt, non leviter castigant. Ipsum vero opusculum principio inculcat, eos recte omnino agere, qui Decretum Pontificis examinent, non cœco impetu amplectantur; Judices Ecclesiasticos, etiam supremæ cavæ, nonnunquam graviter impingere in sanctissimas justitiæ leges, (quod Aloyfii de Leon, & P. Hauzeur testimoniis confirmatur;) sanctissimos sæpe viros a Romanis Pontificibus indignis modis exceptos esse, ex quibus Basilium, Paulinum, Hieronymum, Herotem, Lazarum, Augustinum, Hilarium Arelatensem, Mamertum Viennensem, Petrum Diaconum, Julianum Toletanum, Bernhardum, Ludov. Alemantium, Alph. Tostatum, Savanarolam, Jo. Picum Mirandulanum, B. Carranzam, Jo. Grimanum Aquilegiensem Patriarcham, Car. Borromæum, Bellarminum, Sorbonam, Episcopum

pum Alethensem, & S. Pontii Thomeriarum, aliosque sigillatim recenset. Post hæc Curia Romanæ, quæ nunc est, gesta sub censuram vocantur, quam Jesuitarum fere tributariam Auctor facit, dilatam idololatriæ Confucianæ apud Sinenses Neo-Christianos castigationem, & præcipitatum Casus Conscientiæ, quem vocant, Crypt-Janfeniani condemnationem, cum primis exagitant. Redir deinceps in orbitam suam Scriptor noster, Pontificesque & falsos sæpe & falli posse, præsertim in rebus, quæ facti dicuntur, exemplis quibusdam, & Academiæ Parisiensis ac Lovaniensis; Cardinalium de Turre cremata, Cusani, Baronii, Bellarmini, Pallavicini, Richeli, Laureæ & Aguirrii; Episcoporum Melch. Cani, Walenburgiorum, Petri de Marca, Ant. Godelli &c. Doctorum, Gersonis, Almaini, Richerii, Launoji, Holdeni, Piroti, Tapperi, Latomi, Stapletoni, Sinrichii, Lupi, Payvæ; Monachorum, Dionysii Carthusiani, Fr. a Victoria, Bannessii, Gonetii, Contensoni, Davenporti; Jesuitarum denique Pallavicini, Gretseri, Tanneri, Becani, Annati, Petavii, Sirmondi, Halloix, Brietii, Veronii &c. auctoritatibus probat. Porro facta distinctione inter provincias Pontifici penitus subjectas, & libertatem veteris Ecclesiæ retinentes (ad posteriores vero Galliam & Belgium refert) existimat, Tribunal Inquisitionis Romanum Officiale Papæ, qua Metropolitanæ, repræsentare, nullamque adeo in provincias liberas potestatem obtinere: Pontificem ipsum in concilio Episcoporum, & juxta canones antiquissimos, Episcoporum causas judicare debere, idque fateri Leonem I, Gelasium & Theologos probæ notæ. Denique ad Jesuitarum provocat exemplum, qui Innocentii X Bullam A. 1646 datam, qua prohibetur, ne Provinciales, Rectores, alique Superiores Ordinæ, ultra triennium fungantur muneribus, auctore Didaco de Avendagno S. J. in Thesauro Indico Tom. II, cap. 4, p. 9 seqq. non solum examinarint, sed & contra ordinem datam, errore obtentam corrigendamque existimarint, docuerintque, contra eandem impune agi posse, si bona fide, secreto, vel ex opinione probabili agatur. Qua arrepta occasione, Decretum Inquisitionis nuperum cum Bulla ista, velut minus cum majori, contendit, monens Decretum adversus Vicarium Apostolicum datum vel ideo rejiculum esse, quod contra suetam justitiæ formam tractatus sit, quod eruditissimi Cardinales eundem

innocentem pronunciaverint, atque a Fabrono, Congregationis Secretario, quem Archiepiscopus, expertus quippe eundem inimicum singularem, incassum sæpe recusaverit, pleraque confecta fuerint.

Quibus expositis, Auctor Decretum ipsum *κατὰ πρόδα* examinat, in omnibus ferme ejus lineis deprehendens, quod culpet ac repudiet. Nos, judicio Lectori relicto, præcipua rerum capita enotabimus: Jure Belgarum omne extraneum forum recusari posse: Episcopum Inquisitioni Romanæ subiectum non esse, sed in provincia sua a duodecim vicinis Episcopis judicari debere: Pontificem ex mera potestate egisse: nullos Archiepiscopi & librorum ab ipso editorum errores designatos fuisse: meris suspicionibus Decretum niti: lectionem librorum prohibitorum Episcopis injuste interdici: Vicarium Belgarum Apostolicum non esse Papæ Vicarium, sed vices gerere Episcoporum, qui olim in Fœderato Belgio fuerint, eorumque frui juribus, a Canonicis Ultrajectinis & Harlemensibus eligi, adeoque mero Pontificis beneplacito, (ut Decretum pronunciaverat) nec exauctorari, nec in ejus locum surrogari quempiam posse; (quo loco *ὡς ἐν παρόδῳ* probatur, Episcopatu vacante, auctoritatem omnem & jurisdictionem in Capitulo residere:) Pontificios Belgas, qui a primis usque Reformationis temporibus, sine interruptione ulla, inter Fœderatos subsisterint, male ad conditionem Christianorum recens per Missionarios converforum, Sinensium & Tupinambiorum reduci. Et hæc quidem non sine bile ac sale proferuntur, addita conclusione, qua Cajetani, Sylv. Prieriatis, Franc. a Victoria, M. Cani, Payvæ & Marchantii testimoniis suadetur, resistendum esse ejusmodi Decreto, nec schisma metuendum esse; si bene meritis Pontificiorum Fœderati Belgii incolarum & communis Pastor, etiam invito Papa, retineatur.

Accessit huic opellæ triplex appendix scriptorum ab Episcopis a Romana Curia male tractatis editorum, quæ, cum alibi existare haud facile meminerimus, excerpta quoque memoria causa dabimus. Primo loco consistit Epistola Circularis quatuor Episcoporum Gallorum, Alecensis, Apamiensis, Bellovacensis & Andegavensis A. 1668 Jansenisimi causa oppressorum, ad omnes Galliarum Præsules missa. Postquam enim Clementis IX decreto cau-

cau-

cautum esset, ut hi ab Episcopis quibusdam, contra canonicas constitutiones conscriptis, exauctorarentur, eorumque mandata, quæ Jan-
seniani negotii gratia ediderant, Inquisitionis obelo configerentur, illi moleste hoc ferre, deque læsis Episcoporum privilegiis ac
juribus conqueri: imperare canones Ecclesiasticos, ut non nisi a
duodecim ejusdem provincie Præfulibus Episcopi judicarentur, ne-
que appellaciones Sardiceni synodo concessas huic sancito derogare,
nec ipsam Gratiani compilationem: Episcopos Gallos suam sibi
libertatem salvam hætenus conservasse, (quod exemplis & anti-
quius & recentioribus probatur:) vix tolerandum esse Curie Ro-
manæ factum, quæ Episcopos, fratres collegasque Pontificis, con-
temtem adeo tractet, librosque eorundem, ipsis ne quidem præ-
monitis, in prohibitorum indicem referat.

Sequitur Epistola Pastoralis Nicolai Pavillonis, Episcopi Ale-
ctensis, itidem A. 1668 scripta, postquam Inquisitionis Romanæ
Tribunal ejus Rituale, severioris disciplinæ Ecclesiasticæ specimen,
damnaverat. Ille, cum de muneris sui, hætenus diligenter accura-
teque exantlati, ratione exposuisset, de Romani Pontificis versus se
gestis graviter conqueritur: Inquisitionis decreta in Galliis irrita
esse: Episcopos, Christi quippe vicarios Divino jure constitutos,
clementius esse tractandos: librum ipsum censuram nullam com-
meruisse: cumprimis vero omnes æquitatis limites transcendere
Pontificis literas, dum Episcopis vicinis libri Ritualis combustionem
imperet.

Tandem Episcopi S. Pontii Thomeriarum ad Clementem XI, qui
nunc Pontificem summum agit, Epistola triennio abhinc scripta legi-
tur. Conqueritur ille, libros suos, cumprimis illum, quem reducendo-
rum ad Ecclesiam Romanam Hugonotarum causa ediderat, ob contro-
versas, quæ ipsi cum Monachis Recollectis intercessere, Romæ da-
mnatos, nullò tamen errore speciatim indicato: creati sibi cumpri-
mis hanc molestiam, quod negaverit, Mariam Deiparam una cum
Christo in Eucharistia adorari, quod Hebræis Græcisque Scripturæ
fontibus autoritatem præcipuam adscripserit, lectionem Biblicam
Laicis concesserit, Sanctorum invocationem liberam fecerit, amo-
rem, saltem inchoatum, ad poenitentiam necessarium crediderit;
hæreticorum personas odio prosequi noluerit; in his vero omni-

bus nihil a fide catholica alienum se commisisse, revocationemque adeo Decreti contra se dati & sperare, & omnibus modis expetere.

*EPISTOLA GUILIELMI COWPERI, SOCIETATIS REGIÆ
Socii, ad D. EDUARDUM TYSON data, Anatomen earum
Marfupialis Americani maris partium, quæ a fœmina
partibus discrepant, exhibens.*

Excerpta ex Actis Philosophicis Anglicis Mens. Mart. 1704. N. 290.

Fœmina erat Marfupiale Americanum, quod cultro Anatomico quondam subjecit, ac Societati Regiæ obtulit D. Eduardus Tyson, nosque in Actis hisce *Mense Septembri 1698 pag. 407, & in Supplement. Tom. III sect. IV pag. 149* exhibuimus. Jam quæ in mare peculiaria observantur, subjungit, D. Guil. Cowperus, quorum itidem mentionem hic facere, nostrarum duximus esse partium. Præter organa generationi dicata, Marfupiale Mas in eo differt a Fœmina, quod desideretur marfupium, a catulis inhabitandum, nec adsint muscoli ab ossibus marfupialibus, hyoidea a figura nuncupandis, emergentes & ad abdominis cutem desinentes. Nullum externe genitalium partium vestigium apparet, si scrotum exceperis, quod justam pro involvendis testibus nactum est capacitatem, nec certe aliud foramen conspiciebatur in his partibus externe, præter anum (*vid. Tab. III fig. 1 A*) ad intestinum rectum ducens: diductis autem hujus marginibus, alterum in conspectum venit (*B*) quod præputium esse penis sectio monstrabat. Compressis his partibus, duæ profluebant guttæ ex utroque anilatore, (*cc*) a duobus corporibus glandulosis, seu saccis circa sphincterem positis expressæ. Qui liquor idem videtur esse, ac qui in fœminæ marfupio inveniebatur, & cui peculiaris ille animalis fœtor in acceptum est referendus; his enim partibus cum cute cloacæ investiente remotis, omnis disparebat fœtor. Dum cutis ab abdominis musculis separatur, ossa modo dicta in oculos incurrun, unde muscoli quidam oriuntur, femoris ossibus inserti, qui idem præstant officium, ac muscoli psoas in aliis animalibus, quantum hi exliores fuerint. Musculi abdominis, potissimum recti, quod

quod his ossibus firmissime affigantur, majus robur adducit huic animali corpus elevandi, & crura posteriora versus anteriora movendi, quam aliis animalibus, ossibus dictis destitutis. Immediatè sub cute circa anum musculus datur carneus, præputium, inferiores intestini recti partes & saccos odoriferos, una cum quatuor glandulis mucosis (*MM NN fig. 2. & Tab. IV fig. 1.*) circa penis radicem, ut & ipsum penis corpus involvens: quæ omnes partes musculi hujus actione comprimuntur, imprimis si penis erigatur. Remoto scroto testiculi apparent, (*Q TV Tab. III fig. 2*) una cum vasis præparantibus & deferentibus (*Q Q*) intra musculos cremasteres (*PP*) inclusis. Hi muscoli perquam lati sunt, prout etiam in aliis animalibus vesicularum seminalium expertibus tales occurrunt; suspendunt enim non solum testes, sed comprimendo etiam epididymides & vasa deferentia, seminis per urethram ejaculationem coitus tempore promovent. In hoc siquidem animali dictarum vesicularum defectus epididymidum (*WW Tab. III. fig. 2 & Tab. IV fig. 1*) amplitudine compensatur, quæ justo majorem obtinere videntur porum: quam ob causam pariter tunicæ vaginales valde anguste coarctantur. (*TVRR Tab. III fig. 2.*) Postquam arteria magna (*iii Tab. III fig. 2*) & vena cava (*b*) sub diaphragmate cera repleta fuit, truncus descendens illius sub arteriis emulgentibus directe sub venæ cavæ trunco in hoc animali locari videbatur, nec rami iliaci arteriosi amplectebantur venosos; forsan quod in hoc animali, quod cauda ex arbore suspensum sæpissime capite propendet, non æque ac in animalibus aliis necessarium fuit, ut arteriæ iliacæ venas amplectendo & pulsu comprimendo sanguinis ad cor refluxum promoverent. Arteriæ spermaticæ (*aa*) exsurgunt ex anteriori parte trunci descendenti arteriæ magnæ, & perforata leviter (**.....*) vena cava ad testes recta descendunt, neutiquam contortæ, ut in aliis quadrupedibus; quæ venæ cavæ perforatio forsan non solum pro transmittendis arteriis spermaticis, verum etiam pro inhibenda leniter sanguinis per easdem arterias ad testes delabentis velocitate, videtur formata. Venæ spermaticæ, relictis testibus, variis ornantur divisionibus & inosculationibus, ad unum truncum in utroque latere redeuntibus, & immediate super perforatione (*bb*) in venam cavam desinentibus. Si testium structura ratione vasorum suo-

suorum excretoriorum nondum cognita esset, hujus animalis inspectio industria eam detexisset. Incisa enim tunica vaginali (*RR Tab. III fig. 2. & Tab. IV fig. 1*) testiculi cum epididymidibus laxius cohærent, ita ut a se invicem sint separati, (*WXYZ*) magno autem vitro convexo instructus Author, ductum excretorium (*Z*) ab altero testiculi termino, ubi arteria & vena spermatica apparent, oriundum conspexit, qui ductus brevem sub hac forma emensus viam, in epididymides (*WW*) complicatur, & denique vasa deferentia (*SS*) constituit, quæ relictis præparantibus (*a b Tab. I fig. 2*) majorem nanciscuntur amplitudinem, pristinam angustiam recipientia, dum ureteribus (*ee*) superatis in urethram inferuntur, quorum orificia immediate sub vesicæ cervicæ caruncula in utroque latere detegit. Nullæ vesiculæ seminales in hoc animali conspiciuntur, quæ in uris, bobus, equis, &c. prope vasa deferentia sitæ sunt, quæ tamen non æque inter se communicant, ac in hominibus. In istis enim animalibus vasa deferentia & vesiculæ seminales communi orificio in urethram aperiuntur; ductus autem communicantes cum sint valde exiles, citius semen in urethram, quam ad vesiculas seminales deponitur. Urethræ longitudo inter vesicam & penem 4 excedit pollices, cujus pars ad 3 pollices cum dimidio corpore glanduloso, prostaticis humanis simili, obvolvitur, cujus ductus excretorii copiosi in urethram undique hiant. Pars hæc urethræ (*IKKL vid. Tab. III fig. 2 & Tab. IV fig. 1*) dicto modo prostaticis circumdata, in situ naturali & dum penis non erigitur, contorta & complicata est, sub erectione autem ejusdem extenditur, & compressio corpore glanduloso humorem in urethram urget. Prostata quorundam animalium, ut ursorum, arietum &c. per musculos eas includentes, in hominibus per levatores ani comprimuntur. Circa radicem penis Marsupialis occurrunt binæ vesiculæ glandulosæ (*MM NN*) in utroque latere, in urethram humorem mucosum stillantes, similem illi, quem fundunt glandulæ in hominibus eodem in loco nuper ab Authore detectæ. Hæ vesiculæ comprimuntur non solum a tenui latoque sphinctere, verum etiam a bulbis corporum cavernosorum penis (*CC*) & urethræ, (*EE*) dum erigitur penis. Quæ compressio in hominibus ab intumescencia bulbi corporis cavernosi ure-

urethræ petenda est. Et æque adeo natura sollicita est in bobus, arietibus, catis &c. in exprimendo glandularum harum liquore, ut singulas glandulas mucosas peculiari musculo instruxerit. Penem quod spectat singularis structuræ, præter glandem bifurcatum, (*BB. vid. Tab. III fig. 2 & Tab. IV fig. 1*) cavernosa corpora (*DD*) nullo modo cum ossibus pubis communicant, nec muscoli erectores vel directores (*CC*) ad ullum pertingunt os, quemadmodum in hominibus & quadrupedibus aliis; sed omnes hæ partes liberæ jacent sub ossibus pubis, altera corporum cavernosorum extremitate in glandem desinente. Multo minus corpus cavernosum urethræ & ipsius musculi (*EE vid. Tab. IV Fig. 1*) sphincteri ani inferuntur, verum integrum penis corpus liberum jacet, inter ossa pubis & intestinum rectum; hinc libere extrudi potest sub erectione extra præputium. Quam penis extrusionem non parum promovet in hoc animali urethra (*IKL. vid. Tab. III fig. 2*) satis longa, & in plures angulos acutos contorta aut complicata, quam quales figura monstrat: ita ut penis extrudi nequeat, quin vesica (*OO*) insequatur. In anteriore penis parte musculorum par (*ffG*) erectioni inservit, quod carnosum est in corporibus cavernosis penis, (*DD*) unde exsurgit, & evadit tendinosum, (*ff*) dum duo transit ligamenta in ossibus pubis, & tandem unitur in unum tendinem (*G*) dorso penis insertum. Præter hoc, aliud par musculorum (*HH. vid. Tab. III fig. 2 & Tab. IV. fig. 1*) retrahit penem erectum, ab intestino recto in extremitates corporum cavernosorum penis insertum. In catis, bobus, arietibus & ursis adsunt duo ligamenta, ab osse sacro vel ilio in utroque latere oriunda, & in corpora cavernosa penis desinentia, quæ instar horum musculorum penem in præputium retrahunt. Corpora cavernosa penis in Marsupiali differunt, quoad figuram, ab aliorum animalium corporibus cavernosis; eorum enim pars superior deprehenditur bulbosa (*DD. vid. Tab. III fig. 2 & Tab. IV fig. 1*) tegiturque musculis (*CC*) instar bulbi corporum cavernosorum in humana urethra, quæ pars in aliis animalibus conicam habet figuram. Musculi corporum cavernosorum penis in hoc animali cum minus connectantur cum osse pubis, dorsum penis ad dictum os movere, & venas comprimendo sanguinem refluentem neitiquam retardare possunt; ideo venæ potius

tius quædam amplæ per mediam bulbi (*KKC. vid. Tab. III fig. 3*) partem feruntur, & compressioni solum auscultant, ab intumescencia muscutorum, (*CC*) quibus involvuntur, factæ. Qui potissimum erectionem penis in hoc animali conservat musculus, est sphincter ani latus supra commemoratus, illique connexus. Quando penis extruditur ano, sphincter hujus illum necessario amplectitur, id quod itidem a sphinctere ani fœminæ in coitu contingit: unde creaturas has ad actum hunc exercendum non adeo promptas esse, augurari licet. Præterea figura penis expressa in *figura 3 Tab. III* docet, penem retrahi non posse, nisi glandulæ (*AB*) detumuerint, quod forsan in his animalibus non accidit, nisi utriusque æstus deferbuerit. Cum bulbus corporis cavernosi urethræ formatus sit in homine, ut glandem urgente necessitate sufficienter distentum fervet, necessarium videtur, hoc animal duos obtinere bulbos, in musculis suis (*EE vid. Tab. III fig. 1*) inclusos, pro continuanda turgescencia glandis bifurcati, (*AB vid. Tab. III fig. 3*) dum penis est erectus. Sub qua distensione glandis media urethræ pars necessario comprimitur (*D*), & duo distincta orificia (*CC*) relinquuntur in utroque latere glandis (*AB*) bifurcati.

Explicatio Figurarum.

TAB. III.
Fig. I.

Tabula III Figura I monstrat figuram externam Genitalium Marsupialis (*Opossi*) maris, juxta minorem.

- A. Ani pars inferior ad intestinum rectum ducens.
- B. Ani pars superior, vel orificium præputii.
- c. c. Duo orificiola luteum liquorem fundentia.
- D. Scrotum.
- E. Pars abdominis, in qua marsupium hæret in fœmellis, in mare magis depressa.
- FF. Duo pollices pedum posteriorum.

Fig. II.

Figura II sistit partes anteriores organorum generationi dicatarum, veram magnitudinem servantes.

- AA. Corpus penis.
- BB. Glans bifurcatus.

CC

MENSIS MARTII A. M DCCV. 115

- CC. Musculi directoribus penis analogi, bulbos corporum cavernosorum penis includentes.
- DD. Duo corpora cavernosa penis, antequam conjungantur & corpus penis forment.
- EE. Partes duorum bulborum corporis cavernosi urethræ.
- Gff. Par musculorum, cujus tendines ff transeunt duo ligamenta circa ossa pubis, & tandem in unum tendinem G coeunt.
- HH. Duo musculi ab intestino recto oriundi, & parti oppositæ corporum cavernosorum penis inserti.
- I. Urethra, ubi prostaticæ non includitur.
- KK. Prostata urethram includentes.
- MM. NN. Duæ glandulæ mucosæ ab utroque latere radice penis sitæ, & in urethram humorem infundentes.
- OO. Vesica urinaria.
- PP. Musculi cremasteres.
- QQ. Musculus cremaster sinister tunicam vaginalem includens.
- RR. Tunica vaginalis in latere dextro aperta, ut inclusa vasa præparantia & deferens in conspectum veniant.
- SS. Vas deferens.
- TV. Tunica vaginalis testiculum sinistrum includens, cum sua epididymide V.
- W X Y Z. Testiculus dexter, prout incisa tunica vaginali apparet.
- W. Ejus epididymis.
- X. Corpus testiculi.
- Y. Arteria & vena spermatica testiculum intrans & deferens.
- Z. Ductus excretorius testiculi.
- aa. Arteriæ spermaticæ a parte anteriori trunci descendente arteriæ magnæ ortæ, ubi communi ductu gaudent, qui tamen dividitur, dum per
- * aperturam trunci venæ cavæ transit.
- bb. Venæ spermaticæ in venam cavam intrantes.
- dd. Renes.
- ee. Ureteres.
- gg. Venæ emulgentes.
- ψ Pars arteriæ emulgentis sinistra.

- h. Vena cava sub hepate.
- ii. Truncus descendens arteriæ aortæ.
- kk. Arteriæ mesentericæ.
- l. Arteria mesenterica inferior, quæ in hoc animali a magno trunco non exurgit.
- m. Glandula renalis sinistra.
- n. Glandula renalis dextra, pone truncum venæ cavæ sita.
- o. Truncus communis arteriæ, a quo ramus gastricus, mesentericus superior & inferior & emulgentes propullulant.

TAB. III.
Fig. III.

Figura III depingit partem anteriorem penis, naturali magnitudini respondentem, corporibus cavernosis Mercurio repletis.

- A B. Glans bifurcatus.
- C C. Duæ aperturæ distinctæ.
- D Media orificii urethræ pars.
- E Duæ glandis venæ.
- F. Bulbi alterutrius corporis cavernosi penis.
- G. Bulbus corporis cavernosi urethræ.
- ♂. Bulborum apertura pro injectione Mercurii.
- H. Urethra.
- I. Musculi exsiccati.
- K K. Venæ ligatæ.

Fig. IV.

Figura IV repræsentat partem posteriorem penis.

- A B. Glans bifurcatus.
- E E. Partes venarum a glande redeuntium.
- F F. Bulbi corporum cavernosorum penis.
- G G. Duo bulbi corporis cavernosi urethræ.
- H. Urethra.
- K K. k k. Venæ ligatæ.

TAB. IV.
Fig. I.

Tabula IV Figura I exhibet partes posteriores genitalium.

- A. Corpus penis.
- B. Glans.
- C C. Bulbi corporum cavernosorum penis, muscularis suis tecti.
- D D. Corpora cavernosa penis.

E E.



- EE . . . Duo bulbi distincti corporis cavernosi urethræ, muscularis suis involuti.
- FFG. Partes musculorum in parte anteriore penis sitorum.
- HH. Par musculorum ab intestino recto exsurgens, & lateribus corporum cavernosorum penis insertum.
- IKL. Urethra prostatica KKL involuta.
- MN. Duæ glandulæ mucosæ in utroque latere.
- O. Vesica urinaria.
- P. Musculus cremaster.
- Q. Tunica vaginalis aperta.
- R. Vasa præparantia a trunco magno dissecta.
- SS. Vas deferens in utroque latere.
- WXYZ. Testiculus sinister.
- cc. Partes ureterum.
- * * Stylus in urethram insertus.

OBSERVATIONES QUÆDAM MEDICO - PRACTICÆ & PHYSIOLOGICÆ; inter quas paulo fufius de Asthmate, Hydrophobia, & Cordis in Embryone structura &c. agitur, Autore HUM. RIDLEY, M. D. & Colleg. Reg.

Med. Lond. Soc.

Londini, impensis Jacobi Tonson, 1703. 8.

Constant 17½. plag.

Magna quidem Clarissimo Authori in secandis hominum pariter ac animalium brutorum cadaveribus fuit solertia, quam vel solus ipsius *de Cerebro tractatus* elegantissimus, quem in *Actis nostris Anno 1696, Mense Maio pag. 201*, non solum commendavimus, verum etiam Ephemeridum Germanorum Volumini, jam sub prelo sudanti, Latinitate donatum, adjunctum iri accepimus, abunde docet: maxima tamen utilitate se probare ipsi nunquam non visa est Medicorum industria, qui phænomena a natura cum morbo præliante producta serio sagaciterque expendunt; quibus etiam notis quasi characteristicis morbi, mira aliquando symptomatum quorundam similitudine inter se conjuncti, etiam si specie discrepantes, a se invicem differant, sedulo edocent, superque ea in-

tentiones curativas superstruunt. Cujus laboris a se pariter peracti specimen in hoc opere edere allaboravit. Sex enim ultra triginta exhibet observationes, in ægris variis morborum generibus vexatis factas, in quibus historiam non solum morbi pertexit, sed subinde etiam discursum physiologicum & pathologicum subnectit, & quæ in cadaverum dissectionibus fuerant observata, candide communicat. Nos ea solum libabimus, quæ vel ipsa libri rubrica commendat, de hydrophobia scilicet, asthma & cordis in embryone vasorum structura, sanguinisque circuitu.

Observatio igitur XXV ægrum sistit hydrophobicum, qui ante 13 menses a cane Danico rabioso morsus, inconcussa hæctenus sanitate gavissus erat, donec transacto hoc tempore, cogitabundus aliquantulum & subtristis, de frigiditate circa vespem & stupore quodam faciei molesto conquestus fuerit, quibus accesserit aquæ pavor, absque ullo tamen salivæ deglutiendæ metu. Insecuta demum per paroxysmos sunt deliria & convulsiones. Liquida omnia averfabatur, ita tamen, ut monitus potionis medicæ portionem aliquam per gulam, licet timide & non sine lucta satis manifesta, transmitteret. Aquæ pavorem, hisce ægris solennem, Noster a convulsionibus musculorum deglutioni inservientium, & interna caloris febrilis accensione, præfocationis metum inferentibus deducit, ita ut cujuscunque rei vel fluidæ vel solidæ appulsus, utpote partium pneumonicarum cavitatem pertransituræ, & ita aeris ingressum impedituræ, vel etiam aeris confertiores introitus magnopere reformident, & vel ab aliqua istius generis imaginatione penitus abhorreant. Aquæ immersionem, tanquam appropriatum morbi hujus remedium, strenue & violenter peragi debere jubet, causamque consistere putat in eximia illa spirituum humorumque agitatione & mutatione, quam, renitente & aversante natura, producit subita & invita in aquam projectio; hisce enim circumstantiis neglectis, nihil eam juvare, præsentis ægri casus testatur luctuosus, qui in reditu ex Belgio per mare, facto naufragio, aquas nando trajecit trium ad minimum milliarium, multoties interea opprimentibus undis submersus, priusquam ad littus perveniret.

In Observationibus XXVI & XXVII duo asthmatis exempla proponit, unico præcipue symptomate a se invicem discrepantia, vi-

videlicet sputatione , quæ ob eam essentialiter & omnino inter se vel in specie differre , & modo sicca , sympathica , seu convulsiva , modo humida , idiopathica vel vere pulmonica vulgo vocari solent ; cum tamen revera , ex Authoris sententia , unus idemque sit affectus quoad causam formalem , & nulla hic omnino obtineat distinctio , nisi quam vel causæ occasionalis differentia , vel symptomati alicui supervenienti per accidens , juxta ægri temperamentum , acceptam referamus . In asthma enim convulsivo sæpenumero sputatio sat copiosa supervenit , cum e contra , quæ in asthma pulmonico dicto rejiciuntur phlegmata , non ex pulmonibus aut aspera arteria rejiciantur , sed per glandulas maxillares & sublinguales exprimantur , partim ob sanguinis nimis relaxatam ex seri redundantia compagem , partim ob ejusdem seri acrimoniam , fibrillas nerveas , per substantiam glandularum disseminatas , in contractiones stimulantem , unde sanguis in suo per vasa reductoria circuitu magnopere impeditus , majorem longe per eorum vasa excretoria solito copiam serositatum sub tenui salivæ forma , profunderè aptus natus est . Nec obstat , quod subinde in asthmaticorum pectore aquarum colluvies fuerit reperta , cum hæc frequenter nullum cum pulmonibus commercium primario & in primo suo ortu habuerit , nisi successive in molem adeo immensam accrescat , ut præ istius copia , jam causæ fixæ & solitariæ rationem habente , spatium expansioni satis liberum non obtinuerint pulmones . Nec tamen id vult Clarissimus Author , quasi nullam omnino in hoc morbo seri in pulmonem exsudationem concederet , sed id , quod rejici videmus in paroxysmo , non causæ semper rationem habere , sed ob sanguinis circuitum impeditum ibi deponi existimat .

In Observatione XXXII foeminam in partu mortuam sistit ; ex cujus abdomine extracti foetus cor cum pulmonibus vasculisque appensis exsecuit , si quid inibi lateret , quod quovis modo circa partium istarum functiones cum erudiret , lustraturus . Inter alia foraminis ovalis , cum sanguine per id profluente , exhibet delineationem . Valvula , qua gaudet hoc foramen , a superiore marginis foraminis parte , & ex illo istius latere , quod auriculam sinistram spectat , enascitur , deorsum propendens tali latitudine , qualis veli instar , si quovis modo applicetur , vel propellatur ad forami-

TAB. IV.
Fig. III.

TAB. IV.
Fig. III.

minis circumferentiam, eam contegere valeat. (*vid. Tab. IV fig. 3 N. 1 c c*) Inferiori hujus parti chordulas quasdam rubras & fibrosas, quibus ad venæ pulmonalis parietem alligari videbatur, in vitulis semper conspexit, quæ tamen in hominibus semper desunt. Gor hoc cum aliis infantum corculis conferens, valvulæ situm semper alium atque alium observavit, prout illis nullum vel aliquod, idque modo breve, modo diuturnum cum aere commercium fuit. In figuræ III. N. 1. conspicuum est, sanguinem in foetu nondum respirante, modo plane declivi a venæ trunco ascendente prope ad auriculam per foraminis partem inferiorem, & transverso directe illi patentē, in venæ pulmonalis extremitatem prope ad auriculam sinistram, statim ad sinistru ventriculum transmigraturum. N. 2. videmus foraminis aperturam, quarta sui parte præter propter, respectu ad ejus circumferentiam habito, cum valvula ab imo sui situ dextram versus altius aliquantulum scandentem, in infante recens nato & per paucula momenta respiratione uso; unde colligere est, quod sanguis e vena cava illuc appellens, & aperturam istius foraminis & tramite suo pristino aliorum (videlicet a c N. 1 ad c N. 2.) descendentem, reperiens, in auriculam jam alveo suo inhiantem, cum sanguine reliquo a descendente venæ cavæ trunco refluxo, per partem foraminis jam clausam novo incepto cursu decurrat. N. 3. foraminis apertura adhuc altius suspensa, cum valvula juxta naturalem suam dispositionem, in foetu tres septimanas nato delineatur. N. 4. foramen cum sua apertura & valvula plane inversum in corde adulti apparet; ubi ejus apertura supra tuberculi, a Lovvero sic dicti, marginem inferiorem & latere venæ pulmonalis penitus se recondit, cum valvula eidem procul dubio tractu temporis prorsus, ni aliter quovis impedimento interveniente contingat, firmiter adhæsuræ. Est, ubi dehiscentiam intra valvulæ hujus extremitatem & tuberculi marginem prædictum superiorem conspexit Author, licet rarius id contingat. Cum enim ad summam N. 4. notatam ascenderit apertura, cum valvula plane inversa ad rivum sanguinis e pulmonebus transmissum magis exponitur; quo factum est, ut exigua. forsan sanguinis portio, continuo illac irrepando, valvulam eo loci ab omni cum margine cohæsiōe, vel per totum vitæ humanæ spatium impediatur. Usus vasorum in corde quod atti-

attinet, advertendum esse monet Vir Clarissimus, valvulam for-
mini ovali, seu potius rotundo appensam, ejusdem margini undi-
quaque adnecti, servata solum quarta plus minus parte ad imum
istius foraminis aperta, sanguinis transitui dicata; ita ut haud adeo
magnam sanguinis quantitatem, ac hactenus creditum fuit, per
eam transmitti posse, & proinde majorem longe ad arteriam pul-
monalem ascendere, merito concludat. Cui argumento stabilien-
do maxime facit canalis arteriosi constitutio, qui etsi naturali sua
proportione, cum vacuus est, non prorsus ad aortæ magnitudinem
venit, liquore tamen quovis repletus, quam proxime, primo suo
præcipue egressu, ad arteriæ istius cavitatem accedit. Deinde at-
tentionem meretur arteriæ pulmonalis ramorum duorum structu-
ra. Hi enim statim a suo exortu, qui a parte hujus arteriæ
trunci interiori est, e regione canalis communicationis adversa,
non solum admodum a se invicem utrinque, dextrorsum scilicet
& sinistrorsum, maxima fere distantia inter se facta recedunt,
quin etiam admodum in suo transitu declives evadunt, priusquam
pulmones ingrediuntur. Cum igitur viam illam adeo deviam &
impeditam sanguis invenerit, & ob valvularum semilunarium re-
nitentiam facile regredi nequiverit, arteriam hanc non potest non
reddere intumescentiorem. Utcunque autem de sanguinis circu-
latione per hoc viscus certior factus fuerit Author, nullus tamen
dubitatur, quin admodum lento gradu id fiat, cum ob conforma-
tionem vasorum, tum ob pulmonum substantiam, tunc temporis
adeo densam & compactam, ut instar glandularum ad tactum du-
ra & nodosa hæc sentiat. Nec sane, quomodo per pulmones circu-
latio sanguinis apte fieri queat, concipi potest, nisi vasa sangui-
nem excipientia, tempore gestationis, concidentibus tum pul-
monibus, longe ampliora & capaciora existerent. Concesso
autem tardiori hoc sanguinis per pulmones transitu, fit ut minus san-
guinis per eos, quam si substantia eorum laxior rariorque fuisset,
singula ventriculi dextri systole percurrat; propter eandem ratio-
nem, a confertiori ejus in hanc arteriam influxu, necesse erit, ut
trunco ejus amplitudo major accedat. Hinc similiter cautum est,
ne fixtu postea in lucem edito, a longe uberiori sanguinis quanti-
tate, huic arteriæ allata, ab utriusque scilicet venæ cavæ truncis re-
flui,

flui, & celeri ejus appulsu, cessantibus jam foraminis rotundi & tubuli arteriosi officiis, arteriæ hujus parietes subito disrumpantur.

Tandem non possumus non experimentum Clarissimi Ridley, circa urachum foetus nati & post pauca momenta mortui factum, insimul commemorare. Scilicet urachi ex vesica exitum per stylum & flatum, sed frustra, etiamsi omni diligentia id fecerit, inquisivit. Eam denique aqua fontana (cujus tria cochlearia integra capiebat) repletam fundo deorsum filo suspendit, quam totam spatio tridui per urachum in vas suppositum lente & guttatim transiisse reperit; hinc de perforatione urachi factus certior, eam setarum & graciliorum specillorum immisione ulterius inquirendo prosequatur. Cum autem nullo modo eam detegere valuisset, demum inversa prius vesica, & intruso subtus digito, in rugosa ejus tunica versus fundum, eo loco, ubi de ea procedit urachus, papillam quandam oculis detexit, cujus apicem forcibus cum abscidisset, statim oculis incurrit perforatio. Huic intrusum specillum facile in urachum transit, & postea adaptato tubulo, cum cavitae pennæ anserinæ & amplius donatumprehendit.

Explicatio Figurarum.

TAB. IV.
Fig. II.

Figura II delineat cor foetus cum suis vasibus, postquam hic in spiritu vini integer per aliquot annos conservatus & postea apertus fuit.

- A Cor.
- b. Auricula dextra.
- c. Auricula sinistra.
- dd. Pulmones.
- ee. Arteria aorta.
- f. Arteria dextra subclavia.
- g. Arteria sinistra subclavia.
- h. Arteria carotis dextra
- i. Arteria carotis sinistra
- kk. Arteriæ cervicales seu vertebrales, dextra & sinistra, per vertebra-
rum colli processus usque ad cerebrum transmissæ.

ll. Ra-

- ll. Rami ejus utrinque inde exeuntes.
- mm. Arteria pulmonalis seu vena arteriola.
- n. Canalis seu tubulus arteriosus.
- o. Nervus octavi paris seu par vagum.
- p. Plexus ejus inferior altior hic, quam in tabulis Willisii vel Vienssenii depingitur.
- q. Ramulus distinctus ab hoc plexu descendens & nervum recurrentem constituens, absque reflexione ulla super arteriam subclaviam: num ita a natura, an per aliquod accidens in sectione, nescit Author.
- rr. Ramulus recurrens dexter.
Rami aliquot (num nervi vel sanguinei, nescit Author) ab hoc plexu in nervum recurrentem & ulterius propagati, eorum instar, qui in Willisii figura a nervi intercostalis plexu medio distribuuntur.
- tt. Nervus intercostalis, cujus plexus gangliiformis medius hic deest.
- r. Plexus ejus thoracicus.
- ww. Plexus ejus superior.
- x. Trachea.
- y. Vena cava descendens abscissa.

Figura III sistit Foramen ovale seu rotundum naturali aliquanto majus.

TAB. IV.
Fig. III.

- a b. Foramen ovale.
- c c c. Valvula.
- e. Ejus apertura.
- d d. Sanguis per eam transfluens.

THESAURUS GRÆCARUM ANTIQUITATUM
contextus & designatus a JACOBO GRONOVIO.
Volumen Undecimum & Duodecimum. Quibus accedit
Tomus Indices Generales complectens.

Lugduni Batavorum, apud P. van der Aa, 1701, 1702, fol.

Q 2

Vol.

Vol. XI constat Alph. 8. plag. 13.

- XII - - Alph. 5. plag. 19.

& plurimis figuris.

Index - - Alph. 5. plag. 8.

Undecimum hoc Antiquitatum Græcarum Thesauri volumen Historica, Geographica, Nautica, Equorum curam, Tropæa & Exequias fuffit, atque istis scriptis absolvitur. Pag. (I) comparent Dicæarchi *Geographica quadam, sive de Vita Græcia. Eiusdem descriptio Græcia, versibus Iambicis, ad Theophrastum, Henrico Stephano interprete, cum ipsius & Isaaci Casauboni annotationibus. Accedit Henrici Stephani ad Dicæarchum, & suam in illum lucubrationem appendicula.* Quamvis vero & Stephanus & Casaubonus præclaris maxime observationibus Dicæarchi libellum illustraverint, ad eumque rite explanandum multum studii ac laboris attulerint; neutiquam tamen omnes huius instituti rationes ita explicari potuerunt, quin hinc inde relicta quædam fuerint, quæ plenior enucleationem jure merito flagitare viderentur. Proinde ad se pertinere eruditissimus Gronovius judicavit, perquirere ista in præfatione diligentius, adhibitaque solertia efficere, ut menda ea, quæ aliorum, Stephani imprimis, aciem fugerant, tempestive tollerentur. Quo consilio monet, Stephanum col. (9) de Minervæ templo, quod scribitur esse πολυτελὲς, ἀπόβιον, ἄξιον θύας, agentem, nimis licenter vocem ἀπόβιον mutare in ἀπόβλεπτον, cum reponendum sit ἀποπτον, id quod plane respondeat literis vetustæ scripturæ, & congruat verbis Plutarchi in Camillo, ἰερόν, inquit, εἰς τὴν ἀγορὰν ἀποπτον. Quid sit ὑπόδημα ὑσκλητόν, quod col. (28) Thebanis forminis tribuitur, se definire posse negat, nisi statuatur loco vocabuli ὑσκλητόν legendum esse διχλωτόν, quod optime conveniat calceis fere nudos pedes ostendentibus, ut in reticulatim positis corrigiis nimium rara essent foramina. Col. (32) in urbe Chalcide quum dicantur esse ὕδατα τὰ μὲν ποτὰ ἀλυκὰ, ἐν δὲ πσυχῇ μὲν ὑπόπλου, hoc posterius plane vitiosum esse monet, idque omnino vidisse Stephanum; at in eo Virum doctissimum errasse, quod supposuerit ὑπέπαχυ, quod plane non sit oppositum & diversum τῷ ἀλυκῷ, neque proprium aqua-

aquarum: verosimile ergo videri, Dicæarchum ὑπογλυκῶ, subdulce scripsisse. Qui col. (36) citantur, versiculos

Λάρισα τέ μετ' αὐτὴν δ' Αὐλὶς. ἢ Βοιωτῖα

Χωρὰ δὲ μετὰ Φωκίης ἀπικνεύται

ita restituit, ut legat: Λάρισα τέ μετ' αὐτὴν Δαυλὶς. Affirmat quippe, falsum esse, quod Larissæ vicina sit Aulis, illa scilicet, quæ in inferioribus dicatur Αὐλὶς τε βοιωτῶν πόλις: potius ita de Daulide statuendum esse, uti appareat ex Strabonis lib. IX, p. 423. Prætermittimus de industria reliqua, quandoquidem ista latius persequi, instituti ratio prohibet. Proxime hinc abest Henrici Stephani *Dialogus, Dicæarchi Sympraſtor, vel de Græcorum moribus, præsertimque Atheniensium, supplementum*. Sequitur pag. 1 Erasmi Vindingi, Pauli F. Hellen. Exponuntur in hoc opere, quod ex Auctoris MS. autographo nunc primum editur, antiquæ Græciæ populorum incunabula, migrationes, coloniarum deductiones, & res præcipuæ gestæ, urbiumque & regnorum origines, mutationes, interitus, & Principum in iis successiones, e Græcis præcipue scriptoribus, Historicis, Poetis, Geographis, Oratoribus & Grammaticis. De quo etsi præclare sentiat Gronovius, dolet tamen, opus hoc, priusquam ad se transmitteretur, a nullo harum rerum intelligenti viro recognitum, ac politius limatum esse. Cum enim constiterit foliis solutis, multa que adfuerint inducenda, multa denuo allata, multa variis signis annotata, fieri non potuisse, quin multa a mente Auctoris & veritate aliena ibi contineantur; quorum proinde numerum init, ac dato commemorandi loco recenset. Inde comparent Lazari Bayfii *de re Navali liber, seu annotationes in L. 2 De Captivis & postliminio reversis*, cum figuris, pag. 564: Stephani Doleti *de re Navali liber*, ad Lazarum Bayfium, pag. 629: Cælii Calcagnini *de re Nautica commentario*, ad Liliū Gregorium Gyraldum, pag. 741: Jo. Schefferi *de varietate Navium dissertatio*, pag. 769: Josephi Laurentii *de varietate Navium schediasma*, pag. 789: Joachimi Camerarii *Hippocomicus, seu de curandis equis, item de nominibus Equestribus Græcis & Latinis collectio*, pag. 793: Julii Cæsaris Bülengeri *de Triumphis, spoliis bellicis, trophæis, arcubus triumphalibus, & pompa triumphi, liber unicus*, p. 857: Francisci Modii *de Triumphis, ludis & spectaculis veterum libri duo*,

pag. 961: Jo. Meursii *de Funere liber singularis, in quo Græci & Romani ritus*, p. 1073: Josephi Laurentii *de Funeribus Antiquorum tractatus, in quo ritus funebres ante rogum, in rogo, & post rogum illustrantur & explicantur*, p. 1164: Jo. Andreae Quenstedii *de Sepultura Veterum tractatus, sive de antiquis ritibus sepulchralibus Græcorum, Romanorum, Judæorum ac Christianorum*, p. 1201: Petri la Seine Homeri *Nepenthes, seu de abolendo luctu liber*, p. 1329.

Duodecimum volumen tria solummodo, eaque reconditæ ac veræ eruditionis plenissima scripta complectitur, inter quæ primum locum occupant Veterum Sepulcra, seu *Mausolea Romanorum & Etruscorum, inventa in urbe Roma, in quibus multa ad eruditionem monumenta continentur, collecta & delineata* a Petro Sanctio Bartolio, cum *explicationibus* Joannis Petri Bellorii. *Ex Italico in Latinum sermonem transtulit* Alexander Dukerus, cum figuris. His subjunguntur Veterum Lucernæ Sepulcrales, *collecta ex cavernis & specubus subterraneis urbis Roma, figuris aneis expressæ, in quibus multa ad eruditionem monumenta continentur, delineata secundum formas suas* a Petro Sanctio Bartolio. *Divisa in tres partes, cum observationibus* Joannis Petri Bellorii. *Ex Italico in Latinum sermonem transtulit* Alexander Dukerus. Prodiit hoc opus Italica lingua conscriptum Romæ 1691 in fol. dignumque illud judicavit Celeberrimus Begerus, quod Latina civitate donaret. Vid. Acta nostra A. 1692, p. 224, & A. 1702, pag. 208. Eandem operam elegantissimo scripto Alexander Dukerus navavit, cujus versio hic extat, atque præstantissima hæc antiquitatis monumenta aliquot accessionibus locupletata exhibet. Tertium locum sibi vindicat Jo. Potteri *Archæologia Græca, sive Antiquitarum Græcia corpus absolutissimum*. Editus hic varia multiplicique doctrina refertus liber in Anglia fuit, & patria proinde lingua consecutus lucem aspexit, sed nunc ob singularem reconditamque eruditionem, Latina civitate donari meruit. Quod officium Vir quidam doctus ita obiit, ut non solum in convertendo illo multum studii, solertięque adhibuerit, sed translationem quoque Clarissimo & nobis alias quoque in his Actis laudato Auctori, ut de ea censeret, transmiserit. Factum inde, ut & versionem penitus examinaverit Clarissimus

mus Auctor, ipsumque librum uberrima variarum rerum accessione auxerit. Ab initio ejus, qui duodecimi totius Thesauri voluminis partem secundam constituit, & separatim emi potest, comparat librorum, capitum & titulorum syllabus, in fine vero accuratus rerum verborumque index est subjectus.

Ne vero splendidissimo Thesauri operi universo quid deesset, quod ad ejus commendationem facere possit, peculiaris Tomus Indicibus destinatus est. Quorum hæc est ratio, ut primus effigies, alter auctores & opera, tertius res & verba, quæ undecim voluminibus prioribus & duodecimi parte prima continentur, exhibeant. Demandata primum hæc cura fuerat Jo. Gravenhage apud Hulfstanos Verbi Divini Ministro; ast cum hic morte interceptus esset, alii, quorum cura & industria id, quod deerat, perficeret, eligendi fuerunt.

*PII MANES STRUVIANI, SIVE DE VITA ET
scriptis GEORGII ADAMI STRUVII, Illustris quondam Jure-
Consulti, quibus juxta persolvit maerissimus filius, BUR-
CARD GOTTHELF
STRUVE.*

Jenæ, apud Joannem Bielckium, 1705. 8. Plag. 9.

MAgnum inter litteratos nomen est *Georgii Adami Struvii*, quem communem Germaniæ Præceptorem norunt, qui judiciis adsident. Hujus igitur merita cum tanta sint in Jurisprudentiam, ut inter summos nostri temporis Jureconsultos merito sit referendus, filius ejus inter natu minores, Vir Clarissimus & Historiarum in Illustri Academia Jenensi hoc tempore Professor, pietatis esse duxit, Orbi erudito exponere, quæ sibi de vita, fatis atque scriptis beati parentis essent cognita, cujus ductum brevius sequemur. Natus erat ille Germaniæ nostræ Ulpianus Magdeburgi V. Kl. Octobris A. 1619, patre *Bartholdo Struvio*, hæreditario in Wandesleben, Jcto, & judicii Archiepiscopalis, quod Magdeburgi erat, præfecto: ipsa vero Struviorum familia ex Ducatu Brunsvicensi originem trahente. Mater ejusdem erat *Anna Margaretha Brunneria*, ex nobili Brunnerorum & Fomannorum familia prognata. Hæc autem Brunnerorum familia ex Lehenstein, Bohemiæ prope Egram arce-

ce orta, inter alios *Georgium Brunnerum*, Camerae Spirensis adfessorem, atque ex materna gente *Ortholphum Fomannum* in academia Jenensi olim antecessorem celeberrimum, numerat. Traditus noster primum Lycei Magdeburgensis præceptoribus ad ingenii culturam, anno 1630 vero, die 18 Octobris, annum agens duodecimum, in gymnasium Schleusingenſe, inter tertii ordinis discipulos, rectore Sergero est receptus. Integrum fere sexennium in hoc gymnasio exegit, præceptore potissimum usus *Andrea Reyhero*, atque die 30 Aprilis anni 1636, cœtui discipulorum in episcopum scholasticum præfectus, habita insuper a dicto Reyhero solenni oratione. Eodem anno, ætatis vero decimo septimo, a suis demum avocatus, insigni cum testimonio ex gymnasio dimissus est. Paulo post, die 11 Junii ejusdem anni, in academiam Jenensem a parentibus missus, præceptores ibi nactus est, *Philippum Horſium* in morali & præctica philosophia, in philosophicis aliis *Danielem Stahlum*, in physicis *Joannem Zeisoldum*. Præ cæteris vero assidue frequentavit scholas *Joannis Michaelis Dilherri*, oratoriæ atque historiarum Professoris, sub cujus etiam præsidio anno 1638 publice defendit *de victoria & clade* dissertationem, proprio Marte elaboratam, atque statui illorum temporum accommodatam. In jurisprudentia doctores secutus est *Dominicum Arumæum*, *Petrum Theodoricum*, *Erasmum Ungebauerum*, *Ortholphum Fomannum*, & *Sebastianum Beer* curiæ provincialis Advocatum. Triennio continuo, & quod excedit, in eadem academia exacto, honorifico cum testimonio, a *Paulo Marquardo Slegelio*, Rectore Magnifico, academix nomine concesso, dimissus est. Neque tamen fata propitia ibi semper fuit expertus. Dum enim Jena a milite Cæsareo diriperetur, tempore feralis istius belli Germanici, irruebant quoque milites in nostri musæum, mortem minantes, bombardæ ad feriendum paratæ pectori ipsius adplicata, ut vix singulari Dei beneficio, aliorum interventu servaretur. Hicce autem terror in tantum labefactavit nostri valetudinem, ut pæne vitæ incurreret periculum. Relicta hyemali tempore anno 1640 Jenensi academia, reliquam hyemis partem domi transegit. Insequenti vero anno, in almam Juliam se contulit, ut vestigia legeret, quæ in hac academia fuerat ingressus. *Conradum Hornejum* ibi audivit inter-

pre-

pretantem Aristotelis Nicomachiorum libros, ejus etiam ductu variis exercitationibus vacabat. In politicis audivit Hermannum Conringium, jura majestatis & politicam Aristotelis interpretantem. Hunc etiam præceptorem secutus in historiis, dum explicaret Tacitum de moribus Germanorum, Diepholdi genealogiam, atque alia. Specimen quoque profectuum in hisce studiis edidit, habita sub Conringii præsidio *de Ducibus & Comitibus Imperii Germanici* dissertatione, quæ inter Conringianas alias extat. Inter Jureconsultos Hahnium secutus, quem interpretantem audivit Pandectas & Codicem, & præcipue collegio ejus Wesenbeciano interfuit. Cum autem facile adduci non posset laudatus Hahnus, ut ipse viva voce juventutem doceret, sed pleraque in calamum daret, ipse quoque vicaria Struvii opera, in dictandis ad Wesenbecii Paratitla observationibus, utebatur. Ejusdem præsidio noster usus in dissertatione a se elaborata, *de damnis, illis præcipue, quæ ex dolo, culpa aut casu proveniunt, horumque correctionibus & præstationibus*. Hisce exantlatis, nomen professus est apud Collegium Juridicum, atque præviis examinibus, ad inauguralem disputationem *de Vindicta privata* fuit admissus, habitam A. 1645 Februarii mense. Vocatus postea, mense Aprili ejusdem anni, ad Assessoris in Scabinatu Halensi munus; id quod illum movit, ut sequenti anno Doctoris insignia in se conferri peteret. Annum Halæ nondum transegerat & dimidium, cum auspiciis Serenissimorum Saxoniarum Ducum, ad ornandam Juris Professionem, in locum Gothofredi Fibigii, in academiam Jenensem vocaretur, commendante illum præcipue Georgio Frantzkio, Cancellario Gothano, in numerum Professorum, habita prius dissertatione pro loco *de Aedificiis privatis*, 12 Decembris anni 1646 receptus. Inde quoque in Scabinatum, atque numerum Adessorum Curiae Provincialis, fuit adlectus. In hac autem academia quanto semper cum applausu docuerit, in commune notum est. Immo Syntagmata ejusdem fœdalis atque civilis juris, quæ in plerasque Germaniarum academias recepta, satis de communi adplausu testantur. Et cum latius propagaretur etiam extra academias ipsius fama in consilium vocabatur a Brunovicensium republica, delato ipsi anno 1660 primi consilarii munere, ita ut quater in anno eo migraret. Id quod etiam, adnucantibus

Serenissimis Saxoniae Ducibus, ad triennium suscepit, quo præterlapso, muneri renuntiavit. Annus agebatur 1667, cum a Serenissimis Saxoniae Ducibus, Vinariensis lineæ, ipsi Consiliarii aulici munus, atque rerum cameralium summa, clementissime demandaretur. Multa quidem in hoc munere publicorum negotiorum mole obrutus erat, quæ tamen minime obstabant, quò minus inter aulæ negotia, varios quoque publici boni causâ ederet tractatus, præcipue *Evolutiones*, & *Jus Sacrum Justinianicum*. In hoc munere transactioni quoque, ratione Altenburgensis successionis factæ interfuit. In quo negotio pertractando talem se præstitit, ut non solum Ernestus Pius, contrarias licet partes tueretur; illum numismate aureo donaret, sed etiam facta postea divisione, Consiliarii intimi munere ac dignitate augeretur. Subsequenti anno 1673, mortuo Richtero, in Jenensem academiam fuit revocatus, atque Ordinarii in Ictorum Collegio munus ipsi delatum est, relicta nihilominus Consiliarii intimi dignitate. Cui muneri cum adnexa esset juris Canonici professio, idem & voce & scriptis illustrare aggressus est. Dolendum saltem, quod illi, quos publico destinaret labores, perfecti non fuerint, atque eorundem solum extent adhuc collectanea, licet inter hæc varia responsa ad causas & beneficia ecclesiastica spectantia. Sed neque ipsa meta dignitatum. Cum enim mortuo Bernhardo, Saxoniae Duce, unicus superesset Jenensis lineæ Saxonicus Princeps, Joannes Guilielmus, atque illo minorenni adhuc, tutelare regimen formaretur, illius Præses noster anno 1680 ordinabatur, demandata etiam Consistorii cura, & reddituum provincialium directorio. Ne itaque laborum mole obrueretur, cedebat juris professione, solo retento Ordinarii munere. Solatium autem in tanto negotiorum cumulo quærebat in Musis, disputationibus vacabat tam publicis quam privatis, editis etiam tractatibus, illo præsertim de *Invocatione nominis Divini*, & *Jurisprudentia Germanica*, licet ante jamdum jussu Ernesti Pii elaborata. Mortuo vero Juventutis Principe, & cum eo Jenensi lineâ extincta, dissolvebatur regimen, terris partim ad Vinariensem, partim Isenacensem domum delatis. Redibat igitur noster, quod sibi reservaverat, ad ordinem Juridicum, idque mense Junio anni 1691, juris Canonici vestigia relegens, lectionibus potissimum publicis atque diversis

acroa-

acroamatibus vacans. Eodem anno a Serenissimo Hassio-Darmstadiensi Landgravio in partes curarum vocatus, & Consiliarii intimi munere ac titulo honoratus est. In academico munere, Rectoratus vices bis gessit, Decani vero quater & decies, Brabeutæ quinques. Hæc origo, studiorum progressus, & honorum incrementa. Quantum ad statum familiarem, uxores binas habuit: priorem *Annæ Mariam*, Christophori Philippi Richteri filiam unicam, ex qua suscepit septem filios, filiam unicam; alteram sibi matrimonio junxit anno 1663 *Susannam*, Burcardi Berlichii filiam natu secundam, ex qua XVII liberorum pater factus. Ex binis matrimoniis quinque solum sunt superstites. Corpus ipsi contigerat firmum, quadratum, iusta temperie bene dispositum, & gerendis negotiis obduratum. Valetudine utebatur prospera, ter solum in omni ætate morbo, sed gravi correptus. Pius alias, religiosus & constans erat. Inter adversarios habuit illustrem alias *Jctum*, *Henricum Coccejum*, qui in materia de dolo, culpa & casu contra eum egit: *Gerhardum Pfsankuchium*, in materia retorsionis: *Theodoricum Paulum* in quaestione, an sacerdotes ab actione injuriarum sint immunes. Quartus adversarius erat personatus ille *Antonius a Mara*, sive *Elias Schnegas*, qui dum in tractatu suo de concursu creditorum, alios Jureconsultos magni nominis lacesseret, nostrum etiam erroris arguere voluit, defendente tamen illum Filio, vitam hanc describente. Perillustis vero Baro *de Lincker*, dum Analectis suis utrumque syntagma vel explicaret, vel in quibusdam suppleret, dissentiendum ab eo quodammodo existimavit, sed pro mutuo, quod inter utrosque intercedebat studio, multa cum modestia. Inter discipulos, præter per plures alios, magnis honorum gradibus accumulatos, præcipue numerabat magnum olim aulæ Berolineris Status Ministum, *Paulum Fuchsum*. Immo multi erant, qui ipsius Syntagmata vel in compendium, vel tabulas synopticas redigerent. Civile vero Syntagma prolixo Commentario illustravit *Petrus Müllerus*. Quid? quod ipsi Galli Jurisprudentiam ipsius Romano-Germanicam in suam linguam transtulerunt. Sed fatalis nostro dies atque terminus erat quintus decimus Decembris anni 1692, cum ipse debilitatis licet, solito plus, catarrho suffocativo viribus, consultantibus tamen collegis adesset, & cum de causâ, quæ ad

Scabinatum delata, ad eos retulisset, inopinato adiciebatur, omnibus pæne eundem derelinquntibus viribus. Quæti itaque datus a suavissima conjuge, moxque vocati & Medicus, & supremus Ecclesiæ Antistes, officio dexterrime uterque functi sunt. Sed vix aliquot horas supervixerat, instantibus jam extremis, cum inter suorum suspiria & planctus atque preces, animam suam, circa horam quartam matutinam, in manus Dei placide dimitteret, annis tribus & septuaginta major, septem & quadraginta liberorum aut pater aut avus. Hæc sunt, quæ de vita ac fati parentis narrat filius mœstissimus. Subsequitur funebre programma, Academiæ Jenensis nomine, die exequiarum 16 Decembris, publice adfixum, atque ultimo loco catalogus scriptorum beati Viri atque dissertationum.

*DE NUPERO SCHISMATE ANGLICANO PARÆ-
nesis ad Exteros tam Reformatos quam etiam Pontificios, quæ Jura
Episcoporum vetera, eorundemque a Magistratu seculari inde-
pendentia, omnibus asserenda commendantur ab HENRICO
DODWELLO, A. M. Dubliniensis.*

Londini, impensis Richardi Smith, 1704, in 8.

Constat plagulis 17.

Cum Guilielmus, gloriosissimæ memoriæ Rex Angliæ, felici-
sistere Londinum appulisset, ac in primo Parlamento, ipsius au-
spiciis convocato, decretum fuisset, ut quicumque Parlamento assi-
derent, a juramento fidelitatis Jacobo II præstito absolverentur,
novumque novo Regi juramentum præstarent; non pauci inter
Episcopos id præstare veriti sunt, ac eapropter Episcopatu exuti
fuerunt. Quos cum a Magistratu civili deponi haud potuisse,
multi sibi persuasum haberent, Episcopos novos, qui in locum de-
positorum surrogati fuerant, nec recipi, nec cum iisdem commu-
nionem quandam haberi posse judicarunt, imo quotquot cum il-
lis facerent, schismatis cujusdam accusare non dubitarunt. Cui
sententiæ, inter eruditissimos Angliæ Viros, Dodwellus etiam addi-
ctus, libellum præsentem in lucem publicam emittere, inque eo
Episcoporum jura a prima origine repetere, ac jus in eadem Ma-
gistratui civili derogare voluit. In quo tractationem exorsurus do-

doctissimus Autor, primum admonet externos, ut sibi prospiciant, ne quid mali exempli ab Anglis ad eos redundet, quod ipsorum quoque communionem precariam, nec diutius duraturam, quam Magistratui civili videatur, reddat: dein omnem schismatis nuper apud Anglos orti causam ab Episcopis suis amoliri, & in eorum adversarios transferre studet: tandem exteris factum hoc dijudicandum tradit, ea tamen lege, ut secundum primæ Ecclesiæ placita, non juxta præconceptas modernarum etiam Ecclesiarum opiniones, illud examinent. Quibus præmissis, ante omnia duo primæ Ecclesiæ intervalla, unde quidem ad nostra tempora deduci soleat argumentatio, caute invicem discernenda esse notat, & quidem prius eorum fuisse monet, cum in universam Christi Ecclesiam, talem primum obtineret Episcopus Hierosolymitanus, qualem Pontifex templi Hierosolymitani Judæus in Synagogas Judæorum per orbem dispersas habuerit. Tum enim ἀρχιερεῖς seu Principibus sacerdotum (per quos Pontifices, Expontifices, Segenes seu vicarios Pontificum, qui totius δωδεκαφύλων, seu duodecim tribuum nomine, sacris publicis præfuerint, intelligit) in Synedrio Christianorum Hierosolymitano Apostolos, pro tribuum quoque numero duodenos, respondisse. Quod autem primum hoc Ecclesiæ Hierosolymitanæ Collegium, ad Collegii apud Judæos Hieratici instar, communi ἀρχιερέων nomine haud insignitum fuerit, in ratiociniis illius ævi Platonici de Archetypis atque Ectypis, causas valde commodas inveniri censet, quæ eo denique redire videntur, ut cum Christus ipse, ὁ λόγος, Prototypus, unicus esset ac æternus Sacerdos, & κατ' ἐξοχήν ac vere ἀρχιερεὺς, Apostoli a nomine tam venerando sibi temperare voluerint, Collegiumque suum modestiori aliquo vocabulo, quod ministros Christi potius quam collegas sonaret, censuerint insigniendum, ne quam sibi paritatem cum λόγῳ vindicare viderentur. Porro observat, cum explendo duodenario Apostolorum numero non sufficerent, qui ex eadem cum Christo stirpe essent, aliunde arcessiendos fuisse, qui tribuum numerum æquarent: in hoc tamen Apostolorum Collegio, primum locum Christi cognatos habuisse. A primo, quod Hierosolymis erat, isto Cleri Christiani Collegio ad secundum progreditur, atque istud cum secundo Synedrii Judaici Collegio non modo commune Presbyterorum nomen, sed & parem numerum ha-

buisse docet, id colligens ex libro Apocalypscos, ubi 24 Presbyterorum mentio injicitur, & juxta ipsum Ecclesia Hierosolymitana, qua Synedrio Hierosolymitano respondit, adumbratur: præterea allèrit, a secundo hoc Christianorum Hierosolymitanorum Collegio ad exteras ecclesias exemplum Presbyterorum transiisse, atque sic nullum esse potuisse locum presbyteris laicis. Cum igitur utriusque Cleri, Judaici pariter ac Christiani, Hierosolymitani Collegia adeo accurate sibi invicem responderint, facile hinc colligi posse opinatur, Clero Christianorum Hierosolymitano obsequium omnes orbis universi ecclesias debuisse, uti Clero Hierosolymitano Judæo omnes per mundum universum dispersæ Judæorum synagogæ paruerint: imo ex hac convenientia inferre satagit, primo hoc Apostolorum spatio, Christianis omnibus unitatis principium Episcopum Hierosolymitanum fuisse; ad eundem plane modum, quo & Judæis omnibus, quantumvis invicem dislitis, unitatis principium summus fuerit Pontifex, qui rem sacram omnium nomine procuraret: paulatim deinde Rectorum ordinariorum potestatem in ecclesiis exteris, ecclesiæ forte Hierosolymitanæ consensu, augmenta cepisse: primis autem temporibus vix alios, quam illius ministros, Hierosolyma missos, in ecclesias ecclesiæ Hierosolymitanæ obnoxias disciplinam ac potestatem exercuisse: ipsos tamen hos ministros itinerarios utriusque Collegii, tam Apostolorum quam Presbyterorum, Clero citra dubium obnoxios fuisse. Ne vero, quæ de primatu ecclesiæ Hierosolymitanæ in universam Christi ecclesiam adducta sunt, in cerebro suo finxisse videretur Clarissimus Autor, eundem proximis post Apostolos temporibus non ignotum fuisse, corroborare studet, eumque in finem ad Hegesippum e statu ecclesiæ Hierosolymitanæ de statu ecclesiæ Catholicæ judicantem; ad traditionem quandam de Apostolis, aliisque Domini tam cognatis quam discipulis, e peregrinationibus domum reversis, ut Simeonem Cleopæ episcopum Hierosolymitanum constituerent; ad Clementem Romanum, qui non Petrum, sed Jacobum Episcopum Episcoporum salutarit; ad ordinem epistolarum Catholicarum, inter quas primus locus epistolæ S. Jacobi, ob hujus prærogativam, assignatus fuerit; ad Epiphanium, qui hæresi 70 num. 10 hunc ecclesiæ Hierosolymitanæ primatum agnoverit, provocat. Exposito ita ec-
 cle-

elix Christianorum Hierosolymitanæ in reliquas jure, quod juxta
 ipsum ad Trajani usque tempora se extendit, ad alterum Ecclesiæ inter-
 vallum & hodiernum regimen ejus pergit, illiusque constitutio-
 nem, licet ab Apostolis emanarit, omnibus tamen N. T. scriptis recen-
 tiorem, ac proinde ibi haud expectandam esse tradit, imo perhibet,
 minus necessarium esse, ut regiminis ecclesiastici forma, hodie inter
 Christianos observanda, in sacris literis commemoretur, quando-
 quidem sine illa mentione parem, imo forsitan etiam majorem ha-
 beamus saltim regiminis ab Apostolis in ecclesia universa relictæ cer-
 titudinem, quam quæ in libris ab Apostolis scriptis nobis relicta
 fuerit. Sepositis igitur libris Scripturæ canonicis, e quorum silen-
 tio regiminis ecclesiastici juri nihil decedere credit, ad recentiora
 monumenta sese confert, atque ex illis, quæ demum nova jura, &
 qua ratione, singulis ecclesiis ex Hierosolymitanæ clade accesserint,
 perulstrare, ac quo melius rerum deinde gestarum nexus intelliga-
 tur tempus, quo tanta illa mutatio contigerit, paulo curatius, quam
 hactenus factum, indagare suscipit, atque docet, post Simeonis
 Cleopæ cædem, (quam olim anno æræ vulgaris CXVI contigisse sibi
 persuaserat, jam vero ad initium imperii a Trajano gesti, annum
 puta CIV vel CV, referendam esse suspicatur) in singulis ecclesiis Epi-
 scopos pares Episcopo olim Hierosolymitano successisse, dissipataque
 ecclesia Hierosolymitana, & causis omnibus primatus spoliata, pri-
 matum ipsum etiam Dei providentia fuisse sublatum: episcopis primis
 potestatem Apostolos dedisse, non tamen tantam, quæ illos ab offi-
 cio Apostolis debito excusaret: post cædem Simeonis Cleopæ, Col-
 legium Apostolorum Ephesi sub moderamine S. Johannis Apostoli
 degisse, atque ita primatum ab ecclesia Hierosolymitana ad Ephe-
 sinam translatum esse, nec multo post, autoribus Apostolis, no-
 men Episcopi *πρωτοκαθεδρις*, seu primam sedem occupantibus,
 proprium fieri coepisse; non tamen effecisse magnificum illum E-
 piscoporum titulum, ut Apostolis obnoxii non essent *πρωτοκά-
 θεδρις*: tempus autem, quo hoc novo Episcoporum nomine do-
 nati ab Apostolis fuerint *πρωτοκαθεδρις*, in tanta vetustatis caligi-
 ne constituere, fatetur esse difficillimum, id tamen anno Christi
 CVI, ante stabilitum a Collegio Ephesino Evangeliorum Cano-
 nem præter propter contigisse hariolatur, idque dein probare sata-
 git.

git. Quod Episcopi nomen, commune antea cum aliis, ubique & tam repente *πρωτοκαθεδρῆς* soli obtinere cœperint, ex suis hypothesebus facile declarari posse affirmat. Juxta ipsius namque mentem, juris Hierosolymitani legitima devolutio rationem omnem exclusit, cur quis merito adversaretur: imo fecit, cur boni omnes æquique amantes eam tuerentur: jus vero illud principii unitatis non corpori universo, sed corporis tantummodo capiti, & personæ adeo singulari, convenire commode potuit: sic æmulos nullos vel unica illa ratio *πρωτοκαθεδρῆς*, seu primariæ sedis, admisit: nec de personis, quas in prima sede, ab ultimis Ecclesiæ Apostolicæ Hierosolymitanæ ministris constitutas, repererat ipsa illa devolutio, certamen ullum enasci potuit: etenim quos prima apud suos sede dignos judicavisset ecclesia illa Apostolica, iidem digni etiam juribus, ad primas sedes postea devolutis, censi debuerunt. Circa nomen Episcopi observat, quod illud prima significatione Dei proprium sit, inde autem ad alios, qui ejus personam repræsentarent, præcipue autem ad sacerdotes primarios aliosque intimioris admissionis amicos emanarit: quod Apostoli ac Presbyteri exterarum ecclesiarum, nondum coercendi potestate donati, Episcopi appellati sint, quia eleemosynis Deo sacris distribuendis præfecti fuerant. A nexu visibilium Episcoporum cum invisibili causam arcessit, cur singulorum Episcoporum sententiæ jus communionis universalis dederint vel abstulerint. Etenim cum admissus in ecclesiam ab Episcopo in una solum ditione, a Christo etiam similiter admissus sit, & contra ejectus ex ecclesia, a Christo ipso pariter ejectus fuerit: collegæ certe in Episcopatu nulli jus esse potuisse, repudiandi a sua communionem, quem Christus ipse in suam admisit, corporisque sui membrum per vicarium suum visibilem agnovit; nec contra, jus ulli esse potuisse in suam communionem admittendi, quem Christus pariter, per vicarium suum visibilem, a se alienum damnandumque pronunciavit. Hinc in gratiam *Φιλαρχίων*, quid ecclesiæ Catholicæ nomine intellexerit Ignatius, disquirunt, variisque sententiis repudiatis, illum Ecclesiam invisibilem & archetypam, sub Christo archetypo & invisibili Episcopo, Catholicam appellasse asserit; propugnatque ecclesias etiam particulares Catholicas appellari posse, quæ servant cum cœlesti Apostolorum

ecclesia communionem : non posse autem illas, quæ singularum ecclesiarum regimen monarchicum immutare ausæ sint. Porro quid S. Cypriani verba, de una ecclesia, uno episcopo, uno episcopatu, cujus a singulis in solidum pars teneatur, sibi velint, exponit; ac declarat, Episcopos proprium sibi collegium, & quidem non solum de facto, sed de jure, atque ex ecclesiæ Christianæ commodo constituisse: unum episcoporum ab Apostolis electorum, alterum potestate non superasse: omnem imparitatem, quæ subsequenti tempore inter Episcopos obtinuit, singulorum factis tribuendam esse, quæ tantundem valuerit, quantum ipsa pacta valent. Quam diu vero inter Episcopos paritas illa obtinuerit, tot primævis monumentis deperditis, difficulter admodum definiri posse judicat. Suspiciatur tamen, ad tempora fere Constantini eam perdurasse: iis enim canones Conciliorum de rebus dicecesanis privatis primum conditos deprehendi. Quod Episcoporum in sedes vacantes sufficiendorum jus, non ad Presbyteria, sed ad Collegii Provincialis Episcopos spectarit, liquidum esse autumat; difficilior autem Auctori quæstio videtur, num Episcopum episcopatu exuendi jus habuerint Collegæ, cum pares inter se essent, & vere Episcoporum non ausi fuerint esse episcopi. Circa quod problema extra controversiam ponit, quod potuerint Collegæ eum saltem pro Collega non agnoscere, qui seipsum ob admissa crimina episcopi dignitate privavit: sed crimina talia esse oportuisse, quibus non solum meruerit, ut exueretur, sed quæ ipso facto illum exuerint, episcopalisque honoris incapacem fecerint. Ad quæ crimina refert, si quis idolis sacrificaret: cum enim nulla communio Christo sit & Diabolo, nec mensæ Diaboli particeps mensæ Domini particeps fieri queat, multo minus communicantium omnium caput ac unitatis principium cum Christo communionem habere potuisse. Iisdem criminibus accenset, si quis hæresi se commaculasset. Etenim cum literarum formatarum finis hic præcipuus fuerit, ut commune fidei depositum hoc commercio inviolatum servaretur, in propatulo esse, qui aliam fidem sequebantur, jus nullum collegii orthodoxi, nec commercii literarum formatarum amplius habuisse. In eorum criminum numero schisma denique collocat, utpote quod ab Ecclesia, ac proinde etiam a collegio sacerdotali & collegii commercio, aliquem separavit.

rit. De regiminis ecclesiastici origine cum ita egisset Auctor, in Episcoporum potestate longe majus, quam vulgo creditur, momentum esse monet, atque Reformatos ad restaurandum Episcopatum exhortatur. Demonstrat porro, primævis Episcoporum juribus adversari, quæ Romanus Pontifex sibi vendicat; primatum illum certe ad articulos fidei non posse referri; incestam admodum esse illam Ecclesiæ Catholicæ unitatem, quæ ab unius Ecclesiæ episcopo, tanquam cæterorum capite, arcessitur; bono ecclesiæ publico longe utiliorem esse omnium episcoporum paritatem, quam si unus Episcopi Hierosolymitani hæres Episcopus Romanus fuisset. Absoluto ita primo de veteribus Episcoporum juribus capite, ad secundum de Episcoporum a seculari potestate independentia accedit, ac postquam eandem probare studuit, monet, Principibus secularibus in hoc negotio neque Reformatos, neque Pontificios admodum fidere posse: ad ecclesiæ dissolutionem spectare, si Principibus Episcopos officio ecclesiastico exuendi concedatur potestas: ne quidem commodis suis inservire Principes, vim religioni inferentes: ad bonum reformationis publicum facere, si Episcopi cum primævis suis juribus restaurentur: primæva illa Episcoporum jura, ad concordiam cum modestioribus fidei Romanæ sociis promovendam, multum conducere: Ecclesiæ etiam Pontificiæ non prodesse Principis tutelam, si, quam tuetur in Pontificem, ecclesiæ libertatem ipse violaverit: officia in episcopos primæva digna plane esse, quæ hodiernis etiam catechesibus inferantur.

JOSEPHI PITTON TOURNEFORT AQUISSEXTIENSIS, Doctoris Medici Parisiensis, Academia Regia Scientiarum Socii, & in Horto Regio Botanices Professoris, Corollarium Institutionum Rei Herbaria.

Parisius e Typographia Regia, 1703. in 4to.

Constat plag. 9 & tab. æn. 13.

PECULIARE id habet præ aliis studium Historiæ Naturalis universum, maxime Botanicum, ut quo major copia rerum nobis cognita fuerit, hoc majus oriatur desiderium videndi plura. Atque hæc ipsa insatiabilis cupiditas impulit modo nominatum Tournefort

fort, ad suscipiendum iter longe durissimum plenumque multiplici periculo. Vix absolverat Institutiones Rei Herbariæ, (Anno 1701 Mense Augusto a nobis indicatas,) pulcherrimum opus, in quo 673 plantarum genera, sed species 8846 diligentissime describuntur, & ea libido visendi exteras regiones, Orientales præcipue, invasit eum, ut rariores conquireret stirpes, eas etiam, quas olim celebrasse ac in frequenti usu habuisse veteres Medicorum principes, nihilominus hodie deperditas aut ignotas novimus. Adjutus igitur munificentia Ludovici Magni Regis Galliarum, una cum sociis D. Andr. Gundelsheimer, Medico Germano, & Claudio Aubriet Gallo-Campano, pictore peritissimo, primum ad Ægæi maris insulas tum Cyclades, tum Sporades, abiit, postmodum Constantinopolim, Pontum Euxinum usque Trapezuntem visitavit, in Bithynia, Paphlagonia, Cappadocia, utraque Armenia, Iberia, Galatia, Mysia, Phrygia, Æolide, Lydia & Ionia exploratis collectisque plantis non satius rediit: maluisset enim Syriam ac Ægyptum peragrarè, nisi pestis inibi dire grassata eum deterruisset. Interim non poenitendos peregrinationis fructus ex locis illis reportavit secum: plantas namque rarissimas 1356, ac inter has 25 genera prorsus nova invenit, atque in hoc Corollario descriptas delineatasque in publicum edidit.

Kurzer Entwurff der Einigkeit der Evangelisch-Lutherischen und Reformirten im Grund des Glaubens/
abgefaßt von SAMUEL STRIMESIO.

h. c.

BREVIS DELINEATIO CONSENSUS INTER
Evangelicos Lutheranos & Reformatos in fundamento fidei, singulari desiderio promovende unionis Christiane inter utrasque Ecclesias consignata a SAMUELE STRIMESIO, SS.

Theol. Doctore, ejusdemque Professore Ordinario, &
Pastore Primario in Academia Regia
ad Viadrum.

Apud Jer. Schreyen & Jo. Christoph. Hartmann, 1704, 8.
Plag. II.

CEleberrimus inter Reformatæ religionis Doctores *Samuel Stri-*
mesius, in præfenti Delineatione id agit, ut ostendat, Ecclesiarum
 Lutheranæ - ac Reformatæ - Evangelicarum doctrinas, quod ad fidei
 fundamentum attinet, convenire, ac proinde nihil obflare, quo mi-
 nus colligari in unum corpus mutuatque fidei societatem coire
 queant. Trium itaque quæstionum brevi, sed luculenta discussione,
 operis tractationem absolvit. Primo enim quærit, utrumne discrim-
 en sit ponendum inter veritates, quæ theologicæ aut sacræ tan-
 tum dicuntur, & inter eas, quæ cum ipso fidei fundamento arcte
 connectuntur? Deinde disquirat, quænam istæ sint veritates aut
 doctrinæ, quæ cum fidei fundamento necessarium nexum habeant?
 Quibus explicatis, probare denique nititur, Reformatos cum Lu-
 theranis, in istis doctrinis, quæ fidei & salutis fundamentum con-
 stituunt, convenire, adeoque nullam adesse rationem, cur ad con-
 stituendam inter utrasque Ecclesias unionem, animus non sit adji-
 ciendus.

Quod inter veritates tantum theologicæ, & quæ fundamentum
 salutis constituunt, differentia sit admittenda, liquere arbitratur, quo-
 niam priores sic comparatæ sint, ut vel plane ignorari, vel memo-
 ria iterum excidere possint, salva hominis salute; cujusmodi est
 doctrina de motu vel quiete telluris. Ipsos Apostolos, Petrum &
 Paulum, dissensisse inter se de veritatibus quibusdam theologicis. In
 primitiva Ecclesia dissensisse Victorem Episcopum Romanum ab Asia-
 ticis Ecclesiis de celebrando Paschatos festo, vitioque ab omnibus verti
 Victori, quod ideo Polycratem, Ephesinum Episcopum cum omnibus
 Asiæ ecclesiis a communione absciderit. Lutherum Bohemos fratrum
 loco habuisse, tametsi ipse fateatur in Præfatione ipsorum Confes-
 sioni, quæ Wittebergæ A. 1533. prodit, adjecit, quod non in omnibus
 inter se atque ipsos conveniat. Eundem charos eximiosque ha-
 buisse Helvetios, licet non omnino se invicem intellexerint. Esse
 cum inter Reformatæ, tum Lutheranæ Ecclesiæ Doctores, in qui-
 busdam dogmatibus dissensum, qui nihilo interim minus unitate
 Spiritus, per vinculum charitatis, inter semet invicem conjungantur.
 Neque fieri posse, ut in tanta temperamentorum, corporum, intel-
 lectus, cognitionis, inclinationum, educationis, institutionis, præ-
 judiciorumque diversitate, & causarum in vel extra hominem po-
 sita-

litarum, unum idemque omnes sentiant. Proinde nihil aliud su-
peresse, quam ut de dogmatibus, ipsum fidei & salutis fundamen-
tum constituentibus, tantum circumspeciamus, utpote in quibus
consensus atque unionis ratio solum requiratur. Hinc explicantur
criteriâ, ex quibus doctrinæ ad ipsum fidei fundamentum pertinen-
tes cognosci possint. Nimirum requiri ad hoc, ut vel Deus ipse
veritates istas ad salutem esse necessarias revelaverit, vel ut ex evi-
denti consecutione idem intelligi possit. Consequentiam autem
evidentem vel ad necessariam doctrinam, vel ad expressionem ne-
cessitatis ejus ad salutem, respicere. Ex quo arguuntur in
defectu peccantes Sociniani & Arminianorum nonnulli, in excessu
autem, qui fundamentum substantiale, dogmaticum & organicum
posuerint, ad quod omnia dogmata, uti antecedens quoddam, aut
constituens, aut consequens retulerint, & qui consequentias ex Au-
ctorum hypothesibus sive verè sive perperam deductas, ipsis licet
vel maxime renitentibus impingant. Cum vero nonnulli sex, alii
quinque, quatuor alii, & iterum alii tria tantum dissensionis capita,
inter Ecclesiam Lutheranam & Reformatam constituerint, propo-
nuntur primum quatuor argumenta, quibus consensus harum Eccle-
siarum fundamentalis probatur; deinceps vindicantur a dissensu fun-
damentali tria ista capita, quæ unionem impedire plerisque creduntur.
Primum, quo utratrumque Ecclesiarum consensus in fidei funda-
mento confirmatur, desumptum est a consensu circa Scripturam
S. tanquam principium, uti loquuntur, adæquatum credendi atque
agendi; *secundum* a quinque præcipuis capitibus religionis Chri-
stianæ, nimirum a Fide, Lege, Oratione Dominica, Baptismo & S.
Cœna; *tertium* a convenientia circa Augustanam Confessionem
invariantam; *quartum* a convenientia circa Formulam Concordiæ
strictè dictam, & explicantur ea, quæ dubios reddere nonnullos hac in
re potuissent. Nam cum Formula Concordiæ circa tres tantum ar-
ticulos, scilicet in loco de *Cœna Domini*, de *Persona Christi*, & de
Prædestinatione, dissensum suum adversus Reformatos testetur, de
hisce tribus sigillatim sibi agendum esse, putavit Auctor Celeberri-
mus. Ut igitur nullum dissensum fundamentalem, in articulo de
Cœna Domini, inter Reformatos & Lutheranos intercedere oster-
dat, docet ex suæ Ecclesiæ Doctonibus, ipsos concedere primo, ve-

p. 27.

p. 30.

p. 33.

p. 34.

p. 36.

p. 42.

p. 43.

p. 46.

p. 49.

p. 57.

p. 62.

- rum corpus & sanguinem Christi vere & substantialiter adesse, atque cum pane & vino distribui; deinde corpus & sanguinem Christi supernaturali & cœlesti modo cum pane & vino sumi; adeoque dissensum constitui tantum in eo, an corpus & sanguis Christi ore sumatur, atque an ab indignis non minus quam dignis ore corporis accipiat: adductisque Reformationum negandi rationibus, existimat, quomodocunque tandem res comparata sit, illud omnibus perspicuum apertumque esse, dissensum circa hæc ad fundamentum fidei non pertinere, quoniam neque quisquam propterea vitæ cœlestis jacturam pati possit, & ipsi dissentientes circa ea, quæ præcipua in S. Cœna sunt, nimirum quoad spirituales manducationem conveniant. Imo totum de cœna Domini articulum non esse ex sententia etiam Doctorum Lutheranorum fundamentalem, ac ipsum Lutherum initio reformationis statuisse, non committi errorem fundamento fidei repugnantem, si quis transsubstantiari panem crediderit, in reformationis quoque progressu professum, se amplius Bucero spirituales manducationem concedenti litem non moturum. Adjungitur quoque responsio ad quinque argumenta, quæ Vir quidam eruditus objecerat, ut omnis circa hunc articulum orta dubitatio tolleretur. In loco *de Christo* concedi inquit a Reformatis fere omnia, quæ Formula Concordiæ proponit: difficultatem in hoc solum motam esse, an naturæ humanæ finitæ, in abstracto sumptæ, communicatæ fuerint proprietates divinæ essentielles, & vice versa; quoniam proprietates essentielles, in primis in Ente simplicissimo, qualis est divina natura, cum rei essentia unum sint idemque. Sed cum concedatur, Christum esse verum Deum & hominem in una indivisa persona; eidem tanquam vero Deo & homini competere omnia attributa essentialia divina & humana, ne uno quidem excepto; personæ in concreto, sive ab humanitate sive divinitate denominetur, non solum utrasque proprietates, verum etiam quicquid Christus in terris aut cœlo perfecit, aut adhuc agit, aut acturus est, non secundum solum nomen, sed rem ipsam tribui, evidens esse putat, dissensum in hac sublimi materia non esse fundamentalem. Denique in articulo *de Prædestinatione*, approbari a Reformatis dicit Vir Reverendus, quæ in Formula Concordiæ leguntur, quæque non tam Reformatis, quam nonnullis inter ipsos Lutheranos

opposita fuiss: deprehendantur. Adducit proinde, ad meliorem intelligentiam, Universalistarum & Particularistarum Reformato- rum, atque ipsorum Lutheranorum sententias de Prædestinatione. Inductos autem fuisse Reformatos, cum nonnullis Lutheranis, ante Hunnii & Mylii tempora, in istam de prædestinatione mentem, ne quid tribuisse viderentur viribus humanis, in consequenda salute nostra. Eandem fovisse sententiam Augustinum & Patres non- nullos. Sed cum vulgo objiciatur, neminem, secundum Re- formatorum doctrinam, de salute certum esse posse, quoniam propositionibus universalibus, in quibus particulares subsumptio- nes continentur, destituantur; respondet, licet universales abso- lutæ propositiones de gratia Dei non proponantur, haberi tamen propositiones universales accommodas sive limitatas, quarum vi tutius quispiam de salute sua subsumere & concludere queat, quam propositis propositionibus universalibus absolutis, sub quibus etiam impij contineantur. Neque minorem fructum ex hac do- ctrina percipere convertendos, aut in statu tentationis constitu- tos. Convertendis enim primo proponi poenitentiam, sub poeni- tentibus autem ipsos contineri tentatos, adeoque utrosque sub pro- positione universali accommoda, quod Deus omnes poenitentes & credentes salvos fieri velit, subsumere & iudicium de salute sua face- re posse.

p. 99-104.

p. 116.

p. 119.

p. 121.

p. 123.

p. 124.

Quibus explicatis, hortatur & rogat Vir pacis Ecclesiasticæ studiosissimus, ut quisque pro dignitate, doctrina & officio sibi a Deo concesso, ad promovendum opus tam sanctum & saluta- re connitatur, cum jam majorum vestigia extant, cujus rei exem- plum ab Evangelicis Statibus Francofurti A. 1634 editum subjicitur, & Potentissimi Borussia Regis voluntas plurimorumque studium idem probet. Tanta vero animi moderatione atque candore, in commendando hoc negotio utitur Vir Celeberrimus, ut neque pacem cum veritatis iactura optet, eandemque si rei Christianæ minus convenientem intellexisset, se impediturum profi- teatur.

p. 143.

p. 159.

NOVA LITERARIA.

Berolini die proximo 5 Februarii, ætatis anno septuagesimo primo, ad Superos, per placidam analysin, transiisse Theologum ac Po-

lyhiftozem toto orbe celeberrimum, *Philippum Jacobum Spenerum*, publice jam constat. De quo uberrimus dicendi campus nobis pateret, nisi persuasissimum haberemus, futurum proxime, ut justo studio composita Vitæ ejus recensio, & librorum ab ipso editorum catalogus, publicæ luci exponatur. Ex Italia denique, post molestissimas moras, libros expectamus novos, ac inter hos etiam, quos jam mense Majo anni superioris indicaveramus. De quibus proinde memoranda erunt plura, quamprimum ad nos pervenerint. Interim non dissimulamus, *Jo. Vignole Dissertationem de Columna Imperatoris Antonini Pii, Roma in Campo Martio A. 1703 detecta*, cui tum dixeramus ultimam manum imponi, prælo nondum commissam, Auctore hætenus per morbum præpedito. Contra spes est, *Justi Fontanini Foro-Julienfis Vindicias antiquorum Diplomatum adversus Bartholomæi Germonii Disceputationem de veteribus Regum Francorum Diplomatis & Arte secernendi antiqua diplomata vera a falsis*, propediem prodituras. Quemadmodum nec id tacemus, Petri Marcellini Corradini *Veteris Latii Profani & Sacri* partem primam, seu Latium Gentile, Romæ typis Francisci Gonzagæ publici nuper juris factam: alteram vero, nempe Latium sacrum, sub prælo jam sudare. Inter libros alios in Italia superiore anno editos commendantur: *Triduana Concertatio de Canone librorum sacrorum, acta in Seminario Montis Falisci*, auctore Fr. Guillelmo Bonjour Tolosano, Ordinis Eremitarum S. Augustini, & in Seminario Montis Falisci Divinarum Litterarum Professore. Apud Montem Faliscum, 1704. 4. *Dissertatio Historica de ducentis Augustinianis Scriptoribus, qui obierunt post magnam unionem Ordinis Eremitici usque ad finem Tridentini Concilii, amplioris Bibliotheca Augustinensis prævia*. Authore Fr. Antonio Gandolfo Genuensi. Romæ 1704. 4. *De Prærogativa Oecumenica Nomenclationis & Potestatis Romani Pontificis a Constantinopolitani Præfultibus usurpata, Historica Dissertatio*. Auctore Ant. Vaira Veneto, Patavii 1704. fol. *Vita di S. Emidio Vescovo d' Ascoli, e Martire*. Composita da Paolo Antonio Appiani della C. di Gesu, Consultore della S. Congregazione dell' Indice. Edizione seconda. In Roma, 1704. 8. *De Aure humana Tractatus, in quo integri ejus fabrica multis novis inventis & iconismis illustrata describitur*. Auctore Antonio Maria Valsalva, Bononiæ, 1704. 4. De aliis alias.

ACTA ERUDITORUM,

publicata Lipsia

Calendis Aprilis, Anno MDCCV.

*THE HISTORY OF THE REBELLION AND CIVIL
Wars in England, begun in the Year 1641. Written by the
Right Honourable EDWARD CARL OF CLARENDON. Volume the first.*

Oxford, printed at the Theater, 1704. fol.

*HISTOIRE DE LA REBELLION ET DES GUERRES
Civiles d'Angleterre, depuis 1641 jusqu'au rétablissement du Roi
Charles II. Par EDWARD COMTE DE CLARENDON.
Tome I divisé en deux Parties.*

A La Haye, chez Louis & Henry van Dole, 1704. 12.

i. c.

*HISTORIA REBELLIONIS ET BELLORUM ANGLIÆ CIVILIVM
ab A. 1641 usque ad restitutionem Caroli II Regis. Auctore
EDUARDO CLARENDONII COMITIS.
MITE. Tomus I.*

*Anglica editio constat Alph. 6. plag. 9. Versio autem Gallica
Alphab. 2.*

Motuum inter imperantes atque subditos civilium exempla, plurimum quidem regnorum ac provinciarum annales nobis suggerunt, nunquam vero, per omnium seculorum decursum, aliud magis detestabile aut abominandum reperimus, quam intestinum istud Magnæ Britanniae bellum, quod ne Augusto quidem Caroli I Regis sanguine, sacrilega carnificis manu, præter omnem cultioris ævi ac populi morem, effuso confici vel extinguere potuit. Cujus historiam quum

T

mul-

multi pro variis partium studiis varie contexuerint, neminem tamen stylo moderatiore & majore cura composuisse novimus, quam EDUARDUM HYDE, CLARENDONII Comitem, Magnum olim Britanniae & Universitatis etiam Oxoniensis Cancellarium, virum, de rebus partibus, quas sequutus est semper, & de muneribus ipsi collatis optime meritum, sed eo nomine infelicem, quod, licet perpetuus Caroli II Regis in exilio comes, & post ejus restitutionem, gravissimorum in Anglia negotiorum administer fuerit, Parlamenti nihilo minus jussu solum revertere, & relicta patria senectutis suae annos residuos apud externos transigere, coactus fuit. Cujus quidem rei causa credita multis fuit, quod Jacobus Eboracensium tum temporis Dux, Regis Frater, qui rejectis Reformatarum Anglorum Ecclesiarum symbolis, ad Pontificiorum scholas transierat, filiam ejus, patre plane infcio, in matrimonium duxerat: tamen si insigni profecto, quod eventus docuit, Britanniarum emolumento, quandoquidem ex ea duas filias suscepit, quarum altera MARIA, Guilielmo Arausienensium Principi deinceps nupta, anno superioris seculi octavo supra octogesimum, libertatem populi atque Ecclesiae Anglicanae, contra ipsum parentem Jacobum, Romanensium infestis machinationibus nimis faventem, servavit; altera vero ANNA, Georgio Danorum Principi nupta, & post Mariae ac Guilielmi decessum, Magnae Britanniae, Franciae ac Hiberniae Regina, augustissimis hodie auspiciis regnat, ac una cum Foederatis, per terrestrium ac navalium copiarum duces celebratissimos, Gallorum, Hispanorum Bavarorumque, universae Europae hactenus insultantium, potentiam reprimunt. Accesserunt interim malevolentiae adversus Clarendonium aliae dein rationes, Pontificiorum scilicet, quorum occultis in aula conatibus masculae obstiterat, & foemellarum insuper odium, quantum amoribus Carolus II Rex nimium quantum capiebatur, nihili plane habitis rumoribus, quos de scandalosa earum vita, & exosa cordationibus Anglis indole, sapissime ad Regem detulit Comes noster. Colophonem denique infortunio illius addiderunt multi ex comitatu amico male erga ipsum animati, qui quod Regi Carolo consultum ab eo fuisse crederent, ut illos, quos nuper hostes habuerat, beneficium majoribus sibi devinceret, veteres autem amicos & clientes fidos negligentius haberet, Curiae sive Parlamenti Anglicani Adfessores indefinenter stimularunt, ut edicto publico venerandus senex in exilium

lium mitteretur, cujus tamen facti Regem postea plus vice simplici pœnituit.

Hic ergo Hydius, Clarendonii Comitis titulo postmodum decoratus, rebellionis Anglicanæ descriptionem duplici de causâ adortus est, tum quod ad id faciendum Carolus I Rex jussu suo calcar addidisset, tum quod omnium, quæ gesta sunt, spectator ipse atque auditor extitit. Erat enim inferioris in Britannia Curia (*la Chambre des Communes*) Senator, atque in Comitibus A. 1640 habitis, regiam auctoritatem tamdiu contra calumniatores & novaturientes pro virili tutatus est, donec cum aliis furori insanientium cedere, atque in Carolinis castris receptum quærere, necesse duxit. Ne autem illi, qui a regio capite tempestatem hanc exitiabilem omni conamine avertere contenderunt, atque adpropter a sectariis Cromwellianis in Annalibus eorum male traducuntur, merita laude apud posteros excidant, aut paucorum hominum malitiosa pervicacia, per quam parum absuit ut universa Britannorum natio ad incitas redigeretur, ex memoria hominum deleatur, huc quidem celeberrimi Auctoris Commentarii faciunt, quorum Tomum primum, quos duo alii excipiant, in quinque Libros distinxit. *Primus* exhibet ultimos regiminis a Jacobo I Rege exerciti annos, iter; Caroli Principis cum Buckinghamio Duce in Hispaniam, pro ineundo cum Infante Hispanica matrimonio susceptum; Jacobi Regis obitum, Buckinghamii cædem, præcipuorum Status Administrorum characteres, ac Caroli filii successoris in Scotia coronationem, variorumque tumultuum, ob Liturgiam Anglicanam Laudi Cantuariensis Archiepiscopi suavis Scotiæ Ecclesiis obtrusam, semina. *Secundus* motuum a Scotis excitatorum circumstantias, belli intestini exitum, novi deinceps dissidii inter Scotos & Anglos exorti mala, & Parlamenti Anglici a Rege dissoluti causas recenset. *Tertius* Parlamentum anno 1640 a Rege convocatum nobis sistit, quod fatali turbine Regiæ Majestatis jura prorsus pessumdedit, & Straffordio Comiti d. 22 Maji anni 1641 caput amputari jussit. *Quartus* Regem ad Scotos ob pacem cum iis sanciendam profectum, mox ad Londinenses reducem, sed ob Curia inferioris atrocissimos insultus, ad Eboracenses profugum, exhibet. *Quintus* denique liber molimina Regis apud Eboracenses degentis contra Parlamentum suscepta, missos a Rege ad Curiam, a Curia vero rursus ad

Regem libellos varios, tum adparatum utriusque partis bellicum, & signa exeunte mense Augusto anni 1642 invicem collata narrat.

Hæc summa commentariorum superficialia est: de cætero argumenti, quod Illustris Auctor pertractat, amplitudinem, ordinem rerum, eventuum plane singularium circumstantias, virorum maximorum characteres, studia partium, & quem in narrationibus singulis præ se tulit, candorem, quis est, qui illa recensibus nostris hætenus adhibita brevitate, extremis licet ductibus, delineare queat? Hunc enimvero in censum veniunt, quæ Libro primo de Georgii Buckinghamii Ducis apud Jacobum & Carolum Reges gratia, de itinere cum Carolo Principe in Hispaniam facto, ac post irritas matrimonii inter Carolum & Hispaniarum Infantem ineundi pactiones, belli Philippo III indicti causis legimus. Et hæc quidem minus recte amoribus Buckinghamii cum Olivaresiana conjugetribui, Auctor monet, quum Olivaresiana provectæ jam ætatis ac neglectæ formæ fœmina fuerit. Ast non dissimulat, Ducem, cum postea in Gallia Legati munere, ad conciliandas inter Virginem Regiam Henricam Mariam & Carolum I Angliæ Regem nuptias fungeretur, indecentiore ac tantum non insano in Fœminam Principem amore exarsisse, & postquam Regiam Sponsam in Angliam deduxisset, prosequendo amoris novum splendidissimumque in Galliam iter meditatum fuisse, cumque admonitus esset, a fidis ministris de vitæ insidiis a Gallis, qui rem subodorati fuerant, redire auso structis adeo excanduisse, ut *Fœminam Principem ingratiis totius Francia se invisurum* exclamaverit, implacabili exin in Gallos odio concepto. Quæ nimia in Viro linguæ licentia tanto minus mira nobis videtur, quando Clarendonius memorat, Ducem aliquando eo audaciæ pervenisse, ut Regiam Caroli I uxorem, quod Buckinghamii matrem tardius, quam promiserat, invisisset, indecenter admodum increpuerit, & *illam* cordatius paulo respondentem *scire jussit*, non deesse apud Britannos, exempla Reginarum, quibus capiti ense fuerint reüssa. Istud autem inprimis in Buckinghamio, maximo alias seculi sui Duce, notavit Auctor noster, neminem ex familiaribus ejus fuisse, qui ipsum fragilitatis suæ atque odii, non apud procures tantum, sed & apud plebem, obstinatione nimia contracti admoneret: inde siquidem factum esse, ut non tantum Jacobi Regis, paulo ante obitum illius, gratiam, sed vitam denique ipsam, a Joanne Feltono culiro in pectus Ducis impacta, per-

perdiderit. Quæ de turbis Scoticis Libro secundo occurrunt, longè omnino merentur, extatque hoc inter alia singulare Argatheliæ Comitis, animum erga Regem optimum valde ingratum gerentis, monumentum. Nimirum Parens ejus hunc suum filium prodigum, atque paternis admonitionibus rarius obtemperantem, exheredare constituerat, sed quo minus id faceret, Carolus Rex intercessit, qui exacerbatum patris animum ita emollivit, ut filio bonorum omnium aditum concederet, sibi tantum, ceu seni, certa annuorum reddituum portione servata. Quæ pactorum tabulæ dum signarentur, patrem ita ad Carolum Regem loquentum fuisse, Hydius noster scribit: *Domine, jussa tua jam exsequutus sum, quamvis valde invitus. Sed vereor, ne indoles filii mei tibi minus cognita sit, quam par erat. Animo enim pradius est castro atque infido, quique neminem constanter colit. Vires ac reditus juvenis ex voluntate tua auxi, qui tamen, si occasio affulserit, prius omnium adversus te ipsum insurget.* Neque istud de filio augurium falsum fuit, quippe Regis partes in disidiis Scoticis inter primos postea deseruit. Cumque is Montis-Rosarum Comitem in plurimis æmulum haberet, factum est, ut ambo illi juvenes, ambitione sua quietem Scotiæ continuo turbantes, ad exemplum Romanorum *Cæsar & Pompejus* adpellarentur, quorum ille, Lucano teste, neminem priorem, hic vero parem neminem ferre potuit. In tertii Libri memorabilibus, tragicus Comitis Straffordii casus locum præcipuum meretur. Cum enim Parlamenti inferioris Curia membræ, sanctioris apud Regem Consilii conatus & decreta exactiori censuræ subicerent, regimen Episcopale tollendum penitus existimarent, Episcopos a consessu superioris Senatus (qui ex Ducibus & Paribus Angliæ consistat) arcerent, variisque artibus & Regis fatali quadam indulgentia, Carolum ad triennialis Parlamenti constitutionem adigerent, (id quod primum destructæ paulatim regis auctoritatis indicium fuit) inter præcipua calamitatis publicæ momenta captivitas quoque Comitis Straffordii, Proregis Hibernici, numeranda fuit, cui præter alia accusationis capita, id quoque objecerunt, quod *minimum regie auctoritatis digitum plus valere, quam integrum Legum corpus*, dixerat. Itaque in necem viri vaser-

rimus quisque conspiravit, & Comes, regiae quasi cædis præcursor, quum omnia retro ire, civilibusque bellis enses adparari mente præfaga jam videret, ipse ad maturandam mortis suæ sententiam Regem hortatus est, ne fortean, ob consensum summi Principis denegatum furibunda, plebs ab insanientibus ejus adversariis ad tumultum concitaretur, & Regiæ Majestati per refractarios ignominia fieret. Ex illo autem tempore, omnium fere infortuniorum cumulus Anglos simul oppressit. Romanenses enim in Hibernia, temporis opportunitate usi, circiter quadraginta millia Protestantium intra paucos dies mactabant. Scoti rebelles patriæ suæ fines egressi, ipsam Angliæ Septentrionalis oram infestabant. Parlamentum vero non pedetentim, sed torrentis instar in Regem grassari, omnia ejus jura & prærogativas subvertere, fidissimos quosque Principis comites, quamvis culpæ nullius confcios, vel ideo tamen, quia sectariis candor illorum displicuerat, ad carceres destinare, commeatui bellico & munitionibus regius perditissimos ex suo grege homines præficere, omnia Caroli molimina sinistre interpretari, & famosissimos quotidie libellos Regis edictis opponere, atque adeo administrationis robur & suprema regni jura suæ tantum libidini mancipare, non dubitavit. Quinam Carolo in tanta rerum inclinatione animus fuerit, quæ ratione præfecturam castri Hullensis, imperium classis, exercitum terrestrem, commeatum omnem, nervum insuper gerendi belli, modo nimia indulgentia, modo rigore nimio amiserit, quibus dolis inferior Curia Senatores ac Purpuratos regni in partes suas pertraxerit, quænam consiliorum in singulis congressibus diversitas, quis Remonstrationum, uti adpellabant, ab utraque parte publicatarum tenor, quænam præcipuorum rebellionis caput artes & ingenia fuerint, id omne accuratissima & cogitata scriptione in reliquis libris Auctor noster adnotavit, ad quem lectores plura scire desiderantes merito ablegamus. Dolemus tantum, posteriores Tomos, in quibus Historiam civilis belli ab anno 1642 ad 1660, quo septima Junii mensis die, Carolo II Regi diadematis aviti honor restituebatur, persequutus est, nondum publici juris apud nos esse factos. Neque enim dubitamus, si leonem ex ungue æstimare liceat, reliquos etiam libros multa omni-

omnino singularia continere, quorum intimiorem notitiam Cancellarius noster ex schedis publicis hauserat, & quæ in aliis tumultuum Anglicorum commentariis frustra quaeremus.

A COLLECTION OF VOYAGES AND TRAVELS.

L. C.

SYLLOGE ITINERARIORUM, QUORUM ALIQUA e linguis exoticis in Anglicam translata, alia nunc primum e schedis Auctorum prodèunt: quibus accessere quaedam olim Anglice impressa, sed rariora & præstantiora.

Volumina IV.

Londini, apud Awnsham Churchill & Johannem Churchill,
1704, in fol.

Constant Alph. 39 $\frac{1}{2}$, & quamplurimis figuris æneis, tam separatim impressis, quam passim textui insertis.

NON uno anno absolutum est tam vastum opus, si quid e præfixo Wilhelmi Regis privilegio, quod annum 1700 subscriptum habet, conjectare licet, nec tantæ molis futurum speraverant initio Bibliopolæ, qui cum e majoribus operibus compendia facere constituissent, mutata sententia, integra nunc scripta figuris suis omnibus exornata repræsentant, spem insuper facientes, se, quæ plura in ipsorum manus inciderint lectu digna, aliis deinceps supplementorum tomis publicaturos. Præmissa est operi, præter præfationem generalem librorum insertorum conspectum exhibentem, Dissertatio præliminaris, qua universa Historia Navalis, ab origine ad nostra hæc tempora, per complures paginas erudite traditur. Ut enim de ipsis profectionum maritimarum, ab A. 1360 ad nostra tempora, a variis gentibus institutarum Annalibus, qui hic exhibentur, nihil dicamus, elegantia sunt, quæ de origine navium earumque usu, imprimis apud Phœnices seu Cananitas, tum & apud Græcos & Romanos, e probatissimis scriptoribus, speciatim e Bocharto & Morisoto afferuntur; qua occasione obiter etiam de Salomonis profectione in Ophir, seu Indiam, ut Noster putat, Orientalem ductu stellarum facta agitur, & Plinii locus ex L. V, C. 12 produciatur, ubi Phœnicibus quinque inventa, literæ, stellarum cogni-

cognitio, navigandi ars, disciplina militaris, & exstructio urbium tribuitur. Hinc de recentiori acus magneticæ invento agens Auditor, negat in Plautino illo versu in Mercat.

Huc secundus ventus nunc est, cape modo vorforiam,
per vorforiam, quod quidam volvere, acum illam indicatam, eoque veteribus non ignotam fuisse. Neque ejus acus usum a Paulo Veneto, circa annum 1260 e China reduce, ad Europæos primum translatum fuisse putat, etsi Lusitani asserant, Chinesibus a multis seculis familiarem eum fuisse. Quin optimo jure ejus acus inventionem tribui credit Flavio Gioiæ, Amalphitano, qui circa A. 1300 vixit. Cæterum de mirandæ rei hujus causis parum Noster est sollicitus, earumque inquisitionem perdocto in Anglia Viro permittit, ejus meditationes de Magnete propediem expectentur. Subjectus est huic dissertationi catalogus plurimum Itinerariorum, quæ passim non uno idiomate prodierunt, quorum simul characteres describuntur. Ex his non erit ab hoc loco alienum, nonnullas Itinerariorum collectiones referre. Commendatur imprimis Theodori & Johannis de Brye *India Orientalis & Occidentalis*, Francos. 1624 VI voluminibus in fol. impressa, qua in collectione præstantissima quæque de utraque India Itineraria, e linguis, quibus exarata erant, in Latinam translata exhibentur. Meliorem tamen, eamque omnibus pene numeris absolutam Syllogen, jam antea A. 1613 vulgaverat inter Italos Jo. Baptista Ramusio, sub tit. *Delle Navigazioni & Viaggi*, Venetiis III voluminibus in fol. editam, in qua itinera ad omnes mundi plagas suscepta singulari studio collecta comparent. E Gallis notus satis est Melchisedecus Thevenot, qui duobus in fol. voluminibus varia itineraria Gallice vulgavit. Ex Anglis demum primus Richardus Hacluytus Itineraria varia, *Voyages by Sea and Land*, collegit, & tribus partibus, quæ spissum in fol. volumen faciunt, divisa Lond. 1598 publici juris fecit. Quem secutus Samuel Purchassius varia pariter Itineraria, sub titulo *Pilgrims*, Londini 1625 V voluminibus in fol. edidit; uterque nullo delectu usus.

Majori cum cura versati sunt, quicunque volumina hæc collegerunt. Continentur autem in Vol. I p. 1 Hispani cujusdam Dominicani, Ferdinandi Navarette, Relatio Historica, Politica, Moralis

ralis & Ecclesiastica de Regno Chinæ, quæ Hispanice conscripta in paucissimorum manus pervenit, quod artibus Jesuitarum, qui liberius ab Auctore L. II actiones Missionariorum in China expositas indignabantur, factum, ut ab Inquisitionis magistris, antequam publice prodiret, vendi prohiberetur. Quantum quidem ad Auctorem, is anno 1646 in Philippinas primum Insulas delatus est, unde de his quoque curiosa multa operi inseruit; inde ex longo itinere redux factus, anno 1673 Archiepiscopatum Hispaniolæ obtinuit. Pag. 425 Martini Baumgarten Iter in Ægyptum, Arabiam, Palestinam & Syriam anno 1507 institutum, e Latino exemplari, quod manu Josephi Scaligeri emendatum erat, Anglice, præmissa Auctoris vita, translatum, in quo præterquam, quod multa de veteri harum regionum historia inserta sunt, singularia habentur, quæ de Mamalucis Auctor affert. Pag. 303 Relatio de Regno Cilicis, auctoribus Henrico Brewero & El'a Herckemanno, qui eo A. 1642 & 1643, jussu Societatis Indiæ Occidentalis, quæ in Belgio obtinet, profecti erant. Pag. 526 brevis Insulæ Formosæ Descriptio, auctore Georgio Candidio, verbi Divini quondam apud Belgas in ea insula Ministro; quam quo jure quave injuria sub censuram nuperrime Georgius Pfalmanaazaar, qui in insula illa natum se contendit, in nova Formosæ Insulæ Descriptione, Anglice & Gallice edita, vocaverint, alii viderint. Pag. 534 Auctoris anonymi de Japonia, Regumque & magnatum Japonensium annuis redditibus, observationes curiosæ. Pag. 541 Johannis Monckii Iter in partes Septentrionales, jussu Christiani IV Danicæ Regis A. 1619 & 1620 susceptum, antea Germanice Francos. A. 1650 editum, quod & ob veritatis studium apprime commendatur, & de Gronelandia potissimum, tum veteri, tum nova, singularia habet. Pag. 571 descriptio Ucraniæ, in qua Auctor Gallus Beauplan, Matheseos peritissimus, per complures annos, circa medium sæculi superioris versatus est, & non minus circa mores, quam naturalem ejus provinciæ historiam, parum alias nota observavit. Pag. 611 & 651 duo Itinera in Regnum Congum a Missionariis facta, quæ Italice antea prodierant; & denique pag. 767 Thomæ Roe, Jacobi I Angliæ Regis ad Indorum Monarcham Ichag Guire Legati, Iter, quod ut in Purchassii collectione mancum exhibetur, ita a Thevenoto Vol. I recusum est haud magis castigate.

In Volumine II extat primo loco Johannis Nieuhoff Iter in Brasiliam & Indiam Orientalem, quod pluribus figuris ornatum Belgice primum prodit. Inde p. 371 sequitur Iter & fata Johannis Smithi, Angli, in Europa, Asia, Africa & America inde ab A. 1592 ad A. 1629 peregrinati, quo in opere singularia sunt, quæ ad Anglorum in Nova Anglia ab A. 1624 ad A. 1629 stabilitas sedes pertinent. Pag. 433 Diaria duo ab his, qui circa annum 1634, partim in Insula S. Mauritii prope Gronelandium, partim in Montibus Acutis, seu Spitzberga decesserant, relicta; & pag. 429 brevis Relatio de nonnullis, qui haud procul Spitzberga naufragium passi sunt anno 1646: cuncta e Belgico idiomate translata. Pag. 431 Isaaci Peyrerii, qui Gallorum ad Danos legato ab epistolis fuit, & auctor creditur libri de Præadamitis, Descriptio Islandiæ & Gronelandiæ, quam stimulante Mothe-Vajerio dedit Gallice. Pag. 479 Thomæ Jamesii, Angli, Iter ad detegendam novam viam, qua per Septentrionalem atque Occidentalem plagam perveniri possit in mare Australe (*for the Discovery of the North-West Passage into the South-Sea*) susceptum, quod ut apud curiosos vulgo in pretiis est, ita imprimis Boyleo singulares de frigore observationes suppeditavit. Pag. 545 & seq. inserta sunt duo Itinera e Belgico traducta, alterum Legati Moscovitici in Chinam, (e quo apparet, quod obiter notamus, Pequinum cum Cambalu urbe, quam per errorem in Tartaria collocant, plane eandem esse;) alterum Zachariæ Wagneri in Brasiliam & Indiam Orientalem: utrumque perbreve. Nec immerito inter itineraria p. 557 refertur Vita Christophori Columbi & Historia Indiæ Occidentalis ab eo detectæ, auctore filio ejus Ferdinando Columbo, Italice consignata; quippe præter observationes varias, ab ipso Christophoro in ea expeditione factas, singula exhibet, quæ ad detectam circa annum 1492 Americam pertinent. Pag. 689 sequitur Johannis Gravii Pyramidographia, de qua ex ejus Vita, a Viro Clarissimo Thoma Smitho conscripta, in Actis nostris A. 1700. p. 516 diximus, ut plura hoc loco addere supersedeamus; cui jungitur p. 737 ejusdem Auctoris Syntagma de Pedo Romano & Denario, de quo pariter l. c. pag. 517 mentionem fecimus. Denique accessit pag. 787 Christophori Borri Narratio de Cocinchina, Italico olim idiomate con-

conscripta, quæ, quanquam prolixa non sit, elegantissimas observationes complectitur.

Volumen III exhibet pag. 1 disertam eamque accuratissimam Relationem de Regno Cile, quæ auctore Alfonso de Ovalle, Romæ A. 1649 Hispano sermone prodierat, & digna nuper visa est Societati Regiæ Anglicanæ, ut ejus in vernaculum traducendæ provinciam Socio cuidam suo demandaverit: complectitur enim de rebus Peruvianis & Mexicanis parum alias obvia, & ob fidem singularem, præ cæteris omniibus ejus generis scriptis commendatur. Sequuntur pag. 154 Wilhelmi Monsonis Dissertationes ad Rem Navalem spectantes, nunc primum e schedis Autoris vulgatæ, cujus ubique fides atque ingenuitas emicant. In his res sub Elisabetha & Jacobo I in mari gestæ, quibus ipse interfuit, tum navales pugnas ordinandi modus, prælia inter Hispanos Anglosque in ipsis Indiæ Occidentalis littoribus commissa, Caroli I ad Gades conatus, Anglorumque apparatus navalis omnis, ut & quæ ab Hispanis atque Lusitanis in Asia, Africa & America paulatim fuerint detecta, eleganter ab Auctore, & ut virum harum rerum peritum decet, describuntur. Clauditur hic tomus pag. 561 Descriptione littorum Malabaricæ, Coromandelæ, & Ceylani insulæ in India Orientali, quæ auctore Philippo Balæo, Delphensi, Amstelodami A. 1672 Germanice excusa prostat, e qua patet, quemadmodum Lusitani eas primum ditiones occupaverint, utque ejecti iterum fuerint a Belgis, quæ sit quoque adjacentium ditionum ratio, quæ lingua Malabarica, quæ religio Indorum Orientalium.

In Volumine IV existat pag. 1 Iter circa mundum recentissimum a Francisco Gemello Carenio, qui anno demum 1698 ex eo itinere redux factus est, viro non modo opibus probe instructo, verum & in re omni versatissimo, & legum Doctore, Italico idiomate VI voluminibus in 8 vulgatum. In quo uti de Turcia imprimis, Persia, India, China, Insulis Philippinis & Noya Hispania, magna cum cura egit, legesque & mores gentium, & ipsas quoque plantarum figuras diligenter annotavit Auctor, ita & distantias locorum, si quisquam alius, accuratissime designavit. Pag. 607 Anonymi cujusdam Belgæ Relatio de Regno Corea & Insula Quelpartia, quo ejectus per naufragium fuerat; quæ cum

sola sit, quæ de Regno illo exstat, (quandoquidem peregrini, qui eo delati sunt, haudquaquam iterum dimittuntur,) lectu digna futura erit, si modo vera narrat Auctor, qui se singulari fato liberum evasisse refert; quod Nostri quidem editores, qui e Gallico sermone librum traduxerunt, in dubium non vocant. Pag. 633 Descriptio Itineris a duobus Germanis, Antonio Sepp & Antonio Behme, ex Hispania in Paraguaiam regionem America Meridionalis A. 1691 suscepti, in qua de urbe ejus, quæ Bonus aer (*Buenos Ayres*) dicitur, non injucunda habentur: prodierat autem antea Belgice. Pag. 665 Fragmentum de Insulis Salomonis in mari Australi sitis, & A. 1695 ab Hispanis detectis, quod & Collectioni Thevenoti insertum est. Pag. 680 Historia Paraguaix, Tucumanix, Fluvii Argentei (*Rio de la Plata*) Paranae, Guairae, Urvaix & Ciles, a Nicolao del Techo, Jesuita, qui per annos viginti quinque in eo tractu commoratus est, Latine consignata: Pag. 808 Eduardi Pelhami Narratio de octoviris in Gronelandia A. 1630 miro modo servatis. Pag. 822 Jo. Baptistæ Morini Iter ad fodinas Hungariae A. 1615 factum, & pag. 829 Wilhelmi Ten-Rhyne Relatio de Capite Bonæ Spei & Hottentotis: uterque libellus e Latina lingua translatus. Denique pag. 846 Richardi Bollandi Delineatio Freti Herculei A. 1615 facta, variisque observationibus illustrata. Accessit singulis Tomis Index realis locupletissimus.

THE SCOTTISH HISTORICAL LIBRARY.

i. c.

BIBLIOTHECA HISTORICA SCOTICA, Exhibens brevem conspectum Auctorum plerorumque, qui scribenda Generali Scotia Historia, ad unionem usque Angliæ atq; Scotiæ, inservire poterunt. Auctore WILHELMO NICOLSON Archi-Diacono Carleolensi.

Londini, apud T. Childe, 1702; 8. Alph. 1. pl. 3.

ET si sero exhibemus hanc Scotiæ Bibliothecam, tantum tamen abest, ut Bibliotheca Anglicanae, quæ eodem auctore tribus tomis, in Actis nostris A. 1697 p. 27, A. 1700 p. 245, & Suppl. T. III p. 257 ex merito commendatis, prodiit, postponi quoad ac-

cu-

curatum Historicorum recensum debeat, ut potius se ipsum in ea superasse Nicolsonius sibi videatur, eoque prætermittenda nobis omnino non sit. Non est tamen, cur in erudita præfatione diu hæreamus, in qua de Comitibus Clericorum (*convocations*) deque antiquitate jurisdictionis Archiepiscoporum, ut & Communium in Parliamentis, & rebus quibusdam aliis, contra Atterburium disputat, a quo se indignius habitum queritur. Strypii vero, qui Vitam Crammeri scripserat, & a Nostro, ob immòdicum pruritus heterogeneas infarciendi, notatus fuerat in Bibl. Angl. T. II (unde nos quoque censuram transcripsimus Suppl. T. III p. 264) modestiam laudat, eique injuriam a se factam fâtetur, atque eo nomine notatum potius cupit Hacketi librum *Los of A. B. Williams*, eodem fere tempore vulgatum. Tum quibus præditiis instructus ad hanc Bibliothecam scribendam accesserit, declarat. Quippe non tantum in Anglia in Longavillanâ, Lambethanâ item, & imprimis Cottonianâ, Bibliothecas admissus est, quarum hæc refertissima monumentis Scoticis (quandoquidem ipse Johannes Cottonus e Regia Brussiorum Scotiæ familia oriundus erat) verum & in ipsa Scotia referatos omnes loculos reperit; speciatim vero, quæ ab Alexandro Seton de Legum scriptoribus, & a Roberto Sibbaldo de reliquis omnis generis monumentis communicata habuit, magnopere extollit. Sed ad ipsum librum convertimur, in quo recensendo ita versabimur, ut potissima eorum librorum habeatur ratio, qui, ex quo Acta hæc condere cœpimus, prodire, & ad nos e Scotia allati non sunt. Capite I, quod de Geographiâ, Historiâ item Naturalis, & formæ Regiminis, quod in Scotia obtinuit, scriptoribus conscriptum est, commendat primo Tacitum in Vita Agricolæ a Guilielmo Barclajo egregie illustratum, quem obiter notat tanti æstimatum fuisse Lipsio, ut ei calamus suum testamento legaverit. Optat autem, ut, quæ in manibus habeat laudati Sibbaldi manuscripta, nempe *Britannia Cornelii Taciti & Conjectanea in eam tabula Ptolomæica partem, quæ Septentrionalem Insula plagam describit*, in lucem prodeant. Tum præter Ptolomæum & Antoninum, Nennium imprimis & Bedam in Geographicis legendos putat, Helicorem vero Boethium diligentem quidem, sed credulum scri-

Præf. p. 2. sq.

p. 36.

p. 37.

p. 38.

p. 2.

p. 7.

p. 10.

- p. 11. ptorem appellat, a quo Brigantes in Gallovidia, Silures in Car-
 ricta, & Deiri in Laudonia perperam collocentur. In Leslæi De-
 scriptione Scotiæ, æque ac in ejus Historia, singularem agnoscit pru-
 dentiam. At Camdenum ait, ob Scoticas origines non satis in-
 tellectas, nonnullorum censuras incurrisse, ut Humii, qui *Camde-*
 p. 14. *nea*, & Drummondi, qui *Nuntium Scoto-Britannum* & librum
 Anglicum *Perspicilla Camdenu parata* reliquit, quæ adhuc in scri-
 niis latent. Imprimis autem in Geographicis *Theatrum Scotiæ*,
 p. 17. quod in Atlante Bleaviano exhibetur, commendat, & in eo sin-
 p. 18. gularem operam Roberti Gordoni laudat, cujus tamen eruditas
 observationes bibliopolam Amstelodamensem passim addit mutil-
 lassè, ut, quod Carolo II destinatum opus erat, posset eo aptius
 Cromwello A. 1655 dedicare, cui ne displicere omnino liber pos-
 set, Buchananani dialogum de Jure Regni reliquis opusculis in eo
 p. 25. Theatro obviis præmiserit. Novum deinde *Theatrum Scotiæ* Londi-
 p. 26. ni A. 1691 vulgatum conscripsit Johannes Slezer, cui idem fere acci-
 dit; nam cum figuris, quæ admixtæ sunt elegantissimæ, Latinas
 descriptiones subjecisset, eas mendose satis in Anglicam linguam,
 p. 21. inconsulto prorsus auctore, translata bibliopola publicavit. Cæ-
 p. 22. terum nuntiat Noster, Johannem Adair, Hydrographi Regni
 Scotiæ titulo dignissimum, littorum Scotiæ descriptionem & map-
 pas hydrographicas elegantissimas componere, & sub titulo, *Descri-*
 p. 27. *ption of the Sea-Coasts and Islands of Scotland* editurum. In
 Historia Naturali, præter Andreæ Balfour, magnopere com-
 mendatur Robertus Sibbaldus, cujus *Scotia illustrata* Edinb. 1684
 f. prodijt, mox cum supplementis novis recudenda. Quantum
 p. 32. ad Rei Herbariæ scriptores, non inficiatur quidem Auctor, Josi-
 nam Regem Scotorum a Boethio L. II Hist. Scot. herbarum per-
 quam gnarum perhiberi, utrum autem, quod Baleus tradit, *de*
 p. 33. *herbarum viribus* librum consignaverit, in medio relinquit. Mul-
 tum vero extollit Jacobi Sutherlandi *Hortum Medicum Edinbur-*
 p. 34. *gensensem* Edinburgi A. 1683 editum, cujus locupletior editio indies a-
 vide expectatur. In Re Metallica producit Thomæ Atkinsoni
 p. 36. manuscriptum de Metallis Scotiæ librum, & Johannis Borthwick
 p. 37. brevem *Narrationem de Metallis & Mineralibus in Scotia*. De
 Jure Populi apud Scotos, primus aliquid commentatus Nostro di-
 citur

citur David Chambre in dissertatione, quæ libro, *Histoire abrégée de tous les Roys de France, Angleterre & Escoffe*, Parisiis A. 1579 edito annectitur, ubi populumoticum, ob bella cum Britannis, supremam suam potestatem in Fergum transtulisse, eumque primum Regem creasse scripserat. Quam sententiam statim biennio post Georgius Buchananus, edito Edinburgi dialogo *de Jure Regni apud Scotos*, pluribus argumentis tutandam suscepit. Verum ut primum postea Parlamentum convocatum est, A. 1584 publica censura illius decreto uterque liber notatus est. Cum itaque aliquo usque sopita controversia esset, resuscitavit eam demum Rutherfordus, & in libro *Lex Rex* Londini A. 1644 vulgato, Maxwellum alterius libri, *Sacrosancta Regum Majestas* inscripti, auctorem falsè perstrinxit, Regibus Scotiæ nec merum imperium competere, & resisti impune posse adferens. Ex adversa parte Buchanani sententiam Winzetus, Wilh. Barclajus, Johannes Weems, Jacobus Turner & Gilbertus Burnet confutarunt. Imprimis vero crudite litem diremit vir eximius, & nobis haud semel commendatus, Georgius Mackenzie, cujus liber Anglicus *Jus Regium* Londini A. 1684 vulgatus, Universitati Oxoniensi consecratus est, quod in ea publico decreto, anno antecedente, theses quædam contrariæ fuissent damnatæ, & libri eam sententiam professi publice cremati. Porro de tractatibus Scotorum cum aliis gentibus dum agit Noster, commendat imprimis, quæ in Cottoniana Bibliotheca asservantur, volumina undecim haud exigua, pacta omnia Anglorum Scotorumque, ab initio Regni Henrici VIII, usque ad utriusque gentis unionem complexa, e quibus excerptas foederum tabulas complures in *Archivis Regiis referatis*, opere eximio, brevi, ut sperat, publicabit Rymerus, qui & reliquarum gentium cum Anglis foedera eo libro representabit. In Heraldicis, præter Lyndæi manuscriptum, magnopere extollit laudati Mackenziei librum *The Science of Heraldry*, Edinburgi A. 1680 f. editum, cui præmisit Auctor observationes de Legibus Præcedentiæ apud Scotos. Orcadam Historiam, præter Robertum Jamesum, etiam Thormodum Torffæum & Jacobum Wallace scripsisse, vel ex Actis nostris Suppl. T. III p. 337 & A. 1701 p. 149 constat; illud tamen hic observamus, eam descriptionem, quam Jacobus Wallace

p. 38.

p. 39.

p. 42.

p. 43.

p. 44.

p. 47.

p. 49.

p. 53.

fili.

- filius paulo auctiorem proprio nomine Lond. A. 1700 edidit, a patre
 ejus Jacobo antea, Sibbaldi suasu, ad complendum Scotiæ Thea-
 trum elucubratam, & Edinburgi A. 1693 vulgatam fuisse. E reliquis,
 qui provinciarum & urbium descriptiones edidisse memorantur,
 p. 58. unum Philopolitejum, auctorem Pseudonymum, vero nomine
 p. 59. Skene dictum, nominamus, qui Aberdoniæ A. 1685 duos libellos,
 alterum *Memorials for the Government of the Royal - Burghs*
in Scotland, alterum *A succinct Survey of the famous City of A-*
 p. 61. *berdeen* excudit. In Capite II, Historicis Scotiæ generaliores re-
 præsentante, de Pictorum, Danorum item & Saxonum, quæ in Scotia
 supersunt, vetustis monumentis quædam præfatus Auctor, Maria-
 num & Davidem Scotos producit, & de Veremundi aliorumque
 auctoritate, late disputat, nec Chronica S. Crucis Edinburgensia a
 p. 79. Whartono in Anglia Sacra P. I vulgata omittit; de Chronicis vero
 Mailrosensibus observat, multum ea, quæ manuscripta passim extant
 p. 80. in Scotia, differre ab Oxonii impressis, quippe in quibus ne qui-
 dem mentio fiat homagii Henrico Angliæ Regi a Malcolmo Re-
 ge Scotiæ præstiti; hinc & in Appendice num. III Johannis Jame-
 lonii refert ad exemplar impressum annotata quædam lectu digna.
 p. 82. Inde de Johanne Campobello, & multo fusius de Johanne de For-
 p. 92. dun agit, cui debetur, quod vulgo vocant, *Scoto-Chronicon*. Ejus
 cum varia passim in Scotia exemplaria manuscripta extant, quæ
 sæpe a loco, in quo asservabantur, denominationem nacta sunt,
 factum inde esse Noster notat, ut quæ unum opus constituunt,
 pro pluribus fuerint venditata. Eadem enim contineri probat in
Libro nigro Sconensi, tum *Libro nigro Pasletensi*, *Libro Carthusia-*
 p. 93. *norum de Perth*, & similibus. Hunc auctorem libris tribus prio-
 p. 96. ribus exacte sequitur Wilhelmus Elphinston, teste Stillingfleet.
 p. 98. De Gaweno Dowglas, quem Baleus & ex eo Vossius de rebus
 Scotiis scripsisse, dubium qua fide, referunt, nihil statuit Nicolso-
 p. 99. nius; ea tamen occasione miris modis commendat ejusdem *Ænei-*
da Virgilii Scotico carmine translata, tanta elegantia, ut cum La-
 tino exemplari certare possint; quod hoc magis mirum, quoniam
 versionem intra octodecim mensium spatium absolvit, & ita se
 accommodavit Maroni, ut verbum verbo, linea lineæ responderet.
 p. 101. seqq. Johannem Majorem ventatis quam eloquentiæ, Hectorem vero
 p. 108. seqq.

Boethium eloquentiæ quam veritatis utique studiosiorem, atque illum quidem A. 1521, hunc A. 1526, utrumque Parisiis primo a Badio Ascensio vulgatum fuisse censet. De Johanne Leslæo, qui septem libris prioribus nihil fere aliud egit, quam ut Boethium redigeret in compendium, juvat Buchanani, quam e notis ejus manuscriptis Noster attulit, censuram transcribere: *Leslaus Boethii Epitomator a nonnullis censetur; eum enim, quod potuit, imitatus est. Uterque laudem suam meretur, sed neuter prestitit, quod facile posuit, si paulo plus judicii adhibuisset in describendis regionibus, ipsarumque nominibus assignandis, & in rebus enarrandis ab anilibus fabulis abstinuisset, & a maledicentia in purioris religionis vindices.* At de ipso Buchanano, cujus Historia primum Edinburgi A. 1582 f. prodiit, variorum judicia hic cumulantur, e quibus aridet imprimis, quod e Roberti Gordoni Epistola quadam manuscripta adfertur, dignum utique, quod pariter cum Lecto^ribus nostris integrum communicemus: *Georg. Buchananus Vir in omni humaniore literatura probe exercitus, Poetarum sui sæculi multorumque præcedentium omnium consensu princeps: ille tamen ea aggressus est, qua fama ejus intererat non attingisse, & intra Poeseos limites se continuisse. Tribus primis Historiæ suæ libris Conviciatorem agit, non Historicum; & præter jejunam Regni nostri descriptionem (quam tamen desultoria levitate prætervehitur) doctis viris nihil præstare videtur, in re antiquaria non satis instructus. Sed non hac impune tulit, a Camdeno (omnium Britannia Antiquariorum longe primo) male habitus. Procedente Historia (ut innumera sphalmata taceam) contra Kennethum Regem intonat horrendum &c. Ubi ad sua tempora ventum, Deus bone! jam confusa rerum facie, & turbis fluctuante Regno, quam aperte in paries transit? Jam non Historicus, sed Causidicus, deserti veritates rerum, parum apud ipsum sinceri. Et hæc omnia, ut unum hominem Mæcenatem suum stabiliret; quem tamen, antequam, vita exiret, cruenta morte sublatum vidit. Sed non ideo refrinxit inde partium studium; ut testatur egregius ille dialogus aut cento, de Jure Regni, quem extrema ætate procudit: ubi illa irascit, qua perfectum Theologum & peritissimum Juriconsultum, postulanti, homo ad hæc impar, e scholis & ludimagistrorum seculis,*

p. 110.

p. 112.

p. 113.

p. 118.

- rulis, in hac ardua rerum eveetus. Vapulat tamen a duobus popularibus suis, viris eruditissimis & omnis juris peritisimis, Blacwodo & Barclajo, quorum doctissimi libri de ea re exstant. Jure sane cum eo ita actum esse, fatentur omnes, qui sine affectu illa legunt. Qui enim Centonem de Jure Regni & Historiam ejus exatle consideraverit, inveniet tractatu de Jure Regni thesin propositam; Historiam autem sic detortam, ut thesi firmitermentum habeatur. Non hac refero, ut Clarissimi Viri Manibus insulsem (quis enim, aut quantulus ego?) hoc enim piacularare; sed veritati obniti, aut eam celare, in rebus tantis impium. Reliquos, Dav. Chambré Buchanano coævum, Franciscum Thynne, Jacobum Howel, cujus *Bella Scot-Anglica* prodierunt Lond. 1648, Andream du Chesne, Eduardum Ayicu, Johannem Monnipenny, Davidem Hume & quosdam Anonymos prætermittimus. In
- P. 123. seqq. Cap. III primum item eam exponit, quæ Floido Episcopo Asaphensi, qui Regiæ Scotorum familiæ decerpere nonnihil conatus fuerat, cum Sibbaldo & Mackenleo intercessit, cui accessere etiam ab altera parte Stillingfletus, ab altera Thomas Price. Inter Genealogicos porro scriptores memorat Wilhelmum Slatyer, qui inde ab Adamo, & Georgium Owenum Harry, qui a Noacho stirpem Regiam deduxit; sed utrumque superavit Thomas Lyte, qui certiora habet in opere Anglico eleganti, quo Scotticam Regum familiam a Carolo M. derivavit, egregie ob studium exquisitum a Jacobo VI ejusque filio Carolo remuneratus. Tum illi in hoc capite recensentur, qui de Regibus Scotiæ eorumque gestis sigillatim aliquid commentati sunt, e quibus recentiores aliquos producere nobis suffecerit. Equidem plerique Historici cum Buchanano Elisabetham concubinam Roberti II, eoque Johannem nothum fuisse, antehac tradidere; quod si ita se haberet, non essent sine labe Johannis seu Roberti III posterius, & qui cum his sanguine junguntur, complures Principes alii. Eam nostro demum tempore absterfit Vir nobilissimus Tarbat, edito A. 1695 Edinburgi libro: *Vindication of Robert the Third from the Imputation of Bastardy* &c. quo anno Parisiis quoque diploma authenticum, quod ad firmandam Tarbati sententiam facit, e Collegio Scotorum prodit.
- P. 134. Ad Roberti II, qui primus Stuartus vocatus est, historiam pariter

refert Noster librum *Memoirs of the Family of the Stuarts*, Londini A. 1683 vulgatum, cujus recensum biennio post in Actis his pag. 22 dedimus, ejusque auctorem, nobis illo tempore ignoratum, nominat R. Watson, Edinburgi ante Ministerio motum, eoque affectui passim indulgentem. Ubi porro ad Jacobum I ventum est, imprimis laudat, quæ de illo & quatuor ejusdem successoribus, in libro *History of Scotland from 1423 to 1542*, Londini 1655, f. iterumque 1681, 8 vulgato commentatus est Wilhelmus Drummond. Magnus inde eorum numerus producit, qui vitam & gesta Mariæ descripserunt, quos eo lubentius prætermittimus, quod plerique vel gratiæ, vel odio aliquid dederunt. In historia denique Jacobi VI, præter alios, Melvillii imprimis Commentarios, nobis etiam A. 1694 p. 449 memoratos, commendat. In Cap. IV post eos, qui de Jure Ecclesiæ Scoticæ scripserunt, scriptores Historiæ Ecclesiasticæ percenset, e quibus uti Joannem Knoxum non uno nomine notari a scriptoribus ostendit, ita Joanni Spotswoodo veritatis laudem omnino tribuit, de quo juvat iterum audire Gordonum in epistola citata: *Fertus hic est acris, vividus & sublimis ingenii, ubi candor & veritatis studium elucet; narratio simplex, nuda, procul omni affectu. Felix iste Præsul, non ex Scholasticorum subfelliis, sed in luce rerum & culmine negotiorum, tantis rebus dicendis par. Non tamen ad hac se accinxit, nisi consulto Rege, Jacobo, qui ad hac eum impulerat, præfatus non se posse bonæ fide hanc Historiam condere, nisi multorum offensa, qui ipsi aut quorum majores laboraturi sint. Jussit Rex audacter pergeret & ubique veritati litaret. Quod ab illo non segniter præstitum: modestia tamen & mansuetudo animi toto opere lucet.* Knoxo & ejus generis aliis favere videtur D. Calderwood, cujus Historiæ Ecclesiasticæ, quæ aliquot voluminibus exstat manuscripta, compendium prodit Edinburgi A. 1678, f. Præter hos, reformationis imprimis Scoticæ historiam Alexander Petrie, Spotswoodo parum favens, sub titulo *A Compendious History of the Catholik Church from 600 to 1600* Hagæ A. 1663, f. publicavit, & Wilhelmo III, tum temporis Principi Arausionensi, inscripsit, præfixis singulari omine Angliæ insignibus. Omittimus e Pontificiis Thompsonum, Conæum, Dempsterum, Dav. Camerarium, Watsonum, alios. Sigillatim deinde

p. 155.

p. 159-174.

p. 175.

p. 188.

p. 194.

p. 198.

p. 203.

p. 207.

p. 210.

- Cap. V, quæ Episcopatum, Monasteriorum & Universitatum jura concernunt, pleraque manuscripta, recensentur, quæ ex ipso Auctore discere præstat. Neque minus in manuscriptis maximam partem delitefcunt, quæ Cap. VI de Biographis afferuntur; ubi inter alia memoratur, Sibbaldum *Catalogum Alphabeticum Scotorum, qui de variis scientiis & artibus scripserunt post A. 1500*, tum *Catalogum Historicorum, Geographicorum & Politicorum, qui de rebus Scotia scripserunt*, cui accesserit *Poetarum Scotorum, qui Latine scripserunt, Catalogus*, nec non *Tractatum de Scotia, qui scriptis suis rem Medicam vel promoverint vel illustraverint*, magna industria consignasse, & Nicolsonio liberaliter communicasse, quorum operum postremum in gratiam imprimis cujusdam Galli Cattier, qui Vitas Medicorum edere molitur, collegerit. Caterum parari nunc splendidissimam omnium Buchananii operum editionem, sub finem hujus capitis Auctor nunciat. In Cap. VII, ubi de monumentis publicis, iisque rebus, quæ ad forum pertinent, agit, non modo Eduardum I, quicquid diplomatum & monumentorum inveniri in Scotia poterat, in Angliam asportasse observat, ut fomitem rebellionis ea ratione subditis eriperet; verum & Monachos, tempore reformationis manipulatim Romam profectos, multa monumenta secum abstulisse, & demum Cromwellum reliquias fere omnes in Angliam detulisse, quæcum in Scotiam remittendæ essent, naufragio perierint. Inde omnem fori rationem exponit, & quid sint *Scotis Charters, Signatures, Seals, Courts of Chancery, Courts Ecclesiastical, Coroners, Court-Baron, Regality, Deeds of Sale, Mac-Alpine* atque ejus generis alia, tradit. Tum antiquissimum Corpus Juris Scotici, quod Londini A. 1613 Latine editum, ab initialibus vocabulis *Regiam Majestatem* vulgo vocant, considerat, ejusque auctoritatem contra Cragium defendit, & cætera quoque, quæ in illa editione adjuncta sunt, ut, *Quoniam Attachiamenta: L. L. Burgorum: Statuta Gilda &c.* pro merito expendit. Porro de Actis Parliamenti Scotici loquitur, & fusius paulo post de libris ad praxin forensensem spectantibus. (*Præctiques*) agit, ubi circa criminalia Mackenzei librum, *Laws and Customs of Scotland in Matters Criminal*, Edinb. 1678, 4, & 1699, f. editum allegat, tum cognoscendis vocabulis Juridicis Joannis Skene opus *de Verborum significatione* multum interservire tradit, & Tho-

mæ

ma Cragii *Jus Feudale* laudat, quo libro probare autor voluit, leges Scotiæ legibus Angliæ nequaquam repugnare, eoque utriusque Regni unionem esse perfacilem. Ejusdem *de Hominio* libram elegantem, quo Scotos nunquam Anglis homagium præstitisse asseruit, hæcenus in bibliothecis latentem, Redpathus demum, jussu Rymeri in Anglicam linguam nostro tempore transtulit, & sub titulo *Scotlands Souverainty asserted*, Londini A. 1695, 8 vulgavit. Denique & alii eodem capite recensentur, qui de unione Angliæ atque Scotiæ aliquid tradiderunt. Postremo Capite VIII de moneta Scotiæ agit Auctor, ac ante omnia observat, antiquissimis temporibus & milites propriis impensis militiam in Scotia secutos, & ignotam plane Scotis pecuniam fuisse, quippe ejus loco frumento usis aut bovina carne. Postquam inde, quo tempore primum cudi in Scotia moneta cœperit, disputasset, duo hæc diligenter notari cupit, primo, proportionem inter aurum & argentum fuisse in Scotia ut unum ad duodecim; deinde, Scotos valorem auri & argenti ad diversa trutinæ genera exigere consuevisse. Hinc aureos primum nummos considerat, in quibus pauca memoratu digna occurrunt: Uti enim in plerisque aliis insignia Scotiæ cum epigraphe *Salvum fac populum tuum Domine*, ita in Jacobi V nummis *Honor Regis judicium diligit*, in Mariæ vero *Diligite justitiam*, item *Justus fide vivit*, vel *Crucis arma sequamur*, aut *Ecce ancilla Domini*, & similes inscriptiones deprehenduntur. Singulare tamen videtur Jacobi VI numisma aureum, in quo Rex repræsentatur coronatus, altera manu gladium, altera olivam protendens, additis verbis *In utrumque paratus 1575*, in altera facie scutum Scotiæ coronatum exstat, cum inscriptione *Parcere subjectis & debellare superbos*. Aliud ejusdem effigiem laureatam repræsentat, adscriptumque nomen, & ex adversa parte carduum sex capitum, quorum superius coronatum; appositæ sunt ex utroque latere literæ I & R, & subscripta inferius figura 6, cum lemmate: *Nemo me impune lacesset 1590*. Rursus aliud Regem sistit insolito pileo tectum, cardiuoque obseptum, & in averfa leonem coronatum, sceptrum versus nubes attollentem, in quibus Hebraicis literis scriptum nomen *Jehovab*, circumscriptis verbis *Te solum vereor 1591*. Nec argenteis immorabimur, e quibus unicum producere satis erit ejusdem

p. 276

p. 277

p. 283

p. 288

p. 292

p. 293

p. 300

p. 303

p. 304

p. 325

dem Jacobi nummum. Exhibet in altera facie scutum Scotiæ coronatum, idque literis I & R coronatis veluti subnixum, appositom nomine; in altera nudum ensen cuspide coronatum, & additam manum, extenso digito monstrantem numerum XXX, quo valor triginta solidorum designatur; additur quoque annus 1567, & circumposita, Buchanani, ut creditur, instinctu verba: *Pro me. Si meror, in me.* Accessit ultimo loco appendix, in qua pauca quædam e manuscriptis excerpta, quorum in ipso opere passim facta fuerat mentio, continentur.

RITUALE ECCLESIASTICUM. PARS POSTERIOR.

Auctore CASPARE CALVOERIO.

Jenæ, sumptibus J. C. Kœnigii, Bibl. Gosl. 1705. 4.

Constat Alph. 4, pl. 2 cum fig.

Quem in *priori* Ritualis hujus Ecclesiastici *parte*, mense *Julio* superioris anni p. 303 seqq. in his *Actis* a nobis recensita, tractandi modum & ordinem servavit Reverendus Calværius: eum etiam in *parte* ejusdem *posteriori* est secutus. Ac uti in illa ritus Ecclesiarum Evangelicarum Ecclesiasticos, qui primum in vitæ ingressu, dein in vitæ progressu, & demum in vitæ egressu, servari solent, suo ubivis ordine pertractavit: ita in hac Sectione I *Loca sacra*, templa nimirum, & quæ in iis occurrunt, altaria, baptisteria, campanas, suggestum, chorum &c. Sectione II *Tempora sacra*, & in iis diem Dominicum, festa solemniora, dies Apostolorum, hebdomadaria sacra, &c. Sectione III *Personas sacras*, ut sunt Episcopi & Superintendentes, Pastores & Diaconi, Ecclesiæ Provifores atque Custodes &c. Sectione IV *Ritus sacros*, qui corpore peraguntur, v. g. adorationem ad Orientem, capitis inclinationem, preces sub pileo, manuum elevationem & complicationem &c. ac demum Sectione V rationem *cantuum Ecclesiasticorum* perlustrat. Ubique vero cujusvis ritus originem, usum & abusum, uno vel altero figura quadam ænea subinde simul illustrato, evoluit.

Quo absoluto *Epilogum scutarum*, quem jam parte prima Ritualis hujus promiserat, subjungit, quo *necessitatem & utilita-*

tem

tem rituum Ecclesiasticorum, adversus eos, qui secus sentiunt, longa & gravi oratione vindicat.

Cui celeberrimi *Guilielmi Cavei*, Ishworthæ, prope Londinum, d. XI. Cal. Jun. A. M. DCCI ad se datam *Epistolam* annectit, in qua, quæ sua sit de *Presbyteri Pœnitentarii* in Ecclesia institutione, ejusque per Nectarium abrogatione sententia, Caveus, ea de re rogatus, ad Calvoerium perscribit; cujus summam hic quoque exhiberi, e re fuerit. Hunc locum, utut illico statim, si quem alium, in Historia Ecclesiastica perplexum valde, ac Pontificiorum artibus & consiliis vexatissimum esse, non diffiteatur: tamen non videre se ait primo loco Caveus, cur suspectam esse jubeat narrationem, quam de muneris Pœnitentarii abrogatione Socrates tradunt atque Sozomenus: quod Scriptores sint gravissimi & ἀξιόπιστοι, rei que gestæ ferme ætate pares; & præterea Socrates testetur, se ex ipsius Eudæmonis Presbyteri, qui id consilii Nectario dederat, ore rem totam hausisse. Addi posse, hanc historiam nihil falsi, nihilque absurdi in se continere, quò in suspensionem venire debeat. Atque hinc secundo loco liquere commonet, munus Pœnitentarii diu ante Leonis M. tempora in Ecclesia viguisse. Nectarium enim A. 381 factum esse Episcopum C. P. & nondum finito sæculo vitam clausisse. Nec de hoc munere, tanquam recens instituto, Historicos Ecclesiasticos loqui; sed potius, ni male meminerit, morem hunc ἐως πρὸλλῆ ab Ecclesia servatum fuisse, Socratem diserte referre. Tercio tamen neutiquam sibi verisimile videri dicit, quod Pœnitentarii munus ubique, & in omnibus Ecclesiis, sed in quibusdam tantum, iisque majoribus sedibus, Græcis præsertim & Orientalibus, obtinuerit. Quod enim de Ecclesiis Occidentalibus, & præcipue Romana habet Sozomenus, ad hanc rem minime pertinere. Et hinc forsàn non incommode peti posse rationem, cur in Scriptoribus Conciliisque vetustioribus, nulla hujus muneris mentio fiat: quia videlicet non erat lex Ecclesiæ communis, sed tantum particularium quarundam Ecclesiarum singularis mos, & singulare institutum. Publico Ecclesiæ jure, solis Episcopis pœnitentes absolvere, pacemque dare, fuisse licitum. Nihilominus quibusdam in locis & casibus, non Presbyteris modo, sed & Diaconis licuisse confessiones accipere, & pœnitentibus manum reconciliatricem imponere.

nere, ex Cypriano aliisque luce clarius constare. At quo tempore primum nata sit Presbyteri Pœnitentiarî institutio, non adeo constare, quarto loco non dissimulat. Procul dubio eam gradatim obtinuisse, vimque diversis temporibus natam. Fortasse ortam esse sub persecutione Deciana, at languide progressam; donec tempore Diocletiani, Episcopi pene ubique dispersis, & vel in exilium actis, vel carceri mancipatis, vel martyrio coronatis, maxime necessarium fuerit, ut istiusmodi munus Presbyteris quibusdam concederetur. Id quod temporis tractu nonnullis in locis continuatum, tandem in statam & solennem institutionem praxinque evaserit. Posthæc abrogato demum iterum per Nectarium Presbyteri Pœnitentiarî munere, non tamen mox etiam sublatam esse censet privatam peccatorum confessionem Sacerdoti factam; sed integrum pœnitentibus relictum, Sacerdotes stimulante conscientia consulere, & ab iis sublevamen impetrare: maxime, cum nulla expressa Christi lege vel institutione ad confessionem privatam fuerint adacti. Atque inde miris, addit, strophis se torquere Scriptores Pontificios, Baronium, Bellarminum, Petavium, Valesium, Thomasinum, aliosque, ut confessionem suam auricularem sartam testam tueantur, & cum hoc Nectarii facto concilient. At laterem eos lavare, & Æthiopem dealbare satagere. Certum enim esse, abrogato Pœnitentiarî munere, Nectarium unicuique permisisse, τῷ ἰδίῳ σωτηρίῳ τῶν μυστηρίων μετέχειν, ut pro arbitrio, animique sui conscientia, ad sacramentorum communionem accederent. Nec aliter hodie facere necessum esse, nisi necessitas urgeat & peccatorum stimulus gravissimus, ut pœnitentes conscientiam suam exonerent, & a Sacerdote, pro potestate ei facta, absolutionem nanciscantur. Et hunc quidem modum in Ecclesia Anglicana hucusque servari, ubi in formula Eucharistica moneantur accessuri, ut post examen factum, si quis aliter conscientiam suam tranquillare nequeat, prius Pastorem suum, alimve prudentem doctumque verbi Dei Ministrum conveniat, eique gravamina animique sui ægritudines aperiat: qui imperata absolutione, adhibitoque spiritali consilio, remoto omni scrupulo dubioque, conscientiam suam sanam & quietam reddere possit.

Addit tandem Calvernius *Canonem Chronicum* præcipuorum
in

in hoc opere memoratorum Scriptorum, Conciliorum ac Imperatorum, ad calculos, qui Caveano de primis Christianis operi adjecti sunt, plurimam partem redactum; ut & *Indicem rerum*, quæ in hac parte altera Ritualis Ecclesiastici occurrunt.

*BURCARDI GOTTHELFFI STRUVII SELECTA
Bibliotheca Historica, secundum Monarchias, Regna, Secula &
Materias distincta: accessit index auctorum &*

rerum.

Jenæ apud Ern. Claud. Bailliar, 1704 8. constat 2 $\frac{1}{2}$ Alph.

Recensuimus in Actis superioris anni Auctoris Clarissimi Introductionem in rem literariam atque Bibliothecam Juris, quibus, uti promiserat, nunc addit Bibliothecam Historicam. Unum supra triginta capita continet, in quibus talem ordinem servat, ut ab universalis Historia progressum faciat ad particularem: ab hac ad Historiæ adminicula. Caput primum quidem recenset Scriptores Bibliothecæ Historicæ, & de methodo legendi cognoscendique historias. Secundum & tertium fontes Historiarum, scriptores antiquos & recentiores Monarchiæ Assyriorum, Persarum, Græcorum & Regnorum Asiaticorum continet. Quartum Scriptores Historiæ Romanæ in statu libero; quintum Scriptores Historiæ Augustæ ordinat. Sextum de Scriptoribus Historiæ Byzantinæ agit. Septimum Scriptores Historiæ Imperatorum Germanicorum comprehendit. Octavum Scriptores Historiæ universalis. Nonum Scriptores Historiæ Gothorum, Longobardorum, aliarumque gentium barbararum persequitur. Decimum Scriptores Rerum Hebraicarum. Undecimum Scriptores rerum Orientalium. Duodecimum caput Scriptores rerum Africanarum & Americanarum explicat. A generalibus hisce, antiquis & orientalibus, progreditur ad Scriptores Historiæ particularis, quos secundum regna distinxit, ita ut capite decimo tertio agat de Scriptoribus Rerum Portugallicarum atque Hispanicarum, decimo quarto de Scriptoribus Regni Gallicani & Navarreni, decimo quinto de Scriptoribus Rerum Belgicarum, decimo sexto de Scriptoribus Rerum Britannicarum. Prolixius deducuntur Scriptores Historiæ Germanicæ, quibus diutius inhæret Auctor. Caput decimum septimum quidem

Y

dem

dem Historiæ Germanicæ generalis Scriptores examinat, ubi simul de his qui de Historia Archiepiscopatum, Episcopatum, Abbatiarum, Monasteriorum scripserunt, agit. Decimum octavum Scriptores Rerum Austriacarum cum adnexis provinciis: decimum nonum Scriptores Rerum Ungaricarum, Bohemicarum & Silesiacarum comprehendit. Caput vigesimum Scriptores Rerum Borussiae & Brandenburgicarum cum provinciis annexis; vigesimum primum Scriptores Historiæ Bavaricæ & Palatinæ; vigesimum secundum Scriptores Historiæ Saxonicæ; vigesimum tertium Scriptores Historiæ Brunsvicensis & Lüneburgensis; vigesimum quartum Scriptores Historiæ Principum Germaniæ; vigesimum quintum Scriptores Historiæ Comitum, Civitatum Imperialium, Circulorum & Provinciarum Imperii Romano-Germanici proponit. A Germanica Historia per Helvetios, quorum Scriptores capite vigesimo sexto exponit, transit capite vigesimo septimo ad Scriptores Historiæ Italicæ, atque ab his pergit ad eos, qui historiam regnorum Septentrionalium Daniæ, Sueciæ, Norwegiæ, Poloniæ, Moscoviæ atque Lithuanicæ explicarunt, quos tribus capitibus absolvit. Ultimo demum capite exponit Scriptores, qui Introductionem in Historiam Regnorum dederunt, Geographicos, Chronologicos, Heraldicos, illos, qui de Ordinibus equestribus egerunt, vel Calendaria atque Dictionaria Historica publicarunt. In singulis capitibus, maxime vero in Monarchiarum descriptione, antiquiores a recentioribus distinxit, Universalis vero Historiæ Scriptores secundum secula, quibus vixerunt, proposuit. In Particularis Historiæ Scriptoribus ordinem servavit proposuit materiæ convenientem, ut præmitteret semper illos, qui ad chorographiam, statum regni ejusdemque provinciarum naturalem, mores & naturam incolarum faciunt. Hos insequuntur qui originem gentis, historiam regni vel universalem vel particularem, regum successionem, bella, particulares etiam eventus descripserunt. Tertia pars politica est, in qua Scriptores de forma & statu regiminis, ministris præceptis, interesse publico, Statu ecclesiastico, re nummaria, insignibus, aliisque politicam doctrinam concernentibus, agentes exponuntur. De potioribus Scriptoribus, brevi addito indicio censet, quid in quovis commendandum, quid

vitio vertendum, declarans: reliquorum vero mediocrius notæ
Scriptorum nomina, atque librorum titulos solum adduxisse con-
tentus.

CHRISTFR. WÆCHTLER, D. DE CANCELLARIIS VE-
terum Commentatio.

Dresdæ, apud Jo. Mich. Funck 1705. in 4. plag. 5.

GRatulaturus Perillustri atque Excellentissimo Domino Gvolff,
Siegfrido a Kötteriz de moderno Vice-Cancellariatu per Sa-
xoniam Electoralem, commune propemodum assertum virorum
etiam eruditorum, non fuisse adeo magnæ dignitatis Cancellariorum
officium sub præfatis Imperatoribus, discutiendum sibi fumsit celeberrimus
Autor. Discernendam scilicet dicit primam vocis significatio-
nem ab ea, quæ postmodum fuerit imposita, & a priori illa to-
to genere recedit. Corticem retinuisse illud nomen, reliquis
omnibus absorptis. Incaute vero non paucos scriptores ipsum
munus Cancellarii hodiernum tribuere vocabulo adhuc rudi,
neque jam tum elaborato. Inprimis fecisse hoc Petrum Pithæum,
& verbis Flavii Vopisci in Vita Carini non parum abusum, neque
quicquam huc pertinere vel locum Sidonii Apollinaris, (cujus
etiam lectio tentatur) vel plura alia loca Cassiodori, quæ singula ex-
cutiuntur. Tum vero Edictum Turcii Aproniani, Præfecti Urbis,
neque ad Carini mentem, neque ad Cassiodori spectare, & peni-
tus turbari ordinem temporum. Exhibere istud Gruterum, &
Jacobum Gothofredum ad C. Theodosianum, de Suariis &c. cu-
jus partem liceat adjiciamus: *Ratio. docuit. utilitate. suadente. con-*
suetudine. micandi. summo. sub. exagio. potius. pecora. vendere,
quam. digitis. concludentibus. tradere. . . ut. quantum. caro. oc-
cisi. pecoris. appendat. & emptor. noris. & venditor. commodis.
omnibus. & prada. damnata. quam. tribunus. officium. CAN-
CELLARIUS. & Scriba. de. pecuariis. capere. consueverant. qua.
forma. interdicti. & dispositionis. sub. gladii. periculo. perpetuo.
custodienda. mandatur. Quæ non ex verbis Agathæ modo,
sed & libris Basilicæ atque Novellis, ita illustrantur, ut ad tem-
pora recentiora fiat simul descensus, maxime etiam ad perio-
dum Caroli M. cum aliqua tamen censura Gul. Budæi, quasi

per illum titulus hic tantam, quam habet, acceperit amplitudinem. Qua in re rectius senserit Spelmannus: a quo tamen rursus recedit alicubi Noster. Sensum utique crevisse eam auctoritatem, atque clericis adhaesisse primum, qui quum Quæstores sacri Palatii vocari nollent, temperamentum in vocabulo humili quæserint. Hieronymum autem Cancellarii munere apud Damasum fuisse functum, minus bene dici seculo quarto, facta collatione cum stylo seculi tertii exeuntis, apud Fl. Vopiscum. Damasum enim ad ipsum Hieronymum scribere: *epistolas tuas tota aviditate legi atque descripsi*. In iis autem de Scripturis interrogare Damasum, respondere Hieronymum; forte tunc non amplius juvenem, quod Erasmo placuerit. Venisse enim illum Romam anno CCCLXXII, regressum tertio statim anno, defuncto scilicet Damaso, in Syriam; & Romam amplius non vidisse. Si igitur ponamus, Hieronymum fuisse natum anno CCCXXIX, utique habuisse virilem ætatem; nisi quod in inveniendò ipsius natali mire varientur Scriptores, Prosper, Spondanus, Antonius Pagi, Henricus Hammondus cum Blondello, a quibus omnibus seorsim sentiat Jo. Cinellius. Digniorem autem cura sua judicavit Autor lapidem repertum in Catalonia:

HIC NATUS DAMASUS PONTIFEX ROMANUS
DISCIPULUS ET MONACHUS S. HIERONYMI
PRESBYTERI, QUI OBIIT ERA. CAESARIS CCCCV.

Sensum illius ita explicari ab aliis: auctorem fuisse Hieronymum certi ordinis Monachorum, & illam regulam amplexum, etiam Damasum in supremo apice dignitatis Pontificiæ. Quæ cum explodantur, Nostro potius videtur suggillari familiaritas, quæ Damaso cum Hieronymo per triennium non integrum intercesserit. Omnes quidem Epistolas, quæ utrique tribuuntur, non esse genuinas, nec tamen etiam omnes spurias. Postquam igitur tot seculorum lapsu novum omnino vocabulum videretur proculsum, certasse Politicos cum Episcopis in ambiendo titulo Cancellarii. Ubi transitus fit ad tempora Damasi II Pontificis, & Regum Francorum, tandemque inquiruntur incunabula primæ & hereditariæ foundationis trium Archi-Cancellariatuum Imperii, secundum Capitularia & diplomata, quæ abunde producuntur. Neque potuit

tuit censuram hic evitare Lehmanni Chronicon, ac suo modo Onuphrius Panvinus, Limnaeus. Sequuntur Diplomata recentiora, & innuit, rem totam actam fuisse per consensum Ecclesiarum Germanicarum cum Romana. Cui eximiam Bodinus dicam scripserit in laudem gentis suæ: *se XXX regni Gallie Cancellarios ex antiquitatibus commemorare posse, qui in Cardinalium catum aut in collegium Pontificum fuerint cooptati sed posterioris ætatis prudentiam prævidisse, quam periculosum illud esset Reipublice, idoque ad civilem ordinem summam dignitatem regni sui deduxisse*: Fluctuante hic judicio Mallincroti. Ab isto charactere Cancellariorum civilium deflectit Autor ad Cancellarios Academicorum, ac de Academia Pragensi in medium profert privilegium Innocentii Pontificis integrum ex codice MS. in quo continetur præter alia, etiam copia privilegii Studii Bononiensis, a Theodosio indulti sub anno CCCCXXIII. Eaque occasione regreditur ad alloquium Per-Illustris atque Excellentissimi Domini Vice-Cancellarii Nostri moderni: cujus non tam anni, & non tam honores, quibus in aula Saxo-Numburgensi jamdiu cumulatus, quam ipsa divinitas genii ex uno Consilio sanctiore in aliud, æque aut magis adhuc sanctum, visa hætenus fuerit festinare. In additionibus autem occurrunt observationes una plures; qualis illa de Marcellino Comite, quæ ex verbis incertis Cassiodori, perperam opinati quidam sint, fuisse Cancellarium Justiniani adhuc patricii, Aubertus puta Miræus, Nicolaus Alemannus, Guil. Caveus. Simili lapsu Macenatem vocari Cancellarium Augusti, & vestigia ejus rei Pancirollum quævisse in Horatio. Porro notatur Carolus du Fresne, & Jo. Jac. Hoffmannus, quod neque Cassiodori ætatis, nec alias temporum rationem habuerint. Itidem peccasse hic Renatum Choppinum & Andream Schottum, atque iterum Hoffmannum, & Maillonium. Ac post hos denuo Du Fresnium, circa locum Mauricii: cui alium surrogat Noster, & neutrum de cappa S. Martini accipiendum existimat. Quumque toties laudatus hic fuerit Cassiodorus, eo etiam nomine commendatur Nostro, quod & sacrorum librorum curam non minus habuerit. Ac de Epistola quidem ad Romanos non esse dubium: Homilias autem Chrysostomi ad Hebræos fecisse in Latinum transferri per Mutianum. Si-

militer Clementem Alexandrinum in Petri I, Johannis I & II & Jacobi, itidem per alios. Præterea non ipsum, sed amicos ejus Homilias Chrysostomi in Actus Apostolorum transtulisse, fatente Cassiodoro Divinarum Institutionum capite nono: nisi quod Triconio Donatistæ in Apocalypsin tantum in bonis dictis *χριστιανῶν*, in malis *ἀχρεῶν* ipse affixerit, quantum transiens repperit. Breves vero illas explanationes, quarum fiat mentio in præfatione de Orthographia, aut non extare censet, aut non esse Clementis Alexandrini, sed ipsius Cassiodori. Et hæc quidem hætenus inter præsentis Autoris curas forenses.

EMMENOLOGIA: IN QUA FLUXUS MULIEBRIS Menstrui Phenomena, Periodi, Vitia, cum Medendi Metodo, ad Rationes Mechanicas exiguntur. Auctore JOHANNE FREIND, M. B. Ed. Christi Alumno,

Oxonix, e Theatro Sheldoniano, A. 1703, in 4to.

Constat Alphab. i pl. 4.

QUæ Naturæ vestigia fideliter legunt Physici pariter ac Medici, abdita ejus eruunt felicius: neque enim ulla ratione vel modo corporis humani affectiones innotescunt planius, ac si leges eas, quas suis motibus præscripsit Natura, sedulo consulamus. Hanc ipsam in explicandis Naturæ arcanis viam singulari cum industria ac laude sequitur Clarissimus præsentis Emmenologiæ Auctor Jo. Freind. Non nescius enim, quam infeliciter cesserit hætenus plerisque, qui de Mensibus ad nauseam usque scripserunt, dum ingenio suo abrepti, suorum potius somniorum, quam naturæ fuerint interpretes: operam suam haud male collocasse ratus est, si Mensium naturam paulo accuratius explicare aggrediretur, deducta ab elementis mechanicis eorum theoria. Capita, quibus absolvitur tractatus elegantissimus, in universum sunt XIV. I. de purgationis Menstruæ natura, II. de variis circa hanc materiam opinionibus, III. de plethoræ causis, & quare fiat in feminis, IV. de structura uteri & vaginæ, V. de modo, quo Menses movent plethora, VI. de Argumentis contra plethoram, VII. de pe-
rio-

riodis, VIII. de phænomenis, IX. de iis, quæ aut citius cient, aut diutius retardant menses, X. de symptomatis, quæ a suppressis mensibus oriuntur, XI. de methodo in suppressis mensibus therapeutica, cui subnectuntur historæ, XII. de symptomatis, quæ a mensium fluxu immodico oriuntur. XIII. de methodo in fluxu mensium immodico therapeutica, cui itidem adjiciuntur historæ. XIV. de remedium viribus & operatione. Notatu digniora ex singulis sunt sequentia:

Plethoram cum Galeno statuit mensium causam, eandem- Cap. III.
que a perspiratione impedita dependere persuasus est Clarissimus Auctor. Minor enim in fœminis materiæ perspirabilis secretio, ob

minorem sanguinis velocitatem, quæ ex pulsu, & capillarum vasorum angustia, quæ ex textura in sexu sequiori delicatula probari potest, observatur. Aortæ truncus descendens multo amplior in fœminis, quam in viris, ut non modo ad musculos excludendo fœtui inservientes, sed ad uterum etiam major sanguinis quantitas deferatur; quæ vasorum capacitas & multitudo facit, ut non alium, nisi per uterum, sibi exitum quærant menses. Cap. IV.

Cum eousque increbuerit sanguinis momentum, ut ei oppugnando vasa minime sufficiant, locum facile cedunt, ut per ipsorum tunicas sanguis erumpat; vasa vero uterina, utpote carne parum suffulta, ad cedendum sunt facillima. Cap. V.

Suum etiam in hoc negotio confert symbolum valvularum in venis uterinis defectus; nihil enim, hoc supposito, obstat, quo minus sanguis omnis, qui in ramis amplioribus continetur, retro versus capillarium angustias corruat, & tenella orificia ita premat, ut impulsu quovis disiliant. Qui negant plethoram esse mensium causam, nihil probant, dum gracilissimas etiam fœminas per uterum purgari opponunt. Cap. VI.

Has ipsas enim sanguine præ obesis exuberare, Galenus jam suo tempore novit, & quotidiana confirmat observatio, in lactantibus gracili corpore præditis, menstrua solenniter fere celebrari. Quod si tales a plethora ipsa suppressionem mensium gigni asserant, fallaciam non causæ ut causæ committunt; neque enim plethoræ tunc, sed sanguinis lentiori potius eadem ascribenda. Cap. VII.

Ratio periodorum, quæ in mensium fluxu observantur, hæc est: quantitas sanguinis mense quolibet evacuati cum sit circiter unciarum

viginti, totius massæ sanguineæ est pars fere decima; hac igitur sanguini accessione facta, sub fine cujusque currentis periodi momentum sanguinis erit decima parte fortius, singuli porro in corpore canales decima parte prementur magis & distenduntur: ita canales pressionem die uno aut altero ante fluxum nona parte ad auctam sustinere possunt, decima vero accedente, locum cedunt, uti lancibus ad æquilibrium perductis, si quid ultra adjicias, præponderat. Menstruis igitur fluentibus, vasa omni eo sanguine, qui plethoram constituit, deplentur, cessantibus vero, ad consuetum corporis pondus redeunt mulieres: unde iterum deficiente perspiratione, necesse est, ut intra idem tempus eadem accumuletur sanguinis redundantia. Quod si detur, vasa sanguinea ab hujusmodi plethora semel distrumpi posse, sequitur omnino, si similis mense quolibet redeat plethora, eundem etiam fluxum reverti debere: deficiente vero in foemina perspiratione, abunde sufficit intervallum menstruum, ut plethora talis increbrescere & accumulari queat.

Cap. VIII.

Quod menses communiter ultra septimum septennium non persistant, a mutatione fibrarum evenire statuitur: in senectute enim hæ ipsæ non modo rigidæ magis & renitentes fiunt, ut a sanguinis momento perfringi nequeant, sed capillarium oscula etiam, ex quibus fluere consueverunt menses, continua tandem cicatrice, quasi callo ita obducta sunt, (quemadmodum in hæmorrhoidibus sæpius incisus contingit,) ut per ea nullus ultra sanguini pateat exitus. Adeo mensibus tandem deficientibus, alia in corpore secretoria assuetudine continua ita se tandem comparabunt, ut plethoram, quæ mense quolibet coacervatur, accipere ac deplere possint.

Cap. X.

Causam suppressionis mensium, vel a vasorum vitio, vel a plethora cum lentore conjuncta, deducit Clarissimus Autor. A vasorum vitio suppressionem venisse, signum diagnosticon habetur, si adsit dolor circa uterum tensivus, venarum tumor, faciei color floridus; quod magis adhuc certum, si fortius insimul increbrescat pulsus. A plethora excedente autem sanguinis qualitas vitari ac lentore gravari potest, partim, quia in tanta sanguinis copia particulæ ejus in angustius spatium coguntur, adeoque facile coalescunt, partim, quod ob intumescentiam fibrarum, motus cordis imminuatur, partim, quod in tali statu, absumptis per reliqua cor-

corporis secretoria tenuioribus & aquosis sanguinis particulis, spissiores remaneant. In curanda mensium suppressione, venesectionio non nisi præmissis purgantibus atque emmenagogis suadetur. In his enim, cum ea sit operandi ratio, ut humores viscidos dissoluant atque attenuent, sanguis jam ante coarctatus laxiusque coherens, copia detracta, facilius dimovetur, & fortius momentum concipit. Igitur triduo ante consuetum tempus secatur vena, ut tum præcipue novus sanguini accrescat impetus, cum augmenti summam attigerit plethora. Quoad locum, ubi vena secanda, cum citra lentorem sanguis exuberans vasorum vitio relictus fuerit, saphæna eligitur, quia a vena cava pariter, ac illa, quæ circa talum est, ducit originem: adeoque cum fluido largius influente major sit vasorum distensio, facilius aperietur sanguini menstruo egressus. Interdum tamen præstat venam in brachio prius, & deinde in malleolis aperire: diminuta quippe per venam in brachio sectam sanguinis copia, augetur velocitas, postea vero, aperta saphæna, sanguis ad interiora se præcipitat, & auget eam, quæ ad vasa uterina continuo increscit, plethoræ unde aucta plethora & velocitate, augetur etiam ad ipsorum latera sanguinis momentum. In Historia prima, quæ capiti XI. annexa, de cathartico- rum inconstanti operatione hæc est Clarissimi Auctoris opinio: in iis, quibus patentiora sunt lacteorum oscula, sive id a natura, sive vitio aliquo provenerit, ita, ut medicamentum omnè in sanguinem facile transmittant, alvus minus movetur: in iis vero, quibus arctius coalescunt, aut obstruuntur lactea, ita, ut pars cathartici maxima in intestinis subsistat, stimulus ad tunicas validior est, & proinde crebrior alvi dejectio. Historia ejusdem capitis V. feminæ mentionem facit, quæ ex mensium suppressione omnium maxime quæsta est de abdomine: in intestinis quippe sensit tormina quasi colica, in ventriculo gravitatem, inflationem & nauseam, &c. Suasit Clarissimus Auctor emplastrum, quod humores resolveret, & doloris vehementiam sopiret:

Rx. Empl. Hyster.

de Galban. à q. f.

Opii, Camphoræ à 3ʒ.

M. F. Emplastr. Hoc emplastro sub noctem adhibito, post aliquot horas vehementer incalescebat mulier, & humorum quan-

Z

dam

dam quasi inter se luctam sibi visa est sentire: postero vero mane prorsus evanuit in abdomine dolor, & dissipata sunt tubercula, cujus rei rationem reddit sequentem: Camphoræ & opii particula tenuitate sua intra vasorum poros se insinuant, ibique lentis humoribus, quorum vitio oriuntur dolores & tubercula, commistæ, eos ita incidunt & exagitant, ut sanguinis globuli non ultra ad oscula arteriolarum hæreant, sed jam in minima divisi vel in venas trahi queant, vel perspiratione foras extrahi. Ita penetrans reperitur opii & camphoræ vis, ut nullum fere sit (si cantharides excipias) remedium, quod externe adhibitum cutim promptius pertranseat & viam sibi in sanguinem aperiat: adeo parum se ostendit ignava illa & frigida qualitas, quam iis plerique solent affingere. Fluxum mensium nimium facile excipere fluorem album, communis est observatio. Ratio ex mente Auctoris hæc est: si uteri tonus vacillet, glandularum, quæ internæ ipsius tunicæ interfuerunt, adeo debilescent oscula, ut lympham suam in uterum copiosius effundant, ea vero continuo foras stillante, orietur morbus ille, qui appellatur fluor albus. In reliqua post abortum placenta portione, a biennio intus retenta, sequentem probatam deprehendit mixturam:

R. Tinctur. Croc.

Laud. liqu. Sydenh. à ʒʒ.

Camphor. in Sp. Vin. ʒʒ. dissol. ʒj.

Cap. XIV. M. D. ad guttas quadraginta sæpius de die; quo remedio ita spiritus refecti sunt, ut post diem unum & alterum, illa placenta portio graveolens & plane putrida exclusa, omnisque dolor, & tandem etiam nimius mensium fluxus sopitus fuerit. De emmenagogis eorundemque operandi ratione & modo ita sentit Clarissimus Auctor: cum partium tenuium sint & maxime penetrantium omnia illa, quæ jure emmenagoga appellantur, molem sanguineam ita incidunt & comminuunt, ut minor sit globulorum inter se contactus, & proinde compages rarior: sanguis vero ad hunc modum attenuatus, non modo spatium amplius intra canales occupat, sed spiritus etiam nervis uberiores sufficit; unde iterum corde vehementius contracto, fortiore impetu per arterias circulatur. His

du.

autem attenuandi viribus menses pellentia instructa esse, confirmare satagit:

1. Per effectus sensibiles ex sapore acri & amaro, odore fragranti, salis vol. indice, pulsus incitatione, colore aucto & diaphoresi, patentes.

2. Per commixtionem emmenagogorum cum sanguine adhuc tepente, ex qua si color floridus & fluiditas tenuior emergat, de attenuandi ac dissolvendi viribus dubitari non posse, persuasus est. Neque tamen ideo tincturas eas, quæ spiritu vini extrahuntur, ex numero emmenagogorum excludit, licet sanguini coagulum inducant: ipse enim spiritus vini eas in se continet particulas, quæ in spiritus animales facile migrare possunt; spiritibus vero in cor uberius influentibus, inducitur illa sanguini rarefcentia, quæ ad ciendos menses satis efficax, cum a vasû præduris nimiumque renitentibus, ortum duxerit suppressio.

3. Per confusionem emmenagogorum cum syrupo violarum, quæ color viridis aut viridi affinis, salis alcalinî index; alcalicorum autem eas esse vires fatentur omnes, quæ coagulum sanguinis resolvant.

4. Per injectiones in yenas jugulares vivi animalis syringa institutas, quibus non minus vis emmenagogorum attenuatrix ad oculum demonstratur.

Adstringentium operationem quod attinet, ea non modo in fibris vellicandis & contrahendis, sed & in humoribus coagulandis incrassandisque sita est. Sanguinis igitur particulis condensatis, & arctius inter se coherentibus, imminuitur velocitas, non modo, quia parcior sit spirituum secretio, sed quia ea est humorum resistentia, ut difficilius a corde protrudi queant. Velocitate vero languente, ita deficit sanguinis momentum, ut canales minus jam distrahat, eorumque viribus contrariis impar evadat. Ita in sanguinis debilitate tonum suum recolligunt & coalescunt vasa. Quæ de adstringentibus theoria, non minus ac ea de emmenagogis, argumentis atque experimentis solidis a Cl. Auctore confirmatur.

Antequam recensionem hanc finiamus, non possumus, quin illam, quam de hydrargyri & chalybis viribus fovet theoriam,

brevibus allegemus. Et hydrargyrum quidem, partium tum gravitate, tum tenuitate, coherentiam sanguinis ita diffingere & segregare statuit, ut humoribus plurimum attenuatis, major fiat spirituum secretio, & vis cordis fortior; quod satis confirmari salivatione persuasus est, in qua pulsus ita frequens & validus observatur, ut ad febrilem pene accedat. Etiam perfecta salivatione, sanguinem tenuem admodum & rarum relinqui, testatur experientia. Itaque restrictis mensibus nunquam felicius succurritur, quam cum alterantibus per vices interposita sunt purgantia Mercurialia. Etiam continuuum Æthiopis mineralis usum, non modotutum, sed & efficacem semper comperit. Chalybem ex iis esse docet Clarissimus Auctor, quæ spiritibus quasi cognata sunt; quod satis ostendere pulsus, chalybeatorum usu vehementer increbrescentem, existimat. Nam non solum gravitatis momento, sed & attenuandi ac rarefaciendi virtute chalybs pollet. Et hinc facile innotescet, quomodo, uti vulgo fertur, & vasa obstructa aperiat, & nimis laxa restringat: quæ quidem in agendo vires plerisque non contrariæ modo, sed & inexplicabiles videntur, cum tamen, vasis obstructione liberatis, eorum latera adstringi sive contrahi necesse sit. Fibre enim, quæ, dum sanguis stagnaret, relaxatæ sunt, nunc remoto omni obstaculo, vim suam naturalem exercent, h. e. elasticitate forti sese tono suo restituunt, & statum contractilem recuperant. Et tonum quidem roborat chalybs non modo, quia vasa obstructione expedit, sed quia spiritus etiam, uti dictum est, uberius sufficit: a quibus pendet omnis fibrarum contractio.

*JOANNIS RAI, SOCIETATIS REGIÆ SOCII,
Historia Plantarum Tomus Tertius, qui est Supplementum duorum præcedentium. Accessit P. GEORGII JOSEPHI CAMELLI Historia Stirpium insula Luzoniæ & reliquarum Philippinarum, item D. JOSEPHI PITTON TOURNEFORT Corollarium Institutionum Rei Herbariæ.*

*Londoni, apud Samuelem Smith & Benjamin Walford, 1704. fol.
Constat Alph. 10. plag. 11.*

Flo.

Florent per Dei gratiam artes hoc tempore omnes ac scientiæ, nec desunt uspiam, qui excolendis iis strenuam operam majore indies cum fructu impendant: nec mentiemur tamen, si dixerimus, Botanicum inprimis studium, admiranda curiosorum hominum cujuscunque gentis ordinisque industria, ad summum hactenus provectum esse fastigium. Cum anno 1686 & 1688 Clarissimi Raii Historia generalis Plantarum (cujus Tomum I in Actis his A. 1687 p. 105, alterum Tomo I Supplementorum p. III, uti editam jam ante Methodum Plantarum Novam A. 1683 p. 184, pro instituti nostri modulo recensuimus) primum prodiiisset, opus illud credebatur numeris omnibus absolutum: & tantillo tamen annorum, qui ex eo tempore lapsi sunt, spatio, tantus plantarum tum nondum cognitarum, in omnibus orbis partibus certatim detectarum, numerus innotuit, ut novum jam magni sui operis tomm, velut priorum supplementum, adornandi publicique faciendi juris necessitatem impositam sibi, diligentissimus Raius censuerit. Enimvero vel in Actis nostris e libris, qui hoc intervallo prodierunt, haud paucos indicatos meminimus, veluti *Horti Malabarici* volumina sex posteriora A. 1688 p. 479, & 1697 p. 533: *Pauli Hermannii Floræ Lugduno-Batavæ Flores*, A. 1691 p. 217, ejusdemque *Paradisum Batavum* A. 1697 p. 237: *Josephi Pittoni Tourneforti Elementa Botanices* A. 1693 p. 509, & *Institutiones Rei Herbariæ* A. 1701 p. 347, Corollarium em hujus anni mense Martio p. 138: *Caroli Plumier* Descriptionem Gallicam Plantarum Americæ A. 1694 p. 461, & *Nova Plantarum Americanarum Genera* A. 1703 p. 517: *Leonardi Plukenetii Phytographiam* A. 1691 p. 493, & A. 1693 p. 311: *Pauli Bocconii* Muscum Plantarum rariorum Sicilia, Maltæ, Corsicæ &c. Supplem. T. III p. 98: *Roberti Morisoni* Plantarum Historiæ Universalis Partem III A. 1702 p. 477: *Joannis Commelini* Rariorum Plantarum Horti Medici Amstelodamensis Descriptionem & Icones, A. 1698 p. 128: *Abrahami Muntingii* Curiosam Descriptionem Plantarum Belgica lingua editam, A. 1697 p. 546: *Augusti Quirini Rivini* Introductionem generalem in Rem Herbariam, A. 1690 p. 265, Ordinemque Plantarum flore irregulari monopetalo, A. 1690 p. 267, item Ordinem Plantarum flore irregulari tetrapetalo, A. 1692, p. 273, nec non Ordinem Plantarum flore irregulari pentapetalo, A. 1701 p. 95: *Olavi Rudbeckii. Patriis & Filii*, Cam-

pi Elyfii Librum secundum, magni operis partem infelicibus auspiciis publicatam, A. 1701 p. 374: *Jo. Georgii Volckameri Floram Noribergensem*, seu Catalogum Plantarum Agri Noribergensis, A. 1700 p. 516 &c. Tacemus tot plantas aliunde recens advectas, quæ Societati non minus Regiæ Anglicanæ, quam Academiæ Regiæ Scientiarum Parisiensi subinde communicantur, & tum in Anglicanis Actis Philosophicis, tum in Joh. Bapt. Du Hamel & Fontenelli Historia dictæ Scientiarum Academiæ, omnium notitiæ exhibentur, additis, in hac præsertim, curiosis præcipuarum plantarum utilissimisque analysibus. Ex tanto igitur apparatu, quin novum decus & ingens augmentum Botanico suo operi Raius celeberrimus adjecerit, quis dubitet? edito tertio hoc volumine, quo præter plantas nonnullas in prioribus per incuriam aut oblivionem omittas, species illas novas omnes proximis annis demum in lucem productas, & ex tot scriptis non sine molestia cæteroquin colligendas, complectitur. Nec existimandum, ex solis libris, publico omnium usui expositis, suppetias Auctori provenisse, sed additas insuper stirpes plurimas nondum descriptas, sed ab Amicis communicatas. Quo nomine (nec enim ignorari debent, qui institutum laude dignissimum promoverunt) in Præfatione triumviros comprimis laudat, *D. Hans Sloane*, qui Historiam manuscriptam stirpium Jamaicensium locupletissimam, nec non plures plantarum centurias a peritissimis Botanici, *D. Vernon* & *D. Krieg*, in Marilandia collectas, benevole sibi communicaverit: *D. Jacobum Periver*, Pharmacopœum Londinensem, Virum, si quisquam alius, ex toto orbe conquirendarum stirpium exoticarum studiosissimum, qui plurimis novis & raris, imo insolitis & admirandis speciebus opus hoc suum ditaverit: & *D. Guilielmum Sherardum*, qui ultimum illi complementum adjecerit, bis mille stirpium nondum editarum auctario sponte & generose collato, schedas etiam suas, antequam typis committerentur, rogatu suo diligenter perlegerit, curaveritque, ut rite omnia cohærent. Neque tacet, suas etiam symbolas triumviros alios, *D. Tancredum Robinson*, *D. Edwardum Lævyd*, & *D. Samuelem Dale*, perficiendo operi contulisse.

Reliquum est, ut de Appendicibus subjunctis pauca dicamus. Primo loco *P. Georgii Josephi Camelli* Herbarum aliarumque stirpium

pium, in insula Luzorie Philippinarum primaria nascentium, Syllabus comparet. Auctor, natione Brunensis Moravus, Manilæ, istius insulæ metropoli, hodieque degit, & Societatis Jesu, cujus membrum est, Pharmacopœi munere fungitur, qui propria manu plantas in illa insula obvias descripsit ac delineavit, earumque partem magnam ad Raium nostrum benevole transmisit, præsentî Syllabo comprehensam, quam invidere Noster nec aliis sustinuit. Sequuntur, Plantæ novæ a *D. Josepho Pitton Tournefort* Aquæ-Sextiensi observatæ in Orientalibus regionibus, & in Corollario Institutionum Rei Herbariæ (de quo nuper admodum mense Martio pag. 138 diximus,) nominetenus traditæ; ita tamen, ut cum apud Tournefortium ipsum eo ordine, quo ad plantarum species in ipsis Institutionibus Rei Herbariæ antehac propositas referri quæque debet, exhibeantur, hic in ordinem alphabeticum redactæ sistantur. Quibus denique Plantæ etiam a *D. Gulielmo Dampier*, in Brasilia, Nova-Hollandia, Tumor & Nova Guinea observatæ & collectæ; nec non Plantæ Spitzbergenses, a *Frederico Mariens* in Itinerario suo descriptæ; Plantarum item rariorum, a *Cassare Commelino* in Præludiis Botanicis recensitarum, Descriptiones; & *Jac. Petiveri* Plantæ rariores Chineses, Madraspatanæ & Africanæ, cum ejusdem Catalogo Plantarum in hortis suis siccis conservatarum, & Farragine plantarum quarundam Indicarum & Americanarum incertæ sedis, subjiciuntur.

Γ Ε Ω Π Ο Ν Ι Κ Α.

GEOPONICORUM, SIVE DE RE RUSTICA Libri XX. CASSIANO BASSO Scholastico Collectore. Antea Constantino Porphyrogeneto a quibusdam adscripti. Græcè & Latine.

Græca cum MSS. continet, Prolegomena, Notulæ & Indices adjectis PET. NEEDHAM A. M. Coll.

D. Joannis Cantabrig.

Socius.

Cantabrigiæ, typis Academicis, impensis A. & J. Churchill, Bibliopolarum Londinensium, 1704.8.

Constant Alph. 1½.

E majoribus Græcorum scriptorum de Re Rustica voluminibus, excerpta sunt hæc nostra; quæ exhibentur, Geoponica, non solum

mel equidem a viris doctis publici juris facta. Quoniam vero melior, quam quo ornati erant hactenus, ea decebat habitus, cumque reliquiae hae solae, de hoc argumento Graeco sermone scriptae, deperditis ipsis, ex quibus depromptae sunt, monumentis, ad nos usque perduraverint, & spes nulla amplius affulgeat, fore, ut ex bibliothecis Italiae & doctorum virorum loculamentis, ipsa Florentini, Heronis & aliorum Geoponica aliquando excutiantur, trium annorum studium novae horum fragmentorum editioni adornandae ut consecraret, amicorum hortatu induci se Clarissimus editor Petrus Needhamus passus est, ut aequae nitide & emendate, ac Latini de Rustica Scriptores toties prodierunt, haec quoque luci exponerentur publicae. Nihil vero omisisse eum temere, quod ad scopum hunc suum faceret, fatemur merito. Et quanquam non neglexit excusos jam typis libros, praecipuum tamen auxilium a manuscriptis codicibus esse repetendum, non ignoravit; unde & refertissimis illis omnibus generis librorum seu manu exaratorum seu typis descriptorum Angliae Bibliothecis studiose perlustratis, tredecim manuscriptos, partim integros, partim mutilatos inspexit codices. Ast neque hi diligentiae ejus posuere limites, sed & magnorum virorum, quales sunt Casaubonus, Saracenus, Galeus & alii, cura ipsi subvenit, qua marginibus librorum manu sua tritorum correctiones, annotationes, & collationes adsperserunt; cujus laboris ipsi copiam fecerunt Bibliothecae non minus publicae, quam munificentia Virorum boni literarii studiosissimorum, inter quos, dum viveret, Jo. Cottonus fuit, & nunc est Amplissimus Norvicensis Ecclesiae Episcopus, Joannes Mowbray, quem dignis tanto literatorum Fautore encomiis ornavit Noster, & librum hunc illi inscripsit, & tanquam ipsi proprium, velut ex cujus Thesauro prodierit, vindicavit. Versionem Latinam Jani Cornarii, etsi inveniunt, fidelem plerumque tamen, innumeris potius locis repurgare voluit, quam totam abjicere; in qua castiganda non nihil sibi opis Andream a Lacuna attulisse non dissimulat, qui octo posteriores libros a se translatos Coloniae A. 1543 edidit. Id autem, quod praestitisse jactitet in pagella titulari, cum non fecisset, Needhamus judicat, cum plurima aut prorsus praeterierit, aut perperam intellexerit. Notularum numerum & illae adaugent, quibus Janus Gruterus Cornarii versionem, olim inter suos libros relatam, passim

no-

notavit. Et sicuti nihil facile, ita nec versionem Italicam eam susque deque habuit, quæ a Petro Lauro Modenensi adornata est: Gallicum vero in cassum quæsitit interpretem; quod idem ipsi cum Langbainianis collationibus accidit, quarum ipse Langbainius in Epistola ad Ulserium aliquando meminit. Plurima, præcipue in re Botanica, se hausisse candide monet, ex erudita Salmasii in Solinum notarum congerie, in qua nullus quidem ordo compareat, sed copia rerum insignis, & in qua ea, quæ de herbis & aromatibus dicuntur ex sententia veterum, ad Geoponicorum quoque mentem accedant propius.

Auctorem Collectionis hujus de Re Rustica Scriptorum Græcorum, non unum Viri Eruditi omnes statuunt. Augustorum nomine non indignam quidam hanc æstumarunt operam, & Constantino Pogonato, sed Porphyrogenneto Basilii Macedonis nepoti alii tribuunt. Inferiorem his dignitate, Cassium Dionysium Ulicensem compilasse hanc farraginem, tertia doctorum est opinio; in qua nec dum acquievit aliorum investigatio, qui cum Harduino eadem esse Geoponica contendunt cum Georgicis, quæ Vindianus Anatolius Berytus collegerit, quæque etiam se legisse, in Myriobiblo testetur Photius. Omnium tandem diversæ doctæque propositæ sententiæ neutiquam se Nostro approbant, quod vel male intellectis Auctorum verbis nitantur, vel ipsi Scriptorum ætati adversæ sint, vel librorum diversum numerum inferant, & ex tribus nominibus unum faciant. Quare solum Cassianum Bassum pro vero operis Collectore agnoscit, & sententiæ suæ plures allegat asseclas, Hadrianum Junium, Cl. Salmasium, & alios, qui tamen doctorum potius hoc esse judicium dixisse contenti, ex suo nihil determinarint. Attamen nec sola stat horum auctoritate Needhamus. Hinc titulum libro secundo in Barocciano codice præfixum, eademque qua codex manu exaratum, vocat in subsidium: *Ἐκ τῶν περὶ Γεωργίας ἐκλογῶν κασιανῶ βάσις γεωγραφικῆ βιβλίον δ' ἄτερον περιέχον τὰδε*, quem aliquid ponderis apud idoneos rerum æstimatorum habiturum sperat. Nam id quoque sibi non contrariari credit, quod sub Cassiani nomine quædam compareant in hac Ecloga; cum veterum consuetudini id conveniens sit, ut, quoties aliorum confarcinabant opera, suas conferrent quoque, proprio præscripto nomine, symbolas. De ipso Cassiano pauca sunt, quæ innoverunt hæc-

nus; non postremum interim famæ ejus testimonium putatur, quod Hierocles in Hippiatricam Proœmio ἀρεῖς ἐν βάσσον in re dubia in consilium vocare, non dedignatus fuerit. De natali solo suo, sub-obscurè quidem ipse Bassius quædam Geop. l. V c. 6 reliquit, ubi Μαγατώνυμον χωρίον nominat, sed fatetur Clarissimus Needhamus, ubi terrarum fuerit istud Μαγατώνυμον χωρίον, se adhuc latere. Atque hæc de Geoponicῶν Collectore. Nunc deveniendum nobis ad Scriptores singulos, quos iste collegit, & juxta Alphabeti, quod vocant, seriem Needhamus noster exhibuit. Ubi primum locum Ἀψύριον obtinet, docente Suida Prusænsis, vel Nicomediensis, sub Constantino ad Istrum bello Scythico miles: librum scripsit Hippiatricum, & de equis Physicum, & alia. Hunc *Julius Africanus* excipit, professione Christianus, & primus, si Vossii valet auctoritas, qui horum Chronologiæ fontes reclusit, scripsitque Πεντάβιβλον Χρονολογικὴν Eusebio exscriptam, & novem κεσῶν libros, quibus a rerum varietate nomen est, complexos res Medicas, Physicas, Rusticas & Chymicas, ut Georgius Syncellus & Suidas ajunt. Eusebius quoque epistolæ ad Origenem ejus meminit, in qua historiam Susannæ, quæ in Danielis libro legitur, spuriam suspicetur. Etiam si vero Valesius & Scaliger diversum Africanum Chronographum a κεσῶν Auctore faciant, contrarium tamen ex ipsis Photii verbis Noster it probatum. Suidas facit patria Lybicum. Vixit tempore Alexandri Severi Imperatoris, quia ipse testatur, Partefanem se vidisse, qui haud dubie sub hujus imperio clarus fuit. Pauca quædam adhuc ejus κεσῶν capita extant, ad calcem Heronis Alexandrini aliorumque Mathematicorum veterum Parisiis editorum, sed mutila & luxata. Non minus locum *Anatolius* inter Geoponicos meruit, a Suida dictus μάγιστρος Θεοδοσίῳ Βασιλείῳ. Uti duorum illustre *Apuleiorum* nomen est, ita dubium est, cujus fragmenta ornent Geoponica. Colvius cum Apuleio Celfo Centuripino facit, qui sub Augusto & Tiberio floruisse creditur, & a Scribonio Largo præceptor suus nominatur, ac a Marcello Empirico Medicis Latinis accensetur. Albertus Faber autem in Decade Decadum a Madaurensis Philosophi Platonicus stat partibus, cujus diversa jam extantibus passim veteres allegant scripta. Arbitrium aliis relinquit Needhamus Noster. Subjunctus huic *Aratus* est

est Astronomicus & Phænomenon Auctor, Solensis e Cilicia, cujus sub Antigono Gonata Macedonia Rege nomen nullibi non est notissimum. Ad *Berytium* accedens Auctor, male eum Photio Berytum audire submonet. An sit Hermippus Berytius, juxta Suidam ætate Adriani celebris, Philonis Byblii discipulus; an Taurus Berytius Platonicus, sub Antonini Pii imperio; an Lupercus Berytius, qui Claudium non multum antecessit tempore, atque de Pavone, Squilla, & Gallo apud Platonem libros composuit, quorum itidem Suidas memoriam conservavit, non satis expeditum est. Sed magis clarum, quod *Democriti* nomen non antiquissimum celeberrimumque simul Philosophum, Hippocrati æqualem indicet, quem ad agriculturæ peritiā multum contulisse veteres laudant, sed recentiorē aliquem, cujus Physica & Chymica in bibliothecis quibusdam visuntur, ex quibus deprompta fuisse ista Physica omnia ridicula & ἀνεκρίτητα παράδοξα, quæ hinc & inde prostant in Geoponicis, Needhamus autumat. Plures etiam uno nomine celebrantur a veteribus *Didymi*. Postremum recenset *Didymum Alexandrinum* Suidas, qui de Re Rustica libros XV reliquisse scribitur, ex quibus in Geoponica quædam relata esse, merito credimus. Qui hunc sequitur, *Cassius Dionysius*, a patria Uticensis, non tam ipse quid ex suo nobis dedit, quam viginti & octo Punicos Magonis de Re Rustica libros, Græcis viginti expressit, quod de ipso Varro memorat. Ejusdem fere ingenii sunt, quæ *Diophanis Bithyni* nomen præ se ferunt. Is enim Cassium Dionysium contraxit in sex libros, uti vicissim Diophanem contraxit Asinius Pollio Trabianus. Ortus est Diophanes ex Nicæa urbe, æqualis Julio Cæsari & Ciceroni. Posterior hoc *Florentinus* est, vel Florentius. Macrino enim clavum Imperii tenente, anno post Christum 218 eum scripsisse, Nostro est probabile. Commentarii ejus sunt de Re Rustica, quod discimus ex Photio. Ab hoc ad *Frontonem Emisenum* devenit Auctor, qui regnante Severo Romæ Rhetor, docuit, postea Athenis, ubi diem obiit, relictis orationibus pluribus, Suida testimonium suppeditante. Hinc ad *Hieroclem* progressus, jurisprudentiam eum coluisse edoctus, de binis ejus περί της τῶν πικρῶν διαπαρέας nos facit certiores. Ætatem ejus non cognovit exactius, nisi quod Apfyrto videatur esse junior. Nec forte major ille, cu-

jus quædam hic inserta sunt, *Hippocrates* Veterinarius Scriptor, *Coo* Medicinæ Patris nomine honorato & gloria & ætate inferior. Ast qui primo loco poni debebat, si ad natalium hic attendere dignitatem conveniret, *Juba* offertur, *Jubæ* Mauritanie Regis filius, a Julio Cæsare in triumpho ductus, cujus felix eo nomine deprecatur captivitas, quod inter barbaros & artis imperitos natus, Græcorum quoque doctissimos, data sic opportunitate, æquaverit. Græce & Latine scripsit libros veteribus laudatos. Quem *Leontinum* plerique nominant, *Leontius Scholasticus* esse putatur, cujus Epigrammata lib. IV Anthologiæ licet legere, in effigies Callinici Cubicularii, & Gabrielis Præfecti, quorum hunc Justiniani ætati convenire, Auctorum fides comprobatur. Nulli antiquitate *Nestor* cederet, si fidem Antonius Mizaldus mereretur, qui ex bello Trojano eum revocat; sed alium esse Auctorem docet hoc longe posteriorum Poetam nostrum ex Lycia, sub Alexandro Severo clarum, cujus tempore Ἰλιάδα λεπτογέγραμμετον, Ἀλεξάνδρεια δα, *Metamorphoses* & alia plura composuit, ex quorum numero Ἀλεξίσηπτος & Πανάκηα, quorum passim in Geoponicis mentio. Ad nomen oppido notum iterum deferimur. *Oppiani* illud est *Cilicis* Poetæ & Grammatici, teste Suida, Ἀλυστικά Antonino Caracallæ dicavit, quæ, ut & κωνηγετικά edidit Rittershusius. Iterum Grammaticus se sinit *Pamphilus Alexandrinus* Aristarchi discipulus, qui seculo ante Christi nativitatem secundo vixit. Multa de herbis fabulas redolentia compilavit, de quo Galeni & aliorum sunt allata testimonia. Ejus esse putantur, quæ sine nomine libris IX & XI Geoponicōν leguntur, superstitione plena. Meminit Athenæus Pamphilum Alexandrini cujusdam, qui περὶ ὀνομάτων καὶ γλωσσῶν scripserit, quem eundem cum nostro esse, non absimile vero esse Auctor noster judicat. *Paxamus* Culinariæ rei Scriptor, a Suida diversorum operum Auctor proditur, quorum pars huc pertinet. Minus constat de *Pelagonio* incertæ ætatis auctore, nisi quod sæpius laudetur in Hippiatricis. Ex diversis, de quibus legimus, *Philostatus* in Geoponicis laudari Needhamus autumat juniorem illum Lemnium, qui Apollonii Tyanensis vitam explicavit. Suidas Sophistam primum Athenis, deinde Romæ docuisse ait, sub Severo Imperatore usque ad Philippum. Photius Tyrium

rium vocat, Atheniensis est Eusebio. Ex Philosophorum ordine se conspiciendum præbet *Prolemaus Claudius* Alexandrinus, qui Marci Imperatoris tempore floruit. Recensum librorum ejus Suidas fecit. Uno nomine non immerito duo comprehenduntur *Quintili*, *Gordianus* sive *Condianus*, atque *Maximus*, fratres. Eo enim amore se sunt amplexi mutuo, ut nihil alter fecerit sine altero. Scripserunt Georgica. Perdidit eos tyrannis *Commodi*. *Sorionē* ratio post hunc ordinis producit. Alexandrinum dicunt aliqui, & ad Tiberii ævum ex *Plutarcho* eum referunt. Scripta ejus diversi diversa adducunt. Juniores aliquem præter hunc fuisse, *Needhamus* colligit ex voce *Ἰνυλα* sequioris Græcitatibus, quæ *Geopon* l. IX c. 27 occurrit. Qui a patria *Tarentinus* appellatus est, subjungitur. Hoc autem duo nomine celebres sunt, *Archytas* alter, quem agriculturæ studium coluisse *Columella* ait, alter *Heraclides Medicus Empiricus*, quem *Antonio Musa Augusti* illo Archiatro superiorem *Galenus* facit. Posteriori deberi fragmenta, quæ in *Geoponicis* leguntur, *Lambecius* censuit, ad quem *Needhamus* accedit. Ex *Hippiatricorum* iterum numero est *Theomnestus*, quem inter *Cæsarianos Equites* in armis versum narrat *Pearsonius*, dubium quo argumento. Nomen *M. Terentii Varronis* adduxisse sufficit, cum noverit eundem quilibet. Sed nomine tantum notus est *Vindanionius*, quem *Vindanium* dicit *Photius*. Unus tandem *Zoroastres* superat, non *Astronomorum* & *Magorum Princeps*, 500 annos *Trojano bello* major, ut *Suidas* ponit calculum, qui & operum indicem exhibet; sed inferior, quisquis fuerit: certe *Perfomedum* illum non esse, fidem oppignerare Clarissimus *Needhamus* audet.

Hæc ex Præfatione & Prolegomenis, quæ ad notitiam hujus editionis penitiorum faciunt, decerpimus. Ad Notulas debebamus nunc pedem promovere propius, at habenda nobis brevitatis ratio. Indices ergo operi subnexos ultimo loco commendamus, inter quos primus Auctorum est, quorum excerpta leguntur & laudantur in *Geoponicis*, quorum & vitas in *Prolegomenis* *Needhamus* prosequutus est. Secundus verborum Græcorum usus & significationis rarioris, aut sequioris ætatis, in *Geoponicis* occurrence. Tertius rerum, isque locupletissimus.

*SOLUTIO PROBLEMATIS A CLARISS. VIRO
D. JO. BERNOULLI in Diario Gallico Feb. 1703 Propositi,
quam D. G. CHEYNÆO communicavit
JO. CRAIG.*

Transcripta ex Actis Philosophicis Anglicanis M. Jan. & Febr. A.
1704, no. 289 pag. 1527 sqq.

Problema. Propositæ Curvæ Geometricæ alias innumeras Longitudine æquales invenire.

Solutio. Sint w, s , co-ordinatæ Curvæ datæ; & Curvæ quæsitæ sint co-ordinatæ x, y : tum ex conditione Problematis erit $dw^2 + ds^2 = dx^2 + dy^2$. Ponatur $dx = dw + m dz$, unde erit $dy = \sqrt{ds^2 + 2m dw dz - m^2 dz^2}$; in hac pro ds substituitur ejus valor per w, dw & determinatas expressus: & pro dz assumatur talis valor ex w, dw & determinatis compositus, ut valores quantitatum dx, dy sint summabiles: Et sic habentur x ac y Co-ordinatæ Curvæ quæsitæ. Q. E. J.

Exemplum 1. Invenire Curvam æqualem Linæ Parabolæ. Sit $2a$ latus rectum Parabolæ; adeoque $2as ds = w^2$ unde $ds^2 = a^2 w^2 dw^2$ adeoque $dy = \sqrt{a^2 w^2 dw^2 + 2m dw dz - m^2 dz^2}$; ut hæc sit summabilis, assumatur $m dz = \frac{w^2 dw}{a^2}$ unde $dx = dw - a^2 w^2 dw$; $dy = dw \sqrt{3a^2 w^2 - a^4 w^4}$ quarum integrales per Methodos dudum cognitæ invenientur $x = w - \frac{w^3}{3a^2}$ $y = \frac{w^2 - 3a^2}{3a^2} \sqrt{3a^2 - w^2}$.

Exemp. 2. Invenire Curvam æqualem Circulari. Sit a radius Circuli; tum $s = \sqrt{a^2 - w^2}$: unde $ds^2 = \frac{w^2 dw^2}{a^2 - w^2}$; & proinde erit $dy = \sqrt{\frac{w^2 dw^2}{a^2 - w^2} + 2m dw dz - m^2 dz^2}$; ut hæc sit summabilis, assumatur $m dz = \frac{4w^2 dw}{a^2}$, adeo-

$$\text{adeoque } dx = d\psi - \frac{4\psi^2 d\psi}{a^2} : dy = \frac{-3a^2\psi + 4\psi^3}{a^2 \sqrt{a^2 - \psi^2}} d\psi.$$

Quarum integrales per communes Methodos inveniuntur $x = \psi - \frac{4\psi^3}{3a^2}$, $y = a^2 \frac{-4\psi^2}{3a^2 \sqrt{a^2 - \psi^2}}$.

Exemp. 3. Invenire Curvam æqualem Ellipticæ. Sit z r
latus rectum, a latus transversum, tum $s = \frac{r \sqrt{a^2 - \psi^2}}{a}$,

$$\text{unde erit } ds = \frac{r^2 \psi^2 d\psi}{a^4 a^2 \psi^2}, \text{ adeoque } dy = \frac{r^2 \psi^2 d\psi}{a^4 - a^2 \psi^2}$$

$$+ 2m d\psi dz - m^2 dz^2; \text{ ut hæc sit summabilis, assumatur}$$

$$mdz = \frac{2a + 2r}{a^3} \psi^2 d\psi; \text{ unde } dx = d\psi - \frac{2a - 2r}{a^3}$$

$$\psi^2 d\psi. dy = d\psi \sqrt{\frac{r^2 \psi^2}{a^4 - a^2 \psi^2} + \frac{4a + 4r}{a^3} \psi^2 + \frac{2a + 2r}{a^6} \psi^4};$$

quarum Integrales per Methodos notissimas inveniuntur $x = \psi - \frac{2a - 2r}{3a^3} \psi^3$, $y = \frac{2a^3 - ra^2 - 2a\psi^2 - 2r\psi^2}{3a^2 \sqrt{a^2 - \psi^2}}$.

Exemp. 4. Invenire Curvam æqualem Parabolæ Cubicali
cujus æquatio fit $3a^2 s = \psi^3$. Unde $ds = \frac{\psi^4 d\psi}{a^2}$

$$\& \text{ proinde } dy = \sqrt{a^4 \psi^4 d\psi^2 + 2md\psi dz - m^2 dz^2};$$

Ut hæc sit summabilis, assumatur $mdz = \frac{\psi^2 d\psi}{2a^2}$. Unde

$$dx = d\psi - \frac{\psi^2 d\psi}{2a^2} \sqrt{3\psi^2 + 4a^2}. \text{ Quarum integrales}$$

per Methodos vulgo notas sunt $x = \psi - \frac{\psi^3}{6a^2}$, $y = \frac{2}{9} x \sqrt{3\psi^2 + 4a^2}$.

Ex

Ex aliis infinitis valoribus quantitatis $m d z$ debite assumptis infinitas invenias Curvas datæ æquales. Tu vero, *Vir Eruditissime*, facile percipias, hoc Problemam aliquam habere cum Problemate quodam Diophantæo affinitatem. Problema Diophanti est, dividere summam duorum Quadratorum in duo alia Quadrata, quorum latera sint rationalia; & Problema Bernoullii est, dividere summam duorum Quadratorum in alia duo Quadrata, quorum latera sint summabilia. Sicut Problematis *Diophantæi* solutio a vulgari tantum Algebra dependet, sic *Bernoulliani* Problematis solutio communes tantum Fluxionum Methodos inversas requirit: utriusque artificium in debita laterum quæditorum assumptione consistit; sc. *Diophanteum* ut sint rationalia, *Bernoullianum* ut sint summabilia.

LIBRI NOVI

Henrici Bergeri *Jcti Enarratio Legis X Pand. de Jure Fisci & Legis II Cod. Qui & adversus quos in integrum restitui non possint.* Lipsia apud Lanckisios haredes, 1705 4.

D. Luderi Menckenii Selectæ Dissertationes Juridicæ ex Jure Civili, Feudali, Canonico & Saxonico. Lipsia, apud Christ. Emerich, 1705 4.

Sacer Decadum Septenarius Memoriam Theologorum nostra ætate clarissimorum renovatam exhibens &c. Curante M. Heinricho Pippingio. Lipsia apud Thomam Frisch, 1705 8.

C. Jul. Casaris quæ extant, cum A. Hirii vel C. Oppii Supplementis ipsiusque Casaris Fragmentis aliis. Christophorus Cellarius recensuit ac Notis perspicuis, Indicibus plenis & novis Tabulis Geographicis illustravit. Lipsia apud Jo. Lud. Gleditschium, 1705 8.

Continuation des Pensées Diverses, écrites à un Docteur de Sorbonne à l'occasion de la Comète, qui parut au mois de Decembre 1680. Ou Réponse à plusieurs Difficultez, que Monsieur ... a proposé à l'Auteur. A Rotterdam chez Reimier Leers, 1705. 12.

Description de L'Isle Formosa en Asie. Dressée sur les Mémoires du Sieur George Psalmanaazar. A Amsterd. chez Estien. Roger, 1705. 12.

* * *

A C T A ERUDITORUM,

publicata Lipsiæ

Calendis Maji, Anno MDCCCV.

THE CASE OF IMPROPRIATIONS, AND OF THE *Augmentation of Vicarages &c.*

L. C.

DE APPROPRIATIONIBUS ET AUGMENTO
Curarum, quæ Vicariæ dicuntur, nec non aliarum minus sufficien-
tium Disquisitio, ex Historiæ & Legum fundamentis deducta, inde
a primâ usurpatione Pontificum, ac Monachorum, usque ad libe-
ralitatem angustam, quam nuperrime præsens Regina voluit ex-
pire in pauperiores Ecclesiæ Anglicanæ Ministros. Accesserunt
documenta quadam ad susceptam tractationem pertinentia.

Auctore WHITE KENNETT.

Londini, apud Avynsham & Joh. Churchill, A. 1704, 8.

Constat Alph. i. plag. 8.

Quod præsens Angliæ Regina, primo statim die post re-
gimen a se susceptum, significavit, *animum sibi esse*
prorsus Anglicum, h. e. regionum sibi subditarum utili-
tatibus omnino devotum, ejus veritatem documentis
illustribus probatam illa dedit. E quibus præcipuum
forte dici potest, quod miserta est conditionis pauperum, quot-
quot per universam Angliam inveniuntur, ecclesiæ ministrorum,
suaque munificentia effecit, ut iisdem de necessaria ac honesta
sustentatione melius jam sit prospectum. Etenim cum per statu-
tum sub Henrico VIII conditum, & sub Elisabetha denuo con-
firmatum, necessitas imposita fuisset singulis beneficiorum eccle-

Bb

sia.

fiaticorum possessoribus, non solum integros primi anni fructus sed præterea quævis anno decimam omnium fructuum partem siscum regium inferendi; in plurimis autem ecclesiis hi, qui eorum erant ministri, ob summam, in qua vivebant, egestatem, eorum annorum decimas non solvissent, adeoque fisci debita existerent: non dubitavit clementissima Regina anno regiminis secundo debitum istud, ratione temporis præteriti, omnibus remittere, quorum annua stipendia non excederent triginta librum Sterl. quantitatem. Sed hujus tanti beneficii magnitudo longe superavit aliud, quod paulo post secutum. Die enim, olim natalis ipsi fuerat, & secundum nostram computationem fuit 18 Febr. anni 1704, Parlamento propositum sibi esse induci, ut omnes redditus, qui ex annatis & decimis beneficiorum ecclesiasticorum ad ipsam spectarent, in posterum ad meliorem sustentationem pauperum ecclesiæ ministrorum applicentur, sumque suppeditari sibi voluit consilia, quibus iste finis modo maxime efficaci & constante queat promoveri. Agnovit Parliamentum liberalitatem vere regiam, atque solenni statuto non solum ratum esse voluit, sed & statuit, ut secundum Regiæ Majestatis arbitrium stabiliretur certum aliquod ac perpetuo duraturum collegium eique jus competat, non istos duntaxat redditus annatarum atque decimarum, verum etiam concessiones, quas eodem fine ab aliis fieri contingeret, recipiendi, administrandi, & exinde ministrorum ecclesiæ Anglicanæ redditus augendi. Attulit hoc ipsum populo universo, atque illis præcipue, ad quos benignitatis istius eminentum pertinebat, lætitiā incredibilem, Reverendo Viro autem *White Kenner*, Doctore Theologo, Archidiacono Huntingtoniensi Londini in templo, cui nomen *St. Botolph Aldgate*, sacrorum ministrorum, præbuit occasionem, ut in libro, quem hic recensendum nolumus, quemque Regiæ dicare voluit, accuratius inquireret originem, causas & progressum calamitatis, in quam plerique ecclesiarum in Angliā, præsertim per ita dictas *appropriationes* ceciderint, tum quid quovis tempore malum istud vel auxerit diminuerit, exponeret, denique quantum sit, quod hac in præsens Regina pie atque laudabiliter fecerit, perspicuum redderet, simulque quantum adhuc complementum felicitati huic

di possit, modeste & interdum teste significaret. Operæ pretium fore censemus, si totius operis summam exhibeamus.

Per sex vel septem secula priora post C. N. moris fuisse, ait Noster, in Anglia, ut singuli episcopi cum presbyteris suis atque diaconis communiter viverent prope templum cathedrale, fideles vero quicquid decimarum vel oblationum exhibere vellent, id omne eo conferrent, non nisi piis usibus ex arbitrio episcoporum deinceps applicandum. Et istis quidem temporibus in quavis diocesi, præter templum istud cathedrale, non aliud extitisse docet, in quo solenniter & statis temporibus sacra fuissent administrata, missos tamen subinde ab episcopis quosdam presbyteros, qui in partibus remotis de loco in locum migrarent, & sacrorum, prout occasio sese offerret, curam haberent; quin & capellas atque oratoria nonnullis in locis episcopos consecrasse; interim neutrum horum effecisse, ut mutata fuerit colligendi ac dispensandi bona ecclesiastica ratio. Neque tum statim mutatam esse asserit, cum in parochias dividerentur dioceses, cujus rei originem Romanis episcopis & antiquis Britannis a quibusdam tributam, ipse dicit arcessendam esse a temporibus Anglo-Saxonum, qui scilicet opus illud perfecerint. Primam vero vim memorato juri episcoporum factam ostendit ex eo, quod, cum incerti essent atque confusi termini parochiarum, multi crediderint arbitrio suo relictum esse, animæ suæ curam cui vellent committere, & in eundem decimarum quoque & aliarum oblationum præstationes conferre. Cui malo ut obviam iretur, præcipue cum monachi presbyterorum, & horum alter alterius jura lucris causa invaderent, mature quidem allaboratum, obicem tamen illi non ante seculum XIII positum esse narrat. Inde progreditur ad alteram injuriam, quam passi sint clerici parochiales per divisionem obventionum ecclesiasticarum, initio quidem ita susceptam, ut ex quatuor partibus unica saltem potestati episcoporum, postea vero, ut nihil plane usdem relinqueretur, sed tribus partibus constitutis, una conservationi & ornatui ædium sacrarum, altera pauperibus & hospitibus alendis, tertia propriis presbyteri usibus impenderetur. Ex eo enim factum esse demonstrat, ut laici tertiam harum obventionum partem sufficere crediderint necessitatibus ecclesiarum, ac

p. 1.

p. 2.

p. 3.

p. 8.

p. 4.

p. 5.

p. 10.

p. 12.

p. 14.

p. 15.

p. 16.

- reliquas duas partes, quas singuli presbyteri recipere ac dispensare debuissent, proprio arbitrio (licet non facile aliter nisi ad pios usus) distribuerint; cuius tamen rei iniquitatem successu temporis agnovisse eos addit, ac diu ante susceptam reformationem jura ista usurpata fuisse restituta ecclesiæ, quamvis non semper parochiali. Novum detrimentum in parochiales redundasse probat ex eo, quod, qui jure patronatus gauderent, illud in collegia vel canonicorum vel monastica contulerint. Postquam enim hoc fatum intra spatium ducentorum annorum expertæ essent pleræque ecclesiarum parochialium, invaluisse dicit, ut canonici curatis quibusdam, monachi vero sacerdotibus, quos dicebant seculares, curam animarum, sed reductum eo intuitu percipiendorum partem solum, interdum valde exiguam, relinquerent, reliqua parte sibi ipsis reservata; quod exemplum cum laici quoque patroni imitari sibi proposuissent, omnes fere ministros ecclesiarum parochialium in Anglia patronis suis tributarios fuisse factos. Hanc licentiam porro ostendit, quod ad laicos attinet, Eduardo II regnante penitus abolitam, & in aliis quoque variis modis restrictam. Sed cum intra limites præscriptos ægre se contineri paterentur monachi, consilium eos cepisse longe deterius, & clero parochiali maxime noxium, in sequentibus demonstrat. Nimirum id egisse illos, (non quidem, quæ sit opinio Seldeni, Saxonici regibus rerum potentibus, sed post Normannorum in Britanniam adventum) ut ecclesiæ, quarum hucusque modo fuerant patroni, cum omnibus emolumentis ad eadem spectantibus, ipsis *appropriarentur*, h. e. ita addicerentur, ut quicquid illarum curam & fructus respiceret, id omne ex ipsorum arbitrio penderet. Variis autem artibus illos effecisse ait, ut malum sub istis appropriationibus latens non statim appareret. Primo enim officia, quorum intuitu fructus integros ad se traxerant, eos ipsos per vices subuisse, commemorat. Deinde cum negligentius in istis laboribus versarentur, ac propterea ab episcopis jussi essent rerum suarum intra monasteria sua satagere, constituisse eos in dictis ecclesiis capellanos quosdam, vicarios sive curatos, & his, quamvis ægre, salaria porrexisse, quæ sufficere posse viderentur. Tertio cum ecclesias in usus suos converti curarent, profiteri eos consuevisse, rationem
- p. 17.
- p. 18.
- p. 19.
- p. 20.
- p. 21.
- p. 22.
- p. 23.
- p. 25.
- p. 26.
- p. 27. 32.

nem sese habituros pristinae partitionis, & duas quidem obventionum ecclesiasticarum partes ad se recepturos, sed cum onere annexo prospiciendi ædibus sacris & pauperibus, tertiam vero & cum ea plerumque omnes decimas minores & alios redditus minutos sine ullo onere relicturos ecclesiae ministro. Visum hoc fuisse non solum maxime æquum, sed & ad curam animarum promovendam admodum salutare. Hinc sponte sua atque certatim laicos, episcoporum confirmatione accedente, obtulisse monasteriis jura patronatus in ecclesias sibi competentia. Idem studium ecclesias parochiales quasi proprias sibi faciendi transiisse tandem in clericos seculares, neque in capitula duntaxat, sed & in alia collegia, e. g. ordines militares, fraternitates, hospitalia, imo in singulos, nunquam tamen laicos homines, veluti decanos, thesaurarios, cancellarios &c. Quamvis horum omnium in hac re industriam longe superaverit calliditas & successus monachorum, partes suas, ubicunque opus, apud episcopos, apud sedem Romanam, apud patronos & rectores ecclesiarum, & apud reges ipsos egregie agentibus, ut post lapsum centum vel ducentorum annorum, instat miraculi videretur, si quæ fortassis ecclesia generalem istam calamitatem evasisset. Sed initio quidem ejusmodi appropriationes magis fuisse tolerabiles contendit, quandoquidem (1) neque animarum cura propterea neglecta sit, neque hi, ad quos illa cum titulo vicariorum vel simili pervenerat, debitis fraudati fuerint stipendiis, quorum ipsis relictam quantitatem jam ante innuerat Clarissimus Autor, non facile fuisse infra tertiam partem omnium reddituum ecclesiasticorum ad parochiam spectantium, interdum vero probat ad dimidiam vel dimidia longe majorem, ascendisse, & non in pecunia tantum, verum in aliis quoque rebus magis duraturam quovis tempore utilitatem habentibus consistisse; (2) facultatem habuerint episcopi subveniendi necessitatibus vicariorum, atque illorum portionem minus sufficientem augendi, cujus juris exercitium cum sapius autoritate pontificum impedire conati essent monasteriorum rectores, solitos fuisse episcopos hanc sibi potestatem in instrumento, quod appropriationes confirmabat, expresse reservare, ipso tamen jure & a prima ecclesiae origine eandem ipsis competitisse, & hodiernum post tem-

p. 29.

p. 33.

p. 35.

p. 36.

p. 37.

p. 39.

p. 40.

p. 42.

p. 44.

p. 45.

p. 47.

p. 48.

- p. 52. pora reformationis competere, variis argumentis ostendit ; (3) deprehensa vicariorum oppressione, licuerit episcopis (regulariter tamen accedente consensu eorum, qui decimas majores jure proprio possidere cepissent,) appropriationes semel concessas dissolvere, id quod sapissime factum esse, sæpe etiam his, qui jure proprio ecclesias tenebant, ultro illud petentibus, exemplis quibusdam commonstrat. Progressu autem temporis manifestius apparuisse dicit, quam male actum sit cum ecclesia per istas appropriationes, itaque a monachis novas quotidie inventas esse vias, conditionem vicariorum, quos occupatis ecclesiis præfecerant, reddendi deterioreni. Primo enim illos providam episcoporum curam elusisse, per exemptiones a pontificibus impetratas ; deinde compulsisse vicarios, ne stipendii loco exigere quicquam, præter certam pecuniæ summam, quæ cum immensum crescentibus rerum aliarum pretiis, eadem semper maneret, nullo modo ipsorum sustentationi, nedum iis, quæ rationes decori requirunt, sufficere potuerit ; tertio, ut ad solvendas decimas majores monachis acquisitas populus eo promptior esset, remisisse illos maxima ex parte decimas minutas vicariis solvendas. Porro usos illos obtentu specioso, *quod ecclesia non debeat ecclesiam decimare*, atque sic retinuisse ex prædiis illis plurimis, quæ sua fecerant, præstationes omnes vicariis antea exinde debitas ; interdum in hos rejectum fuisse onus omne procuratorum, ipsamque reparationem ædium sacrarum ; quin ipsa vicariorum munera atque beneficia appropriationis jure fuisse acquisita, ac tandem tot modos alios adhibitos, ut vicarii sacrorum cura neglecta nihil non ad sui conservationem suscipere fuerint coacti. Inde exortas esse graves, præcipue clericorum secularium, querelas ; episcopos vero, quo in promovendis appropriationibus olim fuerint faciliores, eo majorem, quamquam haud semper felicem, curam tollendis illis adhibuisse. Ex ipsis pontificibus, magnis alias appropriationum patronis & instrumentis, fuisse quosdam, ex. gr. Alexandrum III & IV, item Innocentium III & IV, qui easdem valde improbarint. Sed laicis majori offensioni illas fuisse probat, his præcipue, qui ipsi olim jura patronatus, in ordines religiosos transtulerant. Inde sæpius illos apud pontifices, vel apud

epi-

episcopos fuisse conquestos, nonnullos etiam, data monasteriis pecunia vel re alia effecisse, ut solutis appropriationibus ecclesiæ quedam in statum pristinum reverterentur. Quod vero maxime mirum videri poterat, ipsos ordines religiosos, agnovisse publice refert injustitiam appropriationum, ita tamen, ut quem quisque morem damnet in alio ordine, eundem in suo tolerandum esse censeret. paucis admodum, quorum exempla fuit, in domo propria reformationi studentibus. Hinc & quid in conciliis Constantiensi & Tridentino, nec non a Cardinalibus A. 1536 iussu Pauli III congregatis, ad investigandos, qui in ecclesiam irrepserant, abusus actum fuerit, exponit. Licet vero appropriationibus non negata fuerit regum pariter & parliamentorum conniventia (cujus rationem partim ab utilitatum propriarum studio, partim superstitiosa de monachorum pietate opinione, accessendam arbitratur) nullo tamen tempore defuisse ostendit, qui easdem in numero præcipuorum ecclesiæ gravaminum primo loco ponendas existimarent, ipsis sæpe regibus ac parliamentis, plerumque tamen sine effectu, in eandem sententiam euntibus; id quod specialibus exemplis ex regno Henrici III, Eduardi I, Richardi II, Henrici IV, Henrici V, & Henrici VI petitis eleganter deducit; ubi præcipue quæ de *statuto manus mortuæ*, de proposita sub Henrico V monasteriorum dissolutione, de concordatis inter papam Martinum V & nationem Anglicam conclusis, & de criminationibus Wiclefo objectis discribit, notari merentur. Henrico VIII regnante, primo non solum vicariis interdictum ait rectoriarum, cœu vocant, suarum conductione, (unde tamen magnam partem vivere eos oportuerit,) sed & per aliud statutum sublata fuisse varia augmenta, quæ ipsorum salariis accesserint; deinde cum autoritatis pontificiæ jugum excuteretur, tempus ad fuisse evincit, quo omnium optime, quicquid injuriarum passa erat ecclesia, tam per appropriationes quam per oppressionem vicariorum, rescari potuerit. Sed nihil horum factum, imo auctum potius malum fuisse conqueritur. Parlamentum enim, nullo tamen (quod fieri debuisset contendit) cleri legitimo consensu accedente, devolvit in reges Angliæ, præter jus illud, a pontificibus olim usurpatum, anni integri fructus ex quovis be-

p. 83.

p. 84.

p. 88.

p. 89.

p. 92.

p. 94.

p. 97.

p. 98.

p. 109.

p. 111.

p. 116.

p. 118.

p. 115. 122.

p. 121.

p. 119.

ac-

- p. 110. neficio vacaturo semel capiendi, simul potestatem singulis annis exigendi redditum, qui decimam cujusvis beneficii partem contineret. Deinceps cum tollerentur monasteria, prioratus aliaque domus religiosæ, minime restituta fuisse ecclesiis parochialibus jura, quæ ab ipsis modo illegitimo ad istas domos pervenerant, e.g. decimarum & oblationum. Potius post translationem dictarum domuum in regem ejusque successores factam, cœpisse laicos sibi vindicare, suisque usibus applicare præstationes illas ad ecclesiæ patrimonium proprie pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invektivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitatores esse temporum illorum reformatores, qui, ut apud Anglos in proverbio, cum melius saltem locare debuisset crura domine sue, penitus illa fregerit.* Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exemplâ, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam, illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissionumurgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-

mississe annatas & decimam, de qua antea locuti sumus, redditura ecclesiasticorum partem, sed appropriationes etiam omnes, quæ coronæ dicebantur annexæ, atque omnia illarum emolumenta ecclesiis restituisse, & non diu ante obitum suum illud egisse, ut jura patronatus, quæ post monasteriorum dissolutionem, Henricus VIII & Eduardus VI sibi vindicaverant, archiepiscopi & episcopi, singuli intra suam dioccesin, acciperent. In laudibus Elisabethæ ponit, quod puriorem doctrinam iterum stabiliverit, sed temporum illorum iniquitati tribuendum censet, quod passa sit modo laudatam Mariæ liberalitatem revocari. Reliquisse tamen episcopis eandem commemorat decimas & oblationes, quæ appropriationis jure ad ipsam devolutæ erant, atque illarum loco alia prædia ab illis accepisse, tandem post multas alterationes utraque domo parlamenti in istam permutationem consentiente. Longe difficilius autem sustineri potuisse appropriationum onus, post exortam reformationis lucem, asserit, quam antea, & quid exinde malorum in ecclesiam redundaverit, e. g. ut inveniri non potuerint, qui habiles essent, ad animarum curam suscipiendam, ut pauperum numerus indies creverit, ut lapsæ ac perditæ fuerint ædes parochiales, ut plures ecclesias uniri, vel pluribus ecclesiis unum præfici oportuerit &c. fusius exponit, simul addens, quod tum temporis ob causas, quæ hodie cessent, e re totius regni visum fuerit, modis omnibus imminui opes clericorum, etsi non dubitaverint archiepiscopus Grindal & successor ejus Whitgift, iniquitatem ejusmodi consiliorum atque decretorum Reginæ ob oculos ponere. Jacobum I inde a primis regni sui auspiciis, optime dicit in ecclesiam fuisse affectum, eundemque tam in Scotia, quam in Hibernia, eorem perduxisse, ut & populus natus sit magis idoneos ac sedulos verbi divini ministros, & hi magis decentem acceperint laborum suorum mercedem. Sed in Angliâ quo minus idem effici potuerit, obstitisse avaritiam partium & invidiam plurimorum, qui animum Regis de misera clericorum conditione sollicitum a pio proposito abduxerint, frequenter institutis contra clerum querelis, quod & plura beneficia possiderentur ab uno, & quibus cura animarum in aliquo loco commissa esset, iidem alio in loco degerent, cum tamen, ipso Rege agnos-

p. 153.

p. 154.

p. 156.

p. 157.

p. 158.

p. 171.

p. 169. 172.

p. 174.

p. 181.

p. 176.

p. 176.

- p. 178. seente, duplex istud malum originem debuerit alteri malo, quod tolli nolebant, h. e. ereptioni bonorum ecclesiasticorum, quam, præcipue quod ad decimas & oblationes attinet, iis quoque temporibus graviter improbalſſe docet viros eminentes, Baconem, Cockium, Raſtaliũ, & ipſum clero atque eccleſiæ alias non adeo faventem Seldenum. Inde ad luſtuoſa Caroli I tempora digreſſus, pium hunc Regem commendat a ſtudio, quo in tribus prioribus ſub ipſo habitis parliamentis, pauperum eccleſiæ miniſtrorum conditionem in melius referre tentaverit. Eodem tempore factum eſſe ait, ut duodecim viri honeſti, quorum pars ex theologorum & jureconſultorum, pars ex civium ordine fuerit, ſocietatem eo fine inierint, ut quas ex ſpontaneis amicorum & propriis collationibus naſti forent pecunias, eaſdem redimendis bonis eccleſiaſticis, jure appropriationis in aliorum manibus exiſtentibus, impenderent. Sed cum privata duntaxat autoritate conſilium iſtud eſſet ſuſceptum, nec bona ſic redempta redderentur eccleſiæ, verum reditus ſolum exinde obvenientes arbitrio horum ſociorum inter egenos eccleſiarum miniſtros diſtribuerentur, juſtusque adeo metus exſurgeret, fore, ut intra breve temporis ſpatium clero magis eſſet ad iſtos homines, quam ad Regem, epiſcopos, ullumve alium reſpiciendum, A. 1632 vi ſententiæ in curia Scacciorum (*in the Court of Exchequer*) pronuntiæ, penitus fuiſſe ſocietatem iſtam ſublata. Longe autem conſultius futurum fuiſſe, ſi potius eandem in melius formaſſent, pluribus evinuit, ſimul excuſans Wilhelmum Laudum, cui, quod iſt rei impedimenta poſuerit, inter alia nonnulli objecerant. Ea occaſione quomodo idem præſul non ſemper infelei ſuccellu Regi ſuo autor fuerit, interdum etiam ipſi, ut & Uſſerio, archiepiſcopo Armachano, Wilhelmoſonio, epiſcopo Lincolnienſi, aliisque adjutor, ut paſſim ſtatus eccleſiaſticus, per appropriationes & inde ſecutam multorum eccleſiæ ſervientium egeſtatem, miſere diſtractus emendaretur, ſuſus explicat. Exemplo illuſtri cum Regis atque archiepiſcopi, tum eruditi equitis, Henrici Spelmanni, qui & de non temerandis eccleſiis, deque eccleſiarum juribus, præcipue vero de decimis ſcripſit, excitatos eſſe docet quamplurimos (in quibus primum ſere locum tribuit Mortono, Conventienſi pri-

primum, deinde Dunelmensi episcopo) ut multa restituerent, quæ per appropriationes usibus ecclesiæ fuerant detracta. Tres quoque nominat viros eminentes ac patrii juris maxime peritos, qui asseruerint, hodiernum episcopis in Anglia potestatem competere, salariis clericorum minus sufficientibus augmentum decens assignandi ex bonis ecclesiæ appropriatis, in quoruncunque manibus eadem nunc existant. Eundem in ecclesias affectum temporibus illis diversis aliis modis demonstratum fuisse ostendit, nec post funestam Caroli I mortem curam istam penitus neglexisse Cromwellum & alios; ubi tamen addit, vix in confuso isto atque iniquo rerum statu, fieri aliquid potuisse intentione vere bona, nihil autem omnino factum eo, quo decebat, ordine. Carolus II primo statim anno, postquam in regna sua restitutus esset, commendasse refert episcopis, decanis & præbendariis per literas, septennio post repetitas, ut quarum ecclesiarum decimæ atque emolumenta jure appropriationis ad ipsos & successores pervenissent, earundem ministris stipendia sua auferrent. Deinde deliberationes quasdam atque statuta parliamentorum, quæ eundem finem habuerint, recenset, e. g. de confirmandis & restituendis ministris; de admittendis clericis ad exercitium jurisdictionis temporalis; de confirmandis & perpetuandis augmentis, quæ vicariis & curis animarum non sufficientibus accesserant per ecclesiasticos; de unione ecclesiarum in civitatibus & locis, quæ corporaciones dicuntur &c. Hinc cum multos nominasset, qui meliorem reddiderint conditionem cleri egestate laborantis, existimat tamen, longe plura ac majora in ecclesiarum emolumentum iis temporibus effici potuisse, cum magna illa rerum conversio, post obitum Cromwelli contingens, optimam ad id præbuerit occasionem. Sed in aliis, quoque rebus regnante Carolo II minus benigne actum esse cum clero conqueritur, præcipue per statutum, cui titulus *de restitutione juris patronatus, rectoriarum appropriationum, decimarum aliorumque jurium, quæ fidelibus regni subsidia tempore ultimorum tumultuum fuerunt ablata*; per exacti-
onem subsidii ex bonis ecclesiasticis, non ante impetrato (ut leges regni exegerint) consensu cleri in synodo congregati; item dum imposita fuerit necessitas singulis beneficiorum ecclesiastico-

P. 145.

P. 243.

P. 553.

P. 271.

P. 261.

P. 274.

P. 265.

P. 279.

P. 249.

P. 301.

P. 263.

P. 301.

- p. 303. rum possessoribus, obtinendi propter annatas fisco regio exinde debitas quinque diversa instrumenta obligatoria, eorundemque intuitu quinque honorarium certum solvendi, cum regnante Henrico VIII atque Elisabetha, unica duntaxat scriptura, sed quatuor deinceps fuerint impetrandæ. Inde Jacobo II sceptro ad-moto, non ilico abjectum fuisse dicit studium augendi pauperum ecclesiarum ministrorum stipendia. Inprimis autem laudandam censet liberalitatem & curam, quam iis temporibus Gulielmus Sancroft, archiepiscopus Cantuariensis, & qui nunc ipsius locum implet, Reverendissimus Thomas Tennison, nec non Simon Patricius, episcopus Eliensis, ea in re ostenderint. Sed cum spei, quam ex oratione Regis prima tam in senatu sanctiore, quam in ipso parlamento habita, populus omnis de salute ecclesiæ Anglicanæ conceperat, mox ingens successisset metus, stabilitam in regno religionem, cumque ea jura omnia cleri subversum iri, factum esse ait, ut nemo fere de levanda clericorum egestate tum temporis cogitandum sibi existimaverit. Gulielmo atque Mariæ, postquam rempublicam regere cepissent, cum tot tantisque difficultatibus domi forisque conflictandum fuisse dicit, ut mirari non debeamus, si ejusmodi curis non statim animum applicare potuerint. Gulielmum tamen, secus quam multi existimant, optime semper animatum fuisse contendit erga religionem per leges publicas in Anglia stabilitam, idque non solum frequentes & solenniter agnovisse eos, qui nomine cleri ac totius populi in parlamenti & synodis convenissent, sed ex aliis quoque multis argumentis luculenter apparere, veluti ex literis A. 1694 ad archiepiscopos a Rege directis; ex eo, quod idem plus vice simpli-ei declaraverit, se sollicitum esse de mediis augendi pauperum ecclesiæ ministrorum redditus, in Anglia non minus, quam in Hibernia; item ex societate, quam d. 16 Jun. A. 1701 eo fine constituit, ut per eandem in partibus exteris propagetur evangelium, ex quo quidem instituto magnam jam utilitatem percepisse ecclesiam proficitur. Regiam quoque Mariam eodem curas suas atque cogitationes contulisse, ostendit, & cum magis quiete vacare illis potuerit, quin nobile consilium, quod eo intuitu (teste Gilberto, episcopo Salisburiensi) formaverat,

rat, ad finem optatum fuerit perductura, dummodo eandem vita longiore frui contigisset. Regio favori accessisse ait benignitatem parliamentorum, quæ & clericos egenos exemerint a necessitate conferendi ad subsidia Regi concessa, & quibusdam ecclesiis ita prospexerint, ut illarum ministris in perpetuum essent redditus ampliores, per statutum quoque A. 1689 conditum, *de non allegando crimine Simonia ab antecessoribus commissio in præjudicium innocentium successorum*, magis securos reddiderint possessoribus beneficiorum ecclesiasticorum. Multa deinde proponit exempla privata eorum, qui Gulielmo regnante in ecclesiis earumque ministros liberales extiterint, quos inter speciatim laudat Samuelem Brewster, armigerum, quod ecclesiæ Botolphi, cujus curam reverendo Autori demandatam esse supra commemoravimus, oblationes, seu dicuntur, paschales restituerit. In numero reliquorum, quos collocavit inter *ἐκτελέτας*, eminent episcopi Lincolnienfis & Salisburienfis, decani & præbendarii capitulorum Nordovicenſis & Lincolnienſis, dominus Gulielmus Maynardus & D. Richardus Busby. Ita ad præsentia tempora descendens, eam de qua initio locuti sumus, Regina augustissimæ, quæ hodie imperium tenet, munificentiam in clerum describit, nullam fere prætermittens circumstantiam, ad factum istud vere gloriosum pertinentem. Deinde statutum ipsum, cujus pariter supra fecimus mentionem, & cui titulus *An All for the making more effectual Her Majesties gracious intentions &c.* secundum singulas illius partes considerandum sibi sumit, & multa adducit, quæ ad illustrationem & commendationem illius apprime facere videntur. Speciatim ea occasione ostendit, quod ius annatarum & decimarum Angliæ regibus ab Henrico VIII assertum, parum utile extiterit coronæ; deinde quod redditus inde obvenientes, doctrinæ divinæ ministris eorumque sustentationi jam A. 1649 fuerint destinati; tum quæ statuta prodierint sub Henrico VIII, Eduardo VI & Elisabetha, de modo exigendi illas annatas atque decimas, nec non de aliis circumstantiis eo respicientibus; postremo quisnam verus sit sensus statuti, cui nomen a *mann morina* datur, & cur statu ecclesiæ jam in melius formato credendum sit, non amplius per illud esse restrictam vel prohibitam liberalita-

P. 323.

P. 322.

P. 323.

P. 327.

P. 347.

P. 373.

P. 382.

P. 385.

P. 390.

tem in clerum, nedum restitutionem eorum, quæ olim titulo
 justo ad ecclesiam pertinuerint. His de novo quædam subjeit,
 ex quibus appareat, non solum præter necessitatem, sed & con-
 tra regulas æquitatis, propter dictas annatas & annuam decimæ
 partis præstationem, quinque distincta instrumenta obligatoria im-
 petrare debuisse beneficiorum ecclesiasticorum possessores; eoque
 majores laudes deferendas existimat Regina, quod onus istud re-
 miserit. Simul mentionem facit quorundam consiliorum, quæ
 Elisabethæ, Jacobo I. & Carolo I. & Carolo II in oppressionem cle-
 ri, sed irritò conatu, fuerint suggesta.

Antequam tractationi susceptæ finem imponat cl. Autor,
 nihil ab instituto suo alienum, aut repugnans officio civis obe-
 dientis se facturum existimat, si his, quorum fidem ad promo-
 vendum opus laudabiliter a se coeptum electura sit Regina, con-
 silia quædam, quæ ad id conducere sibi videantur, modeste pro-
 ponat. Horum primum est, ut (quemadmodum jam a cardina-
 li Polo & alias non semel sit tentatum) numerus exactus ine-
 atur ecclesiarum omnium, quotquot in Angliæ regno & Walliæ
 principatu inveniantur, quæ ministros habeant exiguis stipen-
 diis adjutos. Alterum, ut ratio præcipua habeatur ejusmodi
 ministrorum, qui sint in locis mundinarum privilegio gaudenti-
 bus, populi frequentia maxime celebribus, & prope Londinum
 sitis. Tertium, ut quamdiu non datur occasio redimendæ ea,
 quæ singulis ecclesiis per appropriationes decesserunt, ministris
 illarum egentibus ex nummis, ad istam redemptionem destinatis,
 interea præbeantur annuatim certi redditus, & si quem fundum ec-
 clesiæ quondam ablatum eidem restitui contigerit, pars fructuum
 tribuatur ecclesiæ oppidi alicujus vicini. Quartum, ut, quibus ec-
 clesiarum ministris stipendia augentur, eorum quoque officio
 atque laboribus aliquid addatur, in utilitatem populi iis commissi.
 Quintum, ut media circumspiciantur, quibus adduci queant bo-
 norum ad ecclesias spectantium possessores, ad illa æquis conditio-
 nibus ecclesiis vendenda. Sextum, ubi ad ductum consilii, quod
 erat in ordine tertium, novi redditus in pecunia consistentes mi-
 nistris ecclesiarum assignantur, ut iisdem in locis incolæ sive pa-
 rochiani, una cum appropriatoribus seu bonorum quondam ec-
 clesia-

clenasticorum possessoribus persuadeantur, ad aliquid de suo redditibus istis adiciendum. Ultimam; quia in eorum numero, qui appropriatores dicuntur, episcopi etiam inveniuntur, alique in dignitatibus ecclesiasticis constituti, & integra collegia ecclesiastica, ut consilia ineantur, quibus ab his quoque (prout jam factum esse a quibusdam, & præcipue ab episcopo nec non capitulo Carleolensi commemorat) possit obtineri aliquid in utilitatem ecclesiarum, quæ per istas appropriationes possint detrimentum. Tandem exempla subijcit quorundam, qui sub regno præsentis liberalitate sua in ecclesias inclaruerint, nimirum comitis Nottinghamiæ, Henrici Forsteri & Hiobi Marstoni. Nonnullos etiam antea a se prætermissos, & qui tempore regum antecedentium eodem nomine laudari meruerint, recenset, cumque de domino Simone Digbæo, Richardo Temple baronetto, speciatim vero de archiepiscopo Armachano, Bramhallio, quædam commemorasset, duo refert memorabiliter dicta, unum Thomæ, Stratifordie comitis, Regisque Caroli I locum in Hibernia quondam tenentis, alterum Georgii, ducis Albemariæ, quorum ille filio suo injunxerit, ne unquam, nisi velit iram Numinis in se provocare, permissum sibi credat possidere quicquam, quod ecclesiæ debeat; hic vero solitus fuerit, admodum frequenter in sermonibus cum episcopo Salisburienfi habitis, partem suæ felicitatis haud exiguum dicere, quod in omnibus suis bonis nihil omnino inveniatur, quod unquam piis usibus fuerit devotum. In fine operis adduntur varia documenta, quibus fides adstruitur his, quæ in ipso libro fuerunt proposita, cumque maximam partem deprompta sint ex schedis manuscriptis in locis diversis asservatis, nec antea typis excusa, multum per illa accedit pretio, quod opus integrum pietati, ingenio atque industriæ Reverendi Autoris debet.

JOANNIS ORTWINI WESTENBERGII JCTE
& Antecessoris de Causis Obligationum Liber singularis, seu
Dissertationes novem.

Harderovici, apud viduam & filios Alb. Sas, 1704. in 8. Plag. 22.

NOVem Dissertationes, a diversis Respondentibus, quorum nomina sub initium quoque libri adjecta sunt, more Academico

P. 417.

P. 419.

P. 423.

P. 427.

P. 438.

mico habitas, conjunctim, uno volumine, hic exhibet Autor noster Clarissimus. In *Dissertatione prima*, post explicatam causæ efficientis & obligationis indelem, hujus causam remotam, ait esse Jus, hoc autem cum Divinum aut humanum, & illud iterum innatum vel revelatum sit, hinc singulas istas Juris species persequitur. Primo igitur Jus Divinum Naturale, ac Obligationes inde venientes, quibus homo Deo, sibi ipsi, & proximo obstringitur, expendit; inde ad Jus Divinum revelatum progreditur, quod triplex esse docet, Morale, Ceremoniale & Forense. Denique pergit ad Jus Civile, ac in specie, Romanorum, secundum quod Obligationem in mere naturalem, mere civilem, & mixtam non male dividi, existimat, ac singulas dein species definitionibus, subdivisionibus & exemplis, amplius illustrat. *Dissertatio secunda* tractatum, de causis Obligationum propinquis, pandit. Has Noster in Ordinarias & Extraordinarias distinguit, ac illarum quatuor species, Contractum, Quasicontractum, Maleficium & Quasimaleficium; harum plures, varias scilicet Causarum figuras, esse arbitrat. Quibus generaliter propositis, singularum specierum prolixior deinde sequitur explicatio. Quid ergo Contractus sit, primo Noster inquit, eumque in Nominatum & Innominatum dispecit, adjectis utriusque subdivisionibus consuetis. Quasicontractus, ex ejus sententia, est factum aliquod non turpe, ex quo, citra conventionem, nascitur obligatio. De numero Quasicontractuum, res dubia est, sed Clarissimus Autor, præter quinque species, Justiniano laudatas, Negotiorum gestionem, Tutelæ administrationem, Rei communionem, Hæreditatis additionem, & Indebiti solutionem, nullas alias admittit, ac firmandæ doctrinæ suæ, quasdam leges, quæ objici poterant, explicat. Delictum ipsi est omne factum illicitum, dolo malo commissum, quod poenam meretur: dividitur ab eodem, juxta receptam sententiam, in publicum & privatum, quod iterum est vel ordinarium, vel extraordinarium, cui etiam delictum populare accensendum esse censet. Quasidelictum, ex doctrina Nostri, est factum, quod quidem proprie delictum non est, sed propter culpam, delicto est proximum; cumque quatuor ejus species, post Gajum, Justinianus saltem commemoraret, hinc probabile illi videtur,

tur, solas illas Quasidelictorum nomine venire. Hæc de causis Obligationum ordinariis. Cum vero hæc introducendis obligationibus omnibus, haut sufficere fuerint visæ Jctis, ideo varias causarum figuras, i. e. varia negotia, a contractu & inaleficio distincta, ex quibus tamen, propter æquitatis rationem, obligatio nascitur, velut causas obligationum extraordinarias & irregulares, adjeceerunt. Has ergo distinctius persecuturus doctissimus Autor, in *Dissertatione tertia*, de Æquitate primo aliqua præmittit, cumque elegantissimus casus in *l. 32. de R. C.* (quam auream, aureisque literis scribendam, nec non speculum aureum, imo legem Divinam appellant Doctores, de veteri, ut videtur, superstitione) ei occurrere videatur, quo propter solam æquitatem, actio conceditur, ideo, præmissa prolixiori laudatæ legis expositione, ostendit, in ea subesse negotium, quod neque ad contractum, neque delictum referri possit, actionemque inde descendentem, merito Conditionem ex lege dicendam esse, addita disquisitione, quo usque illa lex, ad alios casus, bene vel male extendatur. Cum igitur Condicio ex lege, in illa lege 32 occurrat, eademque ex variis causarum figuris alias oriri credatur, ideo Noster, in *Dissertatione quarta*, Conditionem illam primo in genere exponit, postea ejus species, quæ ex pactis legitimis nascuntur, persecutus, disquirat, an pactum compromissorium, suffragii, contractus, & in specie, stipulatio ac literarum obligatio, pactis legitimis recte annumerentur? eo etiam addito, quod quæ contractus ad pacta legitima male referantur. His absolutis, de aliis casibus, quibus Condicio ex lege competat, ac in specie, an in casu *l. 1. C. de jur. emphy. l. 2. C. de rescind. vendit. l. un. C. de suffrag. l. 5. C. de ingen. man.* illa locum inveniat, Noster satagit. Conditionibus ex lege, similes sunt Actiones in factum, quibus *Dissertatio quinta* destinata est. In ea Clarissimus Autor, nomen & indolem Actionum in factum generaliter explanat, earumque originem & necessitatem, ex hypothesebus fori Romani deducit, & quam varie illæ supponantur, distinctius edisserit. Inde progreditur ad Actiones in factum subsidarias civiles, variis exemplis illustratas, quas excipiunt Actiones in factum subsidariæ Prætorie, quibus etiam non exi-

guus exemplorum numerus, lucem affundit. Præter actiones in factum subsidiarias, dantur & aliz, iis affines, Actio scilicet de factum juncto, Actio subsidiaria pupillis & minoribus contra magistratus minores competens, & Actio judicati, quæ licet, habita æquitatis, ex qua sola oriuntur, ratione, Actiones in factum dici queant, attamen, quia singulæ propriis appellantur nominibus, ideo in *Dissertatione sexta*, seorsum de iis agendum sibi esse existimavit Noster. In indagandis igitur actionum illarum appellationibus, natura, varietate & fundamento, prolixè satis occupatur. Nondum fons causarum extraordinariorum exaruit, sed ex eo plures adhuc actiones aliæ scaturire Nostro videntur. Nam in istum censum, *Dissertatione septima*, Actionem ad petendam restitutionem in integrum, de pauperie, ad exhibendum, Conditionem sine causa, Triticariam, Actionem de pecunia constituta: *Dissertatione octava*, Actionem redhibitoriam & quanti minoris, actionem ex vinculo matrimoniali ortam, actionem ad alimenta præstanda, liberis & parentibus competentem: *Dissertatione nona*, Actionem ad collationem faciendam, damni infecti, aquæ pluviz arcendæ, querelam inofficiosæ donationis, remedium indemnitis seu beneficium separationis bonorum, obligationem & actionem ex pollicitatione natam, ac tandem actiones extraordinarias, de quibus ipse Prætor vel Præses, extra ordinem, quandoque cognoscebat, refert, ac circa singulas, præcipuam operam eo intendit, ut eas ex nulla causa ordinaria, contractu puta, quasicontractu, maleficio aut quasimaleficio, descendere, adeoque ex causa extraordinaria, sive sola æquitate, reperendas esse ostendat, quod in genere admonuisse, satis videtur. Speciminis tamen loco, ejus sententiam, quoad actionem redhibitoriam & quanti minoris, quæ in *Dissertatione octava*, primo loco comparer, explicatius nonnihil exhibebimus. Adiliti Edicti sententia & rationibus adductis, ac utriusque actionis, redhibitoriz & quanti minoris, definitione, appellationibus & concursu explicatis, contendit, actiones illas ex mera æquitate, ne emtores rerum vitiosarum damnum sentiant, esse introductas, eaque ratione, dativas posse dici, utut ipsa actionum, in dativas & nativas, distinctio, minus accurata Nostro videatur; postea

postea refellit eos, qui ad præstationes, quas *Ædiles* venditoribus injunxerunt, ex ipso emtionis & venditionis contractu, agi posse censent: nam actiones ex contractu descendentes, ad eum implendum, non solvendum, regulariter competunt, & quid opus fuisset actione redhibitoria & quanti minoris, si ex ipso contractu agere potuissent emtores læsi? præterea illa sententia aperte *L. 2. C. de Edilit. Actiōn.* repugnat; denique in plerisque actiones *Edilitiæ*, & actio emti differunt, quas differentias Noster recenset, ac objectionibus nonnullis, ex *L. 11. §. 3. 5. de A. E. V. l. 23. §. 4. de Edilit. edict.* desumptis respondet.

OBSERVATIO D. JOHANNIS WRIGHTII, COL-
leg. Med. Lond. Socii, de Ulcere Pulmonum, in Epistola ad GULIEL-
MUM COWPERUM, Soc. Reg. Socium recensita, una cum
hujus Responsione.

Excerpta ex Actis Philof. Anglic. A. 1703. N. 285.

PUella 18. annorum Anno 1701. Mense Majo variolis corripie-
batur adeo benignis, ut Medici consilio non indigere videre-
tur, donec in squamas illæ abiissent. Tunc enim respiran-
di difficultas, quæ paulo ante eam vexaverat, tantum corpi incre-
mentum, ut septimo post variolarum eruptionem die, materiam
sanguineam expueret viscidam, quæ nec pituita sanguinis striis
picta, nec cruori permixta esse videbatur, sed tota omnino erat san-
guinea; non tamen sanguinis calidi instar fluebat, multo minus ve-
lut cruor frigidus coagulabatur, sed dum effundebatur, instar
pituitæ, ex ventriculo per vomitum rejectæ, pelvi adharebat.
Quamvis vero talis hæmoptysis mukum quotidie intenderetur,
atque subinde per diem vel sextarius dictæ materiæ ejiceretur; pau-
cis tamen septimanis post sinitati ægra restituta, bonum recupe-
ravit corporis habitum, Lunæque tributum solvere iterum cepit,
& a mense Julio ad Decembrem usque latis bene valuit. Quo
tempore respirandi difficultas repetens indies crescebat, cum
plenitudinis quodam atque ponderis sensu in sinistro latere, ita
ut ægra huic quidem commode incumbere possit, quoties autem
in dextrum se convertere elaborabat, pondus quasi ex sinistro ad
dextrum latus labi perciperet, cum dyspnœæ augmento atque tussi.

D d a

Qua-

Qualia symptomata cum ad nativitatis Christi usque festum indies augerentur, crassam tandem foetidamque materiam purulentam excernere cepit, bono interim appetitu gaudens, & ab omni insultu febrili libera. Authoris curæ tradita puella, medicamenta pus per *αναστασιον* evacuantia assumpsit cum euphoria, mensibus interim periodum servantibus, nec hecticæ signis præsentibus, a tantillo autem frigoris admissio pus foetidum ejiciebatur. Per aliquot horas omnis tussiendo molestia erat expers, quamprimum autem eam hæc, post aliquem plenitudinis sensum, affligere incepit, non prius desit, quam duo circiter puris foetidi cochlearia essent excreta; idque potissimum mane, a meridie, & noctu continebat. Cum itaque pulmonum lobum sinistrum, abscessu occupari suspicio oriretur, in lecto caput prorsum sinistro brachio suffulcire iussa est, ut post levem tussim pus effluere eo felicius posset. Aliquando, post frigoris sensum a meridie, pulsu celeriori reddito, calor febrilis accendebatur, indies increscens, quem leve comitabatur delirium ad aliquot dies; donec post se reliquit hecticam cum rubore, vespere genas pingente, sudoribus nocturnis, diarrhoea continua, atrophia & crurum demum œdematè sociatam, etiamsi lecto fuisset affixa. Inter septimam & octavam costam nodi aliquot exiles se offerebant tactui, qui una cum aliis phænomenis, ibidem loci ulcerosos pulmones pleuræ adhaerere, suspicionem augebant. Etiam si igitur causticum dicto loco potissimum applicari debuisset, prævidens tamen Author cum aliis sibi junctis Medicis, mammæ sinistræ glandulas simul arrosumiri, spatio inter sextam & septimam costam sursum numerando illud apposuit; quo remoto, & lancæola in pectoris cavitatem adacta, lymphæ profluebat, sanguinolenta absque pure: immissoque specillo, pulmones ad inferiorem costæ septimæ partem adhaesisse observabantur; antequam autem eschara separaretur, pus prorupit, quotiescunque ulcus deligabatur, quod sensim atque sensim imminuebatur, ad curationis usque finem. Quem tamen antequam attingeret puella, de immenso circa cartilaginem ensiformem conquesta est dolore, & tanto quidem, ut cannulam ipsa quoties extrahere haberet necesse; quod a cannula nervum premente illeretur. Sicque mensē Augusto perfecte sanata, sequentibus

men-

mensibus pristinum corporis habitum recepit, indicio manifesto, non omne pulmonum ulcus, prout nonnullis videtur, esse incurabile.

Cum autem puellæ huic curandæ etiam Gulielmus Cowperus adfuerit, non potuit non hic, in Responsione sua, D. Wrigthii, felicem curæ successum constanter prædicentis, peritiam collaudare, atque in memoriam revocare puris non minus graveolentiam summam, quam putridam acrimoniam, qua specillum immisissum & syringam argenteam in injectionibus usurpatam arroserat. Nec dubium superesse ullum dicit, quin pus, ex vulnere facto profluens, ab eadem cavitate proveniret, ex qua ante cum tussi per os fuerat rejectum; siquidem puella sub injectionibus, quas tinctura myrrhæ ingrediebatur, de amaro sapore in ore fuerit conquesta. Recensitis dein aliis agrorum, similibus pulmonum ulceribus laborantium, exemplis, merito miratur Clarissimus Cowperus, quifiat, ut parte una pulmonum obstructa, hominem vivere, & reliqua pulmonum pars totam massam sanguineam, ex dextro cordis ventriculo ad sinistram, æquali temporis momento, & sub æquali quantitate, sub qua per reliquas corporis partes omnes circulatur, deducere queat; cum modum conveniat omnino admirari, quo in statu naturali, ubi pulmonum canales omnes aperti sunt, id contingat. Ad cuius phænomeni explanationem sequentia instituit experimenta. Scilicet aquam in arteriam pulmonalem injectam dum per venam pulmonalem redire conspexit, idem etiam cum cera tentavit feliciter. Postquam enim hanc calidissimam cum oleo terebinthinae mixtam, & colore, Vermillon dicto, tinctam in arteriam memoratam solum juniorum injectit, venam ea cum auricula sinistra adeo repletam vidit, ut pars ejus, ad sinistram usque cordis ventriculum penetraverit; licet aliquid ceræ ad bronchia simul esset depositum. Corda humana præparando, & eorum ventriculos, auriculas & truncos vasorum sanguineorum cera replendo, itidem advertit, quod cera, diversis coloribus tincta, in arteriam & venam pulmonalem, sine extrema vi injecta, ex arteriis ad venas tantum, non verò ad tracheas simul, pervenerit. Nec in aliis corporum humanorum æque ac quadrupedum visceribus ceram per arterias ad venas

nas adigere potuit, præterquam in pulmonibus, liene & pene; in quibus tamen ut succederet experimentum, cera summo cum impetu injicienda fuit. Cum autem nudis oculis vasorum extremitates nec in animalibus vivis, dum sanguis adhuc per vasa circulatur, cumprimis in partibus pellucidis omenti, vel mesenterii quadrupedum, aut in pulmonibus ranarum, vel lacertarum viventium; nec in mortuis, dum sanguis in pulmonibus est retentus, usurpari possint, mediante microscopio id tentavit. Facta enim incisione in corporibus dictorum animalium, pulmonum prolapsorum & aëre inspirato distentorum partem, cordi quam proxime adstantem, citissime & firmissime ligavit; quo facto exsiccatis ranarum & lacertarum pulmones eorumque vasa microscopii ope ita contexta deprehendit, prout in fig. 1. 3. 4. 5. 6. offeruntur. Adeoque certissime sibi persuasum habet Author Clarissimus, communicationes vasorum sanguineorum in pulmonibus magis esse patulas, quam in aliis partibus, excepto liene & pene, donec monstretur, ceram liquefactam æque facile in reliquis corporis humani ac quadrupedum partibus ex arteriis ad venas penetrare. Quemadmodum vero rationem inde petit sanguinis per pulmones in statu naturali fluentis; ita e diverso, si in statu p. n. vasa quædam sanguinea pulmonum vel angustentur, vel penitus comprimantur, ut in ulceribus pulmonum, tunc a reliquis adhuc sanis vasis plus solito per eorum cavitatem transmitti reputat, quippe quæ sensim ita dilatentur, ut illorum defectum commodè resarcire valeant. Id quod etiam in ramorum arteriosorum communicatione fieri observat, quando in anevrismatis cura ramus quidam insignis vel truncus ligatur.

TAB. V.

Explicatio Figurarum Tabulæ V.

Figura 1 exhibet pulmonem ranæ ligatum & exsiccatum, microscopio inspectum, cujus vasorum extremitates tam amplæ sunt, ut tres sanguinis globulos transmittere possint.

AA. Arteriæ.

BB. Venæ.

CC. Earum inosculationes.

D. A-

Fig



Fig: 3.





Fig: 5.



nas adigere potuit, præterquam in pulmonibus, liene & pene; in quibus tamen ut succederet experimentum, cera summo cum impetu injicienda fuit. Cum autem nudis oculis vasorum extremitates nec in animalibus vivis, dum sanguis adhuc per vasa circulator, cumprimis in partibus pellucidis omenti, vel mesenterii quadrupedum, aut in pulmonibus ranarum, vel lacertarum viventium; nec in mortuis, dum sanguis in pulmonibus est retentus, usurpari possint, mediante microscopio id tentavit. Facta enim incisione in corporibus dictorum animalium, pulmonum prolapsorum & aëre inspirato distentorum partem, cordi quam proxime adstantem, citissime & firmissime ligavit; quo facto exsiccatos ranarum & lacertarum pulmones eorumque vasa microscopii ope ita contexta deprehendit, prout in fig. 1. 3. 4. 5. 6. offeruntur. Adeoque certissime sibi persuasum habet Author Clarissimus, communicationes vasorum sanguineorum in pulmonibus magis esse patulas, quam in aliis partibus, excepto liene & pene, donec monstretur, ceram liquefactam æque facile in reliquis corporis humani ac quadrupedum partibus ex arteriis ad venas penetrare. Quemadmodum vero rationem inde petit sanguinis per pulmones in statu naturali fluentis; ita e diverso, si in statu p. n. vasa quædam sanguinea pulmonum vel angustentur, vel penitus comprimantur, ut in ulceribus pulmonum, tunc a reliquis adhuc sanis vasis plus solito per eorum cavitatem transmitti restat, quippe quæ sensim ita dilatentur, ut illorum defectum amode refarcire valeant. Id quod etiam in ramorum arteriorum communicatione fieri observat, quando in aneurismatis ramus quidam insigne vel truncus ligatur.

Explicatio Figurarum Tabulæ V.

Fig. 1. exhibet pulmonem ranæ ligatum & exsiccatum, microscopio inspectum, cujus vasorum extremitates tam amplæ sunt, ut sanguinis globulos transmittere possint.

Fig. 2.

Fig. 3.

Fig. 4. quæ insecutiones.

D. A-

Fig.



Fig: 3.





Fig: 5.



guus exemplorum numerus, lucem affundit. Præter actiones in factum subsidiarias, dantur & aliæ, istis affines, Actio scilicet de tigno juncto, Actio subsidiaria pupillis & minoribus contra magistratus minores competens, & Actio iudicati, quæ licet, habita æquitatis, ex qua sola oriuntur, ratione, Actiones in factum dici queant, attamen, quia singulæ propriis appellantur nominibus, ideo in *Dissertatione sexta*, seorsum de iis agendum sibi esse existimavit Noster. In indagandis igitur actionum illarum appellationibus, natura, varietate & fundamento, prolixè satis occupatur. Nondum fons causarum extraordinariorum exaruit, sed ex eo plures adhuc actiones aliæ scaturire Nostro videntur. Nam in istum censum, *Dissertatione septima*, Actionem ad petendam restitutionem in integrum, de pauperie, ad exhibendum, Conditionem sine causa, Triticariam, Actionem de pecunia constituta: *Dissertatione octava*, Actionem redhibitoriam & quanti minoris, actionem ex vinculo matrimoniali ortam, actionem ad alimenta præstanda, liberis & parentibus competentem: *Dissertatione nona*, Actionem ad collationem faciendam, damni infecti, aquæ pluvie arcendæ, querelam inofficiose donationis, remedium indemnitis seu beneficium separationis bonorum, obligationem & actionem ex pollicitatione natam, ac tandem actiones extraordinarias, de quibus ipse Prætor vel Præfex, extra ordinem, quandoque cognoscebat, refert, ac circa singulas, præcipuam operam eo intendit, ut eas ex nulla causa ordinaria, contractu puta, quasicontractu, maleficio aut quassimaleficio, descendere, adeoque ex causa extraordinaria, sive sola æquitatè, repetendas esse ostendat, quod in genere admonuisse, satis videtur. Speciminis tamen loco, ejus sententiam, quoad actionem redhibitoriam & quanti minoris, quæ in *Dissertatione octava* primo loco comparer, explicatius nonnihil exhibebimus. Edicti Edicti sententia & rationibus adductis, ac utriusque actionis, redhibitorie & quanti minoris, definitione, appellationibus & concursu explicatis, contendit, actiones illas ex mera æquitatè, ne emtores rerum vitiosarum damnum sentiant, esse introductas, eaque ratione, dativas posse dici, utur ipsa actionum, in dativas & nativas, distinctio, minus accurata Nostro videatur, postea

postea refellit eos, qui ad præstationes, quas Aediles venditoribus injunxerunt, ex ipso emtionis & venditionis contractu, agi posse censent: nam actiones ex contractu descendentes, ad eum implendum, non solvendum, regulariter competunt, & quid opus fuisset actione redhibitoria & quanti minoris, si ex ipso contractu agere potuissent emtores læsi? præterea illa sententia aperte L. 2. C. de Aedil. Actio. repugnat; denique in plerisque actiones Edilitiæ, & actio emti differunt, quas differentias Noster recenset, ac objectionibus nonnullis, ex l. 11. §. 3. 5. de A. E. V. l. 23. §. 4. de Aedil. edict. desumptis respondet.

OBSERVATIO D. JOHANNIS WRIGHTII, COL-
leg. Med. Lond. Socii, de Ulcere Pulmonum, in Epistola ad GULIEL-
MUM COMPERUM, Soc. Reg. Socium recensita, una cum
hujus Responsione.

Excerpta ex Actis Philos. Anglic. A. 1703. N. 285.

Pleura 18. annorum Anno 1701. Mense Majo variolis corripie-
batur adeo benignis, ut Medici consilio non indigere videretur,
donec in squamas illæ abiissent. Tunc enim respiran-
di difficultas, quæ paulo ante eam vexaverat, tantum corpi incre-
mentum, ut septimo post variolarum eruptionem die, materiam
sanguineam expueret viscidam, quæ nec pituita sanguinis striis
pistillæque cruri permixta esse videbatur, sed tota omnino erat san-
guinea; non tamen sanguinis calidi instar fluebat, multo minus ve-
luti feror frigefactus coagulabatur, sed dum effundebatur, instar
pituitæ, ex ventriculo per vomitum rejectæ, pelvi adhærebat.
Quantis vero talis hæmoptysis multum quotidie intenderetur,
atque subinde per diem vel sextarius dictæ materiæ ejiceretur; pau-
cis tamen septimanis post sinitati ægra restituta, bonum recupera-
vit corporis habitum, Lunæque tributum solvere iterum cepit,
& a mense Julio ad Decembrem usque satis bene valuit. Quo
tempore respirandi difficultas repetens indies crescebat, cum
plenitudinis quodam atque ponderis sensu in sinistro latere, ita-
que ægra huic quidem commode incumbere posset, quoties autem
in dextrum se convertere elaborabat, pondus quasi ex sinistro ad
dextrum latus labi perciperet, cum dyspnœæ augmento atque tulli.

Dd a

Qua-

guus exemplorum numerus, lucem affundit. Præter actiones in factum subsidiarias, dantur & aliæ, iis affines, Actio scilicet de tigno juncto, Actio subsidiaria pupillis & minoribus contra magistratus minores competens, & Actio iudicati, quæ licet, habita æquitatis, ex qua sola oriuntur, ratione, Actiones in factum dici queant, attamen, quia singulæ propriis appellantur nominibus, ideo in *Dissertatione sexta*, seorsum de iis agendum sibi esse existimavit Noster. In indagandis igitur actionum illarum appellationibus, natura, varietate & fundamento, prolixè satis occupatur. Nondum fons causarum extraordinariorum exaruit, sed ex eo plures adhuc actiones aliæ scaturire Nostro videntur. Nam in istum censum, *Dissertatione septima*, Actionem ad petendam restitutionem in integrum, de pauperie, ad exhibendum, CondiCTIONem sine causa, Triticariam, Actionem de pecunia constituta: *Dissertatione octava*, Actionem redhibitoriam & quanti minoris, actionem ex vinculo matrimoniali ortam, actionem ad alimenta præstanda, liberis & parentibus competentem: *Dissertatione nona*, Actionem ad collationem faciendam, damni infecti, aquæ pluvie arcendæ, querelam inofficiosa donationis, remedium indemnitis seu beneficium separationis bonorum, obligationem & actionem ex pollicitatione nata, ac tandem actiones extraordinarias, de quibus ipse Prætor vel Præses, extra ordinem, quandoque cognoscebat, refert, ac circa singulas, præcipuam operam eo intendit, ut eas ex nulla causa ordinaria, contractu puta, quasicontractu, maleficio aut quasimaleficio, descendere, adeoque ex causa extraordinaria, sive sola æquitatè, reperendas esse ostendat, quod in genere admonuisse, satis videtur. Speciminis tamen loco, ejus sententiam, quoad actionem redhibitoriam & quanti minoris, quæ in *Dissertatione octava* primo loco compareret, explicatius nonnihil exhibebimus. Edicti Edicti sententia & rationibus adductis, ac utriusque actionis, redhibitoria & quanti minoris, definitione, appellationibus & concursu explicatis, contendit, actiones illas ex mera æquitatè, ne emtores rerum vitiosarum damnum sentiant, esse introductas, eaque ratione, dativas posse dici, utut ipsa actionum, indativas & nativas, distinctio, minus accurata Nostro videatur; postea

postea refellit eos, qui ad præstationes, quas Ædiles venditoribus injunxerunt, ex ipso emtionis & venditionis contractu, agi posse censent: nam actiones ex contractu descendentes, ad eum implendum, non solvendum, regulariter competunt, & quid opus fuisset actione redhibitoria & quanti minoris, si ex ipso contractu agere potuissent emtores læsi? præterea illa sententia aperte *L. 2. C. de Edilit. Action.* repugnat; denique in plerisque actiones Edilitiæ, & actio emti differunt, quas differentias Noster recenset, ac objectionibus nonnullis, *ex l. 11. §. 3. 5. de A. E. V. l. 23. §. 4. de Edil. edit.* desumptis respondet.

*OBSERVATIO D. JOHANNIS WRIGHTII, COL-
leg. Med. Lond. Socii, de Ulcere Pulmonum, in Epistola ad GULIEL-
MUM COWPERUM, Soc. Reg. Socium recensita, una cum
hujus Responsione.*

Excerpta ex Actis Philoſ. Anglic. A. 1703. N. 285.

Puella 18. annorum Anno 1701. Mense Majo variolis corripiebatur adeo benignis, ut Medici consilio non indigere videretur, donec in squamas illæ abiissent. Tunc enim respirandi difficultas, quæ paulo ante eam vexaverat, tantum cepit incrementum, ut septimo post variolarum eruptionem die, materiam sanguineam expueret viscidam, quæ nec pituita sanguinis striis picta, nec cruori permixta esse videbatur, sed tota omnino erat sanguinea; non tamen sanguinis calidi instar fluebat, multo minus velut cruor frige factus coagulabatur, sed dum effundebatur, instar pituitæ, ex ventriculo per vomitum rejectæ, pelvi adhærebat. Quamvis vero talis hæmoptysis multum quotidie intenderetur, atque subinde per diem vel sextarius dictæ materiæ ejiceretur; paucis tamen septimanis post finitati ægra restituta, bonum recuperavit corporis habitum, Lunæque tributum solvere iterum cepit, & a mense Julio ad Decembrem usque satis bene valuit. Quo tempore respirandi difficultas repetens indies crescebat, cum plenitudinis quodam atque ponderis sensu in sinistro latere, ita ut ægra huic quidem commode incumbere possit, quoties autem in dextrum se convertere elaborabat, pondus quasi ex sinistro ad dextrum latus labi perciperet, cum dyspnœæ augmento atque tussi.

Dd 1

Qua-

Qualia symptomata cum ad nativitatis Christi usque festum indies augerentur, crassam tandem foetidamque materiam purulentam excernere cepit, bono interim appetitu gaudens, & ab omni insultu febrili libera. Authoris curæ tradita puella, medicamenta pus per *diarsidagium* evacuantia assumpsit cum euphoria, mensibus interim periodum servantibus, nec hecticæ signis præsentibus, a tantillo autem frigoris admissio pus foetidum ejiciebatur. Per aliquot horas omnis tussendi molestia erat expers, quamprimum autem cum hæc, post aliquem plenitudinis sensum, affligere incepit, non prius desuit, quam duo circiter puris foetidi cochlearia essent excreta; idque potissimum mane, a meridie, & noctu continebat. Cum itaque pulmonum lobum sinistrum, abscessu occupari suspicio oriretur, in lecto caput pronum sinistro brachio suffulcire iussit, ut post levem tussim pus effluere eo felicius posset. Aliquando, post frigoris sensum a meridie, pulsu celeriori reddito, calor febrilis accendebatur, indies increfcescens, quem leve comitabatur delirium ad aliquot dies; donec post se reliquit hecticam cum rubore, vespere genas pingente, sudoribus nocturnis, diarrhœa continua, atrophia & crurum demum œdemate sociatam, etiamsi lecto fuisset affixa. Inter septimam & octavam costam nodi aliquot exiles se offerebant tactui, qui una cum aliis phænomenis, ibidem loci ulcerosos pulmones pleuræ adharere, suspicionem augebant. Etiamsi igitur causticum dicto loco potissimum applicari debuisset, prævidens tamen Author cum aliis sibi junctis Medicis, mammæ sinistræ glandulas simul arrosumiri, spatio inter sextam & septimam costam sursum numerando illud apposuit; quo remoto, & lanceola in pectoris cavitatem adacta, lymphæ profluebat, sanguinolenta absque pure: immisilloque specillo, pulmones ad inferiorem costæ septimæ partem adhæsisse observabantur; antequam autem eschara separaretur, pus prorupit, quotiescunque ulcus deligabatur, quod sensim atque sensim imminuebatur, ad curationis usque finem. Quem tamen antequam attingeret puella, de immenso circa cartilaginem ensiformem conquesta est dolore, & tanto quidem, ut cannulam ipsa aliquoties extrahere haberet necesse; quod a cannula nervum premente ille crearetur. Sicque mensē Augusto perfecte sanata, sequentibus

men-

mensibus pristinum corporis habitum recepit, indicio manifesto, non omne pulmonum ulcus, prout nonnullis videtur, esse incurabile.

Cum autem puellæ huic curandæ etiam Gulielmus Cowperus adfuerit, non potuit non hic, in Responsione sua, D. Wriethii, felicem curæ successum constanter prædicentis, peritiam collaudare, atque in memoriam revocare puris non minus graveolentiam summam, quam putridam acrimoniam, qua specillum immisissum & syringam argenteam in injectionibus usurpatam arroserat. Nec dubium superesse ullum dicit, quin pus, ex vulnere facto profluens, ab eadem cavitate provenerit, ex qua ante cum tussi per os fuerat rejectum; siquidem puella sub injectionibus, quas tinctura myrrhæ ingrediebatur, de amaro sapore in ore fuerit conquesta. Recensitis dein aliis ægrorum, similibus pulmonum ulceribus laborantium, exemplis, merito miratur Clarissimus Cowperus, qui fiat, ut parte una pulmonum obstructa, homo tamen vivere, & reliqua pulmonum pars totam massam sanguineam, ex dextro cordis ventriculo ad sinistram, æquali temporis momento, & sub æquali quantitate, sub qua per reliquas corporis partes omnes circulatur, deducere queat; cum modum conveniat omnino admirari, quo in statu naturali, ubi pulmonum canales omnes aperti sunt, id contingat. Ad cujus phænomeni explanationem sequentia instituit experimenta. Scilicet aquam in arteriam pulmonalem injectam dum per venam pulmonalem redire conspexit, idem etiam cum cera tentavit feliciter. Postquam enim hanc calidissimam cum oleo terebinthinae mixtam, & colore, Vermillon dicto, tinctam in arteriam memoratam selium juniorum injectit, venam ea cum auricula sinistra adeo repletam vidit, ut pars ejus, ad sinistram usque cordis ventriculum penetraverit; licet aliquid ceræ ad bronchia simul esset depositum. Corda humana præparando, & eorum ventriculos, auriculas & truncos vasorum sanguineorum cera replendo, itidem advertit, quod cera, diversis coloribus tincta, in arteriam & venam pulmonalem, sine extrema vi injecta, ex arteriis ad venas tantum, non vero ad tracheam simul, pervenerit. Nec in aliis corporum humanorum æque ac quadrupedum visceribus ceram per arterias ad ve-

nas adigere potuit, præterquam in pulmonibus, liene & pene; in quibus tamen ut succederet experimentum, cera summo cum impetu injicienda fuit. Cum autem nudis oculis vasorum extremitates nec in animalibus vivis, dum sanguis adhuc per vasa circulatur, cumprimis in partibus pellucidis omenti, vel mesenterii quadrupedum, aut in pulmonibus ranarum, vel laceratarum viventium; nec in mortuis, dum sanguis in pulmonibus est retentus, usurpari possint, mediante microscopio id tentavit. Facta enim incisione in corporibus dictorum animalium, pulmonum prolapsorum & aëre inspirato distentorum partem, cordi quam proxime adstantem, citissime & firmissime ligavit; quo facto excisicatos ranarum & laceratarum pulmones eorumque vasa microscopii ope ita contexta deprehendit, prout in fig. 1. 3. 4. 5. 6. offeruntur. Adeoque certissime sibi persuasum habet Author Clarissimus, communicationes vasorum sanguineorum in pulmonibus magis esse patulas, quam in aliis partibus, excepto liene & pene, donec monstretur, ceram liquefactam æque facile in reliquis corporis humani ac quadrupedum partibus ex arteriis ad venas penetrare. Quemadmodum vero rationem inde petit sanguinis per pulmones in statu naturali fluentis; ita e diverso, si in statu p. n. vasa quædam sanguinea pulmonum vel angustentur, vel penitus comprimantur, ut in ulceribus pulmonum, tunc a reliquis adhuc sanis vasis plus solito per eorum cavitatem transmitti reputat, quippe quæ sensim ita dilatentur, ut illorum defectum commode refarcire valeant. Id quod etiam in ramorum arteriosorum communicatione fieri observat, quando in aneurysmatis cura ramus quidam insignis vel truncus ligatur.

TAB. V.

Explicatio Figurarum Tabulæ V.

Figura 1. exhibet pulmonem ranæ ligatum & excisicatum, microscopio inspectum, cujus vasorum extremitates tam amplæ sunt, ut tres sanguinis globulos transmittere possint.

AA. Arteriæ.

BB. Venæ.

CC. Earum inosculationes.

D. A-

Fig



Fig: 3.






Fig: 5.



D. Area microscopii, prout nudis oculis apparet.

Figura II sistit pedis posterioris ranæ partem, cujus vasorum extremitates unicum saltem sanguinis globulum transmittunt.

AA. Truncus arteriarum.

BB. Truncus venarum ad latera digitorum transcurrents.

CC. Earum extremitates invicem continuatæ, in membrana transparente digitos distinguente.

aa. duo digiti pedis.

Figura III & IV oculis subjicit extremitates arteriarum & venarum, in pulmonibus ranæ alio microscopio inspectas.

AA. Arteriæ.

BB. Venæ.

CC. Earum conjunctiones.

D. Area microscopii.

Figura V monstrat aream quandam hexagonam pulmonis ranæ, qui cum non æque flatu fuerit distensus, ac in figura III & IV areæ etiam seu cellulæ in interstitiis extremitatum angustiores & minores apparent.

AA. Arteriæ.

BB. Venæ.

CC. Earum inosculationes.

D. Area.

Figura VI repræsentat lobum pulmonis lacertæ aquaticæ præparatum.

AA. Truncus arteriæ pulmonalis.

BB. Vena pulmonalis.

CC. Earum rami conjuncti.

DD. Membrana subtilis transparentis.

EXPERIMENTUM ANATOMICUM AD VERAM

Duræ Matris motus causam detegendam institutum ab H. RID-

LEY M. D. & Reg. Coll. Med.

Lond. Socio.

Excerptum ex Actis Philoſ. Angl. A. 1703. N. 187.

Postquam Clar. Ridley in Tractatu suo de Anatomia Cerebri, ante bina lustra publici juris facto, Duræ Matris motum arteriis per-

per totum cerebrum dispersis in acceptum referendum esse, variis experimentis probaverat; Clarissimus autem *Baglinus* in suo *de Fibra Morrice* libello, pulsus hujus causam in propria Duræ Menyngis substantia & textura, cordis æmula, quærendam esse tradiderat: utra contrariarum harum sententiarum veritati propius accedat, examinaturus ille, sequens instituit experimentum.

Canis scilicet superiori bregmatis parte terebrata, membranam duram non sine aliqua sanguinis jactura denudavit. Hinc cohibita hæmorrhagia, absterfoque sanguine, duræ matris ejusque sinus longitudinalis, qui per marginem foraminis decurrebat, motum systalticum cordis vibrationis, quæ justo citatior erat, æmulum, hujusque rhythmo ad amissim respondentemprehendit. Post elapsum unum horæ quadrantem, eandem hamulo acuto suspensam perforavit; quam perforationem acute persentiscere videbatur canis, convulsionis tamen cujusvis expertus. Comparuit sic motus cerebri systalticus, tantillum sanguinis, quod in membrana continebatur, foras propellens. Postea cuspidè forcicis obtusa caute in aperturam membranæ vulneratæ immissa, eam transversim in parte ejus a sinus longitudinalis transitu maxime remota dissecuit; hinc protrusum fuit cerebrum pia matre testum, perseverante adhuc motu ejus ad tactum satis fortis, licet membrana ipsa, ob vim restitutivam fibrarum suarum a plaga accepta imminutam, ad oculos obscurius vibrari videretur. Toto hoc tempore vegetus adhuc erat canis, levibus tantum tremoribus, cum quodam horrore, per-universum corpus affectus. Postquam igitur per aliquot horas hic vexatus multum sanguinis effuderat, ut omnem vim pulificam, quæ vel huic membranæ inesse, vel aliunde accedere supponi potest, adimeret Author, guttulas aliquot olei vitrioli leniter illinebat; unde nigro colore tingebatur hæc, & nulla, saltem exigua & obscura ejus percepta est vibratio, admoto tamen digito satis distinctus cerebri pulsus sentiebatur. Peractis his, cum cultri mucronem ad unius uncie crassitiem in cerebri substantiam intrusisset, vehementer se agitavit canis, hæctenus adhuc vegetus, & in horrendas corporis jactationes & pedum anteriorum & posteriorum convulsiones incidit, & cerebrum fortius quam antea movebatur. Postea spe-

specillo profundius adactō, sensus dolorifici indicia maxima dedit animal, cultro tandem usque ad latus cranii oppositum trajecto horrendis agitatum fuit spasmis; & interim systolen & diastolen cerebri, cum maximo renisu factam, digito Author æque ac alii adstantes perceperunt. Quibus pensitatis phænomenis, patere existimat Clarissimus Ridley, motum cerebri & menyngisa peculiari duræ matris textura minime dependere.

D. ROBERTI HUNTINGTONI EPISTOLÆ, ET veterum Mathematicorum Synopsis, Collectore EDWARDO BERNARDO. Præmittuntur D. HUNTINGTONI &

D. BERNARDI Vita, Scriptore THOMA SMITHO S. Theol. Doct.

Londini, apud A. & J. Churchil, 1704. 8. Plag. 18.

PER varia doctissima scripta, in Actis nostris passim commemorata, dudum orbi erudito ita innotuit Vir Clarissimus Thomas Smithus, ut vel solum nomen ejus affatim commendare possit Huntingtonianas epistolas, quibus in lucem edendis obstetricias manus præstare dignatus est. Epistolis autem Huntingtonianis Vitam ejus præmittere operæ pretium duxit, illustrationi eorum, quæ passim in epistolis habentur, haud raro inservientem. Lucem vero Huntingtonus adspexit Februario mense anni superioris seculi XXXVI Deorhirstæ, quod est oppidum non incelebre ad Sabrinæ ripam situm. Patrem nactus est illius loci Parochum, qui Robertum nostrum secundo genitum, in schola publica Bristolæ literas Græcas & Latinas bene edoctum, cum decimum sextum vitæ annum attigisset, Oxonium ablegavit, ubi primo inter Portionistas, quos vocant, receptus, mox post susceptum primum in artibus gradum, unanimi illorum, penes quos jus eligendi erat, consensu in numerum Sociorum cooptabatur. Anno deinceps 1663 lauream Magistri consecutus, insequentibus comitiis Magistrorum nuncupatus est Senior, quam spartam cum per aliquod tempus egregie ornasset, tum D. Pocockii consilio, tum propria mentis inclinatione ductus, D. Framptono, qui huc usque Halebi mercatoribus Anglis in Oriente a sacris fuerat, jam in Angliam redituro, in sacro isto munere, amplissima mercatorum Londinen-

E c sium,

P. 1.

P. 2.

P. 3.

- p. 5. sium, qui mercaturam in Oriente exercent, societate suffragante successit. Cum ergo Halebum celeberrimum illud Orientis emporium pervenisset, post administrationem sancti muneris, quod ipsi incumberebat, nihil prius antiquiusve habuit, quam ut patriam rerum hactenus pene incompertarum vel saltem vix satis bene cognitarum notitiis, investisque librorum gazis redux ditaret.
- p. 7. Cum vero de libris Syriacis comparandis maxime sollicitus esset, & in iis cumprimis S. Ignatii, Episcopi Antiocheni, epistolas Syriacas investigaret, quarum non tantum Ebed Jesu in Catalogo librorum Chaldæorum obiter indicium fecerat, sed & ipsas epistolas magis diserte Ignatius Antiochenus XVI seculi scriptor, in Catalogo librorum ex Oriente advektorum, Chaldæo-Syra lingua ibi extare, testatum dederat: minime tamen hac ex parte voti compos fieri potuit, cum nec in Syria, nec in Ægypto, nec in Mesopotamia, nec in monte Sina, exemplar Ignatianum sive Græcum sive Syriacum repererit. In iis autem libris, quos Patriarchæ Antiocheni D. Stephani Petri opera adjutus nactus est, Ephremi Syri Commentarius in Pentateuchum, & quædam Homiliæ maxime insignes fuerunt. Cum aliquot annos Halebi versatus fuisset Huntingtonus, ipsum lubido incessit Hierosolyma adeundi, in quo itinere ad reliquias Samaritanorum divertit, ex quibus triginta circiter familiæ Sicima sive Neapolim (utpote ex istius ruinis ab Herode conditam, hodie *Naplos* nuncupatam, juxta montem Garizim tribus horis ab urbe Samaria, olim Σεβαστή, nunc *Isboste*, distitam) incolunt. Ea occasione obiter Clarissimus Smithus de codicibus Samaritanorum sacris nonnulla observat, atque id imprimis, quod si ex codicibus in Anglia obviis judicium ferre liceat, Cottoniano nempe, Bodlejano & Huntingtoniano, nullus eorum CCCC quingentorumve annorum ætatem supergrediatur. In Ægyptum quoque iter fecit Huntingtonus, ibique eandem in investigandis codicibus manuscriptis industriam perpetuo adhibuit. In hisce autem libris Copto-Arabicis singillatim recensendis Auctor non diu versatur: cum ii ex egregio & utilissimo catalogorum opere, Oxonii A. 1697 edito, peti possint. Maxime & in primis memoranda esse judicat tria Evangeliorum exemplaria, quorum unum Kahiræ, alterum in deserto Nitrix, tertium Hierosoly-
- mis

mis reperit, D. Marshallo, qui editionem Copticam N. T. tum temporis moliebatur, transmissa. Præterea dum Kahiræ commoratus est, cum quodam Copto sacerdote de conciliorum duobus voluminibus, una cum appendice concilii Chalcedonenfis, & denique tribus reliquis Pentateuchi Mosæici libris exscribendis fuit pactus. Quoad Huntingtonus in Asia vitam degit, cum multis Viris religionis, religionis Christianæ propagandæ causâ per Orientem quaqua versum sparsis, frequens literarum commercium exercuit. Inter hos ex P. Archangelo de Sancta Theresâ, ordinis Carmelitarum discalceatorum, de Sabæis sive Mendæis quondam quæsit, num qui libri istius sectæ opiniones complectentes adhuc supersessent. Ille Carmelita ut Huntingtoni curiositati satisfacere, postea in Angliam tres libros transmisit, quorum duos Mendæi olim Adamo Protoplastæ a Deo traditos, tertium vero ab Angelis trecentis triginta annorum millibus ante Adamum conditum cœlitus delatos fabulantur. Isti autem libri tanta obscuritate laborant, ut absque interprete nullo modo intelligi possint. Postquam Huntingtonus in Asia undecim annos expleverat, de reditu in patriam cogitans, per Italiam & Galliam in Britanniam rediit, cui restitutus anno 1683 dignitatem Doctoris in facultate Theologica consecutus est. Paulo post Collegii S. Trinitatis, juxta Dublinium in Hibernia, præfectura ipsi licet invito atque reluctanti fuit delata. Bello autem in Hibernia ingruente, fuga sibi consulendum esse duxit. In Angliam ergo redeunti sacerdotium in parochia Hollingburæ, in agro Hartfordiensis sita, ipsi fuit demandatum. Ibi reliquum vitæ tempus transigere in animum induxerat, sed aliter visum Deo. Etenim A. 1701, vacante sede Rapotensi in provincia Ultoniæ, hic episcopatus, opera potissimum Illustriissimi Henrici Comitis Clarendoniæ, ipsi delatus est. Hac de causâ denuo in Hiberniam navigare coactus, Dublinium incolumis appulit, ibique vicesimo die mensis Julii in Ecclesia Christi cum debita solennitate fuit consecratus. Sed prius quam ad sedem suam cathedralem pervenit, morbo implicitus, secundo die Septembris, sexagesimo sexto ætatis anno, placide decessit. Jam ut ex epistolis quoque decerpamus nonnulla, p. 13 meminit cujusdam exemplaris Concilii Florentini, quod ab alio auctore profectum

p. 18.

p. 21.


p. 23.

p. 24.

p. 29.

p. 31.

esse credit, quam ista exemplaria, quæ typis impressa leguntur: duo enim ait in publicum prodisse, quorum alterum Georgio Scholario vulgo tribuatur, alterum vero Sylvestro Syropulo. Præter hos libros, de historia jam dicti Concilii se vidisse fateatur partiunculas & rhapsodias bene multas a Græcis, Belsiarione puta, Demetrio Cydone, Josepho Methonenfi, Gregorio Hieromonacho, Vecco Constantinopolitano &c. confectas. P. 32 & 33 referunt de Armeno quodam, urbis Damasci incola, qui ad defectionem a fide sua sollicitatus, Mahometanorum illecebras omnes & minas ac promissa generoso contemtu respuerit, & hoc pacto martyrii coronam gloriose reportarit; quo martyrio durante, fulgidum jubar cœlestis luminis æmulum sancto corpori aliquandiu illuxerit, alique comparuerint miracula. P. 39 gratias agit D. Angelo a Sancto Joseph Carmelita, quod Sabiorum cultum, ceremonias & superstitionem per Orientem olim diffusam, paulo accuratius ipsum edocuerit; qua occasione hanc sectam dicit vetustissimam, utpote quæ, si Arabibus sit fides habenda, a Sabio quodam altero Sethi filio originem traxerit; quam in rem ostendent libros ab ipso Setho conscriptos, ipsorum veluti SS. Biblia & authenticas institutiones. Hæc & alia scripta de eadem hæresi tractantia, in quibus sunt codices MSS. Thabeti Ebn Corah, ut ipsi transmittat, etiam atque etiam petit. P. 46 multa de Samaritis narrat D. Jobo Ludolfo, eamque gentem ait esse tam parvam, ut non aliam temere invenias, cui comparare possis; hoc tamen non obstante, illos paucitate sua contentos se solos veros Ebræos & Israelitas nuncupare, & Judæos Palæstineses aliosque alto supercilio contemnere, quin etiam odio plus quam Vatiniano prosequi. Cum Huntingtonus apud eos versaretur, atque prolatos libros Samaritano charactere descriptos nullo negotio legeret, forte fortuna inter alios sermones ab ipso quæsierunt, num in Britannia quoque Ebræi reperirentur, quam quæstionem ille, de Judæis respondens, cum ipsi de Samaritanis interrogassent, affirmavit, quo facto præcipiti credulitate inducti sponte sua arripiebant, illos esse suos fratres & contribules, neque postea cum Huntingtonus intelligeret, sese aliter respondisse ac isti rogassent, hunc errorem ullo modo sibi eximi patiebantur. Proinde lite-

ras in Angliam mittere decrevere, an ibi Ebræi per omnia ipsis confenserint exploraturi. Mox quoque literas ejusmodi lingua Ebræa, characteribus autem Samaritanis exaratas, ad Huntingingtonum miserunt, quas ille Oxonium deferendas curavit. Ad eas postea respondit eadem lingua & characterē D. Marshallus, quod literarum commercium per aliquot annos duravit, morte autem Marshalli intermissum penitus cessavit. In singulis ferme istis literis superbe gloriati fuerant, apud ipsos servari vetustissimum legis exemplar, quod scriptum fuerit ab Abisha sacerdote pronepote Aaronis, & illius manu signatum; verum nugas esse & mera mendacia, quæ hac de re proferunt, Huntingtonus exoculari inspectioneprehendit, & ipsos hujus vanæ gloriationis abundeconvicit. P. 51 indicat, Samaritas nomen tetragrammaton יהוה nunquam pronuntiare, sed loco ipsius efferre *Semas* cum ו potius quam ו & ultin a protracta & quasi trisyllaba, ubi laudat conjecturam Ludolfi existimantis, quod sit a  ad morem Judæorum. De Messia loquentes parum sibi constare ait, nunc hoc, nunc illud asserentes; interim tamen observat, ipsos de Servatore nostro ejusque cultoribus admodum honorifice loqui. P. 52 se nescire fatetur, quare nomen Messia scribant יהושע si tamen liceat conjectari, hoc ænigma ita explicari posse putat, ut sint initiales plurium vocabulorum literæ, veluti השילה הכהן. Ibidem rationem annorum seu computum temporis apud Samaritas duplicem esse docet, civilem seu Mohammedicum unum, ab Hegira Pseudopropheta; alterum ecclesiasticum seu Græcum, ex Huntingtoni sententia ab orbe condito. P. 62 & sqq. in gratiam D. Picques Ægypti chartam geographica concinnatur, multa curiosa de rebus Ægypti, urbibus scilicet, fluviis, pyramidibus, Mummiis, inscriptionibus, monasteriis, item de tribus Ægyptiacæ linguæ dialectis affert. P. 75 sequuntur epistolæ, quas insignes Viri ad Huntingtonum perscribere; cum vero in his multa jam in Huntingtoni literis a nobis observata legantur, his prætermittis reliqua breviter perstringemus. P. 77 scribit Michael Neu, Sacerdos e Societate Jesu, ad Huntingtonum, sese suavissima voce Servatoris nostri, qui pacificos vel hoc nomine beatos prædicat, quod filii Dei vocabuntur, provocatum omnem lapidem movisse,

ut concordia inter suam & Anglicanam Ecclesiam in Asia stabili-
liretur, certiozem quoque facit Huntingtonum, se quidem suos,
quanquam non sine magno labore, in suam adduxisse sententiam,
sed valde conqueritur, quod Huntingtonus promissis non steterit,
neque loco ac tempore præstituto cum suis comparuerit. P. 84 F.
Agathangelus Sabæorum libros, quorum jam supra in vita Hun-
tingtoni mentionem fecimus, nominatenus recenset, eorumque
primum dicit nominari *Sabaf Adam*, quem Protopatrem nostrum
Adamum a Deo immediate accepisse fabulantur: secundum, *Sa-
haf Hieshie*, ben Zachariæ (quem nonnulli dixerunt esse præcur-
sorem Domini, S. Joannem Baptistam) & istum pariter dicunt
Hieshie a Deo recepisse: & tertium *Divan*, qui alios magnitu-
dine excedit, sed pari æstimatione habetur. Hos libros Sabæi ma-
gna religione custodiunt, ne forte in aliorum manus perveniant,
& cum alioquin hanc nationem auri sacra fames multum cruciet,
difficillime tamen hac ex parte corrumpi possunt. P. 99 sqq. D.
Stephanus Petrus, Patriarcha Maronitarum Antiochenus, mittit ca-
talogum tum librorum sacrorum, tum operum Patrum, tum
aliorum scriptorum, quæ apud ipsos post tot bella, incendia, rapi-
nas & spoliaciones, quibus Syria per 10 secula fuerit obnoxia, adhuc
superfint. Ex eodem Patriarcha Huntingtonus quæsierat de Di-
onylio Syro, cujus Commentarium in IV Evangelia celeberrimus
Loftusius Syro-latine imprimendum curavit, quisnam scilicet fuerit
ille Dionysius, quo tempore ubi loci floruerit, quid denique
scripserit? Ad singulas has quæstiones Patriarcha p. 111 sqq. accurate
& prolixè respondet, atque refert, Dionysium illum floruisse seculo
XII, patriam ipsi civitatem Militinensem obtigisse, professione fuisse
Jacobitam. propter eximia studia creatum esse episcopum Gramni-
tiensem, animum Deo A. 1169 reddidisse, & sepultum esse Mele-
tiæ, ubi natus fuerat. Præter Commentarios in V. & N. T. de
variis argumentis Theologicis ac Philosophicis scripsisse, scilicet
De Deo, de *Trinitate*, de *Incarnatione*, de *Angelis*, de *Animabus*,
de *Sacerdotio*, de *Elementis* & de *Arithmetica*. Porro eundem
quoque contra hæreticos calamum strinxisse narrat, nimirum
contra Arabes, Agarenos, Hebræos, Nestorianos, Græcos, item
contra eos, qui Concilio Chalcedonensi adhærent. Tandem duas
quo-

quoque Liturgias eum composuisse ait, cum Commentarij de Ritu S. Sacrificii Altaris.

Supereſt, ut Edwardi Bernardi Vitam, collectioni veterum Mathematicorum & huic epistolarum volumini subjun-
 ctæ præmiſſam, paucis percenſeamus. Ille natus eſt Paulſperriæ
 ſecundo die Maji A. 1638, patre Joſepho Bernardo loci illius Paro-
 cho, & matre Eliſabetha Lancea, utriſque non ignobili genere ori-
 undis. Adoleſcens Londini in ſchola publica Mercatorum Sciſſorum
 ita dicta, literarum tyrocinia poſuit, ſeptennio ibi exacto in collegi-
 um S. Joannis Baptiſtæ apud Oxoniensēs cooptatus, Thomæ Wiati tu-
 telæ traditus fuit. Magiſter artium factus, Procuratoris Academiæ
 munus geſſit A. 1667. Inde prima laurea Theologica ornatus, Lugdu-
 num ad Batavos abiit, tum ut MSS. codices orientales, quos Jo-
 ſephus Scaliger & Levinus Warnerus reliquerunt, perluſtraret,
 tum etiam, & præcipue quidem, ut V, VI, VII libros Conicarum
 Sectionum Apollonii Pergæi, quorum textus Græcæ deſideratur,
 in codice Arabico apud hæredes Golii extantes examineret. Con-
 ſtituerat enim hos libros cum verſione ſua & commentationibus ne-
 ceſſariis in lucem edere: ſed hoc ejus conſilium D. Chriſtianus Ravius
 prævertit, utpote qui tres iſtos libros, a ſe Latine verſos & Carolo XI
 Suecorum Regi inſcriptos, Kiloni A. 1669 publicavit. Oxonium re-
 verſus, a D. Chriſtophoro Wrenno electus eſt, ut ipſius tum tem-
 poris in regia aula verſantis in munere Mathematico obeundo
 vices ſuppleret. Interim tamen non obliſcebat, ſe ſolenni
 profeſſione Theologiæ ſtudiis ſacrisque Presbyteri functionibus
 conſecratum fuiſſe. Hinc Beneficium Eccleſiaſticum, in provin-
 cia Surreienſi a Collegio Joanneniſi ipſi delatum, lubenti animo
 accepit, & paulo poſt a D. Petro Mew, Epifcopo Bathoniensī &
 Wellenſi inter Sacellanos domeſticos cooptatus eſt. Hæc verò
 omnia innox erant relinquenda. Cum enim D. Wrennus profeſ-
 ſione Mathematicæ plane ſe abdicaret, aut ſpes muneris iſtius Ma-
 thematici erat abjicienda, aut vi ſtatutorum fundatoris, nulli alii
 officio ſive eccleſiaſtico ſive civili præeſſe licitum erat. Hinc diu
 animi dubius ac neſciens quo ſe verteret, tandem repudiatis di-
 gnitatibus eccleſiaſticis, profeſſionem Mathematicam elegit. Cir-
 ca hoc tempus de edendis veteribus Mathematicis omnibus, nun-
 quam

p. 1.

p. 2.

p. 3.

p. 8.

p. 11.

p. 14.

p. 15.

p. 16.

p. 21.

p. 25.

p. 31.

p. 32.

quam satis laudandum consilium apud Oxonienses fuit agitatam, cujus vastissimi operis sciagraphiam Bernardus accuratissime delineavit, quam Clarissimus Smithus subnectere operæ pretium duxit. Eodem ferme tempore Euclidem suscepit illustrandum, egregio specimine in folio, ut dicitur, edito, in quo Græcus textus & ex adverso Latina versio, cum Procli Commentario, Græce & Latine, una cum doctissimis scholiis figurarumque delineationibus accurate exhibentur. Præterea ut scientiam quoque Astronomicam ex doctrina veterum illustraret, parvam Syntaxin Alexandrinam, communiter *Μικρὴν Ἀστρονόμω* dictam, in qua præter Euclidem, Theodosii, Autolyçi, Menelai, Aristarchi & Hipsiclis opuscula continentur, edendam suscepit, sed opus illud non perfecit. Nec solum in scientiis Mathematicis, verum etiam in Chronologiæ & Antiquitatum studio, ingenii vires exercere satagebat. Hinc novam Josephi editionem adornare animum induxerat, & dici non potest, quam vasto apparatu arduum hoc opus aggressus fuerit. Cum vero multi methodum ejus, quam sequebatur, importune & pene ingestis convitiis carperent, inde primo inter Curatores & Bernardum ortæ similitudines, dein apertæ lites, utrisque pro diversa, quam secuti sunt, sententia argumentis ultro citroque agitatæ tenacissime in hærentibus. Cessavere inde operæ typographica, nec quisquam de edendo integro Josepho sumptibus Academiæ amplius cogitavit. Postquam igitur in hoc opere ad metam pervenire non potuit, multos alios libros edidit, qui a D. Smitho insequenti ordine recensentur.

I Commentatio de mensuris concavis, ponderibus antiquis, & mensuris distantiarum, quæ primo A. 1685 D. Pocockii commentariis in Prophetiam Hoseæ adjuncta fuit, triennio autem post locupletior facta scorsim prodit sub hoc titulo: De mensuris & ponderibus antiquis libri tres, quibus accesserunt duæ epistolæ, altera N. Fatii de mari æneo Salomonis, altera Thomæ Hyde de mensuris & ponderibus Sinensium ad D. Bernardum.

II Private Devotions, Oxon. A. 1689 in 12. h. e. ut D. Smithus paulo latius titulum explicat: Exercitia spiritualia, & vitam pie & Christiane instituendi methodus, cum formulis precum, tam in quotidianis, quam in solennibus religionis officiis, cum

quis-

quisquam Deo & sibi vacaverit, clam & in privato secessu utendis. Ad finem accessit brevis Decalogi Paraphrasis.

III. Orbis eruditi Literatura a charactere Samaritico deducta, quam tabula amplioris formæ æri incidendam curavit. Hinc uno intuitu contemplari licet varias, pro varia temporum & seculorum ratione, literarum figuras.

IV. Canon præcipuarum e Stellis fixis (numero 23) secundum observata majorum, quem Huntingtono inscriptum Actis Philosophicis mense Aprilis A. 1684 inferendum permisit. Iisdem Actis, Septembri ejusdem anni, epistolam ad Joannem Flamstedium Mathematicum Regium edidit: in qua continentur

V. Observata ex Græcis, Arabicis, Persicis, Judaicis, Latinisque Scriptoribus de Obliquitate Zodiaci.

VI. Erymologicon Britannicum, quod ad calcem Grammaticæ Anglo-Saxonice & Mæso-Gothicæ D. Georgii Hickesii, Oxonii A. 1689 editæ, pag. 167 seqq. comparere voluit.

VII. Chronologiæ Samaritanæ Synopsis, quam Auctorem misit ad D. Ludolum, qui illam Actis his nostris mense Aprilis A. 1691 inferi voluit.

VIII. Notæ in fragmentum Seguierianum Stephani Byzantini, cujus partem, quæ ad Dodonem spectat, Jac. Gronovius ad calcem Exercitationum de Dodone A. 1681 edidit.

IX. Adnotationes in epistolam S. Barnabæ, in editione Feliana. Oxon. 1685.

X. Annotationes breviculæ in Scriptores Apostolicos editionis Cotelierianæ, & in nupera editione Amstelodamensi publicatæ.

XI. Scholia & annotationes in Græcas Inscriptiones Palmyrenorum. Trajecti A. 1698.

XII. Samaritanorum literæ Latine conversæ, & a D. Jobo Ludolpho in Epistolis Samaritanis editæ.

Multas præterea lucubrationes Bernardus reliquit, quas D. Smithus prolixè recenset. Nos, ut prolixitatem evitemus, titulos indicare satis habebimus.

I. Chronicon omnis ævi, sive Canon Chronicus.

II. Calendarium Ecclesiasticum & Civile plerarumque Gentium,

III. Index librorum manuscriptorum Angliæ & Hiberniæ, atque externarum aliquot Bibliothecarum.

IV. Devotiones Privatæ Anglice scriptæ, cum brevi explicatione X Præceptorum, Orationis Dominicæ & Fidei Apostolicæ, in VII libris.

V. Observationes varii generis.

VI. Notæ ad Scriptores veteres, tam sacros quam non sacros.

VII. Etymologicon Græcum & Latinum.

VIII. Lexicon Ægyptiacum.

IX. Lexicon Russicum.

X. Euclides, Græce & Latine.

XI. Syntagma de Mathesi, sive principia & elementa Mathematicos.

XII. Dissertatio de Literatura.

XIII. Linguarum insularum Britannicæ & Hibernicæ Origines Persicæ & Armenicæ.

Hos omnes libros & nonnullos alios a Bernardo compositos, item codices MSS. collatos notisque eruditorum Virorum illustratos, Clarissimi Bibliothecæ Bodlejanæ Curatores in illius Archivis reponendos, pecuniis publicis redemerunt. Equidem optandum fuisset, longiorem vitam D. Bernardo contigisse, ut multa egregia opera, quæ imperfecta reliquit, ad finem perducere valuisset. Sed præclarissimos ejus labores continui per aliquot annos languores abruperunt, iisdemque tandem mors acerba, quam immoderatis studiis vigiliisque acceleravit, duodecimo Januarii die, A. C. 1696, quinquagesimo nono ætatis suæ nondum exacto, finem imposuit.

Vitam Bernardi excipit, uti jam diximus, Synopsis Veterum Mathematicorum Græcorum, Latinorum & Arabum, quæ Scigraphia est vastissimi operis, eorum scripta, quotquot reperiri potuerunt, XIV voluminibus comprehensuri. Horum autem Mathematicorum magna pars ex membranis Anglicanis fuit desumpta.

JOHANNIS FORBESII A CORSE OPERA OMNIA.

Amstelædani, apud Wetstenios, A. 1703, in fol. Alphab. 19.

Scotia luce Evangelii collustrata sicuti Johannem Knoxum, Robertum Rollocum, Hæctorem Boethium, Georgium Buchananum,

nanum, Guilielmum Amesium, Johannem Cameronem, Samuel Rhedorfortem, virosque doctissimos alios genuit, ita quoque Johannem Forbesium a Corfè, Theologum Doctorem & in Academia Aberdoniensi Professore, doctrina & vitæ sanctitate perillustrem dedit, cujus opera duobus voluminibus comprehensa, prima partim, partim repetita vice nunc publicantur. Et editioni quidem huic elegantissimam præfationem Nicolaus Gürtlerus, in Academica Schola Daventriensi Theologiæ Doctor & Professor præmisit, & Henricus Wetsteinius cum fratribus chartæ nitorem typorumque elegantiam præstitit, Reverendus vero Vir, Georgius Garden (qui post plures annos Aberdoniæ in cura Pastoralis exactos, Presbyterianæ factionis invidia se ab officio pulsum profectur) de eadem modis non unis bene imprimis fuit meritus.

Antea vero, quam operum hic exhibitorum ulteriorem mentionem injiciamus, Autoris primum vita a nobis recensenda est, cujus descriptio Gardeno itidem debetur, qui eadem fidelia plures dealbaturus parietes, & Patricii Forbesii, patris, Episcopi Aberdoniensis, & Guilielmi Forbesii, propinqui, primi Edinburgensis Episcopi a Carolo I electi, (quo de plura diximus in Actis nostris anno superiori 1704, pag. 421 seq.) & Roberti Baronii, & Guilielmi Leslæi, & aliorum celebrium Scotiæ Pastorum, cum quibus Johannes nolter multa lata & tristia habuit communia, vitas pariter recensuit, a nobis tamen prolixè haud repetendas, cum circa solum Johannem Forbesium occupatos nos esse, æquum sit. Nas ille est sexto Nonas Maji anno 1593, nobile ac generosum stemma nactus, & postquam humaniores literas didicerat, missus est ad Universitatem Aberdoniensem anno 1607, ubi Philosophiæ operam dedit, ac postea in exteras regiones profectus, in Universitate Heydelbergensi, sub cura D. Paræi, Theologi celeberrimi, Sedani etiam, ac in aliis inclytis Superioris & Inferioris Germaniæ Academicis, Theologiæ studuit, scripta Patrum diligenter evoluit, ac linguæ Hebraicæ operam dedit, ubi pro ingenii felicitate & indefessa diligentia, magnos fecit progressus. In cæteris regionibus ad annum usque 1619 commoratus, hoc ipso in patriam reversus, & sequenti a Synodo diocesæ Aberdoniensis ad publicam Theologiæ professionem vocatus est, quam in studiose juvenutis com-

modum, modis ornare omnibus allaboravit. Sed cum in cœpto isthoc studio feliciter procederet, controversiis se parum faustis immixtum vidit, quæ multas ipsi ærumnas & triste tandem exilium provocarunt. Nimirum eo ipso tempore, quo Fœderatum Belgium quinque articulis mirum in modum divexabatur, Jacobus I Magnæ Britannæ Rex, restituto jam in Scotia anno 1610 Episcopali, quod vocarunt, regimine, pariter quinque placita per Synodum Perthensem anno 1618 sanciri jussit, puta 1. Sacram Cœnam submissis genibus accipiendam: 2. Baptismum, & 3. Sacrum Epulum privatim quoque, necessitate id postulante, administrandum: 4. pueris post Christianam institutionem bene ab Episcopo dicendum, cum impositione manuum: 5. singularia Dei opera, ut ortum Jesu Christi Servatoris e beata Virgine, passionem &c. statis diebus quotannis celebranda esse. Quinque hæc capita Forbesius cum suo probaret confirmaretque calculo, & fœderi nationali, illorum atque Liturgiæ occasione inito, nomen dare constanter renueret, a Synodo Aberdoniensi anno 1640 censura notatus, atque a Classe Edinburgensi, cui patres Aberdonienses sententiæ executionem commiserant, anno proxime secuto Theologica professione exutus est. Quam exauctorationem æquo ille ac miti animo tulit, & cum Presbyterianis amice concorditerque vixit. Verum, ubi anno 1642 novi fœderis inter Scotos Anglosque pacti subscriptio vehementer urgeretur, cum aliis Scotis e patria exire, & in Belgium secedere maluit; unde tamen post paucillos annos reversus, reliquam vitam in prædio suo a Corfe tranquille taciteque exegit, animamque tandem die 29 April. anno 1648 reddidit, in suæ Parochiæ cœmeterio, sine ulla exequiarum pompa vel monumento sepultus.

Hanc *Vitam Autoris externam* Gardenus nuncupat, cui mox *interioria brevem ideam* ex plenioribus, quæ huic statim annexuntur, *commentarius, de Johannis Forbesii Exercitiis Spiritualibus*, quæ manu Autoris lingua patria scripta idem habuit, atque in Latinum sermonem transtulit, efformatam subjungit. Habebis hic passim obvias Forbesii preces, laudationes Divinas, peccatorum confessiones, animi compunctiones, luctationes, & cum Deo frequentissimas colloquutiones, unde optimi Viri sanctitas,

etitas, modestia, candor, tolerantia, fortitudo & constantia, pluresque alia virtutes Christianae perspicue dispalescunt. Hinc *Sermo* sequitur in *Psalm. CX*, i. post obitum Patris ab Autore habitus, in quo de ingenti invictoque solatio, quod ex Christi ad dextram Patris sessione ubertim & constanter Patricius Forbescius a Corfe perceperit, disseritur; itemque *Dissertatio de Visione beatifica*, & denique summa concionis *de Pace* ex Joh. XIV, 27, coram Rege Carolo I bellicos inter tumultus a Guilielmo Forbesio habitae.

Qui deinde apparent *Theologia Moralis* libri decem, nondum haecenus lucem adspexere publicam, quanquam opus illud manu Autoris omnino elaboratum perfectumque fuerit. Exponuntur in eodem praecepta Decalogi, variaeque circa Dei legem, & specialia ejusdem praecepta controversiae dissolvuntur, casusque conscientiae explicantur. Nobilissimum appellat istud opus, in laudata a nobis jam ante praefatione, Clarissimus Gürtlerus, ejusque idea exhibitae, nihil se ad commendationem illius adjicere velle innuit, nisi quod Autor idem minime exscripsit ex monumentis doctorum recentiorum, sed magno labore ex tabulis Scripturae Sacrae, e dictaminibus rectae rationis, & libris veterum optimorumque Ecclesiae Patrum, id construxerit perfec(er)itque.

Videas deinceps *Irenici*, occasione litium, quibus Ecclesia Scotica discindebatur, Rege Jacobo I quinque Synodi Perthensis placita observari jubente, anno jam tum 1629 vulgati, secundam editionem, in qua voculae aliquot, paulo immitiores justoque acerbiores reputatae, corriguntur atque omittuntur.

Claudit tomum priorem liber *de Cura & Residentia Pastoralis*, quem Forbescius conscripsit, autoritate motus atque jussu Patris, Episcopi tunc Aberdoniensis, nimis crebra aut justo diuturniorem quorundam Pastorum ab assignatis stationibus absentiam amare deplorantis.

Tomus integer posterior novam exhibet editionem *Institutionum Historico-Theologicarum*, emendatam ad ipsius Autoris castigationes, plurimisque ejusdem additionibus insigniter adauctam, quam eo majori procul dubio cum aviditate perlustrabunt ii, qui discendarum antiquitatum Ecclesiasticarum cupidi,

Institutionum harum editiones, jam ante aliquoties iteratas, non sine voluptate hactenus evolverunt.

*SACER DECADUM SEPTENARIUS, MEMORIA
Theologorum nostræ ætate Clarissimorum renovatam
exhibens. Curante M. HENRICO
PIPPINGIO.*

Lipsiæ, apud Thomam Fritsch, 1705, 8. Alph. 3. pl. 4.

Pergit se publico ostendere Reverendus Collega noster *Henricus Pippingius*, M. *Henningi Wittenii* doctissimo Opere, quo is præstantissimorum superioris seculi Theologorum memoriam vindicare annuitus est, magno studio, nec minori dextertate continuato. Ac *Wittenium* quidem, postquam diversis temporibus *sex Decades*, & anno 1685 integram *Memoria Theologorum Clarissimorum Renovatæ Centuriam* conjunctim edidisset, novam moliri Centuriam sperabatur; imo paratam se prælo jam habere, in præfatione istius Centuriæ professus ipse erat, indicatis etiam Theologorum in eandem constipandorum nominibus. Sed nulpjam illa comparuit, seu quod Auctor ipse mutavit consilium, quod visum fuit verosimile, cum A. 1688 *Diarium* potius *Biographicum*, iterumque A. 1696 ejusdem *tomum secundum* edidisset, Scriptores ejusdem seculi præcipuos, absque nationis, religionis aut professionis discrimine, concisè descriptos complexum; seu quod impedimenta quæcunque alia, ac mors denique, quæ Auctori paulo post dictum illum secundum tomum publicatum obtigit, intercessere. A tanto igitur tempore cum repertus nemo esset, qui *Wittenianum* illud prius institutum, quod magno olim cum applausu exceptum fuerat, persequeretur, vacuum velut provinciam *Pippingius* noster occupavit, jamque Theologorum septuaginta, qui post annum 1682 e vivis excesserunt, restauravit memoriam, laborem hoc modo aggressus, quo & de totidem Viris jam in cælo triumphantibus, & de viventibus cunctis, quos clarorum virorum, qui Ecclesiæ olim ornamento ac emolumento fuere, fata nosse juvat, præclare mereretur. Methodum eandem plane servavit, quæ antecessori *Wittenio* visa fuerat commoda, collectis undique magno labore programmatibus funebribus,

ora-

orationibus parentalibus, epitaphiis, monumentisque similibus, quæ honori doctorum virorum consecrari solent, & librorum a quoque compositorum accurato catalogo subjuncto; ubi in Leo tamen Wittenii industriam haud parum superavit Pippingius, quod sollicitè simul annotare sustinuit, quorum librorum uberior recensio, seu in nostris his Eruditorum Actis, seu in aliis Doctorum Ephemeridibus, quacunque lingua aut titulo magno hætenus numero divulgatis, reperiatur. Præmissa elegans est præfatio, qua inter plura alia, ad Historiam Rei Literariæ pertinentia notatuque digna, uti quorundam, qui ad Opus perficiendum rogati fuerant suppetias, morositas non dissimulatur, ita duumvirorum inprimis, quos honoris causa nos quoque nominamus, *D. Georgii Henrici Götzii*, Lubecensium hoc tempore Superintendententis, & *Joannis Alberti Fabricii*, Professoris Hamburgensium, in suppediendis subsidiis, quo sunt uterque in promovendis bonis literis animo, merito deprecatur promptitudo. • Nobis ex ea plura decerpere nunc non licet, cum contendus potius adhuc supersit Theologorum ipsorum, quorum Vita enarratur, qualiscunque index, ut qui nosse de iis plura cupiunt, non ignorent, unde ea sibi sint haurienda. Decade ergo prima sistuntur, *Christianus Noldius*, *Sebastianus Niemannus*, *Joannes Olearius*, *Daniel Griebnerus*, *Godofredus Olearius*, *Jacobus Tentzelius*, *Michael Siricius*, *Jo. Andreas Lucius*, *Michael Cobabus*, & *Abraham Calovius*: in secunda *Antonius Reiserus*, *Janus Birckero-dinus*, *Balthasar Bebelius*, *Josua Arndius*, *Adamus Tribbechovius*, *David Klugius*, *Johannes Saubertius*, *Jo. Andreas Quenstedtius*, *Lucas Fridericus Reinhartus*, *Matthias Wasmuthius*: in tertia *Augustinus Balthasar*, *Johann Christfried Sagittarius*, *Andreas Christophorus Schubartius*, *Matthias Zimmermannus*, *Johannes Dürrius*, *Godofredus Meisnerus*, *Theophilus Spizelius*, *Georgius Greenius*, *Joachimus Hildebrandus*, & *Tilemannus Andreas Rivinus*: in quarta *Michael Waltherus*, *Johannes Laffenius*, *Martinus Beerius*, *Henricus Rixnerus*, *Christianus Serue-rius*, *Justus Christophorus Schomerus*, *Jo. Andreas Kunadus*, *Christianus Wagnerus*, *Nathanael Falckius*, *Gerhardus Theodor-us Meierus*: in quinta *Paulus Bofius*, *Christianus Koribol-*

tus, Abrahamus Hinckelmannus, Johannes Faustus, Jo. Guilielmus Baierus, Sebastianus Schmidius, Heinrichus Wideburgius, Enoch Zobelius, Valentinus Alberti, Adamus Ofsander: in sexta Georgius Mæbius, Augustus Pfeifferus, Georgius Lehmannus, Joannes Benedictus Carpozivius, Georgius Gorzius, Valentinus Veltheimius, Michaël Christianus Ludovici, Jacobus Hieronymus Lochnerus, Sebastianus Kirchmaierus, Conradus Tiburtius Rango: in septima denique Fridericus Ulricus Calixtus, Matthias Fridericus Beckius, Johannes Breverus, Albrecht Christianus Rotchius, David Caspari, Michaël Müllerus, Isaac Faustus, Fridemannus Bechmannus, Bernhardus von Sanden, & Christophorus Franckius.

Hi sunt Theologi, quorum memoria sacro hoc nostro Decadum Septenario recolitur. Adjecit vero illi Clarissimus Auditor, mantissæ velut loco, insuper Septenarium celeberrimorum virorum, qui utur professione Theologi haud fuerint, scripta tamen ediderunt, aut transtulerunt, aut inchoata reliquerunt Theologica. Sunt illi *Johannes Brunneumannus*, J.Ctus, Consil. Elect. Brandenb. Antecessor & Facult. Jurid. Francof. Ordinarius, *Caspar Zieglerus*, J.Ctus, Consil. Appell. Elect. Sax. & Ordinarius Facult. Jurid. Witteb. *Vitus Ludovicus a Seckendorf*, Eques Imperii, Consiliar. Elect. Sax. & Brandenb. Intimus, & Universitatis Fridericianæ Cancellarius, *Erasmus Francisci*, Polyhistor Noribergensis, *Adrianus Stegerus*, Consul Lipsiensis, *Abarværus Frischi*, Consiliarius Intimus & Cancellarius Rudolphopolitanus, & *Georgius Francus de Franckenau*, S. R. I. Eques, Consiliarius justitiæ & Archiater Danicus.

**A DISCOURSE OF THE UNITY OF THE CHURCH; OF
the Separation of the Dissenters from the Church of En-
gland, &c.**

i. e.

**DISCURSUS DE UNITATE ECCLESIAE; DE EORUM, QUI
Dissentientes audiunt, Separatione ab Ecclesia Anglicana; de Li-
centia, quam sibi sumunt iidem Ecclesias erigendi contra Ecclesias
relig.**

religionem legibus stabilitam profitentes, nec non de Ordinatione Ministrorum sive Doctorum, quos illi eligunt. Autore RO-

BERTO BURSCOUGH, Magistro Artium, Vicario

Totnessia, & Archidiacono Baarnastapulensi.

Exoniæ apud Samuelem Farley, 1704. 8. Prostat Londini apud

Th. Bennet. Constat plag. 14.

Dicavit Reverendus Autor præfens opusculum Viro Reverendissimo Jonathan Trelawny, Præfuli Exoniensi, utque hoc officium in eundem conferret, causam fuisse ostendit ejus in se voluntatem beneficam & vere generosam, tum etiam singularia in Ecclesiam Anglicanam merita, ab externis quoque, & præcipue a Clarissimo Petro Jurieu, passim laudata. Tractationem totam eo animo suscepit, ut responderetur Autori anonymo, qui in libro, cui titulus *Dissenters no Schismaticks*, haud ita pridem divulgato, vindicare voluit a Schismaticorum appellatione eos, qui ab Ecclesia Anglicana dissentiunt. Non autem hæc nova est, & inter hos viros nunc demum agitari cœpta controversia, sed jam ante scriptis aliquot publicis hac de re inter se pugnarunt. Horum si copia nobis facta fuisset, melius nunc possemus summam libri præfentis, qui ad scripta prius edita passim se refert, hoc loco exhibere. Fungemur tamen officio nostro, quoad ejus fieri potest, & tractatus hujus argumentum summam recensere.

In præfatione Adversario suo exprobrat Autor, quod in scripto ultimo, haud secus atque in priori, calumniis ipsum oneraverit & convitiis, quæ sint a viro, qui vel minimum habeat humanitatis sensum, nedum ingenuo vel Christiano, maxime aliena. Collectionem *Φερόμεν* quarundam ab eodem adhibitarum subiungit, ut, quam acerbum ille se exhibuerit, manifestius appareat. In eo autem præcipue injuria se lacesitum fuisse significat, quod ipsum antagonista odii implacabilis in Dissidentes, animique non nisi flammam & ferrum in illos spirantis reum postulare non dubitaverit, cum tamen nihil omnino adsit, propter quod in suspicionem voluntatis adeo infestæ trahi queat, multoque potiori jure tota ista criminatio recadat in accusatorem, quem ad exitium ecclesiæ per leges publicas in Anglia stabilitæ propen-

G g fissimum

p. 1.

p. 2.

p. 3.

- p. 8. *issimum esse demonstrat. In ipsa tractatione id potissimum Autori est propositum, tum, ut vindicet ea, quæ in scripto quodam antecedenti asseruerat de unitate Ecclesiæ, tum, ut inquirat, an non schismatis rei sint habendi, qui ab ecclesia Anglicana discesserunt, tum vero etiam, ut evincatur, auctam esse horum culpam, dum ecclesias atque ministros peculiares sibi constituerint, & pastores vocatione legitima destitutos elegerint.*
- p. 10. *Illorum, quæ in Sectione prima disputantur, vis omnis eo præcipue ređit, ut evincatur, 1. esse necessarium & permissum, ut quædam in sacris literis non expressa determinantur circa cultum divinum; 2. determinationem istam fieri debere ab his, qui legitima pollent autoritate; 3. tali determinatione facta, officium esse eorum, qui reguntur, ut pareant. Quod ad prius attinet, Deum quidem generalia dedisse præcepta ostendit eorum, quæ pertinent ad cultum ipsius externum, non vero semper specialia, scilicet ratione loci, temporis, modi &c. neque tamen fieri posse, ut, si cujusvis arbitrio hæc relinquantur, ordine ac decenter omnia fiant, vel ulla omnino sit Christianis inter se communio. Sic ex. gr. cantum Psalmorum partem esse ait liturgiæ atque a Deo præceptum, sed cum modus canendi non sit pariter ab eodem præscriptus, sine regula humana futurum, ut alii indiscriminatim omnes, alii solum artis canendi peritos, alii certum ac selectum horum numerum, alii unum duntaxat eundemque præ cæteris in Musica excellentem, ad canendum admitti velint; ut quidam omnes non interrupta serie, quidam vicibus alternis canere malint; ut alius hunc, alius alium hymnum postulet; ut alius hoc, alius alio modo cantum moderetur; ut huic prosa, illi versus & rhythmus placeant &c.*
- p. 11. *Deinde probat, quod ipsi Apostoli, & qui eorum tempora proxime attigerunt, Viri maxime pii & ad mortem usque Christo fideles, nonnulla introduxerint, vel jam olim introducta continuari permiserint, quæ in se erant indifferentia, nec a Deo speciatim mandata. Eo pertinere dicit decretum Hierosolymitanum de o-mittendo esu sanguinis & suffocati, ejusque quod simulacris fuerat immolatum, Act. XV, 28. 29. Diei Dominicæ surrogationem in locum Sabbathi. Unctionem infirmorum, injunctam in epistola Jacobi cap. V, 14. Baptismi celebrationem ejusmodi ritibus factam,*
- p. 40. *ut*
- p. 43.
- p. 44.

ut Salvatoris nostri exequias quasi referret, quo respicere ait Paulum Eph. IV, 22. Colossi. III, 9. Galat. III, 7. Oblationes, a primis Christianis, cum publice convenirent, fieri solitas, item ἀγάπας, quarum extet mentio 1. Cor. XI, 21. 22. 23. Elevationem atque lavationem manuum tunc adhiberi consuetam, cum quis preces fundere volebat; conf. 1. Tim. II, 8. Lavationem pedum, de qua Christi quoque præceptum adsit Joh. XIII, 14. Quemadmodum & de excussione pulveris, tanquam indignationis Divinæ signo contra eos adhibendo, qui Doctores Divinos non receperint, Marc. VI, 11. Act. XIII, 51. Institutionem Diaconissarum, de qua Rom. XVI, 1. Salutationem cum osculo charitatis, de qua Rom. XVI, 16. Manuum impositionem 1. Tim. V, 22. Hebr. VI, 2. Act. VIII, 15. 17. Capilli resectionem viris injectam 1. Cor. XI, 14, item ut hi capite nudato, forminx contra operio precari jubeantur, 1. Cor. XVI, 5. 7. Ex quibus omnibus multa eodem jure, quo recepta fuerunt, iterum abrogata fuisse ostendit. Ritustamen Apostolicos & in omnibus ecclesiis universaliter usitari ceptos, quoties rationes eadem, quæ olim ut introducerentur effecerunt, nunc quoque continuationem illorum suadent, neutiquam esse abolendos monet, idque ad ea, quæ primis Christianis de die Dominica, de impositione manuum in ministrorum ecclesiæ ordinationibus adhibenda, item de confirmatione post susceptum baptismum placuerunt, specialiter applicat. Tercio, quam sit necessarium ad cultum Divinum recte peragendum, ut præter ea, quæ præcepta sunt a Deo, unum alterumve, quod ad ritus pertinet, determinetur, ipsos adversarios haud semel agnovisse ostendit, idque præcipue tempore illorum tumultuum, quos funesta Caroli I. cædes tam celebres reddidit.

In tractatione alterius thesæos ita versatur, ut primo evidens esse dicat, quod non nisi superiores normam præscribere possint, ad quam inferiores regantur; deinde vero, quinam hic pro superioribus legitimis haberi debeant, exponat. Nimirum singulis Apostolis a Christo concessam asserit potestatem, ut de rebus arbitrariis ad religionis exercitium pertinentibus statuunt; eandem potestatem, haud secus ac docendi munus & sacramentorum administrationem, transmisisse illos in successores & eos, qui in horum locum ordinatione legitima accedente successerunt, horumque au-

P. 45.

P. 47.

P. 50.

P. 51.

P. 52.

P. 55.

P. 56.

P. 55.

P. 43.

P. 55.

P. 33.

P. 31. 35. 64.

P. 25. 54.

P. 68.

- p. 23. toritatem multum augeri, si quoque Principis & Magistratus politici consensus atque auxilium concurrat. Ita autem judicat de potestate ista superioribus competente, ut nec restringi eam velit ad introductionem ceremoniarum naturalium, prout Adversarius eas appellat, h. e. talium, quas ipsa quasi natura introduci postulat, nec tamen etiam extendi ad impositionem quarumvis rerum sua natura indifferentium; quandoquidem ad hoc, ut aliquis ritus iungatur, insuper necessarium esse dicit, tum ut ille sit consentaneus regulis generalibus Sacrae Scripturae, rerumque sacrarum dignitati congruens, tum ut significatum aliquem habeat, & sit quasi symbolum ejus rei, cujus intuitu introducitur: quemadmodum ex. gr. nudare caput olim fuerit signum autoritatis in viris, contra velo caput opere signum verecundiae in sexu sequiore. Unde porro concludit, quod, cum significatio ceremoniarum saepe variet, pro diversitate temporum atque locorum, æquum sit, interdum & necessarium, ut, quod olim fuit receptum, hodie mutetur, & quod hoc in loco conveniens est, id alibi rejiciatur, quodque adeo non possit regula dari ritus praescribens, qui semper & ubivis sint observandi.
- p. 61. Tertiam thesin, ex variis Scripturae locis, ex. gr. Hebr.
- p. 17. 75. XIII, 7. 17. 1 Thess. V, 12. 13. probatam, ita explicat, ut res, quae sua natura erant indifferentes, post praeceptum superioris fieri necessarias commonstret, atque illarum observationem doceat se habere instar conditionis, sine qua nequeat esse communicio cum ecclesia, in qua quis degit. Ne vero, dum fideles ad obsequium tale obstringit, eripere illis videatur libertatem, in qua secundum Apostoli praeceptum Gal. V, 1. stare debent, concedit ipsis facultatem inquirendi, an talis sit lex superioris, ut salvo erga Deum officio eidem satisfieri queat. Sequentes tamen regulas, ut cautionis loco hic observent, inferioribus commendat; 1. ut nil condemnent, quod non ex S. Scriptura probare possint, vel directo vel per necessariam sequelam, pugnare cum praecepto aliquo Divino; 2. ut perpendant, posse a superioribus peccari, dum certas ceremonias praescribunt, ex. gr. si minus utiles magis utilibus praeponent, nec tamen propterea minorem adesse necessitatem patendi, postquam res ejusmodi fuerunt injectae; in cujus asserti
- p. 62. fidem
- p. 52. 63.
- p. 64.

- p. 22.
- p. 74.
- p. 74. 29.
- p. 35.
- p. 79.
- p. 80.

fidem locum Baxteri, qui & ipse Presbyterianus, allegat; 3. ut non existiment, ignorantiam suam vel errorem excusare posse neglectum debiti obsequii; in qua sententia se Baxterum eundem habere consentientem indicat; 4. ut maxima sollicitudine id agant, ne prius obedire recusent, quam de re, de qua dubitant, plenissime fuerint instructi; 5. ut consultant eos ministros, qui sunt autoritate publica stabiliti, atque ab his præcipue scrupulos, quos habent, evelli sibi patiantur.

In Secunda Sectione quædam præmittit Autor ab Adversario sibi concessa, 1. Schisma esse discessionem illegitimam ab ecclesiastica communione; 2. eam discessionem pro illegitima habendam, quæ sine peccato potuisset evitari; 3. inter Ecclesiam Anglicam, & eos, qui Dissidentes dicuntur, talem discessionem contigisse. Mox quæstionem, quæ sola veniat in controversiam, nimirum, utrum in his, an vero in illa, discessionis culpa resideat, subjungit. Deinde, quod non Ecclesia Anglicana, sed Dissidentes Schismatis rei sint, variis argumentis, quorum partem jam *ἐν τῇ πρώτῃ* in Sectione prima attigerat, confirmat. Illud vero speciatim urget, quod nec iniqua sint, quæ Anglicana Ecclesia introduxit, nec adeo gravia, ut ulli justam conquerendi causam parere potuerint, atque ibi præcipue ritum in genua procumbendi, cum ad sacram Cœnam acceditur, contra Adversarium suum vindicat, qui eundem rejiciendum existimaverat, tanquam non congruentem gestui, quo usus sit Salvator in prima hujus sacramenti institutione, ac nimis prope accedentem ad cultum idololatricum Pentificiorum. Adhuc magis copiosus est in eo ostendendo, quod non constet sibi Adversarius, dum Ecclesiam Anglicanam Babylonì comparet, unde quemvis, cui sit cordi salus animæ suæ, egredi oporteat, atque ritus ejus tanquam execrabiles & abominandos in oculis Dei depingat, nec tamen defendere dubitet, posse Dissidentes, imò oportere illos communicare cum dicta Ecclesia, si per id habiles se reddere queant ad officium aliquod publicum. Aut enim falsa esse debere contendit, quæ contra memoratam Ecclesiam protulerat, aut omnino abstinendum esse ipsi atque affectis a communione cum eadem; simul deducens, quod his, qui duntaxat

p. 81.

p. 82.

p. 83.

p. 84.

p. 31.

p. 116. seq.

p. 98. 105.

p. 95.

p. 100. seq.

p. 128.

- lucris spe oblata & ad exiguum tempus se conformes reddunt Ecclesiæ, quam alio tempore condemnant, neque profit exemplum Davidis & sociorum, de quo 1 Sam. XXI, 6, item Matth. XII, 3-4, neque incolarum Samariæ 2. Reg. VI, 25, neque Pauli Apostoli Act. XVI, 3, Act. XVIII, 18, Act. XXI, 24, neque etiam id, quod de natura rerum indifferentium, quasi eligendæ simpliciter sint, si boni alicujus præponderantis eventus inde pendeat, idem Antagonista disseruerat. Passim quoque monet, agnoscere Presbyterianos reliquos Dissidentes pro Schismaticis, nihil tamen his obijci posse, quod non idem contra illos adhiberi queat, & causam in eo adhuc esse deteriorem, quod reliquis viam quasi sese ab Ecclesia separandi monstraverint. Tandem regulas quasdam examinat, quibus iustitiam ejusmodi separationis probari posse, Dissidentes sibi persuadeant, quarum prima est: nihil esse faciendum dubia conscientia; altera, cum rerum, quæ licitæ sunt, aliæ sint aliis meliores, semper esse præferendas, quæ maxime expediunt; tertia, in usu rerum indifferentium illud maximopere curandum, ne simus aliis offensionis. Quarum primam statuit vim suam perdere, si adsit non solum res in se licita, sed & superioris de ea præceptum; quandoquidem in tali casu, si dubitationes ab obsequii vinculo liberare aliquem possent, nihil foret, quod efficaciter obstringeret Pyrrhonianum aliquem ac de omnibus dubitare valentem. Ad alteram respondet, quod, quæ cuivis maxime expedire videntur, non statim re ipsa expediant; deinde, quod eligere tantum sit eorum, qui suo relinquuntur arbitrio, non etiam eorum, qui ab aliis reguntur. Ad tertiam illud monet, quod si scrupulis omnium esset gratificandum, necessum foret, ut orbis universus leges accipiat ab hominibus maxime stultis, ignorantibus, protervis, suisque affectibus obtemperantibus, ut ruat omne debitum erga superiores, atque in erroribus magis confirmetur, quos corrigi ac in meliorem viam reduci charitas exigit. Denique testem pro se iterum producit Baxterum, & quam absolum sibi videatur, eo obtentu, ne aliis præbeatur offensio, Schisma excitare, quod sit offensionum omnium longe pessima ac perniciosissima, exponit
- p. 150. Argumenti, cujus tractationem tertiz Sectioni reservavit, duas

duas partes facit. Prima quidem multum accessisse asserit ad culpam eorum, qui ab Ecclesia per leges Regni in Anglia stabilitas desciverint, quod in coetum aliquem peculiarem coierint, templa resque suas sacras separatim sibi habere coeperint, sacrorum quoque ministros a suo tantum arbitrio pendentes constituerint, verboque idem illud fecerint, quod veteres dixerint erectionem altaris contra altare; in quo nec eandem fuisse causam Ecclesiae Anglicanae statuit, cum illa se abstraheret ab Ecclesia Romana, neque verum esse, quod praetextant adversarii de quadam necessitate, quae ad susceptam a se discessionem fuerint compulsi. Deinde id probandum sibi sumit, quod ministri, quos sacris suis adversarii praeficiant, vocatione atque autoritate legitima destituantur, tam illi, qui praestito iurejurando, quod postea violent, ordinationem accipiant ab Episcopis, quam hi, qui ordinentur a Presbyteris simpliciter ita dictis. Hos enim ordinandi potestatem nec a Christo accepisse contendit, nec per decem secula priora post orbem redemptum eandem sibi vindicasse. Patres quoque ecclesiae, qui plurimum Presbyteris faveant, & plurima illis largiantur (in quibus nominatim Hieronymum allegat atque Chrysostomum) semper ordinationem diserte retulisse ait inter res ad eosdem non pertinentes. Ceterum dum amoliri studuit Adversarius suspensionem, quod consilia Presbyterianorum tendant ad exitium Ecclesiae, quam publicae leges in Anglia confirmarunt, Noster quod non adeo fallantur opinione, qui secus hac in re de Presbyterianis existiment, hac eadem sectione demonstrare operam dedit. In fine libri denuo exprobat Antagonistae convitia, quae in ipsum innocentem coniecerit, & quam falso, quam inconsiderate, quam denique contra propria & asseclarum commoda ille scripserit, paucis ostendere allaborat. Consilium addit, atque id praesertim debere Adversarium curare monet, ne, cum apertius tenuerit viam, quam cautius incesserit Autor libelli, *Short Work with the Dissenters*, eadem fata sentiat, quae ille (propterea numellis publice expositus) sit expertus.

NOVA LITERARIA.

In Hollandia impressio Operum Erasmi strenue procedit, cui novae editioni ingens ornamentum accedet, cum Bibliopola solertissimus, Petrus van der Aa, ultra quadringentas Erasmi epistolas ex illustri-

p. 151.

p. 152.

p. 157.

p. 160.

p. 173.

p. 182.

p. 183.

p. 161.

p. 185.

p. 194.

stribus bibliothecis nactus fuerit, nunquam typis excusas: ut tomus etiam tertius, qui epistolis erat destinatus, in duo volumina fuerit dividendus.

In Moscovia uti supremus ipse Monarcha *Petrus Alexiovitius* Architecturæ Militari, Navalique & Mechanicis Artibus aliis, inusitato studio incumbit: ita bonarum quoque literarum & liberalium artium quarumcunque cultus magis magisque vigere incipit. In ipsa urbe principe Vir Reverendus, *Ernestus Glück*, Præpositus Livoniensis, qui post Narvam a Russis expugnatam captivus Moscuam abductus est, sed gratia nunc apud Potentissimū Czarem floret, Scholam Illustrem (ut ex ejusdem epistola ad Amicum nostrum & Fautorem æstumatisimū, *Henricum ab Huyssen*, S. Czarez Majestatis Consiliarium in re militari, Serenissimi vero Principis Hæredis *Alexii Petrovici* studiorum Rectorem, non ita pridem accepimus) instruit, instruxit; typographiam edendis omnis generis libris, qui studiosæ juventutis commendari cum fructu solent. Dolet vero vehementer Vir optimus, quod Rutheni nondum fruantur accurata satis SS. Bibliorum versione Slavonica, cum ea, qua hætenus utuntur, vitio seculi, quo a *Methodio Illyrico* confecta est, magna obscuritate laboret, ut vix periodum integram laicus Ruthenus ad amissim possit intelligere. Cui malo quidem nonnullum adhibitum est remedium, cum Moscuæ nuper admodum hoc ipso anno 1705, a *Theodoro Polycarpo*, S. Czarez Majestatis Architypographo, *Dictionarium Trilingue*, h. e. *Dictionum Slavonicarum, Græcarum & Latinarum Thesaurus*, juxta *Slavonicum Alphabetum in ordinem dispositus*, in 4. fuerit editus, ut vobis obscurioribus in versione illa Slavonica obviis lux jam aliqua sit accensa. Sed illud remedium nondum sufficere Glückius noster existimat, cum haud pauca in versionem irrepperint menda alia, & cum ipsa analogia fidei pugnantis; ut jam a longo tempore publico S. Czarez Majestatis mandato interdictum sit, ne a quoquam imprimeretur denuo, ac in lucem emitteretur. Itaque novam plane versionem adornari, optandam fuerit, neq; ad rem eam quicquam ipso Glückio magis futurus est idoneus, qui talem jam olim ex fontibus perfecerat, sed in directione hostili Bibliothecæ ipsius universæ, cū Narva prædæ militum furibundorū pateret, amissam, & jam nunc versionem Novi Testamenti Græci iterum se aggressum, in epistola supra memorata profiteretur. Quod si licet ergo, calcar & nos diligentissimo Viro addimus, ut cæptum opus persiciat, ac de gentis Russicæ salute præclare mereatur, in Divini Numinis gloriam, Christianæque religionis insigne augmentum.

* * *

A C T A ERUDITORUM,

*publicata Lipsiæ
Calendis Junii, Anno MDCCV.*

D. ÆGIDII HUNNII THESAURUS APOSTOLICUS, complectens Commentarios in omnes N. T. Epistolas & Apocalypsin Johannis. Nunc primum hac forma editus, & novis, quæ antea deficiebant, Commentationibus auctus & locupletatus a JO. HENRICO FEUSTKINGIO, Doctore Theologo, Ecclesiæ Collegiatae Kembergenfis Præposito & totius Dioceseos Superintendente.

Wittebergæ apud Joh. Wilh. Meyerum & Godofr. Zimmermannum, 1705 in fol. Constat 14 Alphab. & 13 plagulis.

Cum insignis ac de Ecclesiâ Christi immortaliter meriti Theologi, B. Ægidii Hunnii, edecumata in Epistolas N. T. Commentationes a multis avidè, sed ob exemplarium inopiam, frustra hæcenus quæsitæ fuerint, de orbe Christiano præclare admodum meritus est Vir Celeberrimus D. J. H. Feustkingius, dum easdem non modo in publicum rursus prodire jussit, sed egregio quoque augmento locupletare voluit. Quandoquidem enim laudatus Hunnius in Epistolas Pauli ad Romanos, Corinthios, Galatas, Ephesios, Philippenfes, Colossenses, Thessalonienfes, primam ad Timotheum, Titum, Hebræos ac primam Johannis, solum accuratas lucubrationes reliquit, reliquas autem N. T. Epistolas, ob mortem repentinam, pari studio ac labore enucleare haut potuit, Maxime Reverendus Autor, ut defectum illum suppleret, in Jacobi & utramque Petri Epistolam, nec non Johannis Apocalypsin, breves quidem, sed solidas & perspicuas

Hh

spi-

spicuas Johannis Winckelmanni, discipuli Hunniani, ejusdemque in Academia Marpurgensi suseessoris, Commentationes supplementi loco adjecit: secundam ad Timotheum, secundam & tertiam Johannis & Judæ Thaddæi Epistolas sua interpretatione ipsemet illustravit, ac præmissis prolegomenis, cujuslibet capitis argumentum & dispositionem, analysin seu sensum, atque locos communes, laudatorum Duum-Virorum methodum secutus, curate nobis tradidit. Neque silentio prætermittendum, Venerabilem Apostolici hujus Thesauri Editorem B. Hunnii Commentarios ad Helvici Garthii, qui illius gener fuit, exemplar, quod Divino quodam fato ex bibliotheca Pauli Röberi ipsi obtigit, in multis locis emendasse, correxisse, per versus & minores quosdam paragraphos distinxisse, atque in elegantiorum formam hunc cumulatissimum Thesaurum redegissem, ac sub finem operis lueulentum rerum & verborum indicem addidisse. Tandem benevolum Lectorem celare nolumus, Doctissimum Virum intra semestris spatium Thesaurum Evangelicum, in quo Hunnii in Mattheum & Johannem, Winckelmanni in Marcum & Lucam, atque Arcularii in Actus Apostolorum Commentarii exhibebuntur, cum orbe erudito communicaturum esse, illudque opus jam sub prelo sudare.

PROCESSUS OFFICII FISCALIS CURIÆ ECCLES.

*Mechliniensis contra Domnum GABRIELEM GERBERON,
Ordinis S. Bened. Congregat. S. Mauri Presbyterum.*

Bruxellis, typis viduæ Petri van de Velde, 1705. 4.
Constat plag. 15.

Gabriels Gerberonii nomen, alioqui inter literatos ob edita Marii Mercatoris Acta non incelebre, postquam diu delituisse, multo cum apparatu in lucem jam prodit. Ille A. 1682, ob suspicionem Janfenismi, ex patria, Gallia, aufugerat, latibula tum apud Belgas Fœderatos, tum maxime apud Brabantos, sub Antoni Kergre appellatione quarrens. Cum vero Janfenianæ, quæ dicitur, factioni & libellis conscribendis & consilio diu inservisset, tandem Illustrissimi Archiepiscopi Mechliniensis, Humberti Gui-

Gnilielmi a Precipiano, jussu die Mercurii post ferias Pentecostales anni 1703, Bruxellis captus & in Galliam transvectus est. Cum vero Archiepiscopus passim non servatæ in hac causa juris viæ argueretur, ejusdem imperio Fiscalis Advocatus Curia Ecclesiasticæ Mechliniensis, J. A. Væs, præcipua Processus Juridici contra Clar. Gerberonium instituti monumenta edidit, præmissa ipsius Archiepiscopi præfatione.

Enarrata igitur facti historia, libellus, quem vocant, conventionalis exhibetur, quo Gerberonius de editis, suppressis vel ficto nomine, variis Janſenianam doctrinam foventibus & promoventibus, inque Ecclesiasticum Magistratum, cumprimis Archiepiscopum Mechliniensem & Gandavensem Episcopum, injuriis scriptis, de defensis quinque notissimis Janſenii propositionibus, explosis & joculariter tractatis Romanorum Pontificum decretis, de curata nova operum Mich. Baji editione, de commercio cum Janſenianis Hollandicis habito, & turbata universim Mechliniensi diocæsi accusatur. Accedit intentatorum horum criminum probatio ex schedulis Gerberonii manuscriptis, literisque variis ad illum missis, quæ in suppellectili ejus libraria, cum captivus abduceretur, inventæ dicuntur. Sequitur libellus, quem vocant, additionalis, peculiarem deductionem istarum accusationum, maxime primæ, complectens, similibusque probationibus munitus. Hunc excipit alter libellus additionalis ejusdem argumenti, secretum Gerberonii cum Paschasio Quenſnellio commercium inprimis prodens, & probationibus geminis firmatus. Singulis libellis e regione accusationum appositæ sunt Gerberonii responsiones, quibus se maximam partem reum confitetur. Claudit opusculum Archiepiscopi Judicatum, Gerberonium, velut Janſenianum, ut ad Abbatiam suam in Gallias, ibidem corrigendus, deducatur, condemnans.

Amantibus literariæ rei cumprimis volupe erit, videre hic detectum auctorem plurimorum a triginta circiter annis, suppressis vel ficto nomine, editorum librorum, e quorum ingenti numero quosdam hic enotabimus. Tribuuntur enim Gerberonio e propria ipsius confessione

Lettre à Mr. Abellii, h. e. Epistola ad Abellium, Rhodiensem Episcopum, contra ejus librum de Excellentia B. Virginis, A. 1674 edita.

La Fable du tems, jocosus in Archiepiscopum Rothomagiensem & Episcopum Sagiensem libellus.

Memorial Historique &c. i. e. Historica Recensio eorum, quæ ab A. 1647 usque 1653 circa quinque propositiones acta sunt, edita A. 1676.

Miroir de la Pieté, i. e. Speculum Pietatis, doctrinam de Prædestinatione cum consuetudinibus ejus considerans, editum A. 1677 sub nomine Flori de S. Fide; qui liber ab Archiepiscopo Rhemensi & Aquisgranensi damnatus, a Gerberonio vero litteris quibusdam defensus est.

Catechisme du Jubilé & des Indulgences, i. e. Catechetica Institutio de Jubilæo anno & Indulgentiis.

La Vérité Catholique victorieuse, i. e. Veritatis Catholicæ Victoria contra Triumphum Corn. Hazart, Jesuitæ, edita A. 1684.

Deux lettres &c. i. e. duæ Epistolæ adversus Hazarti Defensionem, sub nomine Ignatii du Chesne scriptæ.

L'Eglise de France affligée, i. e. Ecclesiæ Gallicæ Afflictio, quam oppressis Jansenianis tulit, edita A. 1688 sub nomine Poirevin.

Abregé de la Doctrine &c. i. e. Compendium doctrinæ de Prædestinatione & Gratia.

Korte ende nodige Onderwysinge &c. i. e. brevis Catholicorum Belgarum Institutio de lectione Scripturæ, qua libellus Episcopi Caltorienensis eandem laicis concedens defenditur, edita A. 1690. Quæ cum ab Archiepiscopo Mechliniensi & Episcopo Gandavensi damnaretur publicis decretis, jussuque Consilii Regii Geldrensis Ruremondæ combureretur, Gerberonius schedis quibusdam defendit id scriptum, & Præsules graviter accusavit.

Entretien d'un Abbé & d'un Jesuite &c. Colloquium inter Abbatem & Jesuitam Flandricum de subscriptione formulæ Antijansenianæ, editum A. 1692, quod posthæc duo alia colloquia ejus argumenti exceperunt.

Quæstio Juris, an lectio Scripturæ S. Caroli V editis populo prohibita sit? edita A. 1691.

Critique des Prejuges de Mr. Jurieu, i. e. Examen Præjudiciorum Jurii, sub nomine Abbatis Richardi; quem librum in his Actis A. 1690 p. 565, 608 recensitum invenies.

Quæ-

Quæstio Juris Pontificii circa Decretum ab Inquisitione Romana adversus XXXI Propositiones latum, edita A. 1693.

Adumbrata Ecclesia Romana Catholicaque veritatis de Gratia, adversus Melch. Leydeckeri Historiam Jansenismi, Defensio, A. 1696 sub Ignatii Eyckenboom nomine evulgata, & Romæ damnata.

Disquisitiones duæ de gratuita Prædestinatione, & Gratia se ipsa efficaci, A. 1697 sub nomine Mart. du Chesne publicatæ, & Romæ condemnatæ.

Traitez Historiques sur la Grace, nihil sunt aliud, quam præcedens libellus novo titulo instructus, & sub Abbatis de S. Juliano nomine editus.

Norisius aut Jansenianus, aut non Augustinianus. Rothomagi, 1699. Liber, quem Gerberonius a se compositum fatetur, editum a se negat.

La Véritable Lettre de M. l'Abbé le Bossu sur le livre du Cardinal Sfondrati, intitulé: Nodus Prædestinationis. Parisiis, 1698. Quem librum se composuisse non solum fatetur Gerberonius, sed & addit, in dicto Nodo contineri quædam dogmata plusquam Pelagiana.

Histoire Generale du Jansenisme, i. e. Jansenismi Historia generalis, A. 1700 Gallice edita, & in his Actis A. 1701, pag. 289 recensita.

Discordia Janseniana Enarrator.

Esqenes, &c. i. e. Strenæ ad Inquisitores, quibus Romana Inquisitio perstringitur, editæ A. 1700.

Le Chrétien desabusé sur le sujet de la Grace, i. e. Doctrina de Gratia Christianis rectius explicata, edita A. 1701.

La Confiance Chrétienne, i. e. Fiducia Christiana quatuor immobilibus innitens fundamentis, edita A. 1701, atque a Theologis Lovaniensibus & Duacensis damnata.

Mart. Steyarti Morbus & Remedia.

La nouvelle Logique du Sr. Bois-verd, ed. A. 1701.

Anselmus per se docens.

Deprehenduntur hic etiam passim libri a Gerberonio conscripti, sed in MStis adhuc latentes, quales sunt *Dialogus inter S. Anselmum & Bosonem ejus discipulum, Occasus Jansenismi, &c.*

Præterea ex ipsius Gerberonii confessione probatur, eundem Specimina Theologiæ Moralis tutissimæ, quæ Ægidius Gabrielis Latine edidit, quæque Romæ damnata sunt, Gallice scripsisse, vel, ut suspicamur, transfuisse, p. 10; novam Michaëlis Baji Operum editionem, quæ A. 1696 prodiit, ab ipso præcipue esse curatam, p. 26. 51. Idem confessus dicitur pag. 65, quod Jansenii aliorumque ad Abbatem San - Cyranum literas, adscito Franc. du Vivier nomine, ediderit.

FRANCISCI DE VARGAS, PETRI DE MALVENDA, Veterumque quorundam Hispaniæ Episcoporum, de Concilio Tridentino Epistola & Observationes Latinitate donata.

Brunsvigæ, impensis Christ. Frid. Fikkeli, A. 1704. 4.
Alph. 2. pl. 18.

Historiæ Concilii Tridentini illustrandæ, & maxime iis fere omnibus, quæ Petrus Suavis, vel potius Paulus Sarpius, de hoc Concilio jam pridem literis prodidit, confirmandis has Hispaniæ quorundam Episcoporum Epistolas inservire, tum jam a nobis indicatum fuit pluribus, cum Gallicam eorundem versionem, a Michaele Vassorio adornatam, A. 1699 *Mens. Jun. p. 261* in Actis his recenseremus. Nam quæ Hispanica lingua (præter aliquot solum Gallorum quorundam responsorias) ab Episcopis Hispanis manuscriptæ, in *Trumbullii*, Equitis Angliæ Illustrissimi, Bibliothecam privatam pervenerant, Epistolæ, illæ primum a *Michaele Geddesio* in linguam Anglicanam traductæ, cura Celeberrimi *Stillingfleeti* Londini A. 1697 in 8 juris publici factæ sunt. Postea *Michaël le Vasser*, Vir non minus celebris, easdem in Gallicam linguam translatis, nec non adnotationibus præterea doctissimis passim illustratas, Amstelodami A. 1699 in 8 luci publicæ exposuit. Et jam etiam, una cum Vassorii notis, a *Jona Conrado Schrammio*, Viro Clarissimo, Latinitate donatæ, in Germania nostra prodierunt, non exiguo orbis literarii emolumento. Equidem *Patres Trevoltenses*, e Societate Jesu, Vassorio, cum Gallica jam lingua ab eo ederentur, valde indignati, inter acerbas satis suas ad
has

has literas animadversiones, quas recensionis suæ loco Actis vel Commentariis suis Historiæ Scientiarum adornandæ infervituris, mense Februario anni 1703 inseruerunt, fidem ipsis ob duas præcipue causas dubiam reddere sunt annisi. Primo, observatum non fuisse, quomodo in hæc monumenta inciderit, vel qui servavit illa, vel qui reperit. Deinde etiam nondum satis esse demonstratum, num genuina illa sint, & ab iis revera provenerint, quibus tribuuntur? num vero, quod facile credendum sit, quidam Protestantium ea conceperit, posteris ita illufurus? At quæ ad hæc prævisa facile Pontificiorum tela, e Vassorio jam in recensione editionis Gallicæ a nobis fuerunt præmonita, ea nunc fortius sub finem præfationis suæ, Latinæ versioni præmissæ, Schrammius noster adversus Trevoltienfes urget, & uberiori aliquantum confutatione tuetur. Ceterum in ipsa præfatione non inruditam de turbis, tum Ecclesiasticis, tum Civilibus, propter Concilium Tridentinum, inter ipsos hinc inde Pontificios exortis, commentationem instituit, & quomodo cordatiores Pontificii, tum in Italia, tum in Hispania, tum in Gallia, tum in Polonia, tum apud Venetos, tum etiam in Imperio Germanico, cum summis quandoque Principibus, vel publicum, vel privatum suum a Concilii Tridentini decretis dissenfum, a prima statim ejus convocatione ad nostra usque tempora, subinde declaraverint, solertissime commemorat, alia denique adhuc monumenta, Historiam Concilii egregie illustrantia, & nondum antehac visa, orbi literario pollicitus.

HERMANNI von der Hardt AD CL. V. PAULUM
MARTINUM NOLTENIUM, in Historiam Mosis Genes.

II, 18. 19. 20. de vocatis ab Adamo animalibus, Epistola.

Helmstadii, A. 1705 in 8. plag. 2 ed. sec.

Quod dudum optant Viri præstantes, ut hujus Epistolæ Illustris Autor, alias ab Actis Constantiensis Concilii, aliisque monumentis nobis merito laudatus, suas *Annotationes in universum V. T.* quas domi servat, cum erudito orbe communicet, id illi nondum possunt impetrare. Nec tamen usque adeo invidet

det Reipublicæ literatorum, ut non interdum e scriniis suis promtat, quo Lectores philologos & cupidos doctarum lucubrationum recreet. Expectant illi avide, & jam fere pollicentur sibi *Historiam Abrahami, Isaaci, Jacobi, Commentarium item in Hoseam*, ab eodem Autore, intereaque dum illorum & plurium potiantur, & hanc Epistolam cupide arripiunt ac legunt. In qua primum proponit quætionem, Epistolæ nempe totius argumentum: *Num Alamus, omnibus brutis, volatilibus & terrestribus, nomina imposuerit, natura cujuslibet congrua; & num vestigia illius facti apud Moſen deprehendantur genuina?* Nec vero dissimulat, *Judeorum vulgus* id quidem velle, Adamoque ut istam laudem concilient, historiam Gen. II, 19, 20 descriptam proferre. Verum his ita respondet, ut ignorantiam scriptorum Moſis ipsis objiciat, qui Moſen frustra crepent & ostentent, quem in suæ gentis laudem vel invitum semper pertrahant. Idque agere etiam h. l. plerosque Rabbiorum, ut ex Adami hac nominatione dein asserant *lingua Judaica cum antiquitatem ac dignitatem*, tum pondus ac vim significandi inexplicabilem. Hanc opinionem, cum aliis multis, fuisse ad Christianos its propagatam, ut viri eruditissimi, *Buxtorfius & Bocharius*, ne vix quidem evitare sucum Judæorum potuerint. Quibus id opponit, quomodo brutis imposita ab Adamo nomina significantiora putent ipsius nomine *Adami*, quod Deus indiderit, & hominem, humo natum, tantum indicet, naturam hominis non attingat. Quod si quis, contra ac Moſes, a pulchritudine dictum Adamum velit, neque hac quidem ratione naturam hominis esse expressam, quod invenustum foret, in colore & venustate essentiam hominis, nisi forte venustissimi & mollissimi sexus, collocare.

Deinde ad locum Moſis, ad quem provocari solet, progressus, docet primo, Geneseos capite II, 4, *Adami historiam* reconditam pertexturum divinum Scriptorem, genuinam Adami sedem notasse, qui ex illa regione, in qua conditus fuerat, transire jussus sit in vicinum Orientalem tractum, fecundissimam terram, quam coleret & conservaret, omni, præter unum aliquod genus, victu indulto. Atque hoc primum hujus historię momentum. Ad alterum v. 18 digredi Moſen, emendandis Isrâ-

lita-

litarum moribus intentum, *Adami* scilicet *conjugium*: eique *oraculum Divinum* præmittere, ut *in omni vita genere ad Divinam* invitaret *providentiam*, & *societatis conjugalis sanctum principium* suos doceret. *Adamo*, inquit *Moses* v. 18, in regione fertilissima sic collocato, eaque colenda ac conservanda occupato, Divina providentia edixit, & pro rei necessitate ipsiusque desiderio definivit: *non esse bonum aut congruum, Adamum*, pro tanta rerum conficiendarum ac conservandarum cura, *existere solum*; sine auxilio & adjumento, tantis laboribus fore imparem. Atque hoc quidem principium conjugii, *laboris nempe consortium*, ideo sollicitè exposuisse *Mosen*, ut *Israëlitas* meliora edoceret, qui ab *Egyptiis* male didicerant, voluptatis tantum causa uxores querere, habere, dimittere.

Succedere apud *Mosen* luculentum in priora verba commentarium: *faciam illi auxilium, quod illi sit præsto*. Divinum nempe de auxilio parando decretum. *Auxilium* vocari a Deo, *dulcissimam curarum & familiaris rei sociam*, cum delicata determinatione, tale auxilium, quod blando vinculo retineatur, ne abeat, sed *semper viro sit præsto*, in rei conservandæ cura.

Præterea *Mosen*, qui alias *Cananzorum* affinitates dissuadeat, modo illo, quo *Adamum* scribat sociam quæsitam non invenisse, id agere, ut *Israëlitas* a *Cananzorum* detestanda cum brutis consuetudine abstrahat. Quo etiam supplicia *Exod. XXII, 18, Levit. XX, 15, 16* criminibus istis dicta spectent. Ideoque post decretum Divinum de socia necessaria, v. 18 *sollicitudinem* *Adami* in quærenda, & *judicium* de non inventa, v. 16 & 20 describi. Cum de *Adami* socia apparanda ageretur, *fam creaverat*, inquit *Moses*, *Deus ex terra omnia bruta, omnisque generis volucres*. Ea ergo in *Adami* oculos incurrere jussit, effecitque, ut omnia, quæcunque & ubicunque essent obvia, animalia aspiceret attente. Meminisseque *Mosen* primo terrestrium, dein & volatilium, ne ullum genus quis exclusum putaret, maxime cum gentes utroque abuterentur.

Contemplaturum ergo *Adamum* omne brutorum genus, ut dispiceret, num quod illorum advocaret pro auxilio desiderato, aut ad se pro socia adscisceret. Neque his verbis: quodnam

illorum vocaret, designari judicat Autor illud Adami negotium, quo bruta nominasse jactetur ad naturam accommodate. Id enim historiae scopum non ferre: quandoquidem *de sociâ Adamo querenda* sermo sit, non de nominandis brutis. Atque esse ipsum absonum negotium cogendi ex universo orbe & nominandi bruta; quod multis incommodis prematur, quæ p. 19, 20, 21, 22 commemorantur. Nihil horum dicit Autor esse apud Mosén, Locutionem ejus pro scopo & contextu explicandam.

Jam ubi *solicitus de sociâ* inducatur *Adamus* a Mose, alterum quoque errorem vulgi Ægyptiorum, Arabum, Sabæorum, finitimorumque, ab eodem tolli, nempe de occulto *animarum defunctorum utriusque generis*, & familiarium dæmonum cum homine commercio. Unde horum cultus & sacrificia quondam, Judæorumque Lilith & Styx Gentilium, sagarum denique opinio venerea hodieque audiantur; & leges his oppositæ a Mose Lev. XVII, 7, Deut. XXXII, 17, Exod. XXII, 17, Lev. XIX, 31, XX, 6, 27 legantur. Eam ob causam Adamum describi non nonnisi inter animalia viva circumspicere iustum, *neque ex ullo alio genere auxilium pro societate sibi evocaturum. præterquam ex illis, quæ animantium viventiumque nomen secum ferrent*, exclusis animabus & dæmonibus. Nec quenquam, scopi memorem, autumatutum censet Interpres, Mosi illis verbis significari, ab Adamo unum illud *animalis vivi* nomen omnibus datum fuisse brutis, terrestribus & volatilibus; quod nullo id sine referret Moses, & contra plane dicat Gen. I, 20, 21, 24, 25, Gen. II, 7, quodcunque vocaret Adamus pro auxilio, id nomen jam habuisse *vivi animalis*.

Post consilium Dei, v. 19 a Mose enarratum, subjungit idem, Autore nostro judice, v. 20 *Adami factum & obsequium: nominatim, seu sigillatim, obvia omnis generis animantia percensuisse, sive domestica essent jumenta & cicuria, sive volucres, sive bestia agri aut fera quæcunque*. Omnia viva animantia, quocunque veniant nomine, attendisse serio, judicaturum, essetne aliquod illorum ad auxilium sibi idoneum. Pingique Adamum, seriem quasi omnium animantium obviatorum iterum iterumque pertextentem, *exemploque* dari Israëlitis, ne hi temere in bruta ruant.

Tan-

Tandem eodem sine ipsūmet Adami iudicium afferri monet Interpres noster, *atque ita*, a Mose concludi, postquam in omni genere animantium circumspexerat Adam, *pro Adamo non invenit auxilium*, & tale quidem, *quod præsto illi semper esset*, seu jugale. Quæ diserta conclusio Mosis, de non inventa Adamo ex brutis jugali & laborum humanorum socia, exacte respondeat superiori *Mosis propositioni* & Divino oraculo, de necessaria Adamo conjugali, eaque querenda. Quæ causa sit, cur Moses his tandem subjungat veræ & dignæ Adamo conjugis originem, Adamique gaudium: nunc tandem in hac Eva deprehendo os ex ossibus meis & carnem ex carne mea, sive jugalem, humanam, homini congruam, quam diu frustra quæsit. Quo pacto historia hæc Mosaica penetrantissimum ad virisem, honestatem, decentesque mores calcar sit.

GEORGII WOLFFGANGI WEDELII CENTURIAE
secunda Exercitationum Medico-Philologicarum, sacrarum
& profanarum, Decas I.

Jenz, apud Jo. Bielckium, 1704. 4. pl. 15.

NOvam hac Decade Exercitationum suarum Medico-Philologicarum Illustris Wedelius orsus est Centuriam, ad quam nunc more nostro perlustrandam, par prorsus materiarum, tum selectarum, tum erudite pertractatarum, ubertas & præstantia nos excitat, quæ ad *prima Centuriæ* Decades (et quidem *Dec. I & II. A. 1686. p. 361. Dec. III. IV. & V. Suppl. Tom. II. p. 249. Dec. VI & VII. A. 1694. p. 349. Dec. VIII. p. 501. Dec. IX. Suppl. Tom. III. p. 422. & Dec. X. A. 1701. p. 519.*) recensendas nos excitavit.

Atque in *Exercitatione* quidem I primæ hujus in Centuria secunda Decadis, de *Censu Augusti*, ex marmore maxime Ancyrano, ab Augerio Busbequio Ancyræ, oppido Galatiæ, invento, contra Eminentissimum Cardinalem Norisium, & nuperum quendam Scriptorem anonymum demonstrat, non unum, sed tres ab Augusto Imperatore in Judæa census fuisse peractos, quorum primus ipso nativitatæ Christi anno, seu anno Augusti XLII;

alter anno Christi VII, qui cum anno a pugna Actiaca XXXVII, a Iosepho censui Quirini assignato, conveniat; & tertius anno Christi XIV, Sexto Pompejo & Sexto Apulejo Coss. contigerit.

In *Exercitatione II* per *Morbum Phœniceum Hippocratis*, L. II. Prædict. c. 49 memoratum, Elephantiasin seu lepram veram Arabum intelligi, non paucis argumentis comprobatur, textu Græco Hippocratis accurate simul & diligenter castigato, & exanthemata, quorum Hippocrates loco suo meminit, alia alba, alia rubra esse, ex ipso Hippocrate demonstrato.

In *Exercitatione III* de *Hercule Medico*, Poëtæ Euripidis relationem de Alceste mortua, & per Herculem Alcmenæ filium resuscitata, non fabulam, sed Herculem istum tum verum, tum summum Medicum fuisse, contendit. Scilicet Alcestis, Admeti Thessalorum Regis conjux, morbo consumpta & tabescens, resolutis jam manuum viribus, pro conclamata habebatur, & tantum non mortua: indictus etiam erat luctus funebris per annum integrum, rasura capitis & pullæ vestes, ut jam tunc in usu erat. At dum jam ipsa pompa funebris est ducenda, bona fortuna Hercules, Alcmenæ filius, hospes adest, qui re comperta admisus Alcesten, in omnium oculis exanimem & jam rogo imponendam, vivam conjugi, salvam & incolumem reddit; licet multis laboribus. Atque hoc factum, Tragedia ab Euripide descriptum, neque pro fabula Poëtæ & ingenii lusu, neque pro miraculo habendum, Wedelius eo minus censet, tum quod Poeta ipse opinionem, quod Alceste revera mortua & ab inferis ducta sit, declinat, *Τεθναῖσιν*, inquit, *οἱ θανόντες*, & iterum, *οὐκ εἰν τῆς θανόντας ἐς Φάος μελαιν*; tum quod ipse Admetus Herculi querenti, utrum mortua an viva esset Alcestis? responderit: *ἔστω τε, κ' ἐκ τ' ἐστὶ*, est & non est. Quo evicto, jam id cumprimis evictum dare annūtur Wedelius, *Herculem fuisse Medicum*. Primo enim, testimonium Cornelii Celsi Herculem facere Medicum antiquissimum & celebratissimum. Deinde dictum Alcidem *ἀπὸ τῆς ἀλκῆς*, a remedio; & *ἀλεξικακὸν*, quod nullum majus vel gravius malum esset morbis: prout & ab eo apud Hippocratem morbi quidam nominentur morbi Herculei; non quod ipse Hercules

cules istis vexatus fuerit, sed quod tanti fuerint, ut Herculeis opus habuerint remediis. Porro pingi Herculem cum poculo: non quod ebrius vinum fuderit ex urceo, sed ad denotanda pocula sanitatis, pro abigendis morbis & reparanda valetudine. Fuisse domitorem monstrorum, ac idcirco clava & leonis exuviis insignem, ad febres, hydropem, cancerum, epilepsiam, aliosque morbos gravissimos, ab eo curatos, significandos. Expurgasse Augiæ stibulum, quod cacochymiam, morborum gravissimorum matrem & nutriculam, expurgaverit. Theſcum & Pirithoum, enecto Cerbero, ex orco reduxisse, quod itidem a desperatis morbis vitæ restituerit; & quæ sunt reliqua.

In *Exercitatione IV de Ecstasi putata Christi*, locum D. Marci c. III, 21: καὶ ἀκούσαντες οἱ παρ' αὐτοῦ, ἐξῆλθεν κρατήσας αὐτόν· ἔλεγον γὰρ, ὅτι ἐξέστη, evoluit, atque ubi ἕκαστιν aliam supernaturalem, aliam non naturalem, aliam vero præternaturalem esse dixit, ex phrasi, ὅτι ἐξέστη, neque delirium, multo minus furorem, sed solum prætensam putatamque animi passionem argui posse, ostendit.

In *Exercitatione V de ἀγωνία Christi* disserit, eamque non angorem corporis ex intemperie quadam spirituum morbosa ortam, sed tristitiam intellectualem, ex odio & ira erga mortem, infernum & horum fratrem diabolium natam fuisse, ex ipsa historia sacra declarat.

In *Exercitatione VI Tabulam Hermetis Smaragdinae*, ample quadam in ipsum textum, eam complexum, commentatione explicat, ac in ea veram Chimie sublimioris & Lapidis Philosophici theoriam tradi, adversus Athanasium Kircherum, cum Borrichio & Krigsmanno demonstrat.

In *Exercitatione VII de Nummis Novi Testamenti*, generatioris primum voces Græcæ, ad exprimendam pecuniam vel monetam quamcunque in N. T. adhibet, ut χαλκόν, νόμισμα, χρῆμα enodantur; quam enodationem specialis nummorum sacrorum expositio ordine alphabethico excipit. Nimirum ἀργύριον, argenteus, ex mente *Wedelii* nostri, modo pecuniam indefinite quamvis ex argento confectam; modo in specie certos nummos argenteos notat, qui cum drachmas quatuor pendeant,

dimidio Imperiali nostrati, monetæ gravioris seu *schweren Geldes* æquipollean. Ἀσάριον, *assarium*, diminutivum ab asse est, as dimidius, & perinde ac λεπτόν species monetæ omnium minutissimæ; κόδρανς vero seu quadrans quarta pars assis, non denarii. Δηνάριον, *denarius*, species nummorum Romanorum, hodie adhuc frequentissima, denos valet nummos æreos, ut quinarius quinos; ex quo simul & illud efficitur, asses fuisse nummos æreos, & unumquemque assem partem decimam denarii. Δραχμή, *drachma*, eadem est, cum denario; & διδραχμον duo denarii; τετραδραχμον autem stater seu quatuor denarii. Qui valor si cum nostro comparetur, denarius non per duos grossos cum dimidio, neque per tres cum dimidio, Germanis Schreckenberger/ ut quidam volunt; sed per integros tres grossos monetæ gravioris reddendus erit. Ut adeo Matth. XX. 2, ubi conventio facta dicitur cum operariis ἐκ δηνάρια τὴν ἡμέραν, in diem denario, zum Tage-lohn / & hinc acceperint ἀνα δηνάριον, singuli denarium, ita intelligendum sit, pretium operarios singulos tres vel tres cum dimidio grossos accepisse. Μνᾶ, *mina*, per quam in N. T. non mina Alexandrina, sed Romana intelligitur, est nummus centum drachmarum; τάλαντον, *talentum* vero, quod pro certa nummorum quantitate, eaque non levi, sed pondere eminenti, in N. T. acceptum legitur, apud Josephum habet minas centum. Regulat denique hæc omnia certus numerus unicuique nummorum recensionis additus; atque hinc Matth. XVIII. 24 μύρια τάλαντα, quæ decem millibus cum 60 minis seu 6000 drachmis divisus, faciunt sexaginta millena millia, 60000000 imperiales, seu sexaginta auri tonnas; & Act. XIX, 19, per ἀργυρία μυριάδας πέντε, denariorum quinquaginta millia, seu sex mille ducenti & quinquaginta imperiales constituuntur.

In Exercitatione IIX de *Claudis Novi Testamenti*, geminam speciem duorum ex utero materno claudorum historiam, unam Act. III, 2, alteram Act. XIV, 8, memoratam examinat, atque Philologicis quibusdam circa voces Græcas χωλός, βάσις, σφοδρά observationibus inspersis, veros istos claudos miraculoso modo ab Apostolis sanatos affirmat, curationem a primo ortu claudorum impossibilem per naturam statuens; utut seipsum pri-

primis annis praxeos A. M DC LXVII adolescentem universali paralyſi, miſerrimo ſpectaculo laborantem, & dehinc non paucos alios perfecte paralyticos, per Dei gratiam, curaſſe meminerit.

In *Exercitatione IX Baſilii Valentini*, famoſi iſtius ſcriptoris Germani & arcanorum chimicorum principis, *vitam* ſuccincta quadam commentatione exhibet, & inſigni elogio, *ubi deſit Baſilius, ibi inceptit Paracelſus, uterque non ſatis in ſua arte laudandus, ornat,* deque ſcriptis illius eorumque fatiſ notatu digna memorat.

In *Exercitatione X* originem & ſenſum *Paramia*, *Jovem lapidem jurare*, tum literalem, tum myſticum maxime, ad forum chimicum & *lapidem* ſpeciatiſ *Philophicum* translatum, notis eruditis indagat, eaque occaſione iconem inſerit quatuor lapidum ſecuriformium, ſeu, quod alii putant, cuneorum, partim Querfurti inter rariora cimelia Davidiſ Sigismiundi Buttneri, Diaconi ibidem, partim apud ſuos a ſe viſorum.

Joh. Joachim Müllers *Hiſtorie von der Evangelischen Stände* *Proteſtation und Augſpurgischen* *Confession.*

Hoc eſt:

JO. JOACHIMI MÜLLERI HISTORIA PROTE-
ſtationis Statuum Evangelicorum & Auguſtana Con-
ſeſſionis.

Jenz, apud Jo. Bielckium, 1705, in 4. Alphab. 6. plag. 10.

Quemadmodum Doctiſſimi Mülleri noſtri Nobiliſſimus Patens, Jo. Sebastianus, ante annos aliquot, trium noviſſimorum ſeculorum memorabilia, quæ quidem ad Hiſtoriam Saxonicam ſpectant, e monumentis quam aptiſſimis, Annalium in morem dilucide admodum dextreque recensuit, ut in Actis A. 1700 p. 409 monuimus: ita veſtigiis paternis inſiltere laudabiliter allaborans Filius ſolertiſſimus, ſpecimen hac vice edit ſuæ in perluſtrandis chartophylaciis ſecretioribus Saxo-Vinarienſibus, quibus una cum Viris integerrimis aliis hoc tempore præfectus eſt, exantlatæ hæcenus induſtriæ, atque ea propter nunc in aprium produ-

ducit, quæ ad partem Historiæ Ecclesiasticæ seculi decimi sexti haud minimam illustrandam non parum conferunt. Etenim solennem illam *Protestationem*, qua a decreto Comitiorum Spiren-
 sium A. 1529 habitorum, ad Sacram Cæsaream Majestatem Con-
 ciliumque universale Christianum atque liberum, Judicemve,
 quemvis idoneum alium provocarunt Status, qui exinde Prote-
 stantium nomen adepti sunt, non parum describit accuratius, eique
 comitem adjungit Historiam *Legationis* ad Imperatorem Carolum
 V, Protestationis istius insinuandæ gratia, susceptæ, tandemque &
 prolixissimam *Augustana Confessionis Historiam* subnectit. Vi-
 derat, Illustrem Seckendorffium in Historia Lutheranismi, istud ap-
 pellationis instrumentum, in Archivo Vinariensi asservatum, ut-
 pote quod actorum historiam & Reformationis præcipua funda-
 menta exhiberet, dignum judicasse, quod ad notitiam omnium
 hæc nosse cupientium publicaretur. Viderat etiam, ab eodem
 Historiam Comitiorum Augustanorum manuscriptam, ibidem re-
 conditam, volumen appellari a Viro rerum peritissimo, & fortas-
 sis ab ipso Pontano elaboratum, quod editionem maxime mere-
 atur, multisque aliis, quæ de his Comitibus scripta extent, præ-
 ferendum sit. Plurimum itaque in sententia sua, de his monu-
 mentis publicæ luci exponendis, se confirmatum sensit, & ideo
 tribus in libris narrationis filum longius protraxit, quorum pri-
 mus Protestationem & Appellationem, secundus Legationem,
 ob eandem institutam, & tertius denique Religionis in Comi-
 tiis Augustanis tractatum negotium attinentem Historiam omnem
 describit. Utrique suam narrationem allatis in medium monu-
 mentis, quæ huc spectant, integris, prout verbis ea primitus
 conceptis habent, confirmat, immortalis Seckendorffiano operi
 hac ratione quoddam velut Supplementum additurus, quando-
 quidem in isto talium excerpta modo plerumque reperiantur.
 Utut autem heic, serie narrationis ita postulante, alibi jam passim
 obvia nonnulla repetenda venerint, plura tamen primitus nunc
 e manuscriptis protrahuntur, & priora ista pariter ex his non-
 unis in locis pleniora & correctiora sistuntur. Et ut de iis, quæ
 nunc primum integra publicantur, cuius constet dilucidius, dum
 in Indice librorum capitumque simul inserta allegat monumenta,
 hæc

hæc ab antea jam tum vulgatis adjecto solícite asterismo distinguit. Historiam Comitiorum Augustanorum A. 1530 habitorum manuscriptam locis inserit convenientibus, eamque ad Autorem Apologiæ MStæ provocando insinuat, variaque ex eadem profert, quæ in Coelestino & Chytræo, utut hi non levem huc attulerint diligentiam, frustra omnino quæsieris. Singula vero Noster ea pertractat cum dexteritate, ut nihil fere ad istius historiæ perfectionem amplius requirendum videatur. Interdum etiam excursu aliquo nec inutili nec inconvenienti Lectorem divertit, velut ubi p. 688 seq. de oblata, cum post mortem Maximiliani I thronus vacaret Imperatorius, *Johanni Friderico*, Johannis Filio, & postmodum Saxonix Electori, (non ut perperam in Tab. II Archi-Ducum Austriæ Rittershusiana legitur, Friderico III Electori) in sponsam *Caroli* Austriaci sorore, *Catharina*, Infante Castilix, ex actis abs se attentius inspectis disserit, & quomodo post factam Francofurti electionem Imperatoriam sponsalia rite contracta & rata insuper utrinque habita, veruntamen post tempus quoddam interjectum rescissa rursus fuerint, sponsa quippe eadem Regi Portugallix in thori sociam concessa, luculenter memorat.

MARTINI HANKII DE SILESII NOMINIBUS Antiquitates.

Lipsiæ apud Christ. Bauchium, 1702, 4. Constant 12 plag.

EJUSDEM DE SILESII MAJORIBUS ANTIQUITATES ab Orbe condito ad annum Christi 550.

Ibidem, apud eundem, 1702, 4. Const. 18 plag.

EJUSDEM DE SILESII REBUS AB ANNO Christi 550 ad 1170 Exercitationes.

Ibidem, apud eundem, 1705, 4. Constant 2 Alph. 20 plag.

MARTINUM HANKIUM, Gymnasii patrii apud Vratislavienses in Silesia Rectorem, Scholarumque reliquarum Aug. Confess. addictarumInspectorem, præter Orationes & Poemata in lucem emissâ, duo præsertim tractatus de Romanarum & Byzantinarum rerum Scriptoribus celebrem, & D. LEOPOLDO Imperatori, nuperrime proh dolor! fati defuncto, litterarum

Kk rum

rum omnium æstimatori augustissimo, notum atque charum reddere. Qui licet per annos plus quadraginta laboribus gymnasticis mancipatus, parum a negotiis gravioribus respirare potuit, horas tamen suas ita dispartitus est, ut post scholastici muneris curas, ad patriarum antiquitatum notitiam digrederetur, quarum evolutio tanto difficilior habetur, quo minus ille Germaniæ veteris adversus Sarmatiam terminus, ab auctoribus mediorum seculorum describitur. Tria potissimum momenta sunt, quorum pertractatio a Silesiis magna difficultate laborare creditur, ipsum scilicet *Silesia* nomen, veteres deinde regionis incolæ, ac novi denique, illorum successores *Slavi*. Prioris puncti indagacionem Clarissimus Autor in libello de *Silesiorum Nominibus* accurate persequutus est, cujus capite I. Nominum, quibus *Silesii* denotantur, recensio; II. Origo prima *Silesiorum* nominis, a *Silesiæ situ*, Latina, Polonica, Germanica; III. Origo secunda, a *solo Silesiæ*, Polonica; IV. Origo tertia, a *Silesiæ fluvio Slesø*, Slavica; V. Origo quarta, a *Silesiæ monte Saborbo*, Latina & Germanica; VI. Origo quinta, a *Silesiæ Convenis*, Polonica; VII. Origo sexta, a *Silesiæ Convenis*, Bohemica; VIII. Origo septima, a *Silesiæ populo Quadiis*, Slavica; IX. Origo octava, a *Silesiæ populo Lygiis*, Germanica; X. Origo nona, a *Silesiæ populo Elysiis*, Germanica; XI. Sententia, quod seculo post Christum natum sexto ortum sit *Silesiorum* nomen, legitur. Alterius momenti rationes in tractatu de *Silesiorum Majoribus* disquirat, cujus XXI capita sunt, in quorum XIV prioribus, originem Silesiorum ex majoribus inter Noachicos Japheticis, inter Japheticos Celtis, inter Celtas partim Gallis iisque Gothinis, partim Pannoniis iisque Osis, partim Germanis iisque Suevis, inter Suevos autem Lygiis & Quadis deducit; capite postea XV. Lygiorum & Quadorum res gestas ante Christum natum, capitibus XVI. XVII. XVIII. XIX. XX. Lygiorum & Quadorum acta seculis quinque post Christum natum illustrat, ac ultimo tandem capite, quod est numero XXI, quaestionem perdifficilem examinat: an scilicet Silesiorum majores Lygii & Quadi, post destructum in Occidente Romanum Imperium, seu sponte sua digressi, seu per vim adaçti, seculo VI. circiter annum 550. patriam Silesiam vacuum Slavis advenis occupandam reliquerint,

rint, prorsus ipsi postea deleti? Atque ea ipsa nervus est puncti, quod modo inculcābimus, tertii. Quum enim multi ex Polonis pariter ac Silesiis asserant, Quados & Lygios per Slavos Polonos aut in fugam conjectos, aut vi oppressos fuisse, indignatus est celeberrimus Hankius illatam hanc patriæ injuriam, & velut alter Germanicæ originis vindex, operosissimo scripto, quod *Exercitationes de Silesiorum Antiquitatibus ab anno Christi 550. ad 1170.* inscripsit, demonstravit: Quados & Lygios, postea *Silesios* dictos, adeo non a Slavis Polonis aut depulso, aut extincto, ut Silesii potius diu quidem cum Polonis pari tum jure, tum libertate, societatem coluerint, aliquoties tamen ab iis separati iisque contrarii, vel nulli, vel alteri populo associati fuerint; etiam post instauratum in Occidente Romanum Imperium, licet suis Ducibus præditi, Romanis Imperatoribus, tanquam summis Principibus suis, a Carolo Magno ad Fridericum I. Barbarossam, tributarii subiectique fuerint. Universum opus in capita XII. dispescuit, quorum singulis sectionibus non modo computum chronologicum, sed Romanorum quoque Imperatorum, Polonicorumque Ducum nomina præfixit, addita semper notula, num Silesii eo tempore Romano-Germanorum Imperio tributarii, num a Polonis separati, num vicissim cum Polonis aut etiam Bohemis conjuncti vixerint. Tributi mentionem ideo adjectam deprehendimus, quod ex Polonis Scriptoribus fere omnes, atque præ cæteris Joannes Schultzius, Clarissimus nuper Francosfordienſium Juris Professor, ante menses aliquot ibi vivis ereptus, singulari opere, quod *de Polonia nunquam tributaria*, composuit, tributum a Polonis unquam solutum fuisse Romanis Imperatoribus, contra Conringium cordatissimosque rerum Germanicarum auctores, pernegant. Eruditam hanc litem, magno fervore inter utrosque Scriptores agitatam, duobus fundamentis acquiescere notavit Hankius noster, quorum prius est: quam terram Scriptores æcipiti *Polonia* vocabulo designent? Veteres enim & recentiores, generali notione *Poloniam* sæpius vocant, non tantum quam hodie cognomento vel *majorem* vel *minorem* nuncupamus, verum ab utraque distinctam etiam quamcunque provinciam cum Polonia sub eodem communi capite conjunctam, Lithuaniam, Russiam, Masoviam, Samogitiam, Prussiam, Pome-

raniam; quo pacto, quicquid jurisdictioni Polonicæ subditum aut fuit, aut est, Polonicum dici consuevit. Hinc parem ad legem, nostra *Germania* pars *Silesia* sæpius antiquis vocabulo alieno, quam suo, denotari solita, ob annosam cum Polonia conjunctionem, dicta reperitur *Polonia*. Eum ad modum igitur Polonia, quoties aut Germanis aut exteris aliis vel tributaria vel subiecta fuisse dicitur, num tota, num ejus quædam & quænam pars innuatur, occasionem dubitandi præbet: sicque unius vocis ambiguus intellectus miris umbris lucem historicam obscurat. *Posterius* fundamentum hoc est: utrum de Polonia, seu tributaria, seu subiecta, dissentientibus Scriptoribus *Germanicis*, an *Polonicis*, subscribendum in ea re sit, unde priscus & Polonorum & Germanorum status, in alterius nationis gloriam seu adaugendam, seu imminuendam, solide cognoscendus dependet. Hanc controversiam quoties tractare cogitur Auctor noster, primo quidem Poloniam, quatenus Silesiam vocabulo suo non comprehendit, Germanicis Augustis nullo modo unquam subditam fuisse, sed sub Poloniæ tributariæ nomine, vel Pomeraniam, vel Silesiam, veteri Poloniæ conjunctas provincias, intelligi statuit. Addit vero, Germanicis Scriptoribus in hisce Polonorum rebus plus, aut certe non minus, auctoritatis esse tribuendum, quam Polonis, cum quod Germani multo vetustiores sint omnium seculorum auctoribus Polonis, atque in rebus suorum temporum, quibus multa ex parte præsentis interfuerunt, fidem omnino præ recentibus mereantur, tum etiam quod in Germanis major animi candor ubique deprehendatur, Polonos vero in iis, quæ patriæ gloriam obscurare possunt, multa neglexisse, suamque adeo fidem sublestem reddidisse constet. Quod ad ipsam operis tractationem attinet, laudanda est Viri Clarissimi exactitudo, qui quotiescunque thesin aliquam proponit, præter annorum indiculum, quem semper addit, testimonia integris cujuscunque auctoris verbis exprimit, vetustiores recentibus præponens, quorum rationes punctatim examinat, & cuinam ipse adfentiat, innuit. Præmisit insuper Exercitationibus hisce prolixam præfationem, in qua 1) quo dictionis genere, 2) quibus e monumentis, 3) intra quos materiæ limites, 4) qua tum veritatis, tum etiam perspicuitatis cura, 5) quo præcipuo intentionis scopo, lectoribus

capiendam exhibeat rerum patriarum notitiam, ingenue profite-
tur. Hac igitur ratione difficilior annalium Silefiacorum pars,
stupendis tot annorum vigilis a diligentissimo Polyhistoro in
ordinem redacta, atque ex monumentis, quantum licuit, anti-
quisissimis diducta, non Silefiæ tantum, cujus præcipue gratiam
lucubrationibus suis meritus est Auctor, sed eruditis omnibus, il-
lis autem inprimis, qui gentium migrationes, & medii ævi acta
scrutari solent, exhibetur. Hac ratione tot illustria Germano-
rum facinora, tot præclara Silefiacæ fortitudinis decora, quorum
famam alias cum ipsa fere memoria priorum temporum infelici-
tas ob Scriptorum penuriam aboleverat, nova luce donantur, &
Piaſtus, Sileſiorum cum Polonis conjunctorum Dux, cujus stir-
pem, post nongentorum annorum principatum, anno superioris
seculi quinto ac septuagesimo, in Georgio Guiljelmo, ultimo Li-
gnienſium, Bregenſium & Wolavienſium Duce, invida Parca
exſtinxit, Germanicæ origini ab Hanklo nostro postliminio qua-
ſi vindicatus, in Boleslao Procero, Mieslao, & Conrado Laſco-
nogo poſteris ſuis, conſtitutis Sileſiorum Ducibus propriis, a
Polonorum Ducibus & diſtinctis & ſeparabilibus, revixit. Hac,
denique ratione Sileſiæ populus ab anno 550, quo eſſi non ampli-
us Suevici, tamen adhuc Germanici, partim Quadici, partim
Lygii, cum peregrina diſſimillimaque Sarmatarum Slavorum Po-
lonorum gente ſocietatem inibat, diu alienum, prius Slavorum,
deinde Polonorum nomen, aut obſcuratis, aut imminutis lauda-
biliter geſtis ſuſtinere ſoliſus, poſt DCXIII annos, per quos cum
Polonis plerumque ſub eodem capite fuerat connexus, aliam rei-
publicæ formam recepiſſe conſpiciſtur: pro temporariis Præſectis,
perpetuos Duces anno 1163, eoſque totius Sileſiæ poſſeſſores anno
1169 conſequutus.

*VOYAGE DE GUINÉE, SIVE ITINERIS A GUI-
LIELMO BOSMANNO ad littoris Guineenſis in Africa
provincias ſuſcepti Hiſtoria, XXII Epistoſis Gallice
ſcriptis comprehenſa.*

Ultrajecti apud Ant. Schouten, 1705. in 12. cum fig.

Conſt. 1 Alph.

Kk 3

MA-

Magna quidem Scriptorum seges est, qui itinera in utramque Indiam facta litteris consignarunt, sed pauciores sunt illorum libelli, ex quibus Africæ statum, qualis nunc est, atque ejus præsertim plagæ, quam *Littoris auri Guineensis* nomine Cosmographi indigitant, perdiscas. Huc enim vero inservit præfens Guilielmi Bosmanni opusculum, qui Belgarum Fœderatorum auctoritate Pro-Prætor dicti littoris, Collegii pro stabiliendis illic commercii instituti Adfessor, atque castelli D. Georgii apud Elminenses Præfectus fuit, & haud ita pridem, post felicem ad Batavos reditum, negotiationis exercitiæ rationes scripto luculenter exposuit; cui vel ideo major habenda est fides atque æstimatio, quod oculatus omnium, quæ narrat, testis fuit, & ex civibus suis de præfenti commerciorum ac incolarum illius tractus statu recenset, quæ intra proximum xvi nostri decennium contingere. Dispensaverat laborem suum in libros quinque, sed mutavit brevi post mentem, & per epistolas telam, quam exorsus erat, pertexturus, viginti illarum Gallicè exaravit, quibus duas ejusdem argumenti alias, a Davide Nyendaalio & Joanne Snoekio ipsi missas, ad calcem socias junxit. *Prima* earum monita quædam generalia de Guineensi littore, ac magis dein specialia de Aximensi provincia suggerit, cujus dominium Batavi atque Brandenburgici inter se partiti sunt, ex quibus hi Fridericiburgum, illi autem D. Antonii arcem a Lusitanis olim conditam possident, ea tamen differentia, quod Brandenburgici Præfectorum, quos Directores generales Auctor adpellat, culpa omnia fere perdidierint; Batavi vero, tanquam rei nauticæ ac incolarum magis gnari, magnam ex auro, ebore atque mancipiis mercaturam adhuc faciant. *Secunda* regiones Jabinensem & Adomensẽ; *tertia* regnum Commaniensẽ, cujusemporium celeberrimum Elmina urbs est; *quarta* Fetuensẽ, Sabonensem, Fantinensem provincias; *quinta* Acronensẽ & Agonnense territorium, nec minus regnum Aquamboensẽ, in quo Angli, Batavi & Dani castella fundarunt, delineat. *Sexta* tractus, ubi aurum colligitur, ejusque formam ac valorem; *septima* vero auri inde ad Europæos asportati calculum ponit, atque virorum, quibus colligendi computandique auri munia committuntur, indiculum ostendit. *Oitava* aciem intra montes minus sanum, morbos inde

de obortos, vulnorumque per decocta olera sanationes, & fulmina plane terribilia sæpenumero illic locorum obvia describit. *Nona* mores incolarum versutos & vafros, vestitum, educationem, linguam, agriculturam, commercia, & quæ ejus generis sunt; *decima* cultum sacrorum, infinitum idolorum numerum, sacrificulorumque fraudes; *undecima* regiminis formam, leges, judicia, tribunalia, regii cultus a plebejo vitæ genere discrepantiam exiguum, Batavorum autem in Aximensium maximam partem imperium, armorumque diversas species; *duodecima* matrimonia; *decima tertia*, morborum remedia & funerum ritus; *decima quarta* animalia quadrupedia; *decima quinta* volatilia, pisces, cancos, serpentes; *decima sexta* arbores, frutices, plantas, fruges & legumina; *decima septima* vero singulares de v&grandibus bestijs historiolas nobis depingit. Decimam octavam tandem, XIX, & XX Epistolas descriptioni Quahoviz, Ladincuriz, Lampii Provinciarum, fluminum variorum, ac regni inprimis Fidæ impendit. Hæc summa operis lineamenta sunt, quod ob argumenti copiam vetus Plinii proverbium, quo *ex Africa semper novi aliquid* adferri scribit, in memoriam nobis revocat. Ne igitur sicco quasi pede cuncta transeamus, quædam tantum, ac ne ex singulis quidem litteris singula, quæ palato nostro maxime arriserunt, excerptare placuit. Magnum esse littoris hujus Guineensis tractum, ex eo colligimus, quod diversa regna, provincias bene multas, oppida & vicos pene innumerabiles, & spacium aliquot centum milliarium completitur. Incolarum vero deterrima conditio est, quos levi de causa pro mancipiis vendi, quibusdam in plagis ex rapto solum vivere, alibi victimas idolis mactari, & ultima quæque tyrannidis atrocissimæ pati constat, adeo certe, ut *Anqua* quidam illorum Dux sanguinem humanum (Epist. 2. p. 27.) plus vice simplici biberit. Quid ergo magis optandum esset miseris, quam Christianos nancisci rectores? Sed obstitit mutua inter Lusitanos, Anglos, Belgas, Danos & Brandeburgicos altercatio, quorum alii aliorum conatus turbarunt, atque ex sociis hostes facti bene cœpta pessumdederunt; obstitit, uti Auctor refert, Anglorum militum luxus, Lusitanorum pauperies, Danicarum virium defectio, reliquorum autem inordinatum regimen, quibus id tandem effectum est, ut

dum

dum singuli omnia affectant, omnes deinde vix singula devictorum Æthiopum imperia retinuerint: cujus rei, præter Bosmannum, testes sunt Focquenbrogius Batavus, & Guilielmus Joannes Muller Harburgensis Saxo, qui posterior, quod obiter notamus, Augustissimi Regis Friderici III jussu, Danorum ad illa littora navigantium Concionator nauticus extitit, & Fetuanæ regionis, cujus maxima pars tunc temporis ad Danos spectabat, descriptionem Noribergæ 1675, in 8, idiomate Germanico publicavit. Ut vero ad Bosmannum nostrum revertamur, digna lectu sunt, quæ Epist. III. de regno Commaniensis a Batavis circa annum 1687 per Sweertium subjugato, Epist. IX. de *Mularis*, (genus id hominum est ex Æthiopis & Europæo prognatum) Epist. XII. de Guineensium polygamia, de adulteriis severe punitis, de neglecta inter conjugatos bonorum communione, de liberis ab hæreditate adeunda exclusis, de circumcissione infantum, de uxoribus post decimum partum per annum integrum solitarie viventibus, ac deinde ad maritos reversis, de puellis in libidinem publica venalium corporum prostitutione damnatis, quarum tres aut quatuor a singulis civitatibus aluntur, tantæ apud Æthiopes existimationis habitæ, ut Batavi nihil non a Barbaris extorquere possint, si meretrices dictas in castella sua captivas abduxerint. Nec minus illud memorari meretur, quando Epist. XIII. mactata in funerum solennitatibus, etiam per infantes, mancipia tradit; quando Ep. XIV. elephantes plumbeis haud æque ac ferreis globis feriri, & eodem in tractu animal *ἀνθρώπων φάρων*, Barbaris *Koekeboe* & *Arompo* dictum, inveniri scribit, cujus generis quoddam in nundinis vernalibus hujus anni, ex Africa in Germaniam delatum, heic Lipsiæ conspeximus; quando Epist. XVII. elephantem in horto arcis Elminensis deprehensum, vix ducentis scloporum ictibus occisum narrat. Cæterum quod ad regnum *Fida* attinet, in Guineensium confiniis situm, magnam Auctor operam ultimis tribus epistolis, in recensendis ejus sacris, legibus, pœnis, redditibus, incolis, frugibus, bestiis ac finibus adhibet. Colloquutus est aliquoties perquam familiariter cum ipso Fidensium Regulo Bosmannus, quum mancipiorum emendorum gratia illuc diverteret, atque hoc modo ex oculari inspectione dominationis arcana, genium incolarum,

rum, & sacrorum formulas perdidicit. Miserrima gentis sub Tyranno vita est. Quævis elegantioris formæ puellulæ in gynæceum regium vel invitæ abripiantur, atque ex illis, quarum Regem satietas & fastidium cepit, integræ quotannis cohortes exteris advenientibus divenduntur. Quisque incolarum tot sibi idola fingit, quot consultum ac necesse duxerit; ex omnibus autem serpentes agmen ducunt, quos in ea veneratione habent, ut delubrum regni celebratissimum *Domum Serpentis* nuncupent, ad quam peregrinationes frequenter instituunt, hostias quotidie deferunt, atque fortunatum inde in negotiis successum præstolantur. Illorum cultui certi sunt constituti Flamines, homines nauci ac fraudulentæ, qui artibus suis superstitionem plebeculam argento emungunt, & Vatiniani inter conjuges odii femina spargunt. Serpentes autem, quorum ingens multitudo per ædes singulas discurrit, uti neminem lædunt, ita vicissim a nemine læduntur, sed eodem frequenter cum hominibus cibo victitant, & ab incolis tanta religione immunes ab adgressionibus servantur, ut quum Anglorum negotiatores anguem in hospitio obvium occidissent, ac cadaver foras projecissent, universa mox civitas, in qua patrata fuerat cædes, in rabiem quasi conversâ, convolvantur ad arma, neque prius quieti sese dederit, quam Anglis internecione occisis, mercibusque illorum igne penitus absumtis. Accidit etiam anno circiter 1697, ut porcus anguem ob morsum sibi inflictum devoraret, idque tanta festinatione, ut Æthiopum, qui adstabant, nemo serpenti suppetias ferre posset. Conversi ergo ad sacrificulos suos Barbari, infortunium ordine exponunt, qui facinus execrabile mirum in modum detestati, questus ad Regem deferunt, edictumque ab ipso extorquent, quo porci per universam regionem idcirco deleri jubebantur; cui quoque mandato tam properanter satisfactum legimus, ut maxima suilli gregis multitudo letho succumberet, donec ex Purpuratis aliquis Regem ad edicti antiquationem precibus ardentissimis permoveret. Contigit alius Auctori nostro casus, ut ex laqueari nimirum conclavis ejus quotidie serpens in mensam prandii tempore descenderet. Bosmannus, quum ad Regis colloquium circa id tempus admitteretur, per jocum conquestus est, quod diebus singulis dea-

ster quidam gentis serpens apud ipsum haud invitatus pranderet, quem a mensa arcere & hospitio depellere cogatur, nisi Rex sumtus ad victum novi hospitis impensos liberaliter reddat. Quid ergo factum? Regulus narratiuncula Bosmanni mire delectatus, ut serpentem quiete illuc divertere permitteret, horratur, atque impensarum loco pinguem Auctori bovem dono, mittit. Præter Flamines, ex lequiore sexu sagas & sacrificulas habent, fœminas magnæ inter Barbaros auctoritatis, quæ *Deorum se filias* vocant, & maritis, quibus junctæ sunt, morem in paucissimis gerunt. Ex illis una ante quatuor, aut quod excedit, annos ex inferno se rediisse contendebat, cujus ignem ac tormenta ita graphice depingere noverat, ut cum Francisco Quevedo Hispano, qui simili ratione apud Plutonem aliquando per somnium divertisse fabulabatur, de palma ingenii certare potuisset. At enim vero ex hac profunda gentis superstitione satis colligere est, quam difficulter ex iis unus vel alter ad Christianæ veritatis lucem ex Paganismi tenebris converti queat. Expertus est obstinationem illam R. P. Thomas Augustinianus, qui cum Purpurato cuidam prædiceret, gentem universam infernalibus olim flammis, nisi resipisceret, vexatum iri, id solum responsi accepit: *Parentes, Avi Atavique nostri eandem vitæ rationem, eundem idolorum cultum sequuti fuerunt, ac nos: si ergo illi eterno igni destinantur, parceret existimo, nos velut illorum posteros eadem sorte gaudere, quæ prædecessores nostri gavisi sunt.* Jactitarunt equidem Galli, se in Africano littore universam regionem Assinensem, cujus incolas maximam partem subjugarunt, ad Christum adduxisse, Principem gentis Parisios venisse, ab Episcopo Meldensi, post approbata Romanensium dogmata, sub Ludovici Hannibalis nomine baptismum accepisse, die postmodum 27. Februarii anni 1701. ex Cardinalis Noallii manibus sanctissimæ cœnæ Dominicæ symbolum accepisse, Divæ autem Virgini Mariæ ditiones suas votiva tabula dedicasse, & d. 24. Martii, tribus Gallorum navigiis bellicis sub equitis Damonii ductu instructum, in patriam remeasse. Sed fabulam sapere nuncium isthoc Gallicum, commentitiumque Principem ex mancipiorum, quæ Galli ex Africa in Americam deportant, numero unum fuisse, & post reditum in Africam pri-

pristinæ servituti se reddidisse, asserit Bosmannus: qui Mercurii Europæi auctorem, ex quo verba (Epist. XX. p. 448.) protulit, alterius adhuc mendi insinuat, dum Gallus Pseudo-Principem illum Regem Syriæ adpellavit, quum Assinensem scribere debuisset. Unum adhuc addimus, natos scilicet videri ad servitutem hos Æthiopum populos, quos inter usu receptum est, ut a parentibus liberi, a maritis uxores, quarum singuli plures ducunt, ad lubitum levi pretio vendantur, quæ mancipia mercimoniorum in illo tractu præcipua portio sunt, ac in ipsa servitute nihil magis exhorrescunt, quam ne ab emtoribus velut quædam mensarum lautitiæ, aut pullorum instar saginentur.

*FULGOR FULGINII IN SPLENDORIBUS SAN-
ctorum, sive R. P. D. JULII AMBROSII LUCENTII, Cister-
ciensis Abbatis, Elogia Sacra.*

Romæ, typis Bernabò, 1703, 4.
Constant plag. 30.

Fulginium, celebre Veteris Umbriæ oppidum, mercatura dives est, maxime vero, si Francisco Scotto in Ital. Itin. fidem habemus, rerum saccharo coopertarum nundinis valde frequentatur, ut Italis adeo in vulgi facietis *Foligno delle strade inzuccherate*, seu Fulginensium viæ ac plateæ saccharo tinctæ quasi aut imbutæ vocitentur. Cujus urbis cives quosdam præcipuos, vitæ ac morum sanctimonia, miraculorumque post obitum patratum, quæ putant, celebritate illustres, quadraginta & septem, elogiis posteritati commendare voluit R. P. D. Julius Ambrosius Lucentius, Abbas Ordinis Cisterciensis, Sacræ Congregationis Indicis Consultor, & pluries in S. S. Liberiana Basilica extra ordinem Pœnitentiarius Apostolicus, Apostolici Catechismi in Urbe Minister &c. Nuncupavit is lucubraciones suas Clementi XI. Pontifici hodie Maximo, atque in eo præcipue operam collocavit, ut illorum, quos Ughellus in *Fulginatensium Episcoporum Catalogo*, & Ludovicus Jacobillus in edito *de Sanctis atque Beatis Umbria, quos ad Cælum gloriam evexit Fulginium* opere, seu leviter tantum memorarunt, seu quorum obliti plane sunt, graviore stylo laudaret atque describeret; forminis quoque in illorum, quos adduxit, censu haudquaquam neglectis. Dignus Cla-

Elog. XLI.
p. 191.

rissimi Abbatis labor est, quem illi, qui Fulginatium gloriæ favent, & meritum a prædecessoribus in ædes sacras coliatorum recensione delectantur, optime sibi commendatum habeant: neque enim in solis sanctissimorum virorum elogiis scribendis acquievit, sed paraphraseos quasi loco, singulis notas suas adjecit, in quibus præter personarum natales atque res gestas, locorum insuper fata & familiarum vicissitudines, annaliumque, ex quorum voluminibus omnia hauserat, titulos atque auctores subjungit. Quam quidem styli rationem quum sibi præfixisset, elogio statim secundo (p. 19. sq.) quod D. Paulo, Gentium ac inprimis Umbrorum Apostolo dicavit, disputatiunculam addit: an ex eo, quod asseratur Paulus æqualis in potestate cum cæteris Apostolis, possit confundi Primatus Petri cum Apostolica potestate Pauli? Elog. III. Umbriz, & in illa Fulginii urbis statum breviter exponit. Elog. IV. Saxovivenfis Archicænobii (auctoris formula utimur) claritudinem extollit: magnum quippe & fulgentissimum inter Italiz septa Deo sacra Saxovivum est, ipsi fere Casino æquandum, auctum scilicet ad numerum nonaginta duorum monasteriorum, quæ se ipsi adjunxerunt per universam Umbriam, Picenum, Etruriam & Latium; quibus in locis & aliæ monachales Cellulæ, animarum curatæ Ecclesiæ, & plura Hospitalia eidem se subdidere, quibus Saxovivenfis Archimandrita, tanquam caput & Abbas Generalis, sub Saxovivenfis Congregationis nomine jura dicit; quam dignitatem D. Maynardus Benedictinus, illustri stirpe Teutonica natus, & e Stiria Germanorum in Italiam profectus, primus sustinuit, Elogio XV. ab Auctore nostro laudatus. Num. XXIV. Elisæ familiaris apud Italos celeberrimæ præconium; n. XXV. S. Petri Confessoris, qui Fulginatium Divus tutelaris est, & *Lachrymosus* atque *Almificus* vulgo vocatur, elogium; n. XLII. Augustini Minoritæ, *illuminati* cognomento dicti, vitam; n. XLIV. Oratorium Boni Jesu Congregationis S. Philippi Nerii, per Ven. P. D. Jo. Baptistam Vitellium nobilem Fulginatem institutum, cum dulciariis ex saccharo apud Fulginienses pinxi solitis comparatum; n. XLV. Jo. Baptistæ Jacobilli, Ludovici Jacobilli, quem de Sanctis Umbriæ scriptorem supra laudavimus, gentilis, virtutes stylo consignatas Lector inveniet. Cæterum ex illis, quorum scripta in-

sub-

subsidium adscivit, Nicolaum quoque Tignosium in Originibus Fulginensibus, Sigismundum de Comitibus Fulginatum in Commentariis de Historia sui temporis, Durantem Dorium in Historia Trincia, Felicem Ciattum in Historia Perusina, Pompejum Compagnonum in Regia Picena, Aloysium Catharinum de Nobilitate Neapolitana, Franciscum Zazzaram de Nobilitate Italica, aliosque plures citavit, quorum opera hisce in oris rarius obvia, & paucissimis inter nostrates cognita esse credimus. Quare optandum non modo est frequentius Itatorum cum Germanis librorum ac litterarum commercium, sed admonendus etiam doctissimus Abbas, ut post viros, qui Fulginium vitæ sanctimonia illustrarunt, eorum quoque, qui litteris apud Fulginates maxime inclaruerunt, catalogum pari diligentia contexere, & in lucem emittere sustineat.

DE DRIE SEND-BRIEVEN VAN DEN H. JOHANNES, en die van den H. JACOBUS, ontlede en scrifftmatig verklaart.

i. c.

Trium S. JOHANNIS & unice S. JACOBI Epistolarum Analysis & analogæ Scripturis Explicatio. Autore JOHANNNE CHREYGHTON V. D. M. Franckeran.

Franckeræ, apud Jacobum Horreum, 1704. in 4.

Constat alph. 4. pl. 17.

EA cum Reverendo & Clarissimo Autori mens esset, ut S. Codicis libros eruditæ commentationibus illustraret, Divi Johannis inter alios & Jacobi, in quibus operam poneret, epistolas selegit, eo quod priores omnem pietatis vim ac rationem complectantur, posterior Ecclesiæ doceat fata, tum superiorum temporum, tum olim eventura. Primam quippe inter Johanneas eo maxime consilio conscriptam ab Apostolo fuisse, ut pietatem inculcaret, ejusque ex N. T. genio ac indole, ipsaque Evangelii doctrina originem arcesseret, quo confirmaret credentes, tepidis stimulos adderet, ac infideles excitaret. Tribus autem universa partibus absolvitur, præfatione c. I, v. 1-4. tractatione c. I, 5-V, 12. & epilogo c. V, 13-20. In tractatione ita versatur Apostolus, ut

præf. **

p. 3.

p. 4.

p. 23.

L 3

&

- & piorum gaudium, si in communioneſt veniant Eccleſiæ, Deoque fruantur, conſummati poſſe doceat; & quo illud impleatur, definiat modum. Utrumque hoc ordine exequitur, ut tum generatim notas oſtendat fidelium, quibus de ſalute ſua, gaudiique complemento certiores redduntur; quarum tres conſtituens, primam c. I, 5- II, 1. ſecundam c. II, 3. 4. 5. tertiam c. II, 6- 14. exponit, cui mantiffam velut ac appendicem ſubjicit v. 15- 29: tum ſpeciatim media ſuppeditet, quibus hanc fidei *παρηγορία*, in gaudiū ſui complementum, juvare pii debeant & confirmare c. III-V, 12.
- p. 24. Epilogus denique fidelium enumerat prærogativas, ex certitudine iſthac ceu fructus oriundas, partim in precum *παρηγορία* v. 13- 17. partim in perſeverantia credentium ac immutabilitate litas v. 18- 20.
- p. 393. Secundæ in dubium Grotius vocat autorem, alium ſubſtituens Johannem, Epheliſinæ Eccleſiæ præbyterum; conſutatus eo nomine ab Hammondo. Sane nobis quidem patrum, Irenæi, Clementis Alex. Tertulliani, &c. longe, quam Grotii, potior autoritas eſt. Ceterum rem omnem, cui volupe eſt, apud Gomarum videat. Epiſtolæ vero argumentum adhortationem complectitur, qua ſartam teſtām jubet doctrinæ ſervare integritatem, & a Pſeudo-Doctorem ſibi cavere corruptelis, Anti-Chriſti ſcilicet anteambulorum. Eo itaque omnis tendit, ut contra ſeducorum, qui Anti-Chriſto viam ſtraverunt, inſidias inſtruat Eccleſiam & muniat. Præſatione conſtat v. I. 2. 3; tractatione, quæ (1) ad vitæ rationem Chriſtiano nomine dignam hortatur v. 5- 7. (2) a ſeductione cavere jubet v. 8. 9. (3) de conſuetudine & converſatione cum falſis doctores inſtruit v. 10. 11; & Epilogo v. 12. 13.
- p. 444. Tertia præter inſcriptionem v. I. exordium complectitur v. 2- 4; tractationem (qua Gajum Apoſtolus a charitate ac liberalitate commendat v. 5- 8, de Diotrephæ vita ac moribus reſert v. 9. 10, ad munificentiam hortatur v. 11, ac Demetrio teſtimonium perhibet v. 12.) & epilogum, quo literarum brevitatē excuſat v. 13. 14. 15.
- p. 469. Jam vero, ut ex ungue, quod ajunt, agnoſcas leonem, quam ipſa textus explicatione fidem ac induſtriam probaverit Autor, exemplo docendum. Locus vix alius æque interpretum in ſcuras ac ſtudia convertit, quam v. 16. cap. V. Ep. I. Joh. quem de pec-
- p. 477.
- p. 501.

peccato in Spiritum S. loqui, sunt qui affirmant, alii negant. Auctori quæ circa eundem sententia sit, paucis lustrabimus. Primo itaque phrasin, ἀμαρτίας ἀμαρτάνειν, quam sæpe alias pondere carere, & simpliciter peccandi actum designare largitur, singulari h. l. emphasi gaudere, totamque enormium, quæ in oculos incurrun, & imperitis offendicula, piis mœrōrem pariunt, peccatorum seriem ac nexum notare observat. Quod vero ad mortem peccatum dicitur, de morte æterna ac supremo impiorum supplicio ut plurimum accipiunt doctores; minus sane commode, quod ad hunc sensum peccata omnia ad mortem forent, cum omnia gehennam mereantur. Nec est, quod regeras, peccatum ut ad mortem non sit, Divinæ id misericordiæ, ac merito Christi fide apprehenso acceptum esse ferendum: cum ne sic quidem electorum ante conversionem patrata delicta, imo & ἀπεργασίῃς fidelium, ex illorum numero ac censu excludenda sint. Hac itaque cum non procedat, alia aggrediemur via. In genere mortis vocabulum statim denotat ἀνάληψιν, sensu motuque carentem; qualis, metu incusso v. g. in Nabale conspicitur, cujus cor mortuum fuisse, h. e. torpuisse ac obstupuisse, 1. Sam. XXV, 37. dicitur. Haud equidem negandum, Deut. XXII, 26. peccatum mortis, morte dignum notare delictum; ast alia hic loquendi formula obtinet, ubi peccatum AD mortem vocatur, æque ut Joh. XI. a Christo morbus AD mortem dicitur, qui mortem comitem habet. Tale ergo hic notabitur peccatum, quod mortem spiritualem, ἀνάληψιν, cordisque duritiem in peccante secum affert. Quo sensu Eucherius quoque in de quæstion. difficil. N. T. in h. l. phrasin exponit. Nec cum Cocceji hæc pugnant explicatione, qui de plenaria a veritate defectione, inexpugnabili conjuncta cum induratione, existimat agi. Monet itaque Apostolus, ut, si quis fratrem suum non ad mortem videat peccantem, misericordia ejus capiatur, precibusque conversionem illius juvet. Nec irritas has fore preces statuatur, cum vitam ei, in cujus gratiam sunt susce, impetrent. Ubi quidem vita oppositam, quam supra diximus, morti significationem habet, ut velut illa indurationem, sic hæc conversionem notet ad vitam. At enim vero sollicite hic circumspiciendum, an frater peccans admonitionibus locum det, & iræ Divi-

p. 402.

p. 403.

p. 404.

p. 405.

p. 406.

Divinæ comminatione convinci animum ac moveri patiat: unde felicem precum exitum & peccatoris augurari liceat conversionem. Contra vero ea pro peccatoribus ad mortem, qui indurati in peccatis pergunt, omnesque hortationes, incitamenta, minas fusque deque habent, orare Apostolus vetat. Quamquam enim fidelium non sit, judicem agere & damnatoriam in alterum sententiam ferre: cum *παρρησία* tamen ac fiducia, pro ejusmodi homine intercedere non licebit; voto solum locus erit, jvelit Deus, si ita ipsi visum fuerit, misereri. Non enim amplius de exauditione certos reddere, vel ad preces hortari Apostolus audeat, quam quoad ex verosimillimis pateat indicia, ejusmodi Deum in peccatore excitare motus, ex quibus spes oriatur, fore ut divina ac irresistibili potentia convertatur, & propter Christi merita salvetur.

p. 508.

Ad D. Jacobi epistolam Autor progressus, postquam eorum, qui *Θεοπνευσία* ejus in dubium vocarunt, notasset errorem, accuratam ordinis, qui prima quidem fronte alicui forte deesse videbitur, rationem habendam monet. Quippe in tanta argumenti varietate (ubi cap. I. statim de oppressione fratrum & tolerantia, tum de sapientiæ origine, mox de laudabili divitum gloria-tione, porro de peccandi illecebris, de refrenanda hominis ira, de fructuosa ~~verbi~~ Divini auscultatione, denique de iis, quæ ad sanctum Numinis cultum pertinent, agitur) non ad verborum nexum esse attendendum, sed rerum, quibus universa, & pro temporum ratione varia Ecclesiæ N. T. facies continetur. Eamque Cocceji autoritate sententiam confirmat. Ac ne mirum id cuiquam videatur, alias quoque in Apostolicis, utramque scilicet Petri, & Judæ epistolis propheticas esse, & Paulum haud dubie 2. Thessal. 2. de ortu, indole ac interitu Anti-Christi vaticinari affirmat. Quinimo id ipsum ad Christi facere gloriam Ecclesiæquo splenderem, si & Apostolorum aliquos prophetico instructo spiritu ac lumine dicamus: ut in Johanne, Petro, Juda, Paulo, liquido conspiciatur. Cur ergo, quæ cæterorum fuit, eam Jacobo dignitatem denegemus? Cæterum epistolæ, non in tractatus forma, Divinum id opusculum prodiisse, tum inscriptio probat, tum epistolis præmitti solitum votum. Nec obstat, quod epistolari ca-

p. 511.

rat

p. 512.

rat

reat clausula, quæ brevitatis forte studio omiſſa eſt; æque ac I. Johannis *ἀντιπροσώπων* orditur, ſoloque *ἡμῶν* Amen obſignatur. Argumentum, in quo verſatur, inſtitutio eſt, de officiis, quibus tum univerſa in genere Eccleſia, tum quodlibet ejus membrum, in ancipiti fortuna operam dare debeat, quo dignum ſe Evangelio ſanctique gerat vocatione, & Dei exinde gloria regnique ejus oriatur ſplendor. Eo itaque omnis tendit, ut ſanctum Dei conſilium aperiatur, qua via quibuſve modis Eccleſiam ſuam regere, & ad iſtud perfectionis ac gloriæ perferre culmen decreverit, quod ultimis temporibus tenere debeat. Hinc eſt, quod a patientia, in adverſis orditur, & in gentium deſinit converſionem. Ordine conſtructa eſt tali, ut inſcriptionem c. I, i. excipiat tractatio, quæ duabus partibus conſtat, & tum generalem exhibet officiorum expoſitionem, quæ pro fortunæ diverſitate variis temporibus Eccleſiæ incumbunt, tum exactiorem ſactorum enumerationem, quæ doctrinæ juxta ac regiminis eccleſiaſtici reſpectu, varie poſtremis ſeculis eam ſint afflicta, c. II-V. ad fin. Quod reſtat, de auctore adhuc monendum, duos fuiſſe in Apoſtolorum ordine hoc nomine claros, Jacobum Zebedæo ſatum, & Jacobum Alpei filium Matth. X, 2. 3. Quorum alter, qui frater Johannis, cum mature nimis, & ante, quam data epiſtolæ tempus patitur, Herodis ſervitia occubuerit Act. XII, 2. ſatis apparet, poſteriore illum epiſtolæ extitiſſe autorem. Sunt, qui tertium addunt e LXXII diſcipulorum numero, cognomine Juſſum: Eraſmus quatuor numerat; æque tamen firmis, ac pro Alpei filio, argumentis deſtituuntur. Et hæc fere ſunt, quæ circa præcognita monenda, cenſuit Autor. Jam quod ad ipſam epiſtolæ explicationem attinet, ea maxime crucem fixerunt cruditis, quæ cap. II, 14, ſqq. de fide operibus inſtructa diſputat Jacobus. At vero his controverſiam prædici exiſtimat Noſter, quæ de veritate & ſinceritate fidei Eccleſiæ cum Romano-Catholicis ſit futura; quam omnem ita partitur, ut propoſitionem v. 14, ejusdem *ἐκ θεοῦ* ac explicationem v. 15, 16, 17, uberiorem porro deductionem v. 18, 25, & concluſionem v. 26. exhiberi ſtatuat. Jam itaque, quod v. 14, fidem habere dicit Apoſtolus, non de fiducia, ſed confeſſione ac prædicatione doctrinæ fidei ſeu Evangelii capiendum; æque ac de

p. 513.

p. 514.

p. 650.

p. 651.

M m

opc-

- p. 653. operibus fidei maxime illis loquitur, quæ doctrinam Evangelii ornant, & ad institutionem fratrum faciunt. Sic quæstionis cardo in eo vertitur, an nuda salutaris doctrinæ professio, operibus destituta, spem facere salutis queat? quod Apostolus negat, mentemque suam egeni exemplo v. 15. 16. illustrat, cui ni misericordiam impertiatur fides, ac ipso juvet opere, vanam esse ac irritam pronunciat. Ubi quidem spiritualiter pauperes Autor intelligit, quibus Ecclesiæ (Pontificiæ) antistites verba dent, fumosque vendant, nec divinarum rerum cognitione aut salubri eos imbuant doctrina; unde nudi vestibibus salutis, & spiritualis cibi inopia laborantes, ad fores stent sacerdotum, inani tamen cum benedictione, & solenni isthac formula, *abi in pace*, dimittantur.
- p. 658. Inde ad thesin Apostolus redit v. 17. fidem absque operibus, i. e. Evangelii doctrinam operibus, quæ ad rudiorum pertinent institutionem, destitutam, esse mortuam, quod pro tali habeatur, quæ ad Ecclesiæ nil profit instructionem. Id enim mortuum alias in Scriptura dicitur, quod operatione, quam edere debebat, caret; quo sensu peccatum a Paulo mortuum asseritur Rom. VII, 6. 8. Jam vero uberiores huic effato deductionem v. 18. sq. Apostolus subijcit, litem exponens, quam Pontificiis hoc de fidei dogmate moturi sint Orthodoxi, Satanæ profunditatem penitus habentes perspectam. Cum enim ex operibus cognosci fides debeat, ex Pontificiorum sane tyrannide, persecutionibus, oppressione piorum, *ἡμελοθησκείας* item, monasteriorum fundatione, peregrinationibus religiosiis, &c. minime eam elucere: quare hoc fidei defugiant examen, antiquam prætendentes fidem ac tot seculorum ferentem ætatem, nec ulterioris adeo inquisitionis indigam. Ad quæ v. 19. regerit Apostolus, recte quidem ipsos facere, quod credant, unum esse Deum; nec tamen id sufficere, siquidem nec Diaboli istud in dubium vocent: qua appellatione Bekkerus sacerdotes gentilium, Antonides Pontificios cum suo Flamine antistites, Autor vero malignos designari putat spiritus, qui idem credentes nihil ea propter feliciores evadunt, verum contremiscunt.
- p. 666. Idem porro Apostolus deducit, allato gemino e V. T. typo; Abrahamum ex operibus justificatum, i. e. pro justo declaratum & cognitum affirmans, quod jam ante fidem haberet, quam fili-
- um

um mactare vellet, ad justitiam sibi imputatam. Ubi prolixè cum Paulo Jacobum Autor confert, notamque *ivavtio* *Phaveiav* e medio tollit. Hinc porro sequi docet, neminem ex fide qua tali solum justificari, seu pro justo declarari & agnosci, nisi opera indivulso nexu fides sibi habeat conjuncta. Quæ porro de Rahab meretrice Apostolus affert, ea faciem exhibere Ecclesiæ Autor existimat, circa prima reformationis tempora, quibus pii multi & qui bonam mentem amabant, ad verum transeuntes Christianissimum, legatos Christi & heroes seu orthodoxos doctores receperint, foverint, ipsorumque in propagando Christi regno conatus juvarint. Inde reformatam Ecclesiam ex operibus justificari Autor concludit, in qua operosa fides & viva veram sponfam demonstret, cum in Pontificia mortua maneat fides. Tandem colophonem controversiæ Apostolus imponit v. 26. fidem declarans Ecclesiæ Pontificiæ operibus destitutam, inertem esse ac fidei potius simulachrum, æque ut ipsorum conventus sacri, vita ac spiritu carentes, exanguis ad instar cadaveris sint habendi.

p. 679.

p. 681.

p. 683.

p. 685.

*SAMUELIS MORLANDI OBSERVATIONES
quadam novæ circa partes & usum florum
in plantis.*

Excerptæ & translatae ex Actis Philosoph. Angl.

No. 287. Anno 1703.

Nitida & curiosa florum textura, una cum toto suo apparatu oculis se sistens, Viros haud paucos, singulari eruditione & sagacitate celebres, in penitiorem sui investigationem invitavit. Cum autem isti, qui in Historia naturali perficienda, & naturæ operationibus evolvendis, suam collocant operam, non eadem felicitate, qua reliquas res naturales profecti sunt, hanc materiam tractaverint; non irritus forsitan erit conatus, accuratius in fabricam & usum dictarum partium inquirendi, quo vegetabilium propagatio & harmonica naturæ methodus melius cognosci & intelligi valeat.

Dudum jam observatum fuit, singulis seminibus inesse plantam seminalem, inter binos lobos positam, prima stamina con-

tinentem, & primum nutrimentum teneriori plantæ subministrantem. Verum D. Grew, cujus industria & sagacitas hoc doctrinæ genus maxime excoluit, solus, quod sciam, observavit, farinam illam, seu pulverem subtilem, qui certo tempore ex thecis seu apicibus seminiformibus, in staminum summitate excrecentibus, protruditur, munia certo modo præstare spermatis masculini. In eo tamen deficiente mihi videretur, quod eam in externam tantummodo superficiem uteri vel vasculi seminalis spargi, & semina inclusa per emanationes quasdam spirituofas vel impressionem energeticam imprægnare statuat.

Jam inquirendum restat, annon convenientius supponere liceat, semina, intra propria involucria provenientia, in principio ovis animalium nondum imprægnatis esse similia? item farinam esse congeriem plantarum seminalium, quarum singulæ in singula ova sint deducendæ, antequam hæc fecunda evadant; porro stylum, quem Rajus vocat, vel partem superiorem pistilli ex Tournefortii sententia, esse tubum, pro plantis hisce seminalibus ad ovarium & in ova deducendis formatum; denique maximum earum adesse proventum, inter se differentium, ut una ex tam multis angustum adeo ductum, sibi adæquatum, invenire & transire possit.

Quæ ut evidentius appareant, observationes communicabo, circa situm horum staminum & stylum, in quibusdam plantis factas. In *Corona Imperiali* uterus seu vasculum seminale plantæ centro floris insidet, & ab hujus summitate stylus exurgit, & vasculum seminale cum stylo repræsentat pistillum. Hoc ambiunt sex stamina, quorum extremitatibus singulis apices tanto artificio affiguntur, ut vel a lenissimo vento hinc inde moveri possint; eadem enim gaudent cum stylo altitudine, qui in hac planta, quemadmodum per totum suum corpus, ita in summitate maxime, concavus & apertus est. Quibus addendum, quod styli extremitati adhæreat crista quædam, ex villis pinguibus constans, & ad farinam ex thecis suis dilabentem recipiendam & retinendam, ut videtur, formata. Hæc itaque farina, vel mediante pluvia, vel a vento, protruditur ad tubum, donec ad vasculum seminale pertingat. In *Caprifolio* stylus oritur a rudimentis baccæ cujusdam, in quæ inseri-

seritur versus summitatem floris monopetali; ex cujus floris medio; propullulant stamina quædam, farinam suam styli, in hac planta itidem cristati, orificio immittentia. *Allium* uterum habet tricoccum, cujus centro inseritur brevis stylus, ad apicem altitudinem non exsurgens; hinc isti magis eminentes, globulos suos eo commodius illius orificio committere possunt. Inde etiam est, quod nullam cristam in hoc stylo, prout in modo commemoratis, observare potuerim.

Atque ex his concludo, quod, quoniam pulvis hic subtilis curiose præparatus certo tempore prorumpit, tubus etiam adest, qui eundem commode recipere possit, & quidem, si apicibus pulverem suppeditantibus non directe supponatur, singulari apparatu pro eodem retinendo donatus, necessario sequatur, tubum hunc pro pulvere recipiendo esse formatum. Quodsi enim hæc stamina ductus excretorii tantum forent, particulas excrementitias secernentes, relictis reliquis in seminis nutrimentum abituris, quid opus esset, excrementa hæc in tam curiosa deponere repositoria? Certe in alium quemvis potuissent collocari locum, quam ad vasa seminalia, quibus profecto noxas potius inferrent. Quibus accedit, tubum hunc exsiccare, quamprimum thecæ hæc contentis suis vacuæ existunt.

Sed ut ne amplius urgeam, plantam seminalem constanter in ea seminis parte locatam esse, quæ styli insertioni proxime adjacet; in *fabis*, *pisis* & *phaseolis*, immediate sub illo loco, quem oculum vocamus, mediantibus microscopiis majoribus, manifestam, deprehendi perforationem, directe ad plantam seminalem locatam, in quam hanc intrare existimo. Et certe credo, fabas & pisas, quæ non progerminant, eadem destitui.

Nec in aliis plantis apparatus ille, quo sæpe commemoratus pulvis intra tubum aliquem ad ovula deducitur, desideratur. In *leguminosis* enim *plantis*, si petala florum caute avellamus, videbimus siliquam arcte membrana quadam cingi, circa extremitatem in varia stamina, farina onusta, abeunte, quæ firmiter fasciculi in tubi extremitate sito uniuntur, sicque farina ad siliquam derivatur. In *Rosis* erecta visitur columna, ex variis conflata tubis, invicem junctis, sed facile separandis, quorum singuli ad

proprias ducunt cellulas, staminibus in magna copia eam cingentibus. In *Tithymalo* oritur vasculum tricoccum, quod quamdiu parvum & exile existit, fundo incumbit, imprægnatum autem exsurgit & longo innititur petiolo, ita ut quis crederet, nullam esse inter hoc & apices in ima parte sitos communicationem. Pili *Fragorum* & *Baccarum Rubi Idai* superficiem investientes, totidem sunt tubuli, quorum singuli ad propria abeunt semina, hincque flore primum se aperiente, circulum adesse staminum intra petala, & integram aream internam sylvam horum pilorum representare videmus, qui postquam suos globulos receperunt, & ad semina deduxerunt, hæc in pulpam elevantur carneam.

Explicatio Figurarum.

TAB. VI. Fig. I. II. III. IV.

TAB. VI. *Figura I.* representat asphodelum.

- A. Suprema pistilli seu tubi extremitas, in quam plantæ seminales intrare, & per quam eadem ad semina nondum imprægnata deduci supponuntur.
- bbb. Apices semini-formes, qui maturi aperiuntur, & pulverem suppeditant in tubum A injiciendum.
- C. Locus vasorum seminalium circa terminum tubi sitorum & flore rectorum.

Figura II. sistit plantam leguminosam.

D. Siliqua in flore latens.

E. Tubus a siliqua ortus, plantas seminales ad eam derivans.

F. Tunica membranosa siliquam investiens aperta.

gggg. Apices, qui, antequam integumentum aperiatur, videntur ab angulis ejus oriri, & per petala florum orificio tubi admoventur, ut suam farinam huic inferere possint.

Figura III. exhibet fabam Gallicam a latere.

i. perforatio, per quam planta seminalis primum ingredi supponitur.

Figura IV. Eandem oculis sistit divisam.

h. Planta seminalis.

Adri-

TAB.VI.ad A.1705.M. Jun. pag. 278-99.

Fig.vii.



F.vi.



Fig.viii.



Fig.v.



Fig. I.




Fig.IV.

Fig.III.



Fig.II.



ADRIANI RELANDI DISSERTATIO ALTERA
de Inſcriptione Nummorum quorundam Samaritanorum, ad
ſpectatiſſimum Virum JACOBUM de WILDE: in qua
de Amphora Manne nummis illis inſcripta, & aſini cultu,
Judeis per calumniam obſeſto, agi-
tur.

Accedit

JOH. BAPT. OTTII, LINGUÆ SANCTÆ IN
Athenaeo Tigurino Profeſſoris Publici, Epiſtola de Nummis qui-
busdam Samaritanis, ad Excellentiſſimum Virum ADRIA-
NUM RELANDUM, cum Hujus
Reſponſo.

Trajecti ad Rhenum, 1704, in 8. Conſtant plagulis octo, &
tribus tabulis æneis.

Tres partes hic libellus habet, I. Clariffimi Viri Adriani Re-
landi Diſſertationem alteram de nummis quibusdam Sama-
ritanis, ad Ampliſſimum Virum Jacobum Wildium: II. Doctiſſimi
Viri Joh. Baptiſtæ Ottii Epiſtolam de eiſdem nummis & ſimili-
bus ad laudatum jam Relandum: III. Hujus ad Clariffimum Ot-
tium Reſponſionem. De prima parte hæc breviter more noſtro
ſubnotamus.

Tertius annus eſt, cum Vir Clariffimus, Adrianus Relandus,
Diſſertatiunculam de Nummis quibusdam, præſertim Samarita-
nis, quos in Nobiliſſimi Viri, Jacobi de Wilde, Gazophylacio pri-
mum viderat, ad eundem Antiquitatis peritiſſimum Virum da-
ret, quam nos anno 1703 menſe Aprili recensuimus. Hanc ope-
ram cum non diſplicuiſſe Viro Doctiſſimo cognoviſſet, ſcripſit al-
teram ad eundem Diſſertationem, quæ in hoc libello prima eſt:
& ſicut in priore, abhinc triennio excuſa, in literis nummo-
rum examinandis occupatus fuerat, ita in hac, quæ in illis ex-
preſſa vaſa erant & ſigna alia, ſibi conſtituit curatius explicanda,
etiam explicavit eruditiffime. Primum erat in nummis illis ca-
lix apertus, quem negat Clariffimus Auctor urnam Mannæ eſſe,
ut viſum eſt nonnullis, etiam Villalpando, cujus nummum in
pri-

priore Tabula num. V. æri incisum exhibuerat; quia apertio ali-
quid vacuum significet, & in ipsius vasis medietatem vel oculis,
si intendamus, liceat inspicere; deinde figura ipsa delineata
sit calicis potius, quam urnæ, aut huic vasis similis. Urnam
autem Mannæ in alio nummo ejusdem tabulæ contextam dicit
conspici, ne quid heterogeneous incidat, ac purissimæ Mannæ
miscetur. Id probari ait *σαμνὴ* nomine ad Hebræos Epistola
cap. IX, 4, quod ex Pollucis Onomastico illustrat, qui *σαμνὴς*
& *σαμνία* inter vasa vinaria numeret, unde Comicis sit *κατα-
σαμνίζεν τὸν οἶνον*, *vinum in stannos diffundere*: & Aristophan-
is Scholiastes in Batrach. act. I. scen. I. *σαμνία δὲ καὶ σαμνὴς*
τὰς ἀμφορεῖς τὸ οἶνον φασίν: quod etiam Phavorinus in Ono-
mastico dixit, & Auctor Etymologici Magni. Sic stannus am-
phora est his interpretibus: Amphora autem Isidoro in Ori-
ginibus est ita vocata, *quod hinc & inde levetur, & ejus anse*
geminatæ videantur aures imitari. Est enim idem quod *ἀμφο-
ρεῖς*, qua voce Homerus usus est, eamque Helychius exposuit;
quod vas sit *ἐκατέρωθεν ὡτα ἔχον*, *cui ex utraque parte aures*
sint, sive manubrium. Jam vero colligit, in dicto nummo vas
utrimque auritum conspici, quod urnæ, qua Manna adservaba-
tur, quam maxime conveniat. Nec enim amphoras tantum vi-
ni esse receptacula, aut alius liquoris, olei, muræ, apud Catonem
& Martialem; sed aridorum etiam, ut cinerum & ossium de busto
collectorum, apud Homerum, Iliad. ψ. de Patroclo: & auri, argenti,
plumbi apud Corn. Nepotem in Hannibalis Vita cap. 9. Pergit de
Amphoris differere, quæ vel rudes erant, quibus pice obductis vel
gypso, in cellis & horreis per multos annos vinum servabatur:
& hæc plerumque fictiles erant, unde per *κεράμια* Eustathius, He-
sychius & Suidas interpretantur: etiam vitreæ, quemadmodum in
Satyrico Petronius de Opimiano centum annorum vino, (quod
ex Vellejo, Plinio, Martiale Noster describit) *statim allata sunt*
amphoræ vitreæ diligenter gypsata. Addit de figuris amphora-
rum, easque depictas exhibet: etiam quid *jugulare Falernum* sit
apud Martialem lib. I. epigr. 19. exponit. Altera amphorarum
species elegantioris formæ, non in cellis deponi solebat, sed cum
phialis, scyphis, crateribus ostentari. Tales Lentuli Spintheri

am-

amphoras ex onyche factas Plinius XXXVI, 7 memoravit: quibus & Urnam Mannæ, in nummis nitidius exsculptam, adnumerari doctissimus Auctor æquum censet. Postea in ipsam vocem צנצנת, ut urna illa Hebraice vocatur, inquit, quam missis Judæorum ineptiis, a צון vel צאן, Hebræis deperdita, Arabibus superstitie radice, quæ recondere & servare sonat, deducit. Et quod in Targum hæc urna צלוחית translata est, de hac quoque voce ibidem disputat. Judæos autem, de urnæ materia varie sentientes, Θεοπνεύστα Apostoli auctoritate configit, a quo εἶδος θεοσῆ, *vas aureum* appellatur. Hinc excurrit in aricularum amphoræ descriptionem, quales in urna nummi Wilidiani etiam conspiciuntur. Græci ὠτα illas ansas vocant, & Homerus τρίποδ' ὠτάεντα Iliad. ♣. quo diota Horatii etiam referenda est. Ex Polluce ac Phavorino plura hujus generis adduntur. Ab auribus vas tale festive Aristophanes ὄνον, *asinum* dixit: ad quem modum etiam Athenæi IV, 23 ὄνας γίμεντας εἶναι doctissimus Auctor interpretandos censet, quod γίμεν, etiam Casaubono observante, de interno onere, ut navium est; non de externo jumentis imposito, a Græcis usurpetur. Atque idem ex Petronii *Asello Corinthio in promulsdari* posito demonstrat. Philosophatur hinc de Sileni fabula, qui Bicchi famulus asello vehi fingebatur: & de voce κάμβαρ, *cantharus*, quam a κάμβων, *asinus*, putat derivatam esse: sed scitissimum & maximo ad fidem pronum est, quod de asino, seu capite asini profertur, in Hierosolymitani templi penetralibus, quæ ethnicorum calumnia erat, dedicato. Ortum enim ipsi maledictum ab ὄνω, *asello*, videtur, id est aurito vase seu urna mannæ ibidem olim adserato: quod doctissimi Bocharti conjecturæ præfert, ex Coptica lingua calumniæ explicantis, qua ΠΙΕΩ *asinus* prope easdem literas habeat, quas Scripturæ sacræ formula ΠΙ ΙΑΩ, פִּי יְהוָה, *os Domini*: quia non magis *os* Dei, quam *manum*, *oculos*, eodem modo sæpissime descriptos, Judæi adorasse dici possint: nec appareat, Egyptios hujus calumniæ architectos primos existisse.

Sequitur Clarissimi Viri *Johannis Baptistæ* Ottii ad celeberrimum Relandum Epistola, ex qua hæc excerpta recensemus.

Nn

In

TAB. VI.
Fig. V. VI.

In nummo suo primo (duos autem nobilissimus Fromont, exul Gallus, æneis communicaverat, exesos quodammodo: quibus alii duo accesserunt) in primo, inquit, nummorum delineatorum (quem nos Figura V, & ut ex conjecturis restitutus est, Figura VI exhibemus) doctissimus Auctor conjectura restituit duos fasces, quorum in medio germinans virga superavit ceteras. Hos antea putavit fascem baculorum XII tribuum significare, e quibus unus tribus Levi seu Aaronis germinavit tulitque fructus. Quod vero duplex in nummo vel vas vel fasciculus apparet, mutata sententia existimat, in hoc & similibus nummis לולב *Lulaf* Judæorum signari, sive fasciculos, quibus in festo Tabernaculorum utebantur. Interjectis aliis de *Hofanna*, quo nomine & festum & fasciculum nuncupaverint; & de arborum genere, unde *Lulaf* Judæi petierint; putat vulgarem in multis Europæ populis hinc morem ortum esse, quo Calendis Majis arbores vel virides ramos ante domorum fores ponant, qui a tempore seu mense illo *Weyen* appellantur. Vas autem in tribus Relandinis & uno Hottingeri de צליתו *lecytho* seu *ampulla* explicat, qua eodem festo e *Siloam* haustam aquam in ara exteriore libaverint: quod non modo ex Judæorum scriptis, verum etiam ex ipso sacro Codice tam Veteris quam Novi Testamenti constare putat, & eodem verba Esa. XII, 3, nec non quæ ipse Salvator noster Johann. VII, 37 in illo Tabernaculorum festo prolocutus est, referri posse, tanquam ab ritu illo petita, existimat.

Fig. VII. VIII.

In nummis, quos exhibet numero 3, (nobis Fig. VII & VIII) vitis folium expressum esse contendit, & eo adfert Flori verba III, 5, Criticorum quidem dissensu vexata, ex Lipsii autem lectione (quam non tantum vulgaræ, sed Græviæ etiam, propter eosdem nummos anteponit) ita restituta, *sub aureo vitæ calo*. Et quod Tacitus *vacuam sedem & inania arcana* dixerit, de simulacro Numinis, quo abstinabant Judæi, interpretatur, non quod nihil quidquam ibi visum fuerit; & τὸ πᾶν Grævio, id ex Josephi de Bello lib. VI, 14 probanti, eundem auctorem opponit ex lib. I, cap. 5. nisi hic sanctum templi cum sancto sanctorum confunditur. Quapropter aliud opinioni suæ præsidium quaerit, & in vitæ aurea invenisse credit, quam, eodem Josepho

te-

teste lib. XIV. 4, Pompejo Aristobulus dono miserat, eamque, si non surrepta ex sancto sanctorum fuerit, ad imitationem tamen ejus, quæ in sanctissimo loco custodiebatur, effigiatam fuisse autumat. Hæc ille de figuris nummorum; post quas de literis adscriptis ita judicat:

In primo Relandino legit **שנת ארבע** *anno quarto*: & aliorum collatione **שנת שתי** *anno secundo*: in postica **לנחלת ציון** a redemptione seu recuperatione *Zionis*, & in minore **חרת ציון** *libertas Zionis*. Deinde agit de Judæorum **סמני שטור** *era contractuum*, ad quam etiam I Maccab XIII, 41 respiciatur: de qua quod ex prima clarissimi Relandi dissertatione ante biennium dictum est, liceat jam nobis brevioribus esse. Ex annis, quos sic satis definitos doctissimus Auctor putat, colligit tandem, omnes Samaritanos nummos (exceptis siclis argenteis, si modo veri dentur) Simonis Maccabæi tempore percussos esse. Etiam in Ludolfiano nummo, priore Relandi Dissertatione expresso (quem vere Jobi Ludolfi, summi Viri, fuisse agnoscimus) legit **שמעון** *Simeon*, seu *Simon*; & in altera facie **לחרות ירושלם** *liberationis Jerusalem*; ac itidem sibi de altero minore, cum Ludolfiano ibidem delineato, etiam in Hottingeri Tabula III, nomen *Simonis* in ferto legendum esse, persuasum habet. In suo primo nummo solitarium **ח**, Samaritice effigiatum, vel **חרות**, *libertas*, vel **חצי** *semis* legendum censet: licet semisiclum, ab Alstedio descriptum, pro ficto habeat, a nemine usquam vel visum vel possessum. Deinde siclos quosdam examinat, & suspectos novitatis ex signis haud dubitandis reddit.

Succedit clarissimi Relandi Dissertatio tertia, qua doctissimi Ottii Epistolæ amice ac placide respondet, & in quibus ille dissentit, erudita modestia examinat, suamque in prima Dissertatione propositam sententiam tuetur. Quatuor autem sunt, in quibus secus sensit Ottius, quorum tribus tantum jam Relandus respondit: quartum præterit, aut meliori otio reservavit.

Primo, ubi ipse legerat in nummo **שנתא רכד** *anno 224*, clarissimus Ottius legit **שנת ארבע** *anno quarto*, videlicet; ab initio principatus Simeonis. Sed neque in hoc, neque in altero, quem ille *secundum annum* putat præscriptum.

habere, nomen Principis Simonis invenitur, sicut I. Maccab. XIII, 42. & XIV, 27: nec concedit doctissimus Auctor, sub solo Simone nummos hujusmodi procusos fuisse. Nec ex nummis illos annos probari certo posse demonstrat, quia in Relandino sit שני, quod explicari possit *anno 300*: Ottianus nihil habeat nisi שתי; & quod diversi typi sint, defectum unius ex altero negat suppleri posse. De isto autem nummo, quo Ottianus *anno quarto* legebat, ad Dissertationem suam primam Auctor noster remittit, qua clare per singulas litteras, & illorum temporum scribendi consuetudinem, docuerat, *anno 224* significari, nec opus esse ut repetat. Hinc ad alteram faciem progreditur, qua ipse legerat *לגאולת סין liberationis a Grecis*; ille, *liberationis Zionis*, quæ etiam Joannis Harduini in Chronologia V. T. sit sententia, ut annus notetur, quo Simon arcem Zionis occupaverit. Dissensus ergo de posterioris vocis litera prima est, quam ille ז, hic ד putat valere, quod ductus litterarum in libris & nummis non ubique sibi respondeat. Sicut vero, exempli gratia, in ת manifesta est diversitas; ita posse etiam in ד esse Auctor censet: & dum ille ד vocis *Jerusalem* in nummis perinde, ut in libris, formatum objicit; respondet hic, ectypos illos nummos esse, qui plerumque ad mentem & opinionem ejus, qui depingat, exprimantur: in ipsis autem Villalpandi & Kircheri nummis ד vocis Jerusalem plane aliud esse, propiusque cum initiali litera vocis convenire, de qua jam sit hæc disputatio. Præterea distinguit inter Zionem montem, & inter arcem, quam Simon recuperavit, extra Zionem positam, I. Maccab. III, 50, ut lectio *Zionis* ne historię quidem conveniat.

Denique de palmis in tribus suis nummis addit, non fasciculos Tabernaculorum esse, qui ea densitate ac forma pingi non possint, nec inde fructus palmæ pendere tam longe pendulo caule. In publicis lætitiis Judæos ramis palmæ usos esse, Nehem VIII, 15, I. Maccab. XIII, 51. II. Maccab. X, 7; non summo totius palmæ cacumine, quod in nummis appareat, quia abscissio ejus toti arbori extialis sit: quod Salmasii etiam auctoritate confirmat.

Quod vero Relandinos nummos lectissima virgo Maria Wildia ex paterno thesauro elegantissime depinxerat, sicut Ottianus

nos Anna Wafera, Caspari Waféri, Viri post fata etiam laudatissimi, abneptis; idcirco gemina elegia, in laudem præstantissimæ artificis Wildæ composita, opusculum hoc Relandus noster finivit, quæ plura moneri de Ottii epistola possint, alii tempori otioque reservatis.

AUREUS CONSTANTINI AUGUSTI NUMMUS
de Urbe, devicto ab Exercitu Gallicano Maxentio, liberata explicatus.

Romæ, typis Lucæ Antonii Chracas, 1703, 8.
 plag. 2.

Qui antiquarios inter transalpinos doctrinæ & sagacitatis fama diu jam floruit, Clarissimus *Michael Angelus de la Cbauffe*, nummo musei sui ex auro percuso, cujus antica pars caput Constantini lauro cinctum, verbaque circumscripta *Constantinus P. F. Aug.* postica vero Imperatorem equo insidentem, dextraque protensa conspicuum, cum epigrapha *Gloria Exercitus Gall.* subtus denique literas *P. Tr.* exhibet, dissertatiuncula hac justam ætatem figere conatur. In opinionem namque Illustris Comitissæ, Francisci Mediobarbi, qui ejus quidem mentionem fecit, sed anno CCCVII Æræ Christianæ, quo cum Maximini Herculei filia Fausta nuptias Treviris celebravit Constantinus, signatum esse sensit, ea de causa concedere abnuvit, quod illa tempestate, Gallicani militis ope, Imperator nihil suscepit memoratu dignum. Licet enim superiori anno Ascaricum & Regaisum, Francorum Reges, sub potestatem suam redegerit; istam tamen expeditionem neutiquam hic commendari posse, eo quod Cæsareo solum axiomate tum temporis eminuerit Constantinus. Augusti vero titulum a Galerio demum A. CCCVIII ipsi impositum fuisse, quem deinde Senatus Romanus A. CCCXII, post celebrem illam victoriam de Maxentio partam, virtutis ergo detulerit. Immorari paululum videas hic Nostrium descriptioni arcus triumphalis, in honorem Constantini inter Palatinum & Coelium montes erecti, quem ex destructis præstantioribus Urbis monumentis, Augusti, Trajani & M. Aurelii puta, Baronii aliorumque fide asserit exornatum, absolutum vero ipsis Decennialibus Imperii Constantini votis solutis, ac

TAB. VI.
 Fig. IX.

Vicennalibus denuo susceptis. Tempus autem, quo nummum suum cufum existimat, in annum CCCXIII rejicit, cum nimirum Constantinus pacata Urbe, & sorore sua Constantia Licinio in uxorem data, in Gallias rediisset, ac Treviris aliquamdiu commoratus, in Francos atque Alemannos Rhenum transituros exercitum duxisset. Felicissimum enim expeditionis hujus successum designare & alia duo numismata aurea, in quorum altero mulier plorans sub trophæo, addito lemmate *Gaudium Romanorum*, atque in inferiore parte *Francia*; in altero eadem figura cum voce *Alamannia* compareat. Præterea quoque supra laudatum Comitem Mediobarbum nummum aureum Constantini, Marte gradivo, hinc & inde duobus captivis ad pedes stipato, & epigrapha *Virtus Exercitus Gall.* illustrem, ad bellum istud referre. Cum itaque gloria virtutis comes habeatur, quin & utriusque nummi antica facies eandem inscriptionem *Constantinus P. F. Aug.* ostendat, hinc utrumque etiam uni eidemque anno vindicandum fore, Noster perquam verosimile credit, nequicquam contrariari, quod elogium *Maximi*, Constantino post domitum Maxentium Romæ tributum, in prædictis nummis non occurrat, utpote cujus nullum quoque vestigium exstet in numismatibus averfa parte *Gaudium Romanorum*; *Gloria Exercitus*; *Restitutori Libertatis*, aliaque verba præ se ferentibus, de quibus tamen certum sit, illa post reportatum de Tyranno triumphum cælata fuisse.

IDO WOLFFII OBSERVATIONUM CHIRURGICO-Medicarum Libri duo, cum scholiis & variis interspersis Historiis Medicis editi a JOHANNE CHRISTIANO WOLFFIO Medicina Doctore.

Quedlimburgi sumptibus Theodori Philippi Calvisii, 1704, in 4. Constant 1². Alphab.

REpletus est præfens liber Medico-Chirurgicus maximam partem cruentis historiis, quas pro dexteritate & virili Idowolffius, Illustrissimi Principis Anhaltini Chirurgus vñ év áγίας, conscripserat.

rat. Hic enim Chirurgi filius Chirurgiæ totum a teneris annis se consecraverat, cujus prima cum posuisset fundamenta, parte Inferioris Saxoniz perlustrata, Daniam, Prussiam, Poloniam & Moscoviam adiit, præstantissimosque Chirurgoſ, ſcientia & manu peritos, conquiſivit, ex iisque ſalubria præcepta avidiſſime hauſit. Reverſus ad ſuos, alterum meditatſ eſt iter, inde in Belgium, deinde Angliam, hinc Galliam profectus, ibique Chirurgi caſtrenſis munere per aliquot annos functus eſt. Quæ igitur diverſis hiſce in terræ plagis & regionibus vidit, audivit, vel dum Serveſtæ praxin exercebat, obſervavit, ſolerti manu conſignare, integrum duxit. Atque hæ ſunt Obſervationes, quas Cl. Filius ipſius Latinitate donatas non ſolum publici juris fecit, verum etiam Commentario fere perpetuo ornavit, variisque hiſtoriis Chirurgicis, Medicis, atque Anatomicis firmavit, tum & cauſarum ſcrutinium addendo, rationibus Philoſophico-Medicis illuſtravit. Ex omnibus quasdam nunc nominare ſufficiat obſervationes, quæ non ubi-
vis obvia exiſtunt.

Sic *Libri I. Obſervatio 15.* jaçturam oculi & tandem mortem ex pulvere pyrio tabaco admixto; *Obſ. 16.* ex hemicrania cecitatem & rupturam cornæ; *Obſ. 20.* menſes per mammas erumpentes; *Obſ. 21.* vulnus in cordis cono ſanatum; *Obſ. 27.* vulnus ventriculo per tranſverſum inſiçtum curatum; *Obſ. 32.* inteſtino-
rum abſciſſionem ſine ægri detrimento; *Obſ. 39.* uteri verum prolapſum, & *Obſ. 41.* partum poſt matris mortem recenſet. *Lib. II. Obſervatio 4.* cephalalgiam a vermibus ſub cute in vertice nidulantibus; *Obſ. 15.* tumorem femoris per fascinationem inductum, & exemitis ſeptem oſſibus albis curatum allegat.

LIBRI NOVI.

Hiſtoire du Vieux & du Nouveau Teſtament, enrichie de pluſieurs Figures en Taille-Douce. Pr Mr. Baſnage. A Amſterdam dans l'Imprimerie de J. Groenevoud, 1705. 4.

De Synodi Carentonenſis, a Reformatis in Gallia Eccleſiis A. 1631. celebrata, Indulgentia erga Lutheranos, Diſſertatio Theologico-Hiſtorica, Autore D. Thoma Ittigio. Lipſiæ apud Heredes Job. Grollii, 1705. 4.

Quin-

- Quinti Septimii Florentii Rivini, J Cti, Enunciata Juris ad Ordinationem Processus Judiciiarii Saxonici Electoralis collecta. Ex schedis edita Parentis a Filio D. Jo. Florento Rivino. Lipsia apud Jo. Frid. Gleditsch, 1705. 4.*
- Cassarius Henrici Hornii, J Cti, Jurisprudentia Feudalis Longobardico-Teutonica. Witteberga apud J. W. Meyerum & G. Zimmermannum, 1705.*
- D. Jo. Alberti Fabricii Bibliotheca Græca. Hamburgi apud Christianum Liebezeit, 1705. 4.*
- Wilb. Ern. Tentzelii Saxonia Numismatica Linea Albertina. Pars I. Prostat Francofurti ad Mœnum apud Frid. Knobium & Lipsia apud Ph. W. Stockium, 1705. 4.*
- D. Joh. Bartholdi Niemeieri de Conjugiis prohibitis Dissertationes junctim edita. Helmstadii apud Sal. Schnorrium, 1705. 4.*
- Anacrisis Apocalypsis Joannis Apostoli, auctore Campegio Viuringa. Franequera apud Franciscum Halmam, 1705. 4.*
- Antonii Teisserii Catalogi Auctorum, qui librorum catalogos, indices, bibliothecas &c. scriptis consignarunt, Auctarium, seu Pars altera. Geneva, apud Chouetum & Socios, 1705. 4.*
- Antonii Van Dale Dissertatio super Aristea de LXX Interpretibus. Additur Historia Baptismorum & Dissertatio super Sanctoniarbone. Amstelod. apud Jo. Wolters, 1705. 4.*
- Andrea Christiani Eschenbach Dissertationes Academica. Noriberga apud W. Michaelis, & Jo. Adolphi, 1705. 4.*
- Theodossi Schöpfer Gerontologia, seu Tractatus de Jure Senum. Quedlinburgi, apud Tb. Ph. Calvisium, 1705. 4.*
- D. Christoph. Franckii Demonstratio Deitatis Christi, ex immotis S. Literarum fundamentis deducta. Kilonii, apud J. S. Riechelium, 1705. 4.*
- D. Val. Ern. Löscheri Ion, sive Originum Græciæ restauratarum Libri II. Lipsia apud Heredes Grossianos, 1705. 12.*
- Conformité de la Foi avec la Raison, ou Défense de la Religion. Par Mr. Jaquelot, 1705. 8.*
- Voyage du Sieur Paul Lucas au Levant. A la Haye, chez Meinert Uylwerf, 1705. 12.*

* * * * *

A C T A ERUDITORUM,

*publicata Lipsiæ
Calendis Julii, Anno MDCCCV.*

SAXONIA NUMISMATICA, oder Medaillen-Cabinet &c.

Hoc est:

*SAXONIA NUMISMATICA, SIVE NUMMOPHY-
lacium Numismatum Mnemonicorum & Iconicorum, a Serenissi-
mis Electoribus Ducibusque Saxonie Lineæ Albertinæ cudi jussor-
um, collectum a WILHELMO ERNESTO TENTZELIO,
Consiliario & Historiographo Regio Polonico &
Electoralis Saxonico. Pars I.*

Sumtibus Christiani Wermuthii, Numismatum Sculptoris. Pro-
stat Francofurti ad Moenum apud Knochium, & Lipsiæ apud
Stockium, 1705. in 4. Constat Alphab. 1. plag. 7.
& tab. æneis 16.

Opus præstantissimum, & cui simile in Germania nun-
quam hætenus fuit editum, aggressus est Amplissimus
Tentzelius, dum Nummophylacium numismatum
mnemonicorum & iconicorum, a Serenissimis Ele-
ctoribus Ducibusque Saxonie cudi jussorum, pandere
& ex historiarum monumentis illustrare instituit. Octo istud
absolvitur partibus, quarum quatuor Lineæ Albertinæ, quatuor
Ernestinæ consecrabuntur. Prima Albertinæ destinata est Duci
Alberto, ejus conditori, successoribusque hujus ad Augustum
usque Electorem claris. Secunda incipit a Christiano I Electo-
re, desinetque in Johanne Georgio I. Tertia a Johanne Georgio
II fausta capiens auspicia, in hodierno Electoratus Principe Here-

O o

de

de subsistat. Quarta Duces Weisenfelsenses, Merseburgenses ac Cizenses complectetur. Prima pars Lineæ Ernestinæ ab Ernesto Electore, illius conditore, usque ad Johannem Fridericum pertingeret. Secunda dabit Lineam Coburgicam & Altenburgicam, pridem extinctas. Tertia adhuc florentes Lineas Vinariensem & Isenacensem. Quarta denique Gothanam.

Et solidam certe hoc in genere eruditionem a Celeberrimo Autore quisque sibi pollicebitur, qui eidem fortunam numismata talia noscendi & in cætypis colligendi tantam, quantum Historicorum Saxoniorum nulli antea, obtigisse cogitaverit. Quam ut ipse in præfatione Tomi primi, nunc prodeuntis, latius deprædicat, sic haustæ hinc notitiæ specimina non una hæcenus jam in lucem publicam prodire iussit. Equidem quintuplex opus numismaticum edendi consilium cepisse se aliquando innuit, quo Historiam Inviçissimi Imperatoris LEOPOLDI nuperrime defuncti, tum *Saxonicam* & *Brandenburgicam*, *Ecclesiasticam* denique & *Literariam* nummis illustraret. Cuius rei publice spem fecit in directa ad Serenissimum Electorem Brandenburgicum, hodie Borussia quoque Regem, dedicatione humillima Colloquiorum suorum Menstruorum, anni 1694. mensi Julio, splendidissimam Academicæ Fridericianæ Halensis inaugurationem depingenti, præfixa. Quin proximo anno ipse Berolinum accessit, optatoque ad nummophylacium Electorale gavissus aditu, Consiliario Begero, quem 20 Febr. hujus anni defunctum merito lugemus, rariora quævis monstrante, in usus suos plurima descripsit. Unde natus est Brandenburgicorum numismatum Index mense Colloquiorum Julio 1695. Sed cum tota Serenissima Linea Saxonum Ernestina, defuncto D. Caspares Sagittario, Prof. Jenensi, A. 1694. Historiographi Saxonici characterem ipsi clementissime contulisset, sui omnino duxit officii, numismata Saxonica præ cæteris colligere atque describere. Cæpit ergo A. 1696. certis ea classibus disponere, optimamque *nuptiis Gothæ - Ducalibus* occasionem præbentibus, quæ in Domo Saxonica hæcenus ejus generis prodierant, enumerare. Proximo statim anno tribus schediasmatibus illustravit, quæ in *Encania*, in *Electricis Ducissasque*, ac in *Dies natales* cusa ipsi obtigerant, quibus A. 1699. numismata in *consecrationes baptismales*, *homagia*, *bellum*

pacemque, ordines & ludos equestres, exequias denique facta subjunxit. Quinque priores harum novem diatribarum auctiores dedit, cum Bielckius Jenensis A. 1700. uno omnes fasciculo comprehenderet.

Omnem vero industriam hæcenus probatam multum superat labor, quem huic destinavit operi, quod Germanica pariter ac Latina lingua concipere instituit, ut summa Saxonice gentis gloria, non in Germania tantum nostra, sed quaqua patet Latina doctorum lingua, magis magisque resoner. Præterea figuras numismatum æneas ubique in tabulis peculiaribus representavit, easdemque ex Historiarum & Genealogiarum monumentis docte illustravit.

Hac vice Tomus operis primus prodit, nummos a Serenissimis Electoribus Ducibusque Saxonie Lineæ Albertinæ cudi jussos complexus, e quo in specimen nonnulla huc afferemus. Initium facit Amplissimus Tentzelius ab ALBERTO, Duce Saxonie, qui ob res fortissime gestas *Animosi* cognomen merito tulit, hodiernæque lineæ Electoralis ab ipso denominatæ Parens felicissimus extitit. Hujus nullum se vidisse fatetur numisma mnemonicum, quod extra omnem dubitationis aleam positum fuerit. Utut enim aliqui superbiant thalero, quem Dux Albertus A. 1486. in electione Romanorum Regis Maximiliani I. Francofurti ad Mœnum cudi jussit, sive in ludorum equestrium tunc celebratorum memoriam, sive, quod Albertus Præfecti Aulici Marescallique Regii instar tunc fuerit, ut statim in coronatione Aquensi ad dispergendum parati essent nummi; thalerum tamen illum supposititium, & ad monetam Frisiæ minorem, in libro monetarum Belgicarum Antwerpiae A. 1627. edito delineatam, extensum effectumque videri affirmat. Nihilominus tamen duo in memoriam Alberti cusa affert numismata, vetustius unum, & alterum recentius, quorum istud Augusti Electoris mandato, hoc vero novissime a Wermuthio Gothæ sculptum fuisse, & quæ in isto brevius de vita obituque Ducis Alberti habeantur, prolixius exponere obliervat.

Pergit dehinc ad Ducem GEORGIUM, inter cujus numismata ea inprimis celebrat, quæ is in memoriam suæ in Ordinem

Aurei Velleris factæ cooptationis fieri fecit: quorum unum Diverſo ſignatum, conſert cum ſimili Friderici Palatini, infelicis Bohemiæ Regis, Imperiali admodum ominoſo. Sed & iſtiſ meminit, in quo Georgius, tanquam *veteris fidei Aſſertor conſantiſſimus & Eccleſiæ filius obedientiſſimus*, laudatur & deprædicatur. Curioſam ſapit eruditionem, quod in gratiam eorum obſervat, qui, cur Dux Georgius modo cum, modo ſine barba, uno eodemque nonnunquam anno, in thaleris effectus ſit? anquirunt. Nempe A. 1534. Dominica *Eſto mihi*, quæ in XV. Cal. Martii tunc incidit, obiſſe memorat Georgii uxorem Barbaram, Caſimiri Poloniæ Regis filiam, præcedente eam filia Margaretha, prima conjuge Joachimi II. Marchionis, poſt Electoris Brandenburgici; unde tantum concepiſſe Georgium mœrorem reſert, ut, cum nullam iſte barbam antea nutritiſſet, nec numiſmatibus monetisve expreſſiſſet, emergente tunc luctus tempore longiſſimam alere cœperit, eamque ad vitæ uſque finem retinuerit. Factum inde autumat, ut, quos pro Novi Anni mercatu A. 1534. Georgius cudi fecerit, unciales barba adhuc caruerint, quia menſe demum Februario conjuge iſ privatus fuerit; ſed qui nundinis Paſchalibus & Michaelicis illati ſint, eos longam ejus barbam oſtendere addit, unde poſtea Barbaſi nomen Georgius acceperit. Quem anno ætatis ſuæ 66 adornari fecit nummum rariſſimum elegantiſſimumque idem Georgius, in gratiam Concilii generalis excoꝑitatum conjicit, quod Papa A. 1537. primum menſe Majo ac deinde Novembri Mantuæ celebrandum indixit. Tunc ſane Georgium, qui inter veteris fidei Deſenſores auctoritate opibusque præcipuus fuerit, minime negligentem ſe præbuiſſe, quin Legatis potius ad Concilium mittendis nitidiſſimum numisma deſtinaiſſe credit. Licet autem Concilium Mantuanum impeditum fuerit, proximo tamen conſeſtum anno triplicem occaſionem iſtud numisma diſpertendi oblatam reputat, partim membrifcederis ſub ſummi fide ſilentii adverſus Proteſtantes a Catholicis Principibus ſanciti; partim Regi Ferdinando, qui novæ arcis riſendæ gratia, Dredam menſe Majo venerit; partim denique Statibus provincialibus, & illis cumprimis octodecim Nobilibus, quatuor Eccleſiaſticis, & totidem e civitatum Magiſtratibus, qui debilio-

ris

ris ingenii filio, Duci Friderico, ad gubernandam Republicam additi fuerint. Ultimum hoc fuisse censet numismatum ipsius Ducis Georgii jussu factorum; unicum namque hujus filium, tunc adhuc superstitem, mensē Februarii A. 1539. morte inopinata peremptum, infelicem Senem XV. Cal. Maji eodem anno, ætatis suæ 68. insecutum fuisse memorat. An quisquam subita tunc rerum omnium inversione, de nummis cogitaverit exequialibus, valde dubitat, ac nihil de illis unquam se vel legisse vel cognovisse innuit. Nummos tamen, quibus Georgius, aliquot post obitum annis, representatus fuerit, indicare haud omittit.

Post numismata memoriam duorum ex Georgii filijs, secundi puta JOHANNIS, & quinti, natura simplicis & ad rerum gubernationem inepti, FRIDERICI, asservantia, ad ea properat, quæ HEINRICI Ducis referant effigiem, & singularem in successione fraterna fortunam, istisque mnemonicum addit in SEVERINUM Principem, Heinrichi istius filium secundogenitum, qui a Parente Oenipontem missus, ut cum Regis Ferdinandi liberis educaretur, diem ibi supremum obiit, anno ætatis incunte XII. in cœnobio Stambiano sepultus; & gamicum in Heinrichi ejusdem filiam primogenitam, Fribergæ A. 1515. natam, & anno ætatis decimo nono Georgio, Marchioni Brandenburgico, quinquagenario, matrimonio copulatam, cui aliud associat, cujus pars adversa, præter insignia Brandenburgica & Saxonica, refert dictum: DEUS. DAT. UTI. SPERO. & annum clō 15. XXXIV. Id quod rem magni momenti innuere reputat. Cum enim verba hæc ordinarium Marchionis symbolum haud exprimant, tacite eadem respicere arbitratur prolongatam, difficilemque dotis numerationem, quam a Duce Georgio negatam, Fribergæ demum interveniens præstiterit.

Pauca sunt, quæ de MAURITII numismatibus affert. Licet enim Principem hunc multa fortitudinis prudentiæque specimina, pace ac bello, ante turbas Smalcaldicas edidisse largiatur, nullum tamen hætenus in illorum gloriam numisma se deprehendisse proficitur. Potissima sub ipso cusa obsidionem respicere monet Lipsiensem, a Joanne Friderico Electore A. 1547. susceptam. Neque tamen illius dememinit, quod Luckius exponat,

quodque Mauritium habitu Electoris indutum sistat; & in duobus nummis, in duodecimam ultimamque expeditionem, quæ Elector tot victoris coronatus vitam ipse amisit, cuspis desinit.

Omnium vero prolixissimus est: in delineandis nummis sub AUGUSTO cuspis. Maximus enim hic Elector, uti tot facinoribus heroicis inclytus, artiumque tam liberalium quam mechanicarum promotor singularis extitit, sic plurima quoque fabricari fecit numismata mnemonica. Non referemus ea, quæ exercitiis sagittariorum destinata fuerunt, sed iis potius aliquantum adhuc immorabimur, quæ altioris paulo videntur esse indaginis. Referas huc illa, quæ in averſa parte ſiſtunt navem, mari agitatum turbido, scopulisque proximam, in cujus velis expansis Chriſtus cruci affixus delineatur, maloque adſtat Elector, gladium Electoralem numeris imponens, quem hoſtes undique equis adnantes telis gladiisque petunt, ille autem Chriſto confidit, eum quaſi allocutus: TE GUBERNATORE. Horum numismatum intentionem alibi quidem ad bellum Gothianum Noſter retulerat, ſed poſtmodum in eas delapſus eſt cogitationes, finito potius Principum conventu, Numburgi menſe Januario & Februario A. 1561. habito, eadem conſecrata, & exempla Electoribus & Principibus ibi congregatis poſtmodum tranſmiſſa fuiſſe. Quamvis proſus inſiciari nolit, tyaria hæc ante vel poſt obſidionem Gothanam denuo impreſſa, præcipuosque militum duſtores iſdem donatos fuiſſe. Hinc de numſmatibus, quæ procul dubio in memoriam obſidionis Gothanæ facta ſunt, ulterius diſſerit, & elegantiffimum poſtea nummum, in memoriam Formulæ Concordiæ compoſitum, quo Elector Saxo Brandenburgicum amice complectitur, præſentat. Utut enim ille annum referat 1574, annisque fere duobus interſectis, prima demum iſtius libri lineamenta ducta, eaque hinc exterorum Electorum Principumque Theologis ad recensendum tranſmiſſa, & denique A. 1577. aucta conſummataque a tot centenſis ſubſcripta fuerint, ſuum tamen de hoc numſmate aſſertum ita ſalvat, ut iſtud non ad initium modo, ſed ad progreſſum quoque Formulæ Concordiæ ſpectare innuat. Neque indigna ſunt conſideratione numſmata, quæ Annam Electricem *Natam Dania Reginam* appellant. Oviſorme iſtud, quod

ex altera parte effigiem Augusti, ex altera vero Abrahamum ante altare, cui præter ligna filius Isaac ligatus impositus, stantem gladiumque stringentem, cum epigraphe Germanica, *Abraham vertrauete Gott*, repræsentat, sententia peculiari sic interpretatur, ut innui eodem statuatur negotium cum Augusti filio ex novenis unico superstiti, *Christiano*, gestum, quo Elector eundem die 24. Januarii A. 1581. Consilii intimi Præsidem constituerit, bonoque adeo publico quasi devoverit & immolarit, Deo cum Abrahamo confidens, fore, ut is suo tempore Ecclesiæ Reique publicæ multam afferat utilitatem. Forte & curiosis non displicebunt bina numismata, Adamum ab Eva seductum præferentia, licet Pasquini scholam redolere videantur. Tacemus alia, quæ haud citra insignem animi voluptatem lustrari poterunt.

Cæterum cum numismatum nonnullorum prior saltem pars sive adversa, ad manus Nobilissimi Auctoris pervenerit, posteriori seu averfa deficiente, circulum ideo illis vacuum adjici curavit, ut curiosis ad prototypa pleniora exquirenda, sibi que transmittenda, stimulum adderet.

APPIANOT NIKOMHΔEΩΣ ANABASEΩΣ AΛEΞAN-
ΔROT BIBAIA EPITA KAI INΔIKH.

ARRIANI NICOMEDIENSIS EXPEDITIONIS
Alexandri Libri VII & Historia Indica. Opera
JACOBI GRONOVII.

Lugduni Batav. excudit Petrus van der Aa, 1704. fol.
Constant Alph. 4. pl. 5.

Nitidissimam hic Arriani Nicomediensis editionem exhibemus, quam summo studio multorumque labore annorum a se confectam, Cosmo III. M. Etruriæ Duci Serenissimo dedicat Celeberrimus Gronovius, quia in ejus Bibliotheca latuerant præstantissimi codices, quibus nitorem hunc suum de novo quasi regenitus Arrianus debet. Et materiam quidem longe nobilissimam, expeditionem scilicet maximi, post omnium memoriam hominum, Regis ab hoc autore luculentissime descriptam, se, ut hunc laborem susciperet, potissimum movisse ait Editor solertissimus. Inde jam
ju-

juvenem se justam incessisse cupidinem, autorem hunc tot sordibus inquinatum purgandi: imprimis cum omnes adhuc editiones lectorum expectationem de intelligendo Arriano turpiter fefellerissent, ipsique adeo editores, magni licet inter Eruditos nominis, Arrianum non intellexissent; præ aliis autem istius, quæ anno 1668. in Zelandia & Westfrisia prodierit, editionis autor nihil fere toto opere nisi plagiarium egisset. Se igitur, cum nullum Arriano parari præsidium, nullum intelligendo ipsi accendi lumen, nisi e codicibus MSC. optimis posse intelligeret, itinere in Italiam suscepto, clementia M. Hetruriæ Ducis, operaque humanissima Illustris Magliabechii, quatuor optimos codices nactum in Bibliotheca Medicea S. Laurentii, in alium etiam deinde Origenis Philosophumenis adjectum longe emendatissimum incidisse: unde meliora & saniora reliquis afferre, ipsumque Arrianum, opere per triginta annos expolito, restituere potuerit. Quo non parum contulisse dicit, quod illum etiam codicem acceperit, quo Bonaventura Vulcanius usus fuit: qui vel liberius paulo versa, vel a Latini sermonis commoditate aliena emendaverat, & alia quædam in ora libri apposuerat, quæ supponi mallet; quod bona se fide executum ait Gronovius: prætereaque se varias lectiones, quas ille ex exemplari hujus Historiæ Augustano excerpterat, in communes usus adhibuisse, adeo ut jam perfectus & integer videri Arrianus queat, nihilque ipsi desit, quam unica lacuna de Hephæstione, quam vel ab aliis invento aliquo Arriani corpore suppleri, vel jam suppletam rectius tractari, cum Gronovio optamus. In notis suis ad Arrianum, id unum fere agit Gronovius, ut e codicibus MSC. sibi visis varias lectiones conferat, textum ab innumeris mendis purget, ea ratione interpretationis accuratioris fundamenta struat, atque adeo autorem tam afflicte corruptum, & tam invenustis interpretationibus deformatum, omni ex parte adjuvet. Lectionis quidem emendationem sapissime optimo, quem appellat, codici acceptam refert. Ejus ope v. g. pro nomine Africano seu Ægyptio Ἀφρικανός, Macedonicum nomen Ἀππυλαίος restituit, eaque occasione etiam alia de nominibus Indicis & Macedonicis affert, p. 110. §. 22. Ex eodem codice, quem instar omnium esse dicit, de inventa elegantissima lectione, ubi ἡγεῖν pro Infin.

med.

med. *χεῖναι* ponitur, exultat p. 164. §. 70. Hoc denique praelucente, obscuram & ab ipsis interpretibus magis etiam obscuram librorum Arriani sexti & septimi distinctionem deregit: & librum peculiarem de rebus Indiae, ab aliis pro septimo, ab aliis pro octavo Arriani libro venditatum, non cum Vossio Indica sive Indicorum nomine appellandum, sed nomine *Ἰνδικῆ*, subintellecta voce *συγγεγραφή* seu *χώρα*, signandum ostendit. Est tamen & ubi ab optimo codice isto, & reliquis omnibus discodat, & vel ulceris aliquid adhuc subesse indicet, vel aliunde opem afferre studeat Gronovius. Sic p. 179. §. 40. contra fidem & consensum omnium, etiam optimi, codicum, ex ipsa historiae veritate & Suidae citatione Arrianum emendat: p. 110. n. 22. vero in textu omnium codicum consensu adprobato, lacunam quandam alicunde forte supplendam subesse suspicatur. Post textum accurate emaculatum, de versione ac interpretatione, vel emendanda vel confirmanda, sollicitus est Vir Celeberrimus. Ut ex innumeris vel unicum proferamus, p. 166. n. 76. voces *ἀταρ δὲ ἡμισὶ τῇ τῆς προσκυνησεως νόμῳ*, quas tam mirifice interpretati Gronovio videntur alii boni viri, ut vix ab iis vel illas ipsas, vel omnis istius periodi connexionem recte fuisse perceptam opinetur, ita vertit: *tum etiam, quod in his non est minimum, ritu adorandi*. Alibi versionem datam pluribus aliorum Autorum locis adductis illustrat, remque p. 167. §. 83. & *Φεάσιν* pag. 166. §. 78. confirmat, & elegantiores Græcismos p. 89. §. 96. variis exemplis, etiam N. T. adductis annotat. Alibi selectiores ex antiquitate Græca observationes, quæ Autori celeberrimo deesse non poterant, adfert: quales sunt, quas p. 219. §. 11. 12. de nomine *βακέφαλος* & *βακεφάλος*, de variis equorum Macedonicorum appellationibus, de ipso Bucephalo ejusque forma, signo, & capitis amplitudine, & plurimis aliis locis ex optimis Autoribus contextit. Frequentissimæ autem, ut in aliis operibus Gronovianis, ita & in his Commentariis Virorum doctorum censuræ occurrunt. Freinsheimium sane p. 57. §. 94. dum velites *τοξέταις* includit, præ Latinitatis studio insanire dicit: eundem p. 65. §. 15. vagæ cujusdam & indecentis varietatis arguit: Scaligeri & Maussaci errorem p. 88. §. 94. notat: Henricum Valesium in not. ad Excerpta Peiresciana p. 110. oscitantæ con-

vincit p. 89. §. 95, quia Arrianum de eo, quod Hercules Tartessius Tyriusque unus idemque sit, dubitare asserit. Imprimis autem autores editionis Frisicæ de A. 1668. nihil dicere vel ignotum, vel suum, p. 115. §. 42: Facium nasutissimum p. 110. §. 22. & 312. 1. ineptum & ridiculum p. 166. §. 76. esse: Vulcanium audacter & perperam auctoris contextum mutare p. 89. §. 96. alios aliter errare perhibet: adeoque omnem operam, quæ aliis forte etiam moleste sedula videri possit, in Arriano suo ornando & vindicando usurpat. Eodem spectat & exercitatio appendicis loco addita, de fossa ex Euphrate. Cum enim magna cura Arrianus exlequatur alveum, qui Pallacopas appellatur, ut lectores cognoscant, quis sit qualisque, & cui bono ac usui illic fuerit ductus, indeque in Eruditorum libris nominetur; sui esse muneris duxit Gronovius, ut extremam manum operi admoturus, cum lectoribus communicaret, & quæ de hoc Pallacopa scripta reperiret, & quid in illis ab Arriano verissimo & fidelissimo descriptore ejus digrediat, ideoque prorsus rejiciendum sit. Primo igitur Salmasii de hoc opinionem in Exercitat. Solinianis p. 703. expressam ad verbum refert, eamque in Joh. Jac. Hoffmanni obscænx molis Lexico nonnullis mutatis repetitam esse, nec tamen ubique verum dicere ait. Inde Isaaci Vossii descriptionem examinat: & quamvis in ea quædam a vera rei consideratione alienissima esse declaret, istam tamen P. D. Huetium, tanquam egregium aliquid, suis Gallis in libello de Situ Paradisi p. 85. ostentasse; Marshamum vero paulo quidem prudentiorem, non tamen ab omni errore in hac materia liberum fuisse, allato prolixo Strabonis testimonio, variisque Facii, Vulcanii, Isaaci Vossii & Marshami versionibus, in Arriani locum lib. VII. in capitis 21 fine collatis & examinatis, docet. Potissimum tamen Is. Vossij versionem sub censura incudem revocat, eaque incredibilem errorum aggerationem contineri, per plures plagulas declarare sustinet. Nos alienissimum esse in disputando a viris doctis quibuscunque characterem illum, quo e Seneca allato opus hoc Gronovius claudit, cum ipsomet optamus: *Hinc sibi indulget, ex libidine judicat, & audire non vult, & ea que investit tenet, & eripi sibi judicium suum, etiamsi pravum est, non sinit.*

OMINOSUM NOMEN, CUJUS DUCTU URBS
augusta URATISLAVIA centum anagrammatibus incre-
menta & fata sua turbato ordine adumbras, auctore

CHRISTIANO ROHR-
 MANNO.

Lipsiæ apud Christ. Bauchium, 1705. 4.
 Constat plag. 6.

Solent ab iis, qui Poësin exactius callent, inter lusus metricos Anagrammata quoque numerari, quæ ab epigrammate vix aliter differunt, quam quod in illis inscriptio sit brevior, in hoc descriptio plenior; in illis nominis notatio, vel alterius ominis ex nomine deductio, in hoc autem simplex cujuspiam rei, vel personæ, vel facti indicatio fit. In illis semper, in hoc rarius syllabæ ac litteræ mutantur. Nacta sunt statim ex viris doctis patronos haud minori numero, quam obtrectatores, quorum illi cum poësi nata natum quoque esse anagramma, & divinam quædam emphasin ex litterarum transpositione derivari, adeoque novum sortium poëticarum genus dici debere arbitrantur: isti autem nugæ tantum difficiles, stultumque ineptiarum laborem adpellant, quando laureati quidam versifices unum idemque nomen ita misere lancinant, lacerant, transfodiunt, admutilant, discerpunt, ut vix nescio quis Podalirius sit illi sanando. Atque hanc ipsam controversiam magno fervore, coram Petro Wefenbecio, antecentum & quod excedit annos, discusserunt bina Gothanæ Scholæ lumina, ex quibus Joannes Weitzius Anagrammatomastigem, Andreas Wilkii vero illorum defensorem strenuum egit, quorum duæ de Anagrammatismis scriptæ ad Wefenbecium epistolæ, circa annum M DC III, Erphordiæ typis impressæ prodierunt. Equidem negari non potest, quod pleraque anagrammatum aut sensu plane cassâ sint, aut obscura adeo, ut ad intelligendum Delio natatore opus esse cuivis videatur: quæ sane nominum truncationes nullius haberi debent momenti, & in causa fuerunt, cur isthæc litterarum carnificina, cui superiori seculo vates fere omnes certatim subscribebant, nostra ætate apud cordatiores vilescere atque antiquari cœperit. Cæterum ea, quæ sententiam

integre absolvunt, neque vim sensui inferunt, laudem omnino suam merentur, nec absque insigni delectatione legi possunt. Quem quidem in censum illa veniunt, in quibus e. gr. Sigismundus - *Musis dignus*; Eucharistia - *vis tberiaca*; Piatius - *fat pius*; Logica - *caligo*; Galenus - *Angelus*; Civitas Norimbergensis - *ne-sis? urbium regina est*, scribitur. Novimus apud Erythraeum in Pinacotheca de Aurato quodam Litteratore memorari, quod vaticinatus saepe fuerit anagrammatibus: quæ res ne fidem omnem videatur excedere, eo facere possunt anagrammata, quorum ductu ex nominibus, laudator - *adulator*; Gustavus - *Augustus*; Cartesius - *Seclarius*; Calvinus - *Lucianus*; Faustus Socinus - *infastus Socius*; Alstedius - *sedulitas*; Cornelius Jansenius - *Cal-nini sensus in ore*; ebrietas - *re bestia*; herba Nicotiana - *in bona charitate*; effingitur: quibus exemplis Morhofii τὸ πᾶν testimonium subiungimus, qui in suis de Lingua & Poësi Germanica Commentariis Part. II. Cap. XVI. ex nomine cujusdam per litterarum metathesin exsculptum fuisse narrat, quod is ipse homicidium aliquando patraverit.

Non infelix iisdem lusibus videtur esse Silesiorum natio, ad poësin præ multis aliis facta quasi & nata. Reusneros, Treutleros, Heermannos, Henelios, Cunrados, aliosque vetustiores silentio præterimus, quando nuperrime Christianus Rohrmannus *Uratulavia*, quæ Silesiorum metropolis est, clarissimum nomen centum anagrammatibus celebravit, quorum, quod ob rotunditatem numeri omnia sensum integrum non absolvant, illustrationi inserviunt additæ explicationes, stylo lapidari concinnatæ, in quibus incrementa urbis, fata varia, celebres Duces, illosque subsequutos Reges ac Imperatores, Status deinde Provinciales, situm loci peramœnum, structuram ædium magnificam, ampla commercia, cultos civium mores, arguta dictione adumbravit. Sunt enimvero inter illa quædam plane egregia, quibus Polonorum adversus Silesios odia, repurgata apud Uratislavienſes sanctissimæ religionis dogmata, fidem incolarum erga Augustissimos Imperatores illibatam, intactam ab hostibus intricennali bello urbem, mirum Senatus Breslei erga scholas & litteratos favorem, bonum regiminis publici ordinem, felicia ju-

ven-

ventutis ingenia, solum frumento fertile, aërem regionis salubrem, aliaque urbis memorabilia eleganter expressit. Dignam judicarunt hanc operam ex Mæcenatibus nonnulli, quam non modo typis Auctor exscriberet, sed Senatui quoque illustri nuncuparet: qua ratione bina nobis ex urbis vocabulo anagrammata in memoriam redeunt, alterum quidem Italicum: *Viva l' Austria*; Latinum vero alterum, quo Uratislavia *lausa a Viris* dicitur, ab illis nimirum, qui ob præclara erga Celsissimam Domum Austriacam obsequia, & perennem ad juvandas stabiliendasque elegantiores litteras adfectum, tantam nominibus suis famam circumdederunt, ut in ipsos obvia in quibusdam Romanorum inscriptionibus verba quadrare omnino dixeris: POSTERI VIR-
TUTEM IMITANTOR.

M. JO. CHRISTOPHORI WOLFII HISTORIA
Lexicorum Hebraicorum.

Witenbergæ, apud Christ. Theoph. Ludovicum, 1705. 8.
Plag. 16.

Auctor Clarissimus Celeberrimorum in orbe literato Duumvirorum, J. H. Böcleri & D. J. A. Fabricii, exemplo excitatus scriptionem hanc suscepit, qui cum Græcorum Lexicorum historiam tradiderint, noster operæ pretium facturum se esse putavit, si eandem operam Hebraicæ Linguæ præstaret. In quo negotio ita versatus fuit, ut integrum schediasma in quatuor capita distingueret, quorum primum Judæorum Lexicographos complectitur, serie Chronologica recensitos; secundum Christianos Lexicorum scriptores enumerat; tertium in eorum notitiam ducit, qui Lexica Hebraica vel promiserunt, vel perfecta in MSS. inedita reliquerunt; quartum denique illorum facit mentionem, qui consilia de optima Lexicon Hebraicum scribendi ratione dederunt. In eam vero præcipue curam incubuit, ut origines Lexicorum Hebraicorum assequeretur, priusquam ad Lexicographorum recensionem industriam applicaret; quo consilio ad Grammaticarum Hebraicarum origines attendit, cumque persuasus fuerit, Grammaticæ vocumque studium conjunctum semper fuisse, easdem utriusque origines existimare non dubitavit. Proinde

Pp 3 tri-

tribus potissimum argumentis utitur, e quibus probet, Judæos seculo post C. N. X. quo literarum principatus ad Arabes fere transierat, Arabum potissimum exemplo excitatos fuisse, ut Linguae Hebraicæ rationes certis regulis comprehenderent. Argumenta illa partim a tempore, quo Grammaticæ Hebraicæ concinnari cœperunt, literarumque in eo statu, partim ab ipsis Hebræorum Grammaticis, partim denique a methodo, quam Grammaticos præcipue secutos esse constat, petenda putavit. Hanc suam sententiam tum Judæorum quorundam, tum Christianorum, Jo. Buxtorffii, Jo. Morini, J. H. Hottingeri, Bartoloccii aliorumque testimoniis confirmat, & tandem comparato utroque vocum Grammaticæque studio, ostendit, ad eandem temporis epocham Lexicorum Hebræicorum originem referendam esse. His explicatis, Judæorum Lexicographorum recensioem aggreditur, quam ita instituit, ut, quoad ejus per Historiæ Judæorum Literariæ tenebras fieri potuit, constituto, quo singuli vixerint, tempore, de ratione, quæ singulis, in negotio hoc expediendo placuerit, esset sollicitus. Familiam Judæorum ducit R. *Menahem ben Sarugh*, qui sæculo post C. N. X. exeunte vixit: agmen claudit R. *Juda Jonas*, qui nostra memoria Lexici Hebraici conscribendi consilium cepit, sed non æque exsecutus est, de quo exponit Bartoloccius P. III Biblioth. p. 52. Hinc Christianorum Lexicographorum recensioem eadem ratione exorsus, examinata quorundam opinione, qui ante Jo. Capnio-nem seu Reuchlinum, ex Christianis nonnullos Hebraicæ Linguae copias in Lexico Hebraico disposuisse putant, evincit, Reuchlino laudem hanc relinquendam esse: qua occasione de odio, quod Vir optimus ex studio Linguae Hebraicæ, isto sæculo insolenti, apud plerosque incurrit, fusius exponit, & alia monet, quæ ad pleniorum laudati Viri cognitionem pertinent. Hunc alii Christianorum Lexicographi ordine excipiunt, de quorum plerisque modestum Auctor formare solet judicium, idque sæpius *ἑμολογῶ* aliorum testimoniis confirmat. Quod ut exemplo consistet, B. Joh. Foersteri, de quo Class. II. §. c. disseruit, mentionem faciemus, cujus quidem Lexicon multis nominibus commendat, & ex eo potissimum, quod ille inter primos omnium felicissime copiosissimeque, in indaganda formali vocum Hebraicarum signifi-

fica-

sificatione, cujus magnam in Lingua Hebraica rationem habendam esse censet, versatus fuerit, auctorque & dux exstiterit celeberrimis sæculi nostri Lexicographis, *Neumanno* scilicet, *Wegnero*, & *Gusscio*, ut eandem viam insisterent. Nihilominus tamen nimum ejus in Judæos odium reprehendendum putat, quod effecerit, ut de eorum laboribus & notitia Linguae Hebraicæ sinistre judicaret, eamque nullo loco habendam esse statueret, imo homines illos pessimi criminis insimularet, & corrupti sacri codicis ageret reos. Eandem rationem in æstimandis reliquorum Lexicographorum laboribus secutus est, inprimis vero in Cl. *Casp. Neumanni* & *Jac. Gusscii* methodo exponenda multus est §. 52. & 55. De qua quid sentiat, multis dicere per instituti rationem non licet: illud tamen omittendum non est, quod singulare utriusque studium, in certitudine Linguae Hebraicæ vindicanda, & eliminandis ex ea antiphrasticis loquendi rationibus, laudet maxime & commendet. Desinit tandem in recensione *Portæ Linguae Sanctæ*, quam Venerandus Vir M. *Paul. Mart. Alberti* novissime omnium Hebraicæ Linguae studiosis aperuit. Dum in Classe III Lexicorum ineditorum meminit Autor, §. 4 inprimis dolet, *Fr. Junii* Lexicon Hebræum, cujus specimen Colomesius p. 140 Opusculorum in Jf. Vossii bibliotheca exstare testatur, Imbonatus vero p. 44 Bibliothecæ editum esse falso putavit, ad finem non fuisse perductum, de quo Viro plura scitu digna affert, quemadmodum ibidem §. 11 de Jo. Drusio pluribus disserit. In Classe IV Aug. Pfeifferi, Andr. Mulleri, Sam. Bohlî, Abrah. Gîbelii, Th. Bangii, & D. Gothofr. Wegneri de concinnando Lexico Hebraico absolutiore consilia perpendit, & §. 8 optat, ut desideratissimum & nuper iterum in dissertatione epistolica de noviter tentatis in litteratura Hebræa promissum opus Venerandi Dn. D. Val. Ern. Lœscheri, Deliciensium Antistitis, de *causis Linguae Hebraicæ*, publicæ luci exponatur, quia nihil ab eo expectari possit, quod non ingenio inventum & elaboratum industria sit. His appendicis loco Autor accedere jus sit catalogum scriptorum, qui peculiaribus Lexicis significationes Nominum Propriorum, quæ Hebræa, Chaldaica, Græca aliisve linguis expressi in V. vel N. T. occurrant, qui data opera & singularibus scriptis hoc egerunt; quos sequuntur,

tur, qui in alius argumenti scriptis obiter quasi, vel certe non adeo accurate idem tetigerunt argumentum, quo refert Dictionariorum Universalium Scriptores, qui eruditorum sermonibus celebrantur, quales sunt *Car. Stephanus*, *Nic. Lloydius*, *Jo. Jac. Hofmannus*, *Lud. Morenius*, & novissime accuratissimeque omnium *Pet. Baylius*, quorum labores pro merito laudantur. Hæc brevis est totius schediasmatis sciagraphia, quod passim variis annotationibus est instructum, quæ tum ad pleniorum Lexicographorum, de quibus disserit, notitiam faciunt, tum varia Hebraicæ Linguae & Antiquitatum Judaicarum momenta elegantiorisque literaturæ capita illustrent. Sic p. 10 sqq. in notis refutat eos, qui cum Jo. Clerico ac Campegio Vitringa, historiam de commixtione Linguarum Babylonica aliter interpretati sunt, eamque non nisi de animorum dissensione accipiendam censuerunt. Ibidem p. 12 recenset eos, qui historiam Linguae Hebraicæ perscripserunt, & p. 13 laudat præcipuos, quorum industria in constituendo typographiæ inventore elaboravit. Hinc p. 24 sq. Steph. Morinum & Richardum Simonium confutat, qui punctorum vocalium originem ab Arabibus repetere non dubitarunt. Jarchii appellationem minus accuratam esse, & cum Isaaci nomine commutari debere evincit p. 31. Summam fuisse Judæorum in describendo sacro codice diligentiam, probatur p. 44 sq. variis hanc in rem allegatis auctoribus, ubi simul p. 46 mos loca S. Scripturæ ex memoria allegandi, Patribus solennis, immutationi eorum sæpe occasionem dedisse observatur. Danielelem a Judæis minus recte ex Prophetarum numero removeri, docet. v. 51 sq. & p. 53 variæ libros inscribendi rationes, Orientalibus receptæ & pleræque obscuræ illustrentur. Varii Imbonati errores, quos in allegandis auctoribus commisit, notantur p. 75. *Autodidax* av exempla, & qui de his commentati sunt, scriptores habentur p. 97. De crassa Judæorum ignorantia variorum testimonia afferuntur p. 100 sq. qui p. 106 sq. a corrupti sacri codicis scelere immunes pronunciantur, variis, qui hoc spectant, allatis auctoribus. Illorum notitia, qui alias linguas cum Hebraica contenderunt, peti potest ex pag. 111. Plures qui longum temporis spatium elaborandis scriptis impenderunt, recensentur p. 121-123. De poetæ Hebræorum Lectorem instruit p. 137 sqq. &

p. 144 sq. non contemnendum scriptorum numerum, qui Hebraica Judæorum scripta ad Buxtorfii exemplum congesserunt, exhibet. Ex his exemplis iudicium facile formari potest de reliquis annotationibus, quas Auctor subinde non exiguo numero contextui sermonis adpersit. Cæterum in schediasmate hoc conficiendo Bartolocci & Imbonati laboribus usus est, sed ita, ut subinde utriusque errores animadverterit & emendarit.

SOLUTIO PROBLEMATIS PASCHALIS.

Romæ, typis Rev. Cam. Apost. 1703. in 4. maj. Constat plag. 13, cum 5 Tab. æneis.

IN hoc Opusculo Illustris Autor (quem *Franciscum Blebini* esse, Summi Pontificis Magistrum Cubiculi hoc tempore Honorarium, ex eo ipso accepimus, cujus beneficio libellus ad nos pervenit, Reverendo Abbate *Dominico Passioneo*) sibi hoc problema solvendum proponit: *An disponi possit Cyclus Paschalis, constans annis Gregorianis, qui Pascha semper indicat tempore congruo, h. e. mense primo, die Dominica intra hebdomadam tertiam Lunæ?* Quamvis vero multi Mathematici negativam amplexi fuerint, *Noster* tamen affirmativæ veritatem se evicturum confidit. Demonstrationis loco affert ipsum Cyclum a se constructum, quem Octogramum ideo vocat, quia Epactis saltem utitur ad investigandam Novilunii diem, octo autem literis in Calendario Romano antiquo olim ordine sæpe recurrente per totum annum continuatis (quas Nundinales communiter vocant omnes, *Noster* vero ad Cyclum Lunæ pertinere credit) ad indicandam Lunam decimam quartam, antequam per Canones Concilii Nicani Pascha legitime celebrari nequit. Ast ne hac ratione oriatur confusio cum literis Dominicalibus, loco literarum *Julii Caesaris* A B C D E F G H, assumit sequentes L M N O P Q R S. Ut igitur novi hujus Cycli Octogrammi veritas pateat, postulata quædam, rationem numerandi Lunam decimam quartam ac diem æquinoctii definiendi concernentia, præmittit: quoniam, ut notum est, in computando Paschate omnis labor huc redit, ut indicetur dies Dominica, Lunam decimam quartam, post æquinoctium vernale primam proxime sequens. In postu-

- lato primo, initium novilunii medii ab eo temporis puncto, quo incidit, tanquam ab Epochâ computari petit, ita ut circulus ille horarius, in quo tunc Sol versatur, sit limes & initium horarum 24, quæ singulos dies Lunæ juxta motus medios constituunt. Quamobrem diem primam Lunæ hac ratione numeratam vocat *diem primam Lunæ juxta motus medios*, seu *primam diem mediam Lunationis*: intervallum septem istiusmodi dierum a momento novilunii medii numeratorum, *Hebdomadam primam Lunæ juxta motus medios*: unde simul intelligitur, quid ipsi sit.
- def. 1.
- def. 2.
- def. 3 & 4. *Hebdomada secunda, item tertia Luna juxta motus medios*. Secundo postulat, hebdomadis ferias & anni dies civiles, juxta receptum Ecclesiæ morem, a media nocte in mediam noctem sequentem, per Solis regressum, post horas viginti quatuor, ad inferiorem ejusdem circuli meridiani partem numerari. In tertio postulato sibi concedi jubet, diem anni *Gregoriani*, quæ in Cyclo dicenda erit 21 Martii, jure haberi posse æquinoctialem. Ubi tamen probe notandum: quod, quemadmodum Noster, more Ecclesiæ primitivæ, in definiendo Paschate motus Lunæ medios constanter respicit; ita e contra in definiendo die æquinoctiali, Solis motus nunc medii, nunc veri rationem haberi velit: quia alibi demonstratum supponit, posse ita per cyclum disponi annos *Gregorianos*, ut dies, quæ quotannis in eo dicetur 21 Martii, intra suas viginti quatuor horas punctum contineat veri aut medii æquinoctii. In postulato denique quarto, præter decimam quartam Lunæ mediam, numerari petit aliam, quæ dicatur *Civilis*, & aliam, quæ *Cyclaris*. Scilicet ea feria & dies civilis, in cujus partem finis primæ diei Lunaræ juxta motus medios incidit, Lunæ prima dies Civilis deatur. Ex quo simul patet, quamnam diem vocet *Decimam quartam Civilem Lunæ*, nec non *vigesimam secundam Lunæ Civilem & Ecclesiasticam*, nempe in quarum unam partem incidit finis decimæ quartæ vel vigesimæ secundæ mediæ. Quartam decimam Lunæ diem Civilem, quæ in diem æquinoctialem 21 Martii, vel proxime post ipsum incidit, *quartam decimam Paschalem* appellat. Denique diem anni Civilis, in quam Cyclus finem diei Lunaræ mediæ cadere præsumit, sive revera cadat, sive non, *Diem Lunæ Cyclarem* dicit.

Lun

Lunationem, cujus decima quarta Civilis Paschalis est, pro *Mense primo* sive *Novorum* haberi vult: dies vero septem Civiles Lunæ, qui quartæ decimæ civili usque ad vigesimam primam civilem inclusive succedunt, pro *Hebdomada Paschali* Canonice haberi pronunciat. Definitionibus hisce præmissis, Axiomatum loco sequentia ponit: 1. Pascha celebrandum esse die Dominica, quæ sit in tertia hebdomada non cyclari, sed civili, per Bullam Correctionis *Gregoriana*. 2. Tertiam Lunæ hebdomadam Civilem per def. 5. & 6. definiendam esse, quia vi Canonum *Nicanorum* ac Bullæ *Gregoriana*, Pascha nunquam Luna decima quarta, nec ante eam celebrandum. Principiis hisce expositis, ad solutionem problematis per sequentes propositiones procedit: quod scilicet 1. annis 100 *Gregorianis* labentis seculi ita disponi possint novilunia & quartæ decimæ Cyclares per enneadecaeteridas, ut Dominica Paschalis proxime sequens eam quartam decimam cyclarem sit intra hebdomadam tertiam Civilem Lunæ primi mensis: 2. annis centenis seculi præcedentis XVII Æræ communis, & annis 984 proxime numerandis post præsens seculum Æræ Christi XVIII, idem præstari possit, quod in præsentis: 3. post absolutam periodum Paschalem annorum 1184 (quam in honorem *Clementis VIII* Pontificis Maximi *Periodum Clementinam* vocat) eadem periodus instaurari possit, castigate exhibens singulis annis Pascha legitimum die Dominica intra tertiam hebdomadam mensis primi: 4. denique eadem periodus annorum 1184 etiam instaurari queat, quando dies bis sextilis non fuerit omissa anno postremo periodi præcedentis, ut nullum Pascha legitimum per hanc repetitionem e sede sua deturbetur. Demonstrationis vicem maximam partem subeunt Tabulæ sub finem adjectæ, quarum prima ab anno Christi 1600 usque ad 2700 valet; secunda complectitur 11 secula tertiaræ revolutionis periodi Paschalis ab anno Christi 3968 ad 5152; tertia Periodi Paschalis *Clementina* seculum primum (nempe XVII Æræ Christi) in annos singulos expansum; quarta ejusdem periodi seculum secundum (Christi XVIII) & quinta duodecimum respondens anno Christi 2700 & sqq.) in annos singulos similiter expansa. Annexa est Tabula Paschalis, auctoritate *Concilii Nicæni* statuta; a *Theophilo Patriarcha*

def. 9.

def. 10.

Ax. 1.

Ax. 2.

Prop. 1.

Prop. 2.

Prop. 3.

Prop. 4.

cha Alexandrino producta; usu & doctrina SS. *Atbanasi, Ambrosii, Cyrilli, Proterii, Paschasini & Leonis Papa* comprobata. Cæterum pleniorẽ Cycli sui octogrammi expositionem in peculiari opusculo pollicetur *Autor*, in quo singulorum assumptorum rationem redditurus est. Interea hunc suum Cyclum *Mathematicorum* censuræ proponit, rogans, ut si ullius anni Pascha minus recte ordinari cognoverint per numeros ejusdem Cycli, id velint libere arguere ac distincte notare: quorum judicia cum enixe flagitet, atque eadem se revereri plurimum profiteatur, Tabulam præcipuam hic subjicere visum est. Ipse vero *Autor* Expositioni Cycli sui Octogrammi geminam subjungit appendicem. In prima dubia solvit, quæ occasione Cycli sui Octogrammi proponi possunt. Quærit scilicet 1. Num major habenda sit ratio decimæ quartæ diei Lunæ ac Plenilunii, quam Novilunii, in disponendis Epactis Cycli? ubi affirmativam amplectitur, tanquam Canonibus Bullæ *Gregorianæ* additis conformem. 2. Quale sit criterium rectæ connexionis dierum cycli cum plenilunio & quarta decima? ubi respondet, quartam decimam Cyclarem, comparatam cum plenilunio medio, recte positam, si immediate præcedat diem civilem, in quam incidit Oppositio media, vel si cum eadem die civili Oppositionis mediæ aliquando concurrat, dummodo dies 14 Cycli totam non excludat quartam decimam mediam. 3. Num recte posita decima quarta cyclari, ætas Lunæ vere proposita videatur ex Epacta illi quartæ decimæ respondente, adeo ut legi ita possit in *Martyrologio*, juxta antiquum Ecclesiæ morem; & num omnia, quæ *Gregorius* sancivit, exacte custodiantur? ubi iterum affirmativam probat per Cycli sui Octogrammi cum præceptis *Gregorii* convenientiam. 4. Num dies Novilunii ex Epacta Cycli Octogrammi constanter inveniantur, ut vera dici possit ex veteri more, vel a jugatione media, vel a prima phasi? ubi respondet, quamdiu in Epactis Cycli nec præcessio motuum mediorum ad Meridianum Romanum relata major occurrat, quam horarum 12, nec postpositio major, quam horarum 24; tamdiu ætatem Lunæ juxta morem antiquum Ecclesiæ & Bullam *Gregorinam* vere proponi. 5. Num Cyclus Octogrammus legem Cycli tantum servet in literis eorumve numeris,

an

M.

Tabula I Inexpian
et dici ex
Martius

Tabula III assignans cuilibet anno literam
Dominicalem ex Cyclo solis XXVIII stylo
Gregoriano Saecula Periodi Clementinae

Dies Mensis	Epacta Grego- rianæ	Littera Domi- nica
7		c
8	XXIII	d
9	XXIV	e

V
2000
Anni Expansi
cuiusque saeculi

I	II	III	IV
1600B	1700	1800	1900
V	VI	VII	VIII
2000B	2100	2200	2300
IX	X	XI	XII
2400B	2500	2600	2700

S 6	0	28	56	84	b a	d c	f e	a g
XXIV	1	29	57	85	g	b	d	f
VI	2	30	58	86	f	a	c	e
P 4								
XXVII								

an etiam in Epactis? ubi respondet, se præcipuam legem servare in numeris literarum, unde & Octogrammum appellavit; in Epactis vero servari Cyclum decennovennalem successionis instauratæ per enneadecaeteridas quocunque seculo.

Appendix altera duas habet partes. Prima ostendit rationem decimæ quartæ Paschalis, & cujuscunque diei Lunæ numerandæ; in qua juxta Patrum monita, & leges Pontificum atque Conciliorum, summopere cavendus sit concursus Lunæ decimæ quartæ cum die Paschali; & hujus excursus ultra tertiam hebdomadam Lunæ, quod utrumque per suum Cyclum constanter præstitum iri proficitur. Pars altera anni Solaris quantitatem ex observationibus definit, & cum *Gregoriana* comparat. Ex observationibus suis, collatis *Walthorianis*, Autor quantitatem anni Tropici colligit 365 d. 5 h. 49. 2. 38; ex iisdem atque observationibus *Hipparchi*, eandem deducit 365 d. 5 h. 49. 0. 24; ut adeo differentia sit 2. 14. Cumque *Cassinus* ex observationibus *Hipparchi* atque suis, eandem derivaverit 365 d. 5 h. 49. 1. 31, tuto quantitatem anni assumi, qualem *Mathematici Gregoriani* assumere, nempe 365 d. 5 h. 49. 12. Illam enim 12 sec. differentiam ex *Hipparchi* observationibus, consentiente *Cassino*, dirimi non posse: cum organa, quibus ille in observandis æquinoctiis usus, ipso *Ptolomæo* haud diffidente, quartam dici partem non satis exacte definiant.

Colophonem opusculo addit Adhortatio ad eos, qui de Cyclo judicaturi sunt. Indicat in ea ipse Autor Paschata, quæ præfenti seculo in controversiam vocari poterant, nempe annis 1700, 3, 7, 10, 20, 24, 27, 34, 44, 47, 54, 74, 78, 81, 98, quibus in Paschate indicendo communes Tabulæ a Paschate Cycli Octogrammi spatio unius hebdomadæ; & annis 4, 23, 42, 61, 80, 99, in quibus eadem ab eodem spatio unius Lunationis dissentiant: atque monet, in examine Tabularum communium nullam rationem habendam esse illorum annorum, in quibus numeratio Epactæ communis loco quidem movet quartam decimam

Paschalem, in aliam diem transferens ab ea, quæ illi juxta hypothefes congregationis *Gregoriana* deberetur; sed legitimum, tamen Paschatis diem idcirco non turbat. Examinat quoque ipse Pascha anni 1707, atque contendit, illud juxta Canones Concilii *Nicani*, decreta *Gregorii & Aulorum* præstantiorum sententiam, qui Calendarii emendationem promoverunt, d. 17 Aprilis indici debere.

XENOPHONTIS OPERA OMNIA, QUINQUE

*Voluminibus comprehensa, Græcæ & Latine, curante
EDUARDO WELLS.*

Oxonii, e Theatro, 1691, 1693, 1696, 1700, 1703, in 8. Constant
Alphab. 6 plag. 17, præter figuras aliquot æneas,
& chartas geographicas.

PRæclare utique sibi consultum statuent *Φιλῶνες*, quod cum a plurimis retro annis Xenophontem in librorum tabernis anxie desideraverint, neque intra seculi spatium, & quod excurrit, Leunclavianam illam elegantissimam ulla alia, nisi forte Parisina de A. 1654 nova habenda, editio exceperit, Oxoniensium tandem beneficio conjunctim teneant tersissimi Scriptoris epuscula auro quovis cariora. Licet enim studiosæ pubis emolumentum prodesse maxime voluerit Clarissimus Editor, quæ ut in Anglia Grajis deliciis maturius ac felicius, quam vix alibi, innutriti solet, ita illarum promos condos in nativo splendore, sine peregrino notarum apparatu, familiares sibi reddere docetur, non poterit tamen non adultioribus quoque institutum hoc valde commendari, siquidem variantes lectiones & criticas observationes parcius atextas, judiciose operum dispositio & diversa alia ornamenta largiter pensant. In quinque autem volumina dum Xenophonteam supellectilem universam distribuit Noster, primum continere jussit libros VIII de Cyri majoris institutione; alterum de Cyri minoris expeditione libros VII; tertium Hellenicæ Historiæ libros VII, una cum Chronologia Xenophontea, quæ Celeberrimum, atque in temporum calculo signando acutissimum Dodwellum autorem habet. Proximum ab hoc in duos tomos abit, ita ut alter præter Me-

mo-

morabilia Socratica, Socratis etiam Apologiam, alter librum Oeconomicum, quin & Oeconomicorū Ciceronis, in quibus hic Paraphrasten Xenophontis egit, fragmenta Latina exhibeat. Ultimum denique reliquos minores tractatus omnes complectitur, iterum duabus constans sectionibus, quarum prior Orationem de Agesilao Rege, de Rebus publicis Lacedæmoniorum atque Atheniensium libellos, Convivium, Hieronem sive Sermonem de Rege, Rationes item Redituum seu de Proventibus commentatiunculam includit: secunda vero libros de Re Equestri, de Magisterio equitum, quem ad Gryllum filiam scriptum putant, de Venatione, tum & fragmenta Epistolarum, ac Veterum, Græcorum in primis, testimonia de Xenophonte comprehendit; quibus subnectitur series Chronologica Imperatorum Persicorum, ad examen paulo ante laudati Dn. Dodwelli revocata, nec non rerum memorabilium Index copiosissimus. Tantum de structura exteriori, quam Doctissimus Editor hic perquam apposite observavit. Interiorem elaborationem quod attinet, ipsemet in Præfatione ostendit, Græcum textum ad Heinrici Stephani & Leunclavii impressa exemplaria a se proponi, neutri autem semper fidem additam, sed discrepantibus a se invicem lectionibus, illam civitate donatam, quam vel Autoris sensus, vel verborum connexio efflagitare visa sunt. Interpretationi vero Latinæ Leunclavii presslo se gradu inhæsisse ait, nec ab illa facile discessisse, nisi ab Autoris mente aperte divortium fecerit. Denique tam textum, quam versionem, in capita & sectiones congruas disperiendo, legentium commodo se velificatum proficitur; quemadmodum & e quatuor tabulis geographicis huic editioni insertis, tres primum a se delineatas offerri, quartam, quæ Cyri expeditioni inservit, P. du Val deberi meminit. Tandem inter præcipua editionis suæ ornamenta merito numerat Chronologiam Xenophonteam, supra indigitatam, quæ Thucydideæ proxime succedit, resque in Græcia per XLVII annos gestas, atque a Xenophonte literis consignatas, accuratissimo mensium, imo quoque nonnullibi dierum quibus singulæ acciderunt, intervallo metitur. Quod ipsum quanti laboris Summo Viro fuerit, quilibet haud difficulter divinaverit, qui Petavii & Petii in hac palæstra agones limis saltem oculis adspexerit.

LIBER

LIBER SATRARUM SEXDECIM FREDERICI
 NOM II, Anglariensis, Presbyteri, Arguti inter Concordes
 Academici Insensati.

Lugd. Bat. apud Jord. Luchtmans, 1703. 8.

Constat plag. 12.

Serius ad nos, quam par fuerat, pervenit hoc Satrarum opus, quod Juvenalem, quem antea Italice haud infelicitè transtulerat, imitatus Auctor Clarissimus composuit, Illustri Viro Antonio Magliabechio dedicatum. Constat id sedecim omnino Satyris, quarum prima Prospero Mandosio, *cur Satyras scribat?* exponit, & dum aliorum Poetarum vitia recenset, Catellam etiam, haud ignobilem alioquin Poetiam, quæ & hujus sæculi, & antiquos Poetas, ipsumque Maronem superasse existimetur, perstringens, sibi propositum esse ait, ut ostendat more sacrorum Concionatorum, quæ putet vitanda, utque in vitia, non in personas invehatur. In secunda Satyra, quam ad Magliabechium ipsum dedit, *hodiernum & antiquum tempus de vitii colloquentia* inducuntur; ubi inter alia impudentiam nonnullorum scriptorum sugillans, multis verbis execratur Auctorem libelli famosi, adversus eundem Magliabechium, Virum integerrimum, insigatione & invidia cujusdam, quem Curculionem ficto nomine vocat, conscripti. Tertia Satyra, quæ Bernardino Ramazzino inscripta est, *ineptias hominum in testamentis* evolvit, domestico, ut apparet, exemplo irritatus. Quarta ad Petrum Cannelum Abbatem Camaldulensem dirigitur, & *de indignis acquirendi modis* conscripta est, fictioneque haud ineleganti constat. Quinta *de malis Principum ministris*, & *de ingrato Principum animo erga bonos fidosque ministros* agens, Carolo Antonio Sinibaldo inscribitur, in qua sua quoque fata depingit, & imprimis Mecænatès sibi deesse queritur. Ita enim de suis carminibus p. 67:

Semisepulta jacent perituris condita chartis

Omnia, nec spes ulla manet; contraria Phœbo

Nam Procerum mens est. Pereant. Ego cætera sperno.

Euporæ at decore optarem mihi Buda superstes

Viveret, & longos Thufcis legeretur in annos.

Lo.

Loquitur autem de Poemate Heroico, quod Etrusco sermone scriptum prelo paratum habet. Sexta, quæ Francisco Redi consecratur, quantum in Medicina tum Veterum tum Recentiorum versatus sit, docuit, quippe dum *ab observationibus illustrari Medicinam* probat, inutilia nonnulla Medicorum inventa sugillat, utilia laudat. Septimam Poeta ad Poetam Joannem Franciscum Bonomi dedit, in qua multa sunt jucunda de *Pedissequarum pravitatem*, at, quæ de sua pedissequa refert, jucundissima. Octava, qua *in Adulatores* invehitur, summo pariter Poetæ Jo. Francisco Rotæ dicata est, a quo elegans Epigramma recepit Noster. Quod idem præstitit Godefridus Gulielmus Leibnitiuss, ad quem Satyram nominam dramaticam, qua *Versipelles* colloquio inter *Poetam & Musam* instituto considerat, transmisit. In decima Auctor diversus a Juvenali, qui castrensem vitam urbanæ anteponit, *damna belli*, ad Poetam maximum Vincentium de la Vitella a Filicaria, luculenter describit. Sed imprimis elegans est sequens, qua Jacobum Gronovium compellat, Satyra, quocum ei, ut ex utriusque præmissis epistolis patet, frequens olim Pisis sermo fuerat. In ea de *injustitia sub optimo Principe* agit, & se quoque ab aulico quodam afflictum queritur. Duodecima, quæ *non esse descendas diuturnis lacrymis uxorum mortes* docet, ad Jo. Georgium Grævium, qui nuper extinctus nunquam satis lugeri poterit, dirigitur. Hic & vitia quædam mulierum describit, & quæ commoda mors afferrat, ostendit, obscuritatemque in fine excusat, quod ea a satyra vix removeri possit. Cæterum illud nobis observasse sufficit, quod ad verba, *Cucurbita cum sale*, quod vetus dictum est de sapiente, notat, ideo Academiam Inthronatorum Senensium pro corpore erigere cucurbitam, in qua sal servetur, cum lemmate: *intus meliora latent*. Inde Satyra decima tertia prolixius de se ipso agit Auctor. *paucis se minimèque rebus contentum agere extra patriam*, probans; nec ingratum Lectori vel Auctori nostro erit, Benedicti Bachinii, cui dicata est, judicium ex epistola ejus responsoria, ad finem Satyræ subjuncta, hic adscribi. Est autem hoc: *Quid Satyra tue desis, non video. Sermo non modo Latinus, sed Satyræ decens; vivida, & alacris ingenii vi, qua illu eodem, diversa, quotquot offendit, vitia perstringis & jugulas; festiva gravitas, quam sententia-*

Rr

tia-

tiarum frequentiam sale condus; rerum copia, per quam Satyræ vere saturam scribis & effici; imitatio diligens, qua quæque corruptissimo in sæculo vitiosus se sibi objectum sentiat; omnia tandem ad optimam prudentis & philosophi normam rigide castigata. De sequenti Satyra Francisco Berrettario dedit ta, de *Justitie impiis Saeculicibus* inscripta, nihil dicemus, ne prolixiores simus. Neque reliquis duabus immorabimur, quarum altera de *exoriciis edulius, virulus, aliisque rebus nostra ætate quasitis cum excessu*, Salvatoris Perotti; altera de *nimis cupidus rei familiaris*, Petri Andreæ Farzonii de Accoltis præfixa nomina habet.

DN. NICOL. CHRISTOPHORI S. R. I. L. BAR.
*& Equis. de LYNKER &c. Consilia seu Responsa cum
 argumentis, summariis & in-
 dicibus.*

Jenæ, apud Ern. Claud. Baillar, 1704. fol.
 Constant 15 Alph. 11 Plag.

Qui nuper aliquot Decisionum Centuriis in lucem edidit, Illustrissimus Lynckerus, nunc satis amplum quoque Consiliorum, quæ aut Facultatis Scabinatusve Jenensis, aut suo etiam nomine conscripsit, volumen Orbi Erudito sistit. Continet duas Centurias, quarum cum ipse satis accuratam prolixamque exhibeat diatyposin, integrum nobis erit eo Lectorem remittere, & summa solum brevitate, paucis exemplis propositis ostendere, quantam de reliquis spem possit debeatque concipere. Nullam vero Jurisprudentiæ partem Illustrissimus Autor reliquit intactam, sed selectas Juris Publici & Privati, Canonici ac Feudalis, Matrimonialis etiam & Criminalis, Processusque civilis materias eleganter exposuit ac enodavit. In Jure Publico attingit Quæstiones illustres: utrum Regalia Electoribus per Auream Bullam Caroli IV. concessa ad terras non Electorales pertineant? *Resp. 9.* Utrum præscriptione immemoriali immunitas a contributione provinciali possit acquiri? *Resp. 25.* De præcedentia Comitum Palatinorum, *Resp. 40.* De Superioritate Territoriali in feudum oblata, *Resp. 193.* aliasque quam plurimas. In Jure Canonico illustravit ma-
 te-

teriam de Bonis Mensæ, *Resp.* 2. De Potestate Clavium, *Resp.* 10. De Resignatione Canoniciatus, *Resp.* 34. De Jure Reformandi Religionem in Imperio, *Resp.* 58. De Jure Sacrorum Principis Reformati in Subditos Lutheranos, *Resp.* 81. De repetitione pecuniæ ob Parochiam datæ, *Resp.* 178. &c. Ex Jurisprudentia Feudali *Resp.* 20. docet, sufficere consensum Domini a creditore petatum esse, licet Dominus eum præstare nolit. De Revocatione Feudi a Patre alienati agit *Resp.* 116. De simultanee investito citra possessoris consensum, *Resp.* 156. Ad Processum Criminalem imprimis faciunt, quæ de Processu Banni *Resp.* 7: de crimine læsæ Superioritatis Territorialis, *Resp.* 94: de usu S.Cti Sillaniani, *Resp.* 103: de poena conatus capitali, *Resp.* 127. traduntur. Ad Processum civilem spectant, quæ *Resp.* 128. de Reconventionem: *Resp.* 168. de Appellatione ob Nullitatem deserta: de Purgata Contumacia per probationem legitimorum impedimentorum, *Resp.* 200. Autor disserit. Juris vero Matrimonialis privatique, quibus materiæ Legales inter vivos mortuosve excutiuntur, Consilia ubique occurrunt quam plurima, sed nobis sufficet ex hisce ostendisse, quantum de integro hoc præstantissimo opere sibi polliceri queat Lector, qui facile ex diligenti ejus lectione cognoscet, Responsa hæc secundum rationem solidæ doctrinæ Lynckerianæ esse elaborata.

JOH. BARTHOLDI NIEMEIERI, SS. THEOL. D.
ejusdemque in Illustri Academia Julia Professoris Publ. & Ordin.
de Conjugiis Prohibitis Dissertationes junctim editæ. Accesserunt Supplementa cum Indice Rerum.

Helmstadii excudit Salomo Schnorrius, 1705. in 4.
Constat 3. Alphab. 14. plagulis.

Quo magis arduæ, & quo frequentiores in judiciis moveri solitæ sunt quæstiones circa causas matrimoniales, eo plures quoque circa easdem enodandas occupati esse voluerunt. Horum aliquos, eos præcipue, quos in sua Bibliotheca reconditos habet, in Præfatione Operis Celeberrimus Autor noster recenset, quibus

tamen plures addi possunt. Quorum vestigia lecturus Tractatum, de *Conjugiis prohibitis* agentem, inque decem Dissertationes dispersitum, hac vice sistit. In *prima Dissertatione* de Conjugio, ejusque institutione ac fine agitur, moneturque, conjugia non solum esse divinæ providentiæ objectum, sed & eadem legibus dirigi posse; sicuti & Jura circa personas, ex quibus conjugalitatis societas constare debet, præsertim quæ vel sanguinis, vel affinitatis vinculum respiciunt, non pauca constituerint. Qua occasione de Linea & Gradibus agitur, & quæ dicuntur, exemplo Genealogiæ Christi & Abrahami declarantur. *Alterâ Dissertatione* divinas prohibitiones ad consanguineos pertinentes exhibet, ac post generalem prohibitionem *Levit. XIX. 6.* in specie producit prohibitionem conjunctionis (1) *patri cum filia*, & vice versa filiæ cum patre; (2) *filii cum matre*, & vice versa matris cum filio, *Levit. XIX. 7*; (3) *avi cum nepte ex filio aut filia*, *Levit. XIX. 10*: atque eorum, qui huic naturæ instituto vim intulerunt, facit mentionem, specialiter de Chami, secundi Noë filii, nec non de filiarum Lothi turpitudinis factis, deque Anare, quem vivo patre Sibbone, cum matre incestum commisisse, nonnulli existimant, sermonem injiciens; (4) *fratrum ac sororum*, *Levit. XIX. 9. XX. 17*. Qua occasione de filiorum & filiarum Adami, de Abrahami & Isaci, de Amnonis & Thamaris conjugiiis agitur. Mentio quoque fit conjugii comprivignorum, nec non eorum, qui contra naturæ institutum sororibus suis se miscuerunt. Agitur (5) de prohibitione *amitæ*, ex *Levit. XIX. 12. XX. 19*. quæ occasione præbet de conjugio Amrami cum Jochebeda ex *Exod. VI. 20.* differendi; (6) de prohibitione *materteræ* ex *Levit. XIX. 15. XX. 15*. ubi etiam disquiritur: an vitrici soror *amitæ*, & novercæ soror *materteræ* nomine veniant, ac per consequens, an & illæ jure divino sint prohibitæ? Pariter an *avunculus* & *patruus* divinis hisce legibus sint comprehensi? Id quod ibi negatur. *Tertiâ Dissertatione* affinitatis rationem habet, conjugia hoc nomine divinitus prohibita expendere incipiens. Talia sunt (1) conjugium *privigni cum noverca*, juxta *Levit. XIX. 8. XX. 11. Deuter. XXII. 30*. Ansam hæc lex præbet de facto Rubenis, illudque subsequente pœna, *Genes. XXX. 3. 4*; de facto Absolo-

nis,

nis, patris sui concubinas comprimentis; Adoniæ Abisagam ambientis; patris cujusdam & filii unam puellam communem habentium, Amos II, 7; nec non Corinthii incestuosi, hujusque excommunicatione, . Cor. V, 1 sqq. disserendi. Disquiritur etiam, an lex ista divina ad vitrici quoque viduam, aut ad privigni viduam sit extendenda? (2) Conjugium vitrici cum privigna sive filiastra. (3) Conjugium vitrici cum privigni, vel privignæ filia, Levit. XIX. 17. *Quarta Dissertatio* itidem affinitatem respicit, prohibitionem *focrus ex Levit. XIX, 14* expendens, ut & *nurus, Levit. XIX, 15*. Ratione illius disquiritur: an lex de non contingenda focru defunctæ uxoris novercam quoque complectatur? item, an sponsæ, sive defunctæ, sive adhuc viventis, a sponsalibus autem resiliens, matrem ducere liceat? ratione hujus vero, de conjunctione Jehudæ Patriarchæ, cum Thamare agitur. Quæstio etiam movetur: an quis per hanc legem divinam privigni viduam ducere, possit? item, an patri filii sui defuncti sponsam ducere sit integrum? *Quinta Dissertatio* legem de non ducenda patru uxore sive vidua, Levit. XIX, 14. & poenam legi huic Levit. XX, 20. additam expendit; id simul considerans: an hæc lex sit naturalis sive moralis, an divina positiva, eaque forensis? item, an per hanc legem patru quoque magni vidua, nec non avunculi vidua sit prohibita. Quo in negotio dispensationum nunc negatarum, nunc factarum exempla afferuntur. Attingitur quoque quæstio de avunculi magni vidua, de patruo & avunculo; quam in rem diversa tum vetustiora, tum recentiora, factarumque in hoc negotio dispensationum exempla adducuntur. Agitur quoque de conjugio cum patruo magno & avunculo magno, nec minus de conjugio cum fratri vel sororis privigna. *Sexta Dissertatio ex Levit. XIX. 16.* prohibitionem conjugii cum fratria, exceptionemque ab illa lege, quæ Deuter. XXV, 5. habetur, investigat, deque leviri citatione, ejusque jure ac ritibus agit. Peculiariter de facto Herodis Antipæ, Philippi, fratris sui, uxorem sibi fociantis, nonnulla affert, partemque Genealogiæ Herodis in tabula sistit. De eo quoque disquiritur: an in lege de non ducenda fratria dispensatio locum inveniat? ejusque generis conjugiorum aliquot exempla in medium proferuntur. Quæstionem

denique de eo movet: an quis fratris sponsam, aut etiam viduam, quam uxoris frater sibi sociatam habuit, ducere possit? *Septima Dissertatio* legem de non ducenda uxoris sorore ex *Levit. XLIX, 18.* considerationi subjicit, inter alia docens, certam quandam polygamiz simultaneæ speciem eadem esse prohibitam: an vero eadem lege uxoris defunctæ soror pari ratione interdicatur, in quaestionem vocat, diversas sententias, ac varia exempla sive præjudicia in medium afferens. Immiscect quæstiones: an prohibitio illa ad sponsæ defunctæ sororem sit extendenda? item, an uxoris defunctæ fratris vel sororis neptis, aut uxoris defunctæ fratris vidua, vel ejus consobrina duci possint? *Octava dissertatio* de conjugii jure Ecclesiastico prohibitis agit, commonstrans, leges divinas connubiales ab Ecclesia & Rebuspublicis, in legum naturæ & divinarum *πρὸς Φυλακὴν*, longius esse extensas, quæ tamen extensiones in nascente Ecclesia fuerint parvæ, nec tertium lineæ collateralis æqualis gradum egressæ; cum tempore verò accessisse, prohibitionem gradus quarti, mox quinti, sexti ac denique septimi; jure tandem Canonico prohibitiones ad quartum gradum fuisse revocatas. Jus Civile insuper cognationis legalis, ac spiritualis rationem habuisse, docet. Commemorat triplex affinitatis genus, affinitatem in perfectam & imperfectam distinguit, ac tandem de religionis disparitate, an & quousque hæc nuptiis impedimento sit, nonnulla attingit. *Nona dissertatio* est de Dispensatione circa Conjugia prohibita. In qua, ut ratio Dispensationis cognosci possit, differentia inter æquitatem, sive interpretationem legum *κατὰ Πείκελαι*, & dispensationem indicatur. Postea disquiritur: cujus generis sint leges divinæ connubiales? ac leges quidem ad lineam rectam pertinentes naturæ leges esse Clar. Autor agnoscit, inter leges vero lineam collateralem respicientes, sententis hinc inde expensis, aliquas esse forenses existimat. Quæ in re fundamentum potestatis latet. Supponit hæc Autor noster in *Dissertatione decima*, quæ itidem est de Dispensatione in Conjugiis prohibitis; in qua porro quæstio: an prohibitiones matrimoniorum divinæ personas tantum expressas, an vero gradus quoque æquidistantes respiciant? expenditur; ac quamvis Maxime Reverendus Autor in priorem istius quæstionis partem, in-

inclinat, non tamen diffitetur, per Canonum etiam decreta & legum civilium sanctiones gradus quoque æquidistantes esse prohibitos. Quod ipsum sicuti in Republica ad potestatem legislativam pertinet, ita etiam in his edictis prohibitoriis dispensandi potestas Majestati civili, vel quæ ejus æmula est, Superioritati territoriali est relinquenda. Subjunguntur tredecim observationes prudentiam, quæ in dispensando requiritur, adjuvantes, quas inter decima, discrimen inter illa conjugia, quibus Deus capitalem poenam determinavit, atque ea, quibus poenam capitali supplicio minorem proposuit, inculcans, non postremo loco est habenda. Accedunt tandem *Supplementa*, quibus nonnulla, quæ in ipsis Dissertationibus tradita sunt, declarantur atque illustrantur. Horum non postremam partem faciunt, quæ circa conjugium Judæi cujusdam Hildesie anno 1595. sunt acta, cujus rei D. Henricus Heshusius & D. Johannes Olearius in Præfationibus libello, de Baptismo a Judæo circa illud tempus suscepto, vernacula lingua exarato & sequenti anno typis exscripto præmissis, nec non B. Gerhardus in Locis de Conjugio mentionem fecerunt. Sub finem subjunctus est *Rerum Index*. De cetero, quæ in hoc Opere attinguntur, quæstiones ab utraque parte secundum suas rationes expenduntur, ex jure non solum Divino, sed & Civili, nec non Canonico & Ecclesiastico deducuntur, non pauca ad Genealogias spectantia commemorantur, ac. quod operam hanc præcipue commendat selectis Facultatum Responsis confirmantur. Ut adeo Maxime Reverendus Autor Collegæ sui, *B. D. Friederici Ulrici Calixti* judicio, in Epistola primæ Dissertationi subjuncta de se lato, quo ipsum *Judaicarum, Ecclesiasticarumque simul ac Civilium rerum peritissimum* esse perhibuit, abunde satisfecerit; nec dubium sit, quin opus hoc plurimis, etiam iis, qui in judiciis circa causas matrimoniales versantur, plurimum sit profuturum.

DOMINICI QUARTAIIRONII RESPONSIONES
ad nonnullas Assertiones pro Reformatione Calendarii
Gregoriani de Paschate anni 1700.

Romæ, ex Typographia Rev. Cam. Apost. 1703, 4. Constant plag. 5.
 Au-

- A**utor Assertionum, ad quas respondet Clarissimus *Quartaire-nius*, non nominatur, reverentiz causa: unde neque nos nominare eum sustinemus; est enim ex Astronomorum nostræ ætatis principibus. Ipsæ tamen assertiones integræ in hoc opusculo exhibentur, numero 16. Contenditur in iisdem, Pascha anni 1700 per Epactas Gregorianas non legitime fuisse definitum: nam Epactam 1X Plenilunium medium retulisse ad d. 4 April. h. 11, Lunam decimam quartam ad d. 4 Aprilis, Pascha ad d. 11 Aprilis; cum tamen ex Tabulis Astronomicis Epactarum cum Tabulis præstantissimorum Astronomorum ad meridianum Romæ supputatis, intra horæ quadrantem consentientibus & *Libro Expositionis Kalendarii* insertis, idem Plenilunium medium d. 3 April. h. 11 post meridiem, quo die etiam Ephemerides id exhibent, supputetur; adeoque evidens sit, pro Luna decima quarta diem 3 Aprilis, cumque hæc in Sabbatum inciderit, pro die Paschali diem 4 April. assumendam fuisse. Assentit ulterius, decretis *Gregorii XIII* convenire Pascha anni 1700 ad diem 4 April. relatum, quia per Tabellam Epactarum, Compendio a *Gregorio* ad Principes Christianos & Academias misso insertam, Epacta anni 1700 revera educatur X, quæ Lunam decimam quartam ad d. 3 Apr. consequenter Pascha ad d. 4 April. refert. Errorem vero in disponendis Epactis commissum esse ab iis, qui *Aloyso Lilio* auctori Kalendarii denato suffecti sunt, ob erroneum Plenilunii medii computum. Probat assert. 7-16. deinde, Sanctos Patres, qui Canones Paschales in usum Ecclesiæ condiderunt, in decimam quartam Paschalem assumsisse diem, cujus meridies Plenilunium medium pluribus horis, & quandoque die uno & amplius præcederet. Quem in finem exempla producit ex Canone omnium, qui supersunt, antiquissimo *Hippolyti Portuensis Episcopi*, statutz ejus marmoreæ, in Bibliotheca Vaticana nunc expositæ, Græce inscripto; ex methodo, qua Episcopi Alexandrini, quibus Concilium Nicænum Paschatis curam commiserat, Lunam decimam quartam determinarunt; ex epistola 82 *Ambrosii* ad Episcopos per Æmiliam constitutos; ex Canone Paschali *Theophili*; ex Cyclo *Cyrilli*, qui ex Theophilano desumptus, a Leone Papa approbato; & Tabella *Compendii Gregoriani* superius citati.

Sin-

Singulis assertionibus singulas subjungit responsiones *Quar-
taironius* : quarum summa in compendio huc redit. Pascha
anni 1700 per Epactas Gregorianas legitime fuisse definitum, cum
Plenilunium medium supputatum sit a Clavio secundum hypo-
thesin Ecclesiasticam, a qua recedendum non sit, propter decreta
Gregorii XIII & Clementis VIII. Plenilunia media a Censore,
contra mentem horum Pontificum, ex Tabulis Astronomicis vul-
garibus computari, in annis centesimis non bissextilibus, quis est
annus 1700. Quæ ut clariora evadant, Clavii supputationem Eccle-
siasticam Novilunii Januarii pro anno 1700 producit, ac inde Ple-
nilunium medium Paschale determinat ad d. 4 April. h. ii. 10. 25.
Lilio mortuo suspectos, nullos commisisse errores, quod a *Clavio*, *Petavio*, aliisque Kalendarii Gregoriani defensoribus, contra
Scaligerum, *Vietam*, *Mästlinum*, *Calvisium* aliosque, jam dudum
fusse sit ostensum. Errare Censorem, dum arbitretur, causam om-
nium Epactarum mutationis dependere ex calculo motus Ple-
nilunii medii centesimorum non bissextilium, & præcipue ex an-
no 1700, cum causa mutationis omnium Epactarum fuerit æqua-
tionis Lunæ Epocha, a Reformatoribus seculo Dionysii posita, uti
a *Gregorio XIII* in Bulla indicatum. Ex omnium Reformato-
rum doctrina, & Epactarum Cycli constructione Liliانا, eviden-
ter colligi, decimas quartas centesimorum non bissextilium non
debere esse necessario ante Plenilunia media, & consequenter, etiam si
Plenilunia media Ecclesiastica centesimorum non bissextilium essent
vulgari calculo supputata, adhuc decimas quartas Lunæ & dies Pa-
schales in Tabula temporaria festorum mobilium nullo modo muta-
ri debere. *Hippolyti*, *Eusebii*, *Theophili*, *Cyrilli*, *Victorii* & aliorum cy-
clorum Paschalium, ante *Dionysii Exigui* seculum, epocham pro ex-
emplo nobis inservire non debere, cum fuerint constructi, antequam
Ecclesia Græca & Latina in Paschatis celebratione convenirent.
Dies Paschales post Concilium Nicænum, quod Pascha eodem die,
quo Romæ, ab omnibus Christianis celebrari voluit, ab Alexan-
drinis determinatos, non tamen ab Ecclesia Occidentali observa-
tos, non esse secundum mentem dicti Concilii. Ambrosium
cum reliquis Patribus existimare, in computo Ecclesiastico aureos
numeros in perpetuum esse debere regulam infallibilem ad inve-
ni-

niendam decimam quartam Paschalem : decimas igitur quartas Paschales Theophili, cum illæ non sint ex aliquo cyclo deductæ, non posse quoque inservire pro regula Cycli Epactarum. Nec Reformatores Gregorianos in constructione cycli Epactarum, cyclum doctrinamque *Cyrylli* imitari potuisse, cum deterior sit illo Theophili, uti a *Petavio* demonstratum, nec Patres Latini, imo nec omnes ex Græcis eodem usi sint, teste *Paulo de Middelburgo*. *Leonem* assignare hanc causam, cur Theophilanum secutus fuerit, quod studio unitatis & pacis maluerit Orientalium definitioni acquiescere, quam in tantæ festivitatis observantia diffidere. Astronomos Gregorianos ideo non usos esse Tabellis in Compendio Gregoriano positis, quod juxta illas Pascha sæpius ante Plenilunium medium in decima quarta Luna, cum Hebræis & hæreticis Quartadecimanis, contra expressam *Gregorii XIII* mentem, celebratum fuisset.

Subjungit Autor sub finem opusculi sui 3 Tabulas, quarum prima ostenditur, 28 decimas quartas Paschales biduo præcedere diem Plenilunii medii, in spatio unius seculi a Concilio Nicæno, quo tempore posita fuerit radix æquationis Epactarum a *Lilio*; secunda docetur, *Dionysii Exigui* seculo decimas quartas Paschales Plenilunia media biduo nunquam præcedere, nec posticipare, nisi una hora in anno 512, & sex horis in anno 588; tertia monstratur, 475 decimas quintas Paschales ex Epactis Calendarii (cujus radix æquationis Cycli decemnovennalis ponitur tempore Concilii Nicæni) deductas, præcedere Plenilunia media uno die, & multoties biduo intra 17 secula. Addit tandem Bullam *Clementis VIII*, pro confirmanda Claviana Calendarii defensione d. 17 Mart. 1703 editam, & Opusculum a Mathematicis *Gregorii XIII* eidem Pontifici oblatum, & hætenus MSC. in Bibliotheca Vaticana asservatum, (sub titulo : *Ratio corrigendi Fastos confirmata, & nomine omnium, qui ad Calendarii correctionem, deleti sunt, oblata Sanctiss. D. N. Gregorio XIII.*) in quo continentur Canones, quos sibi in reformatione Calendarii servandos proposuerant: quia ad utrumque in suis responsionibus sapissime provocat.

30. ALBERTI FABRICII SS. THEOLOGICÆ D.
 & Prof. Publ. Bibliotheca Græca. Accessit Empedoclis Sphæra,
 & Marcelli Sidera Carmen de Medicamentis Piscium
 Græce & Latine, cum brevibus
 notis.

Hamburgi, sumtu Christiani Liebezeit, 1705, in 4.
 Constat Alphab. 5.

Quod multi voluerunt, pauci confectum dederunt, id nunc accuratius expedire celeberrimus Fabricius allaboravit. Cum enim Leonis Allatii, Jo. Conradi Dieterici, Philippi Labbei, Emerici Bigotii, Erasmi Vindingii, Henrici Christiani Henninii destinata vel perierint, vel premantur; Meursii vero, Vossii, Jonsii, Bœcleri, Gaddii, Gesneri, Gyraldi scripta ita comparata sint, ut partim accessionibus, partim emendatione indigeant: tum vel maxime id sibi datum intellexit, ut exquisitiorem instituti rationem iniret, ac plenius de hoc argumento disceret. Equidem, quæ est modestia Vir clarissimus, non diffidetur, quam latissime hoc opus patere, & ita fere constitutum esse, ut unusquisque harum rerum intelligens non possit non ultro intelligere, illud & difficultatis ac laboris plenissimum esse. Hinc tantum abest, ut magnifice de se sentiat, aut aliorum censuras aspernetur, ut potius æquorum idoneorumque hujus rei existimatorum examini suæ, sponte se submittat. Id quod eo valet, ut copiosiori laude ipsum adficiendum putemus, utpote qui ad exquisitissimam eruditionem summam modestiam adjunxit. Uti vero legentibus & diligentius exquirentibus plenissime constabit, ingenti solertia, & accuratione maxima institutum hoc confectum esse, ita nos officii nostri memores summa capita persequemur. Complectitur præsens volumen duos priores suscepti operis libros, quibus tum scriptores, qui Homerum ætate præcessisse dicuntur, tum qui ab eo usque ad Platonem claruerunt, enarrat. In universum id dedit operam maxime, ut, quæ de auctoribus explorata sunt, vel referret ipse, vel a quibus prolixius pertractata fuerint, indicaret. Hæc non edita solum eorum scripta, sed ea quoque, quæ in Bibliothecis delitescunt, diligenter adnotavit, & in deper-

ditis recensendis non minori cura versatus est, quo pertinet notitia Tragicorum deperditorum Lib. II, c. IX, & Comicatorum Lib. II, cap. XXII, ut reliqua taceamus. Omnium vero plurimum laboris in editionibus rite enarrandis posuit, eoque connisus est, ut accuratissima earum historia, eaque non ex catalogis oscitanter corrasa, sed ipsis, quoad fieri potuit, inspectis libris concinnata exhiberetur. Sæpe quippe evenire solet, ut non evolutis libris, sed aliorum fide ac verbis suffulti, turpiter erremus; cujus erroris materiam facile suppeditare potest editio Amstelodamensis notarum Ulrici Obrechtii in Didymum, ubi pag. 24, ceu Noster pag. 34 monet, male excusum, primam *ἐκδοσιν* Mediolanensem A. C. 1627 prodiisse. Nam Obrechtus, uti ex Argentoratensi ejus notarum editione patet, scripserat A. C. MCDLXXVII, hoc est 1477, pro quo typographus legit 1627. Subinde etiam cognomines scriptores studuit distinguere, quemadmodum fecit p. 91, postquam de Horo Apolline duorum de Ægyptiorum Hieroglyphicis libellorum auctore egit, per quem pag. 88 Isidis filium, aut vero Apollonidem cognomento Horapium intelligit, ex cujus libro *Semenutbi* quædam proferat Theophilus Antiochenus lib. II ad Autolyicum f. 85. Quem non diversum putat ab Apollonio Ægyptio, qui memoretur Lib. III fol. 127. Reinesio autem, cui liber Semenuthi, Chemici argumenti Lib. III Var. Lect. pag. 380 visus est, non assentitur, cum historica sint, quæ utroque loco proferat Theophilus. Quæ dum commentatur, notat §. VI, Hieroglyphica Hori Græce A. 1505 ab Aldo vulgata, primum A. 1515 Augustæ Vindellicorum a Bernardino Trebatio Vicentino Latine conversa esse, adeoque falli Garassium Doctrin. Curios. p. 1024, qui affirmet, Hori Hieroglyphicorum primum interpretem Jo. Mercerum Parisiis A. 1548 fuisse. Non minori solertia pag. 784 varios Socrates distinguit, quorum cum septendecim commemorasset, se nescire profiteretur, quem Socratem respiciat Scholiastes Apollonii ad lib. I, ubi laudat *Σωκράτην ἐν τῇ πρὸς Ἐιδόθεον*. At vero, quando apud eundem laudetur Socrates in libris *Κρητικῶν*, legendum esse Socrates, quemadmodum & in Laertii codicibus Socratis nomen pro eodem Soficrate irrepperit, etsi uterque locus imposuerit Vossio p. 414 de Historicis Græcis. Idem præstat pag. 574 de

de Æschylo Tragico agens, a quo distinguit Æschylum Mathematicum. Tribuit huic Meursius in Biblioth. ποικίλα χρώματα a Suida in καλῶς laudata, sed quæ potius Æschylo Alexandrino, iudice Fabricio, vindicanda videntur. Tacemus quamplurima loca alia, in quibus caute & cum cura ejusdem nominis scriptores distinxit ac separavit. Quod quam præclare a Fabricio factum fuerit, illi facile intelligunt, qui norunt, quanti ex cognatione nominum orti sint errores. Idem evenit Suidæ, qui Pherecydi Syrio Theogoniam tribuit, cum alteri, non multo juniori, Atheniensi asserere debuisset, uti animadvertit Noster pag. 780. Neque vero non laudandum, Indices etiam auctorum in variis scriptoribus, antiquis præcipue Scholiastis allegatorum, suis locis insertos esse, quorum sequentes in hoc opere comparant: I Scriptorum in scholiis minoribus ad Homerum allegatorum, pag. 302: II Scriptorum laudatorum in scholiis ad Iliados IX a Conrado Hornejo in lucem editis, p. 305: III Scriptorum ab Eustathio in commentariis ad Homerum allegatorum, accomodatus ad paginas editionis Romanæ, p. 306, ad quem conficiendum usus est industria egregiorum Juvenum, Petri Zornii Hamburgensis, & Joannis Christophori Wolfii Wernigerodensis: IV Scriptorum ab interpretibus Græcis Hesiodi laudatorum, pag. 386: V Scriptorum in scholiis Græcis ad Pindarum, allegatorum p. 539 ex editione Oxoniensi: VI Scriptorum in scholiis Græcis ad Æschylum allegatorum, p. 590 ex editione Londinensi: VII Scriptorum in scholiis Græcis ad Sophoclem allegatorum, pag. 606, ad quem concinnandum opera eruditi Juvenis, Stephani Bergleri, Transylvani, usus est: VIII Scriptorum in scholiis Græcis ad Euripidem laudatorum, pag. 627, cujus ipse Fabricius auctor est: IX Scriptorum in scholiis Græcis antiquis ad Aristophanem allegatorum, opera laudati Bergleri concinnatus, pag. 685. Hæc generatim a nobis dicta sunt; nunc accuratiorem præstantissimi operis imaginem exprimamus. Libro I, qui capitibus sex & triginta absolvitur, de Scriptoribus, qui Homerum ætate antecessisse dicuntur, agit, collatisque idongis scriptorum testimoniis, reliquisque argumentis diligenter comparatis conficit, plerosque Homero juniores esse. Exhibentur id genus Scriptorum septuaginta,

in quibus recensendis potius literarum ordinem sequutus est, quam temporis, qui nullus est in tam incertis & commentitiis. De Chirone agens, inserit Marcelli Sidetæ de medicina ex piscibus carmen, quod in codice Mediceo, cujus apographum vidit in bibliotheca Illustris Viri, Marquardi Gudii, inscribitur: *Μαρκίου Σιδήτα ἑλέα Χείρωνος περὶ ἰχθύων*. Separatim hoc poema, seu potius fragmentum, Parisiis a Morello Græce, sub titulo *Marcelli Sidetæ ἱατρικὸν περὶ ἰχθύων* editum est, cumque vix separatim Græce editum reperiatur, operæ pretium duxit clarissimus Fabricius, integrum & versione sua ac notis locupletatum, hoc loco repræsentare. Quam copiosissime autem de libris, qui sub Hermetis Trismegisti nomine, vel jam feruntur, vel olim jactati sunt, ejusque inventis refert cap. VII, IIX, IX, X, XI, XII, ac pag. 46 memorat, nonnullos cum Henoch cum confundere. Tollit hoc loco Hottisgero aliisque dubitationem, qui mirantur, qui evererit, cur Henochus recentioribus Arabibus *Edris* dicatur. Suspiciatur quippe, hoc, ut alia multa, a Græcis petium esse, quibus *ἰδρις doctum ac peritum* significat. Non minus copiose cap. XII, XIX, XX, de Orpheo, cap. XXIX, XXX, XXXI, XXXII, XXXIII, de Sibyllis, atque Sibyllinis oraculis tradit, ac pag. 176 ita pronunciat: *Si de Sibyllinis, & quæ passim apud scriptores memorantur, oraculis sententiam dicere jubeam, sapemero sane fraudes & casum, sed ista quoque tria interdum (nempe Deum, quo non indignum sit casus magnos, & mutationes rerum publicarum variis modis mortalibus prædicere, malorum Dæmonum ludibria, ac denique furorem naturalem fortioeremque imaginationem) in aliis quidem aliud, principii loco fatebor me agnoscere.* Quod vero ad quartam Virgilii eclogam attinet, non Sibyllæ oraculum, sed Hesiodi fabulam de quatuor mundi ætatibus respici, late pag. 182 seq. ostendit. Speciatim cap. XXXIII de Sibyllinis, quæ hodie extant, judicium suum exponit, quod eo redit: non hac collectione libros Sibyllinos Tarquinio oblatos, nec carmina Sibyllina altera, neque aliam ethnicam integram Sibyllinorum *συναγωγὴν* contineri, operamque ac oleum perdere, qui certæ Sibyllæ, Erythrææ alia, alia Samiæ, alia nescio cui alii, quæ habemus oracula adscribunt. Imo nullum

ver-

versum in hac collectione pro Sibyllino & antiquo oraculo, ante nativitatem Christi exaudito, haberi oportere, nisi peculiariter de eo ex aliis antiquioribus & indubitatis monumentis constet. Et quamvis partem magnam (confusam licet, & librorum culpa passim depravatam) Sibyllinorum, quibus Patres usi sint, hæc complectatur collectio, non tamen omnia & integra Sibyllina, quibus veteres Ecclesiæ Doctores usi fuerint, ea contineri: imo vero & illa, quæ a Justino, & reliquis secundi & sequentium seculorum, adducantur Sibyllina, minime omnia auctores habuisse Sibyllas, sive mulieres fatidicas Ethnicas. Quando, & a quo, quove in loco confecta fuerint, non plane ipsi exploratum est; id vero adfirmat, nec ab Ethnicis aut Judæis, sed a Christianis confecta, & ad confundendos Ethnicos Sibyllæ nomini falso subjecta fuisse. Tandem & hoc addit, neque ullo edicto Romæ poenæ capitis propositum fuisse illis, qui ea, quæ nos habemus, vel illa, quæ Patres allegarunt, Sibyllina legerent, neque ab Augustino singularem quandam Sibyllinorum *συναγωγήν* concinnatam esse. Inde libro II. cap. I. sequi de Homero quam accuratissime agit, & tum scripta ejus, diversasque eorum editiones, tum interpretes, scholiastas, metaphrastas, versiones, laudatores, obrectatores & censores, & reliqua persequitur. Id memoratu dignum est, quod pag. 296 tradit, Homeri, Poetarum principis, Iliadem & Odysseam una cum Batrachomyomachia & Hymnis (cum nullus ante liber Græce typis exscriptus esset) annitente Demetrio Chalcondyla Atheniensi, alteroque Demetrio Cretensi, Florentiæ A. 1488 in fol. Græce primum evulgatam fuisse, qua editione, non ubivis certe obvia, Reverendi & celeberrimi senis, Esdræ Edzardi, beneficio se usum testatur. Neque hoc prætereundum, fuisse, qui Homerum Persice, Indice, Anglice, Hispanice, Belgice, Gallice, Germanice converterint, de quibus pag. 300 agit. Idem evenit Æsopi fabulis, quæ in Hebraicam, Italicam, Gallicam, Anglicam, Hispanicam, Hungaricam, Danicam Germanicamque linguam, imo & dialectum Græco-barbaram translatae sunt, uti infra p. 401 seq. docet. Capite VIII de Hesiodo tractat, iisque accedit, qui eum Homero supparem, annis tamen aliquanto juniorem statuunt. Inde Cap. IX de Æsopo aliisque fabularum scriptoribus, & cap. X de epistolis, quæ ad

Pha.

Phalaridem referuntur, ac de reliquis epistolarum Græcarum Scriptoribus, variisque earum collectionibus commentatur. Hinc cap. XI ad Theognidem, Phocylidem, aliosque Sententiarum Græcarum Auctores & Collectores progreditur, & cap. XII de Pythagora & Empedocle, scriptisque ad hos relatis verba facit, tandemque p. 469 Empedoclis Sphæram, notulis ac versione Q. Septimii Florentis Christiani illustratam subjungit. Imo vero ne Pythagoricorum apud veteres memoratorum notitia deesset, & eorum & mulierum Pythagoricarum indicem, secundum literarum ordinem concinnatum, pag. 508 sistit. Caput XIV Legumlatores persequitur, ea potissimum ratione, ut primo de Zaleuco, Charonda, Zamolxi, Lycurgo, Dracone & Solone paulo fusius differatur, deinde celebriorum Legislatorum veterum index ad litterarum seriem digestus exhibeatur. Eodem instituto utitur capite XV, ubi de Pindaro aliisque Lyricis refert. Cujus ad scholia quod attinet, collecta ea a Thoma Magistro, & Demetrio Triclinio, ex commentariis deperditis variorum, Ammonii, Aristarchi, & ejus discipuli Aristodemi Alexandrini dicit. Equidem Gorgonem Pindari Scholiasten laudari a Michaele Neandro in præfatione ad Catechismum Lutheri Græce a se redditum, pag. 67; sed id ex male intellecto initio scholiorum ad 7 Olympionic ortum esse. Neque approbatur ipsi judicium auctoris Bibliographiæ Curiosæ, Jo. Henr. Bœclero a plerisque tribui solitæ, cui Scholiastes Pindari est vilissimus omnium, & in quo pauca majoris momenti reperiuntur. His confectis, cap. XVI de Thespide & Æschylo, cap. XVII de Sophocle, & cap. XVIII de Euripide commemorat, in quorum recensendis scriptis singularem diligentiam adhibuit. His cap. XIX subjungitur Tragicorum, quorum perierunt fabulæ, notitia ordine alphabeti digesta. Caput XX Herodotus, Historicorum Scriptor, & XXI Aristophanes Comicus occupant, quos cap. XXII Comicorum deperditorum notitia, eodem quo Tragicorum modo disposita excipit. Capite XXIII de Philosophis plerisque ante Socratem, tum de Socrate, Cebete, (cujus Tabula ab Ambrosio de Morales, Petro Simone Abril, & Gundisalvo Correa Hispanice, ab Augustino Mascardo Italice, a Jo. Davies Anglice, a Bellegardeo Gallice, a Jacobo Georgio Schulzio Ger-

Germanice, a M. Antonio Gillis Belgice conversâ est) & aliis quibusdam Socraticis agit. Inter scriptores ante Socratem numerat quoque Heraclitum Ephesium, cognomento *σκοτεινόν*, miraturque in Morerii Lexico, etiam nonâ editionis, Heraclitum Hesiodi, Pythagoræ, Xenophanis, & Hecatai, quibus omnibus fuerit junior, præceptorem venditari. Scripsisse ipsum unicum opus, sed cujus varios titulos, sive potius elogia, ex Laertii IX, 12, in *Δηλῶς κολυμένης* referat Suidas, idque non numeris adstricta, sed soluta oratione. Falli proinde monet Nicolaum Le Nourry in Apparatu ad Bibliothecam maximam Patrum, utpote qui existimaverit, versus Heracliti Jambicos a Clemente lib. IV Strom. p. 494 adduci. Ibi enim non Heracliti versus commemorari, sed dictis Heracliti soluto sermone conceptis a Clemente subijci versus Tragici alterius: neque locum Plutarchi lib. de Oraculorum defectu pag. 415, *ὡς περ τὰ Ἡρακλείτη καὶ τὰ Ὀρφικῶς Πινεμομένην ἔπη*, eruditum alias interpretem accurate reddidisse: *quæ ut Heracliti & Orphei versus invasit*; vertendum enim fuisse: *Quæ ut Heracliti scripta & Orphei versus invasit*. Toto etiam cælo aberrare elegantissimum Menagium, in notis ad Laertium p. 395 editionis Wettstenianæ, nostro Heraclito tribuentem libros, quos commemorat Plutarchus in commentario contra Colotem, pag. 1115, *τὸν Ζωργάστην, τὸ περὶ τῶν ἐν ἁδῶν, τὸ περὶ τῶν φυσικῶς ἀπορρυμένων*: manifestum quippe esse, eo loco Plutarchum de Heraclito quodam juniere Peripatetico agere. Sed & in eo Menagium rationem fugere addit, quod subjungat, Heraclitum Ephesium etiam scripsisse libros *περὶ πολιτείας*, & Diodotum Grammaticum negasse, quod volumen *περὶ φύσεως* esset Heracliti. Nam in illo ipso opere Physico Heraclitum ait *περὶ πολιτείας* egisse, atque ita quidem, ut Diodotus sibi persuaserit, quæcunque de Natura præmiserat, considerata esse tanquam partem minus principalem. Cap. XXIV de Hippocrate ejusque discipulo Polybo dicit. Exhibet hoc loco epistolam Theophrasti Renaudoti ad Andreæm Dacerium de exiguo opere pretio, quod ex versionibus Syriacis & Arabicis ferri potest, ad emendandum & illustrandum Hippocratem aliosque scriptores Græcos, præsertim Medicos, ex Gallico in Latinum sermonem a se translatam. Caput XXV Thucydidi &

Tt

Cte-

Ctesizæ; caput XXVI decem celebrioribus Oratoribus Atticis, Antiphonti, Antocidi, Lyfiz, Isocrati, Isæo, Lycurgo, Demostheni, Eschinni, Hyperidi ac Dinarcho, nonnullisque aliis, qui obiter commemorantur, consecratum est. Tandem *emendanda & addenda quædam* subiiciuntur. Nos vero libenti prolixoque adfectu exoptamus, ut celeberrimus Auctor secundis rebus tantaque valetudinis prosperitate utatur, quanta ad reliquas exquisitissimi instituti partes perficiendas, ac cætera ingenii monimenta perpolienda requiratur.

DE ECCLESIASTICÆ HIERARCHIÆ ORIGINI-

buz Dissertatio, Auctore D. BENEDICTO BACCHINIO Monacho Benedicthino-Casinenfi.

Mutinæ, typis Antonii Capponi, 1703. 4.

Constat 2 Alph. 4 Plag.

UT argumentum nobilissimum, a tot hætenus viris doctis pertractatum, nec exhaustum tamen, aut undequaque vere explicatum, in se quoque perscrutandum susciperet Doctissimus sapiusque nobis ex merito laudatus *Benedictus Bacchinus*, singulari se occasione inductum ipsemet in Præfatione profiteretur. Nimirum cum in Bibliotheca Serenissimi Ducis Mutinensis, in *Agnelli*, qui circa dimidium seculi noni de Ravennatis Ecclesiæ Pontificibus scripsit, codicem manuscriptum incidisset, dignum reputavit opus, quod suis observationibus ac dissertationibus illustratum, publici juris faceret. Jamque ad Vitam Joannis Episcopi cognomento Angeloptis pervenerat, legeratque, quæ de præstito per Valentinianum Augustum Joanni isti privilegio narrantur, cum in eam se necessitatem conjectum intelligeret, ut celebrem de antiquitate Juris Metropolitici Ravennatis controversiam ipse quoque discuteret, cumque Ravennatis Metropolis origo definiri certo vix posset, nisi totius Hierarchiæ Ecclesiasticæ initia essent explorata, factum ita est, ut paulatim a singularibus ad universalia progrediretur, atque sic rem omnem summo studio perquirenti nasceretur tandem eruditissimus hic tractatus, in tres divisus partes, quarum I universæ Hierarchiæ Ecclesiasticæ, II Metropolem Ita-

Italiæ, III speciatim Juris Metropolitanæ Ecclesiæ Ravennatis originem exponit.

Quod nimirum ad primam ipsius Hierarchiæ originem attinet, agi de ea solet a quamplurimis, sed varie, & si verum dicendum cum Bacchinio nostro est, valde ambigue, ut ubi consistas, difficulter invenias. Equidem communis fere ea sententia est, Hierarchiam primum ad normam Romani Imperii constitutam, imo Apostolos ipsos ad civilium provinciarum formam Ecclesias fundasse: ast ubi ad specialia devenitur, rem involvi satis & impeditè tractari, etiam ab eruditissimis videas, & in diversa abiri. Alii non tam ad ipsum Romanæ politiæ statum, in constituendis Metropolis Ecclesiasticis, respexisse Apostolos fatentur, quam ad urbium celebritatem & frequentiam. Alii ubivis Ecclesiasticas Metropoles ab initio fuisse autumant, ubi provinciarum veterum Metropoles apud profanos auctores laudentur. Alii nec ubique tamen, nec semper id factum, sed ab ea regula subinde, ob quas-cunque causas, Apostolos exorbitasse agnoscunt. Mirum vero, etiam ex iis, qui Apostolos ipsos Ecclesiarum fundatarum statum ad Romanum civile Imperium attemperasse censent, esse qui, ubi Imperii statum designare volunt, talem proferant, qualis nonnisi circa quarti seculi initia obtinuit; cum tamen ab Apostolorum, & Tiberii ævo, usque ad Constantini M. ætatem, plures Romanum Imperium vices passum fuerit. Itaque rem omnem, quam penitus inquireret, dignam Bacchinii judicavit, ea tamen cautione adhibita, ut cum sibi cum viris magni nominis rem fore nosset, invidiæ declinandæ causâ, & ex modestia, dissentientium nomina plane suppressenda censuerit, allegasse tantum eorundem scripta contentus. Aggressus ita rem ipsam, dum Parte I, quæ maximam totius operis constituit, Hierarchiæ ipsius originem evoluit, id agit magna industria, ut opinionem vulgatam, quæ provinciarum Romanarum statum præ oculis habuisset, in fundandis Ecclesiis Metropolitanis, Apostolos credunt, ex animis hominum evellat, eumque in finem Capite I Imperii Romani formam, qualis Apostolorum ævo viguit, accurate describit, ineptamque planè ostendit, ad quam Petrus Apostolice alii accommodare se, in constituendo Ecclesiarum jure atque ordine, potuissent. Ubi, ut

Pars I.

C. I.

- ex multis unicum attingamus, speciatim docet, Metropoles Romanis dictas, non quod provinciæ Proprætor aut Proconsul apud eas resideret, sed vel quod olim Regum sedes fuissent, vel ex Augustorum solum liberalitate. Ex quo factum etiam, ut ea prærogativa, jam in una provincia pluribus urbibus, jam uni civitati in pluribus provinciis fuerit concessa. Capite II eadem fini Judaicæ Gentis statum ac civilem politiam, ejusque varias vices, justo commentario exhibet, alte exorsus, nec solum, qualis Apostolorum ævo, sed etiam ab ipsis initiis, Reipublicæ conditio fuerit, quantaque populi illius frequentia per Orientem universum paulatim diffusa, utque extra Palæstinam etiam Judæi, ubi incolebant frequentius, suis legibus fuerint usi, suisque Synedriis gavisi, ita tamen, ut Hierosolymam pro Metropoli habuerint, ejusque Synedrii magni majestatem, etiam tributis oblati, agnoverint, late edisserens. Ubi curiosæ quamplurimæ observationes & notata dignissima se offerunt, sed a nobis silentio prætereundæ, quia habenda brevitatis ratio.
- C. III. His ergo præsuppositis, Capite III suam tandem sententiam proponit, vulgarique explosa, tres ante omnia periodos propagatæ religionis Christianæ constituendas censet, primam, cum solis Judæis Evangelium annuntiaretur; alteram, cum Gentiles etiam iis in locis, ubi frequentes habitabant Judæi, admissi fuere; tertiam, cum Gentilibus promiscue, etiam ubi rari aut nulli Judæi inveniebantur, Evangelii doctrina patefieret. In prima ergo periodo, quin Ecclesia Hierosolymitana eminuerit, quam etiam aliæ in Judæa, ubi Synedria erant, velut metropolitanam agnoverint, Judæorum politicæ accommodata, dubitandi locus non est. Qua occasione, inter alia, Reverendus Auctor antiquissimi Scriptoris Apollonii, teste Eusebio Hist. l. 5 c. 18, traditionem, quod Servator Apostolis suis præceperit, ne intra duodecim annos Hierosolymis excederent, a qua recentes rerum Ecclesiasticarum Scriptores magno consensu recesserunt, recte explicatam tuetur. In altera, ubi Gentiles Judæis mixti Evangelii luce collustrati sunt, cum Judæorum tamen habita ratio præcipua fuerit, moribus Judæorum plurimum quoque dandum fuisse, Auctori vero est persimile. Ita in Oriente primum quidem Antiochiæ, deinde Alexandriæ, in quibus urbibus & frequentiores Judæi habitabant, & illustrius suis

le-

legibus utebantur, primæ sedes fundatæ sunt, quibus Ecclesiæ Christianæ aliæ, tanquam metropolitanis, essent obnoxia: in Occidente vero Romæ, & quidem tanquam in centro unitatis, princeps omnium sedes constituta, ubi & Judæorum magna frequentia, & Gentilium omnis superstitione convenerat; ad quam fundandam ac ordinandam, Apostolorum primi summiq; Petrus ac Paulus, Coepiscoporum instar, ita tamen ut utriusque verticis jura solum a Petro in Successores, Romanos Pontifices, fuerint transmittenda, symbolam suam contulerunt. In tertia periodo, cum ad Gentiles, etiam ubi Judæi aut nulli, aut perpauci commorabantur, Evangelii gratia emanasset, fundatæ certe & ab ipsismet Apostolis, & ab eorum Successoribus Ecclesiæ fuerunt, nec paucæ, sed quæ Romanam unicam pro Metropolitana venerarentur: quemadmodum nec alii ad veritatis lumen Gentiles convertebant, quam qui a Petro & Successoribus Episcopali caractere insigniti, eumque in finem missi fuissent. Ut adeo diversa satis in fundandis per Orientem & Occidentem Ecclesiis methodus notari mereatur, cum per Orientem Episcopi non constituerentur, nisi postquam ex pluribus, partim Judæis, partim Gentilibus, Ecclesia jam coaluisset, per Occidentem a Romana Sede Episcopi crearentur, qui in Italiæ, Hispaniarum, Britannia, Africæ, Galliæ, Germaniæ regiones missi, Gentiles converterent, & Ecclesias regendas sibi fundarent demum: unde perpetua illa novarum Ecclesiarum erga Sedem Romanam, cujus auspiciis velut coloniz fuerant conditæ, tanquam matrem ac metropolin reverentia. Atque hæc, pro instituti nostri ratione, brevis summa est Bacchinianæ de Originibus Hierarchiæ Ecclesiasticæ sententiæ. Nam quin successu temporis insecutæ sint mutationes, & paulatim, inprimis postquam Imperatores ipsi religioni Christianæ nomen dedissent, multum ex forma civili trahere sacrarum dignitatum momenta ceperint, vel istæ Archiepiscoporum Constantinopolitanorum molitiones, ex sede Imperii Orientalis Primatum vindicantium, atque tot de honoris prærogativa & parocciarum finibus contentiones ac jurgia abunde comprobant. Sub finem meminit quoque recentiorum quorundam Auctor, qui confecto quodam Gentilium sacrorum systemate, ad ejus exemplar primas

Ecclesiarum sedes Petrum composuisse arbitrantur : sed eam sententiam indicasse, censet idem quod confutasse.

Pars II.

Ad Partem ergo Secundam progressus, cum nulla ab initio Ecclesiæ Metropolitano jure in Orbe Occidentali, præter Romanam, fuerint gavisa, amplificata autem sensum re Christiana, plures emerferint, etiam in ipsa Italia, de harum speciatim originibus certiora prodere annitur. Itaque Italix primum civilis facta, variasque divisiones, quas per tria priora a nato Christo secula passa est, prosequitur, ut doceat, recentiora omnino esse Metropolitum Italicarum jura, quam censent illi, qui eas ex provinciarum civilium numero atque forma, qualis tamen quarto demum seculo fuit, metiuntur. Cumque Mediolanensis inprimis Ecclesiæ, a D. Barnaba quippe, ut putant, fundatæ, Metropoliticæ auctoritatis antiquitas celebrari valde soleat, quam incertis omnia fundamentis nitantur, ostendit, ut Mediolanensium etiam Episcoporum Catalogum inconstantix ac hiatus arguat. Res omnis denique eo redit, ut evincatur, in universa Italia, præter Romanum, Metropolitam nullum ante Synodum Nicenam fuisse, nec Mediolanensem ante D. Ambrosium. Subjicit Clarissimus Auctor, quod ad præsens argumentum spectet, vexatissimi sexti Canonis Nicæni, ex typo Hierarchiæ Ecclesiasticæ, qualis Nicæni Concilii tempore fuit, expositionem suæ hypothesei convenientem, indignatus haud obscure Ruffino interpretibusque aliis, qui dum ad suorum temporum rationem & opinionum præjudicia respuerunt, Canonem per se non obscuro, pro luce caliginem offuderunt.

Pars III.

Tertia Pars paucis absolvitur, etsi ejus causa totus apparatus fuerat instructus. Nempe ex dictis jam colligere est, juris etiam Ravennatis Metropolitani initia serius esse constituenda, quam ab Hieronymo Rubeo Historiarum Ravennatum scriptore non solum, sed Salmasio quoque, Marca aliisque factum. Non dissimulat Reverendus Auctor, præeuntem in sua sententia se habuisse aliquo modo Cardinalem Norisum, qui in Dissertatione de Synodo V Oecumenica cap. 10, ex D. Petri Chrisologi Sermone 175 in Marcellini Vicohabentinii Episcopi ordinatione habito, tunc primum

num docet Ravennatem Ecclesiam jure Metropolitano fuisse ornata. Attamen rem omnem ab Agnello suo demum clarissime expediri tradit, qui in memorato supra de Ravennatis Ecclesie Pontificibus opere ubi Johannis illius, cognomento Angeloptis, qui immediate Petrum Chrisologum præcessit, & Bacchinio conjuncte, anno 432 sedere cepit, anno 439 defunctus, vitam persequitur, expresse narret, illo ipso Johanne Episcopo sedente, Ecclesie Ravennatenſi a Valentiniano Augusto XIV civitates cum Episcopis subditas, primoque illi Pallium in signum Metropolitanæ juris concessum. Ut adeo primus Ravennas Metropolitæ Joannes Angeloptes fuerit, ejusque successor Petrus Chrisologus primus, quem axiomate ipso facto usum, ex Marcellini Vicohabentini ordinatione novimus.

CATALOGI AUCTORUM, QUI LIBRORUM Catalogos, Indices, Bibliothecas, Virorum Literatorum Elogia, Vitas aut Orationes funebres, scriptis consignarunt, Auctarium, ab ANTONIO TEISSERIO, Uno e viginti sex Academia Nemausensis, adornatum, sive ejusdem Catalogi Pars altera, continens ferme bis mille quingentos Auctores.

Genevæ, sumptibus Chouer, G. de Tournes &c. 1705. 4.

Alph. 2.

Cum primum Nobilissimi Teisserii Catalogum in Actis nostris, Suppl. T. II Sect. 1, ex merito commendaremus, utile futurum credidimus, si librariæ rei studiosi, quæ in eo notata non invenient, aut quæ nova prodire cernant, ad istam pertinentia, diligenter isti allinant. At eo labore levavit quodammodo curiosos industrius Auctor ipse, edito nuper admodum locupletissimo ejus operis supplemento, totidem ferme iterum, quot ipsum continere tum diximus, auctores, nempe circiter bis mille quingentos, complexo. In hoc, quod & alteram operis partem vocari cupit, eundem, quem in prima parte, ordinem servat, & indices itidem undecim accuratissimos adjicit. Quos vero titulos asteriscis

no-

notavit, eos sibi a Vincentio Placcio, τῷ νῦν ἐν ἀγίοις, fuisse communicatos, gratus proficitur p. 265. Cæterum non eos tantum libros hic recenset, qui sub prelo jam sudarunt, sed & hos, qui in manuscriptoris adhuc latent, aut propediem expectantur. Sic *Casenovii*, Galli, librum de lingua Provinciali ejusque Poetis, p. 37; *Charlezi*, Canonici Divionensis, Historiam Dioceseos Lingonensis, cui adjungetur Catalogus virorum doctorum, plus quam sexcentorum, ut & aliorum virorum, qui tam in toga, quam sago clari fuerunt, p. 40; *Christophori Hendrichs* Pandectas Brandenburgicas, p. 45; *Cornelii a Beughem* tum alia, tum & Bibliothecam Bibliothecarum, qualem hic exhibemus, p. 53; *Georgii Calixti*, Professoris quondam Helmstadiensis, librum de Historiarum scriptoribus, propediem edendum, p. 89; *Joannis Baptiste Capponi*, Medici Bononiensis, Bibliothecam Medicam, cum Notitia Manuscriptorum totius orbis, aliaque, p. 130; *Joannis Groningii*, J. U. D. Wismariensis, Antiquam & Novam Wismariam, in qua sistentur nomina Literatorum, qui jam ab aliquot sæculis in illa urbe floruerunt, eorum effigies, vita, bibliothecæ & scripta, p. 148; *Martelli*, Secretarii Academiæ Tolosanæ, Vitas illustrium virorum, qui Tolosæ floruerunt, p. 196; *Richardi*, Presbyteri, Regis Galliæ Historiographi, Historiam Academiarum Gallicarum & Academicorum, qui in illis floruerunt, p. 235; *Valerii Zani*, Bononiensis Academici Gelati, Bibliothecam Bononiensem auctiorem, p. 260; & *Ottonis Sperlingii*, junioris, Catalogum Scriptorum Historiæ Danicæ & Suevicæ, qui brevi expectetur, p. 270, aliquando editum iri testatur. Qui typographici quandoque errores, ob absentiam Auctoris celeberrimi, Berolini nunc commorantis, irrepere, facile emendari poterunt. Ita enim c. g. pro Rechenbero & Rechembero p. 3 Rechenbergium; pro Burcardo Golph. Struvio p. 32 Burcard Gotthelf Struvium; pro Georgio Seluchberto p. 86 Georgium Schubartum; pro Meimbonio p. 109 Meibomium; pro Mart. Zeidlero p. 200 Zeillerum; pro Th.

Creeck p. 254 Creech substituendum esse, unusquisque videt.

* * * * *

A C T A ERUDITORUM,

publicata Lipsiæ

Calendis Augusti, Anno MDCCV.

ARCHIVORUM VETERIS TESTAMENTI LIBRI

Tres. Autore P. SCIPIONE SGAMBATO,

Neapolitano, Societatis Jesu.

Neapoli, apud Michaelæm Aloysium Mutium, 1703. fol.

Alphab. 6.

Diligentiam, quam in Veteris Testamenti Apocrypha impendere Maxime Reverendum Jo. Albertum Fabricium, in Actis A. 1703 p. 382 memoravimus, quodammodo anteveritisse, licet alia paulo methodo alioque instituto, videtur Eruditissimus præsentis libri Auctor, qui omni studio id egit, ut, quæ passim allegantur, scripta ad Vetus Testamentum ab aliquibus relata, sed Pontificiis ipsismet haud dissidentibus, Divina auctoritate haud gaudentia, Ecclesiæque testimonio destituta recenseret. Qui ipsius labor variam quidem expertus fortunam est, antequam ad Eruditorum manus perveniret. Editionem namque, cum moliretur ipse Auctor, miro fato mente deturbatus, plurimos per annos obscurum pulvereque oblitum opus jacere permisit. Sed Thomas Strozza, Socius Jesu, Societatis suæ gloriæ & publicæ Eruditorum utilitati consulturus, e tenebris id protrahere, post istius mortem, aggressus est, quanquam successu itidem parum secundo, cum post factum impressionis initium & ipse expiraverit. Hinc tandem obstetricantes illi manus præbuit felicioribus auspiciis Dominicus de Georgio, Utriusque Juris Doctor Neapolitanus, cujus liberalitati ac industriæ editionem deberi, in directa ad ipsum dedicatione palam proficitur Jo. Hieronymus de Onuphrio.

Uu

Pri-

Præmarium vero negotium cum Veteris Testamenti Viros sapientia illustres eorumque monumenta ac libros respiciat, haud inconsultum duxit Noster, de lingua his familiari prolixam satis tractationem præmittere. Hanc itaque Hebraam fuisse uti constat, sic de eadem capitibus in non unis doctæ differuit. Vindicata nimirum ejus antiquitate linguarum quarumcunque aliarum originem multum superante, plura in medium affert de germana ac propria illius scriptura, quam Assyriacam vocat, ipsamque illam fuisse statuit, qua nunc in Hebraicis scribendis communiter utamur, cui Transfluvianam opponit, seu Samaritanam, quæ vilior sit ac vulgaris. Veterem interea scripturam dici Assyriacam ea propter innuit, quod eandem in Assyria a parentibus Abrahamus hauserit, ac inde secum in alias oras attulerit, ut ut ipse forsân, posteaquam Euphratem transierit, recentiorẽ excogitalse credendus sit.

His prælibatis, ad ipsos Veteris Testamenti Sapientes sese confert, & post pauca, quæ de singulorum libris genuinis monet, apocrypha potissimum eorum scripta enarrat. Liber *primus*, antequam ad homines descendat, Deum & Angelos scriptores introducit. Ac Deo certe præter libros allegoricos, & in his præcipue Librum Vitæ, apocryphos etiam attribui observat, quales illi tres, quos pro tribunali sedens quolibet anni initio aperire vulgo Judæis perhibetur. Angelorum apocrypha facit Scientias Divinas atque utiles, Scientias exotericas & malas, Phylacteria, Dispositiones Angelorum, Librum Jaldabaoth, Razel, & plures alios. Hinc ab Adami exorsus apocryphis, qualia Liber Generationum Adam, Liber Adami Primi, Psalmus Cantici in diem Sabbathi, Apocalypsis, Scientiæ, Cognitio, Testamentum Lucis; ad Sethum pergit, & ejus post alia Libros XIV, quos ipsi tribuunt Sethiani, & Libros L, quos ei liberaliter concedunt Mahometani, allegat. Succedunt cum suis apocryphis Egregori, Oannes, Thoyt ante cataclysmum sapientiæ laudem consecutus, Enos, Cainan, Henoch, Mathufale, Lamech; Noë ejusdemque uxor Bath-Enos, Cham, Japhet uxorque illius Sambetha, quæ in Sibyllinis cum marito se in arca fuisse gloriatur, Sem qui & Melchisedech, Phœnices, Heber, quorum postremus tanquam Indorum & Sinarum pater introducit, horumque adeo disciplina simul tangitur.

Liber

Liber *secundus* Viros Prophetiæ nomine claros sistit, & quæ cuius horum adscribantur apocrypha, testatum facit. Agmen inter hos ducunt Abraham, Isaac, Jacob, Joseph, duodecim Patriarchæ cum suo Testamento, Job, Moïses atque Aaron. Moïsis occasione Jannem quoque & Mambrem, quem vocat, illius antagonistas nominat, nec septem Prophetarum Gentium dememinit, quorum, corryphæus uti Jobus constituatur, sic ei associari refert Eliphazum, Themanitem, Baldadam Suhitem, Sopharum Naamathitem, Elihu Filium Barachielis Buzitem, Balaamum, & hujus patrem, qui Boer nuncupetur. De Sibyllis, quæ Gentium credantur Prophetides, paucula interspergit. Hinc porro comparent longo ordine Jethiro, Josue, filius Nun, & septem Prophetides Israelis, Mirjam, Debora, Hanna, Abigail, Holda, Esther; Eleazar inde Magnus Sacerdos, Phinees, Samuel, David Rex, Nathan, Gad, Achias Silonites, Iddo, Semajas, Salomo, Agur, Lamuel, Elias, Jonas, Oïeas, Amos, Jehu filius Hanani, Jesaias, Sobna scriba, Ezechias, Michæas, Joel, Nahum, Habacuc, Obedias, Sophonias, Manasses Rex, Chozai Scriptor historiæ Manassis, Helkias Summus Sacerdos, Urias sub rege Joachim clarus, Jeremias, & alii usque ad Baruchum, post quem adduntur Mardocheus, Esther Regina, Assuerus Rex, Esdras, Nehemias, Tobias denique & Judith.

Posteaquam deserit apud Hebræos Prophetarum nomen, vigere cœpisse ait honorificum Sapientum titulum, qui disciplinas publicis in conventibus tradiderint. Unde natæ sint Hebræorum Academix, quas in duas veluti sectas dividit, alteram, Orientis, Babylonios & Indos, Occidentis alteram Syros, Alexandrinos, Hispanos, Italosque comprehendentem. Circa has Liber occupatur *tertius*, qui ab Academicis Babylonici sive Orientis orditur, & Neardeana Ezechielis, Mata-Machasia, Sura, Pombodita quæ dictæ fuerint, declarat. Occidentales constituit Hierosolymitanam, Tiberiensem, Japhneam, Biteriensem, Nisibenam, Alexandrinam, & Tolitolanam. De singulis ubi nonnihil disseruit, quinam in Bibliotheca Hierosolymitana reperti libri fuerint? disquirunt. Porro, Viros magnæ Synagogæ eorumque monumenta literaria recenset. Quid Philosophi Græco um, ex fontibus Hebraicis hausierint? indagat; & scorsim Hecataeum Abderitam in-

hunc censum vocat. Post renovatam Berosi memoriam Siracidem in scenam producit, & Eleazaro, qui Ptolomæo septuaginta duos Senes ad legem Græce reddendam submisit, laudato, de ipsismet LXX Interpretibus controversias præcipuas, quæ vulgo moveri solent, pertractat. Aristæ, utut Græcus genere fuerit, locum tamen inter scriptores Hebraicos ideo assignat, quod ejus de LXX Interpretum evocatione liber Hebraice a R. Azaria Edomæo versus profert. Cleodemum Malchum, Agathobulum, Aristobulum, Ezechielem Alexandrinum, Phocylidem, Lyfimachum, Jasonem Cyrenæum, Judamque Essenum breviter descriptos reliquis etiam associatos dat. Machabæorum liber, qui Hebræis Antiochi libellus appellatur, in Latinam linguam translatus inseritur. Denique R. Jochanan filius Mathathie, R. Elias cognomento Propheta, Demetrius, Eupolemus, Jonathan Filius Uzielis, Auctor Libri Sapientie, R. Nechonias ben Hakkana, Samuel Parvus, Ananias filius Ezechie, ac ultimus omnium Cocilius Rhetor Augusti ætate celebratus, suo quisque ordine in conspectum prodeunt. Quamvis autem larga satis nominum clarissimorum seges hunc in librum constipata sit, minor tamen longe, ac in duobus antecedentibus, scriptorum apocryphorum numerus comparet, cum personas modo plerorumque nominare ac breviter delineare Autori allibuerit.

CASPARIS HENRICI HORNII, JCi, JURISPRUDENTIA Feudalis Longobardo-Teutonica, aucta variis accessionibus, mandatis, privilegiis, consiliis, responsis feudalibus, aliisque argumentum illustrantibus.

Wittebergæ, apud J. W. Meyerum & G. Zimmermann, 1705, 4.

Constat 5. alph. 4. plag.

OPus hoc, jam ante decennium, publici juris factum est, dum illud Consultissimus Autor, Dissertationibus Academicis, in cathedram produxit. Cum vero Exercitationum illarum exempla deficerent, subinde ab illis, qui ejus Scholas frequentare soliti sunt, interdum & ab aliis admonitus, de repetenda illarum editione cogitare cæpit, quod propositum, tardius quidem, sed ita tamen executus est, ut quamplurima posthæc lecta & observata ad-

di-

diderit, multa etiam emendaverit imputaveritque, adeo ut plane alia facie & habitu liber jam in lucem prodeat. Secutus est, in hoc opere Examen Juris Feudalis Strykianum, ut illud etiam commentari in hoc vicem subire queat. Primo itaque de origine & auctoritate Juris Feudalis ac Jurisprudencia Feudali disserit, postea naturam, definitionem & divisionem Feudi, ac in specie Feuda propria & impropria explicat, tum ad personas Feudum concedentes, & acquirentes, nec non nuptias & tutelam Feudalem progreditur. Quibus expositis, res in Feudum dandas, Regalia, ac in specie Regale metalli fodinarum jus expendit, explicatis etiam servitutibus, Feudo impositis. Inde ad modos constituendi & acquirendi Feudum, ac impeciatim, ad præscriptionem feudalem, & investituram, jamentumque fidelitatis, investituræ annexum, descendit. Quo labore peracto, dispositionem testamentariam circa feuda, successionem descendentium, ascendentium, collateralium, legalem & pactitiam explanat, eique tractationi renovationem investituræ, Laudemium, obligationem & contractus, qui inter Dominum & Vassallum occurrere solent, revocationem feudi alienati, & obligationem feudalem, ex quasi contractu, denique modos, quibus obligatio feudalis solvatur, ac delicta feudalia conjungit, totique operi, actionum feudalium judicii & processus feudalis explicatione, finem imponit. Ubique autem istum scopum habuit Consultissimus Autor, ut cupidæ legum juventuti rationem monstraret, qua, inter tam varia jura, partim in patrio solo nata, partim peregre, ex Italia, allata, quibus Germania etiam, circa beneficia, utitur, iter ingrediendum, ut ad habitum illum, quem Jurisprudentiam Feudalem dicimus, perducere illa possit. Quamobrem non tantum quid Longobardis placuerit, verum etiam, quæ Saxonum, aliorumque Germaniæ populorum, instituta antiqua fuerint, ac sub nomine Alemannici vel Suevici juris feudalis, innotuerint, explicare, simul vero etiam, quid Imperatorum & Regum Romano-Germanicorum constitutiones, atque Imperii nostri leges, tum antiquæ, tum recentiores, tum denique provincialia jura, Electoralium præsertim Saxonicarum terrarum, & vicinarum his regionum, in recessu habeant, quidve tam circa feuda Imperii, quam alia, usus fori & praxis servet, tradere annisus est, prout ipse in præ-

fatione, Lectores hæc edocet. Nonnulla saltem exempla, ex quibus alia dijudicare liceat, adjiciemus. In Capite octavo §. 51 de jure Palatinorum disserit, ac inter alia de Palatinatu Saxonico refert, quod idem, ab Imperatore Sigismundo, in Fridericum Bellicosum, Misnæ Marchionem, cum Ducatu & Electoratu, nec non Arce & Oppido Altstedeo, ubi frequentissime olim Palatini jus dixerint, fuerit translatus, adeo ut, vi Aureæ Bullæ & investituræ Sigismundi, cum dignitate Electorali ita coaluerit, ut ab ea nunquam separari queat, unique soli Potentissimo Electori Saxonie proprius sit factus. Atque ob hanc causam factum esse, porro arbitratur Noster, ut a Friderici Bellicosi tempore, Serenissimi Electores Saxonie, Palatinorum Comitum titulo uti, supervacuum crediderint. Electorali dignitate, a linea Ernestina, in Albertinam translata, Palatinatum Saxonicum, eadem quoque fata oportuisse experiri, amplius censet Consultissimus Autor, cui etiam non obsit, quod oppidum Altstedum, lineæ Ernestinæ fuerit restitutum, cum ab oppido illo, Palatinatus nunquam dependerit. In Capite nono, regale metallifodinarum jus prolixius nonnihil persecuturus, præsupponit, totum terrarum orbem a Deo Adamo & Evæ fuisse, concessum, adeo ut, sine Dei & Protoplastorum consensu, nemo quicquam sibi asserere potuerit; dominium porro universale ad posteros esse devolutum, ut talis communio inter eos extiterit, qualis inter plures cohæredes esse solet, exceptis saltem iis, quæ, vivo Adamo, alicui jam propria facta essent. Quia vero ista communio, aucto genere humano, diu durare non potuit, ea familiæ heriscundæ ratio inita est, ut quilibet illa, quibus ad sustentandam familiam, opus haberet, retineret, reliqua vero in medio relinquerentur, atque haberentur pro derelictis, & cujuslibet paterent occupatoni: hinc, ex sententia Nostri, pacto minimum tacito, ex rebus communibus, fuere factæ nullius. Ejusdem ergo, cujus ceteræ res, conditionis fuerunt quoque metalla: hinc qui fundum vacuum occupat, etiam metallorum, sub illo latitantium, dominus existimandus est, & quidem non tantum extra civitatem, sed & regulariter in civitate. His præsuppositis, Excellentissimus Autor docet, quod jure Romano quædam metallifodinæ publicæ, aliæ vero privatæ fuerint; sed in Germania Regalibus indistincte sint an-

an-

annumeratæ: id quod cum aliis, tum metallifodinarum Saxoniarum, & in specie Freibergensium, exemplis amplius declarat. Postea inquit in veritatem sententiæ illius, qua multi Doctores Saxonici, in terris Electorum & Ducum Saxoniarum, usu receptum, esse ex stimant, ut is, qui de feudo, cum jurisdictione superiore & inferiore investitus est, metalla viliora, ut cuprum, stannum, plumbum aut ferrum, in feudo suo quærere, ac reperta sibi servare queat. Absoluta hac disquisitione, partes juris metallifodinarum adducit, ac, ostensa Statuum Imperii, fodinas auri argentique in suis territoriis possidentium, præ cæteris, qui illis carent, quoad rem monetariam, prærogativa, ostendit, qua lege, in fundis alienis, metalla hodie scrutari liceat, adjiciens, in terris Potentissimi Electoris Saxoniarum, Magistros montium, auri quoque fodinas probabiliter concedere posse, id est, potestatem ipsis esse datam, *auff alle metalle berckwerck zu verieiben*. Cum igitur ab Imperante & Republica, metalli fodinæ, certis conditionibus, in privatos deveniant, ideo varia negotia eo nomine intercedere solent, quorum indolem deinceps Noster explicat. Inter illum igitur, qui metallifodinas concedit, & fodinarum cultores, *denen gewercken*, contractum velut emphyteuticum celebrari, & metallifodinas minime pro feudis haberi posse, censet. Inter ipsos autem fodinarum exercitores, societatis contractum, cui tamen singularia quædam insint, esse arbitratur. Quoad dominum denique fundi, qui agrum ad fodiendum, sub conditione accipiendæ portionis hæreditariæ, *eines Erbkukus*, concedere debet, & fodinarum exercitores, negotium extraordinarium subesse, ex eoque actionem in factum oriri, existimat, ac de libro metallico publico, *dem Gegenbuch*, ut & de salinis ac thesauris, coronidis loco, nonnulla adjicit. Circa accessiones, quibus Consultissimus Autor, tractatum hunc feudalem augere & exornare voluit, nihil aliud nobis agendum videtur, quam ut syllabum earum exhibeamus. Præter dissertationem itaque, de Feudo Franco, quæ tractatui ipsi inserta est, in Appendice prima habetur (1) Mandatum feudale Joh. Georgii IV, cum mandato Joh. Georgii I, quorum illud de renovatione investituræ, hoc de alienatione feudorum agit. (2) Mandatum feudale Serenissimi ac Potentissimi Regis Poloniae & Electoris Sa-

xoniæ Friderici Augusti de dato Thorun. 4 Jan. 1703. (3) Forma investiturarum, in Curia Electorali feudali Saxonica. (4) Formula dilationis pupillaris in Aula Electorali Saxonica. (5) Formulæ novæ decisionis de signis feudi hæreditarii & fœminini. (6) Marchionatus Lusatiæ Inferioris Privilegia, a Ferdinando I & Maximiliano II eidem concessa. (7) Rescriptum Serenissimi Principis Christiani, Saxonix Ducis, de clausula liberæ dispositionis, literis novis investiturarum inferenda. (8) Tabulæ investituræ Cæsareæ, super quibusdam bonis, officio hæreditarii Janitoris Imperii annexis, quas illustri stirps Wertherorum accepit A. 1698. (9) Formula pactionis feudalis, *lehn reverses*, qua simultanee investiti concedunt illi, qui eos adinfit, liberrimam de feudo dispositionem. (10) Programma Academicum, quo quæstio excutitur: utrum Comes Palatinus veniam ætatis, in territoriis Ordinum Imperii, impertiri queat. (11) Aliud, quo discutitur quæstio: utrum jus primogenituræ in testamento prohiberi possit, & si a majoribus prohibitum, num novus jussus parentis, de eo introducendo, liberos obliget? In Appendice secunda exhibentur (1) Consultatio de Principatu Olinæ in Silesia: utrum feudum proprium sit, an improprium, & quidem tale, quod fœminas admittat? conscripta a Georgio Franzkio A. 1647. (2) Consultatio pro Serenissimo Principe Dn. Adolpho Friderico, Duce Megapolitano, qua quæstio, utrum jus primogenituræ & linealis successio, an vero ordo succedendi, secundum propinquitatem, in hac Familia Serenissima, locum inveniat? excutitur, ac posterius affirmatur. (3) Viginti alia Responsa Juridica, nomine Facultatis Juridicæ Witembergenfis, maximam partem emissâ.

D. LUDERI MENCKENII P. P. DISSERTATIONES Juridicæ. Accedunt V Decades Controversiarum & XII Programmata cum Indicibus necessariis.

Lipsiæ, apud Emmerichium, 1705, in 4to.

Constant 5 Alph. 8 plag.

Quas per quatuor, & quod excurrit, lustra in Academia Lipsiensi publicæ ventilationi subjecit Dissertationes Juridicas, eas nunc, in unum collectas volumen, in publicam lucem edidit Consul-

sultissimus Autor. Præmisit iis præfationem, qua Auditores suos alloquitur, qui aut olim ipsius lectiones frequentarunt, aut nunc iis interfunt, aut accedent in posterum, ac his imprimis linguæ Latinæ culturam, ordinisque in studio Juris servandi sedulam commendat curam. Singularum Dissertationum materias, & titulus operis, & index exhibet, ex quibus satis patet, esse eas ex omni Jure, Civili, Feudali, Canonico & Saxonico selectas, nec inanes quæstiunculas, sed themata, quorum constans in foro & quotidianus usus est, continere. Sic, ut ex iis, quæ ad Jus Saxonicum pertinent, saltim aliquas exempli causa adducamus, *Dissertatio XX* ostendit, ascendentes ad successionem feudalem aspirare non posse, nisi simultaneam obtinuerint investituram, Feudi autem, ex pacto cum simultanee investitis alienabilis, naturam prolixè exponit *Dissertatio XXVI*. Plura haud addimus, instituti nostri habituri rationem. Sed ad Decades Controversiarum progredimur. Sunt & ex olim in Academia Lipsiensi peculiaribus Dissertationibus propositæ, ac continent quinquaginta controversias Juris varii, ita ut supplementi instar esse possint iis, qui Gymnasio Polemico Consultissimi Autoris hætenus fuerunt usi. Singulis Thesibus non modo consentientes dissidentesque Doctores, sed & Legum ac rationum obstantium resolutiones subjiuntur. Tandem Dodecas Programmatum coronidis loco accedit, quibus ad Exercitia Disputatoria publica, quæ repetitis vicibus Autor noster instituit, Juventutem legum studio deditam invitavit. In quibus cum singulis fere quæstiones Forenses discutiantur, non minus, quam ipsas Dissertationes, Lectoris Benevoli desiderio ac expectationi confidimus ea satisfacere posse.

*ECLAIRCISSEMENT SUR LE LIVRE DE LA GÉ-
neration des Vers dans le Corps de l'Homme.*

i. c.

*DILUCIDATIO LIBRI DE GENERATIONE
Vermium in Corpore humano.*

Amstelodami, apud Thomam Lombrail, 1705, in 12.

Constat 3. plag.

Xx

• Lu-

LUlstrum jam præterfluxit, postquam *Nicolaus Andry*, Doctor Medicinæ Facultatis Parisiensis, Tractatum suum *de Generatione Vermium in Corpore humano*, a nobis Anno 1700. Mense Novembri pag. 519. recensitum, publici juris fecit. Quanquam vero remedia anthelmintica inibi commendata a quibusdam Medicis, in talismodi casibus, non sine successu in usum fuerint vocata, prout testatur Epistola præsentis libello addita; non destitit tamen *Ludovicus Lemerius*, cujus *de Alimentis* Tractatum in *Actis nostris* Anno 1703. Mense Septembri pag. 396. excerptum dedimus, in Epistola ad Dn. Boudin data, nostrique itidem libelli calci adjecta, eundem false perstringere. Extitit vero alius, qui suum nomen quidem non professus, attamen Nicolai Andry in præsentis Dilucidatione causam agere, atque ad objectiones a Lemerio factas respondere sustinuit. Cum autem ad tria potissimum capita omnia ea, quæ fuerunt opposita, a Defensore redigantur, ita ut quædam in tractatu dicto quidem reperiantur, redargutione tamen neutiquam digna, quædam Authoris menti affingantur, quædam denique cœu sphalmata inter Errata jam dum fuerint notata; nos missis omnibus, ne contra morem nobis hætenus propositum agere videamur, ea solummodo, quæ pag. 15. & seqq. *de nutritione ossium & sensu medulle* Noster disserit, brevibus commemorabimus. Putat enim, quanquam ossa mediantibus vasis sanguineis suum nutrimentum hauriant, absurdum tamen non esse, statuere, medullam pariter nutrire ossa. Quod si enim ossa sint solida, nec insigni cavitate prædita, qualia sunt ossicula aurium, cornua cervorum, & damarum, infundi materiam nutritiam in ipsum ossis corpus; sin vero sint concava, non solum ad corpus ossis, sed & ad cavitatem eandem deponi. Foraminula enim adesse exilia in interiori ossis superficie, per quæ ex medulla ad ossis substantiam vasa ablegentur. Et quemadmodum in animalium adultorum substantia, vasa sanguinea non conspiciuntur, etiamsi revera adsint; ita existimat Noster, singula ossa medulla omnino gaudere, etiamsi hæc, propter cavitatem vel exiguum vel nullam, in conspectum minus veniat. Cum enim, qua nutritur os, sit materia oleosa, eaque maxime subtilis & depurata sanguinis, sequi exinde, hanc sive ad cavitatem sive ad substantiam ossis deponatur, dici debere medullam.

lam. Imo idem officium præstare cavitatem ossium, ad quod pennarum avium cavitas formata est, credit; siquidem hæc non solum agilitatem, vim & levitatem volucris conciliat, sed & pennis vicem gerit, ex quo toti pennæ corpori nutrimentum sit petendum. *Sensum medullæ* quod attinet, quanquam, quibus crus vel brachium abscissum est, sub ossis mutilati ligatura novi doloris sensum edant, quamprimum medullæ lintea admoventur; vel animalia ejulatus renouent, si mediante stylo ossis detruncati medulla attingatur; sensum tamen ullum medullæ competere, negat Noster. Cum enim hæc sit materia oleosa, fluida & liquida, intra vesiculas membranaceas subtilissimas inclusa, æque absurdum esse, huic sensum tribuere, ac sanguinem sentire, statuere, putat. Quando autem quidam Anatomicorum medullam per fasciculum plurimarum vesicularum membranacearum, oleosa quadam fluida & liquida materia refertarum definiunt, eundem applausum mereri eosdem putat, quem illi, qui succum citri fasciculum vesicularum membranacearum, acido & transparente liquore refertarum, esse dicunt; imprimis cum iidem asserant, medullam transpirare, per ossis texturam vehi, hocque in mortuo animali livore contaminare; quæ certe proprietates non membranaceæ texturæ, sed fluido corpori competant. Ita ut sensus non medullæ, sed ejus involucri membranacei verius tribuatur.

JOH. BERNOULLI MOTUS REPTORIUS EJUS-
que insignis usus pro Lineis Curvis in unam omnibus aequalem colli-
gendis, vel a se mutuo subtrahendis; atque hinc deducta Proble-
matis de Transformatione Curvarum in Diario Galli-
co Paris. 12 Febr. 1703 propositi ge-
nina Solutio.

Quartus agitur annus, ex quo solum habui problema de
transformanda Curva Algebraica in alias innumeras Alge-
braicas longitudine aequales, non diu ante mihi propositum ab
egregio quodam Belgii Mathematico. Idem postea, quod vide-
rem posse præstare insignem usum pro dimensione & compara-
tione curvarum, publice proposui in Diario Gallico m. Febr. 1703,

concesso totius modo tum incipientis anni decursu, spe fretus fore ut per ejus solutionem unam vel alteram, Geometria recondita incrementum esset captura non spernendum. Sed ultra præstitutum limitem (intra quem nihil solutionis comparuit) jam fere sesquiannus est elapsus, necdum tamen dedi meam solutionem; quod fateor oscitantæ an oblivioni meæ imputandum, forsan diutius duraturæ, nisi excussisset eam visa mihi nupera Clarissimi Joh. Craigii Solutio, publicata primum in Transact. Philos. Londin. anno 1704 num. 289, & postea transcripta in Acta Erudit. novissimi Aprilis.

Quid de hac solutione sentiam, mearum est partium paucis prius aperire, quam meam proposuero, neque id facere verebor, cum mihi constet, Clarissimi Auctoris popularem Celeberrimum Newtonum sententiæ meæ ab Amico quodam (cui eam privatim perscripseram) intellectæ per totum suffragari. Quare non ægrelaturum spero acutissimum Craigium, si, quod in ipsius solutione desidero, amice & candide proponam. Illam, utpote brevem, huc transcribo totam: Sint, inquit, w, s , coordinatæ Curvæ datæ; & Curvæ quæsitæ sint coordinatæ x, y : tum ex conditione problematis erit $d w^2 + d s^2 = d x^2 + d y^2$. Ponatur $d x = d w - m d z$, unde erit $d y = \sqrt{d s^2 + 2 m d w d z - m^2 d z^2}$; in hac pro $d s$ substituatur ejus valor per $w, d w$ & determinatas expressus: & pro $d z$ assumatur talis valor ex $w, d w$ & determinatis compositus, ut valores quantitatum $d x, d y$ sint summabiles: Et sic habentur x ac y coordinatæ curvæ quæsitæ. Q. E. I.

Nihil unquam expediri potuisset brevius, non nego; sed & ipsa nimia brevitatis est suspecta; re vera enim quis quæso, vel leviter attendens, non viderit statim postulari gratis, & pro $d z$ assumatur talis valor ex $w, d w$ & determinatis compositus, ut valores quantitatum $d x, d y$ sint summabiles? Postulatum hoc non minus difficile videtur quam ipsum problema, imo si illud dixero difficilius, non adeo a veritate alienum dixero; superaddit enim tacite problemati conditionem aliquam præter necessitatem, quæ hæc est, quod non tantum curvam curvæ, scilicet totam toti, sed etiam partes partibus æquales fieri jubeantur, quæ tamen posterior con-

conditio non exigitur in problemate; sufficit namque exhibere curvam datæ æqualem, licet partes æquales in illis determinari non possint. Exempla interim, quæ Vir Clarissimus adducit, & quæ an recte soluta, examinare nondum vacavit, non magis probant generalem problematis solutionem, quam si quis per nonnulla exempla æquationum quadratarum & cubicarum a se resolutarum contendere vellet, se monstrasse viam generalem resolvendi æquationem cujuscunque sit dimensionis.

Videtur Doctissimus Craigius ipse quodammodo agnoscere imperfectionem suæ solutionis. Sub finem enim, ubi innuit Problema Diophantæum, quo petitur *Dividere summam duorum quadratorum in duo alia quadrata, quorum latera sint rationalia*, affinitatem habere cum nostro, quod putavit necessario idem esse quam *Dividere summam duorum quadratorum in alia duo quadrata, quorum latera sint summabilia*, rectissime subdit, solutionem mei problematis communes tantum fluxionum methodos inversas requirere, & artificium in debita laterum quæsitum assumptione consistere, scilicet ut sint summabilia; quo satis nobis indicare vult, quod, quemadmodum illa fluxionum methodus inversa nondum ad perfectionem est perducta, sed immane quantum adhuc circa illam a Geometris desideratur, ita etiam solutio sua, quæ illam methodum requirit, perfecta dici non possit: artificium autem (quod ipse ita vocat) assumendi latera debito modo, ut sint summabilia, haud dubie arcanum est difficillimum. Non ergo illud in solutione generali fuisset supponendum, sed demonstrandum, quod dum fiet, meam nunc solutionem cum alio, quod me eo deduxit, novo invento communicare nequaquam gravabor.

Verum hoc loco non est dissimulandum, quod acceptum ferimus Illustri nostro Leibnitio, felicioribus auspiciis rem aggresso. Is quippe mihi sub initium anni superioris perscripsit aliquod tentamen solutionis neutiquam paralogistica, imo cui nihil deerat, nisi ut laborem calculi (qui ad perplexitatem haud facile superabilem deducere videbatur) tollendi modum ostenderet. Via autem, quam ineundam censuit Vir perspicacissimus, consistit in coevolutione duarum curvarum ope styli commune circumplicatum filum

tendentis & describentis tertiam aliquam curvam, quæ si algebraica sit ut & una ex evolutis, altera etiam necessario erit algebraica, non minus quam ipsa etiam coevolutarum differentia semper per rectas lineas algebraice determinabilis existit. Ex quo prævidit Illustrius Leibnitijs, coevolutas posse fieri longitudine æquales, evanescente scilicet illa differentia; adeoque ut curvæ datæ algebraicæ inveniatur alia algebraica æqualis, nihil aliud faciendum esse, quam ut assumatur pro arbitrio aliqua curva algebraica (specifice tamen determinata & debite collocata) quæ præstet speculi vicem, id est, quæ tangentes curvæ datæ tanquam radios incidentes sub angulo æquali reflectat, & per eorum intersectiones causticarum more formet novam curvam algebraicam: hæc enim cum datæ curva faciet duas coevolutas pro assumpta illa arbitraria per seilum describenda. Et quia de casu tantum speciali in calculo agitur, ut nimirum coevolutarum differentia sit nulla, debito modo assumere jubet sive speciem, sive parametrum, sive situm, sive aliud quid curvæ arbitrariæ, quo in proposito casu illa differentia evanescat, atque adeo datæ evolutæ inveniatur altera æqualis.

Amplio rem ejus rei explicationem non dabo: a nemine enim pro dignitate sua melius tractabitur, quam ab ipso Inclyto Viro, proinde humaniter rogando, ut communium studiorum bono & incremento methodum suam, hætenus non nisi levi penicillo adumbratam, perficere, & inprimis, quomodo arbitraria illa speculi vices subitura sine operoso & molesto calculo specifice determinanda vel collocanda sit, ut coevolutarum differentia evadat datæ æqualis vel nulla, compendiosam aliquam viam aperire nobis dignetur.

Mea nunc inventa daturus, præmitto Geometrarum more nonnullas definitiones & postulata.

Defin. I. Per *normales extremas* intelligo lineas rectas ad utramque curvæ alicujus extremitatem perpendiculariter ductas.


TAB. VIII. Sic BN & AN (Fig. I.) sunt normales *extremæ* curvæ ACB.

Fig. I.

Defin. II. *Amplitudo* curvæ ad eandem partem concavæ est angulus, quem constituunt normales *extremæ*. Sic angulus BNA est amplitudo curvæ ACB.

Defin. III. *Secare* curvam in *partes æque amplas* vel *ampli-*


TAB. VIII. ad A. 1705




A

G

I



a



L

T/

plitudinis equalis, est eam ita dividere, ut partium singularum normales extremæ constituent angulos æquales.

Defn. IV. Curva curvam *obrepere* dicitur, si mobilis super immobili moveatur motu parallelo, & interim altera alteram continuo tangat, partibus convexis sibi mutuo obversis. Mobilis autem curva vocetur *Perreptans*, & immobilis *Perreptanda*.

Defn. V. Curva Curvam *subrepere* vocatur, si similis fiat motus hoc tantum discrimine, quod nunc curva perreptans convexitate sua inter *rependum* tangat continuo partem concavam, curvæ perreptandæ.

Ut clarius hi duo motus intelligantur, possunt quodammodo comparari cum deviatione navis, qua scilicet fit, ut dum ex. gr. a Borea in Austrum vi venti fertur, interim simul ab occulto quodam aquarum motu in aliam rapiatur plagam; quo pacto duas licet concipere curvas, quarum unam uno, alteram altero latere navis perpetuo tangit, quarum proinde una a navi *obrepitur*, altera *subrepitur*.

Fingamus igitur (Fig. I & II.) curvam ACB immobilem seu perreptandam, aliamque mobilem seu perreptantem ECF, quæ posito primo vertice E in verticem A, axique EG in axem AD vel cum eo in directum, moveatur postea ECF motu parallelo per ACB, hoc est ut axis EG & sibi & AD maneat semper parallelus; habebitur fig. I. motus *obreptionis*, & fig. II. motus *subreptionis*.

TAB. VIII.
Fig. I. II.

Defn. VI. Curvam *Reptoriam* voco, quæ describitur hoc motu per punctum quodvis in plano perreptantis curvæ ECF situm, ut ex. gr. AEH per verticem E, vel LGM per punctum G in axe.

Defn. VII. Curvarum perreptandæ & perreptantis ACB & ECF, partes illas duas AC & EC, quæ jam suum officium fecerunt, illa rependo, hæc reptionem patiendò, vocabo *partes eadem reptione desunctas*.

Postul. I. Curvæ datæ algebraicæ postulantur dari quoque algebraicæ tangentes & normales.

Postul. II. Postulatur Curvam datam algebraicam secari posse algebraicæ in partes quotcunque æque amplas.

Leit.

Lemma I. Curvis perreptanda & perreptante existentibus algebraicis, erit quoque, quæ hinc generatur, reptoria algebraica. Liquet ex postul. I & II. nam constat partes eadem reptione defunctas AC & EC esse æqualis amplitudinis, adeoque assumpto arcu AC ad libitum posse algebraice determinari arcum æque altum EC, hinc & punctum E in curva reptoria AE.

Lemma II. Omnes curvæ reptoria vel quæcunque earum partes eadem reptione descriptæ inter se sunt æquales & similes. Patet hoc ex parallelismo motus; sumantur enim in plano perreptantis ECF duo quæcunque puncta describentia E & G, quibus connexis per rectam EG, manifestum est hanc rectam per motum reptionis singulis momentis translatam per intervallum minimum in situm priori parallelum, descripsisse utraque sua extremitate lineolas parallelas & æquales, quæ cum sint elementa curvarum AEH, LGM, constat propositum.

Coroll. I. Tangentes ductæ ad extremitates omnium reptoriarum vel quarumcunque earum partium eadem reptione descriptarum, parallele sunt omnes tam inter se quam communi tangenti ductæ per punctum contactus curvarum vel partium eadem reptione defunclarum.

Coroll. II. Reptoria cum partibus perreptanda & perreptantibus eadem reptione defunctis semper est ejusdem amplitudinis. Hinc jam fuit utilissimum, quamvis facile

Theorema I.

Omnis Reptoria vel quæcunque ejus pars est longitudine æqualis vel summa vel differentia partium perreptanda & perreptantis eadem reptione defunclarum; nempe summa, si motus fiat per obreptionem; & differentia, si per subreptionem.

Demonstr. Concipiatur (Fig. I & II.) Perreptans ECF progredi in situm proximum, ita ut vertice ejus E perveniente in *e*, punctum simul perreptantis *m* cadat in punctum perreptandæ *n*; clarum nunc est, lineolam Ee, quæ per Coroll. I. parallela est lineolis Cn & Cm, fore illam in fig. I. æqualem summæ Cn + Cm, & fig. II. differentiæ earundem, Cn — Cm; nam per parallelismum motus fit, ut progressus puncti E nempe Ee sit æqualis distantie pun-

punctorum n & m , quæ vero distantia, cum particulæ Cn & Cm in directum jacere censeantur, non differt ab earundem summæ in fig. I, & a differentia in fig. II. Sunt vero Ee , Cn & Cm elementa suarum respective curvarum AE , AC & EC ; ergo etiam collectivum sumtis elementis, erit Curva Reptoria AE æqualis in fig. I summæ perreptandæ & perreptantis $AC + EC$, & in fig. II differentia earundem $AC - EC$. q. e. d.

Scholium.

In memoriam hic sibi revocabit B. Lector, quod Illustræ Virorum par, summus Leibnitiæ, & acutissimus, dum viveret, Hugenius præstiterunt, introductis scilicet ab hoc *Evolutionis*, ab illo *Tractionis* motibus, non sine insigni pro notitia curvarum emolumento; sed nunc judicet pro æquitate sua, annon noster motus *Reptionis* illis duobus saltem adjungi mereatur. Sive enim ejus facilitatem & simplicitatem, sive utilitatem spectare velit, deprehendet eum in omni parte mirifice excellere. Quis enim motus faciliior & simplicior, quis vero etiam ad praxin accommodatior, quam qui sibi semper parallelus est? Quantæ autem sit utilitatis, præter ardui problematis solutionem mox dandam, vel hoc arguit, quod nobis introitum referet ad abstrusiora & tantum non hactenus desperata circa curvas cognoscenda & efficienda. Quorum unum, alterumve tantum notabo: Et primo quidem, cuivis statim obvium est, quomodo datis duabus aut pluribus curvis algebraicis, facile alia nova algebraica inveniatur, cujus area æqualis sit summæ vel differentiæ arearum datarum, erecta scilicet tantum ad communem abscissam nova applicata summæ vel differentiæ datarum, applicatarum æquali. At vero si non areæ, sed longitudines ipsæ datarum algebraicarum, in aliam novam algebraicam conflare, id est, inveniri si debeat curva algebraica, cujus longitudo æquetur aliarum datarum vel summæ vel differentiæ; hoc jam quod hactenus a nemine effectum reperias, nostræ videtur reservatum methodo, rem mirabili brevitate absolventi. Etenim si primo duas ex datis curvis sumas, earumque unam obrepere facias, alteram habebis rectoriam duabus datis æqualem, ad quam si eodem modo addas tertiam datam curvam ope obreptionis denuo instituendæ,

Yy

pro-

prohibet alia nova rectoria tribus istis datis curvis longitudine æqualis, cui simili modo quartam, postea quintam, & plures porro addendo, habebis tandem unam omnibus simul curvis datis æqualem, & quidem per Lemma I algebraicam, si tales quoque fuerint datæ; sicubi vero differentia vel subtractio curvarum facienda occurrit, loco tunc obreptionis subreptionem instituendam esse, non necesse duco ut moneam.

Quæ cum ita se habeant, nulla posthac erit res ardua, curvas non tantum dissimiles, sed & diversorum omnino generum in unam (subintellige *algebraicam*, si illæ tales fuerint) colligere, vel a se mutuo subtrahere, vel partim subtrahere & partim addere; atque vel differentiæ, vel partim differentiæ, partim aggregato unam æqualem construere curvam. Sic ex. gr. non solum ellipses quotcunque dissimiles (quod tamen antea sat magnæ difficultatis fuisset) sed ellipses cum hyperbolis & parabolis per nostram methodum facile coalescent in unam, hoc est, sine magno labore exhibebo jam curvam algebraicam, quæ sola trium sectionum conicarum datarum longitudinem exæquet. Ex hisce vero deducitur sequens in abstracto propositum

Theorema II.

TAB. VIII.

Fig. III.

Sint (Fig. III.) curva quot & qualescunque ADL, ACM, ABN, sitque alia curva APR cujus abscissa AO equalis abscissarum summa AE + AF + AG respondentium partibus AB, AC, AD aequæ amplius; & applicata OP equalis applicatarum summa EB + FC + GD: Dico curvam AP æquari longitudine omnibus curvis AB + AC + AD. Quod si vero AO esset summa abscissarum tantum aliquarum multiplicata reliquis abscissis, & similiter OP summa respondentium applicatarum multiplicata reliquis applicatis: Dico fore etiam curvam AP æqualem summa curvarum unarum multiplicata reliquis curvis. Ex. gr. Si AO sit = AG + AF - AE, & OP = GD + FC - EB, erit curva AP = AD + AC - AB. Dico tandem etiam, in utroque casu fore curvam AP æqualis amplitudinis, cujus sunt AB, AC vel AD.

Demonstratio hujus ex præcedenti theoremate haud difficulter

ter colligitur: immo & immediate ex calculo differentialium directo peti potest, quare illa relicta revertor ad motum nostrum reptorium; qui hoc alterum notatu dignum nobis suppeditat, quod est inventum de dimensione linearum curvarum per circulares a me jam olim publico exhibitum in Actis hifce anni 1695 m. Aug. & Nobilissimis Duumviris Leibnitio & Tschirnhausio tantopere laudatum eod. an. m. Novemb. Quo ostendi, duas curvas eadem evolutione condescriptas per duo quælibet fili evolventis puncta habere summam vel differentiam æqualem arcui circulari. Labet ergo nunc ostendere, quomodo hoc theorema, quod tunc singulari demonstratione muniveram, non sit nisi specialissimus duntaxat casus præsentis hujus de Reptoriis.

Sit enim (Fig. IV.) curva perreptanda quæcunque ACB, sed TAB. VIII. perreptans ECG sit jam circulus; sumaturque punctum describens reptoriam LOM, in ipso centro O; patet statim reptoriam LOM, esse hoc casu eam, quæ describeretur per evolutionem eandem, per quam describeretur ipsa ACB; puncta enim O & C intervallo semper æquali & perpendiculari ad curvas LOM & ACB existentia, hasque proinde æquidistantes facientia, facile concipiuntur necessario esse in filo communi evolvente. Habemus igitur curvam LO per obreptionem, æqualem summæ; & per subreptionem, æqualem differentię curvæ AC & arcus circularis EC, adeoque & hunc arcum utroque modo æqualem differentię curvarum LO & AC. Quando vero circulus subrepens ECG minoris est convexitatis, quam curva perreptanda ACB, id est, quando curvatura circuli ECG includit curvaturam ACB, illius nempe radio majore existente quam radius circuli osculantis in C; erit tunc differentia inter AC & EC penes arcum EC tanquam majorem, unde summa curvarum AC & LO partes concavas sibi jam obvertentium habebitur æqualis arcui circulari EC. Verum enimvero cum parum sit naturalis & incommode peragatur motus subreptionis, ubi subrepens includit subrependam, possunt hæ vices suas permutare ita, ut nunc circulus subrependæ, illa vero subreptentis functionem obeat; sciendum quippe in genere, per conversionem perreptantis in perreptandam & vicissim, nihil in reptoria, quæ describitur, immutari præter situm.

Fig. VI.

Atque ita veritatem theorematis ex actis citatis tanquam corollarium ex novo hoc motus reptonii invento deduximus, ubi præterea notare convenit fundamentum, cur curvæ ex evolutione condescritæ nihil aliud sint quam species reptoniarum, id quod in hoc consistit, quoniam circulus ECG ob partes suas similes sive motu rotationis, sive motu reptionis feratur super AC, centro suo A eandem utroque modo describit curvam LOM: atqui rotando, uti notum est, fit condescritæ ex evolutione: Ergo constat, quod indicare volui.

Ne vero diutius Lectorem detineam, propero tandem ad solutionem genuinam problematis in Diario Gallico propositi de Transformatione Curvarum, quod, si unum excipias Amplissimum Leibnitium, qui non infeliciter adeo rem est adorsus, in hunc usque tamen diem, quantum constat, nondum perfectam a quoquam accepit enodationem, & ne ab illis quidem, quod miremur, qui nihil non pervium sibi & multa sibi solis perspecta putantes, alios provocando nec modum, nec mensuram tenuerunt: qualis vero causa sit veterni corripientis eorum sagacitatem hac in parte, hujus loci non est inquirere.

Problema.

Datam curvam algebraicam transformare in alias innumeras etiam algebraicas ejusdem cum ipsa longitudinis, sed quæ sint dissimiles datæ, tam quoad totum quam quoad partes.

TAB. VIII. *Solutio I. per Motum obreptionis.* Esto curva data algebraica ACB, (Fig. V.) quæ per postul. II. scetetur in partes aliquot æqualis amplitudinis, ex. gr. in duas AP & PB. Convertatur una ex iis ut AP circa rectam tangentem in P tanquam circa axem, ut convexitas in contrariam mutetur sumatque situm aP; in hoc situ obrepat pars aP partem PCB ita scilicet, ut inter rependum semper servet situm $aC\pi$ parallelum primo aP. Curva reptonia, quæ hinc describitur P π Q per punctum aliquod ad libitum assumptum in plano curvæ $aC\pi$ ut π , erit una ex quæsitis. Est enim per Theorema I. $P\pi Q = aC\pi + PCB =$ (quia $aC\pi = aP = AP$) $AP + PB = APB$. Est autem P π Q curva algebraica per Lemma I. Adeoque datæ curvæ algebraicæ inventa est alia alge-

Fig. V.

algebraica æqualis : cui postea eadem methodo inveniri potest æqualis secunda, & deinde secundæ tertiæ, tertiæ quarta & ita in infinitum. Sunt vero etiam omnes dissimiles, quoniam semper pars rectoriæ extrema $P\pi$ æqualis est partibus $PC + \pi C$, hoc est parti alicui intermediæ inter extremitates curvæ datæ APB ; quod necessario dissimilitudinem curvarum, partiumque ejus arguit, excepto unico casu, quo nempe curva data æqualis convexitatis, omnesque adeo partes similes, id est, si curva data esset circulus, quem igitur hic exceptum volo, daturus infra pro eo solutionem peculiarem. Ergo transformata est omnis curva data excepto circulo in alias innumeras sibi æquales, & quidem omnes algebraicas si proposita sit algebraica. q. e. f.

Coroll. I. Curva inventa prima $P\pi Q$ dimidiæ est amplitudinis, cujus est data APB ; secunda amplitudinis est partis quartæ, tertiæ octavæ, quarta decimæ sextæ, & sic porro, decrefcentibus scilicet amplitudinibus curvarum in progressionem geometrica subdupla; unde ultro hic se nobis offert nova ratio rectificandi curvas per approximationem. Cum enim recta linea nihil sit aliud quam curva amplitudinis infinite parvæ, curvæ utique nostræ ipsi APB æquales per successivas operationes inventæ quanto minoris fiunt amplitudinis, tanto magis ad rectas lineas accedunt.

Coroll. II. Si curva proposita secetur in tres partes amplitudinis æqualis, æque per methodum supra traditam conflentur in unam curvam, habebimus iterum novam propositæ æqualem, quæ postea similiter in aliam & hæc iterum in aliam (& ita quoties libuerit) transformabitur. Pari ratione, si ab initio secetur curva data in quatuor partes æqualis amplitudinis, prodibit nova progressio infinita curvarum inventarum datæ æqualium; per quinque sectionem curvæ datæ rursus nova obtinetur curvarum series; nec non nova & nova semper habetur per sectionem in sex, in septem, in octo &c. partes æque amplas. Et ita satisfactum est problemati non uno modo tantum, sed modis infinitis, quorum singuli innumeras exhibent curvas datæ æquales. Hi modi si combinentur, prodibit numerus modorum infinitorum infinitus, quibus ulterius combinatis sine fine, exoriuntur novi semper infinitatis gradus, quibus præcedentes quasi absorbentur.

TAB. VIII. *Fig. V.* *Coroll. III.* Alia præterea ratione obreptio initialis peragi potest, mutato nimirum (fig. V.) situ partis AP vel αP , ut extremitates partium non contiguæ ab initio se tangant, hoc est, ut extremitas α partis αP tangat extremitatem P partis PB, hacque dispositione instituat obreptio. Fiet enim reptoria $P\pi Q$ omnesque reliquæ postea ut prius describendæ a prioribus diversæ, & tamen ipsi propositæ APB æquales. Hic autem modus inprimis locum obtinet, quando curvæ partes PA & PB sunt æquales & similes, uti fit, cum APB esset ex. gr. aliqua ex sectionibus conicis, in qua punctum P foret vertex summus; quo casu curva reptoria $P\pi Q$ per priorem modum descripta esset nova tantum sectio conica sed parti PA vel PB omnino similis, id quod non satisfaceret problemati, quippe quod requirit curvam propositæ dissimilem. Atque hic in universum est notandum, quotiescunque curvæ perreptans & perreptanda sunt eadem vel tantum similes, sequæ tangunt ab initio reptionis in punctis similibus, curvam reptoriam hinc generatam illis semper etiam fore similem; cujus ratio attendenti haud difficulter patescit. Quando igitur dixi in solutione curvam $P\pi Q$ dissimilem esse ipsi APB vel parti AP, excepto solo casu, quo data curva APB esset arcus circuli, ista verba sub hac restrictione dicta velim, ut nimirum si proposita constet duabus partibus PA & PB æqualibus & similibus, situs tunc partis αP prius permutetur, admoto scilicet α partis αP ad punctum P partis PB: alioquin certe reptoria descripta $P\pi Q$ foret parti AB vel PB omnino similis.

Solutio II. per Motum subreptionis. Esto Curva data algebraica ACB (Fig. V.) ad quam construatur prius alia similis LMNR, illiusque dupla, quod quomodo fiat dudum est cognitum, ducendo tantum ex assumpto quodam puncto O per singula curvæ datæ puncta rectas OL, OM, ON, OR duplas suarum partium OA, OP, OC, OB: Deinde sumta LMNR pro perreptanda & APCB pro subrepente, atque admoto Bad L, vel A ad R, fiat subreptio; dico reptoriam hinc genitam fore æqualem propositæ APB; est enim æqualis differentia inter LMNR & APB per theorema nostrum I. differentia vero æquatur ex constructione ipsi APB. Ergo &c. q. e. f.

No-

Nota, quod pro subreptione inchoanda dixerim admoventum esse A ad R, vel B ad L, secus enim si A ad L, vel B ad R admooveretur, reptoria prodiret eadem cum APB. Fateor equidem, hoc incommodum certis casibus, etiamsi adhibita illa cautela, posse occurrere, tunc nempe, quando curva data APB duas habet partes PA & PB inter se æquales & similes. Hoc vero inconveniens multis modis tolli potest; construendo ex. gr. dimidiæ tantum AP, curvam similem in ratione tripla, id est, ut ubique OL ad OA, OM ad OP, se habeant ut 3 ad 1. Sic enim admoto A ad M vel Pad L, si AP subreperit ML, habebit reptoriam dissimilem & duplicam ipsius AP, adeoque toti APB æqualem. Cæterum prærogativa aliqua gaudet hæc construendi methodus super præcedentem, dum non indiget postulato II. Sectio enim curvarum in partes æque amplas molestiam quandoque in praxi creare posset, quæ autem hic commode evitatur. Sciendum interim hoc artificium, quod nititur prævia constructione curvæ similis ad habendam curvam dissimilem & æqualem propositæ, posse etiam in motu obreptionis locum habere. Etenim si construatür curva LMNR datæ APB similis sed semis tantum longitudinis, quod fit, bisecando rectas ex polo Oeductas OA, OP, OC, OB; obrepat postea LMNR se ipsam inverso ordine, hoc est curva LMNR bis describatur, atque una obrepat alteram, facto scilicet reptionis initio ab unius extremitate L applicata ad extremitatem R alterius; manifestum est, reptoriam hinc exurgentem (quippe æqualem per theorema I. duplici LMN) æqualem esse propositæ APB, ut & eidem dissimilem, nisi forte partes PA & PB essent æquales & similes, quo casu adhibenda foret medela modo supra allata. Cæteroque tamen hoc notandum in favorem prioris solutionis, quod per hanc posteriorem non quemadmodum per priorem amplitudines reptoriarum decrescant, ipsæque adeo ad rectitudinem magis magisque accedant, sed ex adverso omnes prodeant amplitudinis, cujus est curva proposita.

Solutio singularis pro circulo. Pervenio tandem ad casum unicum (si curva data circularis est) qui solus solutiones nostras generales non agnoscit, iisque non comprehenditur, quem propterea jam supra excepi. Nam quomodocunque circulus circulum per-

perreptet, sive obrepando, sive subrepando; reptoria quoque orietur semper circularis, cujus causa est (ut supra jam monui) æquabilis convexitas circuli, seu partium ejus non interrupta similitudo. Ne igitur hoc uno in casu, inter infinitos, immo omnes alios a nobis solutos, aqua nobis hæreret, excogitanda fuit pro Circulo peculiaris solvendi ratio petita ex methodo, jam olim mihi pro aliis curvis non infeliciter adhibita, ut videre est in Actis hisce A. 1694 pag. 396 & 397, ut & A. 1695 pag. 64, ubi ea usus fui ad construendam curvam paracentricam per longitudinem curvæ algebraicæ, atque jam tum monui eam consistere in divisione quadrati differentialis propositæ in duo alia quadrata, quorum latera sint integrabilia, adeo ut videre possit Clarissimus Craigius, suæ solutionis fundamentum jam pridem mihi innotuisse; quanquam tamen pro universali venditare nollem. Interim ecce solutionem pro circulo:

TAB. VIII. Esto Circulus, cujus peripheria transformanda sit in curvam aliam algebraicam, describatur primo circulus alius ABE (Fig. VI.)

Fig. VI. cujus radius CA = 8 radiis circuli propositi, ut scilicet quadrans AB totam circumferentiam datam contineat bis: Sit radius CA vel CB = a , abscissa CD = x , adeoque applicata DP = $\sqrt{aa - xx}$; construatur nunc alia curva HGR hac conditione ut sit abscissa

$$CF = \frac{3axx - x^3}{3aa}, \text{ \& applicata FG = } \frac{aa - xx}{3aa} \sqrt{aa - xx}; \text{ quo fa-}$$

cto erit semper, uti calculanti facile patebit, portio curvæ HG ducta in radium æqualis segmento circulari APDC, adeo ut summa CD = ipsi radio (quo casu segmentum APDC degenerat in quadrantem circuli (AB) hinc fiat CF = CR = $\frac{2}{3}a$, & FG = 0; ipsa autem curva HGR ducta in radium = quadranti circuli CAB = quadranti circumferentiæ APB ducto in semiradium: unde curva HGR = $\frac{1}{2}$ APB = (per constr.) toti circumferentiæ datæ; quam igitur mutavimus in æqualem aliam curvam algebraicam, hæc vero porro per præcedentes solutiones in alias infinitas transformabitur, quare nunc dedimus problema ex omni parte solutum.

Erratum. A. 1704. pag. 380. l. 9. pro differentiatio lege tertia differentiatio.

VAL.

ANimus Auctori Maxime Reverendo, nostroque in colligendis Eruditorum Actis jam a pluribus annis Socio solertissimo, S. Theol. Doctori & Delitiano in vicinia hoc tempore Præfui fuit, hac lucubratione ostendere, falso hæctenus creditum, quod Græci Asiatici, Iones, Diores, aliique ex Europa in Asiam migraverint, cum omnes potius Græci ex Asia in Europam pervenerint. Quo consilio inductus rem istam tentaverit, in calce opusculi p. 102 enarravit, meditari se nimirum Origines Religiosas, opus errorum, fontes & Historiæ sacræ adyta referans, quodque multos in re sacra scrupulos eximere possit: in quo dum versatur, animadvertit, vulgarem de Græcorum natalibus hypothesin bonæ causæ & Mosai- cæ Historiæ multum adversari, imo cum se ipsa pugnare. In hac illum sententia confirmarunt Strabonis quædam testimonia, qui Græcorum unus hac de re sincere, etsi recte, loqui videtur.

Methodi causa duos operis hujus libros fecit, quorum primus Analyticus dicitur, & Græcorum de suis originibus tradita resolvit, ut veritas inde appareat. Nam cap. I Auctor conquestus de fabuloso antiquissimæ Græcorum Historiæ statu, Marshamum & Clericum ait eandem corrigere cœpisse, Græcos fabularum amantissimos fuisse, omnium vero turpissime se dare, quando se autochthones profiteantur; ubi collatis veterum testimoniis, Pelasgum, Arantem, Orum aliosque, quos Græci e terra enatos fabulantur, explodit. Capite II de interitu antiquissimorum Græcæ Historiæ monumentorum disserit, eumque haud ægre ferentibus Europæis Græcis accidisse existimat, quia eorundem affectatæ antiquitati non favebant. Herodotum vero patrem Historiæ dictum, quia, cum Asianus esset, Europæis tamen natalium primatum adscripsit. Affertur præterea hujus rei peculiaris ratio: Asiaticos nempe Græcos libertate amissa, patriæ pertæsos, ac popularium suorum in

Europa gloria captos, nationis causa omne studium in Græciam Europæam ornandâ contulisse, hacque occasione, quæ jactantiæ causa initio ferebantur, inter historicas veritates paulatim recepta esse. Hinc Græcos propriis argumentis confutaturus ex Herodoto, Strabone, Pausania aliisque ostendit, migrationem Ionicam, Phorbantis aliasque, quibus Græci in Asiam venisse feruntur, tanti non esse, ut tanta res ex ipsis deduci possit, & priusquam eæ contingerent, Græcos in Asia vixisse; Titanes quoque, unde familiæ Græcorum summæ deriventur, Asiaticos fuisse, nec non Cabiros. Ex adverso Auctor probat, Deucalionem, Lelegem, Cadmum, Pelopem aliosque cum integris gentibus ex Asia in Helladem ante istas migrationes advenisse; Herculem Asiaticum Idæum esse omnium ejus nominis vetustissimum, ad quem multæ Græcorum Archæologiæ ultimo redeant; insulares denique Græcos antiquiores esse iis, qui in Europæa continenti degebant. Quo loco notanda est Auctoris observatio, consuevisse Græcos, quoties diffiteri nequeunt, se magnum quid ab exteris accepisse, (ne Orienti id acceptum ferre cogantur) ex Ægypto talia derivare, eamque ob causam Deucalionem, Danaum &c. Ægyptios appellare. Ad specialia se confert cap. III, utque res omnis eo dilucidius pateat, antiquissimos Græciæ populos omnes excutit; principio Pelasgos & Leleges, ad quos omnes fere Helladis populi suos natales referunt, posthæc Pæones, Dryopes, Caucones, Aones, Mygdones, Hyantes ex Asia advenisse probans. Hinc sigillatim de Argivis agit, quorum nomen, consentiente Scholiasta Dionysii, ab אֶרֶץ derivat, ut Argos idem sit, ac terra littoralis; Argivos vero & Sicyonios Reges præcos rejicit: Arcades, Thessalos, Cretenses, Atticos, Spartanos, Bæotios ab antiquitatis possessione deturbat; Iones, Dores & Æoles antiquissimi generis Pelasgici & Lelegici fuisse; denique Cares aliosque Asiæ minoris populos olim ad Græcos late dictos pertinuisse, demonstrat. Tandem cap. IV reliqua, quibus sententiam suam confirmari credit, argumenta convasat: Deos scilicet Græcorum, Philosophiam, Poesin, leges, ludos Olympicos, Græcorum ipsorummet confessione, ex Asia in Helladem transisse, Asianos quoque Græcos antiquissimas habuisse colonias, mercatura & navigatione, quæ gentes propagant, præ cæteris excelluisse. Quo loco Auctor duas ob-

observat esse Poetarum perantiquas familias, alteram agrestem, Dorica dialecto gaudentem, historiarum male curiosam, Orpheo patre atque adeo ex Thracia oriundam; alteram comptam magis, Ionica suavitate se commendantem, historia & hymnis excellentem, quæ ex Græcis Asiæ littofibz descenderit.

Liber II, quem Syntheticum Celeberrimus Auctor nominat, ejus hypothesein de Græciæ originibus rectius constituendis exponit, quam ex veterum Historicorum reconditis quibusdam testimoniis, advocatis in subsidium sacris Bibliis, quæ priori libro certis de causis non tetigerat, animo concepit. Græcos omnes ait a Japeti filio Javane ortos, diuque ab illo *Ιαῦνας* & *Ιάονας* appellatos, simulque quis Ion fuerit, cujus multa penes scriptores recordatio est, atque a quo opusculo huic nomen est, expendit. Ionum nomen principio Græcis omnibus commune, postea a multis repudiatum, Herodoto auctore, narrat. Primos in Asia Græcos, Iones semper dictos, Jovem & succedente temporum corruptione, Jovionem sive Junonem (fœminam quæ ex vetustissima traditione salutem orbi universo allatura esset,) coluisse, leges & linguam Ebræis propiorem habuisse tradit. Eosdem sub Pelasgorum nomine ad Hellepontum in Europam transfussisse, Argivis Arcadibusque conditis; horum esse Pæones, Dryopes, Aones aliosque oblitteratos Helladis populos, nec non Phoroneum, Ogygem κ. τ. λ. Hos principio non fuisse barbaros, aut cœlum stellasque coluisse, (quam vulgatam originibusque religiosis maxime inimicam hypothesein vocat) sed paulatim, interruptis cum Oriente commerciis, in barbariem pervenisse contendit. Porro quosdam in Asia remanentes Græcos ait Lelegum nomen accepisse, qui insulas Ægæi maris, & insulari posthæc itinere Peloponnesum incolis repleverint; Scythas vero paulo post dominatum Græcæ etiam Asiæ nactos, sua quoque numina, Apollinem & Dianam, ac Scythicas quasdam voces in Græcismum intulisse. Successu temporis credit Iones quosdam, eosque Elisa prognatos, qui Elysii dicebantur, per Hellepontum in Europam descendisse, ac Pelasgis fuisse intermixtos, quorum memoriam Hellas, Elienses, Elotæ, Elissus, Eleus, & Eleusin servaverint. His Cecropem & Deucalionem annumerat, atque interea Leleges in Asia Dorum, Carum, Ly-

ciorum &c. nomina accepisse, Elysios vero, qui in patria remanserant, Æoles appellatos fuisse opinatur. Græcos Europæos censet temporis lapsu in barbariem magis magisque delapsos, Jovem cum Cretenſi quodam principe, Apollinem cum artifice Delio, & Dianam cum Delia quadam virgine confuisse, adventu vero Beli, Cadmi & aliorum, qui literas Phœniciosque Deos, Adonidem præsertim & Venerem attulerint, sensim e barbarie sublevatos fuisse, præsertim Pelopis opera, qui ex Asia cum suis venerat. Interea Phrygum gentem in Asia dominatum adeptam, Deam suam salutarem, Cybelem & Phrygicam quædam vocabula Græcis dedisse existimat; Thraces vero, qui in Europa tum inclareſcebant, Helladem putat sub jugum misisse, illatis in eandem numinibus quoque suis, Baccho, Marte & Cerere, tum Orgiis, Poesi Orphica & Philosophia; atque tum Lelegum, Dryopum & ejus generis vetustarum gentium nomina periisse. Hæc vero omnia gesta esse credit ante Trojanum bellum, in quo Asiaticorum Græcorum gloria conciderit; nihilominus tamen posthæc Heraclidas, h. e. Hercules Idæi, non Thebani, posteros venisse in Helladem, & principatum plerisque in urbibus occupasse. Tandem fugitivos quosdam Græcos Europæos, ut par pari referrent, Ionica, quæ dicitur, migratione in Asiam abiisse, ejusque principatum passim obtinuisse; Lydorum vero potestate invalescente, omne priscorum in Asia Græcorum decus periisse contendit. Atque hoc pacto origines Græcas eousque se perduxisse credit, quo Historicis tuto fides haberi possit. Ea vero omnia p. 98 in Canone quodam Chronico exhibet, quem deficiente juxta Chronologia, p. 20, 21, juxta ætates Clarissimorum in Græcia antiquiori Virorum, ab Olympiadum origine retro ad Ægialeum cundo, descripsit.

DE SYNODI CARENTONENSIS A REFORMATIONIS in Gallia Ecclesiis A. 1631 celebrata Indulgentia erga Lutheranos, Dissertatio Theologico-Historica, Autore D. THOMAS ITTIGIO. Accedunt ejusdem quatuor programmata festiva publico nomine conscripta.

Lipsiæ, apud hæredes Joh. Grollii, 1705. in 4. plag. II.

Dum

Dum aliqui Theologi ex iis, qui nominari amant Reformati, inter suam nostramque Ecclesiam unionem, sæpius frustra tentatam, perficere hoc tempore multo labore conantur, Summe Reverendus D. Ittigius noster, pro ratione munerum, quæ in Academia & Ecclesia nostra ornat, quid de ea conciliatione sentiendum sit, quidve sperandum, in Dissertatione dicta accurate expendit. In præfationis initio, D. Johannis Braunii, Theologi Grœningensis, in dedicatione Commentarii in Epistolam ad Hebræos hoc anno editi, quem proximo mense recensebimus, spem de successu exoptato pacis ecclesiasticæ vanam esse indicat, conceptam tum ex sapientiorum primariorumque per totam Saxoniam Ecclesiarum Antistitum magna humanitate Reformatis demonstrata, tum maxime ex ordinatione Celsissimi Electoris gloriosissimæ memoriæ, qui non ante multos annos jussit, ex Cocceji operibus aliquot centena coemi exemplaria, ut quælibet Ecclesia suum haberet. Nam fratres, quos vocat, Lutheranos, a quibus se audivisse Braunius refert, falsa narrasse ei de Cocceji operibus, inter ipsos Reformatos male audientis, & Saxonice Theologis ob hypothèses ejus novas displicentis. Quod si vero etiam Ecclesiæ Saxonicæ singulæ exemplum eorum operum possiderent, non magis hoc ad unionem religionis Reformatæ facere, quam si Lutheri & Theologi alicujus Lutherani opera inventario alicujus Ecclesiæ Reformatæ addantur. Unionem autem Ecclesiæ Lutheranæ cum Reformatâ Theologus noster optandam potius quam sperandam arbitratur, immo talem, qualem Braunius optet, ne optandam quidem, cum discors ejusmodi concordia Deum offensura, & præsentissimum Lutheranis periculum allatura sit. Si enim, ex Braunii consilio, Lutherani cum Reformatis contra Papistas arma conjungere velint, metuendum esse Lutheranis, si communicatam carni Christi majestatem Divinam contra Pontificios tueri velint, ne Reformati relictis suis fratribus, arma cum Pontificiis conjungant, aut pugnantibus Lutheranis contra Papistas Jansenianos, ad castra horum abeant, & telâ contra Lutheranos vertant. Etenim, quæ Reformati nonnulli de universali gratia Dei & Christi merito dicunt, iudificationes esse, Johannem Clericum etiam novissime observasse, quippe qui Holzhusii tractatum de prædestinatione, electione & reprobatione hominum re-

censens, tales Universalistas a Supralapsariis & Sublapsariis reipsa nihil differre, & Holzhusium, dum Synodum Dordracenam gratia universalis non adversari obtendit, non modo Arminianis, sed ipsis etiam Reformatis in Belgio & Helvetia ludibrium debere, Tom. VI Biblioth. Selectæ p. 419 scripserit. Notato insuper Braunii more Lutheranos, quos fratres iteratis vicibus salutaverat, quotquot pacem dolosam respuunt, fratribus ignorantia & rixarum annumerantis, ejusdemque falsa persuasione, momenta controversiarum inter Lutheranos & Calvinianos nullius ponderis æstimantis; ad alteram partem præfationis progreditur, in qua occasionem & argumentum tractationis suæ memorat sibi suppeditasse Patres Synodi Carentonensis, A. C. 1631 congregatos, qui Lutheranis, ut sacra Coena cum Reformatis uti, conjugia cum Reformatis contrahere, & infantes ad baptismum Reformatorum offerre ipsis liceret, permiserunt. De hac Synodi sententia quid judicari debeat, in Dissertatione ista discutitur, cujus summam dare operæ pretium est.

Carenton Gallia vicus ad fluvium Matronam, duabus minoris spatii leucis Lutetia Parisiorum distans, celebris est templo, Henrici IV permissu a Reformatis structo, ad quod ex Lutetia aliquot millia hominum ad cultum suum publice exercendum confluere solebant, donec viginti ab hoc annis, & hoc & reliqua templa Reformatorum in Gallia, vel destruerentur, vel ad alios usus converterentur. Ejusdem celebritatem auxerunt Synodi Nationales tres, a Reformatis Gallia Ecclesiis ibi habitæ; prima A. C. 1623, altera A. 1631, tertia in fine A. 1644 & initio 1645. Primam illam decretis Synodi Dordracenæ non admodum favisse, vane gloriari Remonstrantes, ex Actis ostenditur. Tertia Synodus Mosen Amyraldum & alios nonnullos Reformatos in Gallia, universalem gratiam asserentes, exemplo Alençonensis Synodi non approbavit, sed tantum toleravit, prohibens sub poena depositionis omnibus Pastoribus & Professoribus suis scribere, concionari aut disputare, contra se invicem, super articulis declaratis in Synodo Alençonensi, ullosque libros super illis publicare. Eadem Romanæ Ecclesiæ amasios, Jacobum Codurcum, Pastorem & Professore Nemausensem, statione muneris sui ecclesiastici & academici dimovit, & Theophilum Brachetum Milleterium pro membro Ecclesiæ Reformatæ

formatæ non agnoscendum declaravit. Præterea decrevit, a numeribus suis removendos Pastores & Professores, qui in controversiam traherent peccati Adamici imputationem, neminemque deinceps ad sacrum ministerium admittendum, qui erroris illius foret particeps. Quæ in ista Synodo gesta dum narrantur, alia notatu digna insperguntur. Nos accedimus ad Synodum Carentonensem medio tempore habitam, cujus illa fuit erga Lutheranos indulgentia.

Verba decreti sic habent: *Quando Augustana Confessionis Ecclesie cum cæteris Reformatis in omnibus vera religionis principis & articulis fundamentalibus conveniunt, cultumque exercent purum ab omni idololatria & superstitionis labe, si qui sint istius professionis homines, qui cum caritatis & lenitatis spiritu sacros ecclesiarum nostrarum cœtus frequentent, earumque communionem expectant, iis sine omni abjuratone prævia liberum esto, ad sanctam Christi mensam nobiscum accedere, matrimonia cum nostra confessionis hominibus contrahere, & infantes baptismo tingendos de more offerre & suscipere, dum nostris Ecclesiis in hoc ultimo casu sancte spondeant, se infantes, quos de sacro lavacro susceperint, neque directe unquam, neque indirecte, adversus eam, quam nostra ecclesia credunt ac profitentur, doctrinam sollicituros, sed ea duntaxat fidei capita edocturos, de quibus inter nostras ipsorumque ecclesias convenit.* Hoc decretum, quod Reformati Doctores Irenici Spiritus Sancti ductu, summa sapientia, summaque caritate conditum, ad pacem inter Reformatos & Lutheranos ineundam laudabant, hodieque commendant, Pontificiorum indignationem excitavit: quippe qui tentatam per Cardinalem Richelium concordiam inter Pontificios & Reformatos repudiari, & contra Lutheranis offerri, ægre ferebant, ideoque eorundem ea de re judicia sinistra prodierunt, quæ Auctor noster Summe Reverendus addidit. Occasionem decreto dedit mercator quidam Germanus, Augustanæ Confessionis addictus, Lugduni in Gallia vivens. Is civis alicujus Lugdunensis Reformati filiam ambiens, non solum Reformatorum cœtibus frequens aderat, sed etiam profitebatur, se cætera doctrinæ & disciplinæ Reformatorum capita ita probare, ut etiam cum ipsis com-

municare, & cum quodam e Reformatis affinitate conjungi paratus esset, modo ne, quam in Lutherana Ecclesia hauserat, de Dominica in Eucharistiæ Sacramento præsentia, sententiam mutare cogeretur. Ministri Reformati dubii, quid sibi faciendum esset, ad Synodum Nationalem propediem habendam referre constituerunt. Hæc igitur consulta, eam quam diximus indulgentiam fecit. Fundamentum ejus ponit, tum in fundamentali utriusque Religionis consensu, tum in cultu Lutheranorum puro ab omni idololatriæ & superstitionis labe. Sed fundamentalem illum consensum dici quidem, sed nequaquam esse, qui dudum demonstrarunt, nominantur Nicolaus Hunnius, Theologi Wittebergenses & Darmstadienses, Hutterus, Hulfemannus : confessio autem ingenua Synodi laudatur, opponenda calumniæ Reformatum aliorum, qui nostris Ecclesiis ob doctrinam de adoratione Christi hominis, de usu imaginum in templis, de virtute baptismi, de præsentia corporis Christi in Eucharistia, & aliis quibusdam articulis, idololatriæ & superstitionis labem aspergunt.

Ipsa indulgentia tribus capitibus continetur. *Primum* est, licere Augustanæ professionis hominibus, cum caritate & lenitatis spiritu sacros Reformatum cœtus frequentantibus, eorumque communionem expetentibus, sine abjuratione prævia, ad sanctam Christi mensam cum Reformatis accedere. Enim vero ingenuum Lutheranum salva conscientia hanc communionem desiderare, aut ad sacram cum Reformatis cœnam accedere non posse, probatur. (1) quod dubium sit, an apud Reformatos, symbola terrena sine re cœlesti exhibentes, integrum Eucharistiæ Sacramentum administrentur. Negasse Lutherum, Balduinum, Waltherum, Jacobum Martini, alios; & si cum Theologis quibusdam nostris concedamus, verum Cœnæ Sacramentum a Calvinianis accipi, tamen. (2) Lutheranos avocari admonitione Divina sæpiissime repetita, de commercio cum heterodoxis, quoad cultum & fidem, fugiendo; insuper (3) cum Sacramenta sint notæ discretionis, & species confessionis illius fidei & doctrinæ, quam Ecclesia, in qua Sacramentis utimur, agnoscit, docentibus ipsis Reformatis, non posse Lutheranum sacra Cœna in Ecclesia Reformata uti, nisi publice profitendo, se ejusdem doctrinam amplecti, & contrariam rejicere; ad-

adhæc (4) Lutheranum scandalo aliis, hypocritamque futurum, ac hoc suo facto heterodoxos in pravis suis opinionibus confirmaturum, contra interdictum Divinum, & praxin primitivæ Ecclesiæ. Ideo (5) nostrates quosdam Theologos, Lutherum, Olearium Helmstadiensem, Menzerum, Balduinum, Finckium, a Calvinianorum Cœna adeo abhorruisse, ut Lutheranis eam ne in necessitatis casu quidem permiserint. Accedit (6) quia alii Reformati, non sine multis cautelis & conditionibus, suæ communionis hominibus concedant ejusdem cum Lutheranis Cœnæ communionem, quæ ex Beronio, Zacharia Ursino, Henrico Altingio adducuntur, aliam a Lutheranorum doctrina mentem aperte declarantes. In quibus cautelis tamen frustra sollicitos esse Calvinianos Noster monet, cum Lutherani Theologi in sua doctrina pertinaces ad sacra sua non admittant. Immo (7) Synodi Carentonensis indulgentiam non tam ad pacem cum Lutheranis, quam ad seductionem eorum spectare; quas insidias Dallæus dissimulans, atque rationem concessionis afferens tolerantiam in adiaphoris, & infirmitatem errantium, refutatur. Neque tandem (8) omnium Reformationum eandem esse, quæ Synodi Carentonensis, sententiam; & si eadem esset, non tamen probari etiam ab iis nostratium, qui a pace cum Reformatis incunda non alieni fuerunt, inter quos F. U. Calixtus. Hæc de capite primo eoque præcipuo indulgentiæ Carentonensis.

Alterum caput consistit in concessione libertatis matrimoniorum cum Reformatis contrahendorum. In quo magna facilitas Synodi deprehenditur, conjugia a Synodo Middelburgensi A. 1581 & Nicolao Vedelio valde improbata concedentis, sine ulla lege & restrictione. Scilicet præsumsisse Synodum Noster judicat, facilius fore, ut uxores Reformatæ blanditiis suis maritos Lutheranos ad Reformatam religionem perducerent, quam ut mariti Lutherani uxores Reformatas a sua religione averterent. A Nostratibus conjugia cum heterodoxis non simpliciter improbari, sed sub certis conditionibus permitti ostendit. Temere autem concedenda non esse, ex Scripturis S. Ordinationibus ecclesiasticis, Patrum Ecclesiæ sententiis, & Canonibus Conciliorum evincit. Tertium decreti Carentonensis caput indulget Lutheranis infantes Reformationum e baptismo suscipere,

ita tamen, ut apud Presbyterium sancte spondeant, se infantes de sacro lavacro susceptos, neque directe, neque indirecte ad aliquod sollicitaturos, quod cum Reformata doctrina non congruat. Miratur Theologus noster, Synodum, Lutheranos cum Reformatis in principiis religionis & capitibus fundamentalibus consentire, & in cultu nulla idololatria & superstitione laborare asserentem, sollicitè cavere, ne infantibus Reformatis aliquid Lutheranae doctrinae affricetur, eandemque inter medias blanditias tam iniquam conditionem a Lutheranis exigere. Candidius alios Reformatos censet egisse, qui Lutheranos ab hoc officio prorsus excluderunt, docetque ex Theologis nostris, quibus cautelis adhibitis Lutheranus apud Reformatos patrini officio defungi queat: contra autem Reformatum, a parentibus Lutheranis ad id invitatum, recte arceri, nec nisi sanabilem & docilem admitti: instruit quoque Ministrum, uti se gerere debeat, si Reformatum aliquem aut alium heterodoxum admitti, Magistratus sub remotionis poena jubeat.

His de Syncretistico Carentonensis Synodi decreto notatis, concludit Theologus, id non posse magis a nobis probari, quam fucatam illam concordiam, eodem anno 1631, ab aliis quibusdam Reformatis in Colloquio Lipsiensi propositam. Adjecta Programmata Festalia publico nomine conscripta & proposita sunt, primum contra novos Ecclesiae Reformatores in Festo Reformationis Lutheri, d. 31 Octobr. A. 1702; secundum de Christo omnibus nato, contra Reformatos in Festo Natalis Christi, anno eodem; tertium, Danhauerum a Chiliaismi suspitione vindicans in Festo Paschali, A. 1703; quartum de novellis Prophetis in Festo Pentecostali eodem anno.

CONSIDERATIONI SOPRA UN FAMOSO LIBRO *Franzese intitolato la Maniere de bien penser &c.*

i. e.

OBSERVATIONES IN LIBRUM GALLICUM CELEBREM de Sententiis Ingeniosis, divisæ in VII Dialogos, in quibus Quaestiones nonnullae Rhetoricae atque Poeticae agitantur, & plurima Scriptorum Italicorum, qui tum ligato tum pedestri sermone claruerunt, loca defenduntur.

Bo-

Bononiæ, apud Constantinum Pisarri, 1703, in 8.

Constant Alphab. 2 plag. 6.

Cum elegantissimus inter Gallicos Scriptores Dominicus Bouhours, Societatis Ignatianæ Religiosus, in notissimo de Sententiis ingeniosis libro, ut alios aliarum gentium, ita Italarum celebriores passim Oratores & Poetas perstrinxisset, illustris Marchio Joannes Josephus Ursius Bononiensis id negotii suscepit, ut tum cives suos a Bouhoursii criminationibus vindicaret, tum integrum, quem prædiximus, librum censoria quadam virgula, absque omni tamen verborum acerbitate, summaque cum modestia notaret. Id quod tanto cum successu perfecit, ut præclare de sua simul & Italix fama meritis, summo non Italarum modo, sed Gallorum, etiam plausu exceptus fuerit. Cujus rei vel solum hoc fidem facit, quod bonæ causæ fiducia Apologiam suam eruditissimæ apud Gallos foeminae Annæ Daceriæ dedicavit. Equidem si omnia, quæ notatu digna in hoc opere videntur, hic repræsentare conaremur, vastum mare ingrederemur, eosque, quos nobis alioqui præfiximus, limites longe excederemus. Breviter itaque tantum indicabimus, quid singulis Dialogis contineatur, & deinde quid pro Italis suis afferat Ursius, curatius paulo dispiciemus. Enimverò Dialogus primus introductione in librum integrum constat, ubi Cræmeri Vindiciarum nominis Germanici contra obtrectatores Gallos, & inprimis hunc ipsum Bouhoursium, Noster mentionem injicit. Dialogo secundo librum Adversarii summam considerat, & de sententia ingeniosa, tum generaliter, tum sigillatim agit. Tribus sequentibus de sententiarum talium veritate, novitate, sublimitate disputat, singulaque diligenter expendit. Duos vero ultimos defensioni civium suorum impendit. Quos ipsos nunc diligentius perlustrare, & ex iis selecta aliqua, quæque eximiam Auctoris nostri eruditionem testentur, excerptare in animo est. Si tamen antea monuerimus, quicquid de sententia a Criticis tam Græcis, quam Latinis atque Italis, iisque antiquis & recentioribus dictum fuit, summo cum judicio hic in compendio, & ita quidem exhiberi, ut de suo multa addiderit doctissimus Marchio. Cæterum, ut propositum nobis munus exequamur, Dialogo VI Tassum defensus, in laudes ejus primo excurrit, & Fontanini Amintani

p. 31.

p. 469.

- p. 474. defensum pro merito prædicat. Censet autem, Gallorum nonnullos ea de causa Tasso infensos esse, quod neminem adhuc inter suos habebant, qui Epico carmine exquisito, & tantæ, quantum id postulat, majestati respondente cultu enituerit: cum Itali contra Cornelio & Racino, Tragici inter Gallos cothurni principibus, libentissime & sine omni livore herbam porrigant. Rapinum interim & Bajuletum, ceu Tasso non satis æquos, præ cæteris refellit, eisque Boilavium, e-munctæ alias naris & morosi satis ingenii censorem opponit, cui Tassi Episodia atque Digressiones, quæ prædictis displicent, non parum probentur. Notat etiam Bouhoursium, quod Berniam cum Ariosto confuderit. Hinc rem ipsam aggressus, primo Tassi ex Hierosolyma liberata de Argante versum, quem Gallus culpaverat, tuetur: *Minacciavia morendo, e non languia*. Idque auctoritate Flori, Salustii, Panegyristæ Constantini, Sidonii Apollinaris, Claudiani & Lucani, apud quos frontis minæ & oculi minaces in ipsa morte occurrunt, factum, Bouhoursiumque negligentius in Tasso legendo se gessisse observat. Annotat quoque Verbum *Languere* apud Italos, non de corpore tantum, sed animo etiam adhiberi; id quod ex Petrarcha & Dante ostendit. Defenditur, deinde Tassus, quod Cælo videndi potestatem tribuat, dum alibi canit:

E'l Lume usato accrebbe, e senza velo

Vol o se mirar l' opere grandi il Cielo.

- p. 529 seqq. Ubi doctissime de illis translationibus sive metaphoris agit, quæ rebus sensu carentibus actum quandam & animam dant; neque tamen Pallavicini censuram rejicit, qui ejusmodi formulas ex Philosophorum foro proscribit. Cum porro Gallus Tassum ceu veterum exscriptorem momorderit, Noster ei hoc potius laudi vertendum ducit, & Scipionis Gentilis, Julii Guastavini, Joannis Petri de Alexandro, Beniique & Biragi studium commendat, qui loca veterum a Tasso expressa sedulo annotarunt. Aggreditur inde singulos a Bouhoursio eo nomine perstrictos versus, & primo quidem hunc:

p. 555.

Guerreggio in Asia, e non vi cambio, o merco
quem Curtio, si Gallo fidem habemus, sublegisse debuit, apud Ennium, imo Homerum & Virgilium inveniri docet. Mox alterum

E

E Sdegna negl' inermi esser feroce
quem iterum Curtio subduxisse arguitur, cum Virgiliano notis-
simo:

P. 559.

Parcere subjectis, & debellare superbos
congruere ostendit. Male quoque Tassum ideo carpi demon-
strat, quod Servii Sulpicii ad Ciceronem de *cadaveribus urbium*,
verba sua fecerit, cum tamen ante eum idem egerint Aufonius, &
Sannazarius de Partu Virginis. Fatetur denique, Tassum in illo
versu

p. 560.

Di sine arme e di se stesso armato
Salustium respexisse, qui de Mithridate: Corpore ingenti perinde
armatus, sed ita tamen, ut Salustium superarit, cum Heroem su-
um non magnitudine corporis sed animi metiatur. Ad alia mox
progressus, cum Bouhoursius hæc in Episodio Sofroniæ & Olindi
carmina vellicarit:

P. 570.

Amor, ch' or cieco, or Argo, ora ne vekì

p. 572 seqq.

Di benda gli occhi, ora ce gli apri e giri

copiose de oppositionibus agit, & circa ejusmodi contraria atque
pugnancia amorem versari demonstrat; quæ dum explicat, venu-
stissimum simul amoris characterem format. Cum vero Bou-
hoursius querimoniam Armidæ tanquam nimis artificiosam taxet,
respondet, pleraque a Virgilio Didone mutuata, & eodem modo
Chimænen in Roderico sive Cido Corneli, imo subtiliter magis &
artificiose dolere. Ostendit deinde, sententiæ illius, qua anima a-
mantis in ipso quidem extinguere, in amica vero vivere dicatur, pri-
mum auctorem esse Platonem, & apud Horatium amicos *dimi-
dium & partem anima* vocari. Quid quod Augustinus in Con-
fessionibus diserte se, post Amici obitum, *dimidium vivere noluisse*
dicat. Hinc cum Gallus in hæc verba incurrit:

p. 578.
p. 582-598.

Sarò, qual più vorrai, Scudiero o Scudo

p. 599-608.

lufumque verborum ceu puerilem reprehendit, monet Noster, fi-
guras ejusmodi apud plerosque Poetas & Oratores, imo Histori-
cos & Philosophos frequentissime deprehendi, simulque Bellegar-
dium Abbatem, Italos hoc nomine taxantem, eadem culpa teneri
demonstrat. Cum deinde Bouhoursium male habeat, quod Tassus
de imaginibus in Regia Armidæ insculptis dixerit:

p. 610-617.

Manca il parlar: di vivo altro non chiedi:

Ne manca questo ancor, s' a gli occhi credi

- Noster postquam Epigramma parallelum ex Josepho Baptista celebri Italorum Lyrico, qui anno 1669 obiit, attulisset, & sanum de eo iudicium interposuisset, Taslum huic longe præfert, & eodem schemate plerosque Græcorum, ex Latinis vero Virgilium, atque ex recentioribus Gallorum celebriores Poetas usos fuisse, observat.
- p. 658-621. Querela deinceps Tancredi solerter expenditur, cumque Gallus iterum glorioso nimis artis crimine eam postulet, Noster erudite docet: esse utique Poetæ officium, ut naturam curate imitetur exprimatque, sed ita tamen, ut non omnem idcirco ornatum negligat. Cum præsertim amantes præ cæteris ingeniose doleant, & Cornelius apud Gallos, tales nobis in plerisque Tragediis suis querimonias suppeditet; nec Moynius & alii Gallorum Poetæ ab
- p. 638 seqq. hac culpa immunes sint. Apostrophe postea Tancredi ad dexteram suam exemplo veterum, Virgilii præsertim, defenditur. Et
- p. 654 seqq. dum in certamine singulari Tancredi & Clorindæ anima per vulnera exisse dicitur, geminæ Tibulli, Ovidii, Siliî & Virgilii locutiones afferuntur: quodque ira id quod supererat vitæ, ne effugiat, retinere & morari asseritur, ea de re verba Medici Galli celeberrimi Chambræi proferuntur, & ex Petronio additur: *Dolorem vires restituere*. Incogitantia porro arguit Gallum, quod ex Suevone Danorum Regis filio, Heroe Christiano, nescio quem nobis Saracenum effingat, formulamque, qua totum corpus unum vul-
- p. 659. 660. nus esse dicitur, veterum auctoritate niti docet. Verba exinde Rinaldi ad Armidam Cant. XVI. Stroph. 22: *Non puo specchio ritrar si dolce immago*, quæ Censor notaverat, defendit, & jampridem Platonem in Alcibiade primo, ut & Petrarcham ita locutos fuisse tradit. Denique dum Armida negat, se mortem, donum alioqui optatum, a Tancredo, in quem crudele odium habeat, accipere velle, ita quoque Sophoclem, Ciceronem, Plutarchum, & ex Hispanis Cervantem Saavedram & Calderonem, inclytos Scriptores, locutos fuisse demonstrat. Quibus, si de nostro aliquid adjicere fas est, tritissimum illud Virgilii: *Timeo Danaos & dona ferentes*, addi poterat: ut & alterum illud Ciceronis ad Atticum Epist. 2. Libri IX: *Cæsar solet, cum se purgat, in me confer-*

re

re omnem illorum temporum culpam : Ita me sibi fuisse inimicum, ut ne honorem quidem a se accipere vellem. Hac Tassi defensione integer Dialogus sextus absolvitur, quam postquam Marchio noster adornasset, Dialogo sequenti septimo ad Baptistam Guarinum, Guidobaldum Bonarellum & alios progreditur, & ex solutæ orationis auctoribus Pallavicinum inprimis Sfortiam contra Censorem Gallum tuetur. Miratur autem ante omnia Bouhoursium, cum ex præstantissimis Italorum scriptoribus flores se collecturum professus sit, Petrar-
cham tamen, Bembum, Casam; Carum, Molzam, Transil-
lum & alios magni nominis scriptores omisisse. Quod vero ad Guarinum attinet, Bajuletum carpit, cui ex tot Guarini adversariis atque patronis, solus tantum Jason de Noris cognitus fuerit. Cum-
que is lasciviæ Guarinum postularit, strenue Noster ejus causam agit, Gallumque interpretem culpat, quod versus Itali Poetæ libe-
riores interpretatione licentiosa deteriores reddiderit. Commenda-
dat vero illustrem Poetriam Susæ Comitem, quæ dum Guarini Pa-
storem Gallicæ consuetudini traderet, intra modestiæ ac pudoris li-
mites se continuerit. Bonarelli duplicem, quem in Phyllide Scyria
exhibuit amorem, ab ipsis atque Italiis non semel reprehensum, ite-
rum contra Bajuletum tuetur, dumque id agit, modestiam Gallo-
rum in tractandis amoribus laudat. Schediasmata vero quædam
ab Anonymis profecta, Historiam nempe Palatii Regii, Amores
Fœminarum illustrium, & alia ejusmodi librorum venena re-
pudiat. Inprimis displicet nostro Præfatio, quam interpres
Gallicus Petronio in vernaculum sermonem converso præfixit.
Cæterum ad Guarinum revertens, Epigramma seu Madrigale, in
quo cum Ludovico Gradenico Musas omnes extinctas & sepultas
esse vult, exemplo non Sannazarii modo, & Petrarchæ, sed veterum
quoque niti docet, imo ex ipsis Gallis Menagio & Saraceno
subsidia comparat. Hinc ejusdem in Prologo Pastoris fidi versum,
ubi de Encelado, sub Ætna jacente canit:

Non sò se fulminato, o fulminante
Vibra il fiero Gigante
Contro il nemico Ciel fiamme di sdegno

p. 680.

p. 683.

p. 689.

p. 690.

p. 694.

p. 695.

p. 696-705.

p. 707. seqq.

ita defendit, ut falsam quidem esse concedat sententiam, verisimilem tamen affirmet, quod apud Poetas non tantum permittatur, sed laudem quoque mereatur. Nec deesse, quibus se Guarinus muniat, auctoritates Lucretii & Nasonis, qui Ætnam tonare, & fulmina jactare fingant. Quod si denique verborum tumorem incutes, Alpheo fluvio, Dei apud Paganos personam sustinenti, tale quid permitti posse arbitratur. Cum porro Bonarellus eo nomine a Censore taxetur, quod de Celia fugitiva dixerit:

Conoscerollo a i Fiori

Ove faran piu foli

inconstantia & levitatis non immerito ille ipse arguitur, qui Racano Mariam Medicam laudanti eandem figuram indulserat: ostenditurque auctoritate Calpurnii, imo ipsius Maronis, non de Reginis tantum atque Heroinis, quod Bouhoursius vult, sed de puellis quoque amatores ita loqui solere. Inde Gallo non probanti, quod Bonarellus ex oculis amicæ lucem fundi dixerat, cujus splendore illa e vestigio proderetur, respondet, cum apud Terentium in Eunuchio simile quid occurrat, isque eo nomine a Gallo commendetur, non intelligere se, quare cum Bonarello tam severe agat. Eademque opera Testa, cui inter Italorum Lyricos, Chiabrera forte excepto, principatum dat, & Gratianus in Granata debellata, eadem noxæ affines excusantur. Marinum postea, ceu Hetrulcæ Poeseos corruptorem, vehementer accusat, Bajuletumque, qui hunc ipsum verbis selectis usum fuisse scripserat, explodit, tandemque, Quintiliani verbis usus, dulcibus Marinum vitis placuisse profitetur, & Poetis, qui ex ejus disciplina prodire, non admodum favet. Caroli deinde Mariæ Maggii Hymni in Ludovicum XIV conditoris partes contra Bouhoursium tutatur, ejusque Apologiam, quam Clarissimus Ludovicus Antonius Muratorius in Vita Viri adornavit, magnifice laudibus celebrat; Lemeniumque & illustrem Arcadum Academicam, ut & Furfuraceam Florentinorum, ceu instauratores Hetrusci carminis prædicat. Ægre vero fert, Gallum multos Poetarum ex Italis proletariorum versus, ceu specimen insignis cujusdam artis, in medium attulisse. Cæterum a Poetis ad pedestris sermonis scriptores progressus, trium præ cæteris, Sfortiæ nempe Pallavicini, Stradæ, & Thesauri patrocinium suscipit. Pallavi-

cinus

cinus nimirum, in venusto doctoque de Stylo & Dialogo libello, Joannis Baptistæ Rinuccini, Antistitis Firmani, de Episcopi officio librum hortis, qui in locis incultis atque squalidis, arte Magica momento excitantur, comparaverat. Quod Bouhoursius improbavit, indecorum Episcopo ratus cum Mago conferri. Cui Noster ex Servio reponit, comparisonem non inter personas, sed inter studia institui, idque Virgilii exemplo, qui Trojanos cum formicis comparaverit. Observaverat porro Bouhoursius, librum Rinuccini non satis bene portentis Magorum assimilari, quæ solidi nihil præ se ferant; ad quæ Noster: non representari hac Allegoria durationem, sed potius admirabilitatem. Sic Homerum Græcorum & Dardanorum, faxis invicem se petentium, conflictum cum nivibus a Jove emissis conferre: neque enim hic æqualitatem, sed simplicem similitudinis rationem requiri. Quod testimonis Rhetorum tam veterum, quam recentiorum copiose docetur. Dum vero hoc agit, quasi in transcurso, comparisonem a Ludovico Borbonio, Principe Condæo, inter Ignatium Lojolam & Cæsarem, interque Xaverium & Alexandrum M. argute institutam, ita commendat, ut tamen, si ad Bouhoursii obrussam exploretur, vix tolerabilem fore contendat. Ostendit deinceps, quænam inter Metaphoram, Imaginem & Comparisonem differentia intercedat, idque ex ipsius Pallavicini libro prædicto. Quem quoque, quod Lucretii dictionem paulo obscuriorem larvæ faciem tegenti, non ornanti, comparaverat, contra censoriam Galli notam tuctur, illum ipsum simul inculans, Metaphoram cum larva conferentem, quod rectius ænigmati conveniebat. Promovet inde gradum ad Stradam, qui Libro III, Decad. II de Bello Belgico scripserat: *Adco non ex vao observatum, cura esse Deo Principum vitam. Quasi non magis cordi in homine, quam Imperatori in exercitu novissimum mori datum sit.* Quæ verba Noster a Bouhoursii vellicationibus vindicans, qui Turenii & Gustavi Adolphi exemplo adductus, contrarium nonnunquam accidisse statuerat, non ad id, quod raro, sed quod plerumque fit, respiciendum esse contendit, Galloque simul exprobrat, quod perperam & contra mentem Stradæ verba prædicta verterit, & similes ejus in Auctorum interpretatione errores recenset, ridiculum ex Novi Fœderis a Bouhoursio

p. 762.

p. 766.

p. 776. seqq.

p. 789-793.

P.794-797. Gallice facta explanatione, hujus rei specimen proferens. Quod porro Strada L. III, Decad. II *de militibus dimidiato corpore pugnantis, sibi que superstitibus ac perempta Paris ultioribus dixerat*, id Noster exemplo Lucani factum asserit. Cui merito addas insignem Lucretii locum Libro III v. 612 seqq. de membris curribus falciferis abscissis, ita inter alia canentis:

Falciferos memorant currus abscindere membra,
 Sæpe ita de subito permista cæde calentes,
 Ut tremere in terra videatur ab artubus id, quod
 Decidit abscissum: cum mens tamen, atque hominis vis.
 Mobilitate mali non quit sentire dolorem:
 Et simul in pugnae studio quod dedita mens est,
 Corpore cum reliquo pugnam, cædesque petissit.

P.799 seqq. Ad Thesaurum demum Noster desceat, qui in Idea arguta dictionis, non ita pridem Latio in Germania nostra a Viro clarissimo donata, de flammis missilibus, & inprimis de pyrobolis dixerat, quod cælum incendere, fulmina ipsa fulminare, & sidera terrere velle videantur, Bouhoursio eam ob causam notatus. Cui Noster respondet: sibi metipsum quasdam in hoc Scriptore formulas improbari, quod nempe eosdem ignes, parvos Averni serpentes, Typhonesque minutos vocarit, sed quod ad verba prædicta attineat, licentiam quandam Poeticam in ejusmodi descriptionibus locum habere, & apud Virgilium, umbonem aureos ignes vomere, ac clamore cælum incendi. Emolliri insuper *αὐξήσιν* per verbum *videantur*, quo apposito omnis, si qua adsit, durities mitigetur.

P.804. Addit ipsum Censorem ita peccare, qui odores exquisitissimos ad cælum ferri alicubi dicat, quod odoribus vix satis competat.

P.798. Quamvis Plauti in Pseudolo exemplo sese tueri forsitan possit, apud quem odor in cælum volet. Nec omittendum est, quod Noster monet, secundam Ideæ Thesauri partem, in qua de vitis dictionis arguta agendum fuerat, desiderari. Tandem libro elegantissimo finem imponens Illustris Marchio, Gallos elegantiae studia curate tractantes, inprimis autem Artem Poeticam Dacerii & Rhetoricam P. Lamy miris laudibus extollit, suosque cives haud obscure reprehendit, quod elegantioribus hujusmodi literis tantum non neglectis, inanum modo miratores existant. Nos, ut & ipse & alii
 iti-

itidem ab Italia Viri docti atque ingeniosi, non suis magis, quam nostris quoque Philologis, calcar ad has studiorum amœnitates excolendas admoveant, merito optamus, doctissimique, quem supra celebravimus, Ludovici Antonii Muratorii, cujus beneficio hæc ipsa Urli commentatio, licet serius aliquantulum, ad nos pervenit, quos in litteris ad Actorum Collectores datis promittit, *duos de Consummata Italorum Poesi tomos* anxie expectamus.

QUINTI SEPTIMII FLORENTIS RIVINI, REG. Polon. in Sen. Appell. Consil. & Scabini Lipsiensis, Enunciata juris ad Ordinationem Processus Saxon. Electoralem, edita ex schedis paternis a D. T. FL. RIVINO.

Lipsiæ, apud Johann. Frider. Gleditsch, 1705, 4.

Constant Alph. 9. plag. 14.

QUæ dudum expectata fuere causarum Patronis, iisque quibus pro suam operam addicere cupiunt, sæpius antea iterum iterumque calamo descripta, in publicam nunc lucem prodeunt Excellentissimi Autoris Axiomata ad Ordinationem Processus Saxonici Electoralem, opus iis, qui aut causas perorant, aut iudiciis & dicasteriis assident, aut rerum forensium notitia instruere cupiunt, animum, utilissimum longe ac fere necessarium. Longam enim rerum judicatarum continet seriem, Decisionumque, quæ in Scabinatu Lipsiensi, aut summo Provocationum Consilio, causas amputarunt, uberem exhibet copiam, ut facile, quo libellum dirigere actor, qua ratione sententiam concipere iudex, quidque de dubio litis eventu pars sperare debeat, ex opere hoc præstantissimo queat intelligi. Nobis ex tanta rerum copia, veluti in fertilem delapsis campum, licebit aliquot saltem quasi decerpere flores, ac ex quibusdam axiomatibus ostendere, quantum commodi, ex diligenti libri huius lectione quilibet sibi queat promittere. Ita iudicatum fuisse refert, ad demonstrandam paupertatem sufficere attestatum Domini Jurisdictionis, *Tit. I. Enunc. 14.* Contra pœnam Advocatis dictatam Leutationi aut Appellationi non esse locum, *Tit. 3. Enunc. 34.* Pro confesso & convicto haberi non posse reum, qui nuncium citationem, quam nondum legit, reportare coegit, *E-*

nunc. 65. Tit. 4. In Reconventionem non attendi privilegium fori de non evocando, *Tit. 6. Enunc. 14.* Morte Curatoris extinguere Actorem ab eo datum, *Tit. 8. Enunc. 28.* Septiduum Saxonicum consensu partium non posse prorogari, *Tit. 10. Enunc. 53.* Cautio- nem pro reconventionem & expensis, non esse præstandam in cau- sa Matrimoniali, *Tit. 13. Enunc. 3.* Reos, si super actione juramen- tum delatum sit, ob litis contestationem negativam, exceptiones quoad membra libelli negata annexas perdere, *Tit. 16. Enunc. 14.* In Leutatione juramenti delationi esse locum, si Guaranda non- dum sit præstita, & lis tantum eventualiter contestata, *Tit. 18. Enunc. 32.* Reum ad probationem exceptionum haud admitti, si Actor juramentum super actione tota relatum præstiterit, *Eod. Tit. Enunc. 62.* In Processu Summario & Possessorio summarissimo in- terrogatoriis esse locum, *Tit. 20. Enunc. 47.* Uxorem contra ma- riti sororem ad testimonium dicendum non compelli, *Tit. 22. Enunc. 18.* Ad juratam diffensionem mulierem sine Curatore se- posse offerre, *Tit. 25. Enunc. 37.* In examine testium, ad perpetuam rei memoriam, Judicem competentem adeundum, offeren- dos articulos, partemque adversam ad danda interrogatoria esse citandam, *Tit. 29. Enunc. 1.* Libros mercatorios, licet sint juramen- to confirmati, non habere vim documenti Guarantigati, ut execu- tive ex iis agi queat, sed probationem adversus eos & juramenti delationem admitti, *Tit. 20. Enunc. 10.* Sententiam Universitati Syndicum non habenti latam, non transire in rem judicatam, ad- eoque post decennium adhuc, Leutationem vel Appellationem, posse interponi, *Tit. 34. Enunc. 13.* Arbitrarie puniri eum, qui pro- cessum nullitatis arguit, ac nullitatem probare nequit, *Tit. 38. Enunc. 13.* Jus primæ licitationis maritum sine curatore, & patrem per filium mandato haud instructum, consequi posse, *Tit. 39. Enunc. 36. & 38.* Pecuniam creditricis, quæ nupsit debitori, pro dote haberi, *Tit. 41. Enunc. 2.* In Oppignoratione bonorum Emphy- teuticorum, & Domini directi, & Domini jurisdictionis consensum esse necessarium, *Enunc. 5. Tit. 46.* Arrestum a Curatore mulie- ris sine ipsius interventu valide impetrari, *Tit. 51. Enunc. 10. & c. & c.* Sed hæc speciminis loco sufficiant : quæ ideo adducenda esse duximus, ut intelligere possit L. B. plenum esse practicarum, quæ-

quæstionum casuumque elegantissimorum hoc opus. Quod non sine commodo singulari nobiscum fatebuntur, qui integrum evol-vere, aut seriem saltem Enunciatorum, quæ singulis Titulis præmittitur, diligentius perlegere, ex re sua iudicabunt.

THE RELIGION OF A PRINCE.

Seu

TRACTATUS DE RELIGIONE PRINCIPIS, IN
quo Scriptura Sacra præcepta, optima in regnandi arte axiomata
esse probantur; profanis Machiavelli, Hobbesii aliorumque
principiis oppositis a GUILIELMO NI-
CHOLLS, S. T. D.

Londini, apud Th. Bennet, 1704. in 8. pl. 14 $\frac{1}{2}$.

Munificentia singularis, quam Serenissima Magnæ Britannæ Regina, mox post suscepta regni gubernacula, quæ hodie Orbis cum adplausu tractat, decimarum ac primitiarum largitione, erga pauperioris sortis Clerum gratiosissime exhibuit, (de qua initio mensis Maji nuperi diximus,) Rev. Autori, in Actis hisce sæpius non sine laude memorato, occasionem præbuit, præsentem libellum conscribendi, quem etiam Serenissimo laudatissimæ Reginz nomini devote consecravit. Cum enim Ipsa hoc modo, regni sui pariter ac orbis universi incolis, summæ pietatis bonitatisque egregiæ documentum præclarissimum dederit, non male se acturum Autor existimavit, si ad exemplar istud exquisitissimum, vere Christiani Principis imaginem delinearet, quidque illum deceat, quid minus, breviter exponeret.

Persecutus ergo illud rite est in hocce Commentario, cui quædam præmissa est *Introductio*, in qua Atheorum, Democratiorum, & Epicuræorum nefandæ, quas de Principibus regnandique ratione foveant, sententiæ summatim recensentur; Machiavelli pessimus de Principe liber gravissime perstringitur, tandemque occasio, quæ Autorem ad scribendum impulit, ulterius exponitur. *Tractatio* ipsa in tres maxime partes dispescitur, officiaque continet, quæ tum erga Deum, tum erga finitimos Principes ac Status, tum erga eos, quibus parendi gloria relicta est, Principi præstanda sunt.

Bbb 3

Es,

Ea, quæ Deo debentur, aut ad cultus Divini sinceritatem, aut ad vitæ integritatem, aut ad religionis curam defensionemque referuntur. Quæ Statibus finitimis Principibusque exhibenda sunt, partim religiosam pactionum ac fœderum cum aliis sancitorum observationem, partim belli non nisi justis de causis suscipiendi rationem, partim erga victos armisque subactos clementiam respiciunt. Quod denique ea attinet, quæ Principes iis, quibus præsumunt, debent, in eo ipsorum officium consistere dicitur, ut amore magis quam timore imperium firment, ut iustitiam, indulgentiam, munificentiam pacemque inter suos confirmandi studium nunquam non sectentur, ut præterea bonis consiliis aures benevolas præbeant, eademque sequantur. Hæc duodecim capitibus ita explicantur, ut nec argumenta desideres, quibus falsa Atheorum & Machiavelli sectatorum principia acute refelluntur, nec rationes & exempla desint, sive ex sacris sive ex profanis desumpta litteris, quibus vera sententia confirmatur atque declaratur. Tandem *conclusio* operis sese offert, in qua Auctor non modo probat, quod ille demum Princeps veram virtutis gloriam mereatur, qui officiorum supra traditorum bene memor sit, sed etiam ostendit, quod singula, quæ hactenus dixerit, in Serenissima Magnæ Brittanniæ Regina, tanquam in speculo limpidissimo, compareant.

NOVA LITTERARIA.

DE rebus Moscoviticis Excellentissimus Huyssénus, quem Augustissimo Moscorum Monarchæ a consiliis status & belli esse, & Serenissimi Principis Alexii Petrovitii educatoris juventutis munere fungi, supra mense Majo indicavimus, plura nobis retulit, digna utique, quæ cum curioso Lectore communicemus. Præ cæteris in instaurandis apud Moscos literis occupatus fuit, aliquandiu Ernestus Glückius, Mariæburgi antehac Præpositus & Pastor Primarius, quo in loco (falso enim Narvam pro Mariæburgo scripsimus loco citato, quod mendum cupimus corrigi) triennio abhinc a Moscis captus, & literaria suppellectile spoliatus est. Is, dum in vivis esset, (nuper enim mense Majo, haud parvo rei lit-

te-

terariæ in illis locis detrimento cum obiisse, relatum est,) a Cæ-
 reâ Majestâte quotannis accepit 3000 Rublones, si ita loqui cum
 Moscis fas est, seu 6000 circiter unciales Germanicos, ad sum-
 tus Gymnasii sive Scholæ Illustris, quæ sub ejus moderamine,
 Moscæ in palatio Nariskiorum aperta est. Ad eam frequen-
 tandam & Nobiles & Plebeji publico edicto invitantur, eoque
 vacatio a militia his, qui eam postulant, datur, & promotio cer-
 tissima promittitur. Docentur autem hic gratis a variis Magi-
 stris Græca, Latina, Gallica, Italica atque Turcica. Neque
 minus & PP. Jesuitæ, Missionarii, in suburbio Germanorum, præ-
 ter Latinam linguam, Mathesin atque disciplinas militares adol-
 escentes docent. Pariter & Patres Græci spectatæ eruditionis,
 e disitis regionibus evocati, publice sumtibus Supremi Mosco-
 rum Monarchæ, & linguas, Græcam & Latinam, & Philosophiam
 atque Theologiam (qualem antea Kioviæ, & Romæ quoque,
 aut Patavii didicerunt) profitentur, & publicas nonnunquam
 Disputationes de thesibus typis impressis instituunt. Ut quoque
 S. Literæ in lingua Ruthena emendatius legerentur, idem Prin-
 cept Potentissimus curam novæ atque accuratæ versionis Theo-
 logis aliquot insignioribus demandavit. Medicinam diligenter
 præ reliquis Bidlojus, Asmes, Kellermannus, Blumentrostii,
 Carbonarius, S. Czar. Maj. Archiatri, excolunt. Imprimis ve-
 ro Bidlojus Batavus, in theatro Anatomico, splendido, quod
 inhabitat, ædificio, sæpius præsentē tota Aula, anatomen corpo-
 rum humanorum, quæ vel morbo vel ex vulnere contabuerunt,
 instituit. In Observatorio Angli quidam Arithmeticam, Geome-
 triam & Artem Navigandi publice docent, auscultantibus Ruthe-
 nis plus quam ducentis, quibus & pro ratione profectuum stipen-
 dia solvuntur, tum qui prævio examine digni reperti sunt, ru-
 de donantur, & congiarium adepti in militiam mittuntur. Et
 ne quid ad incrementum literarum desit, libri omnis generis, spe-
 ciatim belli Ducum Vitæ, in linguam Ruthenicam transponuntur,
 & publicæ quoque Relationes, de rebus in Europa nuper gestis,
 singulis septimanis idiomate patrio imprimuntur, & pro exiguo
 pretio venduntur, ut vulgus quoque & sequior sexus rerum,
 quæ

quæ apud exteros geruntur, noscendarum studio accendantur. Sed ut porro de libris in Moscovia nuper impressis aliquid recensamus, prodiit Moscuæ anno proxime elapso *Idea Antichristi*, auctore Stephano Jaworowsky, Phil. ac Theologiæ Doctore, qui enobili Polonorum familia oriundus, in Kioviensi olim Academia Professor fuit, nunc Archi-Præsul sive Metropolita Reza-nensis & Muromiensis audit, Vir spectata eruditione & facundia in cathedra Scholastica & Ecclesiastica, ut Augustissimus Moscorum Imperator eum ad functiones Patriarchæ in Imperio Moscovitico obeundas vocaverit. At de eo libro, cum multa contineat curiosa, proxime dicemus. Imprimis autem Auctor Lexici Slavonico - Græco - Latini, de quo alibi diximus, Polycarpow, Zcarex & Patriarchali Bibliothecæ Præfectus & Director Typographiæ Moscovitiæ, in qua per accessionem Narvensis, nunc omnium linguarum typi reperiuntur, quem modestia morum, & linguarum Græcæ, Latinæ, Slavonicæ notitia commendant, librorum edendorum curam habet diligentem. Quippe ejus jam studio prodierunt *Systema Arithmeticum* in fol. *Alphabetarium trilingue* in 4. *Idea Antichristi* in 8. ut & *Florilegia* SS. Patrum Græcorum, c. g. Joh. Chrysostomi, Gregorii Nazianzeni, Cyrilli Alexandrini, Theophylacti &c. His nonnulla addemus Vilmæ in Lithuania impressa. Prodiit ibi A. 1701 in 4. *Tetrachordium Tragicum Passionis Mortisque Salvatoris ac Domini nostri Jesu Christi, Veri Dei & Hominis, pro salute humana inhumaniter ab hominibus passi, Historiam resonans, ad concordem quatuor Evangelistarum harmoniam intentum, &c.* cujus auctor est Eustachius Kotowicz Episcopus Smolencensis, qui omnem laudis vanæ speciem fugiendo, nomen titulosque suos taceri voluit. Nunc vero ibi imprimuntur: *Enodatio Confusum difficile circa Sacramentum Matrimonii occurrentium, ad usum fori tam interni, quam externi*, in 8. nec non *Corona Australis Polonica in Polo septentrionalis fulgens sideribus, sive Encomia totidem Reginarum Poloniae ex Familia Austriaca, cum Documentis. Ethicis, Prosa & Metro*, in 4.

* * * * *

A C T A ERUDITORUM,

publicata Lipsiæ

Calendis Septembris, Anno M D C C V.

Alle de Wercken van den Heer P. C. HOOFT.

i. c.

PETRI CORNELII HOOFT OPERA OMNIA IN
quatuor partes distributa.

Amsterdami apud H. Wetstein & P. Sceperum, Ultrajecti apud
Gu. van de Water, & Lugduni apud Dan. van den
Dalen, 1704, fol.

Constant in universum 30 Alph. & 9 plagulis: Figurarum vero
ænearum 1 Alph. plag. 7, præter eas, quæ Parte III una
cum Emblematis sunt impressæ.

MERITO id Excellentissimi olim inter Batavos Viri, Petri
(Cornelii filii) Hooft, Satrapæ Mudensis, Polyhistoris
ac Poetæ sine exemplo, datum memoriæ fuit, ut ope-
ra ejus omnia, dudum quidem maximam partem edi-
ta, junctim nunc typis descripta, luci publicæ denuo exponerentur.
Divisa sunt in quatuor partes, quarum *prima* & *secunda* celebra-
tissimam ejus complectuntur Historiam Belgicam, ab eo tempore,
quo Carolus V Imperator Belgicarum provinciarum cum regnis
Hispanicis annexisque ditionibus aliis regimen Philippo II. mto tra-
didit, usque ad exitum fere Advocatiæ Comitum Leicestriæ, quar-
tum nunc recusam: de qua & tanto omnium cum applausu
olim excepta, & hodieque publice æstimata, plura dicere
non attinet. *Tertia* opera ejus exhibet miscellanea, quo spe-
stant Historia Henrici IV Galliarum Regis, Narratiuncula de fa-
tali-

Ccc

tali-

talibus exsurgens Domus Medicæ infortuniis, Auctoris ad viros celeberrimos Epistolæ 218, Opuscula aliorum in linguam Belgicam ab Hooftio verſa, Comœdiæ ejusdem, Emblemata & Poemata cujuscunq̃ generis. Quæ quidem jam A. 1671 a filio Arnaldo, Equite S. Michaelis ac Scabino Amſtelodamenſi, fuerunt edita, niſi quod *David van Hochſtraten*, qui novæ hujus editionis curam habuit, & epistolæ quasdam antea non vulgatas, a Nobiliſſimo Viro *Gerhardo van Papebroch* ſuppeditatas, & Poematibus illud inprimis, quod A. 1700 Florentiæ compositum, ad Academiam in Hollandia ſub nomine *Kamer in Liefde bloejende* eo tempore florentem olim miſerat, neglectum quidem hæcenus, velut immatutum, ſed dignum tamen, quod legatur, viſum adjecit. *Quarta* Taciti opera, in linguam Batavorum ab Auctore olim incredibili ſtudio, nec minori felicitate converſa, primumque Amſtelodami A. 1683 publicata, comprehendit.

Atque hæc de ſplendido licet opere dicta, pro inſtituti noſtri ratione ſuffecerint, cum non niſi recens primum vulgatos libros recensere conſueverimus. Neque tamen ingratum Lectori Benevolo futurum arbitramur, ſi cum Illuſtris Hooftii Vitam, Hiſtoriæ ejus Belgicæ in his operibus præmiſſam, & quondam a Gerardo Brand, celeberrimo illo Hiſtoriæ Remonſtrantium auctore compositam deprehendamus, ex ea quædam excerpta demus, ne cuiquam, quantus Vir Hooftius fuerit, ignoretur. Natus nimirum ille eſt Amſtelodami d. 16 Mart. A. 1581, patre *Cornelio Petri Hooft*, Conſule Amſtelodamenſi, matre *Anna Blavia*. Studiis matre innutritus, ingenium oſtendit linguæ & poeſeos Batavicæ inprimis cupidiffimum, quo tempore *Collegium* illud in *Amore florens*, cujus ſupra meminimus, Amſtelodami eo decore ſplendefceret, ut aliquando inter ejus membra quinque Conſules & octo Scabini Amſtelodamenſes numerarentur. Itaque, cum illud in excolenda lingua poeſique patria unice verſaretur, illi ſe addixit totum, *Henricum Laurentii Spigelium* (cujus opus palmarium *Speculum cordis*, *Herb. Spiegel* una cum opusculis aliis A. 1694 in Hollandia recuſum eſt) in primis magna tum auctoritate pollentem æmulatus. Poſtea Academiam Lugdunenſem ea tempeſtate longe florentiſſimam, cum *Joſephus Scaliger*, *Franciſcus Junius*,

Pau-

Paulus Merula, Carolus Clusius, Bonaventura Vulcanius, alique præclari Viri doctorum munere fungerentur, incoluit, & sub tantis præceptoribus absoluto studiorum Academicorum cursu, integrum inde fere triennium itineri per Galliam, Italiam, Germaniam facto, summo cum fructu impendit. Unde jam A. 1609 a Principe *Mauricio Auriaco*, prævia Ordinum Hollandiæ Præpotentium nominatione, Satrapæ Mudensis, Prætoris Gœlandiæ, & Officialis supremi Vesopenfis munere, magnæ utique dignitatis, ornatus est: etsi id quoque Parentis in Rempublicam & Domum Auriacam meritis fuit datum, qui tum superstes, octogenarius demum A. 1626 decessit. Interea Noster, postquam Comœdias ac Tragœdias quasdam edidisset, Vitam & Res gestas Henrici IV Galliæ Regis Belgico sermone, ut alia omnia, adornavit, octo fere annorum annis eam in rem impensis, eo applausu, ut *Hugo Grotius* in Epistola ad Hooftium, quæ est inter epistolas ejus Amstelodami A. 1637 editas ducentesima decima sexta, non dubitarit gratulari tanti Regis Manibus, quod tantum Scriptorem inveniret, & Rex Galliæ Ludovicus XIII postea præstitam gloriæ Patris operam remuneratus fuerit, collatis Nostro A. 1639 Nobilitatis insignibus & Equestri S. Michaelis ordine. Ast præcipuæ tamen ipsi curæ Historia Belgica fuit, cui componendæ jam tum A. 1628 manum cepit admove, & toto deinde vitæ decursu insudavit, donec A. 1647 Hagæ Comitum, quorsum ad spectanda Friderici Henrici Principis Auriaci, qui non ita pridem decesserat, solennia funebria profectus fuerat, morbo oppressus expiravit, nondum absoluto sexagesimo sexto ætatis anno. Corpus defuncti Amstelodami in Templo, quod vocant, Novo tumulo paterno illatum est; postmodum vero in Theatro urbis publico, honori ejus non oratio solum parentalis a *Brandio* nostro conscripta, ast ab *Adamo van Gernes*, actore in scena solertissimo, recitata, sed & cum illa finita esset, una e præcipuis ab Hooftio elaboratis Tragœdia, cui *Geerard van Velzen* nomen est, populo fuit exhibita: quod exemplum repetitumne postea fuerit, nobis quidem non constat. Fuit de cætero Vir linguæ patriæ & poeseos longe studiosissimus, ut cum Poetria etiam quadam Tesselschaede, seu ut ipse per anagramma vocabat, *Sachtsedeles*, per semiseculum fere, amicitia ipsi literarum commercio ex-

culta intercesserit. Inter Poetas veteres Virgilium, inter Historicos Tacitum, cujus opera bis & quinquagies perlegerat, & styli concisam ingeniosamque rationem imitatus fuerat, summo loco habuit. Ul-
 que hinc factum, ut in Historia Belgica aliisque scriptis lectorem re-
 quirat attentissimum, & acumine ingenii minime destitutum: quo
 respexit forte & Poeta Belgicus celeberrimus, *Joost van den Von-*
del, quando ad Amicos dicere solitus fuit, in universo Belgio ne-
 minem se nosse, qui par sit vel unico folio componendo ea subli-
 mitate, qualem universa Hooftii Historia Belgica spiret. Inter
 Belgicæ Historiæ Scriptores Italos, Cardinalem Bentivolum: inter
 Historiographos quoscunque alios, Thuanum æstumatissimos ha-
 buit. Ex Amicis *Constantinum Hugenum de Zulichem, Caspa-*
rem Barlaam, Vondelium, Grotium, Vossium præcipue coluit. In
 administrando Satrapæ munere, æquum se omnibus præbuit, for-
 ditiem maxime exosus, ut ex bonis etiam condemnatorum fisco
 additis, partem sibi debitam viduæ aut hæredibus aliis donaverit,
 autochirorum inprimis, quos nonnisi ex insania peccasse, persua-
 sum habebat. Religionem Reformatam profitebatur, sed inimi-
 cus zelotis, ut edicta etiam adversus Romano-Catholicos lata exe-
 cutioni mandare non sustineret. Symbolo usus, *omnibus idem*,
 id consecutus est, ut nec ipse quemquam offenderit, & vicissim raro
 exemplo, aliorum odium atque invidiam feliciter effugerit. Con-
 jugium, ut de hoc postremo loco dicamus, duplex ipsi obtigit, pri-
 mum A. 1610 cum *Christina van Erp*, ex quo suscepti liberi matu-
 re extincti sunt; alterum A. 1627 cum *Leonora Hellemans*, e quo
 genitus *Arnoldus* Filius, Eques S. Michaelis & Scabinus Amstelo-
 damensis, cujus jam supra a nobis facta est mentio.

EXPOSITIO LITERALIS ET MORALIS SANCTI
Evangelii Jesu Christi secundum quatuor Evangelistas. Autore
R. P. F. NATALI ALEXANDRO, Ordinis F. F. Prædicatorum,
in Sacra Facultate Parisiensi Doctore, & eme-
rito Theologia Professore.

Parisiis, apud Joannem Anisson, 1703, in fol.

Alphab. 8.

Post

Post multa variaque opera in lucem hætenus abs se emissâ, in Scripturæ tandem Sacræ lectione acquiescere, inque ejus meditatione consensescere decrevit doctissimus, nobisque sæpe memoratus R. P. F. Natalis Alexander. Sanctum igitur Evangelium in manus sumsit, ejusque expositionem continuam, juxta quatuor Evangelistarum ductum adornavit, literalem sensum primo, ac postmodum moralem quoque dilucidans. In literali sensu pandendo, parallela potissimum Scripturæ loca, & sanctorum Patrum Commentarios se excussisse, profitetur; venerandamque, quam appellat, Traditionem ubique se præ oculis habuisse addit. Vulgatam versionem Latinam pressius secutus est, quamvis & Græci textus & Orientalium versionum vim, sicubi opus duxit, attingere haud neglexerit. Quam Eruditos plerosque viros data dudum opera illustrasse censet, Evangelistarum concordiam & harmoniam, breviter tantum se delibasse, nullus dissimulat. Moralem vero sensum non minori, ac literalem illum, industria prosequendum sibi venire ratus est, quandoquidem Divini verbi prædicatoribus animarumque pastoribus, quibus Evangelium populo explicare ex officio incumbat, consulere hoc pacto decreverit. Veterem namque concionandi rationem, quam sancti Patres & antiqui Episcopi sectati sint, in Ecclesiam revocari optat, ut nimirum totius Evangelicæ lectionis, quam quisque auditoribus proponit, series explicaretur, sensuque literali, quantum necesse est, exposito moralis erueretur, cui præcipue Ecclesiastes insisteret. Novam namque (& suæ fidei sociis, ut constat, admodum familiarem) concionandi rationem, parum probat, quæ, unica Evangelii sententia pro themate assumpta, extra quam divagetur ut plurimum Concionator, ejusque se velut immemorem in progressu sermonis ostendat, humanis conceptibus, ingeniosis licet, sterilibus tamen & exsuccis, ac elegantibus quidem, sed sæpius infructuosis morum humanorum picturis, auditorum pascat, seu potius jejunos dimittat animos, ac molli eloquentia comæque orationis ornatu ac leporibus demulceat, non instruat, non moveat, non flectat. Quod cacoethes tollere se studuisse innuit hoc Commentario, quem forte coronidem impositurum conjicit operibus suis reliquis, cum ultra sexagenariam ætatem provectus, lassescere jam incipiat. Cæterum a famosis illis

propositionibus quinque, ab Innocentio X & Alexandro VII in sensu Jansenii damnatis hæreticisque, nusquam non se abhorrere testatur; quanquam a sanctorum Doctorum, Augustini & Thomæ, dogmatibus de Gratia per se efficaci, & omnino gratuita sanctorum Prædestinatione, aut a sanioris disciplinæ moralis defensione, ne latum quidem unguem se deflexisse, simul affirmet.

JOH. BRAUNII, SS. THEOLOGIÆ DOCTORIS,
*ejusdemque & Hebrææ Lingua in Academia Groningæ & Omlandia
 Professoris, Commentarius in Epistolam ad Hebræos, cum
 indicibus locupletissimis & quibusdam
 tabulæneis.*

Amstelodami, apud Henricum & Viduam Theod. Boom, 1705, in 4.

• Constat 5 Alph. & 19 plag.

Dedicavit celeberrimus Autor Commentarium suum pereruditum Omlandia Ordinibus, eorumque Deputatis Novemviris: in qua dedicatione, Ecclesiæ Christianæ deploranda hoc nostro ævo facie expensa, luget, dari nonnullos, qui tentatam inter Lutheranos & Reformatos unionem impedire satagant. Largitur, controvertentes olim Theologos ab utraque parte peccasse: ast cum iniqua malorum commemoratione nemo ad concordiam adducatur, in comitiis pacis primum caput poni debere sanctam maiorum oblivionem. Cordatioribus Theologis, tam Lutheranis, quam Reformatis, rixosorum hominum privatam hostilitatem, asperitatem ac contentiones, & olim improbatas, & hodiernum improbari. Inprimis per totam Saxoniam, sapientiores primosque Ecclesiarum Antistites magnam Reformatis demonstrare humanitatem: id quod maxime factum sit a Celsissimo Electore gloriosæ memoriæ, qui ante non multos annos aliquot centena ex Cocceji operibus coemi jussit exempla, ut quælibet Ecclesia suum haberet. Concedit equidem, nec Lutheranos facile eo adduci posse, ut cum Reformatis in omnibus consentiant, nec Reformatos omnes Lutheranorum sententias amplecti posse; non tamen omnem opinionum dissensum diversam religionem illico dicendam esse, cum nec olim unquam extiterit, nec hodie ulla existat religio, quin fratres in variis capitibus a se recesserint, ho-

hodieque recedant. Cum igitur Reformati & Lutherani in fundamentalibus religionis Christianæ capitibus conveniant, & errores fundamentum fidei ac vitæ sanctimoniam everrentes unanimiter detestentur, adeoque ambo certissime membra Ecclesiæ Christi existant; cur externum fraternitatis vinculum accedere non debeat, rationem esse nullam. Ostendit inde, ambos eadem de Deo, ipsius decretis & decretorum executione credere. Si vero quis objiciat, non tamen eodem modo hæc credi a Reformatis, quo a Lutheranis, illi Noster respondet, modum non facere ab stabilienda salutis fundamenta, sed versari ut plurimum circa subtilitates nullius momenti, atque circa controversias, quæ hætenus nondum decisæ creduntur, nec facile ad mentem cujuslibet decidi possunt; neeum qui ignorat, posse dici damnatum, cum pauci reperiantur, inprimis inter illiteratos, qui de modo edocti sint, immo multi Martyres, ob Christum mortem obeuntes, eundem ignoraverint. Non statim, quæ nobis dura videntur, pro duris habenda esse; fieri enim posse, ut auctoris mentem non recte capiamus, aut ex ejus thesi consequentias deducamus, quas ipse non admittit. Non tamen improbat consilia de convocandis ex utraque parte Theologis doctis, prudentibus, pacificis, ut serio controversis capitibus examinatis, in timore Dei tentent, quo usque alter alteri obviam ire possit. Adhortatur tandem suos ac seipsum, ut si Lutheranis pacem inire nondum visum fuerit, ipsi tamen a sua parte omnia odia, simultates, dissidia & discordias, quæ pacem turbent, deponant, certi promissionum Divinarum de optationibus temporibus, quibus major erit in Ecclesia cognitio, & membra Jesu Christi profundam pacem colent.

Quod jam Commentarium ipsum spectat, probe quidem noverat Noster, paucos esse Scripturæ libros, in quos stylum magis exercuerint interpretes, quam in Epistolam ad Hebræos. Cum tamen expenderet, eam continere totam Veteris & Novi Testamenti Theologiam, ita ut ipsa intellecta, reliqui verbi Divini libri, ac profundiora mysteria arcanaque in iis contenta, ipsæ etiam antiquitates, ritus, mores, observationes atque ceremoniæ sacræ & profanæ, Prophetarum secretiora dicta & revelationes ænigmaticæ, sanctiores denique pietatis normæ ac regulæ intelligerentur, ad

ad quæ tamen omnia una non respiciunt interpretes reliqui quin laborem ab aliis sæpius jam iteratum in se susciperet, non dubitavit, operam potissimum dans, ut, quæ ad verborum & rerum intelligentiam, ad nexum & ad scopum Spiritus S. scitu necessaria, breviter, clare & solide exponeret. Quoniam vero Epistola ad Hebræos multum facit ad evertendos Socinianorum errores, hunc usum quoque constanter ostendit, & ne videatur, quod sæpe accidit, ipsis affingere, quæ minus concedunt, contra Schlichtingium inprimis aciem stringit. Expositioni Epistolæ præmittit Prolegomena, in quibus prolixè docet, eam jure haberi pro Canonica; autorem agnoscere Paulum, a quo scripta sit, cum Romæ sub imperio Neronis captivus detineretur, ad Judæos in dispersione; & tandem in scopum Scriptoris inquit, quem esse contendit avocationem Hebræorum ab observantia legis Mosaicæ, & adductionem eorundem ad Christum Servatorem. Unde tres contineat partes, 1. Exhortationem, ut, cultu Mosaico relicto, in Christum credant, a cap. 1 ad vers. 19 cap. 10. 2. Admonitionem ad veram pietatem, in fide & sanctitate perseverantiam, a v. 19 cap. 10 ad v. 20 cap. 13, & 3. Preces pro sanctis a v. 20 cap. 13. usque ad finem. Hinc nervose ostendit scopi partialis cujuscunque capitis cum scopo totius Epistolæ nexum.

Quoniam vero Noster probe novit, nexum inter veritates revelatas cum cura observatum multum facere, tum ad agnoscendam sapientiam, potentiam, bonitatem aliasque perfectiones Divinas, tum ad confirmandam Scripturæ sacræ auctoritatem Divinam, non singulis solum capitibus & versiculis contenta præfigit, atque nexum eorundem tam inter se, quam cum antecedentibus monstrat, sed in singulis quoque propositionibus, nexum inter subjectum & prædicatum, ex eorundem natura & analogia fidei, sicubi fieri potest, ostendit. Verborum significatum ex principiis philologicis, & collatione locorum parallelorum Scripturæ, ubi necessitas hunc laborem efflagitat, vindicare non negligit. Si quæ phrasæ ritum quendam sive sacrum sive profanum sapiunt, ita ut sine istius cognitione earum emphasis intelligi nequeat, ex antiquitatibus sacris atque profanis eundem enucleare, quemque phrasæ ad eum habeat respectum, docere studet. Singulorum quæ asserimus

mus, un. cum saltem proferemus exemplum, ut Lectori de nostro iudicio suum interponendi ansam demus. Ita e. gr. ad comma primum capitis. primi notat, vocem πολυμερῶς Græce sonare *pluribus partibus*, convenire autem cum Hebræo לפרקים, quod & partes & tempora notet. Verbum enim פרק significare *rupit*, unde descendat Germanorum Brechen/Belgarum breeken/sorte & Latino- rum fregit, ubi פ sit raphatum F, & p mutetur in G, quia ejusdem organi. Inde פרק idem esse ac μέρος, partem, ac πολυμερῶς idem, quod per plures partes, vel etiam per plura capita seu articulos, cum *perek* quoque significet caput vel articulum. Observat vero ulterius, פרק quoque notare definitum tempus, ut πολυμερῶς idem sit ac לפרקים multis temporibus. Omnes significatus hic invenire locum demonstrat, quia omnes gignunt sensum Scripturæ sacræ apprime conformem, ita ut nulla subsit ratio, cur unum potius intenderit Spiritus Sanctus quam alterum. Connectionem igitur prædicati atque subjecti hujus propositionis, *Dei multis temporibus per varias partes & capita locutus est*, ex diversis Fœderis gratiæ œconomis, ad quas Coccejus ipsiusque discipuli in demonstrationibus Theologicis recurrunt, deducit. Ita, ad com. 35. cap. 11. notat, vocem τυμπανίζειν descendere δὲ τὸ τυμπάνη, quod a verbo τύπω derivat & cum Hebræo הך convenire ostendit, & ex Suida & Scholiaste Aristophanis baculum significare probat, quo verberant, & juxta Stephanum denotare palum, ad quem alligati fontes fustibus contundebantur, observat. Unde cum non solum ex 2 Maccab. 6. v. 28, sed & Suida & Hesychio probari possit, tale olim supplicii genus obtinuisse, quo rei palo alligati & distenti baculis percuterentur, donec toto dorso pel- lis quasi extraheretur; per vocem τυμπανίζειν ab Apostolo illud designari, tandem concludit. Similiter ad comma subsequens e- jusd. cap. vocem ἐπελθῆσαν de tali supplicii genere interpretatur, quo fontes serra dissecabantur, cum tale supplicium olim obtinuis- se, ex 2 Sam. 12, 31. 2 Chron. 20, 6, ex Rabbiniis atque ex Patribus, ut Origene, Tertulliano, Hieronymo, Epiphanio, Justino Martyre &c. constet.

Cæterum cum Doctissimus Auctor nexum veritatum in hac Epistola revelatarum constanter explicet, eæ autem officium Christi

mediatorium, & omnem salutis sub Veteri & Novo Testamento dispensationem accurate declarent: quantum ad diversas foederis gratiae oeconomias distincte concipiendas in suo Commentario contulerit, quivis facile judicabit. Et quoniam idem argumenta Socinianorum ex ratione petita ex solidis demonstrationibus Metaphysicis accurate destruit, & contorsiones locorum Scripturae ab istis factas ipsis rationis evidentibus principiis contrarias esse demonstrat (cujus rei exemplum videas p. 547, ubi Socinianorum errorem refellit, Christum in principio potestatis esse dependentem a Deo, atque independentem in executione & operatione, & demonstratione Metaphysica evincit, nullam creaturam fieri posse a Deo independentem, ita ut nulla creatura independens a Deo concipi possit, quemadmodum nullus potest concipi Deus dependens) ad profligandos veritatis revelatae hostes multum omnino contulisse censendus est Autor in Theologia Coccejana & Philosophia Cartesiana versatissimus: quos suos in utraque progressus prorsus insignes luculenter demonstravit, non solum in scriptis pluribus antehac editis, sed & per *injuste* de aeterna Filii generatione ad calcem libri subjectum, contra eos directum, qui generationem aeternam Filii oeconomicam tantum esse affirmant: cum qua thesi non solum Tritheismum, sed & Polytheismum ipsum, eumque innumerabilium Deorum, necessario connecti, ex intimis Theologiae ac Philosophiae principiis evincit.

GYMNASII TICINENSIS HISTORIA ET VINDICIA, a Saeculo V ad finem XV. Autore ANTONIO GATTO, in eodem Gymnasio Antecessore.

Mediolani, typis Josephi Pandulfi Malatestae, 1704. 8.

Plag. 15.

QUAE in Karoli Antonii de Luca Melphictani libro, *Laurae Legalis* inscripto, & recensionem omnium fere publicarum Academicarum complexo, ignotum quo fato, quave incuria, praetermissa plane est celeberrimi *Gymnasii Ticinensis* seu *Academiae Papiensis* Historia, eam nunc ab oblivione vindicatam Vir omni erudi-

ditione præditus, *Antonius Gattus*, Mediolani, una cum Vindicis quibusdam typis evulgavit, non exiguo rei literariæ emolumento. Professos esse in eo omnibus sæculis Viros cujuslibet scientiæ clariores, Karolum illum Antonium de Luca, velut Jureconsultum, eo minus latere potuisse Gattus commonet, si modo ipsi noti Baldus, Præpositus, Jason, Decius, Curtii, Gallaratus, Torielli, Tortus, Costa, Menochius, Merenda, Ramos, Pechius & alii plurimi, qui Jus Civile in Ticinensi Schola publice docuerunt. Equidem operis difficultas ipsum quoque Gattum facile primum absterruerat, partim quod antiqua Universitatis & urbis monumenta undique perquirenti, post depopulationem urbis initio XVI sæculi, omnia interiisse referebant; partim quod ex veteribus Itatorum & Gallorum Scriptoribus soli Saccus, Breventanus, Spelta ac alii posterioris ævi Historici offerebantur. Ast quum fors inopina Romam Gattum perduxisset, tum *Justus Fontaninus*, celebris Cardinalis Josephi Renati Imperialis Bibliothecæ, cujus Præfectus est, copia ipsi facta, tum Abbas *Dominicus Passioneus*, Græcæ & Latinæ eruditionis studiosissimus, cum incitarunt, ut desiderium vindicandæ Ticinensis Academici, quod fere deperierat, rursus in ipso revivisceret, isque peregrinus in Urbe *Synopsis* ejus typis editam evulgaret. Quæ ad *CLEMENTEM XI*, hodiernum Pontificem Maximum, literarum amantissimum, delata effecit, ut ille Gattum ad osculum pedis admissum summa benignitate exciperet, & singularem dein quoque eidem per literas cujusdam honorei polliceretur. In patriam Roma reversus Gattus, nihil amplius, medias inter belli turbas, de edendo opere cogitasset, nisi ipsam suis literis ad illud edendum impulsissent Viri toto terrarum orbe celeberrimi, *Antonius Magliabecchius* & *Ludovicus Antonius Muratorius*, ille Regiæ Celsitudinis Magni Ducis Etruriæ, hic vero Serenissimi Ducis Mutinæ Bibliothecarius.

Itaque ubi in *primo, secundo & tertio* operis hujus, multam variamque eruditionem complexi, *capite* de urbis Ticinensis, ab Italis hodie *Pavia* dictæ, antiquitate & nobilitate quædam hucusque ignota præfatus esset, & inter reliqua, eam primum quidem municipium & coloniam Romanorum fuisse, deinde vero perpetuam Regum Longobardorum sedem factam, & in ea a Theode-

rico magnificum palatium, *Regia Ticina* & *Civitacula* seu sermone Italico *Citadella* dictum, fuisse exstructum, notato P. Eustachii a S. Ubaldo errore, qui perperam hoc ad urbis dedecus trahere conatus erat, comprobasset; nunc ad ipsius Gymnasii Ticinensis Historiam conversus, in *capite quarto* Scholas Ticinenses jam sub Boethio, qui A. 526 a Theoderico morte fuit damnatus, & Ennodio Episcopo, qui teste Guillelmo Cave A. 521 est præmortuus, floruisse demonstrat, opinione Sacci, Bellovacensis & Vossii de Ennodii ætate una rejecta. Dehinc *capite V* floruisse Ticini bonarum artium studia, regnante Karolo M. ex eo palam est, quod hic, antequam in Italiam veniret, ex ea urbe Parisios Petrum Pisanum, qui cum Julio Judæo disputationem illic habuerat, acciverit, edocerique ab eo Grammaticam in palatio suo voluerit, posteaque vicissim Joannem Albinum, Monachum pereruditum, qui cum mercatoribus ex Scotia Parisios venerat, *sapientiam venalem* se habere professus, Papiam misit, ut sublimiores illic scientias traderet. Id quod in *capite sexto* ulterius confirmat, contendens, quod licet Monachum istum, a Karolo Papiam missum, Sangallensis alique Albinum, aliqui vero Joannem vocent, utroque tamen nomine Joannem Albinum vocatum, non dubium sit; perinde ac Alcuinum, Karoli M. præceptorem, Flaccum Albinum nuncupatum scribat Joannes Mabillonius: quam sententiam etiam Jacobus Usserius in præfatione ad Epistolas Hibernicas adprobat. Ipsum autem Joannis Albini, Scoti, Papiam adventum circa A. 780 contigisse, id est quod in *capite septimo* ex Mabillonio conjicit. Posthæc in *capite octavo* ad Petrum Pisanum reverterus, tum hunc e Scholis Papiensibus ideo a Karolo M. in Galliam vocatum, ut primus esset Parisiensis Academiz institutor, cum Bulæo, Parisiensis Universitatis Historiographo; tum Scholas Papienses illis sæculis non Episcopales seu Cœnobiales, sed publicas & universales fuisse, comprobat. Quo facto in *capite nono* Monasterium S. Augustini Joanni Albino, seu locum illustrem, in quo scientias profiteretur, a Karolo M. assignatum; & in dicto Monasterio jam ante Karolum M. Benedictinos adfuisse; Canonicis item Regularibus in eodem ante annum MCCXXII locum datum, contra Joannem Mabillonium evincit. Ab his temporibus,

in

in *capite* subsequente *decimo*, Scholas Papienses in publicam demum Academiam cum privilegio Karoli M. & Ludovici Pii erectas conjecturat; & Synodi VI Ecclesiæ Gallicanæ de Scholis tribus publicis loco diligenter expenso, Innocentii Cironii & Ludovici Thomassini opiniones circa ejusdem loci intellectum refellit; ac præ cæteris quoque Monachi Sangallensis sive Notkeri Balbuli Hiltanam ab erroribus, ipsi a Joanne Launojo publice objectis, vindicat. Progressus abhinc in *capite undecimo* ad Karolum Calvum, ejusdem studium & amorem erga scientias magnis Nicolai & Joannis VIII Pontificum elogiis extollit, ex eo satis etiam elucescentem, quod Ticini Regio Longobardiæ diademate ab Ansberto Archiepiscopo coronatus, omnia Papiensibus, & sic probabiliter etiam Universitari ab Avo conditæ & a Patre protectæ, privilegia confirmaverit. Ubi & Papiam ab Hunnis postea incensam, sed non plane everSAM, contra Frodoardum & Hugonem Flaviniacensem affirmat; & celebrem inter Ottricum & Gerbertum coram Othone II disputationem addit. Circa A. M XXX Lanfrancum Papiensem, Magistrum omnium suæ ætatis doctissimum, Parisienses Scholas, a Petro Pisano institutas, restaurasse, eundemque Papiæ Anselmum de Badagio Mediolanensem, qui postea sub nomine Alexandri II ad Pontificatum evectus fuit, discipulum adeo sibi gratum habuisse in *capite duodecimo* meminit, ut quum Lanfrancus jam consecratus Archiepiscopus Cantuariensis Romam profectus esset, propter litem cum Thoma Eboracensi Archiepiscopo, ei Pontifex e throno assurrexerit, & ipsum, ut legitur in Vitis XXIII Abbatum S. Albani, his verbis exceperit: *Affurgo tibi tanquam Magistro, & deosculor tanquam Padagogum, & non tanquam Archipræsulem.* Cæterum hoc sæculo & superioribus, Jus Civile in Italorum Academicis, Italia a barbaris gentibus devastata ubique & oppressa, velut prorsus deperditum delituisset monet, donec regnantibus Innocentio II Pontifice Maximo & Lothario II Cæsare, in bello contra Rogerium Normannum, Amalphi seu Melphi, urbe Apuliæ, inventæ fuerint Juris Pandectæ, supra omnem memoriam diu ibi servatæ; & institutos inde promotionum ad lauream legalem ritus, quos aliqui jam sub Augusto initium habuisse, falso credant. Postea quum Academia Parisiensis a Lanfranco Papiensi ad vetustum,

decus restituta, ita floreret, ut seculo XII ingens Germanorum & Italarum multitudo ad eam conflueret, factum inde, ut Fridericus Ænobarbus, ne ex Italia & Germania Parisios peterent humanarum artium studiosi, eos insignibus privilegiis ad Germaniæ ac Italiæ Gymnasia A. 1158 Authentica *Habita* invitavit, quam Gattus idcirco integram in *capite decimo tertio* refert, ut ejus auctorem, occasionem & sensum a Lupoldi Beberbergii, Petri Rebuffi, Bulæi & aliorum falsis opinionibus, tum hoc, tum sequente *capite decimo quarto* vindicet. Nec successus etiam Ænobarbi conatum destituit. Nam privilegiis relatæ Authentiæ *Habita* literarum cultores invitantibus, ita in Italia publicæ scientiarum Academiæ floruerunt, ut Gattus in *capite decimo quinto* non solum Alexandrum Nechamum vere scripsisse credat, Parisiensem tum Academiam Philosophiæ & Sacra Scriptura Italicis, Jurisprudentia autem Italicis Parisiensi præcellere; sed & Petrum Danielem Huetium erroris notet, quod in libro Gallico de origine Fabularum Amatoriarum, vulgo Romanzi, perperam asserat, sæculo XII & XIII Italianam scientiarum & virorum doctorum fuisse prorsus ignaram; quum tamen istis temporibus Papias, Vir ille Græce atque Latine eruditissimus, Ordo Monachorum Cisterciensium scientiarum cultu insignis, Guarinus de S. Victore, Guillelmus Papiensis, Joannes Boslianus, Sinibaldus de Flisco & alii quamplurimi floruerint. Postmodum Scholas Papienses a Karolo IV non institutas, sed restauratas, ex ipso Cæsareo diplomate, *capite decimo sexto* allato, demonstrat, & ex eo Bernardini Corii, Paulli Merulæ, Laurentii Schraderi & aliorum complurium errorem, Ticinensem Universitatem demum hac ætate institutam, refellit. Atque denique in *capite decimo septimo*, quod restauratum a Karolo IV Papiense Gymnasium fuerat, a Bonifacio IX P. M. confirmatum, & a Ludovico Maria Sfortia, Duce Mediolanensi, novis privilegiis illustratum fuisse, ex utriusque diplomatibus confirmat.

Habemus ita in hoc libro, stylo undique terfo conscripto, celeberrimæ Academiæ Ticinensis per XI secula memoriam, una cum ejus Vindiciis aliisque rebus multo pluribus, Historiam Regum Longobardorum egregie illustrantibus. Et jam a Gatto, quæ in hoc opere promissa legimus, tum secundam Historiæ partem de

Viris Illustribus Universitatis Ticinensis, ad exemplum Antonii Riccoboni de Gymnasio Patavino dispositam, tum de *Antiquitate Urbis Ticinensis* librum singularem, tum alia usque adhuc desiderata, avide expectamus.

DISSERTATION SUR MAGNIA URBICA.

h. c.

DISSERTATIO DE MAGNIA URBICA, IN *QUA* demonstratur, hanc Augustam minime esse Conjugem Maxentii Imperatoris, uti quidem hactenus creditum fuit.

Parisius, apud Petrum Cot, 1704, 8vo. Constat plag. 5½.

una cum folio ære expresso.

REL nummarie studium, cui pretium nostra posuere ætate eruditorum quamplurimi, adeo feliciter succenturiatur superiorum temporum historia, ut juxta ordinem chronologicum concinnæ numismatum series ex omni fere metallo jam inveniantur, unoque quasi oculi ictu heroes, prout antiqua sibi succedentia secula factis suis illustrarunt, conspici queant. Fateri tamen omnino habet Dn. Genebrier, Medicinæ Doctor, & Dissertationis hujus ad Illustr. Dn. Foucault, Marchionem de Magny, exaratae Autor Nobilissimus, hæsitasse sæpe vel expertissima ingenia, circa rariores Augullorum Augustarumque nummos, quoties historia illorum nomina vel plane silentio involvit, vel corrupta exhibuit, ipsisque haud satis constituisse, quosnam nummophylaciorum angulos ornare debeant Marinus, Pacatianus, & Nigrinianus brevissimi ævi Principes, aut Barbia Orbiana, Cornelia Supera, & Severina, quarum mariti antiquariorum solertiam diu effugerunt. Noster vero Marino post Philippos sedem suam assignat, siquidem Zosimus ac Zonaras hunc Tyrannum sub Imperatoribus istis turbas in orbe Romano dedisse tradant. Pacatianum, post Chamillardi, Gallandi & Baudelotii investigationes, eodem referendum censet, cum celeberrimi illi viri ostenderint, Pacatianum eundem esse cum Jotapiano & Papiano Historicorum, quemadmodum contigit, ut illis Balatus aut Balbatus appellatus fuerit, qui in nummis Vabalathus,

thus, Diadumenus qui Diadumenianus, Aurelianus qui Aureolus exprimitur. Nigriniani ætatem in peculiari scripto curatius se definiturum promittit, quam huc usque factum, dum filius vulgo auditur Alexandri Tyranni Africæ, Maxentii tempore ad seditionem prolapsi. Quantum ad Barbiam Orbianam, quam alii Trajano Decio asseruerunt, uxorem illam Alexandri Severi statuit, quia in averſa parte nummi hujus Imperatoris viſitur; Hetrusillam e contra in matrimonio Decii vixiſſe; Severinæ autem Aurelianium maritum fuiſſe; Corneliam Superam Valeriano Juniori conjugem dari e conjecturis Triftani, quas tamen Clariffimus Vaillantius, perſpecta earum bonitate, calculo ſuo muniverit. Utcunque vero Imperatricibus hiſce de conjugibus proſpectum, Magniam tamen Urbicam, de qua diſſerendi campum ingreditur Noſter, inter incertas hætenus erraſſe Auguſtas, & congruum ſibi maritum oſculari haud potuiſſe. Licet enim Occo poſt Maxentium eam locaverit, illiusque veſtigia preſſerit Longelonus, Triftanum tamen idem faciendæ ingenuæ proteſtatum eſſe, non ideo ſe hunc ſequi ordinem, quod Magniam Urbicam uxorem Maxentii crederet, ſed quod certo perſuaderetur, eam Magnentium minime conjugem habuiſſe, ceu nonnulli putarint. Eadem oberrare quoque chorda Patinum atque Begerum, priorem quidem hoc cum additamento, Maxentio illam potius eſſe ſociandam, quam Magnentio, quia non conſtet, hunc ſobolem procreaſſe. Harduinum vero, quem a ſagacitate commendat, propius ferire ſcopum, dum Carini aut Numeriani contoralem Urbicam dixit, at cum rationem haud ſtringentem ſatis effato ſuo adjecerit, Oconis aliorumque ſequacium opinionem nunquam non prævaluiſſe. Notum videlicet erat, Maxentium patrem fuiſſe Romuli, alteriusque filii incerti nominis: cum itaque Magnia Urbica, illaudata alias in monumentis hiſtoriarum, in numiſmatibus elogio, *Venus Genetrix*, inſignita extaret, protinus eam Maxentio junxerunt paranympi nimis creduli, oſcitantiæ ſuæ haud ſiculneam excuſationem in lemmate iſto ſe reperiſſe arbitrati. Verum quam fallax, quamque lubricum ſit ejusmodi argumentum, nemo non deprehendet, utut lynceis oculis minime inſtructus. Noſter ſane, tacentibus Scriptoribus, quoties ad nummos tanquam triarios res rediit, examinare jubet

tum

tum Inscriptionem ipsam, tum literarum totiusque sculpturæ formam. Deinde & hoc præsupponit, cujuslibet Augusti Augustæque suæ, quin & liberorum suorum numismata, non modo in allegatis passibus, verum etiam in certis notulis, quæ infusam monetæ partem occupant, quam proxime ad se invicem accedere debere. Quod postulatum dum pluribus urget, characterum, qui a Gallieni inde ævo ad ætatem usque Numeriani, in nummorum vel media, vel inferiore parte (dans le Champ ou dans l' Exergue) copiose occurrunt, prælongum sylvæ colligit, quales exempli gratia adduxisse sufficiat: K A A, K A B, K A Γ. K A Δ, X X I A, P X X I, S X X I, S M S X X I. Mox hoc confectarium exinde elicit, quod si Urbicæ maritum agnovisset Maxentium, illius certe imagine signatum æs non dispares notas præ se ferret, quam hujus; quæ dissimilitudo cum habito examine manifesto se prodat, tutissime etiam pronuntiandum judicat, amborum nummos diversissimo tempore operas monetariorum exercuisse. Quin & sententiam suam adeo veram æstimat, ut, etiamsi historia Magniam quandam Urbicam conjugem perhiberet Maxentii, huic tamen, quæ in nummis obvia, aliud tempus aliumve maritum, cui major convenientia & monetæ & notarum inibi exsculptarum fidem conciliaret, sit quæsiturus. Cum enim Romulus æquales parenti suo Maxentio characteres gerat, eccur Urbicæ, quæ pro matre venditatur, absimiles adposuissent monetales? Ex eodem differentię fundamento refellit opinionem eorum, qui Magnentio aut Decentio Urbicam nostram nuptiis alligant, parum curantes veritatem Historicam, quæ illi unicam solum uxorem, Justinam scilicet, rarissimæ prudentiæ ac pulchritudinis foeminam, post mortem ejus Valentiniano junctam, attribuit.

Remotis igitur sententiis omnium minime probabilibus, ad Celeberrimum Harduinum, cui Magniam Urbicam Carino aut Numeriano, ut supra dictum, copulare visum fuit, jam descendit, ejusdemque conjecturam non destitui quidem ante laudata inscriptionis ac cælaturæ consonantia, lubenter fatetur, at cum Aurelianus, Tacitus, Florianus, Probus alique Principes adhuc supersint, quorum nummi pari gaudeant similitudine, matrimonia singulorum diligentius exploranda putat, priusquam alicubi subsistere de-

Ecc

tur.

TAB. IX.

Fig. I.

Fig. II.

Fig. III.

tur. Aurelianum quod attinet, illum statim choro hoc excedere autumat, quoniam Severina uxor ipsius noscitur. Tacitum vero, testante Vopisco, uxorem suam gemmis uti passum non fuisse; alienam itaque ab eo prædicandam Urbicam, quæ in nummo N. 1. adpicto margaritis ac pretiosis lapidibus onusta comparet. Florianum porro, duorum quippe mensium & præter Senatus auctoritatem Imperatorem, multo minus Urbicæ congruere. Deinde nec Probo eam vindicari oportere, cui longe alia ac diversissimi vultus foemina in metallione gazophylacii Regi, N. 2. hic expresso, ad latus statuitur, ceu ipsemet Autor instituta oculari inspectione deprehendit. Restare igitur Carum, ejusque filios Carinum & Numerianum, Augustos omnes, e quibus Magniæ Urbicæ maritum deligere fas sit. Se quidem a primo momento, quo nummos sequioris ævi congerere cœperit, conjugem ipsi adjudicasse Carum, tum quia nullibi memorent historici, uxorem Cari vita decessisse, antequam is Augusti fastigium ascenderit, tum quia nemo inficias eat, geminam illum sobolem e thalami consorte sustulisse. Ex adversa parte Carinum novem uxores duxisse ac rejecisse, pulsas plerisque prægnantibus; unde haud sublestum resultet indicium, nec satis temporis illum habuisse, ut unam earum Augustam declararet, neque etiam duos ex una liberos procreasse, animo ejus ad divortia adeo proclivi, quæ omnia ad Magniam Urbicam plane non quadrent. In Numeriano cessare equidem tot impedimenta, cessare tamen & argumenta probantia, matrimonii vinculum inter ipsum modoque dictam Augustam coaluisse. Quodsi autem in ejus fratribus locum substituaturs Carus, utriusque genitor, tum plana omnia atque expedita reddi. Epigraphen namque in nummo Magniæ Urbicæ, *Venus Genetrix*; nec minus aliam, *Pudicitia Augusta*, in numismate maximi moduli, cujus hic N. 3. eclypsum damus, prostantem, sese mutuo quasi respicere, egregieque asserto suo favere, siquidem duo parvuli, qui ad pedes Deæ Pudicitæ togati adsunt, pro Carino & Numeriano reputentur. Reliqua, quæ Nobilissimus Autor tam circa prænomen Magnia, quam circa nomen Urbica sollicitè conquisivit, B. L. majore cum voluptate ipsemet lustrare poterit, ut ita hic acquiescere nobis integrum credamus.

DIS-

TAB. IX. ad.

Fig. I.



Fig. IV.



Fig. VI.



Fig. VII.



MENSIS SEPTEMBRIS A. MDCCV. 403
DISSERTATION SUR NIGRINIANUS.

i. c.

DISSERTATIO DE NIGRINIANO, CUJUS
*Ævum summa hætenus incertitudine laboravit, deque aliis
Principibus, quorum nummi Antiquarios
sollicitos tenent.*

Parisiis, apud Petrum Cot, 1704, 8vo.

Constat 4 plag. tabulaque ænea.

PRomissi sui in commentatiuncula de Magnia Urbica facti non immemor Doctissimus Dn. Genebrier, M. D. Nigrinianum in epistola hac, ad celeberrimi nominis Philologum Dn. Baudelotium de Dairval conscripta, certiori quoque ætati asserere contendit. Occonis etenim vestigia sub Constantio eum collocantis, ac Sergii Consulis illo ipso tempore, quo Constans Magnentii insidiis perierit, collegam statuentis, merito vitanda judicat, tum quia cælatura numismatum Nigriniani, sub N. IV ad oculum patens, & characteres KAA inibi expressi, tum quia Inscriptio DIVO NIGRINIANO, ac Consecratio in averfa facie adjecta, seculo Constantiniano conciliari haud possent. Tristani vero conjecturam existimantis, Nigrinianum Alexandro, qui in Africa tyrannus extitit, filium dari posse, inniti saltem testimonio Zofimi, qui Maxentium ab Alexandro filium ejus, jam adultum atque oris venustate inprimis commendabilem, fidei obsidem sibi depoposcisse narrat. Cum igitur historia nomen ejus taceat, descriptioni cæterum allatæ Nigrinianus in nummis satis congruat, occasione inde suspicandi Tristano obortam, hunc ipsum forte Alexandrum parentem habuisse. Quantumvis autem speciosa videatur ista conclusio, nihil tamen in se ponderis continere Noster arbitratur, siquidem regula alibi a se tradita, quod eorum Principum numismata, quorum ætas in unum incidit tempus, tam quoad sculpturam atque epigrapham, tam quoad notulas circumstantes sibi simillima esse debeant, firmo talo consistat. Jam vero differentiam inter Alexandri & putativi filii ejus Nigriniani nummos adeo notabilem sese exserere, ut nulli ambiguum esse queat, quin longe dispare ævo ambo vixerint, Nigrinianeque etiam moneta propter characteres KAA, ad decem-

TAB. IX.
Fig. IV.

Ecc 2

num

nium illud , quod Aurelianus , Tacitus , Florianus , Probus , Carus ejusque liberi fascibus suis nobilitarunt , utpote quo dictarum literarum usus invaluit , ableganda veniat. Indagaturus itaque Nobilissimus Autor , sub quo Principum illorum Nigrinianus ad regiminis partem adspirare potuerit , seculi istius gesta prolixè recenset , luceque meridiana fere clarius ostendit , inter Tyrannos sen qui tumultu concitato Augustale nomen involarunt , locum ipsi haud competere. Deinde anquirat , num filiis aut consanguineis memoratorum Imperatorum annumerari possit , atque in Aureliani vita , varia scopo suo accommodata se reperisse autumat. Vopiscum filium sororis suæ ab eo interfectum perhibere : quidni is Nigrinianus fuerit , quem vel invidiæ emolliendæ causa , vel ob detestatam ejus innocentiam , consecrari curavit Aurelianus ? Nec quicquam porro obstarè , quin filius ab ipso met susceptus haberi queat , etiamsi Vopiscus de filio nihil plane dicat , imò filiam solam eum reliquisse testetur. Hujus namque silentium rem minime conficere , & si quam maxime concedatur , superstitem tantum fuisse Aureliano gnatam , annon & vivo parente filius decedere potuit ? Provocat ideo non solum ad Suidam , qui sanguine uxoris filii sui manus polluisse Aurelianum affirmat , sed ad Acta etiam Martyrii S. Columbæ , quæ nuptiis filii hujus Imperatoris puissimam formidam tentatam memorant , ut Soli aliisque Deatris sacrificaret. Quodsi ergo Aureliano , suffragantibus Scriptoribus , filium tribuere liceat , non improbabile quoque reddi , eundem Nigriniani nomen , ab uxore , Nigrinia forte dicta , mutuasse , ceu Domitianus a Domitia nomen accepit , quandoquidem Nigriniæ & Nigriniani nomina apud Romanos a longo jam tempore celebrata fuerint. Neque tamen opinioni huic mordicus inhaeret Nobilissimus Autor , sed pro ingenii sui felicitate , aliam suppeditat conjecturam ab exquisita similitudine , quæ inter Nigriniani nummos & Cari atque Numeriani consecrationem exhibentes intercedit , petitam. Nigrinianum scilicet Numerianum forte patrem agnovisse , cumque eo ab Apro interemtum , a Carino vero , qui omnibus superstes vixit , Diis adscriptum fuisse hariolans. Utri jam sententiæ adstipuleris , deprehendes sane , Nigrinianum nullo modo Constantini Africæ Tyranni familiæ aggregandum , sed ad Augustorum ætatem , quorum

MENSIS SEPTEMBRIS A. M DCC V. 405

rum supra mentio facta, referendum fore. Jam ulterius pergit Noster, nimisæque credulitatis arguit, qui e Galerio Maximiano & Maximiano Juniore diversos sibi fingunt Augustos, multisque demonstrat, unum eundemque Principem sub dispare latere nomine, ipsissimum nempe, qui a Flavio Valerio Maximiano, cui Senioris interdum appellatio tam in nummis, quam in marmoribus tribuitur, in consortium Imperatoriæ dignitatis adsumi meruit, nec inficiandum certe, asserto ejus figuras N. V. VI. VII & VIII egregie favere. Quantum ad numismata verbis DN. CONSTANTIIUS JUN. NOB. C. signata, quorum specimen N. IX prostat, non Constantio Constantini filio illa, sed Gallo fratri Juliani Apostata vendicanda, cum Celeberrimo Harduino sentit, pluribusque argumentis hoc inventum deducit. Tantum de ipsa epistola. In præfamine autem objectionibus Dn. Henrionis, qui in consessu Academiæ Inscriptionibus intentæ, d. 14 Nov. 1704 problema ejus de Magnia Urbica Cari uxore operose refutaverat, abunde respondet, novas easque pereruditas suggerens rationes, quibus vinculi istius conjugalis probabilitas evinci possit.

TAB. IX.
Fig. V. VI.
VII. VIII.

Fig. IX.

DISSERTATION SUR LE JANUS &c.

h. c.

DISSERTATIO DE JANO ANTIQUORUM, deque nummis eo pertinentibus.

Parisiis, apud Petrum Cot, 1705, 8vo.

Plag. 3¼.

SCopus hujus opusculi, Illustri Foucaultio, Marchioni de Magny, Regis Galliarum Consiliario Status atque in Inferiore Neustria Præsidi, a Dn. Gros de Boze nuncupati, eo tendit, ut, quicquid vel mythologia, vel historia, vel res denique nummaria de Jano notatu maxime dignum offert, id curiosis omne in nuce, quod ajunt, proponatur. Inter alia vero non injucunde disquiritur, num Jani templum Imperatorum gentilium more obserari jussisset Constantius Constantini filius, quoniam Ammianus Marcellinus tale, quid Histor. libr. XVI de ipso affirmet: *Concluso Jani templo, fratrisque hostibus cunctis, Romam gestiebat visere.* Sed Autori

Ecc 3

no-

nostro persuasum est, priora verba non in propria, sed tropica significatione accipi oportere, ut bellum penitus confectum, pacemque initam designent: siquidem & in honorem Ludovici XIV Franciæ Regis nummus missilis cum Jani templo fuerit cusus, addita inscriptione: *J'en ay la clef*; unde tamen paganismum adhuc in Gallia vigere, nemo temere suspicabitur. Occasione autem Calendarum Januarii, quibus præcos olim Consules munia sua quotannis in æde Jani auspicatos fuisse constat, haud sibi satis exploratum monet, nunquid ejusmodi solemniū Augusti etiam subsequentes, sub auspiciū regiminis sui peregerint? Licet enim Clarissimus Vaillantius hoc statuere videatur, propter nummum Pertinacis, in cujus averſa parte Janus bifrons cum lemmate, *Jano Conservatori*, apparet, attamen cum reliquorum Principum ne ullus simile sacrificiū in nummis celebrari fecerit, proinde peculiarem ibi subesse rationem Noster existimat, eandemque e Julio Capitolino depromendam, utpote qui Pertinacem ipsiſ Calendarum Januarii ad Reipublicæ clavum adscendisse refert. Quo admisso, sponte etiam sua inde fluere, Imperatorem ipsa Jano sacra die ad istud fastigii evectum, haud alii Numini convenientius, quam Jano, sui suarumque rerum conservationem publice commendare potuisse.

GEORGII WOLFFGANGI WEDELII INTRO-
ductio in Alchimiam.

Jenæ, sumptibus Johannis Bielkii, 1705, 4.

Constat 8 plag.

Etiamſi exoſa maxime Medicis ſit, exploſa vulgo, & male audiens communiter Alchimia, valet tamen & de ea illud Philoſophi: Introite, etiam hic Dii ſunt. Non negligenda enim eſt Ars Alchimiſtica, cum ſit neceſſaria, licita, honeſta, jucunda, utilis, & cautos nos reddat atque pios. Quæ cum perſpexerit Illuſtris Wedelius, in Chimica arte nulli ſecundus, animum induxit, præſentem de Alchimia adornare Introductionem, ſelectioraque inſimul ingenia ad hoc ſtudioſum invitare, eademque excitare, ut communi vel diviſa opera ſolvantur ænigmata, ſeparentur inutilia,

ex-

explorentur arcana, parcatur una inutilibus sumptibus, omniaque, Spiritus Sancti auspiciis, ad Divini nominis gloriam & humani generis commodum impendantur.

impossibilem equidem esse, arguunt quidam, specierum diversarum immutationem, seu naturam spectes, quæ eandem abhorret, seu artem, quæ non ultra naturam sapit; obscura esse, omnia, quæ scribant Alchimistæ, & hoc ipso recondi & oculi fraudes; dissona minimum tradi, absurdis & incognitis terminis ludi; processus si desideres, reperiri integra plaustra, in fine abire in fumum & cineres omnia; hinc contemptui & scommatibus vulgi sese exponere, & carceribus, tormentis aliisque gaudia concepta lueri, qui arti huic invigilent, existimant. Quanquam autem negari non possit, fraudes quandoque subesse, vel conceptas, vel illatas ab aliis; habet tamen fundamentum suum ars. Cum enim volatile possit figi ab igne, a miscela, a fixantibus aliis, immaturum, maturari, digeri & exaltari, aurum vero hinc & argentum sulphure & mercurio puro, eoque fixissimo gaudeant; credibile est, nec pro absurdo habendum, idem reclusum, pansum, digestum & exaltatum posse corrigere & fixare metalla reliqua fermento seminali, ut centraliter inde digesta & exaltata, fixato alteratoque sulphure, & mercurio, immutari & converti in aurum possint, pollentia singula unctuositate intime obvolvante partes terreas lutasas & mercuriales. Cujus rei experimenta allegat Author Clarissimus, artemque olim ab Ægyptiis, Arabibus, Græcis & Romanis exercitam esse pronunciat. Artificibus interim commendat pietatem, lectionem & meditationem, singulorumque sedulam repetitionem, ac continuationem. Nolle enim eos oportet genium Scriptorum, obscurum, parabolicum, ænigmaticum; distinguere Authores, quos solos fere adire & audire datur; cognoscere naturam, ignem, ejusque regimen & administrandi modum, avaritiam odisse & taciturnos esse. Peculiaris est & ab omnibus aliis diversus modus tradendi & scribendi Alchimistarum, quod partim antiquitatem sapit sapientiæ Veterum mythologicæ, partim secretam, artem, quam velut studio magis involvere & obvelare quam detegere ac docere voluere. Hinc modo per signa, modo per characteres, modo per numeros, modo per figuras, modo per colo-

res,

res, modo per nomina nova rem explicuerunt. Quoad materiam universalem, in partes abiere Alchimistæ, & quot capita, tot sensus, quot nomina, tot res in experimenta vocatæ fuere, ut nihil fere tam absurdum sub Sole videatur, quod non in censum venerit. Sic alii in elementis eandem indagarunt, ut in terra, tam pura, Virginea, Adamica, quam in uliginosis nigro-rubentibus pratorum & fossarum cespitibus; item in aqua, rore, pruina, quin imo & in aere. Verum hæc materia non nisi remotissima est, hinc alii ad tria naturæ regna animum applicuerunt, ex vegetabili tartarum e.g. seligendo, ex animali urinam, stercus, semen humanum, & salivam præparando, ex minerali vitriolum, sal commune, nitrum, sal ammoniacum, arsenicum, cinnabarim, Saturni mineram tractando. Plerisque tamen argentum vivum & antimonium arrisit. Est enim mercurius metallum quasi indifferens fluidum, volatile quidem adhuc, sed fixandum facile, cum auro symbolisat pondere & substantia, & pollet sulphure occulto. Sic antimonium duo continet metallorum elementa, sulphur & mercurium, finit aurum privative & positive, solvit idem blandissime, ac intime, dealbat & calcinat. Non autem absolvitur tinctura uno solo ingrediente, sed minimum duobus, quod maris & foeminae symbolo innuere voluerunt, nec abnuerunt tamen tertium, sed velut spiritualem amorem vocando magis quam corporalem. Utut vero plurimi unum fere ac solum aurum eligant & intendant, tanquam nobilius ac instar omnium; non pauci tamen ob fixitatem & communes cum auro dotes, etiam argentum in hunc censum vocant, ut hinc tinctura duplex detur ad rubrum & ad album. Usui quod concernit Lapidis Philosophorum, adhiberi hic dicitur (1.) ad metalla ignobilia tingenda in perfectiora, (2.) ad robora viscera, spiritum vitalem, & tollendos morbos, chronicos præsertim, alioquin per naturam curabiles, (3.) ad gemmas artificiales, (4.) ad vitrum malleabile reddendum, (5.) ad dignoscendam DEI Opt. Max. admirandam sapientiam, vel sola cognitione contento animo, (6.) ad vitam producendam. Tacemus pietatem, eleemosynas & alia. Sed nec desunt, qui Alchimia abutuntur; siquidem dantur, qui ex professo negant, Lapidem Philosophorum auri materialis conficiendi esse medium & medicinam,

ar-

arbitrantes, totum illud opus non esse nisi avaritiæ vel persuasio-
nis vanæ prætextum, indeque nata figmenta; moraliter potius in-
telligendos esse Philosophos, sive primam & ultimam causam scru-
tatos, alios materiam, alios generationem & corruptionem, mor-
tem ipsam, alios non nisi Deum Optimum Maximum; singulos
hoc vel illud velut lapidem seu terminum, atque principium, in
quo omnis cogitatio acquiescat, ac figatur, posuisse. Seorsim ul-
terius Christiani progressi, ad divina & sacra applicavere hoc ipsum,
ita ut alii artem penitus negaverint, alii affirmarint quidem, sed
eandem ad universa quasi religionis arcana traxerint. Imo alii
tria principia chimica materialia ad S. S. Trinitatis mysterium perquam
absurde & tantum non impie applicarunt. Alii ipsam Scripturam S.
huc detorquent, & maxime Canticum Salomonis, Apocalypsin &c.
unde materiam & colorem & nihil non arcessunt, ne dicam uni-
versam Salvatoris nostri passionem, mortem, resurrectionem, ad-
scensum ad cœlos, & reliqua huc trahi. Tangendus denique &
ille est abusus, ne fallatur, vel spem vanam sibi quis concipiat,
fraudentia quacunque inductus, multo minus malitia & pravitae
adulterandi aurum & argentum.

ANTIQUITATES WALCKENREDENSSES,

oder

*Historische Beschreibung der Kayserslichen Freyen
Reichs-Abten Walckenried/zc.*

Seu

*DESCRIPTIO HISTORICA LIBERE IMPERIALIS
Abbatie Walckenredensis, Ordinis Cisterciensis, qua celebratissima
quondam fuit. Autore JOHANNE GEORGIO*

LEUCKFELD, Pastore Primario

Groningensi.

Lipsiæ & Nordhufæ, apud Carolum Christianum Neuenhahn,
1705, in 4to.

Constat Alphab. 4, plag. 9.

Percelebris olim fuit Abbatia Walckenredensis, dignaque adeo
in qua describenda non unus Auctorum desudaverit. Primus

Fif

Jo-

Johannes Letznerus, editis plurimum cœnobiorum historiis satis notus, sed nimium credulus auctor, antiquitates Walckenredenses collegerat, cui labori cum esset immortalus, incidit in ejus schedas Johannes Eckstormius, & ex illis *Chronicon Walckenredense*, immutato paulum, quem Letznerus secutus fuerat, ordine chronologico, Latine composuit ediditque Helmstadii, A. 1617, in 4. Enimvero Johannes Henricus Hoffmannus, diligentissimus apud Cellenses Archivarius, perlustrato opere Eckstormiano, & collatis nonnullis manuscriptis rarioribus, & plurima latuisse Eckstormium, nec pauca ab eo incerta fide relata reperit, quod iustis ad eam historiam subsidiis omnino fuisset destitutus. Quamobrem ipse *Rerum sive Antiquitatum Walckenredensium libros X* consignare instituit, quorum tamen non nisi tres priores absolutos in schedis reliquit. Quantum demum Clarissimus Leuckfeldius hic præstiterit, qui & Hoffmannianis illis reliquiis diligenter usus est, & varii generis monumentis aliis ac scientia rerum monasticarum Germaniæ instructissimus, ad consignandas has *Antiquitates Walckenredenses* accessit, facile judicare poterunt, qui eas vel leviter inspexerint. Nos, cum prolixum nimis foret, singulorum capitum iusto ordine dispositorum lemmata huc transcribere, præmissis tantum nonnullis de institutione Abbatiae, speciminis loco de jure Advocatiæ in eandem, c. P. II, C. 2 quædam memorabimus, collatis etiam iis, quæ huc c. P. I, C. 18 & 22 pertinere videbuntur.

Nimirum Abbatia Walckenredensis in pago Saxoniae Inferioris Zurrigau, qui Thuringiae proximus est, sita, nomen quidem villæ cuidam Gertrudæ Nordheimensis Comitissæ, quæ eodem in loco fuisse quondam memoratur, institutionem autem Adelheidi Comitissæ de Clettenburg debet, quæ Cisterciensibus, paulo post Ordinis institutionem, A. 1127 sedem illic concessit, & sumtus liberaliter suppeditavit, horrendis quidem imprecationibus in eos, qui male illis usi fuerint, effusus. Hinc tametsi non neget Auctor, in ea Abbatia non minus atque in reliquis Cisterciensium monasteriis, supremum Advocatiæ jus solis Imperatoribus & Imperio fuisse proprium, quorum privilegia Walckenredensibus concessa recitat P. I, C. 18, illos tamen probat Advocatiam inferiorem Comitibus primum Clettenbergensibus, & eorum stirpe A. 1260 deficient-

ciente, Hohnsteiniiis, ad quos & eorum ditio pervenit, demandasse. Et licet, mortuo A. 1323 Abbate Johanne, ab Hohnsteiniorum, quippe excommunicatorum, Advocatia sese quodammodo subtraxerint Walckenredenses, impetrato eodem anno ab Imperatore Ludovico privilegio de eligendo novo Advocato, electisque postea Comitibus de Werningerode, jus tamen ipsum tantum abest ut penitus amiserint Hohnsteinii, ut potius integrum retinuerint. Id quod vel ex eo liquet, quod, cum tempore reformationis Carolus V A. 1551 supremam tutelam monasterii in se suscepisset, Hohnsteinio deinde Comiti Ernesto imperatum fuisse edicto Ferdinandi Regis, ut pro eo, quod ipsi incumbat, inferioris Advocatiæ munere, curaret diligenter, ne quid in ea Abbatia detrimenti paterentur sacra Pontificia: ut taceamus, Ernesti hujus filiis, solenni postea formula, A. 1557 jus illud ab eodem Ferdinando fuisse confirmatum. Interim inficiandum non est, Fridericum III Imperatorem, publico decreto A. 1457 lato, Ducibus Saxoniae & Landgraviis Thuringiae universis injunxisse, ut tutelam Walckenredensis Abbatiae sui & Imperii nomine in se susciperent. Proinde cum ob res novas ab Abbate Joanne Holtegelio (is enim primus A. 1543 Protestantium sacra in monasterium introduxit, quæ deinde A. 1546 cura Johannis Spangenbergii firmata & stabilita sunt,) suscepta, inter ipsum & Ernestum Hohnsteinium haud satis conveniret, Mauritius Dux Saxoniae, postea Elector, ut ea occasione in stabilimentum juris sui uteretur, unum atque alterum A. 1546 ad Abbatem delegabat, qui denunciarent, Ducem coenobium, in quod vetus ipsi jus esset, occupare, & Pontificios abusus abrogare constituisse; quod cum prolixis sed modestis litteris deprecatus esset Holtegelius, mox Dresdam, & cum eo venire variis de causis recusasset, Lipsiam vocatus est, quo in loco de monasterii rebus cum Mauritio egit. Hinc etsi Abbas ipse Mauritio clam faveret, eisdemque quotannis pullos equinos duos in recognitionem juris titularis mitteret, Ernestus tamen suæ domui, tum jure territoriali, tum hæreditario, Abbatiam Walckenredensem, si monachos in ea deficere contingat, competere scriptis assererat, quæ monachi ipsi suo calculo approbant. Magis de tuendo hoc jure, mortuo postea A. 1552 Ernesto, qui Pontificiis perquam deditus

erat, filii ejus quatuor laborabant, & ne Abbas equos illos ad Mauritium deinceps transmitteret, serio prohibebant. Unde cum aliquoties Mauritius, frustra tamen, illos postulasset, demum A. 1553 in expeditione adversus Albertum Marchionem Brandenburgicum occupatus, pernociansque in eo conobio, ita compellasse Abbatem dicitur: *Qui sit, Domine, quod equos nobis non mittis?* (*Herr! wie kömmt's, daß ihr uns die Fohlen nicht schicket?*) cumque is respondisset, *Domine Clementissime, quod factum hactenus non est, fiet deinceps*, (*Gnädigster Herr! was nicht geschehen ist, soll noch geschehen*) subjecisse, *bene facis, ita enim erimus amici*, (*Da recht! so bleiben wir Freunde.*) Postquam in eadem expeditione occubuisse Mauritius, juris sui armis prosequendi occasionem nactus deinde est successor ejus Augustus, eo quod novus Abbas Jacobus Marsilius cum Hohnsteinis Comitibus in præjudicium monachorum fuisset pactus A. 1564. Quamvis enim pactum illud confirmasset Maximilianus II Imperator, attamen Monachi ad Augustum se contulerunt, qui mox anno sequenti, militum manu, ductu Henrici de Saltze, in monasterium immissi, & jam dilapso Marsilio, alium Abbatem Wolfgangum Langium, eligi a monachis curavit. Delata inde ad Cæsarem querela, ita demum Dresdæ A. 1568 conventum est, ut Abbatia Walckenredensis, præter Comites Hohnsteinios, superiores etiam tutelares Electores Saxonix habere, eisdemque, loco equorum antea transmissorum, trecentos florenos annuos exhiberet, & præterea quantum quemque puerum scholæ Walckenredensi, quæ tum florere coeperat, ab illis commendatum suis sumptibus aleret. Verum, ut verbis in pariete quodam ejus monasterii conspicuis utamur, *A. 1574 jus tutelare permutatione a Domo Saxonica devolutum, est ad Reverendissimum & Illustrissimum Principem Henricum Julium postulatum Episcopum Halberstadensem, D. Brunsvic. & Lunenburg.* Qui etiam A. 1592, Comite Hohnsteinio ultimo vita functo, Comitatum sui juris fecit, & Administrator hujus monasterii a Canonicis est electus & declaratus. Henrico Julio mortuo, Fridericus Ulricus, ac deinde Christianus Ludovicus, Duces Brunsvicenses, atque post hujus obitum Georgius Wilhelmus, constituto A. 1665 inter ipsum & Johannem Fridericum fratrem

pacto, Abbatiam tenere. At cum Brunsvico A. 1672 capto, nova inter Duces Brunsvicenses pactio, Dannenbergensis Comitatus Cellenfi stirpi transcriberetur, vicissim Walckenredense cœnobium ad Cellissimos Duces Brunsvico-Guelpherbutanos, Rudolphum Augustum & Antonium Ulricum pervenit. Et hæc quidem hæcenus. Cæterum Auctor singularem ubique rerum Germanicarum scientiam prodens, & singulis fere capitibus universaliores quasdam observationes præmisit, & ubi occasio, de pluribus aliis Germaniæ monasteriis erudite disseruit. Sic e. g. P. I, C. 3 de Cisterciensium institutione, C. 5 de monasteriorum origine, C. 6 de monasteriis Portæ Mariæ & Sichenensi, quæ a Walckenredensi derivantur, C. 7 de dedicationibus templorum, C. 13 tum generationem de monasteriorum, tum speciatim de Walckenredensium Fraternitatibus, C. 14 de reliquiarum veneratione, & obiter de reliquiis, Aquis asservatis, C. 16 de anniversariis a monachis passim celebrari solitis, C. 22 de usu & necessitate reformationis; P. II, C. 2 de origine advocatiæ monasteriorum, C. 3 de officio ac dignitate Abbatibus, C. 7 de officio Prioris accurate egit. Demum Latina quædam supplementa e manuscriptis & impressis libris rarioribus adjecit. Illud tamen & monendum, Auctorem post recensitos scholæ Walckenredensis Rectores atque Conrectores, de pluribus viris eruditissimis, qui ex ea prædiere, agere constituisse, quod tamen consilium, ne in nimiam molem liber excreceret, mutavit. Optandum autem, ut & quæ de his collegit, & quæ alia de monasteriis Germaniæ prelo parata habet, ex instructissima penu propediem promat.

ANNALES ORDINIS S. BENEDICTI AUCTORE

Domno JOHANNÉ MABILLON, Presbytero & Monacho ejusdem Ordinis & Congregatione S. Mauri.

Tomus primus & secundus.

Lutetiæ Parisiorum, apud Carolum Robustel, 1703 & 1704, in fol.

Constant Alph. 18.

Post editam in lucem Historiam Actorum Ordinis Benedictini Sanctorum, quorum Seculum sextum, quod est a nato Christo

undecimum, in h'is Eruditorum Actis A. 1703 pag. 463 recensuimus, Benedictinos nunc Annales multo studio, & dexteritate non minori, Clarissimus Mabillonius composuit, inque iis res monasticas, inde ab ortu S. P. Benedicti ad nostram usque ætatem, per secula amplius undecim in Occidente gestas, latius excussit, amplumque adeo illorum temporum Ecclesiasticæ Historiæ spatium feliciter emensus est. Labore autem improbo heic opus cumprimis fuisse, haud inficiabitur, qui differenti in præfatione Mabillonio attenderit, quippe in qua de antiquissimorum monumentorum defectu admodum conqueritur, cum Majores sui Ordinis facere optimam, quam scribere, magis solliciti, de Historia adornanda digerendisque Annalibus parum cogitaverint, quippe quibus prima cura fuerit de moribus formandis, & ad regulæ ipsis familiaris normam componendis, post quam illustrium quorundam sanctitate Virorum præclara facta in literas referre, inque exemplum aliis proponere ipsis visum fuerit. Non defuisse tamen plane notat, primis etiam illis seculis, historiarum Scriptores, (quanquam hi illustrandæ potius patriæ suæ aut domesticæ historiæ, quam monasticæ, in scripta redigendæ operam impenderint, sive, quod difficile esset per illa, tempora literarum commercium, sive quod disjuncta essent a se invicem monasteria, nulla fere societate confederata;) in qua classe extiterint apud Italos *Paulus Warnesfridus & Erkemperius*; apud Gallos *Aimoinus, Glaber-Rodulfus, Hugo Flaviniacensis, Ordericus Vitalis*, multique alii, ex Anglis *Venerabilis Beda, Ingulfus, Guilielmus Malmesburiensis, Matthæus* uterque, *Westmonasteriensis & Parisius*, aliique magno numero historici nec pauciores apud Germanos, in quibus *Lambertus Schafnaburgensis* sit præcipuus, qui omnes patriis suis historiis, si quæ in monasteriis Benedictinis commemoratu digna ipsis occurrerent, inserere non omiserint. His adjungit *Reginonem Prumiensem, Hermannum Contractum, Marianum Scotum, Sigebertum*, qui generalis Historiæ indices potius scribentes, quam Annales, de rebus quoque monasticis quasdam retulerint particulas. Primum e Benedictinis, quod quidem sciat, librum de Viris illustribus sui Ordinis scribere aggressum esse sub finem seculi quarti-decimi observat *Raymundum de Rialaco*, monachum Conchensem apud Ruthenos, qui librum suum in-

qua-

quatuor partes distribuerit, in quarum prima agat de summis Pontificibus Ordinis monastici, in secunda de sanctis Martyribus, in tertia de Episcopis, in quarta denique de Abbatibus & Monachis, uti legatur in codice Lirinensi, in quo hic liber habetur. Antea cum tamen *Petrum Casinensem* libros duos, unum de viris illustribus, alterum de sanctis ac justis Casinensibus conscripisse refert, & neutrum vidisse ait *Jobannem Trithemium*, qui primus hoc de argumento scripisse haecenus creditus sit. His accessisse monet Martyrologiorum monasticorum Scriptores, quos inter primas teneat *Guillelmus*, Abbas S. Pauli in Urbe, patria Cadurcensis, qui A. 1372 Calendarium omnium sanctorum monachorum, nec dum editum, composuerit; præ quo longe notiores vocat *Arnoldum Wion* Belgam, qui sequaces postmodum habuerit *Hugonem Menardum* e Gallis, e Germanis *Gabrielem Bucelinum*, & *Aegidium Cranbeck*, qui Calendarium itidem Benedictinum quatuor tomis cum æneis figuris non ita pridem vulgaverit. Paulo minus prolixum appellat Martyrologium *Thomæ Maibeuf* Angli, qui Trophæa Benedictino-Anglicana tribus in voluminibus suspenderit, iisque quartum de Scriptoribus adjecerit. Multum quoque ad historiam Benedictinam contulisse fatetur ejusdem nationis *Clementem Reinerum*, qui insignem librum, Apostolatum Benedictinorum in Anglia nuncupatum, ediderit. Tandem vero sub initia præcedentis seculi, *Antonium Tepeium* Hispanum, Vallisoletanum Abbatem, quod nemo ante eum tentaverit, generale totius Benedictinæ historiæ Chronicon scribendum suscepisse innuit, virum sane doctrina & eruditione ad id perficiendum non mediocriter instructum, qui istud ad sex, ut vocet ipse, centurias perduxerit, inque seculo duodecimo subsisterit. Verum quia non satis amplas ad prolixum opus istud suppetias in promptu habuerit, ac præter Baronii Annales, vitasque sanctorum quorundam, & Hispaniæ monasteriorum tabularia, cætera fere ipsi defuerint, historiam suam omni ex parte absolutam ipsum reddere non potuisse, addit, ac veretur, ut quid elimatius ac solidius elucubrare potuerit *Constantius Cajetanus*, qui in Commentario ad vitam Gelasii II profiteatur, se habere præ manibus Annales Benedictinos, quos propediem sit editurus. Defectum ergo illum passim adhuc ob-

vium

vium cum deprehenderent primarii Congregationis S. Mauri Praepositi, delectos & suis studiosos fratres ad colligenda Benedictinæ historiæ monumenta designasse memorat, qui perlustratis tum Galliarum, tum aliarum regionum bibliothecis & archivis, copiosam inde suppellectilem retulerint, e qua ante omnia Sanctorum Benedictinorum Acta primigenia, tanquam præcipuum historiæ hujus fundamentum, in unum corpus redacta, & in lucem emissa sint, cum *Acherii Spicilegio* tomis tredecim. His magna ex parte vulgatis, *Ludovicum Bultellam*, postquam monasticæ historiæ Orientalis specimen edidisset, Occidentalem itidem, id est, Benedictinam, Gallico idiomate ab origine pertractare aggressum esse meminit, at primis duobus voluminibus, quæ quatuor seculorum facta contineant, in lucem emissis, dum sequentium temporum historiam prosequeretur, subita morte correptum, opus imperfectum eum reliquisse dolet.

His interim aliisque quibusdam subsidiis instructum se aduendum hoc negotium auspiciatum esse affirmat, & Annales hos in libros secundum annorum, quoad licuit, seriem distinxit, quandoquidem hanc factorum in suas classes distributionem magis historice methodo convenire autumavit, quam continuam cujuslibet, vel Monasterii vel Sancti historiam. Cæterum ad omnes haud descendit minutias, nec proinde integras cujusque monasterii, exceptis quibusdam illustrioribus, historias perscripsit, nec singulorum abbatum, virorumque illustrium, vel prioratum, nec omnium denique sacrarum cujusque loci reliquiarum indices contexere sibi proposuit. Videas econtra amplissimam ipsi materiam suppeditatam, non a florenti modo Ordinis statu, verum etiam a prolapsonibus ipsius, uti & mirificis subinde renovationibus, quas longo ordine recenset, & alia subinde admiscet, quæ Lectoribus vel ob jucundam varietatem non poterunt non gratissima accidere. Nos in gustum aliqua hinc decerpemus, & quæ vel ad monasteriorum diversorum historias, vel ad sanctorum, virorumque ac forminarum alias illustrium, vitam & res gestas, vel ad antiquos ritus atque consuetudines, vel ad classes ejusmodi alias referri merebuntur, specimina digito indice commonstrabimus.

In Tomo itaque primo, qui libros complectitur octodecim, & ab ortu S. Benedicti, ad annum usque Christi septingentesimum per-

per-

pergit, monasteriorum tot historiam texit, quot referre instituti certe nostri haud est. Provocamus modo ad ea, quæ de *Lirinenſi*, seculo quinto ineunte condito, p. 13, de *Aganenſi* p. 29, de monasterio *S. Germani Autisiodorensi* p. 46, de *Casinenſi* p. 55, & passim alias; de *Terracinenſi* p. 64, de *S. Maximini Trevirensi* p. 153, de *S. Marcelli monasterio Cabilonenſi* p. 173, de *S. Radegundis parthenone Pictavensi S. Crucis* p. 192, deque ejusdem monasterio *Virorum* p. 200, de monasterio *Luxoviensi* p. 211, *Westmonasteriensi* p. 285, de *Basilica S. Dionysii* p. 340, de *S. Juliani monasterio Autisiodorensi* p. 366, de *Floriacensi* p. 380, de *Corbejensi* p. 444 (plura ut taceamus) ex historia antiqua disserit. E numero personarum sanctitatis aut doctrinæ causa illustrium, aut quovis alio ex capite celebratorum, primas fere tenet triga Virorum undiquaque decantatissimorum, sanctus puta *Benedictus*, cujus vitæ delineatio per libros quinque priores se diffundit, sanctus deinde *Maurus*, & qui ex temporum ordine postremus est, *Gregorius Magnus*, cujus scripta quoque prolixius recensentur, ejusque missio Augustini in Angliam argumentis non unis p. 241 asseritur. Præter hos ex innumeris fere nominamus *Clarum* atque *Maximum*, S. Martini discipulos; *S. Lupum*, qui postea Trecentis fuit Episcopus, ejusque fratrem germanum, *Vincentium*; *Casarium*, Episcopum Arelatensem; *Augendum*, Condatiscentium Abbatem; *Fulgentium*, Episcopum Ruspensem; *Dionysium Exiguum*, cujus cyclus examinatur; *S. Remigium*; *Turibium* monachum, quem ab Episcopo distinguendum statuit; *S. Emilianum*; *Sylverium* Papam, monastica veste indutum; *S. Albinum*, Episcopum Andegavensem; *S. Placidum* martyrem; *S. Germanum Capuanum*; *S. Germanum*, Episcopum Parisiensem; *Chlotarium*, cujus obitus imprimis & sepultura in S. Medardi basilica refertur, p. 146; *Nicetium*, Episcopum Trevirensensem; *S. Radegundem*, ex Regina monacham Pictavensem parthenonis S. Crucis; *Guntchramnum* Regem, qui utrum factus fuerit monachus, in dubio relinquitur, p. 227; *S. Columbanum*, Abbatem Luxoviensem; *Hildefonsum Toletanum*, quem velut insignem virginitatis Mariæ patronum Autor introducit, p. 458; *Fructuosum*, Abbatem Complutensem, *S. Audonem*, &c. Ad consuetudines antiquas &

ritus olim receptos referimus, quæ narrat de monachis in Clericos & Laicos jam olim distingui solitis p. 18; de negato foemina in basilicas monasticas aditu p. 86; de genere poenitentia ab Episcopis & Presbyteris non raro ob crimina graviora, & maxime ob homicidium impositæ, dum in partibus Franciæ interioris mos inoleverit, ut quisquis propinquum suum gladio peremisset, & postea poenitentia ductus ad Pontificem crimen admissi facinoris detulisset, hanc modo poenam luere necessum habuerit, ut isto decernente, ex ejus gladio ferrei nexus componerentur, & collum, homicidæ, venter atque brachia constringerentur ex istis ferreis vinculis, sicque is ex patria pulsus peregrinaretur Romam, ac per diversa Sanctorum loca, usque dum divino nutu vincula illa resolverentur, p. 87; de Eucharistia monacho insepulto a S. Benedicto missa, p. 89; de S. Benedicto, num moribundus sub utraque specie communicaverit, p. 114; de precum exauditione e pannorum ad sepulchra sanctorum deferri solitorum pondere colligi solita, scilicet immisso sepulchris palliolo seu panino prius ad stateram appenso, orantes jejuni vigiliis ibidem aliquot agebant, & post voti sui compos se futuros credebant, si panaum inde pondere graviores efferrent, p. 145. De Abbatum & Abbatissarum ordinatione solenni, tempore Gregorii M. jam tum recepta, agit p. 254; de tonsura, insigni monasticæ professionis, & nonnisi jacto tirocinio collata, p. 259; de monasteriis virginum in provincia Batava, monachorum administratione & præsidio gubernatis, p. 314; de Advocatis monasteriorum institui coeptis circa A. 644, p. 399; de juramentis ad reliquias Sanctorum factis, p. 453, & quæ illius generis plura sunt. Jactata quibus volupe est cognoscere miracula, largam eorum segetem in Benedicti imprimis vita reperient, suscitatosque ibidem defunctos, dæmonem alapa inflicta fugatum, & quæ sunt alia, deprehendent. Quod Chlodoveus, ob raptum S. Dionysii brachium, mente privatus fuerit, in dubio relinquere videtur, p. 423 seq. at antea p. 418 eundem impunem, anno regni sui quartodecimo, cum Gallia gravissima fame laboraret, absidem super ejusdem Dionysii sepulcrum a Dagoberto erectam, & puro tectam argento spoliari, istudque spoliū per Aigulfum monasterii abbatem, egentibus ac peregrinis distribui jussisse, observat. Mirum est, quod p. 555 perhibet

de

de Fratre quodam monacho ministrante, cui nomen Cædmonis, qui, tametsi poeticam nunquam didicisset, carmina tamen religioni ac pietati apta, ex tempore Anglica lingua pangere, ac perite canere noverit, nihil unquam frivoli aut profani componere solitus, sed ea tantum, quæ ad religionem pertinerent. Curiosus forte haud displicebunt, quæ p. 549 in medium affert de picturis quibusdam veteribus, Petrum tres claves manibus gestantem referentibus, circa quas conjecturas suas eo tendere affirmat, quod illæ forsan originem traxerint e cœlesti civitate Jerusalem, in visione Ezechieli & Johanni ostensa, quæ in quadro posita ex parte qualibet tres portas habuerit, Ezech. XLVIII, 31 seq. Apoc. XXI, 13. Quanquam & compendiosius dici posse admittat, tribus illis clavibus significari cœlum, purgatorium & ecclesiam militantem, aut certe tres orbis partes tunc notas, in quas Petri se extendat autoritas.

Hæc ex Tomo primo allegare visum fuit. Secundus res gestas ab A. C. 701 ad annum usque 849 complectitur, & methodo prorsus eadem, quam in antecedenti observare placuerat, res ejuscemodi notatu dignas, quales hæcenus commemoravimus, ab oblivione vindicat. Quinque tamen præ cæteris majori observatione digna Autor ipse judicat: conversionem nimirum Germanorum & Septentrionalium populorum ad Christianam fidem per Benedictinos promotam, itemque vitæ monasticæ in illis plagis propagationem; scholarum deinde publicarum, cum iisdem in locis, tum in aliis, institutionem, ex qua literarum & sacræ doctrinæ traditio, quoad illa quidem tempora tulerint, ad posteros promanavit; tum institutionem sacri monasterii Casinensis, curatam per Petronacem Abbatem & Casinates monachos, qui post ejus eversionem a Longobardis factam, Romæ in patriarchio Lateranensi confederint; primam porro monasteriorum Ordinis S. Benedicti ad primigenias leges reformationem; ac catholicorum denique, ceu vocat, dogmatum defensionem, a Benedictinis susceptam & peractam. Magnam insuper per illa tempora de cultu imaginum apud Orientales disceptatio cum fuerit, latius de eadem hinc inde dissevit, ac Johannem Damascenum, Platonem, Theodorum Studitam, aliosque, exilia, carceres, varique tormentorum genera pro eo pertulisse refert. Et cum hæc controversia in Gallicanas

quoque partes promanarit, autore imprimis Claudio, Taurinensi Episcopo, qui cultum istum impugnare & profligare annis sit, Pipini, Caroli M. & Ludovici Pii, Regum, cura atque studio effectum dicit, ut ne latius hoc malum serperet; unde calamo tantum & stylo in secus sentientes actum fuerit, viam reliquis aperiente *Theodemiro* Abbate, tum *Dungalo Recluso*, quibus *Jonas Aurelianensis* Episcopus, & *Walefridus Strabo* Augienfis Abbas accesserint. De his vero viris illustribus, itemque de *Paschasio Radberto*, *Lupo Ferrariensi* Servati aliquando cognomine insignito, *Rabano Mauro*, *Wandalberto*, *Ussuardo*, *Adone*, *Notkero*, *Haimone Halberstadiensi* episcopo, *Rairamno*, aliisque singularia & jucunda plurima commentatur.

Uterque Tomus appendices peculiare nactus est, & primus quidem duplicem, quarum prior *Apologiam* exhibet *antiquæ traditionis*, quæ ab ipsis Ordinibus Benedictini incunabulis, ad hæc usque tempora, inviolate deducta perhibetur, quod nimirum *S. Maurus a Benedicto in Gallias missus fuerit*. Hanc apologiam studiosè composuit *Theodoricus Ruinartus*, de qua A. 1703, p. 438 diximus, eidemque subjuncta est Dissertatio de *Gregorii M. Monastico instituto*. Altera appendix varia exhibet monumenta, nondum hæcenus edita, probationi tamen enarratorum in ipso Tomo multum servientia, quæ maximam partem accepta referri debere dicit Claudio Stephanotio, Romæ nuper mortuo, dum Procuratoris officio pro Congregatione S. Mauri illic fungeretur, quippe qui multa Collectaneorum volumina, tum ex Gallicanis Bibliothecis & Archivis, tum ex Italicis congesserit. Secundi Tomi appendix monumenta ejusdem generis, diplomata & alia his similia exhibet, inter quæ sub num. 56 excerpta apparent ex epistola Joannis Schilteri, Jurisconsulti Argentoratensis, de *siu loci Campi mendacii*.

Nec illud prætereundum autumamus, nonnullas etiam picturas, quæ quid momenti continent, æri incisas in hoc opere exhiberi, quas inter duæ imprimis eminent, Monasterii Casinensis prospectum conspectumque repræsentantes, & post pag. 56 Tom. II insertæ. Quemadmodum de cætero peculiare de *Scriptoribus Benedictinis* opus pollicetur Autor solertissimus, in quo singulorum recensere opera, & a genuinis dubia ac spuria fecernere in-

instituit; sic duobus hisce Tomis duos alios, qui jam typis parati sint, quamprimum successuros spondet, in quibus ad seculum usque duodecimum perductam haberi Historiam Benedictinam inauit.

CAUSA QUESNELLIANA.

Sive

MOTIVUM JURIS PRO PROCURATORE CURIAE Ecclesiasticae Mechliniensis contra P. PASCHASIUM QUESNEL &c.

Bruxellis, 1704. 4. Constat 2 Alph. & 13 plag.

Multis ab annis celebre est *Paschassi Quesnelli*, Presbyteri Oratorii Berulliani, nomen, quod cumprimis operibus Leonis M. editis, & convictu ac familiaritate cum Antonio Arnaldo summa illustravit. Hunc eadem, quæ Gabrielem Gerberonium, de quo proximo Junii mense p. 242 sqq. diximus, mansere fata. Cum enim alterum ejus cohortis, quam Jansenianam vocant, caput haberetur, multisque ab annis in Belgio, præsertim Bruxellis latitasset, jussu Archiepiscopi Mechliniensis captus, publiceque a Procuratore Curiae Ecclesiasticae accusatus, cumque effracto carcere abiisset, die decimo Novembris A. 1704 lata ab Archiepiscopo censura damnatus est, velut Jansenismi convictus, & excommunicationem commeritus. Ut hujus sententiæ causas nemo ignoraret, jussit eas Archiepiscopus hoc libro in lucem proferri, addito ingenti probationum numero.

Procurator in Præfatione de turbis hæctenus in Belgio per varios libellos contra Episcopos excitatis conqueritur: ubi inter alia narrat, Petrum van Hamme, Presbyterum Congregationis Oratorii, ob disseminata talia scripta, ab Archiepiscopo Mechliniensi die 29 Octob. A. 1701 condemnatum; Gerberonium, Quesnellum, & Arnoldum Josephum Brigodæum, quem Quesnelli Secretarium vocant, die 30 Maji A. 1703 Bruxellis captos; & hunc quidem, postquam crimen falsus esset ac deprecatus, dimissum fuisse, præterea Nicol. Blanckart, Presbyterum Ordinis Begardorum, ejusdem fabulæ socium, Jansenismi causa damnatum esse, atque palam

odiam die 3 Julii A. 1704 cecinisse, Quesnellum vero, nocte inter 12 & 13 Septembris A. 1703, effracto carcere aufugisse.

Sequitur Archiepiscopi Edictum citatorium, quo jubetur, Quesnellus ad XXIX articulos respondere, die 13 Februar. A. 1704 publicatum. Atque in articulorum illorum probatione, per universum volumen Auctor se diffundit. *Primum* accusationis caput Quesnello exprobat, quod, postquam jussu Superiorum Oratorii Berulliani, formulam Jansenianæ condemnationis subscriptione sui nominis approbare renuisset, e Gallia in Belgium aufugerit, ibique sub laica veste delituerit; quam in rem Acta Comitiorum Oratorii, Epistola Quesnelli ad P. Henr. Norisium, postea Cardinalem, aliaque hujus generis adducuntur. *Alium* caput coedit, quod in Belgio varias excitavit turbas. Nimirum quod Ægidium de Witte, Decanum Mechliniensem S. Mariæ trans Diliam, qui de Pontifice Romano irreverentius senserit, cujusque quatuor Propositiones a Facultate Theologica Lovaniensi damnatæ p. 23 recensentur, editis libellis quibusdam defenderit (quo loco asseritur, ea, quæ post annum 1687 sub Arnaldi nomine prodierint, vel eidem attribuantur, scripta, illo jam languescente, & Quesnello elaborata esse;) quod Patres Oratorii Montensis contra capita Ordinis in negotio Janseniano suscitavit; quod Duacenam Academiam, edita A. 1688 sub nomine Gery Apologia Historica duarum Censurarum Lovaniensis & Duacenæ, turbaverit; Jacobum Gilbertum, Theologum ejus Academiæ, A. 1687 a Parisiensibus Theologis Jansenismi causa damnatum (cujus censuræ formula p. 42 seq. extat) nec non Fr. de Laleu, Rivettium, Lignium, aliosque Professores Duacenos, ob VII Propositiones Jansenismo affines, jussu Gallorum Regis ex Academia ejectos, & juverit, & defenderit, quorum ad Quesnellum & Quesnelli ad eos Epistolæ multæ, aut earum excerpta adducuntur; quod imperatæ ab Episcopis Belgis subscriptioni Formulæ Anti-Jansenianæ omnibus modis obstiterit, cumprimis vero contra Archi-Episcopum Mechliniensem libellum, *Tres-bumble Remonstrations*, ediderit; quod Ecclesias Fœderati Belgii, Romano Pontifici addictas, ad novandum constanterque in novationibus persistendum, & Pontificis decretis obstinendum animavit, Hugoni Heussenio, Ægidio Wittio,

An-

Andree Schurio, Carolo Bontio, Guilielmo Prauwelio, Johanni Christiano Erkelio, aliisque clericis Hollandicis (quos in Pontificem contumaces & injurios, allatis eorum literis Auctor citat) amicus, consultor adjutorque fuerit; quod Archiepiscopi Sebasteni causa omnis ab initio ejus arbitratu gesta sit, in quo perstringendo Auctor p. 105 seq. multus hic est, plurimasque ejus & amicorum ac secretarii Donkeri Epistolas in ejus præjudicium publicat, ac novos Catechismos, usumque sacrorum, præsertim Missæ, in vernacula ab eo in Ecclesias Belgicas inductum conqueritur: quo loco utrumque Pontificis Decretum contra Sebastianum p. 127, 157, Breve Pontificis ad Clerum Hollandiæ p. 146, Cardinalis Paulucci Epistola lectu dignissima ad Sebastianum p. 158, nec non Quesnelli Consilium, quo Clero Hollandico suadet, ut Decretis Pontificiis non obtemperet, p. 139 seq. inseritur, libellique pro Archiepiscopo Sebasteno hactenus editi p. 160 seq. sub censuram vocantur. *Tertia* accusatio Quesnello imputat, quod Mich. Baji doctrinam renovaverit, novæque operum ejus editioni faverit: *quarta*, quod Jansenii hæresin propugnaverit; quo loco celeberrimus Du Pin, ex Epistola quadam ad Quesnellum scripta p. 170, Jansenismi suspectus redditur, eaque accusatio p. 245 allato Pontificis contra illum decreto confirmatur; decretum Episcopi Aptensis contra notas Quesnelli in Novum Testamentum p. 178 seq. inseritur, idemque liber multorum omnino errorum, adductis ex eo locis variis, accusatur. Articulo V Quesnellus accusatur, quod Pontificis decretis in causa Jansenii latis detraxerit, tanquam fraude obtentis vel alteratis: Art. VI, quod jussurandum *falsi* Janseniani, ab Alexandro VII imperatum, exigere sacrilegum & toti Ecclesiæ injuriosum esse dixerit: Art. VII, quod post Breve & Decreta Innocentii XII contenderit, sensum formulæ Anti-Jansenianæ obvium non damnare sensum a Jansenio intentum: Artic. VIII, quod contra Alexandri VII declarationem propugnaverit, factum Jansenii, quod vocant, sub Innocentio X non fuisse examinatum: IX, quod publice dixerit, nondum advenisse tempus reddendi Jansenio justitiam, & illatam ipsi injuriam reparandi, minatusque sit, se Jansenii defensionem contra Clerum Gallicanum suscepturum esse.

Prolixissima est accusatio X, in quam fere omnia, quæ reliquis

liquis capitibus continentur, denuo relata sunt. Agit ea de factione Janseniana, ea præsertim, quæ Arnaldo auctore orta, ad nostra usque tempora per Galliam & Belgium serpat. Enarratis etiam Arnaldi, Pascali, Nicolii aliorumque veterum factis, Arnaldo in ea factione Abbatis, Quesnello Prioris, Ernesto Ruth d'Ans Canonico Bruxellensi Sub-Prioris nomen datum a sociis refert, Quesnellum vero post Arnaldi obitum, præcipuum ordinis universi rectorem fuisse, singulis fere annis a sociis conventicula habita, & de communi causa actum esse (cujus rei exemplum aliquod, allato Conventus A. 1701 Mechlinii habiti Decreto, p. 264 datur) collectas pecuniarias identidem fuisse collatas, quibus præsertim Ludovicus Vaucelius, qui res Jansenianorum communes Romæ curaverit, & Jo. Libertus Hennebel, qui Jansenianorum Lovaniensium causam ibidem egerit, alerentur; data quoque sociis nova nomina, ut Arnaldus diceretur *Davi*, sive *Davides*, Quesnellus *M. de Fresne*, Vaucelius *Walloni*, quinimo Papæ etiam, Regi Galliarum, Cardinalibus & Ecclesiæ Præfulibus nova ab illis agnomena in privatis literis data esse, quorum clavem p. 320 seqq. Lector inveniet, unde Procurator *undecimam* accusationem petiit. Cum primis vero legi meretur Epistola Jansenianorum præcipuorum, ad Legatum Regis Galliarum Comitem d' Avaux A. 1684 scripta, quæ p. 256 exstat; in qua illi Regi Gallorum per Legatum pacis quasi condiciones obtulerint eo tempore, quo armistitium inter eundem, & ejus hostes sanciebatur. Accusatio XII Quesnello imputat novam editionem libri, qui *Phantasma Jansenismi* dicitur, a Clero Gallicano publice condemnati: XIII, quod de damnatione Dissertationum suarum ad Leonis M. Opera, a Congregatione Cardinalium Indicis librorum prohibitorum publicata, contumeliosissime scripserit: XIV, quod literas in Pontificem Romanum, Cardinales, Episcopos, Regem Galliarum, & eum, qui nunc Hispaniarum Regnum usurpat, nimium quantum injurias ad alios dederit, & ab aliis acceperit; qua in re Procurator admodum prolixè versatur: XV, quod Senatum Regium Montensem, ob prohibitos publico Decreto, (quod p. 392 integrum datur) libros Jansenianos, indignis modis tractarit: XVI, quod proscriptos a Pontificibus Gerberonii libros dilaudaverit, auctoremque multis modis adjuverit: XVII, quod sedi-

tio-

tiosa Ernesti Ruth d'Ans, amici sui, scripta limaverit: XVIII, quod acriter invecus sit in eos, qui quadraginta Doctores Sorbonicos, propter notissimam ad Casum Conscientiæ Jansenianum respon- sionem, (quæ una cum Brevibus ea de causa a Pontifice scriptis, & plerorumque ex his palinodia, p. 404 seq. inseritur) damnarunt, iis- que qui a pristina sententia discessere, perfidiam exprobravit: XIX, quod Archiepiscopum Parisiensem, Cardinalem Noallium, versus quem summam publice professus fuerit venerationem, privatim ca- villis variis perstrinxerit: XX, quod varia scripta prohibita hæte- nus ediderit, vel recudi curaverit. Adscribuntur autem Quesnel- lo auctori, & hic & aliis locis, sequentes potissimum anonymi aut pseudonymi libri: *Novum Testamentum cum Notis Moralibus, Testamentum spirituale Arnaldi, Fides & Innocentia Cleri Hol- landici, Causa Arnaldina, Defensio duorum Brevium, Status Aca- demie Lovaniensis, Traditio Ecclesiæ Romanæ de Gratia, Apolo- gia Historica Censuræ Lovaniensis & Duacensæ, Disciplina Eccle- siæ, Bubursius convictus, Justificatio Arnaldi*. Accusatio XXI in- geminat, multa Quesnelli scripta Romæ proscripta esse, v. gr. Ob- servationes in Leonem, Apologiam Censurarum, Causam Arnal- dinam, quædam etiam tortoris infami manu combusta esse: XXII turget, Historiam Congregationis de Auxiliis, cujus embryonem, ut ait, Serrius Dominicanus conceperat, a Quesnello expolitam, invitoque Senatu Regio publicatam esse: XXIII, eundem, dum in carcerem redigeretur, edendis aliquot libris prohibitis operam navasse: XXIV, Quesnellum edendi voluminis magni CLVI scriptorum Jansenianorum, consilium cepisse: XXV, eundem Arnaldo morienti Sacramenta secreto ministrasse: XXVI, cum privata auctoritate in ædibus suis sacra fecisse: XXVII, eum & contempsisse excommunicationem, aliosque, ut eandem temne- rent, docuisse: XXVIII, eum Decreta Pontificis contra libros novaturientes multoties singillasse: denique XXIX, eum varia scriptis suis inseruisse, quæ Pontificum Bullis e diametro opposita sint.

Atque hæc singula potissimam partem ex schedis epistolis- que in Quesnelli musco, cum caperetur, inventis, & mira copia hic adductis, nec non ex amplissimis librorum ejus excerptis proban-

H h h

tur.

tur. Subneſtitur Archiepiſcopi lata A. 1704, die 10 Novembr. contra Quesnellum ſententia; in qua, repudiata ejus proteſtatione, reus criminum hætenus recenſitorum, & in excommunicationem delapſus pronuntiatur, jubeturque, ut in monaſterium aliquod Gallicum, agendæ poenitentię cauſa, ſe conferat, atque ab omni in Dioceſin Mechlinienſem reditu excluditur.

IDEÆ GENERALE, &c.

i. e.

*IDEA UNIVERSALIS LIBELLI, QUI SUB TITULO MOT-
vi Juris Procuratoris Curia Eccleſie Mechlinienſis con-
tra P. Quesnellum editus eſt, auctore PA-
SCHASIO QUESNELLO.*

. . . . 1705, plag. 7, in 12 maj.

Aldito Quesnelli accusatore, fas eſt eundem cauſam ſuam non deferentem, ſed pro virili ſe defendentem, non prorsus negligere. Pollicetur ille prolixam ad Cauſam Quesnellianam Reſponſionem, cujus prodromum eſſe *Ideam* hanc vult, queſtus ante omnia in Præfatione, ſe nequaquam jure ut fugitivum tractari, cum injuſte captus ſit, forum Archiepiſcopi legitimis rationibus recuſaverit, Divinoque auxilio, cujus multa indicia recenſet, ſit liberatus. Inde in opella ipſa, teſtatus animum ſorte ſua contentum, adverſariisque plane non inimicum, XIX enumerat Artificia, quibus accuſationem iſtam niti, detectis que iſtis omnino everti opinatur. Nam I reticere prorsus ait proteſtationem ſuam (cujus ſummam repetit) legitime contra forum Archiepiſcopi, quippe ſibi inimiciſſimi, factam, quæ cum ab arbitris repudiata ſublataque non ſit, ipſo jure nullum eſſe ait, quicquid contra ſe Archiepiſcopi nomine agatur. II diſſimulari a Procuratore ait, quod ſine antegreſſa facti informatione in carcerem reductus ſit. III Romani Pontificis mandatum falſo prætendi, neque per iſtud excuſari Archiepiſcopum poſſe docet, qui recuſatus licet, & inimiciæ erga ſe convictus, ſententiam tamen ferre non deſtiterit. IV Adverſarii ſui probationes pleraſque ex epistoſis aliſque ſchedis vi ſibi ereptis, truncatisque, & Jeſuitarum manibus (profeſſis que adeo inimicis ſuis) traditis peti-

titas esse monet, easdemque V maximam partem rejectaneas esse, & per plures adeo annos neglectas in scriniis delituisse, privatas denique & animi interdum causa aut sub fide amicissimi silentii scriptas; posse hoc pacto vel innocentissimum quemvis, si privata secretissimaque ejus scrinia expilare liceret, criminibus obrui; talia vero, cum cogitationum jure utantur, puniri non posse, nec ad humanam jurisdictionem pertinere. VI admonet, adversarium suum schedas istas sæpenumero male intellexisse, v. gr. quando voces jocosas in Gratiam a Nicolio recens inventam dictas, in Gratiam universalem, quam Jesuitæ defendunt, vibratas esse contendit; ubi VII addit, exemplisque probat, eundem ficta in schedis istis nomina interdum male interpretatum esse, atque inter alia Stephanum & Michaellem le Vassor confudisse. VIII & IX urget, quam plurima prorsus aliena, augendi voluminis seque vel mole ista opprimendi studio, Causæ Quesnellianæ inserta esse, ac præterea se suosque velut professos Ecclesiæ hostes, erga quam sint inviolabili reverentia, depingi, excitandi solum odii gratia. X eodem consilio seditiosas sibi voces imputari scribit, cum summa ubivis cum veneratione, Galliæ præsertim Regi, causas rerum exposuerit, inque præpotentium adversariorum præventiones, & ministrorum artes, culpam omnem rejecerit; falli sane vel optimos Principes, neque tamen ægre ferre, si ex errore revocentur. Addit XI ea, quæ inter Regem Gallicum & Vicarios Apamienfes, jussu arbitratoque Pontificis, gesta sint, malitia cum insigni sibi & Janсенianis imputari; nec non XII Auctorem Causæ Quesnellianæ ipsum Regem Ecclesiamque Gallicanam, ejusque de auctoritate Pontificis doctrinam, audacter cavillari, damnatam seditiosamque nominare; quo loco Quesnellus infallibilitatem, quam vocant, Pontificis dudum ab Ecclesia, interque alios a Jac. Masenio Jesuita, repudiatam esse probat. XIII falso sibi imputatum affirmat, quod Paulum per omnia, & sine ulla subordinatione, Petro æqualem esse statuerit, atque hujus farinae alia. XIV ad Cleri Hollandici causam se confert, maleque turbas istas sibi imputari contendit. Consilium, quod rogatus secreto dederit, se non nisi maxima cum circumspectione, planeque non ea intentione, ut sibi obscurarent Clerici, qui Sebasteno Archiepiscopo adhærent, dedisse;

consilium vero, quod citra fraudulentum animum detur, consulti damnosum esse non posse, quippe cum vel sanctissimorum consilia, (v. gr. Augustini, cum Bonifacio Comiti ingressum in monasterium dissuaderet) interdum male cadant. XV factionem sibi aliisque Arnaldi amicis injuste tribui affirmat; non alio se consilio, quam defendendi Augustiniani de gratia dogmatis causa unitos esse, parique jure Augustino, Prospero eorumque amicis factionis crimen inuri posse. XVI Brigodæum, quem male Secretarium suum vocari ait, excusat; XVII autem summa sibi injustitia adscribi dicit libellos quosdam, ad quos manu sua nonnulla corrigens aut ludens adscripserit, maxime vero postrema Ant. Arnaldi scripta, qui tertio vel quarto ante obitum die adhuc scribendis libris operam dederit. XVIII Vaucelii acta sibi inepte etiam imputari ait, eique ipsi multa injuste vitio dari, exemplis docet. Denique XIX adversarium loca quædam suarum in Novum Testamentum Notarum in sensum minus orthodoxum rapuisse conqueritur.

*TRACTATUS DE JURE PRIMARIARUM PRECUM,
Autore JOHANNE EHRENFRIED MAYERO U. J. D.*

*Sacr. Reg. Majestatis Dan. Norveg. nec non Reverendiss. Sereniss. Abbatissæ Quedlinburgensis
Consiliario.*

Quedlinburgi, apud Th. Ph. Calvisium, 1704 in 4. Constat 14 pl.

Consultissimus Autor, a prima origine Jus primariorum precum repetiturus, initio rei Christianæ penes clerum & populum constitutionem ministrorum Ecclesiæ, neglectis summarum Potestatum suffragiis, fuisse, eumque constituendi modum adeo postmodum placuisse censet, ut Divinæ & Apostolicæ traditioni, i. e. eodem interprete, legi universali & immutabili, Cyprianus eum adscribere non dubitaverit. Ex quo autem Principes Christo nomen dederunt, cum universa rei Ecclesiasticæ cura, istam etiam juris sacrorum partem, jure quodam regulari eos sibi vindicasse; id quod exemplis nonnullis, ex Historia Romana, Francica, Germanicaque defunctis, Noster illustrat. Sed infelicibus Henricorum

tem-

temporibus, jura Imperatorum, per Pontifices Romanos, fuisse imminuta, ut tamen illi reliquias aliquas, ex priori jure Regio circa sacra, quasi e communi naufragio, servarint, ad quas etiam pertineat Jus Primiarum Precum. \ Hujus igitur tum nomen, tum indolem, allata definitione, explicat Consultissimus Autor, illudque ex jure patronatus Regio, seu jure sacrorum repetit, adductis etiam aliis titulis minus principalibus, quales esse censentur jus patronatus vulgare, antiqua consuetudo, & advocatia seu protectio Ecclesiarum universalis. Postea rejicit titulos falsos, inter quos primo loco comparet privilegium Papale, ex quo Curia Romanæ asseclæ jus primiarum precum repetunt, quodque quatuor potissimum argumentis, a suprema Pontificis circa sacra potestate, Concordatis nationis Germanicæ, propria Imperatorum confessione, ac bulla quadam Pontificia, a Speculatore, ut ferunt, visa desumptis suffulciunt; quæ singula Noster diluit. Alii existimarunt, Imperatoribus primarias preces ex eo competere, quod olim fuerint Cathedralium Ecclesiarum Canonici; sed nec hæc sententia calculum Nostri meretur: quemadmodum ipsi nec illi probantur, qui superioritatis territorialis titulo jus hoc Imperatoribus vindicant; virtute tamen Regalium his illud attribui posse, amplius idem existimat, modo terminus ille recte accipiat. Expofita Juris primiarum precum origine, Doctissimus Autor ad universam Germaniam, i. e. regiones, quæ adhuc Imperio Romano-Germanico subsunt, illud vim suam extendere docet, eamque doctrinam variis quæstionibus, in specie ea, an in Episcopatu Metensi, Tullensi & Verdunensi, idem adhuc effectum fortia- tur ? illustrat; cumque jus illud in quolibet collegio Clericorum, ubi antecessores hætenus id exercuerunt, Cæsari competat, ideo illud præscribi posse censet: non obitante vero hoc, vel simili impedimento, in Capitulis etiam Protestantibus Cæsarem illud obtinere, ostendit. Quibus ad liquidum deductis, cætera capita enarrat, adeoque de idoneitate Precistarum, de beneficiis Ecclesiasticis, Canonicatibus, Præbendis earumque varietate, de mensibus ordinariis & extraordinariis, de primiarum precum effectu, Cæsaris præsentatione, de communicatione hujus juris Cæsarei, adeoque de primariis precibus Imperatricis, Regis Romani, Electorum

horumque Conjugum, nec non Vicariorum, fufe satis, inſperſis etiam, pro re nata, documentis publicis, diſſerit.

*MANUALE PROCESSUS IMPERIALIS, SIVE
Compendioſa Introduſtio ad Praxin Auguſtiſſimi Judiciſ Casareo-Imperialis Aulici, in gratiam Studioſorum Juris, animum ad praxin Imperialem applicantium, reviſa, variis adduſmentis, præſatione atque indice auſta, nunc primum prælo commiſſa a J. F. C. J. U. L.*

Norimbergæ, apud W. Michaelẽ & J. Adolphum, 1704. 8.

Conſtat 17½ plag.

Conſtat hæc Introduſtio duabus ſectionibus, quarum prior Cauſas Juſtitiz, poſterior Gratiz exhibet. In illa ergo, præmiſſis generalibus quibusdam, de Proceſſu tam Ordinario quam Summario, de Proceſſu Appellationis, Materia Attentatorum & Mandatis eorum Revocatorii, Relatione Actorum & Proceſſu Expenſarum, Protracta vel Denegata Juſtitia, & Remediis eam promoventibus, de Querela Nullitatis, Proceſſu Mandatorum tam cum quam ſine clauſula, nec non de cauſis Pignorationum, Arreſtorum & Fractæ Pacis publicæ, de Reſcriptis, Proceſſu Citationis, ſive Simplicis Querelæ, & Citatione ex L. diffamari, Proceſſu Summario, Commiſſionis ſcilicet tam Aulicæ, quam Auſtregalis, nec non Proceſſu Informativo, de Remediis contra Sententias a Conſilio Imperiali Aulico latas, Reſtitutione in integrum, & Reviſione ſive Supplicatione, ac tandem de Sententiarum Executione diſſerit. In hac vero Requiſito Feudorum Imperii majorum & minorum, ut & Confirmatio Tutorum & Curatorum exponitur. Rei iſti paululum illuſtrandæ, nonnulla adjiciemus. *ſect. I, c. 3* de attentatis agitur, quæ ex doctrina Noſtri ſunt, quando Judex aut pars appellata, poſt interpoſitam rite appellationem, ulterius in cognoscendo, decernendo, exequendo aut turbando progreditur. Quodſi igitur attentata ab appellante legitime probentur, tum Judex appellationis, per mandatum attentatorum revocatorium, eadem nulla declarat, ſimulque attentanti eorum, in certo termino, revocationem ac redintegrationem poenaliter injungit. Hoc factò, ſi intra terminum excipiendo comparuerit attentans,

&

& mandatum sub & obreptitie obtentum esse monstraverit, tunc hic punctus (sit venia termino forensi) attentatorum per replicas & duplicas, ut alius processus, ventilatur, & desuper eodem tempore, quo in puncto principali, sententia fertur. Si vero attentans nec attentata revocaverit, nec jus suum probabiliter deduxerit, tum Judex appellationis ulterius, & tandem etiam arctius mandatum attentatorum revocatorium sub poena dupli, cum citatione ad videndum, se incidisse in poenam prioribus mandatis insertam, decernere solet, & si nec huic paruerit, tum declaratio poenæ, & paritoria, cum comminatione banni; subsequitur, & fiscus suum officium interponit. Aliquando ipse appellans attentatum committit, quo casu appellationem deferuisse, eique in totum renunciasse censetur. Quæ omnia quo eo magis intelligantur, Noster duplicem formulam, qua tam mandatum attentatorum revocatorium, quam mandatum arctius, cum reproductione mandati prioris, peti solet, subjicit. *Sect. I, cap. 5* exponitur appellatio ob protractam vel denegatam justitiam interposita. Quod si adeo justitia denegetur, solet decerni citatio contra partem, ut ad assumendam litem, in Judicio Imperiali Aulico, intra spatium bimestre, compareat, & si id negligat, sententia in contumaciam, uti in aliis processibus, pronunciatur. Ob protractam vero justitiam decernuntur promotoriales, quibus judici moroso tempus, ordinarie unius mensis, quandoque tamen, ob circumstantias relevantes, longius, ad justitiam administrandam præscribitur; quæ formulis necessariis Noster iterum illustrat.

THE HISTORY OF MAN.

i. e.

HISTORIA HUMANI GENERIS, SEU MIRACULA NATURA HUMANA, RESPECTU VIRTUTUM & VITIORUM atque defectuum, variis exemplis tum antiquis tum modernis explicata.

Londini, apud R. Basset & W. Turner, 1704. 8. Alph. 1, pl. 14.

Non est ut de hoc libello multis agamus. Saltem significamus, locos communes, seu, ut Naudæus loqui amat, tapantia illo contineri, exempla scilicet memorabilia, ad varia capita relata, & fide dignis veterum & recentiorum auctorum testimoniis roborata. Ne
ta-

p. 14.

tamen nullum plane specimen e libro exhibeamus, pauca admodum inde delibare nobis visum est. Elegans & lectu jucundum est, quod de Waltero Rawleigh, cujus celebre apud Anglos nomen est, refertur, quod eo primum gratiam Reginae Elisabethæ fuerit promeritus, quod cum spatiantem forte, & ob cœnum in via objectum, gradum jam in aliam partem dirigentem observasset, confestim vestem splendidissimam humeris detractam in cœnum projecit, ut recto tramite incedere commode Regina posset. Inde cum illi ad aulam accessus, parvisset, fertur in loco quodam, ubi sæpius commorari Elisabetha consueverat, fenestræ hunc versiculum inscripsisse:

*Fain would I climb, but that I fear to fall,
hoc est, quam cupiam ad majora adniti, sed timeo, ne labar;*
quibus lectis Regina illico rithmum adjecit:

*If thy Heart fail thee, don't climb at all,
id est, si nihil audes, nusquam connitere.* Quæ verba animum illi addidisse putantur, ut inde facile ad altiora perveniret.

p. 31.

31.

114.

118.

337.

345.

348.

434.

Inter humilitatis & modestiæ exempla præter alios recensetur Josephus Hall, Episcopus Norwicensis, de quo refert, eum nunquam cuiquam ægre fecisse, & dicere solitum, *stultum esse cum superioribus, dubium cum aequalibus, & abjectum ac sordidum cum inferioribus contendere.* Ad historiam Leopoldi Imperatoris, nuper defuncti, pertinet, quod A. 1672 missus ex Anglia Viennam fuerit legatus Bernardus Gascoign, qui Jacobo Duci tum Eboracensi uxorem peteret Claudiam Felicitatem, Archi-Ducem Austriæ: at cum rebus omnibus jam perfectis, & Legato reditum meditante, ipsa Augustissima Imperatrix Margareta Theresia decederet, immutatam fuisse Cæsaris voluntatem, Legatoque indicatum traditur, aliam querendam Duci sponsam esse, quod ipse eam ducere uxorem constituisset. Eidem Jacobo id dedit consilii frater Carolus II Rex, ne Pontificiam religionem in Angliam invehere aliquando tentaret; rem enim eam periculo plenam & plane impossibilem futuram. Quanta intersit circumspecte in omnibus rebus agere, vel ex eo intelligitur, quod celebris Angliæ poeta VVilmot, Comes Rossensis cum a Rege Carolo II admonitus, ut sibi satyræ adversus virgines aulicas compositam communicaret, per nimitiam festinationem, satyræ aliam, qua Regem ipsum petebat, ei obulisset, prorsus gratia Regis exciderit. Singulari humanitate conspicuus fuit Thomas Cranmerus, Archi-Ep. Cantuariensis, quippe in proverbium abiit: *si huic injuriam inferas, certus esse poteris, te ex eo statim tempore per omnem vitam habiturum saevientissimum.* Cæterum quæ hic de genio nationum suis locis habentur, digna forent, quæ a nobis transferberentur, si locos communes colligere & ipsi cupereinus: etsi nec ipsa chartæ angustia, ut plura addamus, permittit.

* * * * *

A C T A ERUDITORUM,

publicata Lipsia

Calendis Octobris, Anno M D C C V.

JOHANNIS HENRICI BERGERI, JURISCONSULTI, Regis Polon. & Elector. Sax. in Summo Provocationum Senatu Consilarii & Antecessoris Pfenbergensis, Enarratio L. 10. ff. de Jur. fisci & L. 2. C. qui & adv. quos in integr. rest. Accesserunt ejusdem operæ Academiæ novissima.

Lipsiæ, sumptibus Hæredum Lanckisii, 1705, in 4to.

Constant 1 Alph. 17 plag.

Duplici nomine se commendat eruditissima hæc Excellentissimi Autoris Commentatio, & argumenti dignitate, & tractationis præstantia. Leges enim, quas nobis exhibet, adeo gravium causarum momenta continent, ut vix in digniori opera Celebrissimi Viri occupari potuisset industria, & ipse in iis enarrandis tam erudite versatus est, ut felicior leges, quas commemoravimus, interpretem nancisci nequeant, cum & ingenii sublime acumen, & accuratam omnis Jurisprudentiæ scientiam, & assiduum rerum forensium usum, singuli fere ostendant paragraphi. Primum locum occupat Dissertatio de Jure Fisci in dubiis quæstionibus *ad L. X Pand. de Jur. fisci*, quam Autor A. 1694 publice defendit. In hac cum nihil occurrat, quod non notatu sit dignissimum, tum imprimis juvabit ipsum de discrimine Steuræ & Cameræ §. 3 & 4, de dubio, ambiguo & obscuro, nec non de interpretatione quæstionum dubiarum §. 9 *seqq.* elegantissime differenter audire. Sequuntur Casus varii, de quibus eas proposuit Excellentissimus Autor regulas: contra fiscum esse pronuntiandum, si privati

vatus de damno vitando & fiscus de lucro captando sit sollicitus §. 14, pro fisco contra privatum, quoties is damnum averfatur, privatus lucro inhiat §. 17, si uterque lucrum intendat aut damnum fugiat, æquali fiscum cum privatis jure uti oportere §. 20 & 21; quas singulas & exemplis confirmat & legibus corroborat, hasque sollicitæ, quoties thesibus obfistere videri poterant, explicare, & in speciem pugnantes subtiliter conciliare studet. Ostendit deinde, qua ratione Modestinus in *d. l. X* debeat intelligi, variasque Doctorum, imprimis Fr. Duareni, Ant. Merendæ & Antonii Augustini rejicit expositiones §. 26 *seqq.* Postea regulas antea propositas confirmat, & quartam imprimis contra Baldum ejusque asseclas, fisco nimium faventes, strenue tuetur, ac L. L. obstantibus 38 & 35 ff. *d. Re Jud. l. un. C. de sent. adv. fisc.* solide respondet. Unde nec a jure dotium, nec ab Ecclesia aut a minoribus, quæ ad fiscum deducantur, argumenta valida esse monet *ib. 31 - 41.* Exempla quoque elegantissima suppeditat, quibus contra fiscum, tam in quæstionibus juris, quam facti dubii, pronunciandum monet. Ad causas juris controversi refert quæstiones: utrum filio hæreditate materna, quam adiit, per restitutionem in integrum iterum abstinente, ad proximos successores hæreditas, an ad fiscum, pertineat? item de superfluo ex cessione actionis contra L. Anastasianam facta, quod alii fisco, alii debitori vindicant, cum Excellentissimus Autor utroque casu contra fiscum pronunciandum esse censeat. Quæstiones vero facti dubii quam plures attulit, ex materia delictorum & contractuum, probationum, testamentorum & aliis, quas singulas juvabit expendisse. Tandem an hætenus dicta ad vectigalium ac domaniorum causas quoque pertineant, dispicit, ac utrumque addita distinctione feliciter expedit. Jam ad alteram Dissertationem pervenimus, quæ *ad L. 2 C. qui & adv. quos* conscripta est; verum cum eam jam in Actis Anno 1696 M. Nov. p. 518 L. B. exhibuerimus, paucis saltem monendam erit, non *Thesi 38* tantum egregium supplementum, quo Nov. 155 c. 1 explicatur, accessisse, sed integram quoque Dissertationem, de restitutione in integrum ob reverentiam denegata, quam sub Autoris præsidio Leistenius Anno *XCIV* defendit, esse additam. Reſtant Autoris nostri *Novissima Academica i. c. Sermo solennis ad De-*

Decanum ordinis Philosophici in congressu Candidatorum adornatus, & Oratio de Jureconsultis Academia Vitenbergensis, qui proximo superiore seculo vixerunt, recitata Anno 1703, cum tertium Consulatu Academico abiret. Continet ea memorias omnium Jureconsultorum, qui ex eo tempore, quo primi secularis Academici instructa sunt solennia, per integrum seculum floruerunt. Exhibet uno intuitu elogia, vitas & scripta celeberrimorum Virorum, Zangeri, Lud. Personæ, Bartholomæi Reusneri, Luc. Becmanni, Hirschbachii, Franzii, Ben. Carpzovii, Erasmi Unruh, Val. Guillemi Fœrsteri, Conr. Carpzovii, J. Reusneri, Gothofr. Reuteri, Grossii, Jo. Strauchii, Christiani Taubmanni, Crullii, Prætorii, Augustini Strauchii, Vackii, Godofr. Suevi, Coselii, Ritleri, Ziegleri, Klengelii, Lyseri, Nergeri, Martini, Ledereri, & qui nuper in vivis esse desiit, Ge. Mich. Heberi &c. Sed & ex Facultatis Juridicæ Assessoribus aliquos commemorat, quos inter Ritterum, Schulzium, ac Excellentissimum Lenzium Ser. Princip. Sax. Weissenfelsensis Vice - Cancellarium imprimis meritis extollit encomiis. Interjectæ sunt passim observationes eruditissimæ, ex quibus unam ac alteram saltem adjecisse juvabit. Ita p. 183 docet, *Henning. Wittium* falli, qui *Jo. Dauthium* inter Jurisconsultos Witenbergenses retulerit, cum is Lipsiæ quidem, non autem Wittenbergæ, publica autoritate Jura professus fuerit. Hirschbachii sub præsidio, Conradum & Benedictum Carpzovios Dissertationes de Regalibus, copiose ac erudite conscriptas defendisse, p. 186 annotat, dumque in laudibus Augustini Strauchii occupatus est, felicitatem Jurisconsultorum Brandenburgicorum extollit, qui Academicis exercitationibus subacti in Aulas evocentur, & difficillima negotia feliciter procurent, quod Fuchsiarum, Rhetiorum, Spanheimiorum ac Coccejorum illustria satis ostendant exempla, eademque fortuna, quem diximus, Strauchium usum fuisse commemorat, cum Serenissimus Sax. Elector non modo gravissimis quibusque negotiis eum adhibuerit, sed & Ordinarii Præsidis munere in Academia Witenbergensi defunctum, sanctioris Senatus Assessorem esse voluerit. Sed quis singula in tanta rerum ubertate persequetur? Nos avidis reliqua Lectoribus relinquimus & ad aliud Excellentissimi Autoris opus, quod selectarum Observationum Forensium amplissimam exhibet copiam, accedimus,

JOH. HENR. BERGERI JURISCONSULTI ETC.
*Electa Processus Executivi, Possessorii, Provocatorii &
 Matrimonialis.*

Lipsiæ, sumptibus Hæredum Fried. Lankisch, 1705. in 4.
 Constat 2 Alph. 11 pl.

Unctim nunc prodeunt in lucem Dissertationes quatuor elegantissimæ, quas proximis annis Illustris Autor proposuit, sed insignibus auctæ incrementis. Prior continet *Electa Processus Executivi*, in qua Autor primo diversitatem processus ordinarii & extraordinarii seu summarii evolvit, ac utilissimam §. 4. causarum patronis cautelam suppeditat, qua ratione in causis, ut vocant, summariis adversæ parti interrogatoria exhibendi occasionem præciderere valeant. Dein processus summarii duas constituit species, regularem & irregularem, monetque actionem hypothecariam, imo injuriarum æstimatoriam & recantatoriam etiam executivo, si res ita ferat, processu posse institui; cautelam tamen suppeditat actoribus, ne salutarem sibi semper credant summariam hanc experiundi rationem, cum in executivo processu nec probationi per testes, nec jurisjurandi delationi locus relinquatur. Postea requisita instrumenti guarentigiati tradit, negatque pro tali haberi posse obligationem imperpersonalem, in qua creditoris nomen haud sit expressum, aut quæ causam debendi, licet inter mercatores agatur, haut contineat, cuive addita sit clausula, *solvam quam primum potero*, cum ea id operetur, ut quis ad celerem solutionem adstringi nequeat. Ex instrumento tamen a tutore subscripro pupillum, debitoremque principalem a fidejussore, actione mandati executive conveniri posse docet. De obligatione mulieris sine curatore contracta, aut cui curator ex intervallo demum accessit, §. 12 seqq. disserit; mulieremque & sine curatoris auxilio ex mutuo obligari, & apocham conficere, ac ex omni contractu, cui curator ex post facto consensum præstitit, teneri existimat dd. §§. Instrumentum autem guarentigiatum quandoque posse subsistere, licet nec ab ipso debitore subscriptum subsignatumve sit, nec clausula *manu propria* ei adjiciatur, §. 20 & 21 addit. Hinc ad rationem tractandi causas executivas pergit, ac advocatum actoris jubet

bet esse cautum, ne responſionem aut litis conteſtationem ab adverſa parte petat; reis vero ſuppeditat exceptiones, quæ adverſus instrumenta guarentigiata locum habeant, ubi inprimis quæ de exceptione chartæ blancæ & implementi non ſecuti, compenſationis item ac non numeratæ pecuniæ tradit, evolvi merentur. Denique de *proceſſu cambiali* notabilia quam plurima aſſert, ſententiamque *Mandati Eleſtoralis de exceptione ſolutionis compenſationisve adverſus ceſſionarium cambii non competente* explicat. Subjicitur *programma*, quo Excellentiffimus Autor oſtendit, ad evitanda perjuria quandoque in proceſſu executivo recognitionem per teſtes, contra Juris regulas admitti; quam ſententiam ſummi Provocationum Judici præjudicio corborat. Altera Diſſertatio exhibet *Eleſta Proceſſus Poſſeſſorii*, ac obſervationum practicarum pleniffima eſt. Pragmaticorum initio notat errorem, qui in poſſeſſorio, quod vocant, ordinario, ſummario proceſſui locum eſſe negant, cum ipſe, ratione proceſſus, omne judicium poſſeſſorium cenſeat eſſe ſummarium, etiam in materia ſervitutum, licet Celeberrimus Schilterus eam exceperit, cujus rationibus Autor reſpondet §. 1. Summarium ergo poſſeſſorium tantum ratione cauſæ dici, in eoque tantum de poſſeſſione præſenti & momentanea retinenda, non de adipiſcenda vel recuperanda agi, contra Carpzovium defendit §. 4. Dein modum procedendi in poſſeſſorio ſummariffimo explicat, ac in caſu neceſſitatis ſummiſque periculi, citationem poſſe omitti monet §. 5. Cumque in eo vel per modum actionis in factum, vel per inhibitionem procedatur, varia circa hanc monita ſuppeditat, ac imprimis inhibitione poenali ex pluribus capitibus decreta, ſi ea ex parte caſſetur, ex parte conſervetur, integram tamen multam dictari, nec transactionem cum adverſario inhibutum a poena liberare monet, & utrumque ſummi Provocationum Senatus præjudiciis confirmat §. 6. Hinc qua ratione poſſeſſio præſentanea in rebus corporalibus & incorporalibus acquiratur, inquit, ac poſſeſſionem libertatis naturalis quoque probatione indigere contendit; quam ſententiam dudum placuiſſe Excell. Autori, ex Reſolutionibus ejus Lauterbachianis poteſt conſtare. Sequitur elegantiffima de Jure Cereviſario digreſſio, ubi de jure coquendi, ven-

dendi, cogendi & prohibendi civitatum, de dimensione milliaris, de jure hospitalionis, de poena eorum, qui cerevisiam illicite vendunt, quam plurimas congestit observationes. *vid.* §. 12-19. Postea observat, possessionem contra singulos acquisitam, non nocere universitati §. 20; in summario possessorio naturalem possessionem sufficere, etiamsi non sit annua, licet ipse non dissideatur annuam possessionem & a Lipsiensibus Jurisconsultis requiri, & eorum sententiam in summo Appellationum Judicio fuisse aliquando comprobata, §. 21 *sq.* Actus possessorii requisita tradit §. 24. Contra Principem non valere possessorium summarium, nec eorum satis certam esse sententiam, qui decennalem possessionem subditos tutos reddere credant, indicat §. 26. Ubi ad modos probandi progreditur, ostendit in summarissimo possessorio rotulos Notariorum, non tamen depositionem generalem sufficere §. 30. Jurjurandi autem delationi æque, ac super exceptione spoli, locum esse tuetur §. 31. Cæterum ex sententia Autoris remedium possessorii momentanei non competit ei, qui a possessione dejectus est, nec hæredibus, cum ad eos possessio ipso jure haud transeat *ib.* 33-34, quibus possessorium ordinarium ac Paulianam actionem dari concedit *ib.* 35. Tandem ad sententias definitivas processus summarii accedit, ac quo modo eæ rite concipi debeant, docet §. 38; cumque monuisset, qua ratione victoria in possessorio a restitutione fructuum in petitorio liberet, contra sententiam de possessione in summarissimo judicio latam, nec leutationi, nec appellationi aut supplicationi relinquit locum, additis tamen quibusdam limitationibus, quæ §. 45 continentur. Accesit, ne quicquam deesset operi, huic Dissertationi Exercitatio paraphrastica, quæ XII Leges priores *Tituli Pand. de Acquirenda vel amittenda possessione*, erudite interpretatur, ac singularum sensum, satis quandoque obscurum, feliciter eruit. Facile ex hæcenus dictis L. B. poterit intelligere, qua ratione reliquæ Dissertationes, quæ *Processus Provocatorii & Matrimonialis Electa* continent, conscriptæ sint. Quare sufficiet nobis saltem aliquas observationes selectas ex iis excerpere, quarum uberrima se ubique offert copia. In *Dissertatione* igitur *Illia* docet, provocationem ex *L. diffamari*, ob injurias verbales simplices frustra ab imperitis Advocatis suscipi, multo minus

nus eam cum actione injuriarum cumulari posse *ib. 12. 13.* Remedium dictæ Legis coram quolibet iudice posse institui, diffamantis vero arbitrio relinqui, quo in foro actionem principalem velit movere, *ib. 20 & 22. In Tb. 31* Carpzovii, Ziegleri aliorumque rejicit sententiam, qui diffamante per contumaciam emanante in primo termino, saltem responsionem simpliciter *bey Straffe Ungehorsams* injungendam censent, monetque eam statim sub pœna perpetui silentii posse imponi. Quæ de termino duplicato, intra quem actio principalis institui debeat, Doctores vulgo tradunt, ea sine Lege dici, adeoque a Iudice negligi posse asserit *ib. 35.* De provocatione ex *L. si contendat*, rite instituenda legi merentur, quæ §. 48 Autor dissert, qui itidem monuit, contra eum, qui instrumentum guarentigatum habet, dictam provocationem non admitti. Ex *Electis Processus Matrimonialis* observare licet, eum qui consobrinam stupravit, non teneri ad eam alendam, cum ipsa stupratoris uxor fieri nequeat, *ib. 9.* Consistoria Ecclesiastica partes litigantes, quæ sub civitatum aut nobilium jurisdictione sunt, mediate, suppressa tamen clausula in subsidium, in præfecturis autem immediate in jus vocare, *ib. 13 & 14.* Minorem & mulierem, in causis matrimonialibus, personam standi habere in judicio, hanc quoque, si ob stuprum actionem ad matrimonium ineundum aut dotem constituendam moveat, non vero si alimenta infantis nomine petat *ib. 17 sq.* Oblationem ad jurandum non esse necessariam, sive juramentum contra matrimonium, sive pro matrimonio sit præstandum, *ib. 37* ostendit. De jurisjurandi delatione in actione matrimoniali, prolixè agit *ib. 23 seqq.* Processum vero desertorium accurate describit *ib. 50 seqq.* Sed nos pluribus hæc non immorabimur, cum selectarum Quæstionum ac Observationum Præcticarum tantam ubique deprehendamus copiam, ut, si potissimas tantum persequi ac commemorare velimus, verendum foret, ne nimium excresceret ac instituti nostri metam excederet oratio. Quare ad ipsum opus præstantissimum B. L. ablegamus, ac paucis tantum monemus, adjectam esse Electis his Processus Executivi, Possessorii, Provocatorii & Matrimonialis, *Disquisitionem Quousque Actori Reove in foro Sax. Elect. liceat deferre Jusjurandum?* In hac Autor actori etiam super replica ac articulis elisivis, & post li-

litem a reo non recte aut eventualiter tantum contestatam, potestatem facit reo deferendi iuramentum, huic vero, si negative litem contestatus sit, omni tempore licentiam utendi delatione iuramenti largitur, etiam postquam articulos reprobatorios obtulit in ipso termino productionis aut recognitionis, sin affirmative litem fuerit contestatus, usque dum ei injecta fuerit exceptionum probatio; aut ad eas probandas ipse se obtulerit, potestatem hanc ipsi esse salvam existimat. Quæ omnia plenius est persecutus, variisque ampliationibus & limitationibus, observationibus, cautelis ac consiliis exornavit illustravitque. Quod reliquum est, cum præsentibus commentationes satis ostendant, quam dextre, accurate ac feliciter Excellentissimus Autor, in discutiendis dijudicandisque causis forensibus versetur, *Electa Processus Ordinarii*, quorum in præfatione spem fecit, cum iis, qui eruditissimos ipsius labores suo pretio æstimare norunt, avide expectamus.

CONFORMITE' DE LA FOY AVEC LA RAISON.

h. c.

FIDEI ET RATIONIS CONSENSUS, VEL RELIGIO DEFENSA CONTRA PRÆCIPUAS OBJECTIONES IN LEXICO HISTORICO-CRITICO PETRI BALII SPARSIM OBVIAS. Auctore J. J. A-QUELOTO.

Amstelæd. apud H. Desbordes & D. Pain, 1705. 8.

Constant Alphab. 1 plag. 5.

- I**N duas partes abit hoc opus Autoris de Religione Christiana. Optime meriti, cujus alia quoque ejus generis scripta in Actis nostris recensita inveniuntur. In primæ partis limine, statim brevissimæ repetitio instituitur argumentorum, alibi ab ipso Viro clarissimo, ad demonstrandam existentiam Dei, fuscè magis deductorum. Inde de natura Religionis in genere agit, quam foedus Dei cum homine definit, quo bonis præmia, poenas improbis, ex infirmitate lapsis per poenitentiam remissionem criminum polliceatur. Utque ejus iadoles clarius pateat, primo Deum ab hominibus exigere obsequium, illudque ipsas promissiones Dei supponere, probat; inde Deum peccata infirmitatis tantum condonare, majora punire, resipiscenibus dare veniam. Porro quid Scriptura de
- c. II. III.
- c. IV.
- c. V.

Deo

Deo nos doceat, ostendit, & quæ revelatio ad religionem pertinentia alia suppeditet, de fide nempe, de merito & efficacia mortis Christi, de Divinitate ejus, & denique de S. S. Trinitate. Quibus fundamentis religionis Christianæ breviter repetitis & variis observationibus illustratis, ad id jam accedit, ob quod cum maxime ille scriptionis labor ei fuerat susceptus. Atque primo quidem difficultates examinat, quas in historia creationis deprehendisse sibi videntur ei, quos impugnandos sibi sumsit. Monet hic ante omnia, stabilita semel revelationis veritate, scrupulos hujusmodi neminem jure ad Pyrrhonismum sollicitare debere. Deum item non Philosophorum vel oblectandis vel instruendis ingeniis, sed salutis avidorum, qui simplices magnam partem sint & indocti, animis informandis historiam illam consignari voluisse. Indeque I. neminem offendere debere colligit divisionem Mosis rerum conditarum in cœlum & terram, quæ similis visâ antagonists divisioni maris in guttara aquæ & oceani, cum vulgares nonnisi conceptus, sensus maxime ferientes, hic sequi voluerit. II. Nec mirum esse, terræ creationem in primis describi, quæ sensibus usuique nostro maxime sit obnoxia; magnorum corporum cœlestium obiter, & in tantum, in quantum terræ huic ministrant, mentionem fieri. III. Nec illud absonum, quod mane & vespere, dierumque adeo mentio fiat, antequam luminaria cœli condita essent: vel enim spatium tantum temporis intelligi, ei, quod inter Solis ortum & occasum intercedere solet, æquale; vel uti Mosen tantum ista *Φαίσις*, ut realem distinctionem & *διασπασ* inter creationem diversorum operum indicaret; vel denique Mosen ita tantum opus creationis per sex dies distribuisse, ut ad legalem dierum Heptadem aliquam relationem haberet. Difficultates porro succedunt contra œconomiam veteris Testamenti & leges rituum, fœdusque unicæ familiæ concessum. Quod inconueniens non videtur Autori propterea, quod Deus creaturam rationalem & liberam male viribus suis naturalibus usam, libertati suæ inde permittere potuerit. Nec inde ullam vel injuriam in ceteros homines redundare, vel aliquid a ratione alienum committi, quod nobilioris finis causa cum Abrahamo & posteris fœdus Deus iniverit. Ceremonialem vero cultum Deo non indignum esse, cum ille totum mundum occupaverit, memoriam beneficio-

c. VI.

c. VII. VIII.

P. II. c. I.

c. II.

Kk k

rum

c. III. IV. V.

V.

c. VII.

c. VIII. IX.

c. X.

c. XI.

rum Dei conservaverit, & cum *Spiritu*, h. e. arcano mysteriorum Novi Fœderis sensu fuerit conjunctus. De libertate hominis in sequentibus diligenter agit, putatque pugnam rationis & affectuum luculenter probare arbitrii libertatem; sine ea enim affectum, semel occupato animo, libere dominio suo fruturum. Sed nescio an attenderit, motui etiam mechanico motum contrarium dari posse, vincereque denique alterum, sed non sine alterius nisu in contrarium. Sic arbor a vento concussa naturali tamen inclinatione contrarias petit partes, motui motu contrario, sine omni tamen libertate. Dubii circa origines mali moralis solutio eo redit, quod abusus perfectionis maximæ, qualis est libertas, Deum jure impedire non potuerit, quo minus creaturam perfectione, tanta gaudentem conderet. Difficultatibus circa malum physicum, afflictionesque hominibus innocentibus, infantibus, ipsis quoque brutis animantibus ægre haud raro facientes, itemque circa æternitatem poenarum, quæ post vitam subeundæ sint, ex communibus fere fontibus solutiones petuntur. Inde vero imprimis quæ in favorem Manichæorum a Cl. Bælio prolata fuere, item quæ ad demonstrandam fidei & rationis pugnam attulit, & de necessitatis cum libertate convenientia, nec non de prædestinatione, sub examen revocantur. Ex illis deligamus controversiam de rationis & fidei pugna, ut eo specimine indoles hujus scripti rectius innotescat. Hic itaque primo summum Autor exaggerat periculum doctrinæ rationem fidei contrariam statuentis, atque adeo naturæ humanæ fidem amplexuros renunciare cupientis; quod absurdum, pariter atque impossibile esse ostendit. Inde de omnibus dubitari nec posse nec debere ostendit: esse enim res, in quibus ratio clare & sine metu erroris pronunciet: esse alias, quæ assensum ejus suspendant: alias denique, quas certo sese ignorare noverit. Ut absonum itaque est præcipiti judicio ferri, ubi vel dubites vel ignores, ita non minus esse inconveniens Pyrrhonismum sequi in omnibus. Mirum porro esset, & indignum plane, velle Pyrrhonismum religionis superstruere principiis, atque istis illum stabilire: quasi quæ rationi evidentia sint, religio tollat, atque omni in rebus certitudini destruendæ inserviat: cum tamen summa harmonia sibi invicem religio & ratio respondeant, seque mutuo sustineant.

neant. Primo nempe rationem inservire cognitioni argumentorum, quibus veritas religionis demonstratur, ut disponatur mens humana ad obsequium auctoritati Divinæ præstandum, quod gratia sine ratione nunquam persuadeat. Neque secundo rationem, stabilita Scripturæ auctoritate, penitus cessare: quæ verosimilitudinem difficultatemque rerum revelatarum apprehendat, & cui istud exercitium circa veritatem verosimilitudinemve rerum revelatarum, nec adimat auctoritas Divina, nec ejus natura adimi patiatur. Tercio aliis etiam in rebus, quæ a ratione unice dependent, id quod semel verum est & evidenter probatum, veritatem suam retinere, licet consequentiarum series ad res incomprehensibiles nos deducat. Sic enim materiæ divisibilitatem in infinitum, rem summæ evidentix & certissimæ veritatis esse, quamvis concipi non possit, partes arenulæ numero æquare partes totius universi. Quarto perceptionibus nostris attendendum esse, ut gradum certitudinis in iis recte cognoscamus. Unicam vero regulam, ex qua certi de nostris perceptionibus reddamur, esse claritatem earum. Cum vero sæpe pro clavis habeamus, quæ clara non sunt, videndum esse, an superficiem tantum rei, an interiora quoque cognoscamus, & an aliquid in iis ignotum tanquam notum supponamus: porro item an illud, quod incertum est in re & ignotum, id, quod certo de ea nobis innotescere videtur, destruat, an minus. Quod si non faciat, relinqui alteri illi suam certitudinem, neque ad Pyrrhonis castra esse fugiendum. Porro dari res ita differentes, ut nihil invicem habeant commune, quas *diversas* dixeris simpliciter, quarumque differentix causa nulla alia sit, quam quod una, non sit altera: sicuti soni v. g. & coloris diversitas aliter explicari non possit. Alias *contrarias* esse & sibi *oppositas* invicem, quarum contrarietatis ratio ex indole earum reddi possit: qua ratione lineæ rectæ curva opposita sit, quod hæc non, sicut illa, a puncto ad punctum per brevissimum, quod interjicitur, spatium procurrat. Denique claritatem idearum nostrarum ex eo cognosci posse, si alius usu rationis pollutibus explicatæ, eodem ab illis modo, quo a nobis, apprehendantur. Hisce regulis jam putat Autor nos dirigi posse, quousque in dubitando procedere, quando in propositione tantum probabili acquiescere, quando denique certi plane

& convicti esse debeamus. Quantum vero ad auctoritatem infallibilem, sufficere, si clare sensus ejus percipiatur, ut penitus illi obsequamur, cum in eam nec error cadere possit, nec impostura.

Jam istam methodum potioribus capitibus religionis applicandam censet. Certis nempe nobis de sensu verborum Divinitus revelatorum, auctoritatem Dei præcipuum persuasionis nostræ esse fundamentum, quæ nullum dubium possit admittere infallibili Spiritus Sancti testimonio nixa. Hoc tamen non impedire, quominus ratio examinet, cognoscat, explicet veritatem decisionum fidei, non ut si comprehendere non possit, rejiciat, sed ut uniat se cum fide eique se jungat, verum esse experta, quod fides ipsi proponit. At credere clarissimum Bælium, atque in iis quæ de Pyrrhone disseruit, & ad defendenda ea postea attulit, tueri, rationem ejusque evidentissima principia in tali examine revelationi semper adversa esse. Quod aliter se habere, inductione facta Autor monstrare conatur.

Primo Deum esse unum solum, colendum, atque fiducia prosequendum, docere Scripturas: ei vero rei rationem contradicere, ne ipsum quidem clarissimum Bælium affirmaturum. Revelationem mundum ex nihilo a Deo conditum nobis sistere: rationem ad assensum præbendum inclinari, tum quod verosimile hoc sit ipsi, tum quod a variis dubiis eam liberet; quorum utrumque fusus demonstratur. Animæ immortalitatem a revelatione adstrui: nec eam rationem destruere, quæ spirituales naturam ex partibus compositam non esse, nec adeo in eas resolvi, Dei vero sapientiæ, ut eam annihilaret, parum conveniens esse, agnoscat. Nec quidquam hic opponi posse, nisi dicamus, spirituales naturam rationem non admittere: id quod dici non posse, paulo fusus Autor probat, ostendendo ipsam rationem sibi non facile persuadere, ut vitam, motum, cogitationem materiæ tribuat, & pro iisdem habeat rem cogitantem & materiam, quæ diversorum generum esse deprehendat, inque iis omne, quod in talibus rebus exigi potest, diversitatis fundamentum, juxta superius dicta animadvertat. Parti morali religionis rationem non contradicere, quin potius hanc clarissime æquitatem præceptorum Divinitus allatorum confirmare. Ab

Ab articulo de Trinitate non destrui rationem, maleque ex eo contra rationem inferri, quod *tria unum sint*: ut enim ista *contradictio in adjecto* ex articulo de S. Trinitate consequatur, necesse est, ut vox *persona* in hoc mysterio naturam unam & singularem notet, separatam & distinctam ab omnibus aliis, prout significat quando de creaturis usurpatur. Cum vero id sibi non velit in abstrusissima hac doctrina, dici etiam non posse, quod ex ea sequatur, *tria esse unum*. Mysterium porro incarnationis non destruere essentialem proprietatem corporis animique humani, quæ est componere unam personam, licet humana Christi natura propria, ut loquuntur Theologi, *ὑποστάσει* destituta, subsistat in *ὑποστάσει τῷ λόγῳ*. Nempe clarissimo Bælio, contradictionem cum evidente rationis principio hic admittenti, solam vocem *persona* offendiculo fuisse. Quod ut removeatur, observat Autor, quod si corpus fingamus exanime, mechanice tamen motum, omnesque functiones suas obiens; illud quidem *personam* non fore, intellectu quippe destitutum, bene tamen *suppositum*, ut quod ipsum sit, *principium*, prout in scholis loquuntur, *actuum*. Simili modo si fingamus animam corporis exsortem, cogitantem; eam, ut quæ intelligat, *suppositum* fore *personale* sive *personam*, quippe quæ sit principium rationale. En igitur, pergit Autor, *duo supposita*, quæ Deus ita unit, ut *unum suppositum* vel *unam personam* constituent. Quid magis jam rationi adversum in unione hypostatica? Divina natura unitur humanæ, omniumque actionum humanarum & rationalium directionem suscipit, quæ pertinent ad exercitium mediatorii officii; quemadmodum anima humana *diversi suppositi*, corporis nempe, directionem suscipit ita, ut actiones illius voluntati hujus sint obnoxie. Atque adeo eodem jure, quo anima & corpus conjuncta, *unum suppositum* sunt, *una persona* etiam dicentur divina & humana natura, vinculo unionis invicem conjunctæ.

Verum jam satis speciminis. Hoc optandum, ut clarissimus Autor ipsos clarissimi Bælii discursus *κατὰ πρόδα* lectoribus suis repræsentare, & accurata analysi instituta, quid imbecillitatis ratio in eis ostendat, quid speciei ingenium & eloquentia ipsis conciliaverit, ostendisset. Verendum enim, ne lectores sic satis bene instructi a lectione hujus libri sibi visi discedere, ubi in ipsum opus

Bælianum inciderint, lumine ingenii ejus, & quæ pene singularia ipsi est, vi dicendi quasi attoniti, denuo constrictos se sentiant atque impeditos.

Appendicis loco huic opusculo breve *de anima & libertate* subjicitur systema, melius dilucidandis iis, quæ contra adversarium suum in ipso opere disseruerat clarissimus Autor, inserviens. In eo primo adstruitur, quod anima se spiritualesse sentiat, quodque cum iis, quibus aliter videtur, controversia de vocibus tantum sit, ut qui id, quod nos spiritum vocamus, corpus novæ plane atque ignotæ speciei adpellitent. Inde ostenditur, animam cognoscere seipsam atque existentiam suam, atque adeo aliquid a seipsa sine objectorum externorum percipere subsidio. Discrimen porro intellectus & voluntatis & relatio ad corpus explicatur, in quo organorum rectam dispositionem ad exercitium facultatum animæ requiri ostenditur. Animæ per rectam dispositionem corporis obfirmatæ quasdam propositiones occurrere insito suo quasi gaudente lumine; ut oculo occurrunt objecta quædam suum lumen habentia eoque ipsum illustrantia, quæ statim cognoscantur. Aliter, se rem habere cum aliis, quæ obscuriores sint, & quibus lumen proinde ab animo quasi sit accendendum. Ad primum genus spectare v. g. omnes consequentias, quæ deducuntur ex conceptu existentia, quales sint, quod non ens agere non possit, quod impossibile sit idem simul esse & non esse, quod numerus binarius bis sumtus quaternarium conficiat, &c. Propositionum posterioris generis lapidem lydiū esse regulam: *quicquid omnibus rise, expensis clare & distincte percipitur, illud verum est*. Perceptiones dari posse sine omni corporum intercurso, falsumque esse, quod nihil sit in intellectu, quod non prius in sensu fuerit. Animam non posse non desiderare, quæ pertinere ad felicitatem suam cognoverit, & aversari contraria, hancque esse voluntatem. Bona ad felicitatem spectantia vel corpus respicere, vel animum, eaque sibi invicem subordinata esse ea proportionem, quæ intercedit inter dignitatem corporis & animi. Virtutis esse, hanc subordinationem tueri & observare. In volitionibus concurrere cogitationem, quæ repræsentet aliquam propositionem, & imperium ad agendum determinans, in quo sit velle & non velle. In hoc jam esse libertatem;

tem ; quæ ut rectius cognoscatur, observandum esse primo, quod cognitio, quam habemus de nobis ipsis, efficiat, ut amor proprius & emolumenta privata ordinarie voluntatem determinent, nihil inde detrimenti accipiente libertate ; certe enim in talibus consensum animi absque controversia inveniri. In aliis cognitionem non esse æque claram, in iis cura opus esse & prudentia, quo recte utamur libertate. Controversiam, an libertas consistat in eo, ut faciamus, quod faciendum esse judicamus, an vero consistat in eo, ut faciamus quod volumus facere, de vocibus esse, non de re ipsa. Non autem consistere in indifferentia libertatem ; hanc enim, cum rationalis sit homo, nonnisi ex profunda posse procedere ignorantia : penitus vero ignorantem, vel plane non agere posse, vel non nisi stolidè, actionemque ex mera ignorantia profectam esse nec humanam, nec liberam. Nec tamen etiam libertatem absolvere unice judicium animæ, quo æquam esse justamque censet actionis alicujus perpetrationem omissionemve. Si ita enim res se haberet, hominem in perpetuæ vacillationis statu fore, nunc hancce inchoantem actionem, nunc aliam, prout diversam ab objectis acceperit impressionem. Non necessario itaque hominem determinari a rationis judiciis, sed libere secundum judicia rationis, secundum quæ se ad actionem determinavit, procedere. Optime denique libertatem ejusque indolem monstrari, ex consideratione actionum quarundam hominis, imperiique animi in corpus. Evidens itaque esse, in rebus, ubi affectus & commodum privatum voluntatem non abripiunt, nos facultatem habere libere in mentem revocandi ideas, ad veritatem aliquam inquirendam pertinentes. Sentire nos eandem libertatem in approbando præjudicio quocunque contra rationis dictamen ; libertate enim nisi frueremur, semper rationis dictamen prævalere necesse esse. Eandem nos experiri, ubi inter virtutem vitiumque mediū consistimus, atque vel illam vel hoc sequimur ; & magis etiam in actionibus corporis indifferentibus, animi nutum sequentibus, v. g. brachii extensione, oculi occlusionem &c. Quod ipsum ut quomodo fiat explicetur, Autori nec illustri Leibnitii placet hypothesis, nec *causarum occasionalium* systema, sed optime hæc receptam magis in scholis doctri-

Strinam explicare putat, quæ statuit Deum, qui essentiam existentiamque rebus largitus est, facultates quoque eis concessisse, per quas naturis suis convenienter valeant operari: animamque adeo etiam, ad animandum dirigendumque hoc corpus conditam, potentias quibus id præstare possit, nactam fuisse. Firmatur id aliquot rationibus, nec ob stare dicitur, quod modum non assequamur, quo spiritus in corpus operetur: sufficere enim, quod de re constet. Cetera hanc hypothesein pluribus difficultatibus solvendis aptissimam esse, quibus nec illustris Leibnitius, nec causarum occasionalium patroni se facile possint extricare.

AUGUSTI BUCHNERI ORATIONUM ACADEMICARUM Volumina tria. Quorum primum Panegyricas, secundum Festas, tertium nunc primum editum Literarias continet. Subjuncta est huic Editoris M. JOH. JAC. STÜBELII, Illustris Scholæ Misnensis jam Rectoris, Oratio de Exsensionibus nocturnis Alumnorum Electoralium, & Buchneri Autoris Vita per eundem descripta.

Frankfurti & Lipsiæ, apud Godofredum Leschium, 1705, in 8.

Constant Alphab. 2, & plag. 19.

Quomodo commendatus pridem a nobis fuerit meritissimus de politiore literatura vir, *Augustus Buchnerus*, insipientibus annum Actorum Eruditorum 1683 p. 147 & seqq. patet; ubi cum recensendum fuerit Volumen II. Orationum, *Festas* continens, a *M. Joh. Jacobo Stübello*, Rectore tum designato Scholæ Annæberg. nunc Rectore constituto Illustris Afranei, ex arrosis fere chartis in lucem productum, hoc tempore occasio suppeditatur, cæteras etiam orationes Autoris illius incomparabilis enarrandi, dum idem Editor Clarissimus partes Orationum ejus tres in unum compegit volumen, in forma librorum octava, juventutis commodo emissum. Earum Pars III nunc primum cura ipsius publico data, & dedicatione diserta Ephoris Generosissimis Illustris Afranei Lycæi, Domino *Centurio a Miltiz*, & Domino *Joachimo Dieterico Bosen*, inscripta est. Quia vero parte prima comprehensas Panegyricas

&

& funebres nondum indicavimus in Actis nostris, non alienum erit, eas nominare, antequam tertia ista inclusas ordine percurramus. Dicta Panegyrica I. est a Gustavo, *Gustavi Adolphi* Suecorum Regis filio, huic ipsi Suecorum Regi, ob partam A. M DC XXXI Liplensem victoriam. II. Ob eandem victoriam a Buchnero ipso recitata VII Idus Sept. A. M DC XXXIII. III. Electori Saxonico D. *Joh. Georgio* I. dicta, ob ejus adventum A. M DC XLVI. IV. Eidem A. M DC XLIX, cum clivastericum magnum feliciter superasset. V. Eidem, ipsis exequiarum solennibus A. M DC LVII. VI. Ejusdem Viduæ, Dominae *Magdalena Sibylla*, ipso exequiarum die, A. M DC LIX. VII. Ad D. *Joh. Georgium III*, cum Parentem Serenissimum lugeret, ac novum Principatum aspiceretur. VIII. Ad eundem Electorem, cum a Comitibus Ratisbonensibus rediisset. IX. In excessum *Henrici* Sen. L. Bar. a *Frisen*, Elect. Sax. in sanctiore Senatu Consilarii, cancellorumque ac in Appellat. Curia Præsidis A. M DC LX. X. *Friderico Metzbio*, S. Rom. Imp. Thesaurario, & Saxoniae Electori a Consiliis sanctionibus, nec non in Appellationum Curia Præsidi, A. M DC LVI. XI. Memoriam *Pauli Roberi*, SS. Th. D. nec non Ecclesiae Wittebergenfis & cæterarum Circuli Elector. Saxonici Superintendentis A. M DC LI. XII. Memoriam *Dan. Sennerti*, Medici A. M DC XXXIX. XIII est Allocutio alterius nomine scripta A. M DC XLIX ad Imperatorem *Ferdinandum III*. Sequuntur has funebres orationes numero XXIX breviores, e quibus potiores tantum referemus, quales sunt I. dicta in funere D. Balthasaris *Melfneri*, II. in fun. D. *Friderici Balduini*, III. in fun. D. *Wolfgangi Franzii*, IV. in fun. D. *Benedicti Carpozii*, V. in fun. D. *Johannis Strauchii* J. U. P. VI. in fun. D. *Godofredi Reuteri*, VII. in fun. D. *Tob. Mavii*, VIII. in fun. *Joh. Blumii* J. U. D. IX. in fun. *Mauritii Blumii* Med. D. X. in fun. D. *Danielis Sennerti*, XI. in fun. *Ambrosii Rhodii*, Mathes. P. P. Cæteræ pleræque in funeribus studiosorum aut foeminarum adolescentiumque ac puerorum sunt habitæ. Merentur tamen adhuc memorari XXIV, quæ est gratiarum actio dicta post funerationem *Leonh. Hutteri*, Theologi, & XXIX, qui sermo est ad exequiatores post funerationem *Erasmi Unruhii* Jurisconsulti habitus. *Festa* reperiuntur loco a nobis supra citato. *Tertia Partis*

Orationes *Literarias* vocari placuit, quod pleræque rem *literariam* spectant. Prima quidem de *Eloquentia* egit, cum Buchnerus Johanni *Avenario* successisset. II. De *Papismo cum Ethnicismo comparato*, cum Rectoratus fasces D. *Franzio* traderet. III. De *Exercitatione Styli*, pronunciata a M. Keimanno. IV. *Ad præcedentem* ipsius Buchneri *responsoria*. V. *Knispelii* Magistri novi de *Catonis Difficilis*. VI. De *iisdem* Buchneri. VII. De *Literarum Periodis*. VIII. De *Simplicitatis & Gravitatis vocabulo e Plinii Panegyri o.* IX. Lestioni *Annalium Taciti*, X. Prælectioni *Cornelii Nepotis* præmissa. XI. Est declamationi gemina, qua exponitur, *quid Carolus I Britannia Rex loqui potuerit, lata in sententia ferali*. XII. Complectitur ea, quæ nobilissimus autor dixit, cum Decani Collégii Philosophici partes sustineret. His subiunxit *S. ūbelius* editor orationem quandam a se ipso compositam & recitatam, cum adhuc Conrectoris munere in *Misnensi* schola illustri fungeretur, qua *Excensiones alumnorum nocturnas* reprehendit.

Totum opus ornatum addita *Augusti Buchneri Vita, per eundem uberius descripta*. Cujus recisam & arctatam, ut Priolus historiam suam vocat, epitomen hic dabimus. Nactus est ille, Dresdam patriam, ubi natus Prid. Kalend. Novembris A. MDXCI & familia nobili & antiqua, reique militaris ac pyrotechnias peritia valde incluta. Patre gavissus est *Paulo Buchnero*, Principibus maximis, Sabaudia Ducis, Daniarum Regi, ac Imperatori *Rudolpho II* æstumatissimo, & ab Electoribus Saxonis *Augusto, Christiano I & II* tormentaria rei ac fabricis præesse jussu, ab Imperatore *Rudolpho* vero torque ac diplomate scutoque condecorato, sibi posterisque servando: matre *Maria Croësia* Consulis *Dresdensis* filia. In schola *Dresdensi*, ubi pueritia ejus formata, *Kunadus* dicit in Programmate funebri, eum inter medios Teutonas Græcum, inter *Dresdenses* Romanum apparuisse; ac *Schubartus* auctor est, jam tum eum in *literarum* osiores & stultitiam eorum carmine luisse. In *Portensis* vero ad *Salam* seminarii convictu, cui Idibus Novembris A. MDCIV adscriptus est, fulgor emicuit clarior, æqualibus cunctis in *Latina* Græcaque lingua præipientis palmam. Triennio hic acto, Patre orbatus est: sed alterum permansit, demum A. MDCX in *Wittebergensem* Academiam missus; in cujus al-

bum

bum relatus est XIII Cal. Decembris, Pro-Rectore tum D. Leonh. Huttero, ac Rectore Duce Saxonico Augusto, Electoris Joh. Georgii I fratre. Cumque hanc ipsi aream nobiliorem ac palæstram assignaverit providentia Divina, in qua se probaret orbi, factum est, ut illico Jo. Rhodenburgio Antwerpiano successor in arte ac professione poetica suffectus fuerit, A. MDCXVI, virtute ac doctrina ipsius jam satis spectata: quo tempore quoque primus inter 46 competitorum lauream philosophicam accepit. Initio se Jurisprudentiæ studiis mancipare decreverat: sed haud multo post, dulcedine semel gustata Musarum mansuetiorum, & famæ nominis inde capiendæ, mutavit consilium suum, & illis pro virili se applicuit firmius. Per totos autem XL annos spartam Professoris Poeseos ornavit, diciturque in Epitaphio suo humaniorum literarum summus vindex ac stator. Et a Kunado verissime affirmatur, ab Augusto isto augustissima literas bonas accepisse ornamenta. A Stübello, Malagonellio illi Oratori Romano celebri longe præfertur, genere dicendi casto & æquabili, & instar limpidissimi amnis profluente, quo parem nesciverit. Nec tamen hic dissimulat, scribendo meliorem habitum quam dicendo, ubi timidior fuerit, nec expeditus omnino, unde proverbium etiam tunc frequentatum, esse Oratorem Saxoni loquendi non gnarum. Quod tamen laudis ejus nil derogat. Quod oris volubilitati decessit, studiosa pensavit & sollicita compositione, qua periodos omnes dimensus est artificii calamo. Vidisse se ille dicit unius ejusdemque orationis aliquot exempla, ejusdem ipsius manu exarata, varietque hinc inde interpolata, & aliis aliisque coloribus expolita. Neque omittit id ei proprium ac singulare, quod, cum concinnanda fuit vel oratio quædam, vel epistola, vel alia scriptio, non rosit unguis, ut vulgus meditantium solet, sed icones argute pinxit in chartæ margine. Industriæ illius & eruditionis præmia recenset, famam celebrem, etiam apud externos, laudes amplissimas ac dignitates spectabiles. Præter Professionem Poeticam Oratoria ei etiam collata fuit A. MDCXXXI, Joh. Arenario vivis exemplo. A. MDCXVII, demandata jam ei erat Ephoria Electoralium alumnorum, quam per annos XXXIII obiit. Senior Collegio Philosophico uno præfuit anno diutius. Academiæ totius Senior A. M DC XLIX etiam

per XII annos hoc tenuit decus. Falces Academiæ ter, Decani munus octies sine exemplo gessit. Optime vero de Academia, illi adhuc obligata, meritus est, non modo doctrinis, sed etiam consiliis publico salutaribus, & gravioribus in comitiis, & apud ipsum Patriæ Patrem, negotiis curatis, cum ejus etiam opera multi facti fuerint idonei aulicis ministeriis cum gloria & ex utilitate communi obeundis. Nunquam in cassum abiit spes, ubi manum ille admovit, ac vix unquam nisi lætus nuntius reversus est, cum ablegatus ad orandam Academiæ causam ivisset, quam periculossimo tempore conservavit, suada illa & gratia sua, qua valebat apud Magnates. Pingitur ubique decorus torque aurea, cui appensa Electoris *Job. Georgii II* effigies adamantibus enitescens. Enumerantur virtutes ejus plurimæ, sapientia, prudentia, humanitate temperata incredibili gravitas, candor eximius, pacis & concordia amor, modestia, avaritiæ fuga, cum nec lucrum privatis scholis quæriverit, neminem cogendum ratus ut gratum se præstare vellet, comitas, sobrietas ac frugalis vita. Pietas ejus inprimis prædicatur, etiam in carminibus sacris pangendis exhibita, & comprobata delectatione ac lætitia sancta, quam ex odis Davidis, quas Psalmos vulgo dicimus, petiit, & exquisitiore studio, quo sacra coluit publica, præ cæteris auditus cantu Deum celebrans. Quo collimavit potissimum symbolum ab eo electum: *unum est necessarium*. Hoc excellentiæ ipsius argumentum certum, quod poësin cum oratoria facultate nexu rarissimo copulavit. Quæ laus ipsius Ciceronis & Virgillii non est. Nec in Latina tantum, sed etiam Germanica Poësi excolenda, cum *Opitio* amico suo strenuum se ostendit, Dactylici præcipue carminis inventionem ac usum. Quare in Societatem sic dictam frugiferam allectus, & cognominatus fuit *der Venossene*. Sicut & Germanica ejus, quæ videre lucem, Poemata referuntur; nec silentur quotquot ejus prodire scripta, nominatis iis etiam, cum quibus amicitia ei intercessit, & qui cum ad se pertrahere voluerunt, inter quos primo loco Potentissimus Rex Suecorum & Gothorum *Gustavus Adolphus* reponitur, qui cum ad varias professiones in Academia sua Upsaliensi clementissime invitavit. Id quoque non tacetur, quod Elector Saxonie præficere ipsum Illustri Portensi ludo cogitarit, licet.

Col.

MENSIS OCTOBRIS A. MDCCV. 453

Collegis aliter visum fuerit. Significatur juxta, cum de suscipiendo Gymnasii Hamburgensis Reſtoratu cum eo actum fuerit, amorem patriæ ac Academiæ Wittebergenſis obtinuiffe, ut maneret. Tum fortunæ ipsius rationes exponuntur, quæ non beatiffima quidem, nec tenuiffima tamen fuerit. Matrimonium iniiit faustum cum virgine pudiciffima Elifabetha, *Jacobi Cruſii* Jurisconſulti filia, cum qua vixit feliciter 45 fere annos, & e qua filias quinque & ſex filios procreavit, undecies pater factus, quamvis duo tantum filii, Martis caſtra ſecuti, totidemque filiæ ſuperſtites vixerint. Filius natus major *Chriſtianus Auguſtus* apud Electorem, Saxonicum rei tormentariæ & fabricarum præfectus fuit ſupremus. Gnatarum natus maxima Elifabetha conjugem ſortita eſt D. *Hen. Coſelium*, Pandeſt. P. P. & Curiæ Elect. Scabinatus & Fac. Jurid. Aſſeſſorem. Alteram Dorotheam duxit uxorem *Oſbo Prætorius* foceri optimi ſucceſſor non indignus. Reliquum fuit, ut de valetudine his aliquid adjiceretur, annis prioribus jam non robuſtiſſima, ſervata tamen ultra naturæ leges, inter morbos, quibus tentata eſt, uſibus publicis, Divino beneficio, uſque ad annum ætatis ſeptuageſimum, quo podagræ doloribus & calculi valde vexatus ac denique fractus, A. M DC LX d. XII Februarii exſpiravit placide. Quam columnæ primariæ illius Academiæ prolapſionem orbis literarius lamentationibus juſtis proſequutus eſt. Exequiæ XI Cal. Martii paratæ. Concio funebris ab *Abrahamo Calovio*, parentatio ab *Egidio Strauchio* habita. Corporis exuviæ in æde ſacra, quæ arci contigua eſt, compoſitæ: ubi monimentum erectum viſitur. Monetur denique, rariora manuſcripta *Buchneri* reperiri apud Samuelem *Cnaubium* Wittebergæ, quorum partem etiam *Stäbelius* & *Hübnerus* tenent, tempore ſuo evulgandam.

RAYMUNDI VIEUSSENS, DOCTORIS MEDICI

Monſpelienſis, Regiæ Societatis Londinenſis Socii,

Novum Vaſorum Corporis Humani Syſtema.

Amſtelodami, apud Paulum Marret, 1705. in 12. pl. 20.

Cum *Nobiliffimus Autor*, cujus nomen aliquoties in noſtris Cinclaruit Actis, in præſenti opusculo cumprimis ſecretonorum

P. 142

- p. 90. & excretoriorum corporis ductuum originem demonstrare constituerit, haud præpostere videbimur agere, si prius innuamus, quinam canaliculi secretoriorum & excretoriorum nomine ab *Autore* insigniantur, & qualis utrorumque notetur discrepantia, quam tubulos recenseamus, qui conformationem *Uteri*, *Coryledonum*, *Mammarum*, *Vasorum sanguiferorum*, *Lienis*, *Hepatis*, *Renum*, *Pancreatis*, variarumque *Capitis* partium, ingredi observentur.
92. Etenim ductus, recrementitios solummodo succos ex arterioso sanguine secernentes, musculorum videlicet & membranarum lymphatici, secretorii; humores vero excrementitios segregantes, more spongioso-urinosorum renum ac biliferorum hepatis tubulorum excretorii appellantur: qui autem ductus nunc recrementitiorum, nunc excrementitiorum humorum secretioni vacant, uti vasa vesiculoso-lymphatica uteri, partim pro secretoriis, partim pro excretoriis venditantur. Utriusque tamen generis canalium dum alii immediate, alii mediate succos secernendos aut excernendos ex arteriis depromunt, illi primarii, hi secundarii cognominantur: sicque membranarum vasa lymphatica & adiposa pro secretoriis primariis, atque ii tubuli, qui spongiosam uteri substantiam contextentes ex propria illius membrana nascuntur, pro secretoriis secundariis habentur; prout renum ductus urinosi excretoriis primariis, & biliferi ductus internæ folliculi fellis superficiei appensi, excretoriis secundariis annumerantur. Secretoriorum demum vasorum alia immediate, alia mediate, succos ex arterioso sanguine secretos in venas exonerare pariter atque excretoriorum ductuum alii immediate, alii mediate, humores excrementitios ex interioribus corporis eliminare, indigitantur; vasis lymphatico-nervis & adiposo-nervis titulum a nervulis mutuantes iis, qui cum lymphaticis & adiposis vasis strictissime coalescunt eorumque cavitatibus inhiant. In hoc interim vasa lymphatica *Autoris* a *Bartholinianis* discernuntur, quod priora ex arteriis emergant, & in venas partim, partim in spongiosam alicujus partis substantiam, desinant, posteriora vero ex venis oriantur, numerosa v. g. lymphatica uteri muliebris ex venis membranæ propriæ, atque nunc in receptaculum lunabare, nunc in ductum thoracicum, nunc in venas alias terminentur. Sed ad partes ipsas deveniendum, quas ex tubulis ejusmodi
118. con.

contextus, post præviam earundem in aqua coctionem vel mace-
rationem, nec non exsiccationem, microscopii subsidio specialius
Noster annotat, initium ab *Utero*, cum humano, tum ovillo, fa-
ciens, quod filius, Medicinæ Doctor, primam ipsi subministrasset
ansam in utero mulieris, ex abortu denatæ, eorum vasorum vesi-
culofo-lymphaticorum, quæ sub interna membranula porosa re-
ticularem plexum efformant, principium in arteriis finemque in
venis detegendi. Circa generaliore uteri virginei atque ovilli
gravidis, in superficie itidem permultis lymphaticis *Bartholinianis*
stipati, structuram ratione membranarum advertit, utrumque ute-
rum ex tribus membranis, communi una & duabus propriis, coale-
scere, quarum communis a peritonæo oriunda innumeris lymphati-
co-nervis tubulis ac paucioribus sanguiferis interspersis, pro-
prium vero prima innumeris ductibus sanguiferis ac indefinitis
lymphaticis, partim ab arteriis, partim a communi membrana
prodeuntibus ac fibras musculosas mentientibus, præsertim in gra-
vidis, quando eorum nonnulli ob nimiam ostiorum aperturam
tenuissimas simul sanguinis particulas admittunt, evidenter con-
stet. Quoad specialiore vero texturam, uterum muliebrem ab
ovillo distinguentem, in illo duabus membranis propriis spongiosam
notat interjacere substantiam, intra poros suos irregulariter dispo-
sitos succum dictorum lymphaticorum recipientem, atque ex par-
te ad venas, ex parte ad uteri cavum, intervenientibus sinibus sub-
rotundis ac porosis deponentem: quæ, etsi vasorum retiformium
præ se fert speciem, ob tunicarum tamen defectum vix verorum
ductuum nomine insigniri mereatur, per quam verò apta, ut in
gravidis succum simul lacteum a nonnullis vasculis dilatatis reci-
piat, ad glanduloso-vesiculosam placentam uterinam transferen-
dum, in non-gravidis autem singulis mensibus faeces transcolatæ
lymphæ colligat, quæ successive accedendo, incallescendo atque
fermentescendo, sanguinis, per venas compressas remeare impe-
diti, secretionem & excretionem menstruam per lymphatica ex-
pansa spongiosamque uteri substantiam sine ulla vasorum ruptione
producant. E diverso in ovillo utero primam membranam pro-
prium cum secunda partim immediate, partim intermediis cohæ-
rere cotyledonibus, pocula quodammodo æmulantibus, quales aquæ
fri-

p. 2.

7. 15.

16.

8.

9.

13.

14.

- p. 20. frigida immerſi hanc mox lacteam reddant, per triduum vero in ea macerati explicatis ſuis vaſis lymphatico-nerveis, per innumeras propagines tenuiſſimas invicem communicantibus, exiguum aſpergillum, ſeu potius omnino evolutum acaciæ florem referant, ductibus ejusmodi lymphatico-nerveis ex arteriis proficiſcentibus ac in venas deſinentibus, abſque eo, ut propagines emittant, utero ovillo æque ac muliebri inhiantes. Membranarum hinc foetus ovilli ſtructuram arctumque cum coryledinibus & vena umbilicali nexum investigaturus, ubi chorion & amnion duas membranas ſtriſſiſſime unitas, e vaſis ſanguiferis & lactiferis contextas ad laticem, cui foetus innatat, ab hujus cutis tubulis lymphatico-nerveis recipientes & continentes, allantoidem vero ſero urinoſo turgidam ac e lymphaticis & ſanguiferis vaſis conflatam, monſtravit, prolixam ad primas vias inſtituit digreſſionem, ut cum viam ad renes brevifſimam & latiſſimam, quam acidulæ, ſpirituofa, aliæque aſſumpta cito emetiantur, tum ventriculū primum ſimul alimentorum liquidorum eſſe colatorium, patefaciat. Viam ſcilicet iſtam, primum per ventriculi lymphatico-nervea vaſa, ex arteriis ortum ac in venis terminum obtinentia, venas gaſtricas & gaſtro-epiploicas, deinde per ſimiles inteſtinorum tenuium ductus lymphatico-nerveos, venas meſaraicas, innumeros venæ portæ ramos, ſuperiorem inferioris trunci venæ cavæ partem, dextrum cordis ſinum, arteriam & venam pulmonarem, ſiniſtram cordis cavitatem, ſuperiorem trunci inferioris aortæ partem & arterias emulgentes, haberi indigitat. Per tubulos autem ventriculi lymphatico-nerveos, æque ac inteſtinorum, aliquid liquidi ad venas tranſcolari, adjumento eſſentiæ croci, ventriculo poſt internam ſuperficiem aqua frigida deterſam infulæ, atque intra bihorium non modo ſtomachi parietes, ſed & vaſa ſanguifera tam ventriculi quam omenti cum ductibus hujus adipofiſ, flavo colore inſcientis, comprobat, ſimulque obſervationibus eorum confirmat, qui vitam aliquamdiu protraxerunt, etiamſi in cadaveribus ipſorum diſſectis
22. omnis via, vel a ventriculo ad duodenum per præternaturalem pancreatis magnitudinem ac indurationem, vel ab inteſtinis ad vaſa lactea per horum defectum atque meſenterium gypſeum, penitus apparuerit intercepta. Eſſentia tamen croci quia pariter e
- 25.
- 30.
- 37.
- 40.
- 34.

ven.

ventriculi, semoto omento, inverſi ac ſuſpenſi fundo ſenſibiliter
 ſtillare ſoleat, aliquid pinguedinis quoque per omenti ductus adi-
 poſos ad ventriculum deferri, adeoque fermentum ventriculi, ali-
 mentis coquendis dicatum, e miſcella ſucci huius adipoſi, ſpiritu
 quodam acido volatili ſaturati, ſpiritus animalis nitroſis aeris par-
 ticulis imprægnati, atque laticis lymphatici, reſultare colligit. Sed
 ad chorion rediens, modo huius cum cotyledonibus uteri con-
 nectionem ope exiguorum corporum glanduloſo-vaſculoſorum ſub-
 rubrorum, tanquam totidem placentularum, mera vaſcula ſanguif-
 era pluraque lymphatica involventium; modo cohäſionem
 membranarum foetus & placentæ uterinæ cum utero interceden-
 tibus atque coaleſcentibus lymphaticis, ita fieri tradit, ut in pro-
 ductione & accretione foetus ovilli atque humani, fuſius explana-
 ta, non ſanguis, ſed ſuccus lacteus a cotyledonibus per placentu-
 las & ab utero per placentam uterinam ad venam umbilicalem
 foetumque tranſcolari ac propagari intelligatur. Quemadmodum
 vero *mammis* inſignis cum utero intercedit conſenſus, ita illarum
 porro ſimilem cum huius declarat conformationem, utpote ex
 membrana propria & ſubſtantia glanduloſo-veſiculoſa non aliter
 compoſitam, quam quod vaſa ſanguifera & lymphatico-nervea,
 ab arteriis enata & ad venas partim, partim ad ſubſtantiam veſi-
 culolaſ abeuntia, membranam compingant, textus autem ſpon-
 gioſus laticem lymphaticum partim mediate, dictorum lymphati-
 corum medio, partim immediate ex arterioſo ſanguine derivet, ac
 per tubulos lactiferos ad papillas diſpenſet. Majorem ſolummo-
 do albedinem ſpongioſi mammarum corporis majori firmitati va-
 ſorum lymphatico-nerveorum deberi, nonniſi lympham tenuio-
 rem atque a ſæcibus depuratam admittentium, cum uteri lym-
 phatico-nervea molliora craſſiorem ſæculentioremque lympham
 recipiant, ſicque texturæ veſiculolaſ cineritium inducant colorem.
 Quo luculentior nihilominus lymphatico-nerveorum vaſculorum
 in utero, mammis, aliſque partibus exortus ex arteriis reddatur,
 in progreſſu tam in genere *vaſorum ſanguiferorum* exteriores &
 interiores glandulas veſiculolaſ, i. e. veſiculas pellucidas, e tubu-
 lis diverſi generis ſimul intextis reſultantes, obſervationibus, expe-
 rimentis & rationibus demonſtrare, quam in ſpecie *aorta* ac *ve-*

75. *ne cava* singulas tunicas una cum secretionis modo extricare annititur. Ex iis, quæ in cadavere alicujus a rupta pulmonum vomica mortui observavit, evidentissimus contextus glandularum vesiculofarum nimis dilatatarum in pericardii membranis propriis propriaque cordis & auricularum illius membrana, extima demum superficie omnium vasorum cordis, una cum pericardii & cordistubulis lymphatico - nerveis, nobis haud silendus videtur.
- 82.. Aortam vero, non minus atque arteriam pulmonalem, in quatuor dirimens tunicas, primam earum nerveam ex implicatione diversi generis vasorum, alteram vasculosam ex vasculis rubris, subflavis
- 88.. sive sanguiferis, ac cineritiis seu lymphaticis constructam, utramque vasculofo-vesicularem, respectu vesiculofarum glandularum
- 83.. a vasorum diversis flexibus concinnatarum, tertiam spongiosam fluidum succum in poris suis irregularibus continentem ac radicem omnium ductuum constituentem, quartam denique interiorem, sat validam, licet pia meninge tenuiorem, poris innumeris propter varios succos ex arterioso sanguine continuo secernendos instructam, pluribus explanat.
- 91.. Ne manca tamen ista tunicarum videatur evolutio, propagines nervorum prosequitur, quæ interiorem arteriarum texturam a primo sui ortu ad extremos usque fines subeant, statimque in exiguissimos abeant tubulos membranaceos, cum tenuissimis spongiosæ arteriarum tunica ductibus secretoriis coalescentes & una cum ipsis membranas constituentes, quatenus corporis membranæ non solum lymphaticis, vel adiposis, vel lymphaticis & adiposis simul, sed & nerveis ductibus consent, spiritum animale in secretorios canales, pro liquorum fluiditate
- 99.. atque vi augendâ, exonerantibus. Ne autem circa ductuum adiposorum ex arteriis originem dubium relinquatur, præterquam quod pinguedinem consideret, tanquam ramosas sanguinis arteriosi partes, tum ad omentum, quod in musæo siccum asservat, ductuum adiposorum perspicua foramina immediatumque ex arteriis ortum ac finem in venis apertissime sistens, tum ad croci essentiam, a sinistraq cordis ventriculo intra viginti quatuor horas ad totum magnæ arteriæ truncum, binas arterias coronarias & superstratam ipsis pinguedinem penetrantem, hæcque cuncta colore croceo perfecte tingentem, provocat. Quemadmodum vascula lymph-
- 108.. pha-
- 103..

phatica, quæ in membranis vesicularum succo crystallino gravidarum contextum repræsentent, dilatata nimis ipsum sanguinem recipere, exemplo portionis intestini coli inflammata dat demonstratum. Eum præterea, qui hæsitat, num arteriæ capillares variis suis inflexionibus vesiculosa quadantenus vascula referant, tandemque in venas desinant, adeoque arteriæ & venæ continuos canales constituant, jubet intueri *lienem* humanum, post aliqualem membranæ communis a propria in parte convexa separationem, per mensem in aqua maceratum, certoque pollicetur, deprehensurum illum esse, viscus hoc non solummodo mirandum vasorum haberi plexum duplici membrana obvolutum, sed minores quoque ejusmodi plexus arteriosas propaggines in venas minores abire, tenuissimis forsitan nonnullis exceptis, quas ductuum lymphaticorum vires supplere, ac in venas terminari suspicatur, quod indefinita ejusmodi vascula tam in membrana communi splenis suilli, quam intra texturam anteriorem ejus aliquamdiu in aqua macerati, propter crassiorem sanguinem copiosiori lymphâ diluendum, nudis oculis detexerit. Ad venas progrediens, in venæ cavæ ramis tunicâs, ab arteriis mutuatas & minori vasculorum apparatu instructas, describit tres: communem ac mediam e vasis diversi generis varie intertextis conflatas, atque anteriorem spongiosam, indefinitis foraminibus, partim sensibilibus sive ostiis ductuum venosorum, partim insensibilibus, seu spiraculis lymphaticorum & adiposorum tubulorum, pertusam. Venæ portæ ac venæ cavæ per totum *hepar* distributionem exhibet talem, qua innumeræ utriusque propaggines in membranaceas cellulas ovales abeant, inque his pro hepatis glandulis constituendis diversimode convolvantur, per veramque anastomosin invicem conjungantur. Quoties enim jecur suillum in tenues lamellas dividatur, atque hæ in frigida macerentur, toties utramque earum lamellarum superficiem cellulis membranosis instructam, interiori autem cujusque cellule superficiem speciem quandam musci cinereo-ruffi, non nisi extremos fines propaginum venæ portæ cum capillaribus cavæ immediate unitos comprehendens, ad nutum conspici. Circa venam denique pulmonarem non aliud addit, quam quod illa pro pulmonaris arteriæ sobole jamjam a *Malpighio* fuerit habita; quoniam po-

p. 110.

113.

114.

115.

116.

117.

119.

120.

121.

tiorem curam gerit rationem patefaciendi, qua omnium arteriarum conicarum parietes a sanguine e sinibus cordis propulso per totum sui tractum ab invicem diducantur, simulque a vasculorum ex spongiosa illarum tunica nascentium ostiis una dilatatis, sive sensibilibus, sive insensibilibus, magnitudine, figura & situ discrepantibus, nunc sanguis, nunc alius succus proportionatus admittatur, totque humores diversi vi dictorum vasculorum elastica, mox, dilatatione arteriarum cessante, ad venas pariter, atque secretorios & excretorios tubulos propellantur: quave virium celerima fiat jactura, si v. g. in febribus malignis motus cordis ad brevissimum etiam tempus intermittat. Ast tædiosum Lectori haud dubie foret, si in iis ulterius commemorandis, quæ *Autor* de renibus, ductibus biliferis, pancreate, tandemque de pia crassaque meninge, cinerea cerebri substantia, quarto spinalis medullæ involucri, vasis sanguiferis cerebrum irrigantibus, glandula pineali, valvula cerebri majore, infundibulo & glandula pituitaria, fusius edocet, quibusque propria errata in *Neurographia* quoad ultimas partes commissa candide corrigit, tantæ insistere vellemus prolixitati: ex omnibus proinde solam sufficiet renum structuram percurrere, e duabus membranis ac duplici substantia coagmentatam. Exterior renum membrana adiposa ductus, quos obtinet adiposos, immediate ex arteriis fertur adsciscere, atque exilissimas eorum productiones ad renum venas extimas per membranam propriam æque spargere ac propria membrana, nervulis, multis vasculis sanguiferis & indefinitis lymphaticis constans, tenerima lymphatica filamentorum specie ad easdem venas demittat. Exterior vero renum substantia, glandulosa adhuc reputata, omnis vasculosa, i. e. ex arteriis, venis atque innumeris ductuum adiposorum & lymphaticorum utriusque membranæ productionibus coagmentata, non minus adstruitur, atque interior eorum compages ex triplici tubulorum genere, arteriis puta, venis & ductibus urinariis deducitur. Arteriarum videlicet emulgentium ramos cum nervis unitos, emissis propaginibus arteriosis & sub albis filamentis ad utramque membranam, modo versus renum pelvim tendendo sub hac alias atque alias elatenibus suis exiguissimas propagines, in exilissimas venas ubique socias abeuntes totamque pelvi subjacentem glandulosam substantiam constituentes, ex-

p. 123.

143.

144.

146.

148.

149.

155.

159.

161.

exerere, & quidem tot; quot membranaceæ sint fistulæ, ex elongato pelvis margine conflata; modo cum venis versus extimam renum substantiam excurrente in plures facessere arcus majores, minores alios intra & extra se comprehendentes, ac interiorem renum compagem in duo veluti hemisphæria dividentes, a quorum antica & concava parte ad interiorem, a convexa vero & postea parte ad exteriorem renum substantiam indefiniti surculi, venulis ubique stipati, propagentur. Ex antica pariter & concava arterioforum arcuum parte, ut & ex antica facie vasculorum plexuum renalium atque ex arteriis concomitantibus spongiosos ductus urinarios, urinam transcolantes & in nonnullis animalibus unum corpus cinereo-albo-spongiosum, in aliis plures carunculas sive papillas concinantes, primam nancisci originem, ratione, experimentis ac observationibus, uberius evincitur. Antequam tamen explicatione Figuræ finiamus transcriptæ, qua in rene vervecino, secundum longitudinem a parte convexa ad pelvim usque secto, arcus omnes arteriosi una cum membranaceis suis fulcimentis interiorque facies vasculorum plexuum renalium, exempta substantia vasculoso-spongiosa, repræsentantur, *Experientissima Auctori* de Systemate, hoc vasorum corporis humani non possumus non applaudere, eatenus omnino novo, quatenus ante eum vasorum *Barbolinianorum* lymphaticorum principium a venis, cunctorum, vero reliquorum tubulorum secretoriorum & excretoriorum exortum præcisè ab arteriarum tunica spongiosa, & nonnullorum finem in venis, nondum, quantum novimus, asseruit ullus, etiam si arteriarum cum venis continuationem *Svammærdammius*, *Leuwenhæckius*, *Craanius*, *Listerus* alique, aut saltem conjunctionem intercedentibus vesiculis *Mayow*, immediatamque simpliciorum organorum secernentium ex arteriis originem *Nuckius*, *Ruy-schius*, *Comperus*, &c. jamjam divulgaverint.

162.

163.

171.

175.

198.

Explicatio Figuræ I Renem vervecinum exhibentis.

TAB. X.
Fig. I.

A A A A Extima, seu glandulosa renis vervecini substantia.
B Arcus arteriosi minimi paulo super majores arcus
constituti.

Mmm 3

C. Ar-

- C Arteriæ venas comites habentes, quæ e superna & postica arcuum arteriosorum majorum facie nascuntur, & extimæ renis substantiæ convexam illius partem occupanti effor-
mandæ impenduntur.
- D Arcus arteriosi majores.
- E Ea vasculosorum plexuum renalium pars, quæ arcu-
bus majoribus & minoribus arteriosis circumscribitur.
- F Arcus minores arteriosi.
- G Hæc vasculosorum plexuum renalium pars, quæ a mar-
gine pelvis ad minores usque arteriosos arcus protenditur.
- H Cavitas pelvis.
- I Membranaceæ fistulæ e margine pelvis elongato con-
flatæ, seu membranacea arcuum arteriosorum fulcimenta, quo-
rum parietes tenuissimi evadunt, dum in arcus arteriosos & ve-
nosa abeunt.
- K Ostium ureteris.
- XX Propagines arteriosæ ex arcubus arteriosis majoribus
emergentes.

*DE AURE HUMANA TRACTATUS, IN QUO
integra ejusdem Auris Fabrica, multis novis Inventis, & Ico-
nismis illustrata, describitur; omniumque ejus Partium usus in-
dagantur. Quibus interposita est Musculorum Uvula atque Pha-
ryngis nova Descriptio & Delineatio, Auctore ANTONIO
MARIA VALSALVA, Imolensi, Philosophiæ & Medicinæ
Doctore, in Bononiensi Universitate ad Incisionem & Oſen-
sionem Anatomicam Professore conducto, nec non
Nosocomii Incurabilium Chirurgo.*

Bononiæ, typis Constantinii Pisarî A. 1705. in 4. Constat 1.
Alphabet. & Figurarum Tab. X.

Præfat.

Quamvis dexterrimum nostrum Anatomicum ii haud laterent,
qui majorem in Auribus humanis scrutandis & delineandis po-
suerunt industriad, inter quos *Celeberrimum Dominum du Verney*
cum primis extollit; quia valde nihilominus dubitaret, an tale orga-
num, cujus partes exiguæ durissimo inclusæ habentur ossi, ejusque
vul-

vulgatæ historiæ nec inter se, nec cum aure ipsa, in multis conveniunt, adhuc penitus perluſtratum eſſet, proprias vires in admirando ejusmodi ſenſorio ſtudioſius inveſtigando experiri voluit, ut quæ in eodem aut illuſtrari, aut augeri, aut etiam inveniri labore & diligentia poſſent, in lucem protraheret. Neque indefeſſam accuratiſſimi *Auroris* ſedulitatem, tantæ ſpei innixam, felicibus ſucceſſibus caruiſſe, præſens tractatus, nitidiſſimis atque curioſiſſimis figuris ornatus, eo apertius loquitur, quo evidentius, cum circa *Auris humana ſtructuram*, tribus cavitatibus, exteriori videlicet ſive *auricula* & *meatu auditorio*, media ſeu *tympano*, & interiori ſive *labyrintho* conſtantem, tum circa omnium ejus partium uſus, plura nova fiſſit detecta, quæ vel ſola cum Benevolo Lectore nunc imus communicatum. Ut ab *auricula* vero & *meatu auditorio* faciamus initium, varia hic, ab aliis neglecta, innuenda veniunt, *glandula* nempe *cutis ſebacea*, *cartilaginiæ quidam proceſſus*, *glandula tragi*, *auricula muſculus anterior*, *muſculus tragi* & *antitragi*, *novum auricula ligamentum*, *verum auditorii meatus inceſſum obſervandi ratio*, *glandularum meatus auditorii corpus reticulare*, *auricula & meatus auditorii rami venoſi a peculiari vena occipitalioriundi*, *nonnulla baſis cranii foramina*, *certain nervum in odontalgia adurendi locus*, atque in *parotide humana lymphatica ſeu conglobata glandula*. Cutis auriculæ glandulæ ſalutantur ſebacæ, quod humorem ſecernant ſcbo ſimilem, naturaliter poſt ſui exſiccationem in furfureas abeuntem particulas, quales glandulæ in ſpina pariter & aliſ naſi, aliſque faciei partibus, poſiſſimum ſub palpebris, nec non in capillata capitis parte, atque circa collum & ſcapulas reperiantur. Præter notas auriculæ eminentias ac foveas, a cartilagine efformari ſolitas, exiguus & acutus in parte hujus anteriori, ubi helix immediate ſupra principium meatus auditorii concham claudit, oſtenditur proceſſus. Prout ex parvæ glandulæ tragi vocantur, quæ ciceris exilis magnitudine ſuper cartilagine ad tragum verſus finem collocantur, cum glandulis lymphaticis inguinalibus & axillaribus convenientes, cum parotide autem non confundendæ. Externis auriculæ muſculis quatuor, uni ſuperiori & tribus poſterioribus a *Caſſerio* inventis, quintus anterior adjungitur, a temporalis muſculi membrana im-

C. I.

P. 3.

4.

5.

7.

me-

- mediate supra exortum processus zygomatici ab osse temporum enatus, & antequam auriculam attingat, in duas divisus partes, quarum altera in partem anteriorem superioris conchæ cavitatis, altera vero paulo superius in partem anteriorem cavitatis scaphæ infigitur. Duobus autem auriculæ musculis internis, utrumque extremum intra illam obtinentibus, ac in capitibus potissimum macilentorum conspicuis, nomina a trago & antitrago ita imponuntur, ut musculus tragi, ambitu fere circulari circumscriptus, fibris carneis externam tragi faciem occupare, musculus vero antitragi basin ad posteriorem antitragi partem habere, & pyramidis in forma assurgentem in conchæ marginem, ubi anthelix desinit, inferi perhibeatur; quibus musculis in auricula fibræ carneæ, a gibbo conchæ circa ejusdem dimidium recedentes & in anthelice transversim extensæ non minus affociuntur, atque fibræ aliquando carneæ musculis externis a quadrato colli ad inferiorem auriculæ partem soleant accrescere. Auricula cum osse temporum non solum per musculos exteriores, sed & per nexus membranaceos, imprimis per ligamentum, coherere asseritur, quod acutum illum processum in auriculæ cartilagine indicatum, itemque superiorem cartilaginosi meatus auditorii partem, cum temporali osse ibi colligit, ubi ab hoc zygomaticus processus erumpit. Quo meatus auditorii, a coarctatione conchæ incipientis & usque ad tympani membranam per os temporum progredientis, tota cavitas cylindro quidem elliptico comparata, sed satis tortuosa atque serpentina exacte cognoscatur, cera vel alio liquato corpore jubetur repleri. Membrana adiposa ad meatus auditorii solummodo medietatem dicitur elongari, statimque ab ingressu in fibras carneas abire reticulari ordine dispositas atque suis areis glandulas ceruminis, a *Domino du Verney* primum descriptas, fulciantes, cum e diverso auriculæ cutis eundem meatum investiat totum suæque expansione membranacea, in quam circa medium ejus gracilescit, ipsius membranæ tympani exteriorem faciem constituat. Dum arteriæ ac venæ exteriores traduntur, mentio fit nonnullorum ramorum venosorum, qui sanguinem non in venam jugularem, sed singularem prorsus reducant, ex eo occipitalem appellandam, quod plures ramos alios ab occipitis partibus acci-

accipiat, utrinque alias post mamillarem processum per novum foramen cranium subintrans, atque sanguinem in sinus laterales exonerans. Qui funiculus nerveus pone auriculam superiora capitis petit, & in odontalgia omnium certissime aduri potest, si ignitum ferramentum quatuor digitos longum tergo tragi, & quidem per transversum auriculæ applicetur, non tam a portione parisi septimi dura, quam ab eo potius nervo statuitur proficisci, qui inter primam & secundam colli vertebam emergit, atque deorsum primum vergens rix sursum reflectitur. Ex glandulis tragi similique majuscula, in parotide etiam humana sub auriculæ lobo multoties deprehensa, auriculæ pariter ac meatui auditorio vasa esse lymphatica, quamvis a nemine hucusque visa, haud frustra conjicitur. Sed *tympani* cavitatem ingrediamur, atque in hac

membrana tympani compositionem ex duabus laminis, modum processus mallei minoris musculum a Casserio inventum detegendi, demonstrationem ejus membrana mobilis, cujus interventu basis stapedis cum fenestra ovali connectitur, foramina tympani cum cavitate cranii communicantia, nec non tube Eustachiana musculum, tanquam nova, una cum nova musculorum uvula & pharyngis descriptione, perlustremus. Tympani membranam, elliptica peripheria stipatam similisque figuræ (nisi quod ex una parte interruptitur) osseo annulo stricte inclusam, ex duræ meningis partim, partim cutis meatus auditorii, expansione membranacea coalescere, sicque notabili robore pollere, in humano declaratur foetu. Antequam Autori de *Experientissimi nostri Rivini* hiatu membranæ tympani ex *Munnicks* libro de Re Anatomica constitit, circa interruptam annuli ossei partem indagando, aliquando ab eodem exiguum quoddam & sincerum foramen in tympani membranæ circumferentia, ubi mallei processus minor illam aliquantum versus meatum auditorium elevat, observatum fuisse exponitur, in quale tamen postmodum, cum soli setæ porcinæ immisioni minus siceret, frustra sæpius inquisiverit, licet in statu præternaturali fluidorum a tympano ad meatum auditorium transitus variis observationibus confirmetur, simulque in ulcerum auris medela balsami Peruviani instillati usus certissimus commendatur. Ex tribus mallei musculis, hujus processibus, majori, minori

p. 16

C. 1.

18.

19.

20.

21.

25.

Nna

& mi-

- & minimo implantatis, ille præcipue, qui in minorem mallei processum definit, in lacertosis atque violenta morte defunctis investigari atque tunc oculis usurpari promittitur, si, cavitate tympani aperta, in eus malleo separetur, & tympani membrana blande e vicinia removeatur, in quantum ille paucis constans fibris totus sub incudis corpore meatuque auditorio condatur. Stapedis basin ellipticam, nullis pertusam foraminulis, fenestræ ovali, quam exacte claudit, per tenuem membranam, circa stapedis capitulum paulo firmiorem, ita coherescere, ut sursum deorsumve, si opus, per eandem fenestram possit moveri, ex singulari surditatis specie, ab induratione hujus membranæ ossa dependente, satis evincitur. Relictis tamen quatuor ossiculis perioestio, non vero sanguiferis vasis destitutis, ac in infantibus magis densitate minori quam magnitudine ab adulatorum discrepantibus, foramina potius commemoremus, quæ viam sanguini aut ichori a cranii cavitate ad aurem concedunt, atque circa superiora in illo sinuositatis mastoideæ pariete occurrunt, quo ipsa a cranii cavitate distinguitur & sub quo malleus cum incude articulatur, etiam si aliquando super ipsam quoque tympani cavitatem, nunc duo eorum, nunc tria, nunc saltem unum reperiantur, specillum plerumque ac liquorem per tubam Eustachianam in cavum cranii injectum admittentia. Talia siquidem, quæ per aures soleant excerni, subinde revera a cavitate cranii promanare, observationibus diversis adstruitur; sicuti ortus humoris, quo tympanum irrigatur, vel a membrana, qua investitur, vel interstitiis, cranium & duram matrem interjacentibus, reputatur. Canali a tympani cavitate supra palati extrema dimisso, & ab inventore tuba Eustachiana vocando, musculus attribuitur, qui & hanc tubam, & foraminum nasi internorum extremitatem dilatet, quatenus fibræ carneæ ex latere anteriori tubæ Eustachianæ, a parte ejusdem membranacea, nec non a contiguo extremo margine partis cartilagineæ per totum illud spatium, quod inter tubæ finem ejusque ossileam partem interponitur, deprehendantur progredi, atque, postquam oblique descendendo tendinem efformarunt, per inferiorem partem internæ alæ processus pterygoidis excurrere, donec rursus circa inferiorem marginem foraminum nasi internorum diffundantur atque in ho-

rum

rum membrana terminentur. Quoniam vero tubæ isti cum musculis uvulæ & hisce cum pharyngis musculis continuas intercedit, usqueque tubæ Eustachianæ absque certis uvulæ motibus præstari nequit, tanto magis historia musculorum uvulæ & pharyngis subnectitur, quanto longius etiam vulgares eorundem descriptiones & iconismi a vero abesse videantur. Uvulæ quippe tria musculorum ostenduntur paria: quorum primum, aptius salpingo-staphylinum, quam pterygo-staphylinum internum, appellandum, ab inferiori tubæ Eustachianæ parte ossea emergat, hincque sub inferiori membranacea parte ejusdem tubæ oblique ad uvulæ basin descendat, ibique cum fibris comparis musculi quasi continuetur; secundum vero par glosso-staphylinum a lateribus linguæ in parte ejusdem inferiori paucis fibris erumpat iisque aliquantum restrictis ad latera versus uvulæ medium infigatur; tertium denique pharyngo-staphylinum amplam originem ab inferiori pharyngis habeat parte, ubi in œsophagum incipiat restringi, & per anteriorem pharyngis partem lateralem assurgens, cum ad ipsius superiora pervenit, fibras suas instar arcus inflectat, sub tonsillis protensus atque parti inferiori & laterali uvulæ connexus. Pharyngis autem, veluti superioris œsophagi partis, membrana glandulosa, musculis ac tribus orificiis instructa, quinque musculorum paria cum uno impari exhibentur, suisque nominibus insigniuntur. Primum par, quod vulgo cephalo-pharyngæum audit, idem innuitur, quod pharyngo-staphylinum jam nominatum fuit, staphylo-pharyngæum etiam salutandum, quia pharyngem non minus ac uvulam valeat movere. Alterum par, glosso-pharyngæum potius, quam sphæno-pharyngæum vocatur, quod a lateribus linguæ in parte hujus inferiori confusam cum musculo glosso-staphylineo sortiatur originem, hinc per superiorem pharyngis partem circulari quasi incessu ita pergens, ut fibræ unius musculi cum fibris alterius, interposita tamen lineola veluti tendinosa, concurrant. Quæ admodum tertii paris stylo-pharyngæi principium a processu styliformi, atque finis in lateribus pharyngis jamjam constant, ita quartum par, omnino novum, hyo-pharyngæi titulo indigitatur, quod duplicem in osse hyoide obtineat insertionem, longiorem nimirum in appendicibus cartilagineis, brevioræ vero

P. 43

47.

48.

49.

- in processibus ejus cornutis, a quibus terminis fibræ aliquantulum oblique recedentes versus superiora pharyngis inclinent, & in hujus medium lata expansione desinant, cum oppositis rectam ibi lineam tendinosam componentes. A musculorum hujus paris violenta distensione peculiarem luxationis speciem inferri posse, notabili exemplo confirmatur. Quintum par thyro-pharyngæum nuncupatur, quia ab utroque latere thyroidis, per totam hujus altitudinem duas acutas productiones formando recedat, & suis fibris oblique ascendendo in partem posteriorem pharyngis ad ejus medium in rectam lineam tendinosam more antecedentis desinat, in quantum Cæsserius pharyngæum vulgo dictum ex duobus musculis compositum jamjam annotavit. Ultimus, qui restat musculus, crico-pharyngæus denominatur, ad sphincteris naturam magis accedens, dum fibræ ejus, sub inferiori paris thyropharyngæi productione ab eadem cum ista cricoidis parte recedente, transverse tendunt atque œsophagi principium cingunt.
- P. 50. C. 3: Tandem, ut auris conformationem absolvamus, indigitanda supersunt: *cavitas orbicularis ante canalis semicircularis majoris officium proprium, canalium semicircularium proportionem, scala tympani & vestibuli differentia, quinque vestibuli foramina nervos transmittentia, tresque canalium semicircularium zone sonora; ceteræ quæ in interiori auris cavitate sive labyrintho, vestibulum canales semicirculares, & cochleam involvente, fuerunt observata.*
61. Canaliculi semicircularium, cavitate elliptica, interdum cylindrica prædicatorum, major qui audit, altero officio cum canali semicirculari minori gaudet communi, canalem quasi communem constituyente, altero autem proprio in orbicularem quandam cavitatem dilatatur, cum canali semicircularis minimus per duo officia, alterum latius, alterum angustius, videatur communicare.
63. Quam proportionem autem tres isti canales semicirculares inter se observent, in multis quidem subjectis magna cura fuit indagatum; quia vero in diversis diversa apparuit, talisque etiam in Tabula peculiari adumbratur, exactam eorundem longitudinum proportionem vix determinari posse, merito colligitur. Dum cochlea per septum aliquod, partim durius, partim mollius sive zonam cochleæ, in duas dirimitur scalas, harum ea, quæ per fenestram rotua-

rotundam tympanum respicit, scala tympani, quæ autem vestibulum spectat, scala vestibuli salutatur, atque intuitu non solum situs, sed & capacitatis, figuræ & superficiei, utramque inter insignem haberi discrepantiam animadvertitur, in quantum scala tympani cavitatem latiore & irregulari figura donatam, asperamque superficiem, scala vero vestibuli cavitatem minorem & ellipticam atque superficiem levem, obtineat. Altera nervi acustici mollioris portio, quæ in sinuositates versus vestibulum excavatas sese infinuat, non per tria, sed quinque foramina eam vestibuli partera, quæ canalibus semicircularibus opponitur, supra orificium scalæ vestibuli traditur ingredi, atque totidem furculis in tenuissimam membranam uniri, modo in vestibulo medio suspensam, modo præsertim in auribus non recentibus propter exsiccationem, fornici ejus adnexam; a qua tamen vestibuli membrana aliæ membranæ ad tres canales semicirculares per horum quinque ostia distribuuntur, zonæ sonoræ appellandæ, quod strictioris teniolæ sive parvæ zonæ figuram referant, ac potissimum motibus sonoris excipiendis inserviant. Altera vero ejusdem nervi mollioris portio, sinuositatem versus cochleæ centrum excavatum intrans, per minima foramina cochleam dicitur subire, ibique partem septi membranaceam sive zonam cochleæ constituere. Neque vasa sanguifera, & fortassis etiam lymphatica, cum nervis versus labyrinthum a cerebro delabi ambigitur, cum in oculo bovis ad multos dies in aqua macerato, per nervum opticum non solummodo vasa sanguifera, sed & lymphatica insignia, apparuerint diffusa. Atque tot novis in tribus auris humanæ cavitatibus lustratis, progredi demum convenit ad ea, quæ circa cunctarum partium descriptarum usus singularia videntur. Quoniam scilicet motus sonori ab auricula validius repelli debent, ideo illa auriculæ pars, quam idem motus jamjam subituri contingunt, nempe concha, circumquaque dispositis musculis, in tonico perpetuo motu persistentibus, ex unaquaque ejus parte firmari putatur. De glandulis sebaceis, si per omnem fere cutem adessent, in universum ambigitur, annon quibusdam tumoribus cysticis, præsertim steatomati, originem præbeant, quod partim materia in steatomatis folliculo contenta, similis omnino illi sit, quæ in talibus glandulis reperitur;

p. 69.

72.

76.

77.

P. 2. C. 4.

84.

- p. 87.** tur, partim in nulla alia parte æque frequenter, ac in palpebris, ejusmodi tumores observandi & secandi veniant. A cartilaginis incisuris, in meatus auditorii principio occurrentibus, sonoros motus egregie corroborari, exemplo talis polyphonice declaratur tubæ, quæ ex pluribus conglutinatæ chartarum stratis formata voces tunc præ aliis intendit, quando interna strata hic illic laxato glutine, ab invicem paulo discedunt, vel studio etiam inter strata
- 91.** illa intercapedines relinquuntur. Circa venam occipitalem proponitur problema: cur Natura, quem sanguinem deorsum in jugularem venam expeditius demittere potuisset, pertusa peculiari foramine calvaria, intra hanc compellere in lateralem sinum maverit? In soni per quatuor ossiculorum motum mechanicum ab auditorio meatu ad labyrinthum propagatione officula ista prove-
- C. 5.**
94. ctibus venditantur, ita sibi invicem adaptatis sive unitis suaque hypomochlia habentibus, ut manubrio mallei versus tympani cavitatem plus minus repulso, mox basis quoque stapedis sursum plus minus per ovalem fenestram moveatur, & illo versus meatum auditorium recedente, hæc itidem eodem momento versus
- 98.** tympanum relabatur. Hinc a stapedis musculo altiore hujus basis per fenestram cum membrana rupta ascensum non tantummodo impediri, sed & impulsorum ossiculorum restitutionem promoveri, aut saltem præcaveri, ne in validiori eorundem restitutione tenuis stapedis cum reliquis ossibus commissura dissolvatur.
- 101.** Membranam tympani ruptam haud difficulter in integrum restitui posse, variis comprobatur observationibus; a sono autem omnino commoveri, exactiori scrutinio aliarum tympani
- 106.** partium in eandem usum conspirantium confirmatur. Per foramina in tympano detecta, fluida morboſa a cavitate cranii modo ad meatum auditorium, modo ad oris cavum, modo ad nares expelli, itemque per eadem aerem externum in duram matrem immediate agere, atque odoraſenta in affectibus apoplecticis insignem virtutem exerere posse, uberius docetur; quemadmodum, si tuba Eustachiana claudatur, auditum illico amitti, observationibus demonstratur. Uvula cum musculis pharyngo-staphylinis & salpingo-staphylinis, aliquando ad exquisite audiendum catenus usum præstare posse statuitur, quatenus orificium pharyngis, quod

versus nares aperitur, a dictis musculis uvulam versus medium hujus orificii simultrahentibus obturetur, obturatumque minorem aeris quantitatem transmittat. Et auditum a musculorum salpingo-staphylinorum erosione omnino graviolem reddi, per experientiam omni dubio liberatur. Tandem sonori motus, interveniente membranæ tympani atque ossiculorum motu ad labyrinthi vestibulum delati, eo ordine canales semicirculares atque cochleam percurrere fufius indignantur, ut ab eisdem intra vestibulum labyrinthi commune canalis majoris & minoris orificium, nec non canalis minimi orificium augustius, utpote fenestram ovalem directo opposita, primum ingressis, hinc per tres canales ac tria reliqua orificia ad vestibulum, demumque ad scalam vestibuli in cochlea reflexis, potissimum tres canalium zonas, zonamque cochleæ, latitudine & longitudine propter diversorum tonorum perceptionem distinctas, tanquam primum auditus organum, affici distinctius constet. De cætero spem *industrius Autor* facit, se posthac, si otii petique artificis copia suppetat, naturalem hanc auris humanæ anatomen artificiali, dudum desiderata, esse illustraturum. Ex Figurarum autem elegantissimarum Tabulis decem, Indici antepositis, eas inprimis transcribere visum fuit, quæ Tabulam V, VI & X constituentes, novæ musculorum uvulæ & laryngis descriptioni lucem præferunt, omnesque auris partes, auditui maxime inservientes simul junctas, atque proprio situ & magnitudine exprimunt.

TAB. X. Fig. 2.

Uvulam exprimit, secundum partem anteriorem, cum suis musculis juxta novam descriptionem delineatis.

A. Uvula.

BB. Musculi salpingo-staphylini.

CC. Musculi glosso-staphylini.

DD. Musculi pharyngo-staphylini.

ee. Tonsillæ.

Figur. 3.

Pharyngem exhibet, secundum partem anteriorem, cum suis omnibus juxta descriptionem datam orificiis & musculis; exceptis musculis glosso-staphylinis, in præcedenti Figura lit. CC. sufficienter depictis.

FF. Mus-

p. 112.

C. 6.

126.

136.

140.

144.

TAB. X.

Fig. II.

Fig. III.

FF. Musculi salpingo-staphylini.

G. Uvula sua membrana, nec non parte glandulosa, denudata, ut appareant fibræ musculares in eandem se inferentes. Eadem vero uvula sursum aliquantum tracta, ut orificium pharyngis ad nares aliquatenus in conspectum veniat.

HH. Musculi pharyngo-staphylini, sive mavis staphylopharyngæi; a quorum dextro membrana investiens sublata est, ut fibrarum ejus * * integer processus manifestetur.

II. Musculi glosso-pharyngæi: quorum progressus, ut ex toto appareret, pars superior membranæ pharyngis ablata fuit.

KK. Orificium ad nares.

LL. Musculi stylo-pharyngæi.

MMMM. Musculi hyo-pharyngæi.

NNNNnn. Musculi thyro-pharyngæi.

OO. Musculus crico-pharyngæus.

P. Oesophagi principium.

QQ. Orificium ad os.

rrrrrr. Glandulæ hic illic in pharyngis cavitate conspicuæ.

S. Orificium pharyngis ad oesophagum.

TAB. X.

Fig. IV.

Figur. 4.

Pharynx n sinit, omnesque ejus musculos secundum partem posteriorem.

AA. Musculi salpingo-staphylini.

BB. Glosso-pharyngæi.

CC. Glosso staphylini.

* Uvula sua membrana, nec non parte glandulosa denudata; eademque sursum aliquantum retracta, ut orificium ad nares conspicatur.

DD. Orificium pharyngis ad nares.

22. Musculi pharyngo-staphylini.

EE. Stylo-pharyngæi.

FFFF. Hyo-pharyngæi.

GGGGgg. Thyro-pharyngæi.

HH. Crico-pharyngæi.

33. Linea tendinosa, quam concurrentes musculi glosso-pharyngæi, hyo-pharyngæi, thyro-pharyngæi componunt.

I. Oesophagus.

Fig. f.

Fig. 5.

Aurem exprimit ab anteriori parte, ſive qua finem ſpectat, ali-
quantum tamen verſus occiput inclinatam, ut diſtinctius qua-
tuor oſſicula in conſpectum veniant.

- a. Extremitas aquæductus Fallopiiani, a qua auditorii nervorum
paris portio dura erumpit.
- b. Portio oſſea ex parte ſinuofitatis maſtoideæ, illa nempe, cui
alligatur proceſſus brevior incudis, ideo relictæ, ut de ejusdem
incudis hypomochlio melius conſtet.
- c. Muſculus minimi proceſſus mallei. Muſculus vero proceſſus
minoris huic oppoſitus obſervari non poteſt, quia totus ſub
incude & meatu auditorio reconditur.
- d. Muſculus proceſſus majoris, qui per totam tubæ Eufſtachianæ
longitudinem extenditur, a canali ſuo oſſeo liberatus.
- e. Cartilaginis tubæ Eufſtachianæ anterieus latus, in quod præce-
dentis muſculi fibræ carneæ inferuntur,
- ff. Muſculus novus tubæ Eufſtachianæ.
- g. Muſculus ſtapedis, liberatus a canali ſuo oſſeo.
1. Canalis ſemicircularis major.
2. Canalis ſemicircularis minor.
3. Canalis ſemicircularis minimus.
4. Veſtibulum, in cujus ſecundum hanc partem inſpecti forni-
ce duo tantummodo foramina occurrunt ex quinque illis, quæ
nervæos ſurculos in ejusdem cavitatem transmittunt. Tria, quæ
ſuperſunt foramina, in ſequenti Figura ſub oculos cadunt.
5. Canalis cochleæ.
6. Nervorum auditoriorum portio mollis, unam ſui partem verſus
cochleam demittens, alteram vero, quæ in ſurculos quinque
dividitur, in veſtibulum protendens: ex quibus ſurculis duo
abſciſſi, ne duo illa, per quæ ipſi ingrediebantur, modo in-
dicata foramina obtegerent.

Fig. 6.

Aurem delineat, viſam a parte poſteriori, ſive qua occiput ſpectat,
couſque tamen verſus anteriora inclinatam, ut fenestra ro-
tunda, membrana tympani, & ex parte etiam oſſicula in con-
ſpectum veniant.

O o o

a. Aquæ-

- a. Aquæductus Fallopianus.
- b. Tubæ Eustachianæ principium.
- c. Cartilaginis ejusdem tubæ posterius latus.
- d. Tubæ finis.
1. Canalis semicircularis major.
2. Canalis semicircularis minor.
3. Canalis semicircularis minimus.
4. Vestibulum, in cujus, ab hac parte inspecti, fornice primo exigua tria foramina in conspectum veniunt ex quinque illis, quæ nerveos surculos in vestibulum transmittunt. Deinde sub iis foraminibus, aliud majus foramen occurrit : & hoc est fenestra rotunda.
5. Cochleæ canalis, intra cujus gyros relicta est sinuositas illa minimis foraminibus pertusa, ex qua ea pars portionis mollis, quæ cochleæ prospicit, eandem cochleam per indicata foramina ingreditur : quæ porro majoris perspicuitatis gratia paulo majuscula, quam naturaliter sunt, ostenduntur. Cætera ex præcedentis Figuræ explicatione perspicua sunt.

Fig. 7.

Exponit membranam vestibuli, item cochleæ & canalium semicircularium zonas, molli nervorum auditoriorum portioni annexas, magnitudine naturali & in eodem situ, in quo conspicerentur, si tota ista labyrinthi superficie, quæ in præcedenti Figura exhibetur, sublata, ipse labyrinthus aperiretur.

TRAITISE OF FLUXIONS, OR AN INTRODUCTION to Mathematical and Mechanical Philosophy, useful for those, that would apply Mathematics to Nature, by Charles Hayes. Gent.

h. c.

TRACTATUS DE FLUXIONIBUS, SIVE INTRODUCTIO ad Philosophiam Mathematicam & Mechanicam, in eorum gratiam conscripta, qui Mathematicis rebus naturalibus applicare cupiunt. Autore CAROLO HAYES.

Londini apud E. Midwinter, etc. 1704. fol.

Constat plagulis 315.

Autor

Altor Nobilissimus & in novo calculo infinitesimali probe versatus, quantitates, quæ partem quantitatis finitæ infinitesimam constituunt, seu differentias infinitesimales sive inassignabiles, cum nonnullis vocat Fluxiones, ad imitationem receptæ phraeos, quæ ex fluxu puncti dicimus fieri lineam; quanquam id revera nihil aliud significet, quam motu puncti lineam describi. Voluit autem hanc doctrinam exponere post *Illustrissimum Marchionem Hospitalium*, cujus præmaturum obitum adhuc lugemus, et si in modis loquendi & notandi nonnihil ab eo recedat. Alia tamen nonnulla alterius generis utilitatis causa adjungit, & in proœmio doctrinam Conicam compendiosè proponit ex opere nuper edito *Clarissimi Milnes* de Conicis Sectionibus.

Señ. 1 Naturam quantitatum infinitesimalium exponit.

Señ. 2 Algorithmum hujus calculi tradit, ab *Illustri Leibnitio* in Actis nostris anni 1684. mense Octobri primum propositum, & simul ostendit in multiplicationis Algorithmo, quomodo duorum rectangulorum xy & $(x)(y)$ seu ABCD & AEFG differentia sit $xdy + ydx$. Quod adjectis litterarum notationibus ad ejus figuram hoc modo designare visum est in fig. VIII, ubi AB est x , AD

AE est (x) seu $x + dx$, AG est (y) seu $y + dy$ & ABCD est xy , & AEFG est $(x)(y)$ & GDCH est xdy , & EBCI est ydx . Unde patet, inter

T A B. X.
Fig. VIII.

ABCD & AEFG differentiam esse GDCH & EBCI una cum CIFH, seu xdy , sed quod habetur pro nullo. *Señ. 3* agit de modo per calculum ducendi Tangentes, incipiens a circulo, paraboloidibus & hyperboloidibus: de ellipsis quoque & focis tractat: calculum etiam Tangentium ex Curvarum æquationibus ducere docet: deinde ad Curvas non Analyticas procedit. Nonnulla etiam exempla exhibet pro methodo Tangentium inversa, ubi ex valore Subtangents non difficulter reditur ad æquationem, in qua nulla alia est indeterminata, quam abscissa & ordinata. *Señ. 4*

est de areis curvilinearum superficierum, quas, ubi opus, seriebus infinitis exhibet. Agit & de Logarithmica, Cycloidis, Cissoidis & talium areis. *Señ. 5* de Maximis & Minimis, quam rem illustrat exemplo Dioptrico de facillima via radiorum lucis, & quæ convenit cum linea brevissimi descensus, de quibus in his Actis.

Señ. 6 de punctis flexus contrarii & regressus in Curvis. *Señ. 7*

de solidorum dimensionibus & speciatim de iis, quæ rotatione generantur. *Señ. 8* de curvarum in rectum extensionibus & evolutionibus. *Señ. 9* de lineis, quæ concursu reflexarum formantur. *Señ. 10* de iis, quæ formantur concursu refractarum; quas lineas quidam catacausticas & diacausticas vocant. Ubi & de focus vitrorum sphericorum succedaneorum. *Señ. 11* de centrīs gravitatis linearum, superficiesum & corporum. *Señ. 12* de centrīs percussionis. *Señ. 13* de centrīs oscillationis & de pendulis isochronis. *Señ. 14* de infinitesimalium usu in Astronomia. Hic motus Planetarum in ellipsis explicantur, nec tantum *Newtoni* calculus exponitur per lineas trajectorias, sed & *Leibnitii* per circulationem harmonicam & paracentricas impressiones, ex Tentamine ejus de motuum cœlestium causis his Actis inserto. *Señ. 15* de tangentibus curvarum & differentialibus quantitatum exponentialium: cujus calculi fundamenta, ut multa alia hujus operis, ex his Actis transsumuntur, & subinde utiliter illustrantur.

EPISTOLARUM B. PAULI APOSTOLI TRIPLEX
Expositio. Autore R. P. BERNARDINO A PICONIO,
Minorita Capucino, S. Theologia emerito Profes-
sore & antiquo provincie Pari-
sienſis Definitor.

Parisiis, apud Jo. Anisson, 1703. in fol. Alph. 9.

Scriptorum Paulinorum egregia captus præstantia operis præsentis Autor, Senex venerandus, die eadem ac nocte meditari per longum satis temporis spatium studioſe perrexit, & post exactam cujusque capitis diſcuſſionem, imo & post plerorumque verſuum & verborum ſaltem obſcuriorum explicationem in *Commentario* factam, brevem capitis inſtituit *Analyſin*, in qua velut in ſpeculo exhibetur ſtatim ordo & connexio textus Apoſtolicī, cui denique *paraphraſin* quandam ſuperaddidit, quæ mentem illius fideliter exponeret. Singula autem hæc privatos primum in uſus conſignavit, nunc vero aliis etiam inſervire meditationum ſuarum publica hac evulgatione laboravit, in qua tamen *Analyſin* & *Paraphraſin*, utut natu utraque poſterior ſit, *Commentario* jure antepo-

teposuit. In *Analyſi* capitis cujusque habetur in ſuas partes reſolutio, quæ tamen ordinem & connexionem ſimpliciter declarat. In *Paraphraſi* texenda ſedulo cavit, ne plura diceret, quam cogitaverit Apoſtolus, indeque mentem cujusvis textus breviter & clare aperuit ipſuſmet Apoſtoli verbis, aut ſaltem æquivalentibus, paucis aliquando tantum additis, quæ ad pleniorẽ intelligentiam viſa fuere neceſſaria. In *Commentario* id egit, ne tricis Grammaticalibus aut quæſtionibus mere curioſis animus diſtractus exſiccaretur. Iſtis ergo ſepoſitis, earum loco obſervationes ubique pias, morales & aſceticas expoſitioni admixcuit. Triplicis hujus operæ dilucidationem hanc ſubminiſtrat. Analyſin designare ait in charta quaſi Geographica provincias, urbes & oppida, per quæ iter faciendum ſit; Paraphraſin eaſdem provincias, urbes & oppida in ſemetipſis exhibere notat, verum adhuc quoque ſummatim quaſi & in globo; at Commentarium uniſcuſque urbis templa, palatia, aliaque viſu digna quæcunque ſigillatim repræſentare innuit. In Prologo, Paulinis Epistoſis omnibus generatim præmiſſo, de earum agit ordine, quem juxta Tillemontii mentem ita concipit, ut primam omnium priorem ad Theſſalonicenſes, ultimam vero poſtერიorem ad Timotheum conſtituat. Sed & ſingulis ſeorſim Epistoſis peculiare addidit præfationes, in quibus de earum occasione, ſcopo, ſummaria idea aliſque ejuscemodi diſſeruit. Ex iis autem ut vel unicum huc afferamus, notatu haud cenſemus indignum, quod anceps Antor hæreat, dicendumne cum Theophylacto, quod Epistoſa ad Hebræos ſcripta quidem a Divo Paulo fuerit Hebraice, ſed ab Interprete perito poſt in Græcam linguam traduſta, ſive Lucas ille, ſive forſan alius cenſendus ſit? an affirmandum cum Origene, quod cogitata quidem Pauli ſint, dictio vero alicujus ex illius diſcipulis, qui ipſius ſcribam & interpretem una ſe geſſerit? Quæ in Commentario occurrunt notæ atque obſervationes, paulo breviores ſunt, & a recepta paſſim, Scriptores ad minimum inter Pontificios, interpretandi ratione vix unquam maximopere diſcrepant.

DESCRIPTIO VETERIS NOVÆQUE ROMÆ.

Amstelodami, apud Franc. Halma, & Lugduni Batavorum
apud Petrum van der Aa, 1704. in fol.

Constat decem fere alphabethis, & figurarum ænearum justis plagi-
culis circiter 90, præter minores quam plurimas ipsi
textui insertas.

Splendidissimum hoc opus, etsi Batavorum præcipue usibus de-
stinatum, dignissimum tamen est, quod ad notitiam omnium,
qui bonas literas & elegantius effictas imagines in deliciis ha-
bent, perveniat. Postquam nimirum magnum illud Thesauri An-
tiquitatum Romanarum Græviani opus Bibliopolæ celeberrimi in-
lucem edidissent, magno inter alia figurarum æri faberrime inci-
sarum numero ornatum illustratumque, ut ex sumptibus eam in-
rem factis fructus etiam aliquis ad nationalium suorum eos, qui
vel Latine nesciunt, vel Thesaurum ipsum comparare non pote-
rant, redundaret, id ceperunt consilii, ut Thesauri velut epitom-
en quandam, seu breviorẽ Romæ descriptionem adornandam
curarent, sed iisdem figuris, & si quæ obviæ forent, aliis instru-
endam. Hæc agitantibus commodum in manus incidit Doctissimi
Viri *Frantisci Deseine*, gente Parisiensis, sed qui fortunarum se-
dem Romæ constituit, *Descriptio Urbis Romæ*, quam hic Gallico
sermone in usum peregrinantium composuerat, Lugduni in Gal-
liis A. 1690 edita, & a nobis in Actis hisce Tomo II Supplemento-
rum Sectione VII p. 345 recensita. Eam itaque instituto suo maxime
idoneam, ex Gallico sermone in Belgicum transfundi curarunt,
integram, cumque nosset, *Basilii Kenneti Antiquitates Romanas*,
Anglice antehac in usum Ducis Gloucestriæ p. m. editas, in pretio
esse apud Eruditos, a Viro Clarissimo *Wilhelmo Sewel*, quem con-
stat Bibliothecam Orbis Eruditi (*De Boekzaal der geleerde Wer-
relt*) Belgico idiomate hoc tempore adornare, facile impetrarunt,
ut illas ex Anglico in Belgicum itidem sermonem traduceret. Ita
ex duobus illis scriptis nata nostris *Roma hæc Vetus & Nova*, tot
ico-

iconismis exornata, quæ non potuit non, Belgis inprimis, longe esse gratissima. Unum est, quod addamus, Romæ Veteri *Picturas* quoque *Antiquas Sepulchri Nasoniorum*, a Petro Santi-Bartoli delineatas & a J. P. Bellorio illustratas, Romæque primum Italice A. 1680 editas, quas Latine a Ludolpho Neocoro conversas Tomo quoque XII Theſauri Græviani inferuerant Editores, nunc Belgico sermone operi huic adjectas esse.

Algemeene Weereld-Beschryving &c.

Hoc est:

GEOGRAPHIA UNIVERSALIS AB A. PHER. DE LA CROIX
Gallice primum conscripta, nunc vero in Belgicum sermonem
translata a S. DE VRIES.

Amstelodami, apud Fr. Halma, 1705. in 4.

Constat Alph. 10, Plag. 13, Figuris æneis 100.

ET hunc librum Batavorum itidem usui præcipue dicatum, nobis indicare hic paucissimis suffecerit. De prima editione Geographiæ hujus Gallica, in Actis nostris A. 1693, p. 114 seq. diximus, additis etiam animadversionibus nonnullis. Secundæ Germanicæ, in hanc nempe linguam ab Hieronymo Dicelio nostro conversæ & hic illic auctæ, A. 1698, p. 169 meminimus. Tertia hæc Belgica est, quam Simoni de Vries, Viro multis nominibus de nationalibus suis bene metito debemus, qui non solum opus hoc amplificavit magis emendavitque, sed & celeberrimi Sansonis chartas Geographicas & præcipuarum urbium delineationes elegantes adiecit.

SPECIMEN LITHOGRAPHIÆ HELVETICÆ CURIOSÆ, QUO

Lapides ex Figuratis Helveticis selectissimi ari incisi sistuntur &
describuntur a JOHANNE JACOBO SCHEUCH.

ZERO Med. D.

Tiguri typis Davidis Gesneri, 1702. in 8. Constat plag. 5. & fig. Tab. VII.

Quanta sit solertia Clariss. Authori, scientiam Physicam in aliis evehendi fastigium, testatur abunde, quam ante paucos annos publici juris fecit, Physica Germanico idiomate conscripta. Helveticam in specie Historiam naturalem penitus ut pertextat, interdiu atque noctu operam navat non exilem. Cujus testimonium præsens præbet fragmentum, ex quo de ingenti Fossilium figuratorum in Helvetia reperiendorum numero judicare quis facile potest. Historicum potius quam

quam Physicum agit in hoc Specimine Vir Clar. ab examine hypotheseum & propriarum cogitationum de origine id genus mirandorum propalatione abstinens. Communicabit tamen easdem, majori observationum supellectile si fuerit instructus, in ampliori opere, cui collectanea inde ab aliquot annis se parasse, in præfamine enuntiat. Pro quo conatu suscipiendo & absolvendo ut Deus vires & sanitatem largiatur, omnes boni nobiscum exoptant. In præfenti Fossilia figurata maxime rara & curiosa nominasse sufficiat. Qualia sunt Concha fossilis tellinoides porosa & levis p. 21; Astacopodium binis articulis invicem junctis constans p. 27; Rajæ cauda fossilis p. 29; Lentes lapideæ striatæ, utrinque convexæ, vitreis figura similes, in massa lapidea vario sub schemate conspicuæ p. 30; Cranioides, p. 45; Conchula fossilis echinata p. 49; Conchites ab uno cardinis latere brevissimus, ab altero longissime excurrrens, striatus p. 54; auris marina fossilis, p. 58; Ceratoides articulatus striis transversis undatus, & ornamentis foliaceis insignitus p. 59; Echinometræ digitus fossilis stellulis undique exornatus p. 63; Cancri Moluccani fragmentum fossile pag. 65.

L I R I N O V I.

Snida Lexicon Græce & Latine. Textum Græcum cum manuscriptis codicibus collatum a quamplurimis mendis purgavit, Notisque perpetuis illustravit &c. Ludolphus Kusterus. Cantabrigia, typis Academicis, 1705, fol. Tomi tres.

Antiqua Literatura Septentrionalis Libri duo. Quorum primus Georgii Hiccsii S. T. P. Linguarum veterum Septentrionalium Thesaurum Grammatico-Criticum, & Andrea Fountaine Equitis Aurati Numismata Saxonica & Dano-Saxonica: alter Humfredi Wanleji Librorum veterum Septentrionalium Catalogum Historico-Criticum complectitur. Oxonia e Theatro Sheldonianno, 1705, fol. Tomi tres.

Humfredi Hodii de Bibliorum Textibus Originalibus, Versionibus Græcis & Latina Vulgata Libri IV. Oxonii e Theatro Sheldonianno, 1705. fol.

D' Amboinsche Raritetskamer, of Eene Beschryvinge van allerhande Schaatsvischen, benevens de voornaamste Hoornvies en Schulpen, als ook zommige Mineraalen, Gestenten &c. door Georgius Everhardus Rumphius. T^o Amsterdam, by Francoÿs Halma, 1705. fol. cum figuris multis aeneis.

* * * * *

A C T A ERUDITORUM,

publicata Lipsiæ

Calendis Novembris, Anno M D C C V.

DESIDERII ERASMI OPERUM OMNIUM TOMUS V, VI & VII.

Lugduni Batavorum, apud Petrum van der Aa, 1704.

1705. 1706. in folio.

Tomus V constat Alph. 7. plag. 16.

- - - VI - - - Alph. 6. plag. 22.

- - - VII - - - Alph. 6. plag. 13.

DE elegantissima, quæ in Hollandia hoc tempore magno studio sumptuque adornatur, Operum Erasmi editione, mense Augusto anni superioris p. 352 sq. diximus, cum primum, secundum ac quartum eorum tomos in his Actis recenseremus. Suffecerit itaque, nunc quidem solum, indicasse tres tomos alios, qui ex illo tempore editi nuper admodum ad nos pervenere: ut eo certiori spe omnes, solidioris eruditionis, qualem Erasmi scripta nusquam non spirant, cupidi fruantur, opus integrum & certo & brevi in lucem publicam proditum. Utique strenue rem urget solertissimus Bibliopola, neque hæcenus aliam ob causam tomum tertium Epistolis destinatum premit, quam quod quotidie adhuc ad eum undique ex Bibliothecis illustribus epistolæ hæcenus ineditæ perferuntur, quas una cum antea impressis Lectori benevolo communicare gestit: cujus rei jam aliquod indicium a nobis in Novis Literariis mensi nupero Majò subjunctis factum meminimus.

Tomus ergo *Quintus* scripta Erasmi, quæ ad pietatem in-
stituant, eaque numero triginta novem complectitur. In his
Theologum Practicum & exhibuit Erasmus, ac doctissimi Editores,

Ppp

ris,

ris, qui Præfationem præmisit, iudicio, dum salutaria monita Lectorum animis instillare nititur, ipse rerum Divinarum amorem, quo animus ejus arsit, abunde prodidit. Tametsi vero idem optet, ut quemadmodum olim pleraque opusculorum horum Galli, Angli, Belgæ, Hispani atque Poloni in linguas vernaculas translata habuerunt, ita & novæ, post tantam linguarum harum a temporibus Erasmi ad hanc usque ætatem mutationem, ad elegantiam seculi eorum versiones adornentur, ut etiam, qui Latine nesciunt, ad lectionem eorum alliciantur: ita non dissimulat tamen, esse in iis quædam, quæ nec sibi, nec aliis, sine ulla exceptione probentur; sed pauca ea ferenda esse monet, ob præstantiam doctrinæ ac salubritatem præceptorum in parte maxima obviam. Eminere autem præ cæteris idem censet *Enchiridion Militis Christiani* (cui Lovanii A. 1518 edito quæ præfixa ab Erasmo fuerat epistola, in nostra hac editione in volumen epistolarum amandata est, constituitque trecentessimam vigesimam nonam) *Opusculum de ratione vera Theologiæ, Christiani Matrimonii Institutionem, & Viduam Christianam*.

Tomus Sextus Novum Testamentum, cum versione Erasmi Latina Græco textui e regione adjecta, ejusdemque Annotationes exhibet. Quæ quidem nova editio prioribus non uno nomine præferenda est. Nam primum cum in illis numeri commatum non essent additi, in hac & Græcis & Latinis diligenter addi curavit Bibliopola. Dein Annotationes Erasmi, quæ ad calcem subjectæ antea erant, ut facilius conferri cum textu ipso possint, singulis nunc paginis subjiciuntur. Eadem porro, ut commodius inveniantur, referuntur ad numeros versionis Erasmi, cum ipse olim non in suammet, sed vulgatam translationem eas scripsisset. Præterea summa totius Scripturæ & Index rerum, quæ in Novo Testamento leguntur, in editione autem Frobeniana Operum Erasmi A. 1540 non comparent, quod tamen in antiquiore alia Novi Testamenti editione invenirentur, probante haud dubie Erasmo adjecta, ea hic quoque adjecta deprehenduntur: perinde ac additamenta alia elegantia & frugifera, quæ in editione Basileensi anni 1522 leguntur, in secutis aliis dubium quam ob causam resecta. Ut adeo nihil omiserit Bibliopola eorum, quæ

TAB.

or.

F. 1.

quæ novam hanc editionem quam perfectissimam reddere possent. In Præfatione eruditissimus Editor a suspitione Arianismi, in quam apud nonnullos Erasmus inciderat, quod loca quædam, quæ ad Divinitatem Christi, tot aliis argumentis abunde evictam, probandam præter necessitatem adduci vulgo consueverunt, labefactare in Annotationibus visus esset, breviter eundem vindicat.

Tomus Septimus Paraphrases Erasmi in Novum Testamentum continet, Opus, judicante Editore in Præfatione, quod inter omnes ejus lucubrationes multis maxime placuit, atque Auctori minimam invidiam creavit. Ne vero nec illæ ornatiores prodirent, commata primum diligenter numeris ad marginem notari Bibliopola curavit. Deinde textum quoque integrum Vulgatæ Novi Testamenti versionis in margine exhibuit, primis tantum octo Matthæi capitibus exceptis, quod hujus rei non statim ab initio impressiorum in mentem venisset. Denique singulis capitibus summam contentorum complexa disticha præfiguntur, dudum, nescio a quo edita, nec nulli tamen usui Lectori futura.

OBSERVATIONES MACULARUM SOLARIUM
a R. P. JARTOUX Soc. Jes. Pekinomissa
ad G. G. L.

Die prima mensis Novembris anni 1701 hora circiter post meridiem $1\frac{3}{4}$ directis casu in Solem Telescopiis 6 pedum, visa est macula in disco Solis distans $\frac{1}{11}$ circiter a margine inter orientem & meridiem. Illius figura erat oblonga sed irregularis; mole exigua muscam æquare visa est. Fig. I.

Eadem die hora circiter tertia apparuit alia, sed multo minor, inter priorem & marginem Solis, paulo vicinior majori maculæ quam margini. vide Fig. 2.

Die secunda oriente Sole eadem visæ sunt maculæ, quæ prius, sed paulo a margine remotiores, & inter se magis distitæ. Tum alia tertia deprehensa est inter primam & secundam versus Astri meridiem; hæc erat minima, nec nisi telescopio duodecim pedibus longo videri potuit. Vide Fig. 3. Secunda longior apparuit quam hesternæ die, ita ut in Solis marginem prope orientem porrigeretur. Maxima seu prima macula visa est circumdata

TAB. XI.

Fig. 1.

Fig. 2.

Fig. 3.

crassiori aliquo quasi aere in modum atmosphære, cujus extrema facile discerni possent. Multæ etiam passim illuxerunt faculæ tres illas complexæ maculas, & ad viciniorem Solis protractæ marginem. Hæc per duas horas ab ortu Solis distincte observare licuit.

Eadem die ante occasum Solis secunda seu minor macula in duas divisa fuit, easque exiguas, sed distinctissimas. Tum non longe a tertia macula mane deprehensa, altera quarta conspecta fuit tenuior, Solisque versus orientem sita. vid. F. 4.

Fig. 4.

Die tertia oriente Sole paulo major visa est prima macula una cum ampliori quasi atmosphæra. Secunda non amplius in duas divisa apparuit, sed vel utræque coaluerunt inter se, vel alterutra evanuit. Quæ superfuit tamen ex illis, erat rotundior, quam prius. Tertia situm mutasse visa fuit, eandem rectam lineam cum prima & secunda occupabat. Quarta vero tenuior, quæ hesternæ die primum apparuerat, magis ad meridiem accessit, fuitque semper minor qualibet altera & primæ ampliorique maculæ propior. vid. Fig. 5.

Fig. 5.

Ex tot maculis sola constans fuit, quæ prima maxime fuerat; nam cæteræ omnes una cum faculis evanuerant, etiam ante horam post meridiem secundam. Interea duæ aliæ (F. 6.) mole quidem exiguæ, sed obscuritate conspicuæ visæ sunt, inter centrum Solis & constantem priorem maculam æquo ferme intervallo. Tum inter extremas istas alia tertia, denique etiam quarta deprehensa fuit, ita ut duæ extremæ majores, duæ mediæ minores essent, vixque percipi possent. Fig. 7.

Fig. 6.

Fig. 7.

Die quarta oriente Sole jam non amplius visæ sunt minores maculæ, quæ pridie apparuerant. Sola major illa, de qua prius, conspici potuit, sua semper circumdata quasi atmosphæra. Sed tamen hora post meridiem $2\frac{1}{4}$, eam ferme dixisses divisam in duas, quarum altera minor meridiem, altera major Solis orientem respiceret. Occidente deinde Sole, divisa etiam visa fuit, sed non certo, ita ut dubium adhuc esset, an perforata, an secta in duas foret macula; ea jam tum tertiam Solaris diametri partem percurrisse videbatur. Fig. 8.

Fig. 8.

Die

Die quinta oriente Sole, quantum solius telescopii ope judicare potui, deprehendi maculam illam tunc sitam esse in diametro efficiente cum axe Solis angulum circiter viginti quinque gradus orientem inter & meridiem: eamque jam $\frac{2}{3}$ partibus diametri versus centrum processisse. Denique divisam esse in duas, certo compertum est. Quæ minor hesternæ die meridiem respicere videbatur, ea hodie versus proximum Solis marginem sita eandem omnino cum majori diametrum occupabat. Fig. 9.

Fig. 9.

Eadem die hora circiter post meridiem $3\frac{1}{4}$ divisæ superius maculæ intervallo majori distare ab invicem visæ sunt, ita tamen, ut eadem adhuc quasi atmosphæra concluderentur. Major Solisque centro vicinior juxta minorem in longum porrigebatur: minor vero prope triangularis erat. Cæterum jam tantæ molis non erant, quantæ fuerant altero abhinc die, priusquam divisæ apparerent. Ante Solis occasum magis semper ac magis ad Astricentrum occidere eadem maculæ visæ sunt. Fig. 10.

Fig. 10.

Die sexta duplex illa constansque macula Solis axem superasse deprehensa est centrum inter & meridiem, minorque ipsius a centro digressio videtur fuisse $\frac{1}{10}$ diametri. Situs utriusque is fuit, quem fig. 11. exhibet. Atmosphæra, quam dixi comprehendere maculas, jam etiam in duas dividi tenuiorque fieri visæ est. Hæc Sol oriens Fig. 12.

Fig. 11.

Fig. 12.

Eadem die ante occasum Solis maculæ multum ad occidentem processerant.

Die septima Nov. oriente Sole utraque non parum minui macula visæ est. Motus ad occidentem videtur fuisse celerior, circa axem Solis quam alibi. In ipso meridie transmissa per telescopium Solis imago, & plano perpendiculari excepta cum macularum situm exhibuit, quem ostendit Fig. 13.

Fig. 13.

Eadem die occidente Sole, maculæ mihi visæ sunt adeo vicinæ diametro conjungenti orientem & occidentem, ut semper dubitaverim, an illum jam superavissent, nec ne. Etsi minuantur indes plurimum, tamen illas ad extremum discum perventuras existimavi, imo & aliquamdiu postea duraturas, quanquam absoluto orbe recurrere non posse videantur.

Die octavo Sol tam oriens quam occidens, maculas minui & ad septentrionem jam declinare confirmavit: in ipso meridie ab occidente abesse visæ sunt $\frac{1}{2}$ parte diametri.

Fig. 14. Die nona orto jam Sole maculæ visæ sunt ab occidentali margine distare circiter $\frac{2}{3}$ diametri. Fig. 14 exhibet macularum situm ipso meridie observatum. Sol occidens eas multo minores & ad marginem eodem cursu procedentes ostendit.

Fig. 15. Die decima macularum situs e diametro respondebat ei loco, in quo primum deprehensæ fuerant, antequam in duas abirent. In ipso meridie atque occidente Sole illas quidem, sed non illarum atmosphæram per nubila videre licuit. Fig. 15.

Fig. 16. Die undecima orto jam Sole visa est macula instar puncti oblongi jamjam proxima margini occidentali. Fig. 16. Illi præibat punctum lucidum paulo maculæ quam margini vicinius, sed valde conspicuum. Aliud etiam punctum lucidum micabat in maculæ capite versus occidentem. Prope eandem versus centrum erant multæ aliæ longiores faculæ.

Fig. 17. Eadem die, hora circiter decima, deprehendi vix potuit macula, quæ non nisi instar lineolæ apparebat vicino Solis margini parallelæ. Micabant etiam duo, de quibus superius, puncta lucida. In ipso meridie eadem macula visa est declinare ab occidente versus septentrionem, viginti aut viginti quinque circiter gradibus. Hora circiter secunda, præter duo superiora puncta micantia, apparuit non longe a macula linea curva perlucida versus septentrionem, quam etiam mane deprehendisse mihi visus sum. Eadem vidi adhuc occidente Sole. Fig. 17.

Die duodecima oriente Sole frustra quæsi maculam, quæ in percurrendo Solis disco insumsisse mihi visa est duodecim circiter dies.

Atque ea sunt, quæ circa Solis maculas homini observare licuit omni ope destituto, tum quadrantis, tum horologii oscillatorii. Verum ea ipsa solum die, qua videri desierunt maculæ, in mentem venit mihi, potuisse me facile constantem illius maculæ locum in disco Solis sine ullo errore deprehendere, qualibet non solum die, sed etiam diei hora, atque ita ejus motum certo metiri, si

si nempe telescopio aptassem duo, ut fit, ad angulos rectos semutuo secantia reticula, tum directo ad Solem telescopio numerassem oscillationes alicujus globi e filo penduli, dum Sol mox unum, mox alterum simul percurrit reticulum, atque etiam notassem, cui oscillationi uterque per utrumque reticulum maculæ transitus responderet: nam tunc sive linearum sive numerorum ope habuissem, quonam in Solis loco sita esset macula.

Quod spectat ad faculas, cum meminissem *Christiano Eugenio* nunquam in Sole visas fuisse, eximiumque illum Astronomum sentire, in Sole nihil esse posse ipso Sole lucidius, majori adhibita diligentia, quicquid potui diu multumque observavi, idque præcipuum deprehendi, fuisse circum faculas quandam diffusam, quasi fuliginem tenuiori fumo haud absimilem, ita ut faculæ nullo modo essent lucidiores iis Solis partibus, quæ nulla ejusmodi fuligine macularentur. Unde fieri posse putavi, ut materia, ex qua conflarentur, vel in quam resolverentur maculæ, diffusa per aliquam Solis partem sua hic densitate maculas, hic diaphaneitate faculas in Sole efficeret, præsertim cum non apparuerint faculæ, nisi crescentibus aut jam evanescentibus maculis.

UITLEGGINGE VAN DEN PROPHEET AMOS &c.

i. e.

EXPOSITIO PROPHETÆ AMOS, QUAVOCUM EMPHASIS, loquendi formula, priscarum gentium ritus, varisque antiquitates & historia explicantur. Per THEODORUM van TOLL, apud Wudebergenses Missionarium.

Trajecti ad Rhenum, apud Ant. Schouten, 1705. in 4.

Constat alph. 3. plag. 3.

Qui edecumatis lucubrationibus suis, quibus tum jura Christi Regia ex Pl. LXXII, 1 (in Actis nostris A. 1687 mense Martio p. III. memorata) tum Prophetiam Joelis justo commentario illustravit, solidæ eruditionis laudem, publicumque meruit plausum Reverendus Autor, jam absolutum expositionis vaticiniorum Amosi opus erudito orbi sistit, nec auctoris indignum nomine, nec lectori poenitendum. Cujus in elaboratione can. præf. *** 3. demi

- dem secutum se fatetur rationem ac methodum, qua in Joelle explicando usus, quamque in præfatione illius commentarii prolixè exposuit. Rem omnem vero ita aggreditur, ut universam Prophetiam in tria partiatur membra, quorum 1. gravissima complectitur judicia Dei ac poenas Syriis, Philistæis, Tyriis, Edomitibus, Ammonitis & Moabitibus infligendas: 2. Judaici extirpationem populi, sublatumque penitus a Juda & Israel regnum juxta ac sacerdotium memorat: 3. regnum Christi divinasque pollicetur benedictiones per Evangelii præconium in conversos Judæos pariter & gentes conferendas.
4. Cum quæ in præcognitis explicari solent, Propheta ipse v. 1 exponat, ad ipsam statim textus exegesis se accingit Autor, ante omnia observans, alium hunc & diversum a Patre Esaia, cujus 2. Reg. XIX, 2. 20. 2. Chron. XXVI, 22. Es. I, 1. fit mentio, esse Amosum: quod iste regio ortus sit sanguine, noster autem humili loco natus, & pastoritium vitæ genus secutus. Ubi quidem in significationem vocis נָקִיר inquit, quæ cum ad radicem נָקַר נִקְרָה, signare, stigmatibus impressis notare, originem suam referat, ob notata ac signata pecora ad pastores translata est. Qua in derivanda origine, varia ex antiquitate lectu haud indigna inspergit. Hinc ad Patriarcharum vitæ institutum pergit, eosque non ex ea, quam Aristoteles reddit, ratione pascendis pecoribus operam dedisse affirmat, quod otio fere diffuant, & sine labore victum parent pastores: sed quod id vitæ genus animum non adeo occupet, aut a divinarum rerum abstrahat contemplatione. Tum & pecorum perquam necessarium in sacris ipsorum usum fuisse: quid quod & pastoritia vita egregia ad rite & sapienter ineundas rationes monita suppeditet, quibus, ex Philonis judicio, Moses etiam, Jethronis oves per quadraginta annos pascens, mansueti populi Israel regimini assuefactus fuerit? Tum porro in Ægyptiorum, quo pastores prosequabantur, odii causas paulo curatius inquit. Et has quidem alii, Manethonis apud Josephum testimonio nixi, in turbas conjiciunt, quas pastores olim Ægyptiis ingentes dederunt, ipsorumque in se animos, irasque hoc pacto concitarunt: alii in pecorum mactatione & cæde collocant, quæ pastoribus frequens, Ægyptiis pecora ceu Numina colentibus, religio-
- 5.
- 6.
- 8.

ligionis fuerit: *Nunquam fas fuit Ægyptiis*, inquit Macrobius l. i. Saturnal. c. 7. *pecudibus aut sanguine, sed precibus & tunc solo placare Deos.* Quod & Juvenalis confirmat: quanquam minus bene huic sententiæ cum Scripturæ testimoniis, Gen. XLIII, 16. XLVII, 16. 17. Exod. IX, 19. convenire videatur. Cuius quæ circa hanc quætionem mens sit, ex ipsius verbis l. i. de Republica Jud. c. 5. intelligi potest. Et huc quoque faciunt, quæ Jos. Scalliger Animadvers. ad Chronolog. Eusebii p. 18, Heidegger. Histor. Patriarch. Exercit. 1, Joh. van der Wayen Varior. Sacr. p. 298, & Burmannus *Wet en Getuygenisse* p. 298 observarunt. Jam ad Amosum redit Autor, c. VII, 14 se inter **נקרי** referentem: quam vocem cur per *ἀναγρίμ* LXX Int. lectionis vitio decepti reddiderint, exponit. Thekoam, unde oriundum se ait Propheta, cujusque crebra in sacris literis mentio fit, 2. Sam. XIV, 2. XXIII, 26 &c. Kimchi florentissimum dicit oppidum fuisse regionis Asser: Epiphanius in regionem Zabulon locat, uterque non adeo verisimilibus argumentis nusus. Ex communi sententia urbs Judææ habetur, sex circiter milliaribus, juxta Hieronymum, ab urbe Bethlehemi distans, Hierosolymis versus meridiem sita, versus regionem Engeddi & desertum. Quæ licet arida esset & sterilis regio, ovibus tamen alendis sufficiebat, ideoque pastoribus frequens. Quorum e numero cum noster fuerit Propheta, occasionem nactus Autor, locum communem egregie illustrat, qui factum, ut eos sæpe ad obeunda ministeria sua vocarit Deus, qui nec autoritate, nec natalium splendore pollerent, sed in re tenui essent, vilesque ac contenti haberentur? Porro occasione verborum v. 1. **אשר רזה**, cur Videntes olim dicti Propheta, & quot cælestium visionum in usu fuerint genera, erudite exponit. Sed & ad alia progrediendum.

Cum Cap. statim I, p. 37 sqq. pœnas denunciât gentibus Propheta, in enumerandis ipsarum delictis solenne quasi ipsi est, ut tria quatuorve memoret peccata: quæ numeri restrictio in varias interpretes sententias traxit. Sunt, qui cum Vatablo, Clario, aliisque e Pontificiis, utroque in unum conflato numero, septenarium efficiunt: commenti præsidium in particulam **על** singulis præmissam numeris collocantes; tum & quod septenarius multitudinis

p. 9.
10.

11.

12.

13.

7.

fit. & perfectionis numerus, ut in Scripturis Gen. IV, 24, Lev. XXVI, 18, 21, 24 &c. sic apud prophanos, Callimachum, Philonem, alios, Douglæ in Analect. Sacr. Excurs. 169 allegatos. His ergo ea Prophetæ mens est: bis terve si in me deliquisset Damascus, haud gravatim veniam darem; at cum septima etiam vice, i. e. creberrime, ad iram me provocarit, suæque impleverit iniquitatis mensuram, haud diutius parcam. Alii rursus non combinatos, sed singulos indefinite accipiendos numeros censent, velut pari dictionis valore apud Homerum τρίς καὶ τετραῖς, & apud Virgilium ac Senecam, *o terque quaterque* dicitur. Quæ satis congrue conveniunt cum phrasi, sex & septem Job. V, 19. Prov. VI, 16; septem & octo Coh. XI, 2; duo & tria Job. XXXIII, 29; tria & quatuor Prov. XXX, 15. Unde sensus emergat talis: quod non tam ob tria delicta, quæ velut silentio involuta præteriri potuissent, quam ob quartum cumprimis, quod ferrea Gileadi trituratione sit, contra Syros & Damascum insurgens Dominus, debitas rebellionis, superbie & contumacie ab ipsis repetiturus sit poenas. Sed vero alii determinatum hunc numerum malunt, eo quod quatuor maxime vicibus Israelitis bellum intulerint Syri. 1) cum in gratiam Asæ regis Judæ, arma caperent contra Baasam regem Israel, qua in expeditione Syriacus Benhadadi exercitus ingentem regno Israel intulit cladem, 1 Reg. XV, 18. 19. 20. 2) regnante in Israel Achabo, quo tempore adverso bis pugnarunt Marte, cæsis ultimo in prælio centum hominum millibus, præter viginti septem millia, Aphekæ mœniorum ruinis oppressa, 1 Reg. XX. 3) cum Hazael & Benhadad reges Syriæ cum Joahaso confingerent, ac universam fere Israelitarum gentem delegerent, 2 Reg. XIII, 4) cum Rezin rex Syriæ & Pekah rex Israel Hierosolymas obsidione cingerent, Ahas in Juda principatum tenente, 2 Reg. XVI. Quatuor ergo bella Israeli & Judæ Syri moverunt, quorum priora licet inulta, quartum tamen haud impune tulerunt, cum rex Assyriæ Tiglath-Pileser Rezino bellum faciens, ipso occiso Damascum expugnaret, civesque sub jugum mitteret. Sunt denique interpretum alii, maxime Pontificii, qui tria Damasci delicta de idololatria exponunt, incestu & cæde, quartum autem triturationem ferream dicunt. Quæ priora tamen eum non expresserit Amos, bene

Corn.

Corn. a Lapide *illa*, inquit, *ex cerebro interpretum confecta videntur*. Hæc itaque cum sine fundamento corruant, alii tritissimam ingressi viam, indeterminatum hunc numerum dicunt, de omni injuria Syriorum, Israeli, Judæ aliisque populis illata capiendum. Ita Cyrillus, Hieronymus, Vatablus, Drusius & alii multi, numerum certum pro incerto sumendum statuentes. Tandem ut suam quoque adjiciat symbolam Autor, tria priora non solum ignota, sed & inulta existimat delicta fuisse, ad tempora usque Amosi: quantum tamen triturationem esse ferream, scelorum gravissimum, quod divinam maturarit vindictam. Quæ autem hæc triturationis fuerit, ex iis vult peti, quæ in Joëlem commentatus est p. 261 & 443. Hic paucis saltem observat, per Gilead non unam designari urbem, quæ Cynilli & Theodoretæ sententia fuit: sed integram regionem tribuum Gad, Ruben & Manassis hæreditariam. Tum & ad vocabulum מַחֲרִיץ notat, quod LXX per *πρίονας* serras reddant: Symmachus, Aquila & Theodotion *τροχῶς* rotas: Theodoretus *πρίονοειδὲς τροχῶς* falcatas rotas: Hieronymus currus, alii aliter. Ferreis itaque curribus seu rotis triturationi aptis Israelitas a Syris dissecatos ac serratos fuisse: quod poenæ genus in Oriente haud infrequens, teste Jud. VIII, 7. 2. Sam. XII, 13. 1. Chron. XX, 3. Proverb. XX, 26. Nil itaque cogit, ut cum Mercero improprie de violenta sumatur oppressione. Sed ex his ceu ungue sufficiat agnovisse leonem; cætera B. L. industriæ relinquimus.

p. 40.

41.

DE JURE PROEDRIÆ SEU PRÆCEDENTIÆ
*variarum Quæstionum Decades dua, Auctore CASPARE HEIN-
 RICO HORNIO JC. & Antecessore Witte-
 bergensi. Editio secunda
 auctior.*

Wittebergæ apud Meyerum & Zimmermannum, 1705. 4.

Constat 14. plag.

Plerisque hominibus delicata sui innata est æstimatio, adeo ut non tantum contentum aliorum ferre non possint, sed & aliis sine causa postponi nolint: hinc non infrequentes, in vita civili, de præcedentia sunt contentiones. Ex hoc genere Excellen-

Qq 2

tissi-

tissimus Autor duas decades exhibet, quarum syllabum breviter texemus. In prima decade primum occupat locum quaestio generalis, de moralitate controversiarum praecedentiae: deinde disquiritur, utrum Consiliarius Principis Imperii titularis praecedat Doctores & Licentiatos? tertia quaestio ostendit, quo loco Comes Sacri Palatii haberi debeat? in quarta disputatur, num is, qui prior licentiam adeptus est assumendi Doctorales honores, postea Doctor creatus, praefendus sit illi, qui medio tempore & Licentiatu & Doctor factus est? Quinta expendit, utrum Doctoris filia innupta mercatoris uxori sit praefenda? sexta rationem, litis, inter bibliopegi & lanionis uxores de praecedentia compositae, exhibet: septima de eo satagit, quis e duobus potior, qui unius ejusdemque temporis rescripta Principis, quibus munera publica conferuntur, insinuant? octava poligraphum municipii, cum senatoribus vel decurionibus de loco certantem, sistit. In nona disceptatur de jure Collegii, quoad vindicandam aut defendendam Praesidis vel Collegae praecedentiam: decima tractat controversiam, utrum illi, qui in urbibus oppidisque, inter cives vexilliferorum munere funguntur, jus praecedentiae, intuitu aliorum civium habeant? In secunda decade Consultissimus Autor disceptat de praecedentia Doctorum, eorumque lite cum Consulibus civitatis municipalis: postea praecedentiam substituti Scholae Rectoris explicat: inde pergit ad quaestionem, utrum actus praecedentiae, quem antecessor exercuit, in possessorio prosit successor? huic subjungit proedriam Doctorum, intuitu Superintendentium & Praefectorum, hoc etiam addito, quod Collegia Juridica de jure praecedentiae omnino respondere possint. His adductis, praecedentiam respectivam enucleat, ac quis proedria potior sit, si plures in exercitio jurisdictionis simultaneo concurrant, ostendit: tum praecedentiam Advocatorum, ut & bibliopae & mercatoris explanat, atque, evoluta actu. n publicorum & privatorum, praecedentiae intuitu distinctione, castratoribus suum, qui aenopolis, ex quadam rubrica, ab ipsis non allegata, praeferi cupiebant, ultimum locum cedit. Illustrando Consultissimi Autoris labori, vel unius quaestionis rationes specialius nonnihil recensemus. In decadis primae quaestione tertia, ut antea indicavimus, de Comite Pala-

Pala-

Palatino sermo est. Vivebat ille in civitate quadam municipali, in qua Senatorius ordo eo jure utebatur, ut singuli Doctores & Licentiatos præcederent. Quem ergo locum ipse ambire posset, edoceri voluit, ac id responsi a Facultate Juridica Wittenbergen- si accepit, quod Consuli regenti locum honoratiorem cedere debeat, cum velut incola jurisdictioni magistratus oppidani sub sit. Hac occa- sione non tam quæsitum, quam potius pro certo suppositum fuit, quod Comitiva superet dignitatem Doctorum, cum Comites Pa- latini plerumque a Cæsare accipiant facultatem creandi Doctores; hi etiam, post exactos in Academiis legendo docendoque viginti annos, ex communi sententia, Comitivam nanciscantur; non mi- nus Comites Palatini Nobilibus pares habeantur, in multis quo- que iis præferantur, Illustres, Nobiles, Spectabiles & Clarissimi, nec non Consilarii ac Consistoriales Imperatoris audiant; Comit- va etiam titulis Consiliariorum Cæsareorum, in Capitulat. Leopoldi art. 44 præponatur, ac involvat communicationem exercitii Re- servatorum Imperatoris, quæ ne ipsis quidem Statibus Imperii, præcipue extra territoria sua, facta sit. In eandem sententiam, in casu simili, pronunciavit Facultas Juridica Hallensis, & licet pro Doctoribus, contra Comites Palatinos, suffragium tulerit Col- legium Juridicum Jenensè, attamen quid ejus rationibus repo- nendum sit, alio Responso Hallensi ostenditur.

*JOHANNIS VOET, JURISCONSULTI ET AN-
tecessoris in Academia Lugduno-Batava, Commentarius ad Pan-
dectas, in quo præter Romani Juris principia ac controversias
illustriores, Jus etiam hodiernum, & præcipue fori quæstiones
excutuntur. Pars hæc posterior continet octo &
viginti libros posteriores.*

Hagæ Comitum, apud Abrahamum de Hondt, 1704. in fol.
Continet Alphab. 12.

Primam egregii hujus operis partem recensuimus in Actis anni 1699, mens. Novembr. ibique de laudabili Celeberrimi Autoris in- stituto, de ordine quem sequendum sibi duxit, de elegantia sermo- nis ipsius, deque singulari ejus eruditione, candore, industria ni-

hil diximus, quod non idem ad partem hanc posteriorem jure merito sit trahendum. Tardius a se impleri fidem, in primi voluminis præfatione datam, de hoc altero tomo edendo, non in sequiorem partem acceptum iri sperat Noster, si se, quotidianis professionis publicæ negotiis districtum, horas tantum subcivitas laboris hujus absolutioni impendere potuisse, cogitaverint Lectores, atque insuper materiarum partis hujus posterioris amplitudinem respexerint ac difficultates. Quamvis autem haud grave sibi futurum fuisse dicit, apparatu majore de pluribus disserere, verbis tamen parcendum censuit, rebusque potissimum, compendiosè quidem, nec tamen eo minus pro dignitate explicandis, incumbendum; quarum etiam copia tantum non obrutus, evitare haud potuit, quin pars hæc secunda in longe majorem, quam prima, excreverit quantitatem, ne alioquin, quod quibusdam accidit, posteriora minore videretur diligentia, quam priora, tractasse. Cæterum, cum Virorum doctissimorum lucubrationes, de nonnullis ulterius cogitandi ansam præbuerint, calci totius operis quædam adjecit, quæ non solum iis, quæ in parte priori, sed & his, quæ in hujus secundi voluminis ea parte, quam ante biennium excusam dicit, illustrandis & limitandis inserviunt. Si quid verò tum in hac, tum in priore commentarii hujus parte affectaverit, id unum fuisse declarat, ne quenquam offenderet, neque tumidiore inflatoque scribendi genere uteretur, sed æquabili atque perspicuo; eo excepto, quod in *titulo de questionibus*, pro moderato in criminibus indagandis tormentorum usu pluribus agens, aliam quodammodo dicendi rationem adhibuerit, oratione ante annos plurimos publice recitata, nunc typis ibidem descripta.

Ex tanta, quæ nobis offertur, rerum selectissimarum copia, visum fuit, speciminis loco, excerpere sequentia. In titulo de *Sponsalibus* asserit, quod si liberi sub conditione, *si parens in nuptias consenserit*, sponsalia contraxerint, & pater rogatus primo consentire noluerit, deinde vero, sæpius aliis intercedentibus, in nuptias consentiat, filius aut filia ex primo illo dissensu a vinculo sponsaliorum non liberetur (secus ac statuit Brouwerus) sed potius ex consensu paterno post interposito, etiamnum ad nuptias compelli possit. In hujus asserti fidem allegat *arg. L. 12. §. 2. ff.*

rem

rem ratam haberi; ex Lege autem 89. §. 1. ff. Verb. d. Sign. cum decisionem casus plane diversi contineat, nihil in contrarium concludi posse contendit, proque sua sententia facere dicit placitum Ordinum Ultrajectinorum de matrimonio 6. Octobr. 1584. art. 10. Contra eundem Brouwerum, qui existimat, conditionem illam, *si abortum procuraveris*, sponsalibus adjectam pro non adjecta habendam, hanc vero, *si copulam admiseris*, esse re ipsa adimplendam, nisi mulier pudicitiae studens, velit matrimonii futuri spe decidere, variis argumentis ostendit, quod ex sponsalibus sub utraque conditione contractis ad nuptias juvenis compelli debeat, sive conditio impleta fuerit, sive implementum ejus sponsa, famiorem secuta rationem, facere aut pati recuset; ne alioquin melioris sit conditionis, quæ turpe factum adimplet, quam quæ mature poenitens a probro abstinet, & virtutem sceleri anteponit. Sponsalia de præsentī vulgo dicta, a sponsalibus de futuro, quantum ad effectus juridicos, apud Belgas diversa non esse affirmat, licet aliud jure Canonico scripto placuerit; adeoque sponsalia posteriora, verbis præsentis temporis contracta, non debere obesse prioribus, per temporis futuri verba initis, concludit. Non tamen cum Simone van Leeuwen existimandum esse monet, sponsalia posteriora, ab initio in præjudicium priorum haud recte inita, ex eorum genere esse, quæ tractu temporis vires haud assument, sed potius firmari eadem, si sponsa, quæ jure potiori nitebatur, mortua sit, aut desistat sponte, ita ut altera tunc sponsum ad nuptias cogere possit. In titulo *de Nuptiis*, polygamiam a Deo in patribus V. T. per quandam conniventiam toleratam, vel saltem non notabilibus poenis coercitam, revera præceptis Divinis adversam fuisse, remissive asseverat. Edicto Caroli V. de A. 1540. constitutum fuisse docet, eum, qui puellam annis viginti minorem duxerit, quæve adolescenti minori annis viginti quinque nupserit, non impetrato consensu patris aut matris talium minorennum, aut majoris partis proximiorum cognatorum, si parentes deficiant, aut denique ipsius magistratus, cujus jurisdictioni minores tales subiecti sunt, nihil lucrari posse ex bonis talis minorenns seducti vel seductæ, sive donationis, sive dotalitii, sive institutionis, sive legati, sive statutarie aut pactitæ communionis titulo. Has

p. 5. n. 8.

p. 11. n. 20.

n. 21.

p. 17. n. 1.

p. 21. n. 11.

pcc-

- poenas deinde edicto publico Ordinum Hollandiæ anno 1580. art. 3. & 13. non modo confirmatas ait, sed & matrimonia sine parentum aut alterutrius adhuc superlitis consensu inita, ipso jure nulla renunciata esse; cui consequens sit, ut & ad parentum, qui rigido jure uti velint, desiderium tales conjunctiones, licet concubitu jam confirmatæ, dissolvi debeant. Patri, qui ob mores prodigos curatorem a magistratu accepit, cum arbitrium remittendæ injuriæ filio suo honesto illatæ relictum non sit, per *L. 17. §. 13. ff. d. injur.* nec concedendum esse putat, ut liberorum suorum nuptias ad suam metiatur vel utilitatem vel vitilitatem, atque in eandem sententiam itum fuisse a Parisiensi Senatu, ex Antonio
- p. 22. n. 14. d' Espeisses & Abr. a Wesel commemorat. Jure civili per nuptias non inductam fuisse universalem bonorum inter conjuges communionem allatis in medium argumentis, probat, & his, qui contrarium ex *L. 1. ff. d. act. rer. amot.* nec non ex *L. 4. C. d. crim. expil. hered.* evincere volunt, respondet. Moribus vero Hollandiæ, & aliarum multarum gentium, statutariam esse asserit facultatem omnium inter maritum & uxorem communionem, in cujus origine, objecto, effectu, aliisque circumstantiis exponendis,
- p. 41. n. 65. haud vulgarem operam adhibuisse deprehenditur. Ex hac communione descendere dicit, ut & viri contractibus, stante matrimonio celebratis, uxor in Hollandia pro parte dimidia conveniri possit soluto matrimonio, sicut & hæredes ejus, etiamsi non utiliter, sed per mariti temeritatem, aut prodigalitatem dissolutamque vivendi rationem, æs alienum contractum doceatur: ubi tamen indicat, quod uxor nolens, ex continuata mariti prodigalitate manifesta, quæ scortis, alea, similibusque exercetur, diutius obligari, petere possit bonorum separationem, (vulgo *bædelscheydinge*) qua impetrata publiceque significata, maritus nec ipsam, nec bona ejus obligare possit. In titulo *de Divoritiis* asserit, licentiam illorum toleratam magis, velut malum necessarium, quam probatam fuisse apud Romanos, idque tum ex eo evincit, quod secundum Plutarchum & Sigonium, Romuli lege mulieri maritum relinquendi potestas adempta fuerit, viro autem ejicere uxorem ex paucis tantum causis concessum, si scilicet veneficio circa prolem usa fuisset, aut alienam pro sua subdidisset, aut adulterium commi-

misisset, tum & inde, quod (secundum Gellium) nominatim, cautum fuerit, matrimonium Flaminis Dialis non nisi morte dissolvendum esse, quasi ab eo, tanquam summi Jovis Sacerdote, exactior vitæ ratio ac sanctitas observanda fuerit, adeoque minus in eo tolerari debuerit, quicquid a recti tramite videbatur deflectere, quam quidem in aliis, quibus ea virtutis ac integritatis gloria non ita peculiariter commendata erat. Eandem ob causam factum dicit, ut inter probrosas condiciones numerata fuerit illa, qua mater filiam instituerat, si a viro divertisset, ex insigni rescripto Imperatorio in *L. f. C. d. instit. & substit.* Ad titulum *de Tutelis* statuit, non esse demandandam Judæis tutoriam in liberos Christianos potestatem, idque non quidem Juri Digestorum ob *L. 15. §. 6. ff. d. excus. tut.* bene tamen Juri, quod est in Codice, conveniens esse probat, cum homines isti secundum *tit. de Christian. mancip.* propter seductionis periculum, ne mancipium quidem Christianum in potestate dominica habere potuerint aut possidere. In Belgio cautum esse ait edicto Ordinum Generalium d. 30. Aug. 1640. ut, si parentum alteruter Reformatæ religionis fuerit, tutela Pontificio non debeat demandari. Universitatis Lugduno-Batavæ studiosis fori quidem peculiaris privilegium indultum esse, attamen & ipsis studiosis minorennibus & studiosorum liberis tutores dare Cameram pupillarem civitatis Leydenfis, notat. Quod a nonnullis asseritur, tutores ob levem culpam haud fuisse remotos, sed tantum ob delum vel latam culpam, adeoque per culpam propositam in *§. 6. I. d. suspect. tut.* non nisi latam potuisse videri designatam, id gratis subsumi, sed nulla lege evinci contendit: patere enim ex *L. f. C. dist. tit. & L. 3. §. f. it. L. 4. ff. eod.* tutores ob negligentiam, segnitiam, rusticitatem, inertiam, simplicitatem, ineptiam removeri potuisse; ineptum vero esse, rusticitatem & segnitiam, ineptiam ac simplicitatem præcise latæ velle adscribere culpæ, cum & in levi, imo etiam levissima culpa segnities, negligentia atque inertia deprehendatur; eoque respicere Juris Consultum, quando ait, magnam negligentiam culpam esse, magnam culpam dolum esse *L. 226. ff. d. V. S.* Exemplo militum in expeditione occupatorum, etiam legatos ad exteras gentes missos, eorumque

p. 182. n. 6.

p. 191. n. 5.

p. 211. n. 7.

p. 271. n. 14.

comites ac ministros non inutiliter testari, durante absentia & in locis peregrinis commoratione, secundum simplicem Juris gentium solennitatem, neglectis solennibus tum loci, in quo morantur, tum domicilii, unde absunt legationis causa, existimat Noster, inque eam sententiam etiam responsum esse ait ab Hug.

- p. 296. n. 8. Grotio in Resp. Juris C. Holl. part. 3. vol. 2. consil. 241. Moribus hodiernis non ambigendum esse dicit, quin unusquisque sive miles sit sive paganus, pluribus testamentis relictis mori possit, sic, ut in dubio omnia in priorē & posteriore voluntate disposita exitum habere debeant, nisi quatenus contraria continent, quippe quorum intuitu suprema voluntas testatoris potior foret.
- p. 365. n. 11. An testamenta illorum, qui in Indias navigant, aut inde redeunt, in navi condi recte possint coram duobus testibus, jurato de voluntate defuncti deponentibus, antea disputatum fuisse docet inter Hollandiæ pragmaticos, quorum alii militum privilegia ejusmodi peregrinantibus tribuerint, alii vero denegarint; sed postea constitutum esse probat placito Ordinum Generalium, testamenta navigantium in Indias, aut redeuntium, debere in scripturam redigi in libro ei rei destinato, & subscriptione ejus, qui illud scripsit, nec non duorum testium, confirmatio.
- p. 426. n. 61. n. De jure accrescendi ubi agit, sententiam illorum qui inter legatarios verbis tantum conjunctos locum illud invenire negant, jure meliori ac rationibus firmioribus niti contendit,
- p. 606. n. 30. objectisque dubiis solidissime respondet. Jus Albinatus, vi cujus in Gallia fiscus succedit peregrinis in isto regno decedentibus, uti contra naturalem æquitatem & juris Romani principia inductum Nostro videtur, ita quoque ratione eorum, qui Ordinum Generalium subditi sunt, conventionibus inter Galliarum Reges & Federati Belgii Ordines identidem abolitum fuisse, idem significat. Parciorē antiqui juris civilis circa successiones tractationem supplere volens, inter librum XXXVIII & XXXIX de Feudis dissertationem inseruit, inque ea hujus quoque Juris elegantem atque perspicuum interpretem se præstitit. Multiplicatam illam vassallorum subordinationem, (qua jure feudali Longobardico a Capitaneis seu valvasoribus majoribus feuda accipiebant valvasores minores, & ab his iterum valvasores minimi vel valvasini) secundum

dum usum Hollandiæ & vicinarum gentium, ignotam esse docet, ac tantum vasallum, qui a Comitatu Hollandiæ feudum tenet, subfeudum dare posse, ulteriorem vero subinfeudationum progressum non admitti, teste Hugone Grotio. Ab hoc tamen in eo dissentit, quod feuda Hollandica ad dominum directum re-
 verti statuatur, si decimum cognationis gradum deficere contingat. Istam enim sententiam ostendit falso niti fundamento, quasi & allodialium successio ad eum gradum coarctata sit; quam successio-
 nis intra gradum decimum restrictionem neque juri civili, neque moribus Hollandiæ respondere, post titulum *ad Senatus C. Ter-* p. 602. n. 22.
tull. probaverat. Totum jus successionis feudorum hæreditario- p. 648. n. 79.
 rum in Hollandia eo videtur ipsi redire, ut primo lineæ, dein gradus, tertio sexus, quarto ætatis ratio habeatur. Cui consequens esse dicit, ut filius secundogenitus potior sit nepote ex filio pri-
 mogenito, sed & nepos ex filio secundogenito natu major, veluti viginti annorum, præferatur in avi defuncti feudo nepoti ex filio
 primogenito natu minori, veluti annorum decem; denique filius natu major sororis anteponendus sit filio fratris natu minori, li-
 cet, quod ad hoc ultimum attinet, contra placuerit Ultrajectinis. Ex usu hodierno, usque adeo necessariam esse tradit in feudis Hol-
 landicis investituræ renovationem, ut nullus de feudo litigare pos-
 sit, nisi petita investitura, quam & ideo dominus directus & actori & reo indulgere soleat, salvo tertii cujuscunque & suo jure. Ratione laudimiorum, quæ in recognitionem domini directi, per va-
 sallos investituram obtinentes, pendi solent domino, nec non curialium, quæ solvuntur ministris curiæ investituræ vacantibus, ta-
 lem in Hollandia consuetudinem esse refert, ut feudum magnum aut medium per renovationem accipiat, præstitis laudimiorum
 nomine decem florenis, parvum vero præstita unius anni pensione; quod autem ad curialia sive curiæ jura attinet, debeantur pro
 feudo magno floreni viginti duo cum stufero (*stuyver*) pro medio floreni decem, pro parvo quinque. Quænam vero feuda dicantur magna, quænam media, quænam parva, fusius eodem in loco exponit. Et si olim in Hollandia & vicinis regionibus, feu-
 dis quoque obligatio ad servitia militiamque adjuncta fuerit, tamen temporibus Caroli V. feuda magis allodiis hac in parte cœ-

pisse adæquari commemorat, adeo, ut servitia aut militia jam a longissimo tempore non inveniantur vasallis feudorum intuitu indicta fuisse, ac proinde negari haud posse, quod, si non expressa dicti Imperatoris constitutione, usu certe inveterato, ab illo servitiorum onere jam sint immunes. Furti actionem poenalem contra furis hæredes competere statuit, non solum, si ex dolo defuncti aliquid ad ipsos pervenit, & si lis cum defuncto sit contestata, sed & si tutor res pupilli surripuerit; tunc enim mortuo tutore, uti cæteras actiones, ita & furti actionem, contra hæredes tutoris datas fuisse, contendit, quia a seipso tutor exigere debuisset, sibi que solvere, *L. 9. §. ff. L. 10. ff. d. tut. & ration. distrab.* Ad titulum *de Questionibus* graviter de illarum iustitia atque æquitate differit, multisque rationibus ostendit, quod, si circumspiciamus, si tardius, si non nisi pene probato crimine, ac reo gravissimis præsumtionibus onerato, iudex tormenta decreverit adhibenda, nihil prorsus in illis deprehendi possit iniqui, quod non in carceribus, in testibus, in instrumentis, in iurejurando, in sententia ferenda, in ipsa confessione liberrime emissa, aliisque extra omnem iniustitiæ & iniquitatis controversiam constitutis, æque locum sibi vindicet; ac proinde nullam satis urgentem rationem suppetere, cur confessioni per huiusmodi tormenta, cum moderamine adhibita, primitus extorta, deinceps vero citra cruciatus renovata, magis, quam aliis legitimis probandi modis, fides esset deroganda. Atque hæc ex tomo undecimo operis huius excellentissimi speciminis loco recensita suffecerint.

Medaillen-Cabinet Ernestinischer Haupt-Linie &c.

hoc est

SAXONIA NUMISMATICA LINEÆ ERNESTINÆ
Part Prima, Autore WILHELMO ERNE-
STO TENTZELIO.

Sumtibus Christiani Wermuthii numismatum Sculptoris. Prostat Francofurti ad Moenum apud Knochium, & Lipsiæ apud Stockium, 1705. in 4.

Constat Alphab. 1. plag. 9. & tab. æneis. 15.

Pri-

Primam partem Saxonix Numismaticæ ab Amplissimo Tentzelio nuper admodum evulgatam, & a nobis in his Actis superiori mense Julio p. 289. s. recensitam, prima nunc Lineæ Ernestinæ pars excipit, in cujus proœmio quæstionem Autor tractat, curiosam, *quam vetustissima sint numismata Saxonica?* Ubi aliter respondendum esse dicit, quando numismata sensu nominentur arctiori, quæ iconibus elegantioribus aliisque scitissimis figuris puro auro argentoque expressa sint; aliter ampliori, cum quicquid est nummorum mnemonicorum subintelligatur. Illa vix reperiri perhibet Ernesto Albertoque antiquiora: hæc autem, si Spangenbergio fides, longe majorem omnino vetustatem sapere, & eorundem primordia a bracteatorum, qui vocantur, nummorum usu derivanda venire statuit, quos inter plures olim ad facti alicujus publici, structuræque, cumprimis Ecclesiasticæ, similiumque rerum memoriam pertinuerint. Cujusmodi nummum & recentioribus temporibus inter solidos Saxonicos sub grossi forma reperimus, una parte scutum Saxonicum præferentem, cum inscriptione, **HILF SANCT ANNA**, h. e. *Adjuva Sancta Anna*; altera Electorale, cum inscriptione: **MATER. DEI. MISERERE. MEI.** Existimat igitur, grossum illum Fribergæ cûsum, consecratumque sive in genere cultui S. Annæ matris Mariæ, Christi que avix, sub sæculi XV finem in Saxoniam in vecto, sive in specie ædificio capellæ S. Annæ Fribergensi, ubi pentaclivio virili rhythmus integer ligno incisus conspiciatur, cujus initium nummo impressum sit: *Hilf S. Anna du Gerechte, Mit allen deinem Geflechte, Amen*, h. e. *Adjuva S. Anna iusta cum omni tua cognatione, Amen*. Quod si forte quis opponat elegantissimum aureum argenteumque numisma, cujus antica sistat S. Elisabethæ effigiem cum corona peploque, & inscriptione: **ELISABETHA. FILIA. ANDRÆ. REGIS. HUNGARIÆ. OBIIT. MARBURGI. ANNO. M. CC. XXXI.** postica Hospitalis Marburgensis Ecclesiam ab ea fundatam, & in circûtu verba Psalmi CXII: **DISPERSIT. DEDIT. PAUPERIBUS. JUSTITIA. EJUS. MANET. IN. SECULUM. SECULI.** respondet, falsum esse hoc numisma, neque ducentos adhuc annos superare, quoniam alia ejusdem scripturæ, modi & typi, in Maximilianum I. & Carolum V.

retroque in Carolum M. aliosque Imperatores & Reges facta supersint, omnia ab uno Judæo aurifabro elaborata, & alio forsan tempore occasionem datum iri sperat, qua singularem hanc fraudem ulterius possit detegere. Cæterum ad calcem subnectitur Caroli Gustavi Heræi, Consilarii Aulici Schwartzburgici, epistola, qua is primæ partis Linæ Albertinæ numismata annotationibus quibusdam illustrat, eque nummophylacio suo sex alia cum Tentzelio communicat, in supplementum aliquando proditurum differenda. Spondet insuper Amplissimus Tentzelius, quod opere hoc Numismatico absoluto, omnes tam Ecclesiasticos quam Politicos Ministros Saxonicos, quotquot numismatibus innotuerunt, singulari fasciculo velit comprehendere, adeoque rogat præcipuos in Aulis Saxoniciis Status Ministros aliosque ex antiquioribus Nobilium Familiis oriundos, ut, quicquid de Parentum Avorumque vita ac numismatibus servant, sibi ad describendum formandumque gratiose & benevole concedant, ne debita operi perfectio curaque desideretur.

Sed ut ad rem ipsam deveniamus, quatuor hæc pars Electorum numismata repræsentat, ERNESTI puta, FRIDERICI III, JOHANNIS & JOHANNIS FRIDERICI, in cujus sorore, MARIA, fratreque JOANNE ERNESTO, clausulam facit. ERNESTI duo tantum affert numismata, alterum quod ejus effigiem ex una, & ex altera Alberti faciem refert, idque in fraternæ divisionis memoriam excusum fuisse conjicit, quamquam & cuilibet liberum relinquit, ut, cum nomina adjecta non legantur, effigies has Friderico Electori Ducique Johanni tribuat. Secundum Ernesti iconem, habitu Electorali splendentem, exhibet, averfa vero pars vitæ curriculum paucis comprehendit, istudque ex Wermuthianis numismatibus petatum est. FRIDERICI III, qui Sapientis cognomen merito tulit, numismata viginti quatuor recenset Tentzelius, e quorum numero prima & primaria illa sunt, in quibus & *Sacri Romani Imperii Locumtenentem Generalem* Elector nuncupat, quem titulum nonnisi ab A. 1507, quo eundem hoc ipso axiomate Maximilianus I. Imperator in Comitibus Ratisbonensibus mactaverit, ad annum usque 1519, quo Imperator modo laudatus obierit, gessisse cum monet, atque illos accurate

refutat, qui ad vitæ usque finem hunc ab ipso fuisse adhibitum contendant. Carolus certe V. Imperatorem hoc cum elogio nunquam dignatum esse, ostendit. Notatu dignum illud quoque numisma videtur, in quo ejus collari insculptum cernitur nomen IHS. MARIA, quod tamen illo tantum tempore, quo Pontificiæ adhuc Ecclesiæ addictissimus fuerit Fridericus, non autem postea, cum ad Evangelicæ veritatis agnitionem pervenisset, ipsi arripisse observat. Ab A. 1522. nummos Fridericianos ambiisse ait hanc inscriptionem: VERBUM. DOMINI. MANET. IN. ÆTERNUM, eodemque anno verba memorata, vel potius eorum literas initiales, manicis quoque primum innexas fuisse addit. Literas C. C. N. S. quæ passim in nummorum, tunc temporis cusorum, angulis compareant, more consueti sic exponit: *Crux Christi Nostra Salus*. JOHANNI Electori septem tribuit numismata, e quibus ullum, & memoriale quidem, ante annum 1530. cusum fuisse negat. Licet enim aliqui huc referant aurea illa vel argentea, quæ pestem, ut velint, Wittebergæ anno 1527 & 1528 grassantem, respiciant, unoque latere serpentem æneum, altero Christum crucifixum exponant, cum dictis Biblicis illuc spectantibus; nihilominus tamen, quoniam nec Joannis Electoris nomen, nec illius insignia ibi conspiciantur, omittere eadem consultius duxit; cum sine dubio pertineant ad alia sacra profanaque numismata, quæ isto tempore a sculptoribus proprios in usus elaborata, magno adhuc numero hinc inde asserventur. E genuinis vero Johanneis istud imprimis notari meretur, quod peculiariter respicere censet speratam quidem & ab Imperatore promissam, dehinc vero negatam feudorum concessionem, quod Tab. V. num. 3. delineatur, & p. 56. s. declaratur. Circa nummos, in quibus effigies Electoris Ducisque Johannis Friderici appareant, in superiori vero aversæ parte epulum Herodis proponatur, & in inferiori Johannis decollatio, cum perigraphæ: *Johannes strast den Ehebruch Herodis, drum muß er sterben, Marci VI*, quod est: *Joannes reprehendit Herodis adulterium, propterea morti traditur, Marci VI*, hoc observat, quod Joannes Elector, ex Comitibus Augustanis reversus, hanc posticam iconibus istis addi forte curaverit, in memoriam tam frustra speratæ investituræ, aliarumque ob religionem illata-

rum

rum afflictionum, quam colloquii præsertim memorabilis, die de-
collationis Joannis, Augustæ cœnando cum Heinrico Brunsvicensi
aliisque magnæ dignitatis convivis habiti. Ast insuper tamen aliis
expendendum altius relinquit, annon fama jam tum inter homi-
nes clanculum sparsa fuerit de furtivis Henrici, Ducis Brunsvicen-
sis, amoribus cum Eva Trotтина, ut Johannes Elector illum fa-
miliariter in cœna supra dicta monuerit. Cum enim isti magis
posthac erumpentes in publicam vergerent criminationem, non
septem solum infantes nominabantur, quos Dux cum Eva post fi-
ctas illi habitas exequias genuerit, sed is etiam accusabatur,
quod antea, illa adhuc in Gynecæo inter virgines versante,
aliquot infantes ex eadem suscepit. Quos si quis compu-
taverit, facile hujus rei initium in annum 1530, imo citius, po-
ni posse innuit. In ultimo Johannis Electoris numismate, in-
scriptionem hanc, tanquam memoratu dignissimam, observari ju-
bet, in qua JOHANNES. PATER. ET. JOANNES. FRIDE-
RICUS. FILIUS. EVANGELII. CONFESSORES. INVICTISSIMI
vocantur. In postica summus Pontifex Hannas throno insidet,
ante quem Petrus Apostolus cum tribus aliis personis stat, pone
quos clypeolus numero 32 signatus jacet. Perigraphæ ex Actis
Apostolicis defumitur: ET. LOQUEBANTUR. SERMONEM.
DEI. CUM. FIDUCIA. ACTOR. 4. Re diligentius expensa,
non adeo absurdum reputat, si quis numero illo breviato 32, tam
annum, quam Evangelicorum Confessorum numerum notari di-
xerit. Quid? si Episcopus in throno sedens Archi-Episcopus
Moguntinum, tanquam mediatorem præcipuum, & qui ante
ipsum stant Confessores, quadruplices ex Electorum, Principum,
Comitum, Civitatumque numero Protestantes significant? Ad
Apostolos enim applicationem commode fieri non posse censet,
cum, testibus Actis Apostolicis, non quatuor, sed bini tantum,
Petrus & Joannes, qui claudum sanaverant, ante summum Pon-
tificem Synedriumque Judæorum constituti fuerint.

Sed partem Tomi hujus secundi potissimam conficiunt nu-
mismata JOHANNIS FRIDERICI Electoris, quorum omnino
sexaginta numerantur. Singula autem commemorare uti no-
strum haud est, sic aliqua dedisse e præcipuis suffecerit. Vulga-
ris

ris quidem thalerus est, quem sub Tab. VIII. finem num. 3. Noster affert, una ex parte Johannis Friderici Electoris, altera Georgii Ducis imaginibus, titulis insigniumque scutulis signatum. Nohuit tamen eundem silentio prorsus involvere, quia mysterium malumque omen nonnulli in eo quærunt, quod gladius Electoris quasi fractus videatur. Equidem qui novit, quanta facilitate inferiundis monetis fiat, ut ferrum paulisper dimoveatur, cum nulla heic admiratione digna judicaturum autumat. Si quis autem, quæ olim cum Imperialibus Cromwellianis, & cum Hannoveranis monetis, quæ duas thaleri tertias seu sedecim grossos valent, aliisque ejusmodi monetis vulgata sint, huc conferre voluerit, cum sensu suo abundare permittit, majoris momenti reputans, quod A. 1695 Electoris hujus imagini, quæ picta in tabula lignea reperitur in condavi Ecclesiastico Ducali Vimaræ, acciderit. Eam quippe die conversionis Pauli, durante concione, subito fragore, totam perruptam fuisse refert, gladio Electorali illaso manente, prout ipse viderit, & Müllerus in Annaalibus suis prolixè exposuerit. Tab. X. num. 4. 5. 6. 7. quatuor affert ejusdem magnitudinis numismata, quorum lemma unum est: GOT. STRAFT. DAS. UBEL. *Deus punit malum*; in postica vero modo hæc comparet inscriptio: DRVM. BIN. ICH. Herzog. HENRICH. Von. Braunschweig. VERDRIBN, i. e. *Propterea ego, Henricus Dux Brunsvicensis, ejectus fui*; modo ista: DRVM. HAT. MEIN. HAVS. EIN. BOSEN. GIBEL, i. e. *Propterea domus mea fastidium habet malum*; modo quatuor inter scuta hæc leguntur: GOT. HILFT. AVS. NOT, *Deus ex periculo eripit*; modo sequentia: NOLI. PECCARE. DEVS. VIDET. Singula hæc respicere observat felicissimam illam expeditionem, qua Elector cum Hassiæ Landgravio Henricum, Ducem Brunsvicensem, invadens, totum ejus Ducatum duorum mensium spatio occupaverit. Numisma, quo A. 1545 ante expeditionem Henrici Ducis, Pontificii elatum suum animum publice significarint, & quem sub anni finem Lutherus in literis ad Electorem Saxonie, Landgraviumque datis, ac Tomo VIII Altenburgensi fol. 465 relegendis descripsit, nunquam se suis usurpasse oculis fatetur, at varia tamen occasione belli Smalcaldici cusâ indicare haud omittit. Neque in allegandis iis

uspiam defecit, quæ Joannis Friderici Electoris captivitatem pariter ac subsecutam tandem e custodia liberationem, pro fundamento agnoscunt. Qua occasione commentum istud pererriculum expodit, dum insignem Hispani ostendent ocream, Johanni Friderico in captivitatem abducto exutam, in qua eques cum toto corpore locum inveniatur, quamque aliqui in Cimeliarium Electorale Bavaricum Monachum translatam somniant. Cæterum si quis curiosus fuerit sciendi, quorsum altera Electoris ocrea pervenerit, cum ad Cimeliarium Gothanum ablegatur, ubi illa monstratur, inusitata quidem amplitudinis, non tantæ tamen, quantam Hispani jactent, ut totus eques, sed puer tantum quinque vel sex annorum illa se abscondere queat. Tenui eam constare innuit corio fusco, ut facile complicari condique possit, unica tantum solea, non calcaneorum, quali hodie utamur, fulcimento. Electoris in maxilla sinistra cicatricem, e pugna Mühlbergensi reportatam, & post in diversis numismatibus expressam, p. 139 seqq. considerat. Titulum *nati Electoris*, quo ultimo vitæ tempore Johannes Fridericus usus fuerit, non Electorem nude se appellans, p. 200 seq. probe attendi cupit, & quid ob eundem monuerit statueritque Elector Augustus, p. 209 enarrat.

His aliisque latius deductis, sub finem nonnulla disserit, primum de MARIA, Johannis Friderici Electoris sorore, eodem patre genita Johanne Electore, sed matre diversa e domo Anhaltina, Philippo inde Duci Pomeraniæ conjugio sociata. Hujus effigiem in nummo A. 1545 casu apparentem sistit, istumque summi gaudii testandi causa, ob auctam tunc tertio filio Principe familiam, prodixisse conjicit. Copulationem Mariæ hujus cum Philippo Duce Lutherum peregrisse, unoque ex annulis sponsalibus e manu sua excidente, ipsum paulo commotiorem dixisse refert: *Hörstu Teufel, es gehet dich nicht an, du wirst nichts ausrichten! Heut Satana, hec mihi! ad Te, ne quidquam efficies!* ad Sponsos vero conversum: *Wachset, und euer Same müsse nicht untergeben! Crescite, & semen vestrum non deficiat!* Aliud eventum nihilominus docuisse animadvertit, centum annis post, Ducum Pomeraniæ familiam plane exaruisse. Sorori Johannis Friderici ejusdem fratrem, affociat, JOHANNEM ERNESTUM, Coburgensem, cujus diem

emor-

emortualem, de quo haftenus disceptatum fuit, in octavum Februarii collocandum venire demonstrat.

*HUMFREDI HODII LINGUÆ GRÆCÆ PROFES-
soris Regii & Archidiaconi Oxon. de Bibliorum Textibus Originali-
bus, Versionibus Græci, & Latina Vulgata, Libri IV. Pra-
mittitur Aristæ Historia Græcæ
& Latine.*

Oxonii e theatro Sheldoniano, 1705. fol.

Constant Alphab. 8.

Viginti anni sunt, ex quo Autor Reverendus, quem plurima alia scripta celeberrimum reddidere dudum, edita contra Historiam Aristæ Dissertatione, a nobis in Actis nostris A. 1686 p. 205 recensita, in republica litteraria nomen sibi primum parare cœpit. In libri istius præfatione, tres alios libros de versione LXXviri promiserat, quorum tamen editionem varia, quibus inde distractus fuit, negotia ad hoc usque tempus distulere. Factum interea est, ut vir magnus Isaac Vossius, in appendice Observationum ad Pomponium Melam, paulo acerbius Aristæ fidem contra doctissimum Hodium defenderet: quod tanto magis accendere debere videbatur cum, ad maturandam editionem librorum cæterorum, & vindicias parandas. Verum impediri se variis studiorum vicissitudinibus hoc facilius passus est, quod, utcumque Vossio visum fuisset, viros tamen passim doctissimos allatorum a se argumentorum vim sentientes invenerit, Menagios, Pagios, Allixios, Pikius, & Dupinium imprimis, qui omnia argumenta sua contra Aristeam Dissertationi præliminari in S. Scripturas inseruerit, suppressio licet, quod paulo ægrius ferre videtur, Hodiano nomine. Equidem in operis de Scriptoribus rerum Ægyptiarum libro IV, ante annos non adeo multos, Vossio satisfacere ipsi quoque fuerat constitutum, idque aperte præ se tulerat in Prolegomenis ad Malalam §. 13. Sed tamen istud quoque institutum nova impedimenta denuo interverterunt, id agentibus fatis, ut hæ ipsæ vindiciæ suo denique loco, hoc est in diutissime expectato opere, quod nunc ob oculos habemus, conspicerentur.

In eo primo loco ipsa Historia Aristæ comparet, ad fidem

nuperrimæ editionis Oxoniensis impressa, cum vel lectiones diversas vel notas consarcinare, ad Scriptorem supposititium & nullius pretii, supervacaneum doctissimo Autori visum fuerit. Insequitur Dissertatio contra Historiam Aristæ, quæ primum operis hujus librum absolvit, in paucissimis ab editione Oxoniensi anni 1684 dissidens. Nempe prima duo capita, demtis nonnullis, ut breviora evaderent, in unum contracta sunt; quædam etiam in sequentibus in epitomen fuere redacta, pauculis quibusdam locis textui inspersis; plura in sequentibus capitibus textui subjiciuntur, quæ tum illustrandis olim dictis, tum imprimis If. Vossii exceptionibus dispellendis inserviunt. Quod enim Vossius v. g. ad argu-

Confer.

Acta E. 1687.

p. 221.

mentum allatum ex *Hermippo*, dicente post *Cassandri* excessum, *Demetrium Phalereum* in Ægyptum demum adventasse, excipit; licet verum hoc esse concedatur, nihil inde tamen confici posse, nisi id solum, quod tempus, quo in Ægypto *Demetrius* fuit, non XXIV, sed XIV vel XV annorum fuerit: ad id respondet clarissimus Autor, imo & hoc, si verum id esse concedatur, inde confici, quod *Hermippus* non erraverit, cujus autoritatem erroribus imputatis convellere nifus fuerat Vossius. Quod *Antigonus*, cujus metu *Demetrius* ad *Ptolemaum* confugit, fuerit *Antipater*, *Cassandri* filius, qui & ipse *Antigonus* dictus sit, ut visum Hodio, eo impugnat Vossius; quoniam *Antipater* ille *Cassander* potius fuerit dicendus, si binomius extitisset, cum Græci cognomina vel a parentibus vel a præceptoribus acceperint, nec parens autem, nec præceptor *Antipatri Antigonus* fuerit appellatus: id levissimum clarissimo Autori videtur; indita enim a majoribus quoque Græcis nomina fuisse. Sic *Hermodamantis*, qui a majorum uno *Creophilus* appellatus sit, meminisse Jamblichum in Vita Pythagoræ: obitare quoque Vossio nomina *Alexandri Antiochi*, & *Demetrii Seleuci*, qui in Syria, & *Ptolemai Alexandri*, qui in Ægypto regnarunt. Frequens autem in *Cassandri* familia nomen *Antigoni* extitisse, patere ex eo, quod filia quædam *Cassandri*, fratris *Antipatri*, vocetur *Antigone* apud Schol. Theocriti. Imo & nomen ipsi posse fuisse *Antigoni*, cognomen *Antipatri*, quod habere potuerit ab avo suo *Antipatro*, patre *Cassandri*. Ad argumentum Hodii contra *Aristeam* ex eo desumptum, quod nulla patris *Ptolemai Lagi* apud eum

MENSIS NOVEMBRIS A. MDCCV. 509

eum sit mentio, responderat Vossius, factum id ideo, quod ille regno se eo tempore abdicaverit penitus: verum & falsum hoc esse observat clarissimus ejus antagonista (cum enim nunquam regnum deposuisset, Dexippi, Eusebii, Africani testimonii, & aliis quoque argumentis quamplurimis probari) & si verum sit, nullam tamen rationem reddi posse, cur & *Eleazarus* in epistola, & e Senioribus unus viva voce bene precetur *Ptolemao Philadelpho*, & uxori ejus, & forori, & liberis, & amicis, patris ne verbo quidem facta mentione. Indignum *Demetrio* Bibliothecarii munus non fuisse, Hodio persuadere conatus eo fuerat Vossius, quod in Galiliis quoque Archiepiscopus Remensis, Romæ ex Cardinalibus aliquis, isto officio fungatur: respondet iste, a Vossio quidem allegatos Bibliothecarios honorarios esse, nudo insignitos titulo, quales nulli apud veteres fuerint reperti; custodes saltem Alexandrinæ Bibliothecæ ejusdem conditionis cum ordinariis Bibliothecarum præfectis fuisse, a se exemplis compluribus esse demonstratum. Sed omnia percurrere nimis longum; ad partes itaque sequentes, quæ novæ penitus, nobis potius erit festinandum.

In libro itaque secundo de versionis Græcæ, quæ LXX vidualis vulgo dicitur, ætate atque auctoribus prolixa instituitur disputatio. Confectam eam fuisse intra illud biennium, quo cum patre *Ptolemao Lagi* simul Ægypto præerat filius *Ptolemaus Philadelphus*, probabile esse ex eo, quod veterum alii *Ptolemai Lagi*, alii *Philadelphii* regno hanc versionem adscribant, qui hæc ratione optime concilientur, ut necesse non sit, cum Junio atque Weemsio statuere, duas diversas sub duobus Regibus istis versiones sacri codicis fuisse confectas: firmare id præterea disertum *Anatolii Alexandrini* testimonium, & ex recentioribus, plerisque & gravissimis scriptoribus, quorum loca adducuntur, hoc placuisse. Petrum Trecensem vero, Eutyrium Patr. Alex. Philonem, Athanasium, autorem Seder Olam, Præfationem Pentateuchi Arabici, Justinum Martyrem, in designanda ætate hujus versionis, multos gravissimos errores commisisse. Versionem hanc neque *Ptolemaeorum* autoritate, nec *Demetrii Phaleri* studio esse confectam, sed a Judæis, qui sub *Alexandro M.* & *Ptolemao Lagi* magno numero, sive sponte, sive coacti, in Ægyptum de-

c. I.

c. II.

c. III.

venerant, (quod ex Hecataeo & Iosepho discimus,) proprio motu, & in proprios usus. Augumenta, quibus *Ptolemaeorum* auspicia & *Demetrii* autoritas versioni huic eripiuntur, hæc sunt : 1. quod sola Pentateuchus conversa fuerit; probabile autem non sit, illos historica populi & prophetica oracula, quæ maxime illorum poterant curiositatem allicere, fuisse prætermitturos : 2. quod versio hæc neglecta & ignota semper fuerit ante Christianismum natum Gentilibus, quod pateat ex omnibus illius ætatis scriptoribus profanis, apud quos summa rerum Judaicarum ignorantia; ignotam autem adeo eam manere non potuisse, si tantorum Regum autoritate confecta, ab iis in tanto pretio habita fuisset. Demetrio & Ptolemæis tribuentes hujus versionis adorationem veteres & recentiores, vel dubiæ fidei esse & supposititios, vel credulos nimis scriptores. Inter illos etiam ipsius comparet Imperatoris *Alexandri Severi* nomen, in oratione quadam apud *Encolpium* : cujus rei non meminisse non possumus, quod inter nostros non ignotum quidem *Encolpii* nomen, ignotam tamen *Historiam* ejus esse, satis sciamus. *Encolpium* enim quidem scripsisse illius Imperatoris *Historiam*, ex Lampridio novimus, sed quis nostrum illam vidit unquam? Extat vero inter Anglos versio ex Græco, ut titulus habet, vernacula illius *Historia*, a *Thoma Elyoto*, Medico, A. 1549 edita : quam tamen, judice clarissimo Hodio, non est cur multum Britannia invideamus. Spurious enim illum factum manifesta prodere ait indicia. Certissimum saltem esse, orationes, quæ in eo multæ habeantur, ab ipso *Elyoto* esse confictas; ejus enim ingenium & orationes confingendi consuetudinem ex aliis ejus scriptis sibi satis esse exploratam. Sed ad versionem nostram redeundum. Eam jam porro confectam docet non ab Hierosolymitanis, sed Alexandrinis Judæis. Certe enim opus non fuisse, ut Hierosolymis exemplaria & legis interpretes accerferentur, quorum inter tot millia Judæorum Alexandrinorum insignem copiam fuisse, necesse sit. Præterea dialectum hujus versionis esse Alexandrinam, quod fateatur Lexicographus Græcus Parisius A. 1532 a Mich. Vascosano editus. Siclum Hebræorum eos didrachmum vertere non Atticum intelligentes, sed Alexandrinum, quod ex Iosepho Ant. III, 9. & Hieronymo

c. IV.

nymo ad Ezech. IV pateat. Vocem Ebraicam תומים more Ægyptiorum Θιφι proferre. *Thummim* αληθειαν vertere; id enim Ægyptium quoque esse, ut dudum monstravit Spencerus de Urim & Thummim c. 4 §. 12. *Josephi* nomen a *Pharaone* ipsi datum Ιωσηφου Φαριχ efferre, inflexo nomine ad usum Ægyptiorum, qui tum obtinebat. Ægyptium quoque esse, quod *Pe-Quā* Amos. V, 26 ponitur pro Ebr. כין. *Ciun* enim, h. e. *Saturnum*, Ægyptiis *Rephan* dictum, idque patere ex Coptica Tabula Planetarum in Prodrumi Copti c. 5 p. 147. Taceo cætera, a doctissimo Autore observata linguæ Ægyptiæ vestigia. Id quoque, quod tanta fuerit Judæorum hujus versionis averſio, ut junio infaustam ejus confectæ declaraverint memoriam, argumento esse, a Judæis Hierosolymitanis eam profectam non esse. Quin & diserta loca Talmudica eam Alexandrinis tribuere. Nec Aquilam Judæum novam versionem Græcam fuisse moliturum, si istam ab Hierosolymitanis Presbyteris esse credidisset. Numero LXXII fuisse, plane absolum videri; quid enim eum numerum suasisset? esse hoc commentum ex affectatione Judæorum illius numeri, in aliis quoque rebus conspicua. Nec fuisse eos, qui in Synedrio confidebant: quid enim incredibilius, quam toto Senatu suo gentem fuisse spoliata, in Ægyptum scilicet commigrante? Nec LXXII fuisse συνιδες, verum LXX tantum. Quin & esse ex antiquioribus & recentioribus, qui a paucioribus versionem factam dicant, Talmudistas Hierosolymitanos in Massêcheth Sopherim, Leusdenium, Simonium. De Judæis quibusdam celebrioribus, qui in isto numero interpretum fuisse dicuntur, Eleazaro, Aristobulo, Simone Justo, Jesu Siracida, Daniele Propheta, Philone, Ezechiele Tragico, incerta esse omnia, & maximam partem manifeste falsa. Judæos Alexandrinos ægre ferentes, discrepantias suæ versionis ab Hebraizantibus passim notari, XL circiter ante Christum natum annis, Divino afflatu eam confectam esse, fingere cœpisse, idque Philoni jam fuisse persuasum, ut pateat ex Lib. 2. de Vita Moſis p. 510. Inde paulo post Philonis tempora, fabulam aliam de LXXII cellulis natales suos accepisse. Hanc triplici argumento destrui, primo autoritate adversa Aristæ, cujus fidem alias agnoscant adversarii: secundo ex dissen-

c. V.

c. VI.

ſu

- fu veterum, quorum alii LXXII cellulis singulos interpretes, alii XXXVI binos semper inclusostradant: tertio ex Philonis Judæi silentio: & quarto ex Prologo Ecclesiastici, ubi affirmetur, Scripturarum interpretationem eodem modo, quo aliarum versiones solent, a textus originalis excellentia defecisse. Heinsii conjecturam circa originem fabulæ de LXXII interpretum totidem cellulis selectorum consensu, propositam in Aristarcho I, 10, minime esse probabilem: tametsi eam & Rivetus, & Weemsius, (qui eam quidem non Heinsio, sed Josepho Scaligero perperam adscribat) Fridericus insuper Spanhemius, nec non Hottingerus, velut sagacissimam ac admodum plausibilem commendent. Supponere enim eam perperam, quod fabula de afflatu Divino interpretibus Græcis præstito, & de numero interpretum septuagenario, & de cellulis diversis, uno tempore orta sit, & alia absurda minimeque probabilia continere. Unice igitur hanc fabulam natales debere eorum studio, qui Divinam hanc versionem credi cupiebant. Simile quid vero de Poëmatum Homericorum correctoribus finxisse Græcos, eamque in rem fragmentum ineditum Stephani Grammatici adducitur. Non totam autem sacram Scripturam a primis illis interpretibus fuisse translatam, sed *Pentateuchum* tantum, idque ipsius Pseudo-Aristæ, Josephi, Philonis, Aristobuli, Rabbiorum, Hieronymi &c. constare testimoniis, quæ prolixè contra dissentientes vindicantur. Præterea *solam Legem* illis temporibus in Synagogis lectam fuisse, & separatim ab aliis libris propositam. Librum *Josue* post *Ptolemai Lagi* demum fata esse translatum, ex voce *γαισός* constare, quam Gallicam origine, diu post ejus tempora Græciæ civitatem indeptam esse, fuscè & erudite monstratur. *Libros Propheticos* cum *Esthera* & aliis quibusdam, sub *Ptolemao Philometore* habitum Græcum induisse. Occasionem fuisse eam, quod *Antiocho Epiphane* Legis lectionem Judæis in patria sua prohibente, Prophetas loco ejus illi in Synagogis legere occiperent, idque imitatos Alexandrinos Prophetarum versionem operam navare coepisse. *Antiochum* nempe illum Syriæ a V anno *Ptolemai Philometoris* ad ejus annum usque XVII præfuisse. Probabile hoc reddere Alexandrinorum Judæorum eo tempore summam cum Palæstinis æmulationem, quo & *Oniticum* templum construxerint: item quod auctor Chronici Seder Olam Zuta referat versionem
- p. 156.
- c. VII.
- c. VIII.
- c. IX.

nem Legis ad annum Græcorum 140: quod Anatolius inter Legis interpretes *Aristobulum* referat: quod ad *Onie* Sacerdotis S. ætate m. quidam hanc versionem rejiciant; hæc omnia enim in *Philometoris* incidere tempora. De *Estheræ* libro id evincere argumentum Ulserii de LXX Interpr. p. 22. Ad id, quod objici ex Siracidæ præfatione poterat, respondendum esse, sermonem ejus pertinere non ad *Evergetem* seniore, sed posteriorem, *Philometoris* successorum. *Librorum Samuelis* interpretationem *Philone* esse antiquiorem, a quo citetur in lib. de Nominum Mutat. p. 826. *Judicum*, autem librum ejus ætate nondum Græce versum fuisse, inde patere, quod in lib. de Confus. Lingu. p. 339 locum ex illo libro alleget, in quo versionem Græcam non exprimat. *Jobum* contra & *Psalmos* ante *Philonem* translatos esse evincitur, quia eorum versio ab eo citatur. Denique hoc saltem, quod neque unus totam Scripturam, neque plures communi consilio atque consensu interpretati fuerint, eo probari firmiter, quod summa sit in modo interpretandi disparitas, non in diversis tantum libris, verum & in singulis, ut in uno adeo pensâ diversis interpretibus distributa fuisse pateat. Ita nempe easdem voces Hebræicas in locis diversis diversè exprimi: eadem virorum, gentium, & locorum propria nomina diversis vocalibus animata legi: in aliis locis non declinari, in aliis contra, Græcæ accepta terminatione, inflecti: in aliis locis locorum & gentium nomina Hebræa, Græca in aliis poni: animalium, arborum, lapidum, mensurarum, ponderum nomina diversis & contrariis vocibus passim reddi. Cujusmodi discrepantiarum catalogo texto bene longo, Libro quoque secundo isti corona imponitur.

Libro tertio, quæ fuerit vel Hebræi textus, vel versionum, Græcæ & Latine, per omnia retro secula autoritas, ostenditur. Ubi Parte priore libri de textus Ebræi maxime, versionisque Græcæ a-

c. X.

LIII. P. I. c. I.

gitur autoritate, & primo quidem Judæorum antiquissimorum de illis sententia repræsentatur. Ipsos igitur *Judaos Hellenistas* primas textui Hebræo detulisse probatur, idque ex præfamine Ecclesiastici; fabulam de Divinitate versionis Græcæ, post demum invaluisse. Apud *Hierosolymitanos* vero Hebræi textus summam fuisse autoritatem, clarius etiam liquere. Josephum eum secutum esse, contra Salmasium, Bochartum, Capellum, alios monstratur.

Ttt

ju-

- Judeos* tamen *Hellenistas* Græcam omnino versionem in Synagogis legisse, contra Lightfootum evinci ex Tertulliano Apolog. c. 18, Justino Cohort. ad Græc. p. 14, Apol. II pag. 72. Dial. cum Tryph. p. 297. sq. Gemara Hierof. tr. Sotah c. 7, & ex Philonis scriptis. Salmasium errare, per *Hellenistas* Profelytos tantum intelligentem, negantemque Judæos genere & natalibus, in Græcis urbibus dispersos, versionem Græcam in Synagogis legisse. Nullam de discrepantiis versionis Græcæ a textu Ebræo controversiam motam esse, ante circiter initia seculi secundi. Philonis enim tempore ea de re nondum esse disputatum, patere ex L. 2. de Vita Mosis p. 510, nec Josephi, qui passim etiam elogiis Græcam versionem ornet. Christianorum invidia hunc scrupulum ipsos Judæos *Hellenistas* movisse, idque ex Justino maxime firmari, Aquilæque historia, variisque Hieronymi locis, quibus recentiorum Judæorum testimonia accedunt.
- c. II. *Christum & Apostolos*, nullo habito discrimine, Ebræum Græcumve textum allegavisse: qua quidem occasione Hieronymi omnia adducuntur loca, quibus Hebræa sequi Christum Christi que sequaces agnovit; quibus subjicitur catalogus aliorum quorundam, ubi Hebræa eos exprimere ipse agnoscat Capellus, cujus tamen errores quidam circa ea taxantur, & supplementa locorum nonnullorum præterea ab Ulserio ipsoque Autore observatorum adduntur. Cum tamen Hieronymus in quibusdam locis tueatur, Christum & Apostolos nunquam Græcam versionem sequi, ubi recedit a textu Ebræo, in aliis contrarium acriter defendat, res illa accuratius excutitur, repetunturque ejus rei gratia conciliationes quas clarissimus Pocockius in Porta Mosis tentavit. Subjiciuntur inde alia loca Pocockio non tentata; quorum partem *manuum conciliatricem omnino fugere*, clarissimus Autor agnoscit: illis tamen quæ Capellus attulit, ut priorem sententiam Hieronymi defendat, respondetur.
- c. III. Apostolicos viros Septuaginta-viralem versionem plerosque allegasse, eam cum Hebræo textu raro comparare, ut adeo diserta testimonia pro majore hujus vel illius autoritate, rariora etiam compareant. Vexatum tamen illum Ignatii locum, in epistola ad Philadelphienfes §. 8. huc forte pertinere, eumque ita esse explicandum, ut velit Ignatius: *Non debere esse quenguam contentiosum; audivisse vero sese dicentes, quod*
- Epan-*

Evangelio nolint credere, nisi in δεικνόντες in archivis V. T. hoc confirmatum invenirent. Dicente vero se quod in illis archivis reperiatur, annuisse eos ὅτι πρῆνεται quod manifestum hoc sit. Succedunt inde cæterorum Patrum Græcorum, usque ad Nicephorum Callistum, de autoritate textus Hebræi & Græci testimonia, quæ singula percurrere, variarumque occasione eorum observationum mentionem facere, prolixum nimis & a scopo nostro esset alienum.

c.IV. - X.

In parte altera libri hujus tertii, de antiqua versione *Itala*, primum agitur, ostenditurque Patribus, qui ea usi fuerunt, potiorum fuisse *Hebræi* textus & *Græci* N. T. autoritatem. Inde historia versionis ab *Hieronymo* susceptæ textitur. Eum, quod caput est, Autor monstrat ipsum fateri, se in quibusdam errasse: versionem *Græcam* *Ebræo* textui longo intervallo postposuisse: scripta vero ejus, quibus neget corruptos Judæorum codices, tempore posteriora esse iis, quibus id affirmet. Versionem illius ex Hebræo a *Damascio* Ecclesiæ non fuisse commendatam; *Ruffinum* etiam & *Augustinum*, non nimis præclare de ea sensisse, qui tamen textui *Hebræo* nusquam derogent, sed primas ei decernant. Inde sæculo V multos *Hieronymi* versionem nondum recepisse, laudasse alios, sed originalibus non prætulisse. Sæculo VI & VII quoque non omnes ubique eam secutos esse. Sæculo autem VIII *Alcuinum Caroli M.* rogatu eam totam correxisse, & *Carolus* in epistola, ab eo unicum Clero Gallicano Hadriano I Papæ contra Concilium Nicænum II oblata, taxare illud Concilium, quod ex versione Vulgata adduxerit quædam in Hebræis non obvia: nec *Papam* in responsione Hebræos codices propterea reprehendere ausum. Sæculo quoque XII correctam diligenter a quibusdam versionem Latinam fuisse, in primis a *Stephano Cisterciensi Abbate*, indeque *Correctoria* Bibliorum nata; ea vero non exemplarium emendationes, sed correctiones ad fidem originalium fuisse, idque ex Lyrano patere, a quo *Hebræus textus* & *libri correcti* passim jungantur. Sæculo XVI etiam, post coeptam jam reformationem, in crassissima Scripturæ ignorantia, repertos tamen inter ipsos Pontificios esse, qui sane de versionibus, Vulgata maxime, sentirent. Utque cæterorum hujus sæculi testium nubem ornittamus, ipsum Papam *Clementem VII* sex Judæis & totidem

L.III. P. II.

c. I.

c. II.

c. III.

c. IV.

c. V.

c. VI. VII.

VIII

c. X.

c. XIII.

c. XIV.

Christianis Hebraice peritis mandasse, ut novam versionem adornarent, cujus rei mentionem faciant Jo. Campensis in Præf. Psalmorum, Jo. Cochläus Præf. in Disceptat. de novis ex Hebræo translationibus, Steuchus Eugubini, Præf. in Recogn. & Santes Pagninus Præf. ad Veri. Bibl. De Historia *decreti Tridentini* ex Petro Suavi & Sfortia Pallavicino prolixius repetita nil addimus, nec de Historia editionum Vulgatæ Sixti V & Clementis VIII, quarum editionum discrepantias innumeras non tantum in *Bello Papali* Jamesius annotavit, sed potiores quoque in opusculo Anglico, cui titulus, *de Corruptione Scripturæ, Conciliorum & Patrum*, ad capita quædam reduxit, cujus ordine digestæ ab Autore quoque hic exhibentur. In editione *Sixtina* plurima loca sine codicum autoritate, tantum quod *Hebraus* textus ita suaderet, esse mutata. Revocatam eam non esse, ex *Angeli Rocche* Bibliotheca Vaticana patere, nec ulli ante editionem *Clementinam* de decreto revocationis aliquid fuisse auditum: temere etiam evulgatam cum Bulla eam non fuisse, morte præveniente *Sixtum*, affirmari, cum per varias orbis partes fuerit distracta. In *Clementis VIII* editione, plusquam 2000 loca unice juxta textus originales esse restituta. Et tamen ipsis apicibus versionis Vulgatæ insistendum esse, pronunciavisse *generalem Cardinalium Congregationem* an. 1574. *Decretum Tridentinum* de Textus Hebraici & Versionis Vulgatæ autoritate, magnas inprimis in Hispaniis excitasse turbas; quam in rem longa autorum ab utraque parte pugnantium *series* textitur. Ex illis autem, qui infano *Vulgatæ* amore tenebantur, ipsa *Hebraica* exemplaria corrumpere quosdam ausos esse, idque factum in Bibliis Regiis Gen. III, 15, ipsummet falsum *Raphelengium*, imo & tale fuisse Psalterium Hebraicum *Lindano* jactatum, quod Isaacus Levita contra eum ostenderit, & Arias Montanus in apparatu suo agnoscat. Ex *Protestantibus* quosdam plus justo contempsisse *Vulgatam*, candide tamen & moderate alios de ea sensisse; quorum loca diligenter colliguntur. *Ludovicum Capellum*, dum varietatem codicum *Hebræorum* præfervide monstrare satagit, Vulgatæ quoque causam suscipere, eamque ob causam simul & ob antiquitatem punctorum, graves ei motas controversias fuisse, quarum historia textitur, eaque huic etiam libro finis imponitur.

L IV.

Quarto denique libro de *ceteris Versionibus Græcis, Ori-*

ge-

genis Hexaplis, aliisque editionibus antiquis agitur. Ostenditur L. IV. c. I. hic, *versionem Græcam LXXvirali antiquiorem*, quam *Aristobuli* autoritate nonnulli admittunt, extitisse nullam. Falsum quoque præsuppositum esse, *Platonem* nempe ex sacris oraculis quædam decerpisse, quo inductus *Aristobulus* versionem illam, nemini veterum cognitam, confinxerit. Nullum certe locum proferri posse *Platonis*, quem ex sacris illis monumentis desumptum liquido constet. Rectiusque sentire Lactantium IV, 2, nihil Philosophos Græcorum a Judæis accepisse statuentem, quam Patres Apologetas, quibus alia sententia defensa, ideo tantum ut contemptum Græcorum, quo prosequerantur Judaicas res juxta cum Christianis, imminerent. Imo si quid etiam a Judæis profecerint Philosophi Gentiles, ex conversatione potius quam scriptis factum id esse, quæ Augustini quoque de Civitate Dei VIII, 11, & Origenis contra Cels. VI sit sententia. *Lagianam* & *Herodianam* versiones Serario confictas, nullas esse; priorem enim sub *Ptolemao Lago* confectam non aliam esse a LXXvirali, *Herodianam* ex metachronismo Justini Martyris male confingi. Præter *Aquila*, *Symmachi*, *Theodotionis* versionem, *quintam* item & *sextam*, *septimam* etiam admittendam esse, quam perperam nonnulli in editionem *Lucianeam* converterint. Diserte ejus post *quintam* & *sextam*, in H. E. VI, 16. meminisse Eusebium, ex quo colligere etiam sit, eam Hierichunte in dolio Antonini Caracallæ tempore fuisse repertam. Male etiam ad *Psalms* eam tantum pertinuisse credere nonnullos; *Prophetas* enim *minores* juxta septimam editionem allegare Hieronymum. De *Origenis Hexaplis* inde proluxa succedit tractatio, cui cum in plerisque ad rem maxime pertinentibus cum Huetiana de eo argumento commentatione conveniat, plura de ea addere superfedemus. Id tantum observamus, ut specimen discriminis inter editionem τῷ ὁ in Hexaplis & κοινῇ prostaret, clarissimum Autorem discrepantias in *Psalms* & *Esaia* observatas hic sistere, ab Usserio quidem etiam, sed minus accurate emendateque minus, representatas. Post *Hesychii* & *Luciani* novas & correctiores editiones versionis τῷ ὁ, satis omnibus notas, *Joannis Josephi* commemoratur editio, Theodorito in Diss. MS. in Prophetas, & Quæst. 24 in Exodum, item Quæst. 10 in Josuam laudata; qui Josephus an idem sit cum

c. II.

c. III.

autore Hypomnestici, aliorum iudicio permittitur. *Basilii* inde editio ex Syncello observatur. De *Arami* vero versione Græcæ, cuius Theodorus Mopsuesten. apud Photium Cod. 177 meminit, clarissimus Autor Allixio & Caveo calculum addit. Hieronymi versionem Latinam non totam a *Sophronio* Græcæ expressam fuisse, sed Psalmos tantum & Prophetas; multo minus Hieronymianam versionem Græcæ LXXviralis, rursus in Græcam linguam translata, quod Huetio, nec emendatam ab Hieronymo LXXviralem esse, quod Bellarmino aliisque sit visum. *Patrophilum* Hebræas Scripturas denuo Græcæ vertisse, ex male intellecto Gregorii Laodicensi loco, Sixtum Senensem & Königium temere sibi persuasisse. *Apollinarium Laodicenum* editionem quandam mixtam ex omnibus versionibus adornasse, perperam ex Hieronymo colligi; de Explanationibus enim eum loqui Apollinarii, in quibus temere & sine iudicio, modo hanc, modo illam versionem sequatur. *Versionem XXX hominum* apud Philastrium Hær. post Chr. 91, confictam esse ab hominibus indoctis, quod in Bibliorum Græcorum marginibus Luciani editio allegaretur, indicio ejus facto litteræ Græcæ Λ, quæ numeri tricenarii nota sit. Quid si nos dicamus, natum id ex eo, quod in codicibus quibusdam, ubi Aquilæ vel Symmachi vel alterius allegata prius fuit interpretatio, reliqui si consenserint τῶν λοιπῶν titulo allegentur, qui littera initiali Λ, cui quandoque minutæ figuræ ο inscribitur, indicatur. Editionem *Heracleensem* non aliam esse a versione Theodotionis, qui ex Ponto ortus fuerit, ubi sita Heraclea. *Græcam versionem ex Pentateucho Samaritica* factam esse, sine idoneis argumentis affirmari; & potuisse Patres nonnullos, qui Samaritica allegant, ab ipsis Samaritis de illis edoceri. Versionis inde Græcobarbaræ tum Judæorum Pentateuchi, tum totius Scripturæ Cyrilli Lucaris auspiciis concinnatæ, sit mentio. *Macedonicam* Versionem, de qua Galestinus nonnulla, cerebri Galestiniani foetum esse. De editionibus hodiernis LXXviralis versionis adduntur multa, ut & de codicibus ejus manu exaratis. Postremo de librorum Biblicorum numero & ordine, disseritur, tabulisque confectis qui ille fuerit, & quæ ejus omnibus seculis tum apud Judæos tum Christianos, sive Græcos sive Latinos diversitas, ostenditur.

c.IV.

AN-

ANTONII VAN DALE DISSERTATIO SUPER
*Aristea de LXX Interpretibus, cui ipsius pratenſi Ariſtea textus
 ſubjungitur. Additur Hiſtoria Baptiſmorum tum Judaicorum,
 tum potiſſimum priorum Chriſtianorum, tum denique & Ri-
 tuum nonnullorum. Accedit & Diſſertatio ſu-
 per Sanchoniathonem.*

Amſtelædami, apud Jo. Wolters, 1705. 4.

Alph. 2, plag. 20.

Quæ tot egregia nuper & olim ingenia exercuit, Hiſtoria de
 verſione τῶν LXX, eam & ſuis obſervationibus haud indi-
 gnæ judicavit Vir doctiſſimus Antonius van Dale. Poſt ea igitur,
 quæ Ludovicus Vives, Joſ. Scaliger, Dan. Heiniſius, Joh. Wo-
 werius, Rich. Simonius, Jac. Uſſerius, Brian. Waltonus, Robert.
 Bellarminus, Iſaacus Voſſius, & quem falſo quidem mortuum
 credidit Noſter, Humfridus Hody, (at quanti viri ?) pleniffima
 nobis meſſe tradiderunt, haud ſpernendum ſibi ſpicilegium reli-
 ctum exiſtimavit, cui & ipſum Ariſteæ textum cum verſione La-
 tina Garbitii, faciliorem ſcilicet lectoribus Autorem ipſum cum
 ſuis obſervationibus conferendi copiam daturus, ſubjunxit. Duos
 autem omnino, non unicum, eoſque admodum diſcrepantes Ari-
 ſteas fuiſſe docet : unum quidem Judaicum, quem totum exhibet ;
 alterum, quatenus ex Epiphanio potiſſimum conſpici
 poſſit, Chriſtianum, ſeu ab homine Chriſtiano quopiam atque
 Hebraice non callente, ſed pro verſione LXX virali militante com-
 poſitum. Illum quidem Judæum aliquem Alexandrinum, e num-
 bero iſtorum Helleniſtarum, qui nobis Apocrypha Tobiaæ, Judi-
 thæ, ſimiliaque imprudenter obtrudere, ſub falſis nominibus cona-
 ti ſint, fuiſſe exiſtimat, Gentilis quidem præ ſe perſonam ferentem,
 ſed peſſime illam, ſententiis de Deo plane Judaicis, uſuque vocis
 Νόμος, pro legum ſyſtemate Græcis ac Latinis plane inſolito, ſus-
 tinentem, ætate inter Philonem ac Joſephum medium ; Philonis,
 qui primus forte hiſtoriam de LXX Interpretibus publice tra-
 diderit, dicta ulterius adornantem, Joſephoque tam lepidam fabel-
 lam perficiendam relinquentem. His expoſitis, a quonam Pro-
 lemaeo adornata fuerit Bibliotheca Alexandrina, an a Lagi filio,
 an

Cap. I.

c. II.

- an a Philadelpho? primo omnium disquirat: & posteriori quidem institutæ Bibliothecæ laudem, nequaquam vero ista pietatis ac virtutis elogia, quæ ipsi a Philone, Epiphanio, Augustino, ipsoque Aristea tribuuntur, deberi, productis optimorum Autorum testimoniis confirmat. Deinceps etiam Demetrii Phalerei, cujus scilicet egregia in hac versione promovenda tanquam Bibliothecarii opera fuisse perhibetur, considerationem suscipit, ejusque neque tantam pietatem, Divinæque legis venerationem fuisse, quanta ipsi ab Aristea tribuitur, Athenæi testimonio ostendit, neque ipsum omnino eo tempore in aula Philadelphi vixisse, regiave gratia usum fuisse, quo versio facta perhibetur, multo autem minus Bibliothecæ præfectum fuisse, e probatissimis Historicis evincit. Quo loco digressionem facta ad Lipsii Syntagma de Bibliothecis, & Hodii sententiam, de Bibliothecæ Alexandrinæ antiquitate agit, et inque Pergamena posteriorem fuisse, e Plinio, Vitruvio, Strabone atque Scaligero demonstrare conatur. De hujus Bibliothecæ librorum numero, varias Autorum sententias refert. A Demetrio libros sacros e lingua Ebraica, a Philone vero, ex ignorantia patrii sermonis, e Chaldaica vertendos dici, varias etiam variorum, sed minime sibi coherentes sententias de pretio, quo libros sacros obtinere Philadelphus studuerit, observat. Eandem Scriptorum discrepantiam inter Aristeam, Josephum atque Epiphanium, in Epistolis a Ptolemæo de impetranda hac versione ad Judæos missis, exhibito singularum contextu notat, Epiphaniumque, qui Philadelphi Bibliothecam in Bruchio collocatam asserit, cum omnium Historicorum suffragio destituatur, errasse existimat: qui etiam finem, ob quem Philadelphus sacros sibi libros verti voluerit, verbis ex Aristea talibus probet, quæ aliorum relationi plane non respondeant, e quibus autem satis appareat, Græculum aliquem Christianum sub illo Aristea latere, cum *πίσις, καὶ ἀγινὸς τὸ πῶς*, quæ voces in Philadelphi epistola occurrunt, sensu mere Biblico hic polleant. Inter plura alia *ἀσύνετα* Aristæ dicta, etiam illud examinandum sibi Autor sumit, quales libros istos 72 Apocryphos simul cum 22 Canonicis Philadelpho a Judæis missos fuisse credibile sit, cum vena intellectus, sapientiæ fons, & scientiæ flumen in istis latuisse dicatur? Et procul dubio Chymicos illos aut Alchymisticos, qua-

quales plures, scilicet Adami, Moſis, Mirjam, Salomonis &c. recenſet, a Verpulo iſto intellectos fuiſſe credit. In ſequentibus Juſtini Martyris poſſimum narrationem de iſta verſione ſub incudem *κρίσεως* ſuæ vocat, & præter ingentem *ἀναχρησισμὸν*, quo Herodem & Ptolemæum *συγχέων* facit, nullibi ipſum ſibi conſtare, nec cum aliis etiam convenire, aliter in Cohortatione ad Gentes, aliter in Apologia rem referre oſtendit; frigida eſſe illa, quæ de conſecratione librorum ſacrorum Deo (ſcil. Serapidi) facienda, putida, quæ de LXX domunculis, enarrentur, ſacroque Scriptore proſius indigna declarat. Deinceps occasione pretii ac donorum, quibus tantum ſibi theſaurum redimere voluerit Philadelphus, quæque ratione bene ſubducta mille etiam talenta ſuperarint, pluscula de ipſius in acquirendis libris rarioribus liberalitate e Galeno Pergameno diſſerit, inprimis autem *Æſchyli*, Euripidis ac Sophoclis tragœdias ut deſcribendas acciperet, XV Athenienſibus talenta dediſſe commemorat, ſimulque trium horum Poetarum inſignem apud omnes antiquos gloriam, tragœdiarum ab ipſis ſcriptarum incredibilem fere multitudinem, ſummamque ingenii præſtantiam omnibus notam extollit: cum contra libri Judæorum pauciſſimis inter Gentiles fuerint cogniti, nulli fere nominati, adeo ut Herodotus ne nomen quidem ipſorum exaudiviſſe videatur: quæ tamen ipſorum obſcuritas ab Alexandro M. paulum illuſtrata ſit, cum & aliqui ſub ipſo Judæi militaverint, & ipſe templum eorum intraverit, ſi fides habenda Joſepho: cujus hac occasione ſplendida mendacia de Alexandri erga Judæos favore, de Divinis ejus ſomniis ac viſionibus Prophetiſis, de tranſitu ejus per ſiccum mare Pamphilium, quin circa ipſas etiam ſacras historias taxat, ubi ſimilima fabulatore Judæo Ben Uzielis de tranſitu Iſraelitarum per mare rubrum habeat: quod uberius exequitur, exemplis de Samſonis nativitate, Saulo ac Davide, (ubi centum præputia, in capita humana numero ſexcenta ab ipſo commutata ſunt,) de Moſis in cœlum aſcenſu, de Cyri pro Judæis reditum jam e captivitate meditantibus epiſtola, quibus ſexcenta alia addi poſſent, illuſtrat. Deinde ad libros Biblicos vertendos redit Autor, & quàm rara ante captivitatem Babylo nicam libri Legis exemplaria fuerint, quam pauca a captivis in Chaldæam transvehi potuerint, quantaque inde

c. VIII.

c. IX.

c. X.

c. XI.

c. XII.

- linguæ Ebrææ ignorantia extiterit, ex ipsa Regum Judæorum, totiusque populi, ac exilii illius, quo tantum non omnes abducti sunt, historia ostendit. Unde non minus quam ex fastidioso Legis interpretum supercilio, qui raro aliis interpretandæ Scripturæ rationem tradebant, Philadelphi tempore vix LXX Seniores in populo Judaico, plurimam partem in captivitate retento, qui tam prompte Scripturam universam interpretarentur, existere potuisse, concludit: suamque istam conjecturam porro ex ipso Josepho, Scripturis N. T. & Jos. Scaligeri judicio probat, vixque adeo fieri potuisse, ut e singulis populi tribubus sex Legis interpretes mitterentur, existimat: quare & in Massechet Sopherim quinque solum Judæos id opus perfecisse, ab Hilario vero ac Baronio ipsum Eleazarum totumque Synedrium, illius versionis parandæ gratia, in Ægyptum concessisse, dicatur. Insigniores dehinc fabulas alias huic historiæ admittas, excutere suscipit Noster. Huc prædicata ab Eleazaro Philadelphi in Deum Israelis, non obstante incestuoso ejus cum sorore sua conjugio, pietas: Jordanus fluvius in morem Nili agros, perhibente id contra veritatem Aristea, inundans: mustela auribus fœtum concipiens ac ore pariens: codices aureis literis conscripti: sacrorum librorum facta a Ptolemæo adoratio: emissæ, ob adventum librorum, Regis & Aulicorum Ægyptiorum, i. e. Judæis infensissimorum hominum lacrymæ: dies festus atque anniversarius ob hanc versionem celebratus: instituta per VII juxta Aristeam, per XII juxta Josephum dies, cum Interpretibus ante versionem susceptam convivia: propositæ in illis a Ptolemæo Rege lepidissimæ, & a Senioribus nostris persapienter solutæ, ab Aristea recensitæ quæstiones: accubationes ac preces, re motis ipsis ideo Ægyptiorum Pontificibus, Judæorum more factæ: Menedemus Philosophus LXX Interpretum convivio, (quo quidem tempore dudum obierat,) adhibitus ipse porro locus, Pharos Insula, & adgrediendæ interpretationis apparatus: distinctæ, juxta Justinum, Clementem Alexandrinum & Irenæum, 72 cellulæ: tredecim Scripturæ loca Divino instinctu ab Interpretibus immutata: in reliquis accurate sibi respondens. ⁷¹ LXX versio: plurima contradictoria hic ab Epiphanio, Cyrillo, Novellis Justinianeis, Philone, Josepho, Hieronymo, Justino, & Aristea tradita:

fabula de LXXII Grammaticis, a Pisistrato ad Homeri Poëmata restauranda congregatis ac seorsim collocatis, cum hac nostra de versione illa *vel* LXX comparata, aliaque pertinent. Sane, quæ capitibus sequentibus de inspiratione Divina circa hanc versionem ex Irenæo, Clemente Alexandrino, & Tertulliano; quæ de quotidiano Interpretum ad Regem accessu; de convivio ad Regis mensam, cum Ægyptiis scilicet, quos adeo abominabantur, habitos; de concurrente ad unanimem versionem, juxta Epiphanium & Augustinum, Divino miraculo traduntur, quorsum nisi ad fabulas referantur a prudentioribus? Notatu porro digna sunt, quæ de schismate inter Judæos Hebraizantes & Hellenistas, occasione hujus versionis, an scilicet & illa publice in Synagogis prælegenda sit, ex Actor. VI, 1. IX, 28. XI, 20. & Justiniano Novell. 146 traduntur: item quæ de controversia circa linguam, e qua in Græcam LXX Interpretes Scripturam transtulerint, Ebræane fuerit, an Syriaca, vel Samaritana, vel quod plurimi velle videantur, Chaldæa, observantur; quæ quidem Autor noster in dubio relinquit, satis habens ostendisse, non magnæ hanc versionem autoritatis esse debere. Istud magis certum Nostro videtur, quod solus Pentateuchus verus fuisse ab LXXviris, ex Aristea, Philone, Hieronymo dicendus sit. Quare cum reliquorum Christianorum sententiam, qui 25 Canonicos libros ab iis versos credunt, tum Epiphanii, qui cum Canonicis etiam LXX Apocryphos, tum vero maxime Cedreni nugas, qui præter illos etiam plures alios, decem myriades scilicet, e variis linguis, ab istis LXX in Græcum sermonem translatos existimat, rejicit: Is. Vossii sententiam vero, Pentateuchum quidem communi omnium LXX opera, reliquos vero Canonicos libros singulorum studio Græce conversos perhibentis, fundamento destitui demonstrat. Inde ad majores nugas discutiendas abit: fabulam videri, quod intra LXXII dies versio confecta fuerit, quod tamen Waltonus, quamvis nec Justinus, nec Tertullianus, nec Irenæus, nec Clem. Alexandrinus, nec ipse Epiphanius vel Augustinus id asserere ausi fuerint, communi Patrum sententia constare jactarit: *ἀνύστατα*, quæ Aristæas, Irenæus & Epiphanius de Legis versæ prælectione afferant: nugas denique, quæ de facta ab omnibus Judæis Alexandrinis approbatione hujus versionis perhibeantur, cum & pau-

c. XIX.

c. XX.

c. XXI.

c. XXII.

c. XXIII.

c. XXIV.

- cissimi Ebrææ linguæ gnari fuerint, nec exemplaria codicis accurata, unde de versionis bonitate judicare possent, habuerint: nec versio denique alia codicis sacri antiquior adfuerit, e cujus collatione iudicium de versione ista ferre potuissent. Qua occasione,
- c. XXVI.
- c. XXVII. Autor noster, prolixiori digressionem facta, contra Justinum Martyrem, Huetium aliosque, qui Homerum, Hesiodum, Platonem, Pythagoram pluresque Gentilium Philosophos ac Poetas, plura interdum e sacris literis mutuo quasi sumsisse, suisque scriptis inferuisse perhibent, disserit, idque ob sacra linguæ ignorantiam, versionis alicujus defectum, interdictam cum Judæis consuetudinem, aliasque rationes fieri vix potuisse arbitratur: testimonium vero de versione aliqua antiqua Aristobuli, ad quod Clemens Alexandrinus provocat, pariter ac Hecataei & libri Macchab. 2, c. 1 falsitatis ac *νοθείας* maximopere bonis omnibus suspectum esse debere, declarat. Tandem & adoratione seu *προσκύνησι* versionem confectam a Ptolemæo exceptam, annuoque festo Judæis ac Ægyptiis communi ejus memoriam celebratam, frustra & nugatorie ab hujus versionis Itatoribus asseri demonstrat, suamque de isto opere sententiam Josephi Scaligeri verbis finit: „ De LXX interpretibus „ scito fabulam a Judæis confictam, a Ptolemæo arcessitos, in unum „ locum conjectos, & non omnium, qui in unum locum convenissent, & capita contulissent, sed singulorum separatorum, qui „ Divinitus in eandem sententiam conspirassent, eam interpretationem fuisse. Quid ergo? cum coegissent eos Ptolemæi Græcæ „ contractus scribere, & annos a Ptolemæo Philadelpho putare, attribuerunt eam interpretationem ei Regi, qui eis necessitatem Græciscandi imposuisset? Igitur septuaginta interpretum paraphrasis Græca est, non autore Philadelpho, sed Judæorum suadente utilitate conscripta, qui parum Ebraice sciebant, Græcæ autem loqui & scribere ab ipsis Regibus „ cogebantur. Ea sane, sive a LXX, sive ab uno, quod verius est, „ conscripta mendosissima & falsissima est. Istam Dissertationem ipse Aristææ textus, cum versione Garbitii, satis quidem illa vitiosa, excipit.

Subjungitur deinde Historia Baptismi cum Hebræorum tum maxime Christianorum, quem posteriorem originem suam e Judæis

daico Profelytorum baptismo Autor noster deducit, quemque a Servatore nostro, æque ac Eucharistiam, occasione Paschatis festi, in Christianismum translatum, ac Sacramentum Christianorum redditum esse existimat. Namque & Judæos olim eorumque Profelytos non minus baptismo, quam circumcissione & sacrificiis, in Ecclesiæ gremium admissos esse, e Maimonide, Elia de Wides, & Petro Blesensi probat: quanquam an ritus ille a Mosæicis inde temporibus deducendus, an vero recentior sit, non satis apparere, fateatur. Inde Johannis baptismum poenitentiae novum aliquid in populo Judaico non fuisse, Christi autem baptismum non poenitentiae solum, sed initiationis etiam fuisse, atque uti Judæi Profelyti baptizati patrem, matrem, fratres, sorores relinquere debuerint; ita hunc quoque mysticam regenerationem postulasse. Baptismum Profelytorum apud Judæos ad res forenses, Christi autem Baptismum mere ad Ecclesiam & spiritualia ejus bona pertinuisse; illum in liberis non continuandum, sed parentibus Profelytis baptizatis, eorum prolibaptismo non opus fuisse, hunc contra Christianorum in posteris etiam continuandum, contra Socinum ejusque assecclas, prolixè ex rei ipsius natura, veterumque Patrum testimoniis demonstrat, & ad Socini argumenta respondet. Ceterum verba illa, βαπτίζοντες εἰς ὄνομα τῷ Πατρὶς καὶ τῷ Υἱῷ καὶ τῷ Πνεύματι, non tam baptizandi formulam, quam illius, a quo institutus Baptismus sit, auctoritatem ostendere; successu tamen temporis, quod alia non compareret, pro formula usurpata putat. Inde ad doctrinam de Pædobaptismo accedit, de cujus origine sententiam suam verbis Salmasii proponit: Primis duobus seculis nemmo Baptismum accipiebat, nisi qui in fide instructus, & doctrinam Christi imbutus, testari posset se credere, propter illud: qui crediderit & baptizatus fuerit. Ergo prius erat credere; inde ordo, Catechumenorum in Ecclesia. Postea opinio invaluit, neminem, salvari posse, nisi qui baptizatus fuisset; ideo & consuetudo nata, infantibus baptismum conferendi. Tempore autem Tertulliani, ad cujus testimonium provocat, consuetudinem illam, dissuadente licet isto Patre ortam, ab Augustino deinde sæpius pro Apostolica traditione venditam, istis porro fundamentis nixam e Tertulliano, Cypriano, perhibet: 1) Baptismum non tam esse manda-

tum ac statutum Servatoris nostri, quam prærogativam ac beneficium, per quod Regnum cœleste detur, *quatenus baptismus est.* 2) Revera Spiritum Sanctum per manus impositionem dari. Huic tamen se sententiæ usu ipso, quod e Gregorio Nazianzeno probat, plurimos opposuisse, & baptismum ad adolescentiam, quin ad 30 usque annum distulisse commemorat, & Constantini ac Theodosii exemplis, Athanasique ætate, ubi rarus adhuc Pædobaptismus fuerit, confirmat: nec per legitimas quidem Sacræ Scripturæ consequentias illam probari posse putat. Illas igitur, quæ e Marco C. XVI. v. 16. & Matth. XXVIII, 19. eque familiis totis baptizatis I. Cor. I, 16. I. Cor. XVI, 15. Aët. XVI, 15. & 32. aliisque locis ducuntur, enervare, contrarium vero e variis Doctolibus probare conatur. Ex illa porro de absoluta Baptismi necessitate sententia, Anabaptismi Hæreticorum, imo & Schismaticorum, originem, inde a Tertulliani temporibus derivat. Cypriani, Concilique ejus ætate & auctoritate habiti, discordibus licet Patribus, iudicio istam sententiam confirmatam, postea temporis quidem a Romano Pontifice aliisque mitigatam, sed tamen non impeditum, quo minus & hæretici v. g. Ariani, Novatiani & Donatistæ, talionis quasi jure, quosdam orthodoxos rebaptizarent, esse ostendit. Hoc loco, quia non nisi *κατηχημένους* ad baptismum admittendos censebat, aliqua ex antiquitate *πρὸς τὸν κατηχημένων*, occasione Profelytorum Judaicorum, in Christiana Ecclesia usitata, deque Catechumenorum diversis gradibus, alibi tamen etiam obvia, observat: aliqua de Gentilium mysteriosis sacris, & ritibus circa baptismum primitivæ Ecclesiæ, e Patribus notata inspergit: alias ceremonias circa Eucharistiam, v. g. de tempore cœnæ sumendæ, de diætæ veterum, panibus usurpatis, variis cibis, de agapis earumque abusibus, nocturnis cœtibus, datisque inde calumniandi occasionibus, osculo pacis, differentia inter clerum & plebem, oblationibus & precibus pro defunctis, de natalitiis martyrum, eleemosynis, de stationibus ac Paschæ jejuniis, de crucis signaculo, horumque omnium causis, e variis antiquorum Autorum locis illustrat. Quæ, ut reliqua omnia, Theologorum iudicio permittimus.

Tandem & Dissertationem super Sanchoniathone, ejusque cum sacris nostris Scripturis concordia adjungit. In qua Bochar-

ti potissimum, Huetii aliorumque veterum ac recentiorum, testimonia ex illo pro veritate avidè corradentium, fiduciam vanumque conatum taxat, ipsosque sæpe gentilia, quandoque aut temere aut malignè conficta, conferre, istisque nugis S. Literarum Soli lucem affundere conari, indignatur. A Judæis certe Ethnicos illa accepisse, totam Israelitarum historiam percurrenti vix vero videri simile: inde & Taautem Sanchoniathonis Mosem, Gideonem ipsius Hierambalem non fuisse, ab eoque Sanchoniathonem legis codices nequaquam accepisse, contra Huetium, e mendaci, qui illud prodiderit, Porphyrii ingenio, ab ipso Huetio probe agnito, Chronologiæque ac ipsius Mosis Sanchoniathonisque de mundi generatione aliisque historiis discrepantia, evincit.

LA GERARCHIA CARDINALIZIA DI CARLO
BARTOLOMEO PIAZZA &c.

i. e.

HIERARCHIA CARDINALITIA CAROLI BARTHOLOMÆI PIAZZÆ, ex Congregatione Oblatorum
Mediolanensium, Opus Clementi XI Pont. Max.
dicatum.

Romæ, typis excusum in officina N. Bernabò, 1703. in fol.
Constat Alph. 10.

DE Eminentissimo Collegio Patrum Purpuratorum, quos sub Cardinalium nomine veneratur Ecclesia Romana, multi diverso modo, diversoque sine scripserunt. Nostro id potissimum propositum fuit, ut Ecclesiarum, quæ singulis Cardinalium certa ratione conceditæ sunt, statum antiquum pariter & hodiernum, ob oculos ponat. Initium facit ab Episcopis Cardinalibus, quorum olim septem fuerunt, hodie sex duntaxat existunt, nimirum Ostiensis & Velitrensis, Portuensis, Sabinensis, Prænестinus, Tusculanus ac tandem Albanus. Horum omnium dioceses ita describit, ut primo generatim, quæ olim fuerit, & quæ sit hodie singularum facies, ostendat, deinde loca singula ad quamvis diocæsin pertinentia speciatim exhibeat, quidque ubivis notatu dignum, vel naturæ beneficio, vel hominum munificentia inveniatur, stylo eleganti exponat, ad-

P. 3-

p. 325

p. 346.

p. 348.

p. 351.

p. 355.

p. 360.

p. 364.

p. 409.

p. 476.

p. 480.

p. 550.

p. 531.

p. 701.

p. 704.

p. 716.

adjecta honorifica commemoratione virorum, vel martyrio ac sanctitate vitæ vel aliis virtutibus ac dignitatibus illustrium, qui aut oriundi fuerunt ex locis recensitis, aut ibi vixerunt, aut sepulcrum ibi fuerunt nati. Inde ad Cardinales Presbyteros progressum, facit, ac primo de Archipresbyteris trium Basilicarum Patriarchalium, nimirum S. Johannis Lateranensis, S. Petri in Vaticano & S. Mariæ Majoris tractationem instituit, cumque de variis illorum appellationibus, item dignitate ac prærogativis disseruisset, varia dictarum Basilicarum nomina, quidque singula præ reliquis præcipui habeant, & quorum liberalitate unaquæque splendidior facta fuerit, fusius recenset, subiecta descriptione duarum reliquarum Basilicarum Patriarchalium, nimirum S. Pauli & Laurentii. His præmissis, quænam sit obligatio Cardinalium in Titulis & Diaconis suis, succincte ostendit, & generatim de Titulorum Cardinalitiorum origine, antiquitate, mutatione ac divisione, nec non antiquo Presbyterorum & Sacerdotum in Ecclesia ministerio agit. Postea speciatim Titulos ipsos, quorum sunt quinquaginta & unus, ordine exhibet, atque in singulorum tractatione ita fere versatur, ut primam cujusvis Ecclesiæ originem eruat, in prærogativas illarum inquirat, capellas, picturas, monumenta & quicquid in quovis templo maxime conspicuum existit, commemoret, Sanctosque, qui peculiari veneratione illud coluerunt, vel quorum reliquiae ibi asservantur, nec non eos, qui beneficentiæ suæ documenta ibi reliquerunt, honoris causa nominet, passim quoque miracula & alia notatu digna, quæ singulis in locis acciderint, exponat. Inter hæc inserit alia multa, quæ grata Lectoribus esse debent, ex. gr. de autoritate & antiquitate Vice-Cancellarii Ecclesiæ; de origine, ritu & mysterio ponendi primum lapidem, item nummos subijciendi fundamentis templorum extruendorum; de usu antiquo solam crucem erigendi vel pingendi, sine effigie Redemptoris eidem affixi &c. De illis quoque titulis, qui olim inter Cardinalitios relati, sed tractu temporis suppressi fuerunt, nonnulla dicit. Tandem ad gradum tertium Cardinalium, scilicet Diaconorum, transiens, initio de origine illorum, potestate atque officio quædam præfatur, addita de reliquis Archi-Diaconis, Diaconis & Sub-Diaconis, item de Diaconissis, Sub-Diaconissis & Diaconis, qui *Selva-*

tici

rici dicuntur, deque benedictionibus Diaconalibus & quibusvis ecclesiasticis, digressione. Deinde eadem fere methodo, qua Titulos Cardinalium Presbyterorum antea recensuerat, singulatim, quatuordecim Diaconias, quæ hodiernum sunt Cardinalitæ, pertractat. Etiam illarum facit mentionem, quæ tales esse desierunt, atque ad alia quædam argumenta interdum descendit, quorum notitia non minus jucunda quam utilis esse videtur; in quibus fere præcipua sunt, quæ contra novas Criticorum opiniones de famoso illo simulacro, quod *Bucca Veritatis* nuncupatur, Jovique Ammoni olim dictum jam prostratum jacet ante Templum S. Mariæ in Cosmedin, nec non ea, quæ de ichnographica delineatione & divisione Basilicarum secundum ritum Græcum, item de Hospitio Apostolico S. Michaelis, ac denique de Ergasterio, ad coerendam dissolutam juventutem a Clemente XI A. 1703. exstructo, adducit. Totum opus uti singularem industriam, rerumque tam sacrarum quam profanarum eximiam cognitionem præ se fert; ita dubium non est, quin ab omnibus eruditis debito honore ac plausu excipiatur.

P. 710.

P. 719.

P. 748.

P. 774.

P. 797.

P. 802.

Friedrich Leutholfs von Franckenberg Europäischer Herold &c.

i. c.

FRIDERICI LEUTHOLFI A FRANCKENBERG
Iecialis Europæus, sive accurata Descriptio Europeo-Christiano-
rum Imperii, Regnorum, Rerumpublicarum & Principatuum,
juxta statum illorum naturalem ac politicum, bellicas
item & pacatas, ecclesiasticas & seculares dis-
positiones usque ad hunc A. O. R.
MDCCV. Tom. I & II.

Lipsiæ, apud Thomam Fritschium, 1705. in fol.

Constat Alph. 20. plag. 3. ac 13. tab. æneis.

Qui Juris Publici, domestici cumprimis, penitiorem ac minus proletariam scientiam imbibere gestiunt, non possunt non de noviter recuso hoc libro, a septendecim jam annis per Germaniam celebratissimo impense sibi gratulari. Præterquam enim,

X x x

quod

quod omnium in Eurôpa Regnorum, Liberorum Statuum, ac Principatum, quotquot Christianam fidem colunt, origines, incrementa & vicissitudines, familiarumque illustrium etiamnum superantium stemmata compendiosa serie enarrata, quin & plerorumque aulas, vires, copias, jura quoque atque prætensiones judiciose hic descripta invenient, totius potissimum Imperii Romano-Germanici, ejusque Procerum, nec non ditionum singulis subjectarum exactissimam notitiam, prout e rivulis tam Geographicis ac Genealogicis, quam Historicis ac Politicis haurienda, copiose dispensari, non absque voluptate insigni deprehendent. Quo curatius vero atque uberius hæc omnia prostant, eo majores sane debentur gratiæ Excellentissimo libri hujus Autori, qui adscititio sub nomine modeste latet, quod medias inter arduasque splendidissimi muneris functiones, præclarum hoc opus sub incudem revocare, eaque cum sollicitudine expolire sustinuerit, ut nihil ad elegantiam ejus amplius desiderari queat. Oeconomia autem libri hæc est, ut in præliminari discursu multa, quæ Statui Politico in genere congruunt, maxime vero rationes cum conservandi, ornandi & defendendi proponantur, singulaque exemplis tam vetustis quam recentioribus apposite illustrentur. Hunc excipit primus tomus de Sacro Imperio Romano-Germanico, isque quadripartitus. Prima namque pars Historiam patriam a Caroli M. ævo usque ad Leopoldum Imperatorem nervose contextam sistit. Altera Imperii nomina, jura prærogativa, situm, fines, fluvios præcipuos, fertilitatem, nec non divisionem in X Circulos describit. Tertia summum Imperantem, cæterosque Germaniæ Proceres ac Status exhibet, & in quinque rursus abit sectiones, quarum prior de Imperatore, ejusque electione, coronatione, potestate, reservatis, dignitatibus ecclesiasticis aliisque juribus, quin & de Augusta ac privilegiis eidem competentibus ex professo agit: secunda Romanorum Regem, & quæ electionem ipsius comitari solent obstacula, jura item ac præminentias ejus inducit: tertia Vicariorum Imperii diversas classes, officium atque autoritatem explicat: quarta porro de Statibus, & jurisdictione territoriali illis propria, modisque simul, quibus majestas hæc analogica limitatur, aliisque affinis materiis summam loquitur, mox in titulis quinque specialio-

ribus eorumque articulis separatis Electores ac Principes tam Seculares quam Ecclesiasticos, Prælatos & Civitates Imperiales omnes debito ordine enumerat: quinta denique de Non-Statibus Imperii, ejus tamen membris immediatis ac Vasallis, præsertim de Personis illustribus ad principale fastigium erectis, Nobilitate Equestri, reliquisque Communitatibus & Subditis tractat. Huic tandem succedit quarta pars de Constitutione ac Regimine Sacri Imperii, prout in rebus Ecclesiasticis non minus quam in secularibus sese exserit, octo articulis distincta, ubi Illustrissimus Autor summo cum candore ac judicio Cæsaris præminentiam ac majestatem ejusdemque restrictionem, Capitulationis usum, altercationes circa perpetuam quandam concipiendam obvientes, Comitum universalium, quæque huc pertinent, Leges quoque Imperii fundamentales prolixè enarrat. Nec reticet potestatem Imperatoris & Imperii in Ecclesiasticis negotiis, religionisque & scholarum statum, modum itidem administrandi justitiam, suprema Tribunalia, manutentionem legum, sententiarumque executionem ob oculos ponit. Conventus insuper particulares, quibus publica salus promovetur, Imperii redditus, potentiam, interesse status, commercia, causas decrementorum, residuasque prætensiones recenset, sicque primum totum feliciter absolvit. Omnia vero inibi allata ex Historicis fide dignis & Comitibus actis depromit, multa etiam e tabulariis Principum, propriaque rerum experientia, quam ad stuporem usque adeptus est, confirmat, ut non mirandum sit, innumera hic occurrere, quæ apud alios frustra quæsieris. Speciminis solum loco afferre liceat, quæ p. 250 & seqq. circa Serenissimi Electoris Saxonie jura indagavit. Nimirum licet per Bullæ Carolinæ tenorem satis expeditum videatur, Saxonie Ducem in solennibus Curie Imperialis processionibus gladium vagina nudatum Augusto præferre debere, istud tamen juris ab illo non nisi post diploma Sigismundi Imper. de Anno 1415 Domin. Quasimodogeniti promulgatum, quod integrum hic comparet, quiete exercitum fuisse; antea enim controversiam ei desuper bis movisse Wenceslaum Lucemburgi, Lotharingæ & Brabantie Ducem, cui sedandæ Carolus IV remedia tantum palliativa adhibuerit. Eo etiam spectare, quod Elector in omnibus expeditionibus Imperii nomine

susceptis, praesente Augusto aut Rege Romanorum, tribunali bellico praesideat, copiasque suas tanquam Imperii Supremus Campi-Marschallus in principis statuere possit: etsi haud desint exempla, ubi is neutiquam primas habuerit, & Albertus Saxo anno 1475. in exercitu ad Novesium coacto ultimum cum suis & Imperii majori vexillo agmen clausit. Forte & mutationem quandam circa militiam Imperii Maximiliani I. tempore & postea subortam. Nihilominus Maximilianum II. anno 1567. Augustum Saxoniae Electorem summum Imperatorem omnium copiarum, quas Circuli subministraverant, Vicariumque suum declarasse, quin & nostra aetate anno 1689. Leopoldum Johanni Georgio III. gloriosissimae memoriae in hac rescripsisse verba: *Quandoquidem Imperii exercitus modo sit adunandus & conventum jamjam, ut ressera militaris a se emanare debeat, ideo in sexaginta dies se eam Electori transmissurum fore.* Huic quoque juri recte annectendum officium gestandi vexillum Imperii generale seu majus, Des Reichs Haupt-Jahne/una cum Minore signo, der Reichs Renn-Jahne/quoties Imperator ipsemet ad bellum proficiscitur. Quam in rem varias literas producit, ex archivis, ni fallimur, lectu non injucundas, e quibus patet, praesente Caesare aut Rege, absente autem Electore, Vexilli majoris Imperii portitorem fuisse Pappenheimium, velut Mareschallum hereditarium, eundemque etiam vexillum minus gestasse, si Imperator exercitui non interfuerit, sicque vexillum majus latuerit. Nulli igitur Principum fas esse concludit vexillum ejusmodi Imperii ambire, idque etiam Sereniss. Electorem Brunsvico-Luneburgensem demortuum, Ernestum Augustum, agnovisse, ut licet Vexilliferatum Imperii enixe prensasset, ponderatis tamen Electoris Saxoniae in vexilla praedicta militaria jurebus, sponte destiterit, sibi que solum in coronationibus aliisque curiis festivis Imperialibus vexilli alicujus gestationem reservaverit. Jurisdictio nem in buccinatores ac tympanistas, sive in aula sive in militia serviant, quod attinet, illam non modo in Conventibus Imperii, aut quoties copiae Imperii nomine colliguntur, sed semper ac ubique locum habere affirmat, ita ut omnes dissensiones atque lites inter memoratos buccinatores ac tympanistas, ubicunque aularum Germaniae degant, agitatae a Saxoniae Electore, tanquam communi omnium judi-

judice ac patrono, plenissime decidi queant, citra ullum præjudicium, quod Statuum de non evocandis subditis privilegio hoc pacto inferri metuatur, ceu exemplis clarissime demonstrat. Extare eum in finem certam ordinationem ab Imperatore A. 1658. denuo confirmatam, in qua refractariis pro re nata, vel multa XXX marcarum auri puri irrogetur, vel receptio & manumissio tironum interdicitur, vel exclusio a toto consortio prævia causæ cognitione adjudicetur. In Comitibus autem præter jura Archimarichallatui annexa, eminere etiam in Electore Directorium in causis Evangelicis, quod unde incunabula sua accersat, & qua ratione hodieum continuetur, quidve involvat, eleganter exponit. Pergit deinde ad dignitatem Supremi Venatoris Imperii, quam Imp. Leopoldum Joh. Georgio II. A. 1661. d. 28. Aug. renovasse constat, nec minus sententiam Strauchii, adstruentis Electorem Saxoniam, ut Marchionem utriusque Lusatiæ, nobilitatem conferre posse, quia Bohemiam Reges olim istud juris in omnibus territoriis suis exercuerint, in translatione autem dicti Marchionatus omnia Regalia nullo excepto cessa fuerint, breviter ventilat, dicendo Serenissimam Domum Electoralem sibi hoc Regale nunquam arrogasse, nec credidisse illud, utpote Regi Bohemiam proprium, in se transmissum; explorandum itaque ante omnia, num pristini Marchiones, qui Regali axiomate caruerunt, nobiles creaverint? Plura in tanta selectissimarum rerum copia coacervare facile liceret, nisi persuasi essemus mirandam Illustrissimi Viri prudentiam & sagacitatem per totum opus diffusam, cuiuslibet jam abunde in oculos incursumam. Quapropter hic subsistimus, id saltem adjecturi in altero tomo Galliarum, Hispaniarum, Lusitaniarum, Angliarum, Scotiarum, Hiberniarum, Daniarum & Norvegiarum, Sueciarum, Poloniarum, Hungaricarum, Bohemiarum & Borussia Regna: tum Venetorum, Fœderatorum Belgarum, Genuensium, Helvetiorum, Luccensium, Genevensium, Ragusanorum & S. Marini liberas Respublicas; denique Romani Pontificis, Ducis Sabaudiarum, Magni Hetruriarum Ducis, Ducum Lotharingarum & Slesvici, Magni Magistri Ordinis Equestris Johannis, Ducum Mantuarum & Montisferrati, Massarum & Carrararum, Mutinarum, Monaccarum, Arausionensis, ut & Parmarum ac Placentiarum Principatus & Dominationes pari methodo atque ingenii ubertate describi.

Franequera, apud Franc. Halma, 1704. 8.

Alph. I. pl. 3.

Sicut fecunda fuit admodum Gentilium superstitio in confingendis Diis pene innumerabilibus, quorum cultum plebeculæ miseræ & quascunque nugas dementer arripienti commendarent: ita operæ pretium facturos se arbitrati sunt Viri doctissimi, si, quæ leguntur sparsim in antiquis monumentis de titulis eorum, veneratione, solennibus sacris & ceremoniis, quibus hæc conficiebantur, colligerent diligenter, atque singularibus libris explicarent, & hac ratione lucem his accenderent, qui in legendis aut interpretandis veteris ævi scriptoribus versantur. Accenseri meretur, istis præsentium Opusculorum perquam eruditus Autor, qui aliorum exemplis incitatus, Sacerdotes Martis Salios & Deos Gabiros describendos sibi sumisit, & Inscriptiones quoque duas, Smyrnæ repertam unam, atque monumentum Heriæ Thisbes Monodiaræ continentem alteram, quarum utramque in Sponii Miscellaneis Eruditæ Antiquitatis offenderat, suis Animadversionibus illustravit. Et in illo quidem *de Saliis Sacerdotibus* libello, de nomine ipsorum, origine, diversis generibus, vestitu, armis, carminibus, coenis maxime exponens, a saliendo dictos mavult, quam cum Stephano le Moyne ab Ebræo ללעו quod tinnitum, significat, propterea quod nequeat doceri, cymbala & crotala. Sacerdotes illos pulsasse; eosdemque a Salisatoribus distinguit, qui, Isidoro teste, dum ipsis membrorum quædam partes saliebant, aliquid sibi exinde vel prosperum vel triste prædicebant. Institutos vero primum in Herculis memorat honorem, quos & Dionysii Halicarnassensis & Livii sententia Numa deinde Marti consecravit, & diversis cognominibus appellavit populus, Palatinos videlicet alios Collinosque & Agonales, alios Albanos, prout nimirum vel in Palatino aut Collino, quem Agonalem etiam si ve Agonum dictum ostendit e Festo, vel in Albano montibus sua habebant sacra. Pergit de Collegio ipsorum commentari & diversis in eodem muneribus, in quo Præsul alius si ve

εἰς ἀτῆς, qui chorum sistebat & saltare faciebat, & salendi modum dabat; alius Vates, qui Saliaria carmina præcinebat, atque cantus dabat modum; & Magister quoque alius, qui potestatem habebat inaugurandi & exaugurandi, & Salios juvenes instruebat, ut rite portare ancilia, & secundum modulos rhythmos saltare discerent, cujus ordinis ea præstantia, ut in ipsum non nisi Patritii cooptarentur, atque ex his Patrimēs solum & Matrimēs, h. e. qui utrumque parentem in vivis adhuc haberent; qua ratione cum Virginibus Vestalibus convenerunt, quæ & ipsæ, nisi patrimæ essent & matrimæ, constitui non poterant. Vestem Saliorum describit Noster deinde, atque tunicam pictam sive versicolorem fuisse tradit, super quam æreis baltheis erant cincti, & trabeas induebant fibula contractas, ne saltantibus esset impedimento, capitis tegumento gaudentes fastigiatis in coniformam pileis, ob quos illos Enniano vocabulo tutulatos dici posse credit, cum tutulus metam sive apicem pileis in vertice additum significet. Arma Saliorum, quod inter omnes constat, fuerunt ancilia, quæ male a Dionysio Halicarn. ejusdem cum Thracum peltis figuræ dicta, scuta fuerunt brevia & rotunda, & ovali figura ad ejus similitudinem efficta sunt, quod, eodem Dionysio & Plutarcho testibus, delapsum cœlitus & in Numæ repertum est Regia, qui circumferri illud etiam & annuis sacrificiis voluit honorari. Ea occasione agit de Festo, in quo ancilia circumlata, quod Kalendis Martiis habuit initium, & per dies aliquot celebratum est, quorum ultimus sacer Mamurio, qui ad similitudinem cœlo delapsi ancilis alia fabrefecerat, Numma potissimum suadente. Istis autem diebus arma illa circumtulisse, scribit, sacerdotes, pugionibus & interdum lanceis quoque & virgis ea percutientes, & e sacrario h. e. secreto illo in Martis templo loco, in quo sacra reponerantur, deducentes, & cum singulis vesperis propter urbis amplitudinem in locum illum referri non possent, in extructis eum in finem ædificiis, quæ Mansiones appellata sunt, custodientes, qua occasione hoc ipsū vocabulum explicat Gestasse, addit, collopendentia per urbem incedentes, & in Comitio maxime frequentes, qui locus, ex Marliani sententia, Romani fori pars fuit incipiens a porta Palatii & desinens ad ædem D. Mariæ novæ, sic ut sublati pedibus & alternantibus, qualis fullonius saltus apud Senecam ep. 15. ad tibiam & per vices ferrentur, & aliquando Salii omnes, aliquando

qui-

quidam modo ipsorum saltarent. Carmina, quæ canebant, dicebantur axamenta, quam vocem eum Scaligero & Dacerio ab axibus derivat, h. e. tabulis, in quibus descripta habebantur, ut a pueris etiam possent edisci, & Numam itidem Pompilium autorem agnoscebant, prisca Latinorum lingua consignata, & obscura adeo propter obsoleta verba, ut vix ipsis Saliis deinde intelligerentur. Istorum carminum λέξις colligit quoque Noster, & obscura vocabula secundum litterarum ordinem disposita explicat, Varronis potissimum Scaligerique atque Festi opera usus, & tandem de Saliaribus cœnis veterum scriptorum testimonia congerit, quæ ut ipse adeo, ut, si quæ magnæ aliæ fierent, Saliarum inde dicerentur. Secundum Opusculum absolvit. *Dissertatio Philologica de Deorum Cabirorum mysteriis*, quæ quia olim jam prodiit & lecta est, quin labore excerpendi illam supersedere possimus, non dubitamus. Hoc sufficiat monuisse, quod per Deos Cabiros ab Ebreo כביר, quæ vox magnum, potentem, validum notat, dictos Romanorum Penates Gutberlethus intelligat, ab Ænea post Trojæ excidium in Italiam deportatos, Cererem videlicet, Proserpinam, Plutonem, Mercurium, & ante hos Jovem atque Dionysum, quin & Dioscuros Castorem & Pollucem, nec non Æsculapium quoque, qui in multis locis, sub aliis tamen nominibus, culti sunt, Beryti scilicet in Phœnicia, Carrhis in Mesopotamia, imo in Ægypto etiam & Samothracia; sed in ea re non habet consentientem Jo. Antonium Astorium Jctum Venetum, qui Venetiis A. 1703 dissertationem divulgavit de Diis Cabiris, atque nomen hoc a voce Chober, quæ Incantatorem significat & Devt. XVIII, 11. legitur, deducit, & fascinatores arbitratur fuisse præstigiis deditos, nomine Tricopatrem, Eubuleum, & Dionysium, & proximis ante vel post Ogygis diluvium seculis floruisse & orbem pervagatos esse, sicut Zoroaster apud Persas, & Magi alii apud gentes alias, divino quoque honore cultos. Caterum cum in ipso ætatis flore extinctus sit Gutberlethus, neque absolvere poterit inde, quæ molitum fuisse, de Telchinibus, Curetibus, Idæis Dactylis, Corybantibus & Magnæ Deum Matris Sacerdotibus Gallis, ex Dissertationis ejus de Diis Cabiris Præfatione discimus, non possumus non præmaturum doctissimi Viri obitum, & quod iis monumentis, ad sacrorum gentilium interpretationem multum profuturis careamus, dolere.

* * * * *

A C T A ERUDITORUM,

publicata Lipsiæ

Calendis Decembris, Anno M D C C V.

**CORPUS JURIS CIVILIS ROMANI, DIONYSIO
GOTHOFREDO JCTO Auctore. Cum Appendice seu Au-
thentico eorum, quæ prioribus hujus formæ editionibus defuerunt,
& Indicibus singulari cura revisis & locupletatis. Editio
novissima Sacratissimo Cesari JOSE-
PHO dedicata.**

Lipsiæ, sumptibus J. Frid. Gleditschii Bibl. Lips. & Frid. Knochii
Bibliop. Francofurt. ad Mœnum, 1705. 4.

Constat Alph. II. & plag. 9. chartæ augustæ.

Cum e tot Corporis Juris Civilis Romani editionibus,
quæ in Germania, Belgio, aliisque provinciis hucus-
que prodierunt, nulla a mendis purgata ita fuerit, quin
accuratiorem dudum Romani Juris cultores desiderave-
rint, ac præterea ne quidem fœdatarum erratis editio-
num exempla in officinis librariis amplius prostant: de nova ea-
que elegantissima & emaculatissima editione adornanda, jam ab
aliquot annis cogitarunt, consiliaque ac sumptus eam in rem con-
tulerunt Bibliopolæ solertissimi, Lipsiensis alter Jo. Frid. Gledit-
schius, alter Francofurtensis Frid. Knochius. Itaque ne illotis
manibus rem tantam aggredierentur, ante omnia præclarissimo-
rum Jctorum mentem explorandam censuere, ecquid ad ornan-
dam perficiendamque editionem novam conferri posse judicarent.
Tum textu editionis Francofurtanæ A. 1663 in 4, quem imitaren-
tur, selecto, quod tamen nossent, nec eam a mendis immunem
esse, exemplo plane novo ad integra in diversis illustrioribus Ger-
maniæ Academiis Jctorum Collegia confugere non dubitarunt,

Yyy

obla-

oblata cuique certa exemplaris portione, rogantque ut eam, quam diligentissime reviderent, nec minus in notis Gothofredi, quam ipso Legum contextu errata corrigerent; nec difficulter ab Excellentissimis Viris impetrarunt, ut uno publici commodi promovendi desiderio accensæ, strenuam ea in re operam navarent, ac quisque pensum suum magna dexteritate absolverent. Atque ita demum tot præstantissimorum JÇtorum studio perpuratum, & tantum non ab infinitis mendis liberatum opus, Typographo Lipsiensi tradiderunt, nec ordinariis correctoribus satis confisi, Viro juris peritissimo, qui & antea in revidendo Corpore Juris Canonici Pithœano, cum id A. 1695 apud nos sumptu Gleditschii nostri imprimeretur, (Francofurti ad Mœnum hoc anno recuso) suam ea in re solertiam abunde comprobaverat, curam, ne quid novorum mendorum irreperere pateretur, quantum quidem humana industria caveri id potest, commiserunt. Quam Bibliopolarum sollicitudinem (nam de typorum elegantia ac chartæ nitore, quæ primo cuique obtutu occurrunt, nihil dicemus) tanto magis laudandam publice censemus, quanto ea est apud alios hodie infrequentior, plerisque, quam emendate libri, quos publicant, excudantur, infra curam habentibus. Cæterum ut in aliis etiam usui publico accommodatior esset editio, nec quicquam in ea facile desideraretur, non modo Indices Titulorum Legumque ita locupletati sunt, ut evolutio multo facilius evaserit, sed & opuscula alia, præter ea, quæ in prioribus hujus formæ editionibus comparuere, ex editione Amstelodamensi A. 1663 in fol. repetita accesserunt, nimirum *Notitia Reliquiarum Juris ante & post Justinianum, a Jac. Gothofredo & Josepho Maria Suarezio conscripta: Editum perpetuum a Salvio Juliano compositum & ad ordinem Digestorum restitutum, & Ordo Editi perpetui una cum serie librorum, quos JÇti veteres ad idem Editum scripserunt: Antonii Concii JÇti Præfatio in librum Novellarum: Constitutio Imp. Zenonis de novis operibus: Julii Pacii receptorum Sententiarum Libri: denique Marqu. Freberi Chronologia utriusque Imperii ab excessu Justiniani usque ad finem Imperii Orientalis, subinde nunc aucta & emendata, & enarratione rerum post ea tempora ad obitum usque Divi Leopoldi Cæsaris locupletata.*

MENSIS DECEMBRIS A. MDCCV. 539

MISCELLANEA CURIOSA, BEING A COLLECTION of some of the principal phenomena in Nature &c.

h. c.

COLLECTIO PRÆCIPUORUM QUORUNDAM Naturæ Phenomenorum a maximis ævi hujus Philosophis explicatarum, una cum variis Discursibus coram Societate Regiæ ad promovendam Scientiam Physicam & Mathematicam instituta recitatis.

Londini, apud J. B. & Johannem Senem, 1705. in 8vo.

Constat 1 Alph. & 5 Tabb. æncis.

PLeraque omnia, quæ in hoc opere continentur, jam in *Actis Anglicanis* publicata sunt: in gratiam vero eorum, quibus pretiosa ista volumina pervolvere non datur, præcipua inventa Physica & Mathematica ex istis seligere, & in unum volumen mole exiguum compingere voluit Autor, in præfatione observans, se talia exhibere, quæ jam censuræ orbis eruditi exposita approbationem meruere, & quibus tanquam fundamentis firmis posteritas infinita superstruere valebit. Placuit autem ipsi Discursus singulos verbotenus recensere, uti Societati Regiæ vel exhibiti, vel coram ea recitati fuere, ne in compendium missi obscuri evaderent. Præcipui jam leguntur in *Actis* nostris, nempe A. 1692 p. 307, quæ celeberrimus *Hallejus* de quantitate vaporum ex mari exhalantium, eorundem circulatione, & origine fontium; A. 1684 p. 387, quæ de Theoria declinationis acus Magneticæ; A. 1687 p. 509, quæ de Ventis statis intra Tropicos, eorumque causa; *Tom. 2. Supplem. p. 328*, quæ de calore Solis proportionali in omnibus latitudinibus; *ibid. p. 333*, quæ de inveniendis focis lentium per Algebram modernam; A. 1702 p. 180, quæ de invento a *Rob. Hookio* Barometro marino; & tandem A. 1700 p. 87, quæ *Woodwardus* de Vegetatione Plantarum disserit. Quæ ulterius ab *Hallejo* de vera Theoria æstus marini proponuntur, in summi Geometræ *Isaaci Newtoni Principiis Philosophiæ Naturalis Mathematicæ*, quæ mensè Junio anni 1688 p. 304 & seqq. recensuimus, & *Davidis Gre-*

Yyy 2

go.

gorii Elementis Astronomia, nobis mense Octobr. anni 1703 p. 452 & seqq. commemoratis leguntur, atque *Newtono* Theoria ista debetur auctori. *Newtoni* Theoria lucis & colorum, ejusque uberior explicatio, ex *Optica* ipsius nuper publicata, & proxime a nobis recensenda, peti debet. Ejusdem Theoria Lunæ in eruditissimo opere Astronomico *Gregorii* modo laudato jam est publicata. *Romeri* Demonstratio de successiva Luminis propagatione, non solum ab illustri *Hugenio* in ingenioso *de Lumine Tractatu*, nobis A. 1690 pag. 481 & 561 commendato, sed & a Scriptoribus Systematicis, quales sunt *Job. Bapt. Hamelius* & *Franciscus Bayle*, fuisse exposita, & a nobis ex Tractatu Hugeniano ad annum cit. p. 483 in compendio proposita. *Wallisii* cogitata de Mensura resistantiæ mediæ in motu projectorum, caput 101 Tractatus de Algebra absolvent, quem A. 1686 p. 283 recensuimus. *Narciss* de Sono discursus, generalibus solum terminis, Visus cum Auditu & Opticæ cum Acustica convenientiam exponit. Quæ *Hallejus* de magnitudine atomorum ex ductilitate auri, nec non de variis speciebus quantitatum infinitarum earumque inter se proportionibus demonstrat, atque de distantia stellarum fixarum docet *Franciscus Robertus*, ea jam plerisque innotuisse credimus. Quare de his omnibus in præsentem non dicimus: pauca tamen de discursibus reliquis, qui in præsentem opere continentur, subnectemus.

Exhibet nempe quoque Auctor noster sæpius jam nobis laudati *Halleji* Tentamen de causa mutationis declinationis acus Magneticæ, cum hypothese de structura interiorum partium Telluris: in quo cum per observationes probasset, mutationem istam esse universalem suosque habere gradus, utut non omnibus in locis eisdem, causam ejus tandem assignare nititur. Quemadmodum vero ex ipsis Actis nostris A. 1684 mense Aug. p. 392 constat, quod phænomena declinationis acus Magneticæ salvaturus asserat, Terram esse Magnetem quatuor Polis magneticis instructum, & acum magneticam dirigi versus viciniorē: ita facile conjicere poterat, mutationem declinationis inferre mutationem situs Polorum. Hanc declaraturus, Tellurem sibi concipit, ut geminum Magnetem, constantem nempe ex crusta exteriori & nucleo, fluido quodam intermedio interjecto, ita ut tum ista, tum hic binos habeat Poles

los Magneticos, & ambo circa commune centrum ac axem diurnæ rotationis intervallo quatuor viginti horarum rotentur. Crustæ globi nostri Terraquei, quem incolimus, Polos tribuit fixos, ita ut, si hi essent soli, versus quos materia magnetica moveretur acus directrix, hæc constanter eandem haberet declinationem. Ut igitur variatio declinationis explicari possit, nucleo h. e. globo minori intra Tellurem concluso Polos tribuit similiter fixos respectu ipsius, at mutabiles respectu crustæ. Ponit enim, nucleum & crustam inæquali revolvi circa communem axem celeritate, ita tamen, ut inæqualitas nonnisi post plures revolutiones factas reddatur sensibilis: cui determinandæ si sufficerent observationes (quas non sufficere Noster docet) variatio declinationis ad computum revocari poterat. Non autem absurdum esse, sibi concipere concavitatem intra Tellurem, & in ipsa pendulum globum minorem, inde evincere conatur, quod celeberrimus *Newton* in *Principiis Philof. Nat. Mathem.* demonstraverit, densitatem Lunæ esse ad densitatem Terræ, ut 9 ad 5 quam proximè, adeoque Lunam, corpus longe minus, esse densiorem Tellure, corpore longe majori. Quæ cum accuratius expenderet, probabile ipsi visum fuit, plures sphæras intra cavitatem istam contineri, adeoque hanc tandem Telluris assignat structuram internam. Præter nucleum solidum, intra Tellurem duas adhuc alias sibi concipit sphæras concavas cum suis atmosphæris, cumque sphæras inclusas magnitudinibus Veneris, Martis atque Mercurii proportionales statuat, horum Planetarum nomina ad istas significandas transfert. Jam quia diameter Telluris est 8000 circiter milliarium Anglicorum, sphæris concavis crassitiem tribuit 500 milliarium, & atmosphæris altitudinem isti æqualem, ut diameter nuclei prodeat 2000 milliarium. Cum ulterius animadverteret, Venerem, Martem atque Mercurium terrestres nobis nullum præbere usum, quæ crustam externam incolimus, atque nostro ævo pro certo haberi, Terram esse e numero Planetarum, omnesque Planetas non sine ratione supponi habitatas, tandem partes Telluris sua habere animantia, e. g. aerem aves & insecta, aquam piscium innumera genera, terram reptilia: non incongruum ipsi videbatur asserere, & globos istos in Tellure conclusos habitari. Quod si objicias,

sine luce viventia ibi commorari non posse, regerit; multos dari modos, quibus lux ibi producat; nempe vel ea ratione, qua ignes nostri fatui generantur, atmosphæras istas illuminari, vel fornices concavos variis in locis resplendere Solis instar, vel lumen aliquod ibi produci, cujus nullam nos habeamus ideam.

Idem *Hallejus* tradit Regulam decrementi altitudinis Mercurii in Barometro, pro diversa hujus supra Telluris superficiæ elevatione. Supponit aerem esse elasticum, resistantiam elateris æquari ponderi prementi, spatia ab aere sub diversis pressuris occupata esse in ratione reciproca pressurarum, gravitatem aeris specificam esse ad gravitatem aquæ prope superficiem Terræ ut 1 ad 800, Mercurii ad aquæ ut 10800 ad 1, atque adeo digitum unum Mercurii æquari 10800 digitis cubicis aeris: unde si aer ejusdem esset densitatis, atmosphære altitudinem fore 5, 1 mill. atque in ascensu 900 pedum seu 10800 digitorum Mercurium in Barometro descensurum per unum digitum. Sed quia expansio aeris in ea ratione crescit, in qua pondus atmosphære incumbens decrescit, Mercurii descendens altitudinem augeri, & spatium quodlibet uni digito argenti vivi respondens continuo crescere. Quamobrem aerem ad majorem extendi debere altitudinem. His principiis jactis problemata de determinanda altitudine Mercurii ad altitudinem aeris datam, & altitudinem loci, in qua barometrum collocandum, ut Mercurius datam obtineat altitudinem, curiosa magis esse, quam difficilia pronunciat: eademque solvit ope quadraturarum spatiorum inter Hyperbolam & ipsius Asymptotos, geminamque computavit Tabellam, in quarum altera altitudines aeris altitudinibus Mercurii; in altera altitudines Mercurii altitudinibus aeris respondentes exhibentur. Ex qua colligit, in altitudine 41 milliarum densitatem aeris se habere ad densitatem nobis vicinam ut 1 ad 3000, in distantia 53 ut 1 ad 30000, ostenditque per observationes crepusculorum, aerem ultra 45 miliaria non extendi, nempe ad 44, 4 Anglica scilicet, qualem 4000 est semidiameter terræ. Atque inde ulterius inferit, aerem ad 180000 spatii partem comprimi posse, quod in statu naturali occupat. Quoniam vero hæc consequuntur, si atmosphæra inalterabilis supponatur, atque rarefactionis & condensationis capax

in

in infinitum, utraque vero hypothesis falsa est, si rigore spectetur: computum quoque istum non satis esse exactum monet. Variari certe specificam aeris gravitatem, dum calor aërem dilatat, & frigus comprimit, dum effluvia particulis aëreis graviora immiscentur, quemadmodum salia aquæ permixta pondus ejus augeant. Condensationem terminari in certo gradu per experimenta *Florentinorum* atque *Hooekii in Microgr. cap. 5.* Nec rarefactionem in infinitum procedere, quod particulis elasticis competere debeat magnitudo determinata in statu naturali, exemplo lanæ. Hæc igitur ἀντίθεται conclusionum superiorum Geometricam turbare. Unde & in eadem elevatione diverso tempore non eandem obtinere altitudinem. Hinc in causas ascensus & descensus & inquisiturus, primo phænomena recenset, ex quibus concludit, præcipuam ascensus & descensus & causam esse variabilitatem ventorum. In zonis temperatis, cui adjungenda sit incerta exhalatio & præcipitatio vaporum in aëre: atque ex his causis phænomena resolvit.

Idem ulterius ex communicatis per *Jussellum* cum Societate Regia catalogis, in quibus ab anno 1687 usque ad 91 inclusive ætas & sexus omnium Vratislaviæ singulis mensibus mortuorum consignabantur, & horum numerus cum numero natorum comparabatur, construxit Tabulam, in qua singulis ætatis annis adscribitur numerus personarum ad eos profectarum & Vratislaviæ degentium. Hujus Tabulæ multiplicem monstrat usum. Nempe inde deducit non solum omnem numerum Vratislaviæ viventium, qui est 34000, sed & numerum eorum, qui arma gerere valent, ad 9000 assurgentem: imo generaliter concludit, in quacunque civitate, numerum illorum esse quartam circiter numeri omnium incolarum partem. Derivari hinc posse ostendit gradus mortalitatis pro omni ætate; quot mori debeant per annum tuæ ætatis homines, ut certus esse possis, te isto anno non moriturum, hoc enim ostendit sola differentia inter numerum personarum ætatis propositæ, v. g. 25, & proxime subsequæ 26, qui in præsentis casu Vratislaviæ est 7: nec non quot mori debeant, ut persona quædam ætatis cujuscunque non moriatur, antequam attingat ætatem propositam: quomodo inquiratur, quo ætatis anno per-

so-

sona quædam ætatis cujusdam propozita sit moritura. Quæ speculationes non censi debent inutiles, cum earundem insignem ostendat usum in definiendo pretio assecurationis, quæ dicit certum quoddam contractuum genus Anglis in plurimis negotiis civilibus admodum familiare. Imo easdem speculationes ad gemina prorsus transfert, qualia proposuit *Wilhelmus Perry* in *Arithmetica Politica*, cujus proluxa recensio occurrit in Actis nostris A. 1691 p. 407 & sqq.

Noster denique ex Hallejanis inventis nobiscum communicat ejus discursum de gravitate & proportionibus, in quibus corpora gravia descendunt, nec non de motu projectorum: in quo cum celeberrimus Autor varias variorum hypotheses recensuisset, ut ipso eorum dissensu difficultatem causam gravitatis efficientem detegendi ostenderet; ab omni prorsus hypothesi abstinet, atque certius philosophaturus, stabilitis quibusdam experimentis indubias gravitatis proprietatibus, methodo demonstrativa ope principiorum Geometricorum & Analyseos Speciosæ regulas deducit, juxta quas corpora gravia descendunt, & projecta moventur.

Præter discursus hæcenus commemoratos, in præsens opere continentur adhuc tres ad Physiologiam spectantes, in quorum primo *D. Georgius Gardenius de Aberdeen* Theoriam generationis; in secundo *Clopton Harverus, M. D.* cujus *Osteologiam* A. 1691 p. 573 recensuimus, concoctionem; in tertio *J. Drake M. D.* influxum respirationis in motum cordis exponunt. Ex singulis quædam scitu non injucunda proferre libet. Quod theoriam generationis attinet, doctissimus ejus Autor ad tria eandem capita revocat, nempe 1. quod animalia generentur ex animalculo, 2. quod animalcula ista originaliter insint semini marium, 3. quod sine ovis in fœminis animalcula in animalia mutari nequeant, ut adeo Eclecticum quasi agens, hypotheses *Harvæi* & *Dn. de Leuwenhæk*, quarum hanc A. 1686 mense Oct. p. 475 descripsimus, conjungat. Ad primum stabiliendum sequentibus utitur argumentis: 1. quod *Malpighius* in ovi nondum incubati cicatricula pulli rudimenta observavit, 2. quod subito post incubationem omnes partes appareant, vi experimentorum *Harvæi* atque *Malpighii*, manifesto, ut ipsi videtur, indicio, partes illas non ex fluidis

do concrevisse, sed ibi jamdum nondum explicatas extitisse, ab origine mundi procul dubio per omnipotentiam Dei formatas. Alterum confirmaturus hæc producit argumenta: quod 1. in semine masculino omnium animalium innumera animalcula a *Dn. Leeuwenhoek* fuerint detecta: quas observationes exhibuimus A. 1682 p. 321. 2. quod per observationes *Malpighii* rudimenta foetus solum reperiuntur, in ovis a mare foecundatis, non autem in subventaneis: 3. quod figura animalculorum a *Dn. Leeuwenhoek* delineata conveniat cum figura rudimentorum foetus in ovo tum ante, tum post incubationem a *Malpighio* descripta: 4. quod ex hac hypothese reddi possit ratio, quomodo multi foetus una excludantur, & multa ova in gallina per unum coitum cum gallo celebratum foecundentur: 5. quod prima de Messia prophetia novam ex ista accipiat lucem, in qua vocatur semen mulieris, cum omnes homines reliqui sint semen viri: 6. quod eidem adstipuletur analogia vegetationis plantularum; semina enim esse plantulas, quæ terræ tanquam utero committantur. Denique ultimæ hac ratione evincit: 1. quod animalculum non possit in lucem edi, nisi in proprium cadat nidum, quem centrum cicatriculæ in ovis esse appareat: unde licet myriades animalculorum in ovum unum cadant, haudquaquam tamen præter unum in lucem edi posse. Addit, fortassis nidum molli animalculorum ita proportionatum esse, ut nonnisi unicum recipere possit: quæ sit ratio raritatis monstrorum. Absolutam nidi necessitatem in oviparis ad oculum patere. Hanc vero solam differentiam inter ovipara & vivipara quoad præsentem materiam in eo consistere, quod in his ova præter cicatriculam & eorum colliquamentum nihil contineant, ita ut foetus extra ista in uterum radices protrudere teneatur nutrimentum recepturus: ast ova in oviparis proprie dici possint uterus quidam in ordine ad foetum, quoniam non solum cicatriculam cum amnio & colliquamento, quod immediatum sit foetus nutrimentum; sed materiam insuper contineant in colliquamentum convertibilem, ita ut foetus radices suas nonnisi in albumen & vitellum ovi agat, unde omne suum nutrimentum derivet. 2. Quod hæc cicatricula non sit originarie in utero, ex frequentibus extra uterum conceptionibus probatur, quales occurrunt in *Trans. Phil. Angl. n. 139, 150 & 172, & in No-*

vellis Reip. Literaria Mens. Sept. A. 1685. p. 996. Unde probabile fieri asserit, testes muliebres esse ovana huic usui destinata. Subjungit 3, quod in confesso sit apud omnes, foetum in utero per amplum temporis spatium post conceptionem cum matre connexionem non habere, esseque in isto ovum perfecte rotundum, molis exiguae, cum foetu in medio incluso, qui successive funiculum umbilicalem emittat & utero tandem alligetur. Unde appareat, cicatriculam, quae sit fons nutritionis animalculi, non oriri in utero, sed alibi, atque in istum deferri tanquam in solum aptum, ex quo nutrimentum recipiat ad vegetandum foetum. Esse vero testes foemineas revera ovaria, hoc experimento evincere conatur, quod parere nesciant foemellae, si abdomen aperiatur, ac testes exsecentur. Respondet tandem tribus objectionibus, quibus hoc ultimum assertum subesse videri poterat.

De concoctione quae tradit *Haverus*, in compendio huc redeunt. Tribuit nempe ciborum in ventriculo comminutionem salivae, quam pro liquore habet ex gemino alio composito, altero nempe acido, altero oleoso, oleo terebinthinae non prorsus absimili, quorum unusquisque e peculiaribus glandulis secernatur: id quod sequenti comprobatur experimento. Assumit frustum carnis crudae, idque dissecuit in minuta magis, sed iis tamen majora, in quae masticatione reducitur, panisque micis admixtis oleum terebinthinae & oleum vitrioli affudit: quam massam cum per quatuor horas in balneo Mariae digessisset, in pulvem redactam deprehendit. Salivam certe prodere fermentationem, etiam cum non edimus, per bullulas ipsi inexistentes utut in ore non agitatae. Motum stomachi per respirationem productum cibo dissoluto cum saliva intimius permiscendo inservire. Per hanc autem fermentationem apta disponi alimenta, ut cum bile in intestino duodeno fermentare possint: quod hoc experimento probatur. Cum bilem naturae saponariae supponat, saponem in aqua calida dissolutum oleo terebinthinae ac vitrioli admiscuit, & in mixtura fermentationem oriri observavit.

Influentiam respirationis in motum cordis adstructurus *Dn. Læm. Loweri* explicationem systoles seu contractionis cordis per mechanicam visceris huius structuram laudat; verum explicationem diastoles per motum restitutionis improbat, cum status contra-

tractionis fibrarum sit potius naturalis, adeoque non dari possit diastole sine externa quadam violentia, prouti experientia in omnibus musculis doceat, non dari in ullo musculo motum restitutionis confirmans. Ita musculos a potentia antagonistarum liberos esse in statu contractionis, illos similiter, qui antagonistis carent, ut sphincteres gulæ, anus, vesicæ, semper esse in eodem. Quod vero cor sit musculus, isque solitarius, sine ullo antagonista proprio, nec voluntatis imperio subiectus, proxime adeo ad sphincteres accedens, a *Lowro* aliisque dudum esse demonstratum. Musculares fibras cordis per nervos actuatæ immediatum esse systoles instrumentum concedit; quin tamen muscoli intercostales cum diaphragmate, dum sanguini per pulmones viam pandunt, suum quoque conferant, negari non posse. Ostendit ulterius, vasa sanguifera in pulmonibus in costarum elevatione ac depressione eandem cum bronchis pati debere mutationem, nempe coarctari, dum costæ deprimuntur ac pulmones subsidunt; extendi, dum costæ elewantur & pulmones aere inturgescunt, ut via sanguini ex dextro cordis ventriculo in sinistrum aperiatur. Diastolen igitur fieri asserit, dum a pondere atmosphæræ, quæ muscoli antagonistæ vicem subeat, costæ deprimuntur, pulmones subsidunt & vasa sanguifera coarctantur, ita ut sanguis per venam pulmonariam veluti ope emboli cujusdam in sinistrum cordis ventriculum protrudatur. Tandem quædam subjungit, quæ circa fœtum in utero moneri poterant.

DE SUSPECTIS DE HÆRESI OPUS.

Autore ANSELMO DANDINO CÆSENATE, olim
in Patria Sancti Officii Consultore, nunc utriusque Signaturæ
Referendario, & Sacra Congregationis Indi-
cis Consultore.

Romæ, apud Vincentium de Romanis, 1703. in fol.

Alphab. 8.

EX officii, quod olim in patria sua gessit, ratione operis hujus
sanctam Clarissimus Autor arripuisse videtur, in quo suspecto-
rum de hæresi & culpam considerare prolixius intendit & pœnam.

Zzz 2

Utrius-

Utriusque tamen contemplationem antecedere jubet aliqua præliminaria, quæ primo circa *suspicionem* in se spectatam occupantur. Hanc posteaquam *criminiis incertam* definivit *representationem*, illius a præsumptione differentiam in eo collocat, quod, cum illa solum in malam, hæc vicissim in utramque partem sumi sueverit. Suspicionis tres esse gradus innuit, aliamque levem, aliam probabilem, aliam violentam facit. Fontes, unde scaturiat suspicio, modo patriam esse dicit, modo parentes, modo educationem, jam vitam antea actam, mox dicta & facta, interdum & amicos; quæ singula latius exposita sistit, & his absolutis, ad generaliorem *hereseos* indagationem pergit. Et hæc ipsi est *error intellectus voluntarius*, contra aliquam *propositionem catholicam cum pertinacia assertus ab eo, qui baptismum accepit*. Ad hujus definitionis ductum in capitibus aliquot proxime sequentibus multa cumulat de errore intellectus, deque voluntario errore, & reliquis vocabulis, quæ ad sensum descriptionis istius principaliorem pertinent. Ad opus ipsum propius accedens, hac quidem vice solam partem primam absolvit, & quinam sint *de heresi suspecti*? indagat. Principem inter eos locum *blasphemis* assignat, ubi blasphemiam & definitionem pandit & divisionem, & plerosque blasphemantes hereseos suspicionem incurrere observat, exceptis forte iis, qui in magna, quam vocat, eamque levi & levissimæ opponit, ebrietate tales se gerant, aut qui passionibus cerebri affecti rationalis facultatis defectum sentiant, (quanquam hos ob malum exemplum castigari posse admittat;) aut qui dormientes blasphemant, nisi vigilantes forsitan antea linguam male disertam fecerint; aut qui ob iracundiam mentem abalienantem in blasphemias voces erumpant, atque similes. A blasphemis progreditur ad *superstitiosos*, quibus *idololatrias* accenset, & *magos*, sed eos tantum, qui paciscantur, cum Dæmone, magiam namque naturalem nullius inducere criminis suspicionem observat; *divinatores* item, arte usi Dæmoniaci qui fuerint, & *sortilegos*, qui a Deo eventum non expectent, nec a casu, sed a Diabolo, qua de causa sortes divinatorias omnes rejicit; imo & *vane observantia* studentes prioribus addit, & *maleficos*, & eos, qui *superfluum, vel falsum cultum Deo exhibeant*. Admodum deinde prolixus est in referendis hunc in censum iis,

qui

qui Sacramentis abutuntur, sive illi eadem *conficiant* sine potestate, aut debita minus materia, formaque, loco item temporeque haud debito, aut ceremoniis dispositionibusve non debitis; sive illa minus rite *offerant*, aut secus, quam fieri debebat, *conferant*. *Fautores* porro *hereticorum* de hæresi vehementer suspectos esse pronunciat, sive omittendo peccent, eosque vel non denuncient, vel non capiant, vel non custodiant; sive committendo, dum eos receperent, honoribusve & dignitatibus insignire haud vereantur. Hæc sigillatim ad Principes excurrit seculares, eosque hæresis saluum quidem conductum posse concedere admittit, si solam spectes immunitatem a violentia, sed non item, si de immunitate absoluta quæviseris; libertatem certe conscientiae iis a Principibus permitteri, aut dignitates in eos conferri posse, inficiatur. Multo magis *defensores hereticorum* suspicione hæreseos gravari dicit, & inter alia Ministros Sancti Officii, inquisitioni actu inservientes, nec directe nec indirecte impediri posse, absque hæreseos suspicione, statuit. Sed de iis, *qui cum hereticis conversantur*, paulo censet mitius, & conditiones, quibus fieri id liceat, exponit. Quo pacto etiam *retinere libros hereticorum legereque* aut concessum sit, aut minus? indagat. Denique post commemoratos atroque cathone notatos illos, qui hæreticorum funus comitentur, aut hæreditatem iis relinquant, aliosque, iis præcipue eandem suspicionis notam inurit, qui propositiones hæreticas vel parum Catholicas in medium proferre studeant. Hæc prima operis pars discussit, de qua istud adhuc monemus, quod Index diffusissimus & tertium omnino integri tractatus partem constituens eidem subnectatur.

LETTERA DISCORSIVA DI APOSTOLO
ZENO &c.

i. e.

DISSERTATIO EPISTOLICA APOSTOLI ZENI,
Nobilis Cretensis & Civis Veneti originalis, ad Dn. Abbatem JULIUM FONTANINI, Bibliotheca Eminentissimi Dn. Cardinalis Josephi Renati Imperialis Praefectum, de magno Opere Meditationum Philosophicarum Dn. BERNARDI TAR-

*VISINI, Patricii Veneti: qua eadem de origine deque
Viri docti Gentis Tarvisina expo-
nitur.*

Venetis, apud Antonium Bortoli, A. 1704. in 8. Plag. 4.

Culm *Meditationum Philosophicarum* Illustrissimi Viri Bernardi Tarvisini primum volumen prelo jamjam exiret, scripta est a Nobilissimo Autore ad venerabilem Fontaninum, ex *Aminæ Tasfi defensione atque illustrato* scriptisque aliis cognitum jam nobis & laudatum, hæc Epistola, qua non modo argumentum istarum Meditationum, verum etiam concinna Familiæ Tarvisinæ antiquæ & nobilis, inprimisque doctorum ex ea Virorum, & Illustrissimi hujus Bernardi adhuc superstitis historia continetur. Nos ex ea, senus huc allata, more nostro pauca delibabimus. Ponitur inter majores Illustrissimi Bernardi Tarvisini, post paucos, Marcus Tarvisinus, Fundator *Abbatia S. Thoma Cisterciensis ordinis, Torcellana diæcesis*, qui A. MCC obiit. Cujus Abbatia *Historiam* aliquando in lucem dabit Epistolæ Autor. Deinde eminet Bernardus, qui A. MCCC LXVI floruit, in cujus MS. codice de *transmutatione metallorum*, qui auctior servatur in Bibliotheca Tarvisina, quam in Theatro Chimico Argentorati A. MDC XIII exscriptus legitur, sunt hæc verba ad finem: *Finit hic liber, &c. compositus per Magistrum Bernardum Comitem Tervisianum, qui acquisivit Comitatum & ditionem de Neige in Germania per hanc artem pretiosam & nobilem.* Sequitur Zacharias prior, insignis Venetorum Orator Concilii Constantiensis tempore, cujus *Orationes* ad Romanum Pontificem aliosque eloquentissime habitas in lucem edi optat Autor, atque aliquot earum MSS. Patavii servari a Patribus Eremiticis indicat: deque eodem hoc sese expositurum pollicetur *Libro de Scriptoris Venetis.* Postea Pauli prioris, magni peregrinatoris, mentionem facit, ejusdemque MS. *Libri Historici & Geographici*, quem apud Hieronymum Petram nuper defunctum viderit sic inscriptum: *de Nili origine & incremento: item de Aethiopum regione & moribus liber singularis, compositus per me Paulum Trivisanum Nobilem Venetum, in insula Cyprî, anno reparata salutis MCCCC LXXXIIY.*

Hinc

Hinc post aliquos est Marcus Antonius, Reipublicæ Venetæ Dux Illustrissimus. • Deinde Nicolaus, Philosophus imprimis Platonicus, cujus *Ionem* Dialogum Platicum, & *Græco Italicum* & Venetis A. M D XLIX in 8 editum memorat. *Opera autem Platonis* ab eodem multis locis signata & notis indiceque aucta, in Bibliotheca Tarvisana se videre meminit. De Andrea Jcto agens, errorem Alberici notat, qui in Catal. p. 7. 8. hunc in templo S. Mariæ Matris Domini sepultum scribat, inscriptione deceptus, quam Paulus Tarvisinus Andree filolo suo duorum annorum ætate mortuo posuerit. Postea Marci Herois meminit, ejusque amicitie singularis cum Nicolao Barbanigo cultæ, cujus fama permotus Carolus I Rex Angliæ per Legatum suum horum amicorum, imagines abs Venetis petierit. Ejusdem Marci, præter libros editos, cum MSS. alios memorat, tum unum de *Religione* & de *culu Divino*, Italice MS. in Biblioth. Tarvis. sibi visum. Dehinc ad Franciscum Tarvisinum, unicum Bernardi superstitis fratrem, venit, Nuncium illum quondam Alexandri VIII P. R. ad Galliarum Regem, eoque loco Epistolam integram promittit *Maintenonia*, qua hæc Pontificis S. ad se epistolæ meminit, & Franciscum Tarvisinum laudat. Cujus ejusdem commentarium de *Juramento reis deferendo* editum, item *decisiones* cum *Thoma Tarvisini Jcti decisionibus* edendas, museum porro antiquitatibus refertum, denique *dissertationem Chronologicam & Genealogicam* pro veritate Scripturæ S. conscriptam commendat epistolæ nostræ Clarissimus Autor. Qui jam tandem ad Illustrissimum Bernardum Tarvisinum, Meditationum Philosophicarum autorem devolvitur, ejusque parentes, & studia philosophica, philologica, mathematica, pictoria, antiquaria describit; deinde museum, cujus Inscriptiones Græcæ & Latinæ a *J. Ant. Astorio* editum iri confidit; postea Bibliothecam mille & amplius MSS. codicibus refertam, inter quos est *Alex. Tassonis Conspectus Annalium Baronii* tribus voluminibus, quo multi Baronii errores castigantur, &c. quos omnes in *Catalogis MSS.* se commemoraturum promittit Noster; porro scripta nondum publicata XLII; præterea mores atque amicitias ejusdem commemorat, tandemque ad Meditationum ejus Philosophicarum opus progreditur, cujus *Specimen*, li-
brum

brum nempe *de Immortalitate animæ*, Venetiis A. 1699 in 4 prodisse docet. Ipsum autem illud *Meditationum* opus, non compilatum, sed ex ingenio Autoris natum, in VIII volumina, partibus distincta, dispescitur. E quibus primum Volumen partibus tribus, adversus *Scepticos* rerum veritatem & cognitionem, adversus *Atheos* DEI existentiam & providentiam, deindeque animæ immortalitatem demonstrat. Volumen II Legibus Gentilium rejectis, Scripturæ S. auctoritatem confirmat. III Fidei Christianæ veritatem: IV Religionis Catholico - Romanæ præstantiam, Mahometana cæterisque condemnatis: V Pontificis R. dignitatem probat. VI deinde, ad Politica spectans, Legum necessitatem ostendit. VII autem morum doctrinam affectuumque, moderationem commendat. Denique VIII viam tranquillius & vivendi & moriendi commonstrat. Hæc ubi latius paulo diduxit Autor Epistolæ doctissimus, libellum concludit. Cæterum eundem Nobilissimum Autorem plura alia & edidisse, & adhuc moliri, non ignoramus. Quippe Tomo I operis, quod *la Galleria di Minerva* inscribitur, & Venetiis A. 1696 in fol. prodire coepit, p. 65 ejus Vita Joannis Georgii Trissini, p. 78 Vita Joannis Baptistæ Guarini Poetæ celeberrimi, & p. 165 Series Chronologica Auctorum, qui publica auctoritate Historiam Venetam scripserunt, deprehenduntur; ut taceamus, eum Academix, quam *della Galleria di Minerva* vocant, Secretarium diserte perhiberi ejusdem operis tomo II p. 165. Quin & elegantissimum ejus Drama *Il Narcisso Pastorale*, intra decem dierum spatium compositum, commendat Joannes Cinelli in Bibliotheca Volante Loculo (*Scanzia*) X, qui hætenus desideratus Venetiis hoc ipso anno prodit, pag. 9. Denique ex Justi Fontanini libro *L' Aminta di Torqu. Tasso difesa e illustrato* Romæ A. 1700 edito p. 179 didicimus, Apostolum Zenum opus excellentissimum de Poetis Italis moliri, in quo eos contra exterorum censuras defendere conabitur.

OBSERVATIO AD RECENSIONEM LIBRI DE
Fidei & Rationis consensu a Domino JAQUELOTO
editi mense Octobri proxime præcedenti
factam.

Cum

Cum hæc Recensio Clarissimi Jaqueloti sententiam de *Leibniziana Harmonia præstabilita Hypothesi* attigerit, quæ nusquam adhuc in his Actis est explicata; operæ pretium visum est, ad meliorem ejus intellectum, missam nobis ipsorum Dn. Jaqueloti verborum ex Libro recensito excerptorum Latinam versionem adjungere, ut appareat, quis sit consensus aut dissensus. Quia (*inquit pag. 381. 382.*) difficile est, comprehendere, quomodo voluntas motum corpori imperet, Celeberrimus Leibnizius Corpus considerat tanquam machinam tensam & dispositam ad efficiendos omnes motus quos producit, & Animam tanquam substantiam omnes continentem ideas sese successive evolventes, modo motibus omnibus corporis conformi & correspondente. Itaque cum brachium movere volo, evenit, ut brachium moveatur virtute machinæ dispositæ atque tendentis ad brachium in hoc instanti movendum. Hoc modo Anima & Corpus se fere habebunt, ut duo horologia pendula, quæ motus suos pariter iisdemque momentis exercent. Qui causas occasionales defendunt, volunt ob unionem animæ & corporis, Deum ad certorum motuum præsentiam in anima formare certas ideas; & ad præsentiam certorum actuum voluntatis, Deum producere certos motus in corpore. Quod Dn. Leibnizius non probat, quia ista hypothesis perpetua supponit miracula. Systema receptum medium inter has duas sententias tenet, quæ magnas difficultates pati videntur. Videri possit prima specie, in priore systemate libertatem non nisi quandam illusionem esse, cum anima & corpus per causam efficacem & antecedentem ad omnes suas cogitationes & actiones disponantur, tantumque revera evolvat, quod erat tectum & involutum. *Systema causarum occasionalium* majoribus adhuc difficultatibus laborat. Nam in eo Deus agit omnia; creaturæ non nisi umbræ sunt vanæ, & entia actionis expertia. Quid ergo virtutibus & vitiis fiet? An credi oportet, Deum ad aspectum Bethsabæ in anima Davidis ideam concupiscentiæ excitasse, & in animas Phariseorum impressisse ideas blasphemiarum contra Spiritum Sanctum, cum dæmones viderent ex corporibus dæmoniacorum ejectos? Quocunque effugio, aut quacunque subtilitate utamur, res huc semper redit. Exponit deinde Clarissimus Autor rationes, cur systema receptum,

quo anima in corpus & corpus in animam influxum exercet, ipsi magis placet. Sed tandem ita pergit p. 387. sqq:

Si tamen systema Leibnitianum bene intelligitur, reperietur, in eo non destrui libertatem; anima enim facultatem habet decreta sua formandi, ac volendi quod placet. Et quod actiones corporis ab anima imperatas attinet, non potest officere libertati dispositio corporis ita a Deo formati, ut motus ejus præcise voluntatibus animæ respondeant, quod tali exemplo intelligi potest. Ponamus, Mechanicum egregium scire, quæ ego famulo meo tali die sim imperaturus, eumque posse formare automatum par exequendis omnibus motibus a me ea die imperandis. Certum est, me tunc Automato illi tanquam famulo meo imperaturum ea, qua fruor, libertate, neque illam ipsius automati spontaneam ad suos motus determinationem, quicquam libertati meæ præjudicaturum. Eodem se modo res habet in corpore humano, secundum systema Leibnitianum, quod ideo appellari solet *Systema Harmonia præstabilita*. Deus formavit nostra corpora tanquam machinas, quæ debent respondere certis motibus nostrarum animarum. Tale Automatum non est impossibile Deo, qui novit omnes determinationes meæ voluntatis, motusque machinæ his determinationibus accommodavit. Hoc systema exemptum est difficultatibus, quæ in aliis reperiuntur. Non intelligitur in systemate recepto, quomodo voluntas agere possit in corpus, & in systemate causarum occasionalium omnia fiunt miraculose, & Deus movet brachium meum occasione meæ voluntatis, corpus proprie loquendo nihil agit. Sed in systemate Leibnitiano agit revera. Quod animam attinet, concipi utique potest, Deum ipsi in creatione dedisse ideas confusas & involutas omnium objectorum universi, quæ evolvantur & distinctæ fiant, prout objecta mutationes producant in eo corpore, quod animæ est conjunctum, quia Deus ita creavit animam & corpus, ut perfecte sibi respondeant. Anima deinde in sese ipsa agit secundum illas ideas & perceptiones distinctas, ut judicia sua formet, suæque placita ac destinata animo concipiat, secundum electionem quam instituit. Ipsa imperat, & corpus exequitur virtute dispositionis a Creatore ad exequendum ei datæ.

Itaque concludo (*inquit Vir Clarissimus sub ipsum differtio*

io-

tionis finem) si intelligi queat, animam agere in corpus propria virtute, & quodam genere influxus, qui motum in eo producat, sequendum esse systema receptum. Simplicius enim est aliis & liquidius, (*plus simple & plus dégagé.*) Et in favorem ipsius, adduci potest exemplum Dei cuncta creantis & conservantis solæ voluntate. Sed si velimus sequi ideas, quas habemus de corpore & de spiritu, una cum propriis eorum attributis, atque adeo nolumus corpus agere in spiritum, aut spiritum (creatum) in corpus; amplectendum erit systema Leibnitianum. Systema enim causarum occasionalium non nisi mera est illusio. *Hæc Clarissimus Autor*, agnoscens commercium animæ & corporis, secundum nature ordinem, non alio modo, quam secundum Leibnitianam hypothesin, intelligibiliter explicari posse. Quoniam in iis, quæ in corpore & anima intelligimus, nihil apparet, quod ad influxum eorum, mutuum explicandum inserviat. Cæterum modus, quo Deus agit in creaturas, toto genere diversus est, consistit enim in creando: quoniam ipsa creaturarum dependentia a Deo seu conservatio, continua est creatio. Hanc autem dependentiam veram & necessariam esse, certis demonstrationibus docemur, etsi modum hunc agendi, ob infinitam ipsius agentis naturam, explicare non possumus.

GEOGRAPHIA SACRA, EX VETERI ET NOVO
Testamento desumpta & in Tabulas quatuor concinnata, Autore
NICOLAO SANSON, Abbacillæ & Galliarum Regis Geographo. Accesserunt in Indicem Geographicum Notæ
JOANNIS CLERICI, nec non ejusdem
Præfatio.

Amstelæd. apud Franciscum Halmam, 1704. in fol. ch. aug.
• Constitat Alph. 2. plag. 7. & Tab. Geogr. 4.

Liber iste jam olim, anno nimirum seculi superioris sexagesimo quinto, Lutetiæ Parisiorum lucem adspexit. Cum igitur, Francisco Halmæ, Bibliopolæ Amstelodamensi solertissimo, eundem denuo typis exprimere visum fuisset, doctissimum Clericum, adiit, & ab eo petiit, ut, si qua ratione nova hæc editio exornari augerive posset, illud facere non gravaretur. Vir ille

Clarissimus, quemadmodum nihil prius antiquiusve habet, quam ut bonis literis quacunq; data occasione auxiliatrices manus commodet, sic hac quoque vice honestis petitis absque ullo negotio annuit, adeoque ejus opera varia acceſſerunt, quæ novam hanc editionem splendidiorem longe atque Reipublicæ literariæ utiliorem haud dubie reddunt. Primo enim præſationem præmiſit luculentissimam, in qua quendam indiculum eorum texti, qui aut Judæam descripserunt, aut certe quidpiam ad Geographiæ sacræ illustrationem, labore atque industria sua contulerunt. Nec tamen omnes, qui Itineraria olim aut nuper Terræ sanctæ scripsere, in medium attulit, eos tantummodo recensere satis habens, qui antiquam Judæam eruditorum oculis exposuerunt. In hisce itaque recensendis initium facit ab Aristea, qui in Historia LXX Interpretum, & Hierosolymam & Judæam paucis descripsit; agmen vero claudere jubet celeberrimum Fridericum Spanhemium, non ita pridem fato functum, qui prima parte Geographiæ sacræ, Judææ Chorographiam breviter & perspicue tradidit. In hisce autem omnibus, quorum mentionem fecit, tum quæ laudanda, tum quæ desideranda veniant, paucis lectori indicavit. Et tandem, cum in Geographia sacra spicilegium non omnino spernendum relictum fuerit, se ipsum in Commentario suo ad Josuæ librum mox edendo, id sedulo operam daturum esse pollicetur, ne quid in posterum ad Geographiam illam antiquam Judææ probe intelligendam desit. Post hæc Clarissimi Clerici prolegomena, alia, ipsius nempe Auctoris, præfatio sequitur, in qua instituti rationem breviter exponit, quam in adornandis duabus tabulis Geographicis, quarum una totius orbis in Bibliis sacris cogniti partes continet, altera Terram promissam sive Judæam in suas tribus divisam exhibet, secutos fuerit. In iis enim concinnandis, se Terræ sanctæ tabulas omnes & descriptiones, a variis auctoribus exaratas, inter se contulisse, iisque accurate inspectis, Adrichomii typum aliorum omnium optimum, ejusdemque descriptionem reliquis exactiorem cognovisse. Quamvis igitur Adrichomii typum se plurima ex parte imitatum esse, non diffiteatur, diversam tamen ab eo rationem in locorum positionibus se observasse, earumque pene alteram partem immutasse, & ubi Adrichomius ex singulis urbium nominibus

bus plura fecerit, iis verum genuinumque nomen restituisse. Hanc præfationem excipiunt animadversiones in tabulam Judææ, ubi numerum civitatum cujuslibet tribus earumque situm, longitudine & latitudine locorum simul ad marginem adnotata, accurate exponit, ita ut observationes notatu utique dignas subinde inspergat. In hisce autem animadversionibus, lectores sapissime ablegat ad Indicem Geographicum, quem iisdem Auctor statim subjunxit, in quo regiones & loca omnia, in utraque tabula Geographiæ sacræ descripta, uberius explicat, rerumque simul temporibus utriusque Testamenti in iis gestarum historiam, verbis ex Scriptura S. satis prolixè allegatis enarrat. Quamvis autem Sanfonius in hisce, quæ hætenus recensuimus, egregiam plane operam præstiterit, doctissimus tamen Clericus in notis ad Indicem ejus Geographicum evidenter ostendit, Virum Clarissimum felicius, & magis inoffenso pede, in hoc stadio decurrere valuisse, si æque a notitia Hebræicæ & Græcæ linguæ, ac reliqui Geographiæ disciplinæ artificii, instructus accessisset. Quod si enim ipsos fontes adire licitum ei fuisset, multa sane urbium nomina Vulgatam sequendo perperam non scripsisset, nec etiam animadversiones veritati Historiæ repugnantes sapius attulisset; id quod Clericus in notis jam dictis multis omnino exemplis probavit. Nec solum in iis id egit Vir doctus, ut potissima Sanfonii delicta, minoribus prætermisiss, emendaret, sed passim quoque addidit, unde plura & meliora peti possint, in eorum gratiam, quorum hæc accuratius nosse intererit. Agmen in hoc opere Geographico claudit brevis tractatus, quem *Judea* nomine auctor Sanfonius insignivit, in quo id potissimum agit, ut brevem historiam contextat eorum, qui hanc regionem diversis temporibus incoluerint. Quibus omnibus accedunt Jesu Christi & Apostolorum Petri & Pauli vitæ, ab eodem in epitomen contractæ, in quibus, verbis ex Scriptura S. desumptis, præcipue describuntur illorum patria, mansiones, itinera & peregrinationes, quæ ut lectorum oculis eo melius repræsententur, in hunc finem utrique operi tabula Geographica est præfixa.

Et sic finem de hoc libro differendi faceremus, nisi unicum adhuc commemorare, operæ pretium fore existimarem. Nimirum sub finem Bibliopola pollicetur, se suavis Virorum do-

ætorum, Eusebii librum de Locis Hebraicis, quem Clericus quoque in præfatione cæteris omnibus ad Geographiam sacram pertinentibus præstare dixerat, cum Hieronymiana versione, quamprimum editurum esse. In eo autem excudendo, se Jacobi Bonfrerii editionem, quam sequatur, elegisse ait, ita tamen, ut notis subinde novis Clarissimi Clerici illustrata ea proditura sit, eidemque operi subjiciatur descriptio Terræ sanctæ a Brocardo Monacho quondam edita, cujus itidem Clericus in præfatione supra laudata mentionem injecerat. Hæc omnia ita typis imprimenda Fr. Halma adseverat, ut cum Sansonii non nimis spisso opere, ad justum volumen constituendum, conjungi & una compingi queant.

*JO. BARTHOLDI NIEMEIERI THEOL. D. ET IN
Academia Julii P. P. Theologia Morali. Editioni hujus
secundæ accesserunt de Gentilium statu atque
conditione post hanc vitam Disser-
tationes duæ.*

Helmstadii, apud Salom. Schnorrium, 1704, in 4to.
Constat Alph. 1. pl. 3.

JAM aliquot effluxerunt anni, ex quo Maxime Reverendus Autor Theologiam Moralem in usum exercitiorum Academicorum, adornavit, præloque commisit. De cujus nova editione, ob distracta exemplaria, cum cogitaret, notas, quas in priori promiserat, passim inferere in animo quidem habuit, verum ne auditorum suorum commodis mora injiceretur, hac vice libello nihil addidit, nihilque in eo immutavit. In illo autem eam observat methodum, ut in parte communi finis, cum ultimi & externi, qui est æterna hominis salus, tum proximi & interni, qui est pia & Christiano homine digna vita, rationem habeat, hinc subjecto, homine scilicet justificato & renato, exposito ad media deveniat, ac in parte speciali triplicem statum hierarchicum sequatur, ad illius ordines singula vitæ genera reducens. Ne tamen sine omni additione libellus hic prodiret, eidem Dissertationes duas, de Gentilium statu atque conditione post hanc vitam, jam anno 1694 primum editas, Clarissimo Autori placuit subjungere, in quibus ortho-

orthodoxa sententia, cum S. Scripturæ testimoniis, tum priscae Ecclesiæ suffragiis atque consensu confirmatur, & contra dissentientes, quorum magnam nubem posterior Dissertatio sistit, non accurate minus quam modeste adstruitur.

JO. ANDREÆ SCHMIDII, D. P. P. ABBATIS Maria-Vallensis, *Compendium Theologiæ Moralis, in varios Auditorum usus conscriptum, & in subsidium memoriæ tabulis instructum.*

Helmstadii, impensis Jo. Melch. Sustermanni, 1705. in 8.
Constat Alphabet. 1. plag. 3.

Cum Theologiæ Dogmaticæ & Ecclesiasticæ Historiæ compendia, maxime in usum suorum Auditorum, hæctenus ediderit Reverendissimus Schmidius, commoda discipulorum non minus se promoturum esse existimavit, si primas Moralis-Theologiæ lineas duceret, easque typis exscribendas traderet. Quamvis vero diversi hujus doctrinæ doctores diversas tractandi rationes sequantur, dum quidam solum Decalogi ductum observant, ut veteres nonnulli & recentiores; alii & Decalogi & Orationis Dominicæ ordini insistant, ut *Hornejus*; alii capita omnia Catechetica respiciunt, ut *Dannhauerus* & *Langius*; alii Locorum omnium Theologicorum rationem habent, uti *Majus*: quamvis etiam juxta monitum *Baconis de Verulamio de Augm. Scient. l. 7. c. 1.* duas hujus doctrinæ partes constituere quis posset, alteram de *exemplari*, seu natura boni, alteram de *regimine* & cura animi, quam partem *Georgicam animi* Baco adpellavit, uti hæc Celebrerrimus Autor in hujus libelli prolegomenis p. II. ipse monet: placuit tamen eidem aliam viam eligere, ac methodum practicis scientiis alias communem retinere. Præmissis nimirum quibusdam prolegomenis, in quibus natura & constitutio Theologiæ Moralis exponitur, in tres partes dispescitur compendium, quarum *prima* vitæ sanctimoniam illiusque oppositum describit; *secunda* subjectum operationis, seu hominem sanctificandum exhibet; *tertia* denique de principiis & mediis ad vitæ sanctimoniam ducentibus agit. Singula autem ita pertractantur, ut theses breviores, in-

inſperſis quibusdam notis, in ſingulis capitibus declarentur, in quorum ſine tabulæ ſynopticæ ad juvandam legentium memoriã adduntur. In brevi alloquio ad Auditores, huic compendio præmiſſo, Cæl. Autor a Deo ad elaborandum majus aliquod Theologiæ Moralis Syſtema plura eaque ſpecialiora continens capitula, nec non ad pertexendas reliquas operas, quas olim auditoribus ſuis promiſerit, vires & otia ſibi expetit. Hujus ergo voti ut compoſ reddatur, nos ipſi benigniſſimum Numen ſerio precamur.

D. ÆGIDII STRAUCHII, THEOLOGI OLIM VITENBERGENſIS atque GEDANENſIS, Theologia Moralis, in Academia Regia Pomeranorum e manuſcripto edita atque diſquiſitioni publicæ expoſita a D. JO. FRID. MAYERO, Conſiliario Regio, Theologo Prof. Prim. Univerſit. Pro - Cancell. & Superint. Generali, qui Bibliothecam ſcriptorum Theologia Morali & Conſcientiarum adjeci.

Gryphiswaldiæ & Lipſiæ, apud Jo. Wolffg. Fickweilerum, 1705. in 8.
Constant Alph. 2. pl. 9.

Quemadmodum celeberrimi nominis Vir, Jo. Frid. Mayerus, Gryphiswaldenſis Academiæ illuſtre decus, & ſui ingenii præſtantiſſimi, & aliorum monumentis editis, eruditum Orbem jamdudum ſibi obſtrictum reddidit: ita cum præſens Ægidii Strauchii opuſculum ſcholis ultimis Vitenbergæ, antequam Gedanenſes accederet, ab ipſo traditum, in ſcriniis inſtructiſſimæ ſuæ Bibliothecæ haſtenus delituiſſet, noluit illud, pro eo quo in rei litterariæ commodum fertur ſtudio, publicæ luci amplius invidere. Equidem auctius quoddam Moralis Theologiæ opus, ab eodem beatæ memoriæ Strauchio elaboratum, plurimorum manibus ferri non ignorat; ex quo ea, quæ huic opuſculo deeſſe videntur, B. Hülſemannii Caſibus Conſcientiæ, quos itidem ex manuſcripto editurus eſt, addere conſtituit Summe Reverendus Editor: utiliſ tamen ipſi viſum fuit, præſens compendium, quod ingeniſa brevitate ſe commendat, Orbi erudito exponere, præſertim cum in uſus Doctôrum Academicorum illud edere, & XXI diſputationibus

bus ad ventilandum studiosis juvenibus proponere suscepit; perinde uti olim in Academia Vitenbergenſi, Doct̃oris publici munere fungens, B. Dorchæi Theologiam Moralem typis publicis exc̃ribi fecerat, & ex cathedra Academica publico examini ſubjecerat: quod Dorchæi quoque opus ex B. Autoris *αυτογενής*, quod interea naſtus eſt, accuratius edere conſtituit. Ipſum vero Strauchii opus, quod Viro Perilluſtri, Olao Hermannino, Carolo XII Sæcorum Monarchæ a ſanctioribus conſiliis, una cum B.bliotheca ſubjuncta Mayerus dedicavit, ita comparatum eſt, ut primo naturam & conſtitutionem Theologiæ Moralis, deinde finem atque media tum generalia, tum ſpecialia, exhibeat hac methodo, ut ex propoſitis quaſtionibus, quibus *ἐκθεσις* quædam ſubjicitur, conſuſiones certæ educantur, quas antitheliſ demum excipit.

Quod Bibliothecam Scriptorum Theologiæ Moraliſ & Conſcientiariæ attinet, quam Celeberrimus Mayerus in ſtudioſa Juventutis gratiam collegit, & B. Strauchii libro adjecit, in tres partes illa dividitur, in quarum prima Scriptores noſtræ Eccleſiæ, in ſecunda Reformati, in tertia Pontifici, ordine alphabetico ita reſenſentur, ut anno, quo quivis mortem obiit, plerumque indicato, librorum huc ſpectantium titulus exhibeatur, ſæpiusque aut de ſcriptoribus, aut ſcriptis, judicium quoddam ſubjiciatur. Dum p. 5. Autor Jo. Conradi Dannhaueri libros *Conſcientiæ apertor*, h. e. *Theologiæ Conſcientiariæ* tomos duos memorat, monet ſe primas perfectiſſimi laboris huius lineas, quas in gratiam auditorum privatorum Argentorati A. 1647 ſummus Theologus duxerat, in Mſto poſſidere, quæ lacunas quasdam in poſteriori tomo occurrentes, cujus publicationi B. Dannhauerus immortalis eſt, feliciffime ſupplere poſſint, eaſque, ſi Deus vitam viresque conceſſerit, quas ipſi quoque exoptamus, e tenebris ſe producturum promittit. Neque prætereundum eſſe exiſtimamus, quod p. 26 circa B. Schomeri *Specimen Theologiæ Moraliſ* occurrit, de quo plurimi hætenus perſuaſi fuerunt, morte laudati Auctoris præmatura factum fuiſſe, quin opus præſtantiffimum perficere potuerit. Verum Mayerum noſtrum Vir Clariſſimus Jo. Philip-pus Palthenius, ipſius Collega conjunctiſſimus, qui mutui adfectus PuſENDORFII inter & Schometum interpres olim extitit,

alia edocuit, monuitque causam abrupti operis non magis morti tribuendam, quam mutatæ in *Schomero* potius animi sententiæ, quæ alia jam ratione opus susceptum aggredi ad *Pufendorffii* sententiæ, induxerat in animum. Scilicet (ita Mayerus ipse rem exponit) postquam proscripta, quæ in scholis olim obtinuerat, rerum a revelatione atque ratione pendentium confusione, *Pufendorffius* meram Philosophiam Moralem ita tradiderat, ut ad captum esset omnium omnino hominum, quacunque illi religione tenerentur, & posita certa propositione, quam vocat, fundamentali, reliquæ ex ea theses perpetuo quodam ratiociniorum nexu junctæ deducerentur: monebat idem *Schomero*, ut Theologiam Moralem, ex sacro Codice traditis unice depromptam, certoque principio innixam, continuam coherentium dogmatum serie extructam, omniumque, qui circa res rationi proprias dissentirent, captui accommodatam nobis daret, ut adeo latus Philosophiæ, utpote naturæ suæ prioris atque latius patentis, quæ eandem subsequitur, atque strictius præcipit, Theologia apte clauderet, & in singulis partibus, quæ hominis, quæ Christiani officia sint, distincte cognosceretur. Id quod eo quidem commodius *Pufendorffius* existimabat, quod hoc modo docendi ratio, ipsi Christo usurpata, in usum scholarum adduceretur, qui non dispari ratione summam legis ad *charitatem* reduxisset, quam qua ipse honestatis compendium in *socialitate* tradidisset, simulque surrectuius inter Theologos atque Philosophos controversiis æternus poneretur obex. Hinc adeo, probante *Pufendorffii* sententiæ *Schomero*, factum esse, ut non tam de veteri opere continuando, quam de novo concinnando, Theologus summus cogitaverit: spes deinde omnes intervertente morte. P. 28 *Consilia Theologica* Vitebergensia, a Calovio, Meisnero, Quenstedio & Deutschmanno collecta, Mayerus recenset, optatque non modo, ut istorum exemplum alii Doctores Facultatum Theologicarum nostræ Ecclesiæ imitarentur, sed dolet etiam vehementer, scripta ejusmodi sanctissima sæpe ab hæredibus Decanorum negligi penitus ac pessime haberi, mente imprimis volvens, quæ de plurimis Consiliis & Responsis Theologorum Lipsiensium, *Schilteri*, *Weinrichii*, *Lyseri*, *Höpfneri* aliorumque, a *B. Scherzaro* olim audiverit. Et quamvis idem fere

fa-

fatum eam Facultatem, quam hodie ornat Magnificus Vir, oppres-
ferit, subtraxeritque hucusque *Rungiorum, Krakewizii, Batti, Bal-*
rbaf. Rauers, aliorumque labores, spem tamen non leuem ad-
fulgere dicit, quædam illarum, Deo propitio, improbo stu-
dio se adepturum, & publico daturum
esse.

ERRATA.

Pag. 16 lin. 18 lege *לעזר*. Pag. 13 sqq. lege *Theraphim*.
Pag. 15 l. 5 pro *filium suum* lege *Levitam*. P. 196 l. 6 pro *para-*
cbiales lege *ecclesiam*. P. 198 l. 9 pro *itaque* lege *arque*. P. 201
l. 33 ante vocem *frequenter* pone *interca*. P. 206 l. 27 pro *pars*
fructuum lege *magni autem sint fructus exinde obvenientes, pars*
illorum. P. 238 initio lineæ 11 ponatur vox *ipforum*. P. 239 l. 2. 3
pro *stabilitas* lege *stabilita*. P. 312 l. 13 pro *existimetur* lege *se*
existimet.

INDEX AUCTORUM,

quorum Libri aut Inventa hoc volumine
recensentur.

I. Libri Theologici & ad Historiam
Ecclesiasticam spectantes.

- A**lexandri (Natalis) Expositio Evangelii Jesu Christi secun-
dum quatuor Evangelistas. 388
Anonymi Conciliatio Moysi & Stephani circa numerum Familie
Jacobi. 103
Anonymi Admonitio ad Catholicos Fœderati Belgii incolas de
Decreto Romane Inquisitionis contra Archiepiscopum
Sebastianum dato. 105
Anonymi Motivum Juris pro Procuratore Curie Ecclesiasticæ
Mecbliniensis contra P. Paschasium Quesnel. 421
Bbb b 2 Bac.

- Bacchini (Benedicti) *Dissertatio de Ecclesiastica Hierarchia Originibus.* 330
- Brantii (Gerhardi) *Historia Reformationis Belgii & vicinarum provinciarum.* 56
- Braunii (Job.) *Commentarius in Epistolam ad Hebraeos.* 390
- Braun (Davidi) *Meditationes selectae de Sublimi Hominis Scientia.* 51
- Burke (Roberti) *Discursus de Unitate Ecclesiae; de Dissentientium Separatione ab Ecclesia Anglicana &c.* 232
- Calvoerii (Caspari) *Ritualis Ecclesiasticae Pars posterior.* 166
- Chreyghton (Johannis) *trium S. Johannis & unica S. Jacobi Epistolarum Explicatio.* 269
- Clerici (Joannis) *Nota in Geographiam Sacram Nicolai Sansoni.* 555
- Croesii (Gerhardi) *Historia Hebraeorum ab Homero exposita.* 74
- Cyrilli Hierosolymitani Archiepiscopi *Opera, quae supersunt, omnia.* 1
- Van Dale (Antonii) *Dissertatio super Aristotele de LXX Interpretibus: Historia Baptismorum &c.* 519
- Dandini (Anselmi) *De Suspectis de Haresi Opus.* 547
- Dodwelli (Henrici) *De Nupero Schismate Anglicano Paracensis ad externos, quia Episcoporum a Magistratu Seculari independentia asserenda commendatur.* 132
- Erasmi (Desiderii) *Operum omnium Tomus V. VI. VII.* 481
- Feustkingii (Jo. Henrici) *Commentarius in Epistolam II ad Timotheum, secundam & tertiam Johannis, & Judae.* 242
- Forbesii (Joannis) *a Corinthe Opera omnia.* 227
- Van der Hardt (Hermann) *Epistola in Genes. II. 18. 19. 20. de vocatis ab Adamo animalibus.* 247
- Hodii (Humberti) *de Bibliorum Textibus originalibus, versibusque Graecis & Latina vulgata.* 507
- Hunnii (Aegidii) *Thesaurus Apostolicus, complectens Commentarios in omnes N. T. Epistolas & Apocalypsin Johannis.* 241
- Jaqueloti *Consensus Fidei & Rationis.* 440. 552
- Ittigii (Thomae) *de Synodi Carentonensis a Reformatis A. 1631 celebratae Indulgentiae erga Lutheranos.* 364

INDEX AUCTORUM.

565

- Junieu (*Petri*) *Historia Critica dogmatum & cultuum bonorum
malorumque in Ecclesia ab Adamo uque ad Chri-
stum receptorum.* 9
- Kennet (*White*) *de Appropriationibus & Augmento Curarum, quae
Vicaria dicuntur &c.* 193
- Leidekkeri (*Melchioris*) *de Republica Hebraeorum Libri XII.* 97
- Ludolfi (*Jobi*) *Psalterium Davidis Aethiopice & Latine, cum No-
tis & Lectionibus.* 64
- Mabillonii (*Johannis*) *Annales Ordinis S. Benedicti.* 413
- De Malvenda (*Petri*) *de Concilio Tridentino Epistola & Obserua-
tiones* 246
- Mayeri (*Jo. Friderici*) *Bibliotheca Scriptorum Theologiae Moralis
& Conscientiarum.* 560
- Milles (*Thomae*) *Nota in S. Cyrilli Archiepiscopi Hierosolymitani
Opera.* 1
- Mulleri (*Jo. Joachimi*) *Historia Protestationis Statuum Evangeli-
corum & Augustanae Confessionis.* 255
- Nicholls (*Gulielmi*) *Collatio cum Theista, concernens doctrinam
de Immortalitate Animae.* 91
- - *Tractatus de Religione Principis.* 381
- Niemeieri (*Jo. Bartholdi*) *de Conjugiis prohibitis Dissertationes
junctim editae.* 315
- - *Theologia Moralis.* 558
- A Piconio (*Bernardini*) *Epistolarum B. Pauli Apostoli triplex Ex-
positio.* 476
- Pippingi (*Henrici*) *Sacer Decadum Septenarius, Memoriam Theo-
logorum nostra aetate Clarissimorum renovatam ex-
hibens.* 230
- Quesnelli (*Paschasti*) *Idea universalis Libelli, qui sub titulo Moti-
vi Juris contra P. Quesnellum editus est.* 426
- Sanfon (*Nicolai*) *Geographia Sacra, cum notis Jo. Clerici.* 555
- Schmidii (*Jo. Andreae*) *Compendium Theologiae Moralis.* 559
- Sgambati (*Scipionis*) *Archivorum Veteris Test. Libri III, seu de
Apocryphis V. T.* 337
- Strauchii (*Aegidii*) *Theologia Moralis, edita a D. Jo. Frid. Maye-
ro.* 560

Strimeſii (<i>Samuelii</i>) <i>Delineatio Consensus inter Evangelicos, Lutheranos & Reformatos, in fundamento fidei.</i>	139
<i>Van Toll</i> (<i>Theodori</i>) <i>Expositio Prophetæ Amos.</i>	487
<i>Vaes</i> (<i>J. A.</i>) <i>Processus Officii Fiscalis Curia Eccles. Mechliniensis contra Gabrielem Gerberon.</i>	242
<i>De Vargas</i> (<i>Francisci</i>) <i>aliorumque de Concilio Tridentino Epistola & Observationes.</i>	246

II. Libri Juridici.

<i>Anonymi Manuale Processus Imperialis, seu Judicii Casareo-Imperialis Aulici.</i>	430
<i>Bergeri</i> (<i>Jo. Henrici</i>) <i>Enarratio L. 10. ff. de Jure Fisci & L. 2. C. qui & adv. quos in integr. rest.</i>	433
- - - <i>Electa Processus Executivi, Possessorii, Provocatorii & Matrimonialis.</i>	36
<i>Gothofredi</i> (<i>Dionysii</i>) <i>Corpus Juris Civilis Romani.</i>	537
<i>Hornii</i> (<i>Casparis Henrici</i>) <i>Jurisprudentia Feudalis Longobardo-Teutonica.</i>	340
- - - <i>De Jure Proedrie seu Præcedentia.</i>	491
<i>Kennet</i> (<i>White</i>) <i>de Appropriationibus, & Augmentis Curarum, quæ Vicariæ dicuntur &c.</i>	193
<i>De Lyncker</i> (<i>Nicol. Christoph. L. Baronis & Equitis</i>) <i>Consilia, seu Responsa.</i>	314
<i>Mayeri</i> (<i>Joh. Ebrensfried</i>) <i>Tractatus de Jure Primariorum Precum.</i>	428
<i>Menckenii</i> (<i>Luderi</i>) <i>Dissertationes Juridicæ.</i>	344
<i>Rivini</i> (<i>Q. Sept. Florentis</i>) <i>Enunciata Juris ad Ordinationem Processus Saxon. Electoralem.</i>	379
<i>Struvii</i> (<i>Georgii Adami</i>) <i>Jurisprudentia Germanicæ.</i>	43
<i>Struvii</i> (<i>Burckard Gottbelsii</i>) <i>de Vita & Scriptis Georgii Adami Struvii.</i>	127
<i>Voet</i> (<i>Johannis</i>) <i>Commentarii ad Pandectas Pars posterior..</i>	493
<i>Westenbergii</i> (<i>Joannis Orwin</i>) <i>de Causis Obligationum liber singularis.</i>	207

III. Libri Medici & Physici.

- A** Nonymi Dilucidatio Libri de Generatione Vermium in Corpore Humana. 345
- Anonymi Collectio præcipuorum quorundam Naturæ Phenomenorum, una cum variis Discursibus coram Societate Regia recitatis. 539
- Camelli (Georgii Josephi) Historia Stirpium insule Luzonis & reliquarum Philippinarum. 180
- Cowper (Guilielmi) Epistola exhibens Anatomen earum Marsupialis Americani partium, quæ a fœmina partibus discrepant. 110
- Freind (Johannis) Emmenologia, seu de Fluxu Muliebri Menstruo. 174
- De Moor (Bartholomæi) Pathologia Cerebri Delineatio Præctica. 57
- Morlandi (Samuelis) Observationes circa partes & usum florum in plantis. 275
- Raji (Joannis) Historia Plantarum Tomus III. 180
- Ridley (Hum.) Observationes de Asthmate, Hydrophobia, Cordis in Embryone structura &c. 117
- - - Experimentum Anatomicum ad veram Dura Matris motus causam detegendam. 215
- Sidetæ (Marcelli) Carmen de Medicina ex Piscibus. 326
- Scheuchzeri Specimen Lithographia Helvetica curiosa. 479
- Tournefort (Josephi Pitton) Corollarium Institutionum Rei Herbariæ. 138. 139
- Valsalvæ (Antonii Mariae) de Auris Humana Tractatus. 462
- Vicussens (Raymundi) Novum Vasorum Corporis Humani Systema. 453
- Wedellii (Georgii Wolffgangi) Centuriæ II Exercitationum Medico-Philologicarum Decas I. 251
- - - Introductio in Alchimiam. 406
- Wolffii (Ido) Observationum Chirurgico-Medicarum Libri II. 286
- Wrightii (Jo.) de Ulcere Pulmonum Epistola ad Gu. Cowperam, cum bujus responsione. 211

IV. Libri Mathematici.

- A** Nonymi Collectio Natura Phenomenorum a maximis avi-
bus Philosophis explicatorum. 539
- Bernoullii (Joannis) Motus Reptorius pro Lineis Curvis in unam
omnibus aequalem colligendis vel a se mutuo subtra-
bendis. 347
- Blanchinii (Francisci) Solutio Problematis Paschalis. 305
- Craig (Jo.) Solutio Problematis a Jo. Bernoullio in Diario Gallico
A. 1703 M. Febr. propositi. 190
- Hayes (Caroli) Tractatus de Fluxionibus, sive Introductio ad Phi-
losophiam Mathematicam & Mechanicam. 474
- Jartoux Observationes Macularum Solarium Pekino ex Sina-
missis. 483
- Newtoni (Isaaci) Tractatus duo, de Speciebus & Magnitudine
Figurarum curvilinearum. 30
- Quartaironii (Dominici) Responsiones ad nonnullas Assertiones pro
Reformatione Calendarii Gregoriani de Paschate
A. 1700. 319

V. Libri Historici, Geogra-
phici &c.

- A** Nonymi Sylloge Itinerariorum, quorum aliqua e linguis ex-
oticis in Anglicam translata, alia nunc primum
ex schedis Auctorum produnt &c. 151
- Anonymi Historia humani generis. 431
- Arriani Nicomediensis Expeditionis Alexandri Libri VII & His-
toria Indica. 295
- Bacchini (Benedicti) de Ecclesiastica Hierarchia Originibus. 330
- Begeri (Laurentii) Commentarius in Flori Rerum Romanarum
libros duos priores. 49
- Bosmanni (Guilielmi) Historia Itineris ad Littoris Guineensis in
Africa provincias suscepti. 261

Bran-

Brantii (Gerhardi) <i>Historia Reformationis Belgii & vicinarum provinciarum.</i>	56
De la Chaulle (Mich. Angeli) <i>Aureus Constantini Augusti Nummus de Urbe liberata explicatus.</i>	285
De la Croix <i>Geographia Universalis.</i>	479
Dodwelli (Henrici) <i>Chronologia Xenophontea.</i>	310
Eytingii (Elie Martini) <i>Vita Ernesti Pii, Ducis Saxonie.</i>	68
Fabricii (Jo. Alberti) <i>Bibliotheca Græca.</i>	323
Flori (L. Anselmi) <i>Rerum Romanarum Libri II priores cum notis Laurentii Begeri.</i>	49
Von Franckenberg (Friderici Leutholfs) <i>Fœcialis Europæ, sive Accurata Descriptio Europæo-Christianorum Imperii, Regnorum &c.</i>	529
Gatti (Antonii) <i>Gymnasiu Ticinensis Historia & Vindicia.</i>	394
Genebrier <i>Dissertatio de Magnia Urbica.</i>	399
- - - <i>de Nigriniano.</i>	403
Gronovii (Jacobi) <i>Notæ in Arrianum de Expeditione Alexandri & Historiam Indicam.</i>	295
Gros de Boze <i>Dissertatio de Jano antiquorum deque Nummis eo pertinentibus.</i>	405
Hankii (Martini) <i>de Silesiorum Nominibus, Majoribus & Rebus ab A. 550 ad 1170.</i>	257
Hooft (Petri Cornelii) <i>Opera omnia.</i>	385
Hyde (Eduardi) <i>Comitis de Clarendon Historia Rebellionis & Bellorum Angliæ Civilium ab A. 1641.</i>	145
Leidekkeri (Melchioris) <i>de Republica Hebræorum Libri XII.</i>	97
Leuckfeld (Jo. Georgii) <i>Descriptio Historica Libere Imperialis Abbatia Walckenredensis.</i>	409
Löschneri (Valentini Ernesti) <i>Ion, sive Originum Græciæ restauratarum Libri II.</i>	361
Lucentii (Julii Ambrosii) <i>Fulginatensium Elogia Sacra.</i>	267
Mabillonii (Johannis) <i>Annales Ordinis S. Benedicti.</i>	413
Mulleri (Jo. Joachimi) <i>Historia Protestationis Statuum Evangelicorum & Augustanæ Confessionis.</i>	255
Nicolson (Wilhelmi) <i>Bibliotheca Historica Scotica.</i>	156
Pippingii (Henrici) <i>Sacer Decadum Septenarius, Memoriam Theo-</i>	

logorum nostra aetate Clarissimorum renovatam exhibens.	230
Sanfon (Nicolai) <i>Geographia Sacra cum notis Jo. Clerici.</i>	555
Smithi (Thome) <i>Vita D. Rob. Huntingtoni & D. Ed. Benrardi.</i>	217
Struve (Burchard Gottbelff) <i>de Vita & Scriptis Georgii Adami Struvii.</i>	127
Teissieri (Antonii) <i>Selecta Bibliotheca Historica.</i>	169
Tentzelii (Wilh. Ernesti) <i>Saxonia Numismatica.</i>	289. 501
Vaes (J. A.) <i>Processus contra D. Gabrielem Gerberon.</i>	242
Wächtleri (Christfried) <i>de Cancellariis Veterum Commentatio.</i>	171
Wells (Eduardi) <i>Opera Xenophontis illustrata.</i>	30
Wolfii (Jo. Christophori) <i>Historia Lexicorum Hebraicorum.</i>	301
Xenophontis <i>Opera omnia, curante Ed. Wells.</i>	310
Zeni (Apostoli) <i>Dissertatio Epistolica de magno Opere Meditationum Philosophicarum Dn. Bernardi Tarvisini, quae de origine & Viris doctis Gentis Tarvisinae exponitur.</i>	550

VI. Libri Philosophici & Philologici Miscellanei.

A Bſchatzii (Jo. Asmanni L. B.) <i>Metaphraſes & Opera Poëtica.</i>	71
Braun (Davidis) <i>Meditationes ſelecta de Sublimi Hominiſ Sciencia.</i>	51
Buchneri (Auguſti) <i>Orationum Academicarum Volumina tria.</i>	448
De la Chauffe (Michaelis Angeli) <i>Aureus Conſtantini Auguſti Nummus explicatus.</i>	285
Groefii (Gerhardi) <i>Opus & Eſſe, ſive Hiſtoria Hebraeorum ab Homero in Odyſſea & Iliade expoſita.</i>	74
Deſcine (Franciſci) & aliorum <i>Deſcriptio Veteris Novaeque Roma.</i>	478
Gro-	

INDEX AUCTORUM.

571

Gronovii (Jacobi) <i>Thesaurus Antiquitatum Græcarum. Tomi VI.</i>	
VII. VIII.	25
- - - Tomi IX. & X.	85
- - - XI. & XII.	123
Gutberlethi (Tobie) <i>de Saliis Sacerdotibus & Opuscula alia.</i>	534
Hoofst (Petri Cornelii) <i>Opera omnia.</i>	385
Huntingtoni (Roberti) <i>Epistola.</i>	217
Jaqueloti <i>Consensus Fidei & Rationis.</i>	440-552
Kederi (Nicolai) <i>de Numis Runicis Commentatio.</i>	56
Needham (Petri) <i>Geoponicorum sive de Re Rustica Libri, cum prolegomenis, notis & indicibus.</i>	183
Nicholls (Gulielmi) <i>Collatio cum Theista, concernens Immortalitatem animæ.</i>	91
Nomii (Frederici) <i>Liber Satyrarum sedecim.</i>	312
Piazza (Bartholomæi) <i>Hierarchia Cardinalitia.</i>	527
Relandi (Adriani) <i>Dissertatio altera de Inscriptione Nummorum quorundam Samaritanorum.</i>	276
Rohrmanni (Christiani) <i>Uratistavia centum anagrammatibus adumbrata.</i>	299
Temple (Wilhelmi) <i>Opuscula posthuma, de indignatione populi: de sanitate & longæva vita: de eruditione veterum &c.</i>	39
Tribbechovii (Joannis) <i>Elementa Lingue Παρσιακῆς, seu Græcæ vulgaris.</i>	61
Ursii (Jo. Josephi Marchionis) <i>Observationes in Librum Gallicum Bouhoursii de Sententiis Ingeniosis.</i>	570
Wächtleri (Christfried) <i>de Cancellariis Veterum Commentatio.</i>	171
Wedelii (Georgii Wolfgang) <i>Centuriæ II Exercitationum Medico-Philologicarum Decas I.</i>	251
Zeni (Apostoli) <i>Dissertatio Epistolica de magno Opere Meditationum Philoſophicarum Dñ. Bernardi Tarcisii Patricii Veneti.</i>	550

INDEX RERUM NOTABILIORUM

in hoc volumine obviarum.

צוֹן vocis Hebraea significatio.	Advocata Abbatia Walckenre-
15 16	denfis penes quos olim fueris ?
Abbatix Walckenredensis qui-	410 sq.
nam olim Advocati ? 410	In Advocatorum pena leutera-
Abrahami Historia ab Homero	tioni aut appellationi non est
descripta. 82. sq.	locus. 379
Abſchatzii (Jo. Armanni) elogi-	Ædilitium Edictum explicatum.
um. 71	210
Acacii Cæsariensis lis cum Cyrillo	Ægyptii cur Apin & Mnevin co-
Hierosolymitano. 3. sq.	luerint ? 19
Academix Ticinensis Origo. 397	Ægyptiorum Isis & Osiris qualia
398	Numina ? 20
Academiarum Cancellarii. 173	Aer quantam patiatur compres-
Accrescendi jus num inter lega-	sionem ? 542
tarios verbis tantum con-	- - condensari & rareſceri ne-
junctos locum habeat ? 493	quit in infinitum. 543
Actio pœnalis furti quando com-	Aeris expansio quomodo crescat ?
perat contra furis hæredes ?	542
500	densitatis quamam ſit ratio ?
Actionum in factum origo &	542
varietas. 209	altitudo. 542
Acus magnetica inventio. 152	Æthiopicum Davidis Pſalteri-
- - - declinatio cur	um. 64
varietur ? 540. 541	Agnelli de Ravennatis Eccleſia
Acusticæ cum Optica convenien-	Pontificibus ſcripſum cum no-
tia. 540	tis Benediſti Bacchinii publi-
Adamus num omnibus animal-	candum. 330
bus nomina impoſuerit ? 248	א'י'ו'ו'א Chriſti. 253
Adiposi ductus ex arteriis orien-	Alchimix abusus. 408
tes. 458	In Alchimiam Introductio. 406
	Al-

Alchimistarum <i>requisita.</i>	407	<i>cium publicum?</i>	237
<i>modus scribendi.</i>	407	Anglicani belli civilis <i>A. 1641</i> co-	
Alexandri II R. P. <i>erga Lanfran-</i>		<i>pri historia.</i>	145
<i>cum, olim praeceptorem, pietas.</i>	397	Anima & corpus <i>quomodo erga</i>	
Allii <i>textura.</i>	277	<i>se invicem se habeant?</i>	553
Amnianus Marcellinus <i>expli-</i>		Anima <i>humana quid?</i>	52. 446
<i>cus.</i>	405	Animæ immortalitas <i>asserta.</i>	53
In Amosi Prophetiam <i>Commenta-</i>		<i>91 seqq.</i>	
<i>rius.</i>	487	Animalculorum <i>in semine huma-</i>	
Amphoræ <i>quid & quotuplices?</i>	280	<i>no figura.</i>	545
Amplitudo <i>Curva.</i>	350	Animalia <i>generantur ex animal-</i>	
Anabaptismi <i>Hæreticorum &</i>		<i>culo.</i>	544
<i>Schismaticorum origo.</i>	526	Animalibus <i>cunctis num nomina</i>	
De Anagrammatibus <i>variorum</i>		<i>imposuerit Adamus?</i>	248
<i>judicia.</i>	299	Animantium <i>prima stamina ab</i>	
Anagrammatum <i>exempla curio-</i>		<i>origine mundi exstiterè.</i>	545
<i>sa.</i>	300	Animus <i>inquietus proprium ho-</i>	
Ancilia <i>Saliorum descripta.</i>	535	<i>minis.</i>	39
Angeli <i>num hodieque peccare</i>		Anna Augusti Electoris Saxonie	
<i>queant?</i>	8	<i>conjug Nata Daniæ Regina in</i>	
In Anglia <i>qua fuerit pro diversis</i>		<i>nummis diæla.</i>	294
<i>temporibus bonorum Ecclesia</i>		Annæ Angliæ Regine <i>erga pau-</i>	
<i>sticorum conditio?</i>	195	<i>peres Ecclesiæ Ministros libera-</i>	
<i>novum schisma sub Wil-</i>		<i>litas.</i>	193. 205
<i>helmo Rege exortum</i>	132	Anni Tropici <i>quantitas.</i>	369
Angliæ Reges <i>quomodo annatas</i>		Antiquitates Hebraeorum <i>illustra-</i>	
<i>& decimas e beneficiis Eccle-</i>		<i>ta.</i>	97 sq.
<i>siasticis sibi vindicarint?</i>	199	Apin & Mnevin Ægyptii <i>cur co-</i>	
<i>sq. 205</i>		<i>luerint?</i>	19
Ab Anglicana Ecclesia <i>qui discesse-</i>		Apis <i>apud Ægyptios non Osiri-</i>	
<i>runt, num sint schismatici?</i>	237	<i>dus, sed Isidus, seu Nature uni-</i>	
Cum Anglicana Ecclesia <i>nun-</i>		<i>versa symbolum.</i>	22
<i>communicare possint Dissenti-</i>		Apocryphorum Veteris Testa-	
<i>entes, ut habiles fiant ad offi-</i>		<i>menti Librorum Catalogus.</i>	338 sq.
		Apollonii <i>translatio, quod Christus</i>	

- Apostolis preceperit, ne intra 12 annos Hierosolymis excederent, explicata & defensa.* 332
- Apoplexia quid?* 59
- Apostolorum Collegium Hierosolymitanum cur Αποστολικόν τιτλο non fuerit insignium?* 153
- Appropriationum in Anglia origo & abusus.* 193 sq.
- Apuleius Geoponicorum scriptor quis?* 186
- Arabum Elephantiasis est morbus Phanicus Hippocratis.* 252
- Archii - Marefchallatus Imperii Romano-Germanici Saxonia Electori competens quamvis jura complectatur?* 531 sq.
- Argathelie Comitissae in Scotia memorabilis erga Carolum Regem ingratitude.* 149
- Αργυρεον quid?* 253
- Arstex de Septuaginta-Virali versione commentum exploratum.* 510 sq. 519 sq.
- quomodo natum?* 511
- Arrianus emendatus.* 296
- Arteriarum textura.* 458
- Asia Græcorum patria antiquissima.* 362
- De Asini capite in Hierosolymitani templi penetralibus detecti calumnia gentilium unde?* 28.
- Ασσερον quid?* 254
- Asscuratio Anglis familiaris.* 544
- Asthma siccum & humidum inter se non differunt.* 119
- Astorii (Jo. Antonii) de Divisibilibus sententia.* 536
- Astrorum cultus per imagines ut caperit?* 17
- Asymptotos quanam?* 32
- Athenæus explicatus.* 281.
- Cum Auditu visus convenit.* 540
- Aventures de Telemaque fils d'Ulysse, liber notatus.* 78
- Augustanorum Comitiorum A. 1530 Historia.* 257
- Augusti Electoris Saxonia memoria dicata numismata.* 294
- Auriculæ structura.* 463
- glandule sebaceæ.* 462
- musculus quintus.* 462
- cum offe temporum conexio.* 464
- Auris humane fabrica.* 462
- partium usus.* 469
- Aurium officula.* 465. 466
- Axamenta quid?* 536
- Aximenfis in Guineensi littore provincia quibus bodienum parcat?* 262
- B** *Aldæi (Philippi) Descriptio Littorum Malabarica &c.* 155
- Baptismi in veteri Ecclesia ceremonie.* 8.9
- Baptismus Judæorum cum baptismo Christianorum collatus.* 524
- Basi-

NOTABILIORUM.

575.

Basilii (Valentini) Vita.	255	Bouhoursius refutatus.	371 sq.
Baumgarten (Martini) Iter in Egyptum &c.	153	Brunnemannii (Johannis) vita.	232
Belgicarum Ecclesiarum Catholi- carum libertates.	108	Brunsvigo-Luneburgicæ Domui asseritum jus in Abbatiam Wal- ckenredensem.	412
Bellarminus notatus.	18	Brutorum anima num immorta- lis?	94
Benedictini Ordinis Annales Ma- billoniani.	413 sq.	De Bucephalo varia.	297
Scriptores.	414	De Buchananani Historia Scotica judicium.	161
Bernardi (Edwardi) Vita.	223	Buchneri (Augusti) Vita.	450
Scripta.	224	in Academi- am Wittebergensem merita.	453
SS. Bibliorum nova versio Slavo- nica adornanda.	240	Buckinghami Ducis Georgii fata & ambitio.	148
versio Græca LXX- vinalis quo tempore & quibus auctoribus fuerit confecta?	509 sq. 519 sq.	Cabiri Dii quinam?	536
Bibliotheca Historica.	169	Cainan quomodo in Genea- logiam Christi apud Lucam ir- repperit?	99
Græca.	323	Calculus. Vide Differentialis & Summatorius.	
Historica Scotica.	156	Cambialis Processus notabilia.	437
Scriptorum Theolo- gia Moralis & Conscientiaris.	561	Camdenus (Guilielmus) notatus.	158
Bilis natura & usus.	546	Camphoræ vis topica.	178
Bochartus notatus.	526	Cancellarii Academicarum.	173
Boethius (Hector) notatus.	157. 161	De Cancellariis veterum commen- tatio.	171
Bonarellus (Guidobaldus) a cen- suris Gallorum vindicatus.	375	Caprifolii textura.	276
Bonorum Ecclesiasticorum in Anglia diversa diversis tem- poribus conditio.	195. sq.	Cardinalium, Episcoporum, Pres- byterorum & Diaconorum Diœceses & Tituli luculenter descripti.	527 sq.
Botanicæ rei promovenda studi- um.	139	Carentonenses Synodi tres.	366
Botanici studii incrementa.	181	Caren-	
Botanicorum librorum recensio.	181		

Carentonenſis Synodi a Reformationis A. 1631 celebrata indulgentia erga Lutheranos ſub eſſenſem vocata.	364	Cerebri Pathologia.	57
Carcru (Franciſci Gemelli) Iter recentiſſimum circa mundum.	155	Cherubim & Theraphim num iidem?	14
Cari ſpecies tres.	59	Chorii textura.	457
Caroli I Magna Britannia Regis infelicitas.	150	Chriſti ecſtaſis.	253
Cafalius (Jo. Baptiſta) notatus.	87	αἰγῶνια.	253
Caſſianus Baſſus collector fragmentorum Græcorum de Re Ruſtica.	185	Chriſtiana religio aſſerta.	51, 55
De Caſſiodoro varia.	173	Chriſtianæ religionis propagata tres periodi.	322
Catecheſium S. Cyrilli, Archiepiſcopi Hieroſolymitani, editio nes & verſiones varia.	1 ſq.	De Chriſto conſenſu Reformato- rum cum Lutheranis.	142
Catechumenorum in Chriſtiana Eccleſia cum Proſelytis Judeo- rum comparatio.	526	Chriſtus & Apoſtoli num Veteris Teſtamenti loca ex textu Hebraeo, an ex Græca verſione allegarint?	514
Catholicæ Eccleſie quanam?	136	In Civitate quâcunque quot ad pugnandum apti?	543
Cave (Guilielmi) Episto- la de Presbyteri Penitentiarii in Eccleſia inſtitutione & abrogatione.	167	Claudi Novi Teſtamenti.	254
Cenſus Auguſti.	251	Clemens Alexandrinus illuſtra- tus.	329
Ceremoniæ in ſacris præter eas, quas Deus conſtituit, a Magiſtratu Politico recte inſtituuntur.	234	Clementina periodus.	307
Cereviſiarum jus.	437	Cleri in Anglia miſera ſub plu- ribus Regibus conditio.	200 ſq.
Cephalalgia a vermibus ſub cute in vertice nidulantibus.	287	Coddæus (Petrus) Archiepiſcopus Sebaſtenus & per Belgi- um Federatum Vicarius Apoſ- tolicus Janſeniſmi accuſatus.	105 ſq. 423
Cephalalgia causa.	58	defenſus.	106
		Cœcitas & ruptura cornea ex Hemicrania.	287
		S. Cœna num apud Reformatos uti liceat Lutheranis?	368
		De Cœna Domini num fundamen- taliter Reformati a Lutheranis, & viciffim, diſſentiant?	141
		Coma	

Colorum Theoria Newtoniana.	540	reus explicatus.	284
		Arcus triumphalis.	284
Coma vigil quid?	58	Contractus quales celebrentur	
somnolentum quid?	58.59	inter metallifodinarum cultores?	343
Comitorum Græcorum Poetarum deperditorum notitia.	324	Cor est musculus.	446
Comitibus Palatinis quis locus debeatur?	493	Cordis embryonis delineatio.	119
Comitiorum Augustanorum A. 1530 Historia.	257	diastole a Lowero male explicata.	546. 547
Conceptiones extra uterum factæ.	545	In Cordis cono vulnus sanatum.	287
Concionandi nova ratio quibusdam familiaris reprehensæ.	389	Coræ Regni descriptio.	155
Concoctio quomodo fiat?	546	Corneæ rupturæ & cæcitas ex Hemisphæria.	287
Condictio ex Lege quid & quod duplex?	209	Coronæ Imperialis textura.	276
Confessio auricularis Pontificiorum improbatæ.	168	Corpori quomodo motus a voluntate imperetur?	553. 554
peccatorum ad S. Communionem accessuris quatenus in Ecclesia Anglicana necessaria?	168	Corporis Juris Civilis Romani editio nova.	537
Conjuges inter num communio bonorum Jure Civili constituta sit?	496	Corpus & anima quomodo erga se invicem se habeant?	553
omnium bonorum communio in Hollandia, ejusque effectus.	496	num in se invicem agant?	555
Conjugia quænam prohibita?	316. sq.	Craigii (Johannis) Solutio Problematis de transformatione Curvarum taxatur.	348. 349
Consilia seu Responsa Juris nova.	314	Creationis Historia vindicata.	441
Constantini Augusti nummus aureus explicatus.		Creditricis, quæ debitori nupsit, pecunia pro dote habetur.	389
		Crescollius (Ludovicus) notatus.	88
		Curva reptoria.	351
		linea pellucida in Sole observata.	486
		Curvæ primi, secundi, tertii &c. generis quænam sint?	31
		Ddd d	Cur-

- Curvæ Geometricæ quomodo inve-
 niantur innumera æquales? 160
 proprietates. 325
 amplitudo. 350
 Curvarum primi generis propri-
 etatibus similes proprietates
 curvarum generis secundi &
 superiorum. 31
 umbra quamvis gene-
 rare valeat curvas? 33
 De Curvarum transformatione
 iudicium Leibnitii. 350
 Curvas transformandi methodus.
 353; 354. 356. sq.
 Cycli Paschales notari. 321
 Cyclos novus Paschalis.
 censura 28
 Mathematicorum submissus.
 308
 Cyrilli ex Theophylacto de-
 sumtus. 320
 notatus. 321
 Hippolyti notatus. 321
 Eusebii notatus. 321
 Victorii notatus. 321
 Theophili notatus. 321
 S. Cyrilli Hierosolymitani Archi-
 episcopi Opera omnia. 1. sq.
 Vita. 2 sq.
 Scripta. 5. sq.
D Amasi Pontificis Romani
 cum Hieronymo familia-
 ritas. 172
 Dampier (Guilielmi) Planta in
 exteris regionibus observata
 & collecta. 183
 Davidis Psalterium Æthiopicum.
 64
 Declinatio Acis Magnetica cur-
 varietur? 540. 541
 Dei existentia ex natura ipsa e-
 victa. 513. sq.
 Demetrius Phalereus num pro-
 moror fueris versionis LXXvi-
 ralis Bibliorum? 508. 520
 Demontiosius (Eudovicus) nota-
 tus. 87
 Δηνάριος quid? 254
 Diaconorum Cardinalium qua-
 tuordecim Diaconia. 529
 Dialectus Alexandrina. 510. sq.
 Dianæ Ephesii symbolica statua.
 28
 Diastole cordis a Lævero male ex-
 plicata. 546. 547
 quomodo fiat? 547
 Dicæarchus illustratus. 124
 Diſtyis editio Amstelodamensis
 nova emendata. 324
 Ex L. Diffamari quomodo agen-
 dum? 438
 Differentialis calculi origo. 34
 & methodi
 fluxionum convenientia. 35
 & summatorius cal-
 culus quomodo differant? 35
 ipsius xy demonstra-
 tio. 475
 Differentiarum genesis. 34
 De Dionysio Syromemorabili. 222
 Dispensatio num fieri possit circa
 con-

<i>conjugia jure Divino prohibita?</i>	318	Emmenagogorum operandi ratio.	178
<i>Divortia quatenus apud Romanos fuerint tolerata?</i>	496	Encolpii Historia Alexandri Severi versio Anglicana spuria.	51a
<i>Docetarum error jam ab Apostolico natus.</i>	8	Epactarum mutationis causa.	321
<i>Doctorum lris de precedencia cum Comitibus Palatinis.</i>	493	In Epactarum dispositione a quibus error commissus?	32a
<i>Dowglas (Gaweni) versio Scotica Aeneidos Virgilii.</i>	160	In Epactis Cycli disponendis major Plenilunii quam Novilunii habenda ratio.	308
<i>Δεῦρον quid?</i>	254	Episcoporum jura vetera & a Magistratu Seculari independentia asserta.	132. 138
<i>Dux Matris motus causa.</i>	215	olim paritas explicata.	137
E cclesia Romana reliquarum in Occidente mater.	333	Cardinalium Diacones.	527
<i>Ecclesiae primitivae facies.</i>	133. 19.	In Epistolas Apostolicas Commentarius Aegidii Hunni & Joh. Henrici Feustkingii.	248
forma numeri.		Erasmii (Desiderii) Operum nova editio ex Belgio expectanda.	239
<i>ad formam Romani Imperii fuerit instituta?</i>	331	Erasmus (Desiderius) a suspicionem Arianismi vindicatus.	483
alia modo in Oriente, alio in Occidente fundata.	333	Ernesti Pii Ducis Saxoniae Vita.	68
<i>Ecclesiasticae Antiquitates illustratae.</i>	8	Evangelii Jesu Christi secundum quatuor Evangelistas Expositio.	388. seq.
Hierarchia originis.	330	Evictio quando prestanda?	46
<i>Ecclesiasticorum bonorum in Anglia diversa diversis temporibus conditio.</i>	195. 19.	Europaeorum Regnorum ac Regum publicarum luculentia Descriptio.	529
rituum institutio humana auctoritati vindicata.	234. 19.	Eusebii de Locis Hebraicis liber cum versione Hieronymiana	
<i>Ecclesiasticis Christi.</i>	253		
<i>Εὐχαριστία quis?</i>	15	Ddd d 2	6
<i>Elateris in aere resistentia quantitas sit?</i>	542		
<i>Elephantiasis Arabum est morbus Ponicus Hippocratis.</i>	252		

<i>Et notis Jo. Clerici edendus.</i>	<i>confiniis descriptio.</i>	264
558	<i>Fides operibus contradistincta.</i>	
Eusebii <i>Cyclus notatus.</i>	320	<i>quid D. Jacobo?</i> 273. sq.
Eusebius <i>illustratus.</i>	21	<i>Fisci jus in dubiis questionibus.</i>
Executivi <i>Processus in foro que</i>		433. sq.
<i>ratio?</i>	436	<i>Fixarum distantia.</i>
Exorcismus <i>in baptismo jam in</i>		540
<i>veteri Ecclesia observatus.</i>	8	<i>Florentini Concilii exemplar Et</i>
F aber (Tanaquillus) <i>notatus.</i>		<i>fragmenta.</i> 219
90	<i>Florum partes Et usus.</i>	275
Factio <i>num in Rebus publicis ori-</i>		<i>Florus per numismata illustratus.</i>
<i>go.</i>	39. sq.	49
Faculæ <i>Solares observatae.</i>	484	<i>vindicatus.</i> 50
Facularum <i>Solarium natura.</i>	487	<i>illustratus.</i> 282
Farina <i>in plantis an contineat</i>		<i>Fluxionum definitio.</i> 35
<i>plantas seminales?</i>	276	<i>Fluxus albus ex mensum suppres-</i>
Femoris <i>tumor per fascinatio-</i>		<i>sione unde?</i> 178
<i>nem inductus curatus.</i>	287	<i>De Foersteri (Joannis) Lexico He-</i>
Fermentationi <i>producenda infer-</i>		<i>braico judicium.</i> 303
<i>vis saliva.</i>	546	<i>Fœtus ovilli membrana.</i> 456
<i>infer-</i>		<i>rudimenta in quibus ovis</i>
<i>vis bilis.</i>	546	<i>inveniantur?</i> 545
Fermenti <i>ventriculi origo.</i>	457	<i>multi quomodo una exclu-</i>
Feuda <i>in Hollandia a servitiis</i>		<i>dantur?</i> 545
<i>militaribus immunita.</i>	499. sq.	<i>Foramen ovale cordis in embryo-</i>
Feudalis <i>Juris prudentia explicata.</i>	340. sq.	<i>ne.</i> 120
Feudalium <i>mandatorum Collectio.</i>	343. sq.	<i>Forbesii (Joannis) a Corse Vita.</i>
Feudorum <i>in Hollandia que ratio?</i>	499	227
Fidei <i>fundamentum quinam articuli constituent?</i>	140. sq.	<i>scripta.</i> 228
<i>Et rationis consensus.</i>	440. 442	<i>Formosæ insula Descriptiones.</i>
444		153
Fidensis <i>regni in Guineensium.</i>		<i>Formula Concordiæ quatenus a</i>
		<i>Reformatis etiam probetur?</i>
		141. sq.
		<i>Formulæ negotia feudalia con-</i>
		<i>cernentes.</i> 344
		<i>Fossilium figuratorum in Helve-</i>
		<i>tia</i>

<i>tia Historia.</i>	479	Georgius Dux Saxonie unde Bar-	
Franci (Georgii) de Franckenau		batinomen tulit? 292	
<i>Vita.</i>	232	Gerberon (Gabriel) Jansenismi	
Francisci (Erasmi) <i>Vita.</i>	232	damnatus. 242	
Freinshemius (Joannes) <i>notatus.</i>		Gerberoni (Gabrielis) <i>scriptus.</i>	
	87. 297		244. sq.
Friderici Barbarossa <i>Authentica</i>		Gordiani Africani nummus vin-	
<i>Habita illustrata.</i>	389	dicatus. 37	
Fridericus III Elector Saxonie		Gordoni (Roberti) <i>Theatrum.</i>	
<i>quamdium S. R. I. Locumtenen-</i>		Scotie. 158	
<i>tem Generalem se nuncupave-</i>		Gothofredi (Dionysii) <i>Corporis</i>	
<i>rit?</i>	502	<i>Juris Civilis Romani editio no-</i>	
Fritschii (Abasperi) <i>Vita.</i>	232	<i>va.</i> 537	
Fulginatium <i>Scriptorum Elogia.</i>		Græca Bibliotheca. 323	
	267	Græcæ Lingue vulgaris seu Πα-	
<i>Historia Scriptores.</i>		μαίνης <i>Elementa.</i> 61. sq.	
	269	<i>corruptio unde?</i> 61	
Fundamentales <i>Fidei articuli</i>		Græcarum <i>Antiquitatum The-</i>	
<i>qui?</i>	141	<i>saurus Gronovianus.</i> 25. 85. 124	
Furti <i>Actio pœnalis quando com-</i>		<i>Veteris Testamenti</i>	
<i>petat contra furis hæredes?</i>	500	<i>versionum historia.</i> 516. sq.	
G enerationis <i>theoria.</i>	544	Græci olim num ex Europa in-	
Gentilium <i>Theologia solidi-</i>		<i>Asiam, an ex Asia in Europam</i>	
<i>sima.</i>	10	<i>migraverint?</i> 361	
<i>Philosophorum vitia</i>		Græcorum <i>origines genuina.</i> 303	
<i>notata.</i>	54	<i>Autochthonones explosi.</i> 361	
<i>religio explosa.</i>	54	Grammaticarum <i>Hebraicarum</i>	
Geniales <i>partes maris Marsupia-</i>		<i>origines.</i> 302	
<i>lis Americani.</i>	110	Gravitas <i>aeris specifica.</i> 542	
Geographia <i>Sacra Sansonis</i>	5	<i>Mercurii specifica.</i> 542	
<i>Clerici.</i>	555	<i>aeris specifica variat.</i> 543	
Geographiæ <i>Sacra Scriptores.</i>		Gravitatis <i>causa efficiens detectu</i>	
	556	<i>difficilis.</i> 544	
Geoponicorum <i>sive de Re rustica</i>		Grotius (Hugo) <i>notatus.</i> 499	
<i>libri.</i>	183	Guarentigati <i>instrumenti in foro</i>	
		<i>requisita.</i> 436	
		Ddd d 3	Gua-

Guarini (Baptista) Pastor Fidis	72	venta.	326
Germanice versus.	72	Hermetis Tabula Smaragdina	
Guarinus (Baptista) adversus		Chimia sublimioris & Lapidis	
cenſuras Gallorum vindicatus.	375	Philosophici Theoriam conti-	
		net.	253
Guineæ descriptio.	262. ſq.	Hierarchia Cardinalitia.	527
incolarum miſera condi-		Hierarchiæ Eccleſiaſtica origines.	
tio.	263		330
		Hieronymi verſio Bibliorum.	
ſituta.	264	quanta auctoritas?	515
De H æreſi ſuſpecti qui?	547	Hieronymus notatus.	3
H arduinus emendatus.	40	num Cancellarii	
		munere apud Damasum fuerit	
Haveri ſententia de concoctione.	546	ſunctus?	192
Hebræorum Hiſtoria ex Homero		Hierofolymitanæ Eccleſiæ prima-	
eruta.	74	va ſumma auctoritas.	134
antiquitates illuſtra-		naſcen-	
ta.	97. ſq.	te Chriſtianismo Primatus.	332
Ad Hebræos Epiſtola illuſtrata.	390	Hierofolymitanam inter & Ca-	
Hebraici Veteris Teſtamenti tex-		sarienſem Eccleſiam contentio	
tus quanta fuerit auctoritas?	513	de Primatu Paleſtina.	3
Hebraicorum Lexicorum Hiſto-		Hipparchi instrumenta Aſtrono-	
ria.	301	mica notata.	309
Ex Hemisrania cæcitas & ruptura		Hippolyti cyclus notatus.	321
cornea.	287	Hiſtoria Reformationis in Belgio.	
Honochus cum recentioribus Ara-			56
bibus Edris dicatur?	326	Belli Civilis in Anglia A.	
Hepatis ſtructura.	459	1644 cepti.	145
Heracliti Ephēſi ſcripta.	329	Navalis.	151
Herbanæ rei Inſtitutionum Co-		Comitiorum Auguſtano-	
rollarium.	138	rum A. 1530.	257
Hercules Medicus.	252	Sileſia.	259
Hermetis Trimegiſti libri & in-		Græcarum Verſionum	
		Veteris Teſtamenti.	516. ſq.
		legiſlatorum Græcorum.	
			228
		Hiſto-	

Historiæ Hebraorum conditor	sa.	146
Homerus.	74. sq.	causa, cur Historiam belli
Fulginitum in Italia		Civilis Anglia composuerit?
Scriptores.	267. 269	147
Historica Bibliotheca Struviana.		Hydrophobia exemplum.
169		118
Historicorum Scotia Catalogus.		Hyperbola cujusvis generis quot-
160. sq.		nam habere queat asympto-
		105 ?
Hohnsteinii Comites Advocati		32
olim Abbatia Walckenreden-		Hyperbolarum varia genera.
sis.	411	33
Homeri scripta recensita, eorum-		S. Jacobi de Fide & Operibus
que prima editio.	327	doctrina. 273. sq.
Homerus Historia Hebraorum		Epistola. 272
conditor.	74. sq.	Jacobi VI Scotia & post Anglia
Homicidarum singulare olim a-		Regi numismata.
pud Francos supplicium.	418	105
Homo num sit pura machina?		Jacobi Patriarcha familia, qua
92		in Ægyptum descendit, quot
Hooft (Petri Cornelii) Vita.		numero personis constitit?
386. sq.		103 sq.
Historia Henrici IV Regis		Jamaicensium Plantarum Histo-
Gallie Belgica.	387	ria.
styli sublimitas.	388	182
Hori Hieroglyphica a quo pri-		De Jano antiquorum Dissertatio.
um Latine conversa?	324	407
Huetius (Petrus Daniel) notatus.		Jansenianæ factionis capita præ-
398. 527		cipua.
Hulsemanni Casus Conscientie		424
edendi.	560	Jansenismi accusatus Paschasius
Hunniani Collegii instituendi		Quesnellus.
quis olim Ernesto Pio Saxonia		422. sq.
Duci scopus?	69	Jansenistarum Gallia Episcopo-
Huntingtoni (Roberti) Vita.	217	rum querela de Curia Roma-
Hyde (Eduardi) Comitibus Cla-		na.
rendonii fata eorumque cau-		109
		Idololatriæ origo.
		10. 17
		varia genera.
		18
		Jejunium quadraginta dierum
		num inde ab Apostolorum tem-
		poribus usitatum?
		8
		Jenensis Academia nova incre-
		menta.
		96
		Jero-

Jeroboami idololatria qualis?	24	cis renovationis necessitas.	499
S. Ignatii locus illustratus.	515	Investiturarum feudalium formulae.	344
Episcopi Antiocheni Epistola Syriaca frustra quaesita.	218	Joannis Friderici Electoris Saxoniae numismata illustrata.	503. sq.
Imagines majorum quomodo aservari primum & paulatim coli ceperint?	13. 14	ocrea innistata amplitudinis.	506
Imaginum cultus apud Pontificios quomodo?	18	sponsalia cum Catharina Caroli V sorore contracta & rescissa.	257
Immortalitas anime asserta.	91. sq.	S. Johannis trium Epistolarum Analysis.	269
Imperatorum Germanicorum ex jure antiquo circa sacra reliquia, jus primariarum precum.	429	Josephus notatus.	521
Imperii Germanici Statuum Evangelicorum Protestatio in Comitibus Spirensibus & Legatio ad Carolum V Caesarem.	256	Jovem lapidem jurare quid?	255
Imperii Romano-Germanici luculenta Descriptio.	530	Irrationales Geometrice quarum quantitates dicantur?	36
Incarnationis mysterium rationi conciliatum.	445	Isaacus immolandus apud Homœorum.	84
Indifferentia post praeceptum superiorum sunt necessaria.	236	Isis & Osiris qualia apud Aegyptios Numina?	19. sq.
Infinitarum quantitates varias inter se habent proportionem.	540	Itinerariorum Sylloge magna notula.	151
Infiniteismi generis curvam quam sint?	31	collecciones varia.	152
Ingratitudinis praevise exemplum memorabile.	149	Judææ seu Terræ Sanctæ descriptio.	556
Intestinatorum abscisso sine agri detrimento.	287	Judæis tutela liberorum Christianorum minime concedenda.	497
Investiturae in feudis Hollandicis renovationis necessitas.	499	Judaica Reipublicæ status qualis & olim & tempore Apostolorum fuerit?	332
		Judaismus explosus.	55
		Judicii Imperialis Caesareo-Aulici Processus.	430
			Ju-

Julius Africanus Chronographus idem cum auctore K ⁸⁵ v. 186	Legislatorum Græcorum Histo- ria. 328
J ⁸ corum Scoria libri. 164	Leibnitiana Harmonia præstabi- lita hypothesis explicata. 553
Wittebergensium Histo- ria. 435	quomodo cum libertate voluntatis con- sistat? 554
Juridicarum Dissertationum fa- sciculus. 344. sq.	Lethargus quid? 59
Juridicorum Responsorum fasci- culus. 344	Lex X Pandectarum de Jure Fi- sci explicata. 433
Juris Primariarum Precum ori- go. 429	Lexicorum Hebraicorum Histo- ria. 301
Jurisprudentia Struviana Ger- manice edita. 45	Libertatis natura. 446 sq.
Jusjurandum quatenus A ⁸ tori Reove in foro Saxónico liceat deferre? 439.	Libri in lucem prodituri. 336
Justinus Martyr notatus. 521. 524.	Licitationis primæ jus pater per filium mandato licet non in- structum acquirit. 380
K εττογ τοῦ⊙ unde dicta Ve- sta? 21	In Liene, pulmonibus & pene va- forum sanguineorum commu- nicationes. 214
Kόδογς quid? 254	Lienis tex:ura. 459
L abyrinthi auris structura. 468	Lineæ primi, secundi, tertii, quarti &c. ordinis quam di- cantur? 51
Lapides figurati Helvetici. 479	Lithographia Helvetica. 479
Lapidis Philosophici materiæ. 408	Loescheri (Val. Ern.) de Causis Lingue Hebraica promissum opus. 303
us. 408	Longævitatatis causa. 41
Lares & Therapim iidem. 13	Loti historia concumbentis cum filiabus, ab Homero descripta. 81 sq.
Laudemiorum nomine quid in renovatione Feudorum in Hollandia præstandum? 499	Lowerus notatus. 546
Laurentius (Josephus) notatus. 87	Ludolphi (Jobi) elogium. 67
Legati ad externas gentes missi quatenus durante absentia restari possint? 497. 498	Lumen successive propagatur. 540
Ex Lege Diffamari quomodo a- gendum? 438	Lu-

- Morbus *Pbaniceus Hippocrati* 458
est Elephantiasis Arabum.
 252
 Moscovia *literarum hodie studio*
dedita. 240
 Moscoviæ *Imperatoris cura stu-*
diorum promovendorum. 383
 Moses *sub Typhonis nomine no-*
tatus. 23
& S. Stephanus circum-
merum familia Jacobi con-
ciliati. 103 sq.
 Mosi *de origine Universi Histo-*
ria vindicata. 102. 441
 Motus *obreptionis.* 351
subreptionis. 351
quinam non cadat in mu-
sculos? 546
 Mulier *sine curatore quatenus*
possit obligari? 416
in causa matrimoniali
quatenus personam standi in
judicio habeat? 439
 Muratorii (Ludovici Antonii) *Li-*
bri duo de consummata Ita-
lorum Poesi prodituri. 379
 Musculus *nullus admittit mo-*
sum restitutionis. 546
Natura *universalis Egyptio-*
rum Isis. 20
variis nominibus cele-
brata. 21. 22
 Navarette (Ferdinandi) *Relatio*
de Regno China. 153
 Necromantiæ *varia genera.*
 15. 16
- Nervi arterias subeuntes.* 458
 Nicæni *Concilii canon sextus il-*
lustratus. 334
 Nigrinianus *certiori ætati asser-*
tus. 403
 Nomina *animalibus cunctis num*
ab Adamo imposita? 248
 Novilunii *medii numerandi ra-*
tio. 306.
 De Nourry (Nicolaus) *nota-*
tus. 329
 De Numeris *aureis Patrum sen-*
tentia. 321
 Numi *argentei Runis insigniti*
spurii. 36
Samaritani illustrati.
 279
Novi Testamenti. 253
 Numismata *Scotorum.* 165
Saxonica illustrata.
 289. sq. 506. sq.
 Numus *Runis insignis.* 38
aureus Constantini Au-
gusti explicatus. 284
 Nutritionis *animalculi fons* 546
Obligatiōis *natura & varia*
genera. 208
 Occasionalium *causarum systema*
inprobatum. 553
 Odyssea *ab Homero num ante*
Iliadem scripta, aut contra? 76
 Olsnæ *Principatus in Silecia*
num feudum proprium, an im-
proprium? 344
 Opii *vis topica.* 178
 Cum Optica *Acustica convenit.* 540

Oraculorum origo.	14	jam confirmatum, dissolvendi.	
Orationes Panegyrica & fune-			496
bres Augusti Buchneri.	449	Pascha anni 1700 per Epactas le-	
Literaria A. Buchne-		gitime non definitum.	320
ri.	450	1707 qua die cele-	
Orcadum Historia Jacobi Wal-		brandum?	309
lace.	159	Paschalis decima quarta nume-	
Origenis Philosophumenon frag-		randeratio.	309
mentum.	88	decima quarta ex Pa-	
Osiris & Isis qualia apud Ægy-		trum sententia.	320
ptics Numina?	19 sq.	canon antiquissimus.	
Ossa Lyidae Marsupialis.	110		320
Ossium nutritio.	346	cycli notitia.	321
De Ovalle (Alphonfi) Relatio de		Paschatis celebratio quando hoc	
Regno Cili.	155	saeculo controversa?	309
Oviparorum & Viviparorum dif-		Pastores cur odiosi Ægyptii?	488
ferentia.	545	S. Pauli Epistolarum Expositio.	
Ovulum cum utero quando &			476
quomodo connectatur?	546	Peccata tria quatuorve quo sem-	
P ædobaptismi origo ex mente		su memorentur Amos?	489
Antonii van Dale.	525	Peccatum ad meriem quale di-	
Palatinatus Saxonia cum Electo-		catur i. Job I', 16?	271
ratu connexus.	342	Penates Dii qui & quam varii	
Palatinos Comites inter & Do-		Gentilibus?	11
ctores lis de precedentiia.	493	Penis structura singularis in Mar-	
		supiali.	113.
Pallacopæ, alvei, descriptio.	298	Pequinum urbs in China eadem	
Pallavicinus (Sfortia) a censu-		cum Cimbali.	154
ris Bouhoursii vindicatus.	377	Pertinax Imperator cur Janum	
Parabolarum divergentium ge-		in nummo exprimi curavit?	
nera.	33		406
Partus post matris mortem.	287	Petiveri (Jacobi) Botanici elo-	
		gium.	182. 183
Parentum jus in Hollandia libe-		S. Petrus cur tres claves mani-	
rorum conjugium sine suo con-		bus gestans in veteribus pē-	
sensu initum, nisi concubitu		fluris representetur?	419
		Ecc e 3	Pha-

Luminis Theoria Newtoniana.	540	crescunt.	483
		atmosphæras habent.	484
Luna Tellure densior	541		484
Lunæ theoriâ novam Isaacu		in plures dissolvun-	
Newton invenit.	540	tur.	484 485
densitas quomodo se ha-		divisa rursus coale-	
beat ad densitatem Terræ?	541	scunt.	484
		moventur.	485
Lutherani & Reformati num in		Maculæ Solaris motus quantitas.	686
fundamento fidei consentiant?	139 sq.		
Lutheranismi Historia Secken-		Macularum in Sole loca sine in-	
dorfi. una supplementum.	256	strumentis observandi metho-	
Lutheranos inter & Reformatos		dus.	486
num speranda unio?	365	Magistratui Politico jus in Epi-	
	qualis	scopos negatum.	132
in Fide consensus?	391	Magneticæ acus inventio.	152
Lutheranus num salva conscien-		Magnia Urbica num Maxentio	
tia ad sacram cum Reformat-		Augusto fuerit nupta?	400
tis; Cœnam accedere possit?	368	Caro, Carini & Nume-	
		riani Patri, vindicata.	402
Lux intra viscera Terræ quo-		Mammæarum structura.	457
modo producat?	542	Manium evocatio & consultatio	
Luzonis Philippinarum Insula-		quomodo invaluerit?	14
rum præcipua stirpium Histo-		Marcelli Sideta de Medicina ex	
ria.	183	Piscibus Carmen Græce &	
Lygii & Quadi, Silestorum ma-		Latine cum notis editum.	326
jores, num a Slavîs Poloniis		Marsupialis Americani maris	
plane fuerint oppressi?	259	partes genitales.	110
Lymphatica vasa Vicussenii.	454	Martis operandi ratio.	180
	457	Matrimonia quænam prohibita?	
			315 sq.
M Abillonii (Joannis) de Scri-		In Matrimonialibus causis cau-	
ptoribus Benedictinis o-		tio pro reconventionem & ex-	
pus promissum.	420	pensis non est præstanda.	380
Maculæ Solares.	483	Matrimonialis Processus Electæ.	
magnitudine differunt.	483		439
		Matrim-	

- Matrimonium quatenus Lushe-
rano cum Reformata, & vi-
cissim, permixtum? 369
 cum puella annis vi-
ginti minore, aut adolescente
viginti quinque annis minore,
sine parentum consensu ini-
tum, cui panis sit obnoxium
in Hollandia? 496
Medicina defectus unde? 42
Mediolanensis Ecclesiæ Juris Me-
tropolitanæ antiquitas in du-
bium vocata. 334
Medulla ossium an sentiat? 346
Melchisedecus in Homero depre-
hensus. 83 sq.
Menagius notatus. 329
Mendaciorum libri. 219
Menses per mammas erumpen-
tes. 387
Mensium suppressionis causa. 176
 cura. 177
Menstrui fluxus causa & pletho-
ra. 175
 periodorum causa. 175
 terminus ultimus. 176
 phenomena. 174
Menstruus sanguis ut profluat? 455
In Mente est sensorium commu-
ne. 60
Mercatorii libri num vim habe-
ant documenti guarentigati? 380
Mercurii vis emmenagoga. 180
 altitudo in barometro
 pro diversa huius super Tellu-
ris superficie elevatione quo-
modo variet? 542
 in eadem elevatione va-
riat. 543
 ascensu & descensu
causa in Barometro. 543
Metallifodinæ Regalibus vindi-
cata. 342
Inter Metallifodinam conceden-
tem & fodinarum cultores
contractus velut emphyteuti-
cus. 343
Methodus observandi loca ma-
cularum in Sole sine instru-
mentis. 486
Metropoles Ecclesiastica quomo-
do primitus instituta? 331. 333
 Politica quæ olim
 Romanis fuerint? 332
Metropolium Italicarum, præ-
ter Romanam, antiquitas in
dubium vocata. 334
Miles (Thomæ) de Operibus S.
Cyrilli Hierosolymitani meri-
ta. 1 sq.
Minos Homeri, Abrahamus. 80
Mvæ quid? 254
Monachorum in Anglia artes,
quibus aliorum jura invase-
runt. 196 sq.
Monasteriorum Benedictinorum
Historia. 417
Monsonis (Wilbelmi) Disserta-
tiones ad rem navalem spe-
ctantes. 155

- Morbus *Phanicus Hippocratis* 458
est Elephantiasis Arabum. 334
 Moscovia *literarum hodie studio* 403
dedita. 240
 Moscoviæ *Imperatoris cura studiorum promovendorum.* 383
 Moles *sub Typhonis nomine notatus.* 23
G. S. Stephanus circummerum familia Jacobi conciliati. 103 sq.
 Moſis *de origine Univerſi Hiſtoria vindicata.* 102. 441
 Motus *obreptionis.* 351
subreptionis. 351
quinam non cadat in muſculos? 546
 Mulier *sine curatore quatenus poſſit obligari?* 436
in cauſa matrimoniali quatenus perſonam ſtandi in judicio habeat? 439
 Muratorii (Ludovici Antonii) *Libri duo de conſummata Italicorum Poſſi prodituri.* 379
 Muſculus nullus admittit motum reſtitutionis. 546
Natura *univerſalis Egyptiorum Iſis.* 20
variis nominibus celebrata. 21. 22
 Navarette (Ferdinandi) *Relatio de Regno Chine.* 153
 Necromantiæ *varia genera.* 15. 16
 Nervi *arterias ſubeuntes.* 458
 Nicæni *Concilii canon ſextus illuſtratus.* 334
 Nigrinianus *certiori ætatis aſſertus.* 403
 Nomina *animalibus cunctis num ab Adamo impoſita?* 248
 Novilunii *medii numerandi ratio.* 306.
 De Nourry (Nicolaus) *notatus.* 329
 De Numeris *aureis Patrum ſententia.* 321
 Numi *argentei Runis inſigniti ſpurii.* 36
Samaritani illuſtrati. 279
Novi Teſtamenti. 253
 Numismata *Scotorum.* 165
Saxonica illuſtrata. 289. ſq. 506. ſq.
 Numus *Runis inſignis.* 38
aureus Conſtanti Auguſti explicatus. 284
 Nutritionis *animalculi ſons* 546
Obligatiſſimis *natura & varia genera.* 208
 Occaſionalium *cauſarum ſyſtema improbatum.* 553
 Odysſea *ab Homero num ante Iliadem ſcripta, aut contra?* 76
 Olſnæ *Principatus in Sileſia num feudum proprium, an improprium?* 344
 Opii *vis ropica.* 178
 Cum Optica *Acuſtica convenit.* 540
 Ora-

Oraculorum origo.	14	jam confirmatum, dissolvendi.	
Orationes Panegyrica & funebres Augusti Buchneri.	449	Pascha anni 1700 per Epistolas legitime non definitum.	496
Literarie A. Buchneri.	450	1707 qua die celebrandum?	309
Orcadum Historia Jacobi Wallace.	159	Paschalis decima quarta numerandaratio.	309
Origenis Philosophumenum framentum.	88	decima quarta ex Patrum sententia.	320
Osiris & Isis qualia apud Aegyptios Numina?	19 sq.	canon antiquissimus.	320
Ossa Lysidea Marsupialis.	110		320
Ossium nutritio.	346	cycli notitia.	321
De Ovalle (Alphonfi) Relatio de Regno Cili.	155	Paschatis celebratio quando hoc saeculo controversa?	309
Oviparorum & Viviparorum differentia.	545	Pastores cur odiosi Aegyptii?	488
Ovulum cum utero quando & quomodo connectatur?	546	S. Pauli Epistolarum Expositio.	476
P edobaptismi origo ex mente Antonii van Dale.	525	Peccata tria quatuorve quo sensu memorentur Amoso?	489
Palatinatus Saxonia cum Electoratu connexus.	342	Peccatum ad meriem quale dicatur 1. Job V, 16?	271
Palatinos Comites inter & Doctores lris de precedenti.	493	Penates Dii qui & quam varii Gentilibus?	11
Pallacopæ, alvei, descriptio.	298	Penis structura singularis in Marsupiali.	113
Pallavicinus (Sforzia) a censuris Bourbonfi vindicatus.	377	Pequinum urbs in China eadem cum Cambalu.	154
Parabolarum divergentium generæ.	33	Pertinax Imperator cur Janum in nummo exprimi curavit?	406
Partus post matris mortem.	287	Petiveri (Jacobi) Botanici elogium.	182. 183
Parentum jus in Hollandia liberorum conjugium sine suo consensu initum, nisi concubitu		S. Petrus cur tres claves manibus gestans in veteribus picture repræsentetur?	419
		Eec c 3	Pha-

Pharyngis <i>musculi</i> .	467	Possessio <i>contra singulos acquisita num noceat universitati?</i>	438
Philo <i>illustratus</i> .	87	Possessorii <i>processus in foro Ele-</i>	437
Philosophandi <i>methodus certa</i> .	544	Possessorium <i>summarium qua-</i>	437
Philosophicarum <i>Meditationum</i>		<i>tenus contra Principem va-</i>	438
<i>opus magnum Bernardi Tar-</i>	550. 552	<i>leat?</i>	438
<i>visini</i> .		Potteri (Joannis) <i>Archæologia</i>	
Philosophorum <i>Gentilium vitia</i>	54	<i>Græca commendata.</i>	126
<i>notata.</i>		Potus <i>aversatio in hydrophobi-</i>	
A Phœniciis <i>Græcorum Theogo-</i>	12. 13	<i>cis unde?</i>	118
<i>nia derivata.</i>		<i>via ad renes.</i>	456
Photii <i>Historia Manichæorum</i>	9	De Præcedentia <i>controversia va-</i>	492
<i>edenda.</i>		<i>rie.</i>	492
Πωτιζόμενος <i>qui S. Cyrillo?</i>	7	Precum <i>primariarum Jus in Ger-</i>	428
Pighius (Stephanus) <i>notatus.</i>	87	<i>mania quodnam?</i>	428
Planetæ <i>habitantur.</i>	541	Presbyteriani <i>num in Anglia re-</i>	
Plantarum <i>Historie Joannis Raji</i>	180	<i>Et se separarint ab Ecclesia</i>	236. 238
<i>Tomus III.</i>		<i>Anglicana?</i>	239
<i>ingens incrementum.</i>	181	Presbyterianorum <i>Ministri num</i>	
Plato & Philosophi <i>Græci alii</i>	517. 524. 527	<i>legitime sint ordinati?</i>	239
<i>num que ex Scriptura S. hau-</i>		Presbyterorum <i>Cardinalium Ba-</i>	
<i>serint?</i>		<i>silica.</i>	528
Plethora <i>est mensuræ fluxus cau-</i>	175	De Processu <i>Executivo monita.</i>	436
<i>sa.</i>		<i>Cambiali monita.</i>	437
Plutarchi <i>Alexandrini Proverbia</i>	89	<i>Possessorio notabi-</i>	
<i>Græca publicata.</i>		<i>lia.</i>	439
Plutarchus <i>Charonensis illustra-</i>	329	<i>Matrimoniali nota-</i>	437
<i>tus.</i>		<i>bilis.</i>	437
Pœnitentiarum <i>Presbyteri in Eccle-</i>	167	Processus <i>Saxonici Ordinatio il-</i>	379
<i>sia institutio & abrogatio.</i>		<i>lustrata.</i>	379
Poloni <i>num unquam Imperato-</i>	259	<i>in foro alius ordinarius,</i>	
<i>ribus Germanie fuerint tri-</i>		<i>alius summarius, & hic vel re-</i>	436
<i>butarii?</i>		<i>gularis, vel irregularis.</i>	436
Pontificis <i>Romani decreta num</i>	106	Pro-	
<i>censura possint subijci?</i>			

Prophetia prima de Messia Phylifice explicata. 545	querela adversus adversarios & defensio. 426
Protestationis Evangelicorum Imperii Statuum Historia. 536	R Abbini haud optimi de Antiquitatibus Hebraeorum, testes. 102
Psalterium Davidis Ethiopice. 64	Rationis & Fidei consensus. 440
Ptolomæi, Lagos & Philadelphus, num auctoritatem suam interposuerint, ad S. Bibliorum Græcam seu septuaginta viralem versionem conficiendam? 510	Ravennatenſis Ecclesia jus Metropolitanum discussum. 331 334
Ad Pufendorſianæ Philoſophie Moralis exemplar componenda Theologia Moralis. 562	Rawleigh (Walteri) artes, quibus in aula Eliſabethæ aditum ſibi ad altiora paravit. 432
In Pulmonibus, liene & peneſanguincorum vaſorum communicationes. 214	In Reconventionem non attenditur privilegium ſori de non-avocando. 380
Pulmonum ulcus ex variolis curatum. 211	Reformati & Lutherani num in fundamento fidei conſentiant? 139 ſq.
Ex Pulvere pyrio tabaco admixto oculi læſura & mors. 287	Reformatos inter & Lutheranos num ſperanda unio? 365
Punctum lucidum in macula Solarum micans. 486	qualis in Fide conſenſus? 391
Purgantium operatio inconfans unde? 177	Reineſius notatus. 324
Pyrrhonismus deſtructus. 442	Religionis Chriſtiana propagata tres periodi. 332
Pythonis ſpiritus nil aliud, quam ſpiritus divinationis. 15	Remonſtrantium in Belgio Hiſtoria. 50
Q uaſi contractuum quorſpecies? 208	Renum ſtrutura. 460
Quesnellii (Paſchaſii) fata & obſervantia Jansenismum propugnatum. 421 ſq.	Reſiſtentia mediæ in motu projectionum meſura. 540
accuſationis capita. 422	Reſpiratio inſuiſ in motum cordis. 546
ſcripta. 425	Reſpublicæ cur factionibus obnoxia? 39
	Judaica ſtatus qualis

<i>lia & olim & tempore Ap-</i>	<i>Salii Sacerdotes quinam olim?</i>
<i>stolorum furii?</i>	332
<i>Restitutio in integrum ob reve-</i>	<i>Salivæ natura.</i>
<i>rentiam denegata.</i>	434
<i>Rittershusianæ tabula Genealo-</i>	<i>Salmafius notatus.</i>
<i>gica emendata.</i>	257
<i>Rituale Ecclesiarum Evangelica-</i>	<i>De Salute æterna num quis Re-</i>
<i>rum.</i>	106
<i>Ritus in Ecclesia, præter eos, qui</i>	<i>formatus certus esse possit?</i>
<i>præcepti sunt a Deo, consti-</i>	143
<i>tuendi libertas & necessitas.</i>	<i>Samaritani nummi illustrati.</i>
234 sq	279 sq.
<i>ab Apostolis constituti qua-</i>	<i>Samaritanorum reliquia.</i>
<i>les?</i>	235
<i>Roberti II Scotia Regis uxor an</i>	<i>Samothracæ Dii, qui fuerint</i>
<i>concubina fuerit Elisabetha?</i>	<i>Gentilibus?</i>
162	11
<i>Romæ veteris & Nova elegan-</i>	<i>Sanchoniathonis Historia ex Mo-</i>
<i>tissima descriptio.</i>	<i>se derivata.</i>
478	12
<i>Romana Ecclesia ut a Petro &</i>	<i>num qua cum</i>
<i>Paulo fuerit fundata?</i>	<i>Scriptura S. concordia?</i>
313	526 sq.
<i>Ad Romani Imperii normam</i>	<i>Sancti Benedictini.</i>
<i>num primitus Ecclesia fuerint</i>	417
<i>instituta?</i>	<i>Sanguineorum vasorum commu-</i>
331	<i>nicationes in pulmonibus, lie-</i>
<i>Runæ in nummis vetustis inven-</i>	<i>ne & pene.</i>
<i>ta.</i>	214
36	<i>Sanguinis pressio diversa morbo-</i>
<i>De Rustica Re fragmenta Gra-</i>	<i>rum est author.</i>
<i>corum.</i>	57
183	<i>transitus per cor em-</i>
<i>S Abæorum secta.</i>	<i>bryonis.</i>
220	121
<i>libri.</i>	<i>Sanguis ut in tanta copia per pul-</i>
222	<i>mones corruptos & obstructos</i>
<i>Sacerdotes Salii quinam Gentili-</i>	<i>transire possit?</i>
<i>bus?</i>	213
534	<i>Sanfonius (Nicolaus) laudatus &</i>
<i>Saliæ Cæna unde dicta?</i>	<i>notatus.</i>
536	557
<i>De Salignac (Franciscus) Ar-</i>	<i>Saturnus & Isis idem.</i>
<i>chiepiscopus Cameracensis no-</i>	23
<i>tatus.</i>	<i>Satyrarum novarum liber.</i>
77	312
	<i>Saxonæ Palatinatus cum Ele-</i>
	<i>ctoratu junctus.</i>
	342
	<i>Electorum ut Marchio</i>
	<i>utriusque Lusatia Nobilita-</i>
	<i>tem conferre possit?</i>
	513
	<i>Ele-</i>

NOTABILIORUM.

191

<i>Electoris Jus gladium</i>	Exod. XXXII. 6.	24
<i>vagina nudatum Imperatori</i>	Judic. XVII.	15
<i>in solennibus processionibus</i>	1. Sam. XXVIII. 7. sqq.	16
<i>preferendi.</i> 531	Psal. XXVIII. (XXIX.) 6. 67.	
<i>officium gestandi vexil-</i>	Esa. XII. 3.	282
<i>lum Imperii majus.</i> 532	Hosea XIII. 2.	24
<i>jurisdictio in buccina-</i>	Amos. I. 3.	489 sq.
<i>tores & tympanistas.</i> 532	V. 26.	12
<i>in Comitibus Imperii di-</i>	Matth. XXIV. 30.	216
<i>rectorium in causis Epangelicis</i>	Joh. VII. 37.	282
533	Act. VII. 74.	103
<i>dignitas supremi Ve-</i>	XVI. 16.	15
<i>natoris Imperii.</i> 533	Gal. V. 1.	336
<i>Saxonice Domus Numismata</i>	1. Joh. V. 16	270
<i>illustrata.</i> 289. sq. 500 sq.	Jacob. II. 14. sqq.	273 sqq.
<i>Jus Advocatie in Ab-</i>	Hebr. I. 1.	393
<i>batiam Walckenredersem.</i> 411	IX. 4.	280
<i>Saxonici Processus Ordinatio il-</i>	XI. 35. 36.	393
<i>lustrata.</i> 379	<i>A Seckendorf (Viri Ludovici)</i>	
<i>Saxovivensis Archiepiscopi in Ita-</i>	<i>viis.</i> 232	
<i>lia claritudo.</i> 268	<i>Seckendorffianæ Historia Lube-</i>	
<i>Schisma novum in Anglia re-</i>	<i>ranium supplementum.</i> 256	
<i>gnante Wilhelmo exortum.</i> 13.	<i>Secundinarum retentorum cura.</i>	178
<i>Schismatis num rei sint, qui ab Ec-</i>	<i>Semen animalium innumera-</i>	
<i>clesia Anglicana discefferunt?</i>	<i>animacula continet.</i> 545	
237	<i>Semina se habent instar ovorum.</i>	276
<i>In Scholiis Græcis veterum allega-</i>	<i>Sensorium commune in mente est.</i>	60
<i>torum scriptorum indices.</i> 325	<i>Sententia adversus universitatem</i>	
<i>Scotix Regum Majestas in con-</i>	<i>Syndicum non habentem lita</i>	
<i>troversiam vocata.</i> 159	<i>transfere in rem judicatam?</i>	380
<i>Genealogia.</i> 162	<i>Septuagintaviralis versionis Biblio-</i>	
<i>Scotica Bibliotheca Historica.</i> 156	<i>rum Dialectus Alexandrina.</i> 510	
<i>Scotorum cum aliis gentibus fa-</i>	<i>Fff f</i>	<i>Ser</i>
<i>dera.</i> 159		
<i>Scripturæ S. loca illustrata</i>		
<i>Gen. II. 18. 19. 20.</i> 247		

<i>Historia integra.</i>	512	ro apud Belgas non sunt di-	
Serpentum cultus apud Fidenfes.		versa.	495
	256	Spotswoodi (Johannis) scripto-	
Sherardi (Guilielmi) Botanici		ris Historia Ecclesiastica Sco-	
elogium.	182	torum elogium.	163
De Sybillinis oraculis judicium.	376	Stanlejus (Thomas) notatus.	89
Silefii Imperatoribus Germania		Statuarum origo & cultus.	17. 18
olim tributarii ac subjecli.	259	Steatomatis origo.	469. 470.
Silefiorum nomen unde natum?		Stegeri (Adriani) vita.	232
	258	S. Stephani Aët. VII. 14 capita	
Majores.	258	75 Familia Jacobi numeran-	
Historia.	259	tis sententia cum Mose con-	
Simulacrorum cultus origo.	17	ciliata.	103 sq.
Sixti V editio versionis Bibliorum		Stephanus (Henricus) notatus.	
vulgata fueritne revocata?	516		124.
Slavi Poloni num Lygos & Qua-		Strada (Famianus) a Bouhour-	
dos Silefiorum majores plane		fii pellicationibus vindicatus.	
opprefferint?	259		377
Slezer (Johannis) Theatrum Sco-		Struvii (Georgii Adami) Vita	
tia.	158	& scripta.	127
Sloane (Hans) Historia Stirpium		adversarii.	131
Jamaicensium.	182	Stryckianum Juris Feudalis Exa-	
Sociniani refutati.	394	men illustratum.	341
Socrates cum Socrate confusus.		Strypius, Scriptor vite Cranmeri,	
	324	laudatus.	157
Sodomix excidium ab Homero		Successio hereditariorum feudo-	
descriptum.	81	rum qualis in Hollandia? 499	
Soporosorum affectuum nota		Suidas notatus.	325
characteristica.	58	Summatorii calculi origo.	34
Spasmodum differentia.	60	Summatorius & differentialis	
Spasmus quid?	59	calculus quomodo differant?	
Specierum immutatio an possibi-			35
lis?	407	Sutherlandi (Jacobi) Horius	
Sponsalia num semper conditione		Medicus Edinburgensis.	158
non impleta irrita fiant?	495	Synodus Seleucia in Isauria A. 359	
de presenti & de futu-		congregata.	4
			Sy-

Systoles cordis instrumentum. 547	vata. 230
Systole quomodo fiat? 547	Theophili cyclus notatus. 321
T abula Hermetis Smaragdina	Theraphim qui? 13 sq.
Chimie sublimioris & Lapidis Philosophici theoriam continet. 253	& Cherubim num iidem? 14
Tacitus illustratus. 282	Thesaurus (Emanuel) notatus & excusatus. 379
Τάλαντον quid? 254	Ticinenfis Gymnasii Historia & Vindicia. 394 sq.
Tarvisinæ Gentis Nobilissima origo & Viri docti. 550 sq.	amiquitas. 396
Tassus (Torquatus) contra Bourbonsum vindicatus. 372	Tituli Cardinalium explicati. 528
Templorum origo. 14. 17	Tormentorum usus ab iniquitate vindicatus. 500
Terra est Planeta. 541	Tournefort (Josephi Pittoni) Plantæ novæ in Orientalibus regionibus observata. 183
Terræ interior structura. 541. 542	Tragicorum Poetarum Græcorum deperditorum notitia. 324
diameter quanta sit? 541	Tridentinum Concilium epistolis quorundam Hispaniæ Episcoporum illustratum. 246
semidiameter quanta? 542	quantas turbas inter ipsos Pontificios dederit? 247
Testamenta eorum, qui in Indias navigant. 498	S. Trinitatis mysterium rationi conciliatum. 445
Testamenti Veteris Librorum Apocryphorum recensio. 338 sq.	Tristatus notatus. 403
Testamentum Novum cum versione & annotationibus Erasmi accuratius in nova Erasmi operum editione proditum. 482	Tutores ob quam culpam removeri jure Civili potuerint? 497
Testes faminea ovaria. 546	Tympani aurium structura. 465
Theocratia in Republica Hebræorum. 100	Typho idem qui Moses. 23
Theologiæ Moralæ nova systemata. 558. 559. 560.	V ailantius notatus. 37
Scriptores 561	Ex Variolis ulcus pulmonum curatum. 211
Theologicæ veritates num omnes fundamentum fidei continent? 140	Vasa secretoria & excretoria quæ? 454
Theologorum nostra ætate Clarissimorum Memoria reno-	Vasorum corporis humani systema

596 INDEX RERUM NOTABILIORUM,

<i>ma novum.</i>	453	<i>quot alas homines?</i>	543
Venæ capæ perforatio ab arte-		Uratislavienſium quot arma ge-	
riis ſpermaticis Marſupialis.		rere valeant?	543
	III	Uteri prolapſus verus.	287
Venarum tunica.	459	uafa veſiculoſo - lymphaticæ.	455
Ventriculi vulnus tranſverſim		humani textura.	455
inſiſtulum curatum.	287	membrana.	455
fermenti origo.	457	ovilli membrana.	455
Verſiones Græcæ Veteris Teſta-		Vulgatæ Bibliorum verſiones	
menti veræ alia, alia conſiſtæ.		quantum inter ſe diſcrepent?	
	516 ſq.		516
Veſta cur κεκροφόε nuncu-		Uvula ad auditum facit.	470
pata?	21. 22	Uvulæ muſculi.	467
Veterum eruditio vindicata.	42	W alckenredenſis Abbatia Hi-	
Victorii cyclus notatus.	321	ſtorica Deſcriptio.	400
Viſus cum auditu convenit.	540	Advocatia penes	
Vituli aurei in deſerto figura. 18		quos fuerit?	410
cultus Iſraelitarum quor-		Walckenredenſium Scriptores.	
ſum ſpectari?	24		410
Ulcus pulmonum ex variolis cu-		Wallace (Jacobi) Hiſtoria Orca-	
ratum.	211	dum,	159
Ulyſſes apud Homerum non u-		Waltonus notatus.	523
nus.	75. 72. 80.	Wittenii (Henningii) Memoria	
Voffius (Iſaacus) notatus.	298	Theologorum continuata.	230
refutatus. 508. ſq. 519. ſq.		Wittenius (Henningius) notatus.	
(Gerb. Job.) notatus. 329			435
Urachi in fœtu humano perfora-		X. nophontea chronologia. 310. 311	
tio.	122	Zeni (Apſtoli) ſcripta edita &	
Uratſlavia Sileſorum metropolim		edenda.	550 ſq.
centum Anagrammatibus ce-		Ziegleri (Caſparis) vita.	232
lebrata.	300		

* * * * *

Österreichische Nationalbibliothek



•Z 85787309





